



Ebe-No-Pfuase  
Ishobo Onogbo

Ivbie North-Okpela-Arhe New Testament

## Contents

iMatiu	1
iMaki	53
iLuku	86
Usomhi Onete oyi iJesu iKirisiti ni iJoni O keke	138
Ikanya	176
iRoma	222
1 iKoritia	244
2 iKoritia	265
iGalesha	279
Efisha	286
iFilipia	294
iKolosha	299
1 iTesalonia	304
2 iTesalonia	309
1 iTimoti	312
2 iTimoti	318
iTatosi	322
iFilemō	325
Iburu	327
iJemhisi	345
1 iPita	351
2 iPita	357
1 iJoni	361
2 iJoni	366
3 iJoni	367
iJudu	368
Irokhase	370



## **Ebe-No-Pfuase Ishobọ Onogbọ**

**New Testament in Ivbie North-Okpela-Arhe (NI:atg:Ivbie North-Okpela-Arhe)**

Language: Ivbie North-Okpela-Arhe

Provided by: Wycliffe Bible Translators, Inc.

This print-on-demand edition of Scripture is produced and provided at cost by the Digital Bible Society in partnership with the Bible League of Canada, Open Doors International, and other missions and translation agencies. To order additional copies of this or other Bibles, please visit [www.dbs.org](http://www.dbs.org) (USA), [www.bibleleague.ca](http://www.bibleleague.ca) (Canada), and [www.opendoors.org](http://www.opendoors.org) (Europe).

### **Copyright and Permission to Copy**

Copyright © 2012 Wycliffe Bible Translators, Inc.

Copyright © 2012 Wycliffe Bible Translators, Inc. Scripture text used by permission.

PDF, ePub, and MOBI Bible covers and design are copyrighted 2017 by the Digital Bible Society ([www.dbs.org](http://www.dbs.org)).

---

PDF generated on 2017-08-24 from source files dated 2017-08-24.

c12d7af1-f682-5def-a6e0-a21aa5d10271

ISBN: 978-1-5313-0059-3

*Usomhi Onete oyi iJesu iKirisiti ni*

## **IMatiu**

*O keke*

### **Unuekpẹ oyi iJesu iKirisiti**

*(iLuk 3.23-38)*

**1** Ona o khi akeke shi eke abi unuekpẹ oyi iJesu iKirisiti Omi iDefidi ni o khi Omi Aburaamu o li ze.

<sup>2</sup> Aburaamu o bia Aziki,

Aziki o bia iGiekopu,  
iGiekopu o bia iJuda  
ali inyoghuo oli nya.

<sup>3</sup> iJuda o bia iPerezi  
ali iZera, okpotso ni o bia we,  
a lu iTama.

iPerezi o bia Ezironi.  
Ezironi o bia iRamu.

<sup>4</sup> iRamu o bia Aminadabu.  
Aminadabu o bia iNashoni,  
iNashoni o bia iSalimoni.

<sup>5</sup> iSalimoni o bia iBoazi,  
okpotso ni o bia iBoazi,  
a lu iRe-abu.

iBoazi o bia Obedi  
ni a lu inyoli iRutu.

Obedi o bia iJese.

<sup>6</sup> iJese o bia iDefidi  
ni o khi oghie.

iDefidi o bia iSolomoni  
ni inyoli o kpe khi ughue Uraya.

<sup>7</sup> iSolomoni o bia iReobuamu.

iReobuamu o bia Abija.

Abija o bia Asa.

<sup>8</sup> Asa o bia iJeoshafati.

iJeoshafati o bia iJeoramamu,  
iJeoramamu o bia Uzaya.

<sup>9</sup> Uzaya o bia iJotamu.

iJotamu o bia Aazi.

Aazi o bia Ezekaya.

<sup>10</sup> Ezekaya o bia iManase,  
iManase o bia Amoni.

Amoni o bia iJosaya.

<sup>11</sup> iJosaya o bia iJekonaya

ali inyoghuo oli nya  
egheghe ni a ro muno

egbo iZireni ighumha je iBabilo.\*

<sup>12</sup> Abi e ke ro rote iBabilo jele,

iJekonaya o bia iShalitienu.

iShalitienu o bia iZerubabeli.

<sup>13</sup> iZerubabeli o bia Abiudu.

Abiudu o bia Eliakimu.

Eliakimu o bia Azori.

<sup>14</sup> Azori o bia iZadoki.

iZadoki o bia Akimu.

Akimu o bia Eliudu.

<sup>15</sup> Eliudu o bia Eliaza.

Eliaza o bia iMataani.

iMataani o bia iGiekopu.

<sup>16</sup> iGiekopu o bia iJosefu,

ni o rue iMeli inyi iJesu shi

ni a lu iKirisiti.

<sup>17</sup> Rote egheghe Aburaamu bhale egheghe iDefidi, e khi agbhotu igbene. Ke rote egheghe iDefidi bhale egheghe ni a ro muno egbo iZireni ighumha je iBabilo, e khi agbhotu igbene. Ke rote egheghe iBabilo bhale egheghe ni a ro bia iJesu iKirisiti, e gbo li khi agbhotu igbene gho.

### **Abi a li bia iJesu iKirisiti**

*(iLuk 2.1-7)*

<sup>18</sup> Abi a li bia iJesu iKirisiti na. Neni iMeli inyoli o ngeli na iJosefu ni oo gue oli. A bhale ya e khi iMeli oo me omo ni o rote obo oyi Ayemhe-ngo-pfuase bhale.†

<sup>19</sup> Itobo khi iJosefu ughuoli, o khi ogbo ni o gue angeli, oo sali shi udu khi loli ya kuegbe-a ri imeli shi eke, ini loli khi yeghe olia ukpeloe agbo.

<sup>20</sup> Abi o lii sa ona shi udu, a geni o bhale deba li alo elena, oo li, "iJosefu

\* **1:11** Li ze 2 Ighie 24.14-15; 2 Okhe 36.10; iJere 27.20

† **1:18** Li ze iLuk 1.27

omi iDefidi, khi ke zë ni ulishi o mu ę abi u li ya rue iMeli shi ughue, irari khi ọmọ ni ọọ mę, obọ oyi Ayemhę-nọ-pfuase ọ te bhale. <sup>21</sup> Ọ ya bia ọmọ ọmọse, eva ni u ya lu ọni ọmọ khi iJesu, irari khi ọ ya mie egbo eyoli olamhę pfuase.”<sup>‡</sup>

<sup>22</sup> Eri a mę enana ni a rọ bhę ya ę khi ingmemhi ni Eshinegba ọ rọte unu oyi ọmekeguele ngme, ni e bhale ya tşę. Ni ọọ, <sup>23</sup> “Ghe khę! Ọmueshi ni ọa lę deba ọmọse ghue ọ ya ke mę ọmọ, ọ bia ọmọ ọmọse, eva oyoli a ya ke lu iManuęni.”<sup>¶</sup> Abi ona o ngme khi, “Eshinegba ọ nu awa la.”

<sup>24</sup> Abi iJosefu ọ rọ guale, ọ riele emini Onomhüę ọ mhęse na li ọ riele, ọ rue iMeli ughue abi Eshinegba ọ gueye ọli. <sup>25</sup> Eri-tşę khi iJosefu ọa tigbe lę deba iMeli, ramhi ni ọ rọ bia ọni ọmọ ọmọse. IJosefu ọ lu eva oyi ọni ọmọ, iJesu.<sup>§</sup>

### **Epfęse ni e rọte obini ovọ o te ę ngale bhale**

**2** Eoli ni a lu iBetileęmu obini eke iJudia a bia iJesu shi, eghęghę ni oghie ni a lu Erodu ọ rọ khi oghie. Emọse eleşingme eghuo e rọte obini ovọ o te ę ngale bhale eke iJerusalemu. <sup>2</sup> Ee mhila, ee lię, “Obo a bia ọni ọmọ ni ọ ya khi oghie oyi egbo iJu shi? Irari khi anye she mę ukpetata oyoli obini ovọ o te ę ngale, loli o zę khi anye bhale ni anye ya ga li.”

<sup>3</sup> Abi ọni oghie Erodu ọ rọ suọ ona, egbe ęa ke sheshe loli ali egbo kpa ni e la iJerusalemu. <sup>4</sup> Ọ luno ighie eyi ekpodalo-ugamhi nya ali esesę Ishi eyi iMosisi kugbe. Ọ mhila wę, ọọ wę, “Obo ę khi a ya bia iKirisiti Omiepfuese shi?” <sup>5</sup> E gueye ọli, “Eoli iBetileęmu na eke iJudia lọ.” “Irari khi ighọ emekeguele e keke shi eke khi:

<sup>6</sup> “iBetileęmu na eke iJudia, ye ye u ga khi ọni ọ mu ęloe nę nya elemhi ęoli eniemhi ni e la eke iJudia. Aye oghie ọ te ya lasele, ni ọ ya ri egbo iZireni khase ode.”<sup>\*\*</sup>

<sup>7</sup> Ighọ oghie Erodu ọ lu eni emọse egho ochi, ọ mhila wę, “Eghęghę onoghuo a rọ mę oni ukpetata?” <sup>8</sup> Ighọ ọ ghie wę je iBetileęmu, ọọ wę, “A ke lę, a kuegbe-a ya nono ọli. A kha da mę ọli ne, a nyenę egbe bhale ya gueye mhę ni mhi li ya ga li.”

<sup>9</sup> Abi e rọ suọ abi Erodu ọ ngme se, e te aghọ fię lasele. Ighọ e gbo mę oni ukpetata ni e kpe mę obini ovọ o te ę ngale. O rę wę khase ode ya ramhi ni o rọ migha ukhomhi oni owa ni ọni ọmọ ọ la. <sup>10</sup> Egbe e mema mu wę abi e rọ mę oni ukpetata. <sup>11</sup> Ighọ e lo elemhi oni owa. Abi e rọ mę ọni ọmọ ali inyoli iMeli, e wugha e ga li. E khueghie ękuę ni e tsua-a, e rue igolu ali afu ituale ali oili ituale ni ęę pfie ni e ghalę somhi ọli opfa. <sup>12</sup> Ighọ Eshinegba ọ tşę agua ye wę alo ęlena e khi gbo nyenę egbe ukhokho deba ọni oghie. Itobọ ighọ e rọte ode olese ya je apfe.

### **A rue iJesu na je eke iJipiti**

<sup>13</sup> Abi eni emọse e rọ je se, aęeni oyi Onomhüę ọ gueye iJosefu alo ęlena, ọọ li, “Erodu ọọ nono ọni ọmọ ọna ni lue gbe ọli-a. Rue ọli ali inyoli na je eke iJipiti. La aghọ ramhi eghęghę ni mhi rọ ya gueye u rọte aghọ vu.” <sup>14</sup> Obili o bi, iJosefu ọ rue ọni ọmọ ali inyoli na je eke iJipiti. <sup>15</sup> Oobọ ọ la ramhi ni oghie Erodu ọ rọ ghu-a. Eri Eshinegba ọ riele ona ni a rọ bhale ya ę khi emini ọmekeguele ọ

<sup>‡</sup>1:21 Li zę iLuk 1.31

<sup>¶</sup>1:23 Li zę Aza 7.14; 8.8,10

<sup>§</sup>1:25 Li zę iLuk 2.21

<sup>\*\*</sup>2:6 Li zę iMika 5.2

ngme khi o bhale ya tşę. Ni ọọ, “Eke iJipiti mhi te lu omi mhe.”††

**Erođu ọ shi ushi a gbolo  
eniye enikeke-a**

<sup>16</sup> Abi Erođu ọ rọ me khi eni emose ni e rọte obini ovo o te ę ngale bhale egbo khi e di luę, Elemhi ee bi ọ egbegbo. Ọ shi ushi a gbolo eniye emose enikeke ni e la ęoli iBetilemu ali ęoli ni e la gase ọli-a nya. Eniye rọte ikpe eva tiemhi eke, abi eni epfese e gueye oni oghie egheghe ni e rọ me oni ukpetata.

<sup>17</sup> Abi a li me ọli ena, o ri ungmehi ni omekeguele iJeremaya ọ ngme bhale ya tşę.

<sup>18</sup> “A suọ okokokhue eke iRama,<sup>‡‡</sup> ni o khi oyi evię, ali evię oya. IReche ọọ vię imi ọli, Àá yeşę ọli, ọa zę yeşę, irari khi imi ọli e ghulo-a.”

**IJosefu ali apfọli e rọte  
eke iJipiti jele apfe**

<sup>19</sup> Erođu ọ ghu-a se, aęeni oyi Eşhinegba ọ bhale deba iJosefu alo ęlena obini eke iJipiti. <sup>20</sup> Ọọ, “IJosefu, vule, rue omię ali ughue, a ke je eke iZireni irari khi eni ęę nono ni wewe e gbe oni ọmo-a, e she ghuloa.”

<sup>21</sup> Igho iJosefu ọ vule, ọ rue oni ọmo ali inyọli, ọ nyene egbe je eke iZireni. <sup>22</sup> Eri-tşę khi abi iJosefu ọ rọ suọ khi Achelus ọ ke shito ukpekhomhi oyi itali shi eke iJudia, ulishi o mu ọli ọa gbudu

je oobo, ọ ri ochoghọ ya je obini eke iGalili abi aęeni ọ she kpe tse agua ye ọli. <sup>23</sup> Ọ ri iNazareti mele apfe oyọli-a. Irarigho, ungmehi ni emekeguele e ngme, o bhale ya tşę. Ni ọọ. “A ya ke lu ọli ọngi iNazareti.”¶¶

**IJonni Oni ọọ batazi egbo ọọ tse abo  
(iMak 1.1-8; iLuk 3.1-18; iJon 1.19-28)**

**3** Ikpe ni e bu e doşę, iJonni Oni ọọ batazi egbo ọ lasele shi elemhi ọdagbe ifufu na eke iJudia, ọọ tse abo. <sup>2</sup> Ọọ lie, “A rọte olamhe eye ę mu pfi irari khi Eghiele oyi Eşhinegba o she ti bhale.”§§ <sup>3</sup> Ingme oyi iJonni ona, Azaya omekeguele ọọ ngme abi ọ rọ lie, “Ogbo oghuo ọ la elemhi ọdagbe ifufu ę tşęşę, ọọ lie, ‘Be ode-a na Onomhue rọte, be ọli sheshe.’”\*

<sup>4</sup> Itsua ni iJonni ọ rọ so, iriria akphere a rọ do we. Ọ ri ogbene ekuę ęlamhi mu oku. Initso ali oribo e khi eminale eyọli.†

<sup>5</sup> IJerusalemu ali eke iJudia ali edeli ni e mama okę iJodani nya egbo e rọte e bhale ni e suọ ungmehi oyọli. <sup>6</sup> Ọ la elemhi okę iJodani batazi egbo, ee zono olamhe eyewe lasele.

<sup>7</sup> Abi iJonni ọ rọ me khi egbo otu iFarisi ali iSadusi ni e bu e bhale deba li ọ batazi wewe, ọọ we, “Eę enye ali imi enye! Oghuo ọ tse agua ye ę, a na, khi anasemhe ọọ bhale ni Eşhinegba ọ ya ghie ghi e?‡ <sup>8</sup> A ke ngeli ingeli eni e ya rokhasę khi a she mu pfi. <sup>9</sup> A khi ke sa khi a ya na pfue anasemhe ini a da lie, ‘Aburaamu ọ khi itita anye.’ Itobo khi Eşhinegba ọ dobe ya rọte eche ena

††2:15 Li zę *Osia 11.1*

‡‡2:18 Li zę *iJere 31.15*

¶¶2:23 Li zę *iMak 1.24; iLuk 2.39; iJon 1.45*

§§3:2 Li zę *iMat 4.17; iMak 1.15*

\*3:3 Li zę *Aza 40.3*

†3:4 Li zę *2 Ighie 1.8*

‡3:7 Li zę *iMat 12.34; 23.33*

wolo eniye lasele na Aburaamu.<sup>¶10</sup> A she to uze so udi oara. Oara ni o a da mo umomhi onete ne, a ya khi oli pfilo erali.<sup>§</sup>

<sup>11</sup> “Ame mhi ro o batazi e memena, irari khi a she mu pfi. Ogoese ni oo bhale ikpukhokho oyemhe, o fu dose mhe. Mhi a fe fute oni o tsua eku oyoli eke. Loli o ya ri Ayemhe-no-pfuase ali erali batazi e. <sup>12</sup> O mu ukpokpo ni a to akhuli ni o ze epfia so mhue obo oyoli, ni o ro ya ke ghiaghie we, o pfi efue ado-a, ashini a la kpishi we. Oo ti we gbili shi ashini a ri eminale e shi, eni efue we egbo, o ya ri erali ni ea ya pfua ghue tose we-a.”

### Abi iJesu o li batazi

(iMak 1.9-11; iLuk 3.21-22)

<sup>13</sup> IJesu o ya rote eke iGalili bhale oko iJodani ni iJoni o batazi lu. <sup>14</sup> IJoni, oo nono ni loli khu iJesu oni ibatizi, oo iJesu, “Ye ye u kha batazi mhe, se u ke gbo li bhale deba mhe mhi batazi e?”

<sup>15</sup> IJesu o soli o, oo li, “Iye. Kie ze ni awa lina rie le oli eghege ona, ni awa me asha ri ogueme oyi Eshinegba gbe akanya pfo.” IJoni o lama shi oli o.

<sup>16</sup> A batazi iJesu se, khi o lese na rote elemhi oko ngale eso egele, o me khi idane o khueghie a. Igho o me khi Ayemhe oyi Eshinegba o li abi anekukhu tiemhile bhale ya ma li egbe.

<sup>17</sup> A suo khi uruli o rote idane ngme, oo li, “Omi mhe ni mhi nono ingme oyoli na, ni o ri egbe e mu mhe.”\*\*

### Imufe oyi iJesu

(iMak 1.12-13; iLuk 4.1-13)

**4** Ayemhe o rue iJesu je odagbe ifufu ni Okphaghie o me asha mu oli fe.<sup>††</sup>  
<sup>2</sup> Abi iJesu o ro pfi azumhi ogbele egbhueva se, okiamhi oo gbe oli. <sup>3</sup> Igho Okphaghie o bhale deba li, oo li, “Ini o khia khi Omi Eshinegba u khi, nu eni eche ena ngme ni e mele eminale-a ne ni u le.”

<sup>4</sup> IJesu oo li, “Ebe-no-pfuase o ngme ghokhi:  
 “Oa khi eminale tse,  
 o ri agbo a na ogbo,  
 ama ungemhi ni  
 o rote Eshinegba unu lasele kpa.”\*\*

<sup>5</sup> Igho Okphaghie o rue iJesu je iJerusalemu, eoli no pfuase. O rue oli ya nga apfiemhi ashini o yagha ne shi Owa Oyi Eshinegba ya migha. <sup>6</sup> Oo iJesu, “Ini o khi Omi Eshinegba u khi, rote ukhomhi ana ji ya tiemhi ekekhe.” Irari khi Ebe-no-pfuase o ngme oli khi:

“Eshinegba o ya  
 ri unu na igeni eyoli  
 e ri eloe shi e egbe  
 e kpe abo mu,  
 Ini u khi khi owe  
 shi eche.”¶¶

<sup>7</sup> IJesu oo li, “A gbo li keke o shi Ebe-no-pfuase khi, ‘Khi mu Eshinegba Onomhue oye fe bino.’”§§

<sup>8</sup> Igho Okphaghie o rue iJesu nga ukhomhi ute ni o lolo yagha, o ga ri eghele ni e la agbo ona nya ali isomhotse oyewe khase oli. <sup>9</sup> Oo li, “Ena

¶3:9 Li ze iJon 8.33

§3:10 Li ze iMat 7.19

\*\*3:17 Li ze Igbae 22.2; iwolo 2.7; Aza 42.1; iMat 12.18; 17.5; iMak 1.11; iLuk 9.35

††4:1 Li ze Iburu 2.18; 4.15

‡‡4:4 Li ze iDeut 8.3

¶¶4:6 Li ze iwolo 91.11,12

§§4:7 Li ze iDeut 6.16

nya mhi ya rọ ọ ni ini u lẹsẹ nyẹsẹ ukhomhi ga mhe.”

<sup>10</sup> IJesu ọọ li, “Vu mhe alo-a, Okphaghie! Ebe-no-pfuase oó lie, “Nyese ukhomhi na Eshinegba Onomhue oye, lolighuo kpe wa ke ga.”\*\*

<sup>11</sup> Igho Okphaghie o ze iJesu obo, igeni e bhale ya kpaghie oli obo.

### IJesu o rọte iGalili gba ikanya eyoli eke le

(iMak 1.14-15; iLuk 4.14-15)

<sup>12</sup> Abi iJesu o rọ suọ khi a mu iJoni shi owa ighumha, o nyene egbe je edeli iGalili.† <sup>13</sup> Oa migha iNazareti, o je iKapantomu, edeli ni o la ukiekie oke iGalili ni o la eke iZebulo ali iNafutali.‡ <sup>14</sup> Eri a me ena ni a rọ bhale ya e khi ungemhi ni Azaya omekeguele o ngme, o bhale ya tse, ni o la lie,

<sup>15</sup> “Ee eke iZebulo ali eke iNafutali, ni a la ini a da oke iJodani lase, iGalili, ni egbo

iJeta¶ e ngeli, ni o la ode ni o je oke oniemi.

<sup>16</sup> Egbo ni e la alo ebili e ya me akpa oniemi. Oni akpa ọọ ngale na egbo ni o li abine khi eghuli o ti mama we.”§

<sup>17</sup> Rote agho vu iJesu o rọte tse abo kia guele, “Ogboḡbo o mu pfi, irari khi Eghiele oyi Eshinegba o she ramhi.”\*\*

### IJesu o lu egbifele aane e deba le

(iMak 1.16-20; iLuk 5.1-11)

<sup>18</sup> Abi iJesu o li kia epfefefe oke oniemi iGalili, igho o me iPita ali Aduru, ogbo ali inyoghuo ni e khi egbifele khi e ri aga a gbe ifele oni okeno-khishi. <sup>19</sup> IJesu ọọ we, “A bhale deba mhe khi mhi ya sese e abi a ke lie ke lu egbo bhale, ocho ni a rọ o gbe ifele.”

<sup>20</sup> Aghoagho e ze aga eyewe obo, e deba li.

<sup>21</sup> O ke le, o me ogbo ali inyoghuo, iJemhisi ali iJoni imi iZebedi khi e nu itawe la elemhi oko oke ni e lo, e riyele aga oyewe e riyele. IJesu o lu we e bhale. <sup>22</sup> Aghoagho e lase oko-oke le, e pfi itawe shi agho, e deba li vu.

### IJesu o ri eni ee ghua ze

(iLuk 6.17-19)

<sup>23</sup> IJesu o kia asha kpa eke iGalili o la owa ugamhi eyewe sese we usomhi onete oyi iloghie, ali o ri egbo ni e mhuẹ ighuamhi ododa ze. <sup>24</sup> Igho a li suọ eko oli ushishi iSiria ogho nya, ya ramhi khi egbo e tsua eni mhuẹ ighuamhi ali anasemhe ododa, ghe eni e mhuẹ ayemhe okphaghie ali ughuamhi ni ọọ mu ogbo pfi gbe ali eni e guogho-a bhale deba iJesu. O ga rewe ze nya. <sup>25</sup> Igho ebubu egbo e rọte iGalili ali eoli iDikapoli ali iJerusalemu, eke iJudia ali egbo ni e la ukiekie obinokpole oyi oke iJodani, e deba li.

### Osesẹ ni iJesu o la esọ ute sese

**5** Abi iJesu o rọ me oni olele egbo, o ti nga esọ ute dene, o shito. Eniye

\*4:10 Li ze iDeut 6.13

†4:12 Li ze iMat 14.3; iMak 6.17; iLuk 3.19-20

‡4:13 Li ze iJon 2.12

¶4:15 Egbo iJeta khi egbo ni e la eke agbo ona nya ni ea khi egbo iZireni.

§4:16 Li ze Aza 9.1-2

\*\*4:17 Li ze iMat 3.2



odukhokho eyoli e bhale ya shito gase  
oli. <sup>2</sup> Oo sese we, oo lie,

<sup>3</sup> “Ikhivose o khi oyi egbo  
ni e lese khi

Eshinegba o mhuē emhikpa,  
wewe e mhōli obō shi  
Eghiele oyi Eshinegba.

<sup>4</sup> Ikhivose o khi na egbo  
ni e e vie, ††

Eshinegba o ya yese we.

<sup>5</sup> Ikhivose o khi oyi egbo ni  
e ti egbewe tiemhile, ‡‡

Eshinegba o ya ri  
agbo ona nya na we.

<sup>6</sup> Ikhivose o khi oyi egbo ni  
okiamhi ali okiamē  
igue-ngeli oo gbe, ¶¶

Eshinegba o ya ri  
emini e nono na we.

<sup>7</sup> Ikhivose o khi oyi egbo  
ni e mhōli ilelemhi na egboese,

Eshinegba o ya  
mhōli ilelemhi na we.

<sup>8</sup> Ikhivose o khi oyi egbo  
ni e mhōli udu no pfuase, §§

e ya me Eshinegba.  
<sup>9</sup> Ikhivose o khi oyi egbo  
ni e e dua ini opfomhe o la o,  
Eshinegba o ya lu we imioli.

<sup>10</sup> Ikhivose o khi oyi egbo  
ni a mu okhōli vule shi o  
irari khi e da riēle

emini Eshinegba o nono,\*  
wewe e mhōli obō shi  
eghiele oyi Eshinegba.

<sup>11</sup> “Ikhivose o khi ne, ini egbo e mu  
okhōli vule shi e o, e e kie iwali egbōli  
ododa me irari khi u mie mhe suo. † <sup>12</sup> Ze  
ni u ke ghele, egbe e e muē, irari khi eleli  
oye ni o la iloghie oo gbēdi gba. Ina e li  
mu okhōli vule shi emekeguele o ni e kpe  
bhale khe. ‡

### Ugbheli ali akpa oyi agbo a khi

(iMak 1.16-20; iLuk 5.1-11)

<sup>13</sup> “Eri a li abi ugbheli shi agbo o.  
Ini ugbheli o wasē oviolo oyoli-a, aa ke  
tigbe mhōli abi a li ya roli gbo mele  
ugbheli-a. Aa ke roli ya li emhikhoghuo  
dose a ku oli kua ni a ri awe lighi oli eke.

<sup>14</sup> “Eri a li abi akpa shi agbo o. Owa ni  
a to shi ukhomhi ute oya ya sheli. ¶ <sup>15</sup> Aa  
me ogbo ni o ya ri akpa ru se, o khukhu  
oli shi atalabi. Eri o ya ri ochoghō rue  
oli nga asha na keghe, ni o ke me eke  
ni egbo ni e la oni owa e ke me eke. §

<sup>16</sup> Ligho ze ni akpa oye o ke ge khasē  
egbo, ni e ro me ikanya enete eye ni e me  
asha kueghie Eshinegba ni o la iloghie.\*\*

### Osesē abi ishi eyi iMosisi o ngme

<sup>17</sup> “A khi dabi khi eri mhi bhale ya  
shishi Ishi eyi iMosisi eke-a, a khi a  
dabi khi eri mhi bhale ya shishi emini  
emekeguele e sese-a. Iiye! Eri mhi bhale  
ya re we tse. <sup>18</sup> Ze mhe gueye khi eke ali  
ukhuli e kha da kie la o ne, ukpamhi in-  
gme okhoghūo oya ya wa Ishi eyi iMosisi-  
a, ini emini e keke we shi eke shi nya ea

††5:4 Li ze Aza 61.2

‡‡5:5 Li ze Iwolo 37.11

¶¶5:6 Li ze Aza 55.1-2

§§5:8 Li ze Iwolo 24.3-4

\*5:10 Li ze 1 iPit 3.14

†5:11 Li ze 1 iPit 4.14

‡5:12 Li ze 2 Okhe 36.16; Ika 7.52

¶5:14 Li ze iJon 8.12; 9.5

§5:15 Li ze iMak 4.21; iLuk 8.16; 11.33

\*\*5:16 Li ze 1 iPit 2.12

li bhale ya tse.<sup>††</sup> 19 Itobọ ighọ, ọnini ọ da gbe ushi ni o ga she ne a nya, ni ọ gbolo ẹ seşe ẹgbọ e li lighọ ne, lọli ọ ga ya she ne nya Eghiele oyi Eshinegba, ọnini ọ da riele wẹ ni ọ gbolo ẹ seşe ẹgbọ eni ishi eyi Eshinegba ne, ọ ya khi ọnofunẹ Eghiele oyi Eshinegba. 20 Mhi gueye ẹ khi ini igue-ngeli oye ọa da doşe igue-ngeli oyi esese Ishi eyi iMosisi ali ẹgbọ iFarisi ne, aa ya lo Eghiele oyi Eshinegba.

### Oseşe oyi ingme elemhi ibibi

(iLuk 12.57-59)

21 “A suọ khi ẹghẹghe ni o doşe khi a gueye eni egbhali, ẹẹ, ‘Khi gbe ugbeli, ọnini ọ da lighọ ne, a ya ri ọli gue ẹzo.’<sup>‡‡</sup> 22 Ama memena mhi gueye ẹ khi ọni ọ da mhue ofu deba inyoghuo ọli ne, a ya rọli gue ẹzo. Ọni ọ da lie inyoghuo ọli, ‘Yeşe ọgbọ afue ọna!’ A ya rue ọli bhale deba enighie. Ọni ọ da lu inyoghuo ọli, ‘Yeşe oyege ọna!’ Ọ ya la okhena erali na ilimhi irierie.

23 “Ini u mhue isomhopfa ni u wa nono ni u rọ ghi Eshinegba ukhomhi atete, ni u rọ da sato khi inyoghuo ẹ ọ mhue ofu ne shi emini u riele ọli ne, 24 ze oni isomhopfa ogho obo shi odalo atete, u je apfe ni yeşe ali ọni inyoghuo ẹ ni a rọ riele, u tigbe bhale ya ri isomhopfa oye na Eshinegba.

25 “Ini obe ẹ ọ rue ẹ le ikotu, nyanya lema li abi a li la ode ẹ le egho neni a ramhi agho. Ini ọa khi igho, ọ ya rue ẹ na oso-ezo, ọni oso-ezo ọ rue ẹ na ogbanelemhi, ọ rue ẹ ya khukhu shi owa ighumha. 26 Abi o li mhi li gue ọli ẹ ye ẹ

khi, waa ya rote agho lasela ini u waa li ze oko na fie pfo nya.

### Oseşe ingme okia

27 “A suọ ẹghẹghe ni o doşe khi a lie, ‘Khi kia okia.’<sup>¶¶</sup> 28 Ama memena mhi gueye ẹ khi ọnini ọ da ri oghuemhe itsebo bino ọkpotoso ne, ọ she kia okia deba ọni ọkpotoso elemhi usamhi udu oyoli. 29 Irarigho, ini o khia khi eloe na obita oye o ya ze ni u lo owa ere, vuonyo li pfia, irari khi o ti ne ini egbe ẹa gba ne ya lo iloghie, doşe khi yeşe nya u lo ilimhi irierie.<sup>§§</sup> 30 Ini o khia khi obita oye o ya ze ni u pfido ya lo owa ere, khi ọli pfia. O tine ni u ze obo oghuo ya lo iloghie doşe khi yeşe nya u lo ilimhi irierie.\*

### Oseşe ipfa ughue-a

(iMat 19.9; iMak 10.11-12; iLuk 16.18)

31 “A li ngme ọli shi Ishi eyi iMosisi khi, ‘Omose ọ kha khu ughue ọli, ọ nya ebe ipfa ughue-a na li.’<sup>†</sup> 32 Ama memena mhi gue ẹ ye ẹ khi, ọni ọ da khu ughue ọli ni o khia khi ọa khi eri ọ kia okia ne, ọ she yeşe ọni ọkpotoso mele okiokia-a. Omose ni ọ rue ọni ọkpotoso ogho, eri ọ li kia okia.‡

### Oseşe ironga

33 “A gbo li suọ khi a gueye ẹgbọ ena elele, ‘A khi da ironga ni a rọ nga, ama emini u romhi Onomhue rọ nga, khi da ọ, ligho rọli tse.’<sup>¶</sup> 34 Emini mhi ke gue ẹ ye ẹ mena khi, khi ga romhi isheli kpa. Khi romhi idane irari khi

††5:18 Li ze iLuk 16.17

‡‡5:21 Li ze Okiali 20.13; iDeut 5.17

¶¶5:27 Li ze Okiali 20.14; iDeut 5.18

§§5:29 Li ze iMat 18.9; iMak 9.47

\*5:30 Li ze iMat 18.8; iMak 9.43

†5:31 Li ze iDeut 24.1-4; iMat 19.7; iMak 10.4

‡5:32 Li ze iMat 19.9; iMak 10.11-12; iLuk 16.18; 1 iKori 7.10-11

¶5:33 Li ze iLev 19.12; iNoba 30.2; iDeut 23.21

oobɔ ukpɛkɛhomhi oyi Ɛshinɛgba o la.<sup>§</sup>  
<sup>35</sup> Khi gbo li romhi ekɛkɛ, irari khi lɔli khi akphawɛ-nga oyi Ɛshinɛgba. Wɛkhi iJerusalemu, irari khi lɔli o khi ɛoli oyi Oghie nɔ funɛ.<sup>\*\*</sup> <sup>36</sup> Khi ga ri ukhomhi oyɛ romhi ishe, irari khi waa ya doɛ ri ɛtsui oghuo kpe bishi a wɛ khi eri u doɛ rɔli ya pfaɛ-a.<sup>37</sup> Ungmemhi oyɛ o lɛɛ migha shi ii, okekhi iye, emini o da doɛ ighɔ ne, obɔ oyi Ɔkphaghiɛ o te bhale.

### **Khi ri onobe fali ota onobe**

(iLuk 6.29-30)

<sup>38</sup> “A suɔ khi a kpɛ ngme ɔli, khi, ‘A ri ukpɛloe fata ukpɛloe, ali ɛkɔli o fata ɛkɔli.’<sup>††</sup> <sup>39</sup> Ama mena, mhi gueyɛ ɛ, a khi riɛɛ ɔgbɔ to ɔ ini ɔ riɛɛ ɛ onobe. Ini ɔgbɔ, ɔ lase ɛ esɔ obita nyenɛ ona ɔgobɔ na li gbo lase. <sup>40</sup> Ini ɔgbɔ ɔɔ nono ni lɔli luɛ ɛzo, ni lɔli rɔ mie ɛ awulu oyɛ, bie gbo gueghie oni u sɔ kpɔkɛ ma ɔ nali. <sup>41</sup> Ini ɔgbɔ ɔ ri itoto liɛ u tsua itsua na luɛ imali oghuo, tsua wɛ imali eva. <sup>42</sup> Ini ɔgbɔ ɔ mhila ɛ emhi, rɔna li. Ngmomhi na ɔni ɔ ye ongmomhi deba ɛ.

### **Mhɔli inono na ebe ɛ**

(iLuk 6.27-28,32-36)

<sup>43</sup> “A she suɔ khi a liɛ, ‘Nono ingme oyi ɔnuzi-ava oyɛ, u ke biselemhi ɔbe ɛ.’<sup>‡‡</sup> <sup>44</sup> Ama mhi gueyɛ ɛ. Nono ingme oyi ɔbe ɛ, u gbo sɔ iromhi na eni mu okhɔli vule shi ɛ ɔ. <sup>45</sup> U kha lina, eri u wa ngeli abi itɛ na iloghie. Irari khi lɔli ɔ ri ovɔ oyɔli ɛ to na ɛgbɔ ɔkhɔlo ali ɛgbɔ enete. Ighɔ ɔ gbo liɛ ruɛɛ amɛ na ɛgbɔ ɔkhɔlo abi ɔ liɛ ruɛɛ ɔli na ɛgbɔ enete. <sup>46</sup> Sɛ u ke li ya mɛ asha mhue eleli

obɔ oyi Ɛshinɛgba ini u lɛɛ nono ɛgbɔ ni e nono ingme oyɛ? Egbegbi emionoga e lili ɛ lighɔ. <sup>47</sup> Ini o khia khi inyoghuo ɛ tɛɛ u lɛɛ ɛ tɛɛ, ighe ikhiɔda ni o la yeyɛ ali eni ɛa miesuɔ ɔ? Eni ɛa miesuɔ e lili ɛ lighɔ. <sup>48</sup> Itobɔ ona, zɛ ni u gba pfo abi Itɛ na iloghie ɔ li gba pfo.”<sup>¶¶</sup>

### **Oɛɛɛ isomhopfa**

**6** “Gueɛ kia ini u khi riɛɛ igue-ngeli abamɛmhɛ ukpɛloe ɛgbɔ. Ini u wa a lighɔ, wa a ya mhue eleli obɔ oyi Ɛshinɛgba Ita ni ɔ la iloghie.”<sup>§§</sup>

<sup>2</sup> “Ini u ri isomhopfa na ɛgbɔ ni ɛa mhue, khi rɔli pfi akala ke kiakia, abi eni ɛa miesuɔ ɛɛ li elemhi owa ugamhi ali ifuapfɛ. Eri ɛ lighɔ ni ɛgbɔ e ba kueghie wɛ. Abi o li mhi li gue ɛ ye ɛ, khi, e she mie eleli eyewɛ se. <sup>3</sup> Ama rɔna ɔni ɔ la ɔmunu, khi zɛ ni ɔgbɔɛɛ ɔ lɛɛ. <sup>4</sup> Ɛgheghe aghɔ o khi emhi osheli, ni Itɛ ni ɔ la iloghie ni ɔɔ mɛ emini u riɛɛ el-emhi osheli, ɔ ri eleli nɛ.

### **Oɛɛɛ abi a liɛ sɔ iromhi**

(iLuk 11.2-4)

<sup>5</sup> “Yeyɛ o ye ini u ya sɔ iromhi khi ya riɛɛ ɔli abi eri ugamhi ku alo ni ɛɛ migha epfɛ odɛ ali elemhi owa ugamhi ini ɛgbɔ e ba ke mɛ wɛ. Abi o li mhi liɛ gue ɔli ɛ ye ɛ khi e she mhue eleli oyewɛ gba se.” <sup>6</sup> Ama ini u ya sɔ iromhi, lo elemhi owa oyɛ, u khukhu odɛ, u sɔ iromhi ghi Ita ɛ ni ɔ la osheli, Itɛ ni ɔ la osheli ni ɔɔ mɛ emini a li osheli, ɔ ya ri eleli gba nɛ. <sup>7</sup> Ini u ya sɔ iromhi, khi ke riɛɛ ungmomhi oghuo ngme it-ingmingmɛ, abi eni ɛa miesuɔ ɛɛ li. Eri

<sup>§</sup>5:34 Li zɛ iJem 5.12; Aza 66.1; iMat 23.22

<sup>\*\*</sup>5:35 Li zɛ Aza 66.1; Iwolo 48.2

<sup>††</sup>5:38 Li zɛ Okiali 21.24; iLɛv 24.20; iƉɛt 19.21

<sup>‡‡</sup>5:43 Li zɛ iLɛv 19.18

<sup>¶¶</sup>5:48 Li zɛ iLɛv 19.2; iƉɛt 18.13

<sup>§§</sup>6:1 Li zɛ iMat 23.5

<sup>\*</sup>6:5 Li zɛ iLuk 18.10-14

ẹẹ dabi khi ingmemhi ni e bu dọṣe Ẹsh-inegba oyeṣe ọ rọ suọ wẹ. <sup>8</sup>Khi li abi wẹwẹ. Itẹbọ khi Itẹ ọ shẹ kpẹ lẹṣe emini u wa nono neni u mhila li.

<sup>9</sup>“U kha sọ iromhi, ke liẹ:

“Ita anye ni ọ la iloghie,  
anye ri ufumhi na  
eva oye no pfuase,

<sup>10</sup> zẹ ni Omhẹṣe oye o bhale.

Zẹ ni a riẹlẹ oghuẹmṣe oye  
eke agbọ abi a liẹ riẹlẹ ọli  
obini iloghie.

<sup>11</sup> Ri eminale ona

ogbe-namo na anye.

<sup>12</sup> Gbe olamṣe kua na anye,

abi anye liẹ gbe kua

na ẹgbọ ni e lamṣe shi anye ọ.

<sup>13</sup> ‘Khi zẹ ni anye

de pfilo imufe,

mie anye pfuese obọ oyi okphaghie.’

<sup>14</sup> U kha gbekua na eni e lamṣe shi ẹ ọ,  
Itẹ na iloghie ọ ya li gbekua nẹ. <sup>15</sup> Ama  
ini u wa a gbekua na eni e lamṣe shi ẹ ọ,  
Itẹ na iloghie ọ ya li gbekua nẹ.†

### Abi a liẹ pfi azumhi

<sup>16</sup> “U kha pfi azumhi, khi wushe alo-a  
shi ukhomhi abi eni ẹa miesuọ ẹẹ li. Eri  
ẹẹ nyenẹ alo zẹ shi ukhomhi ini ẹgbọ e  
ba lẹṣe khi ẹẹ pfi azumhi. Abi o li mhi  
li gue ẹ ye ẹ, e she mhue eleli oyeṣe se.

<sup>17</sup> Ama u kha pfi azumhi, ri oili shishi  
ukhomhi rọ dala egbe-a, u pfiono itsu-a  
shi ukhomhi, <sup>18</sup> ini ẹgbọ e khi lẹṣe khi  
azumhi wa pfi. Ama oni Itẹ ni ọọ mẹ os-  
heli nya ọ ya ri eleli nẹ gbodojo.

### Ẹpfue ena obini iloghie

(iLuk 12.33-34)

<sup>19</sup> “Khi ti ẹpfue ma leghe na egbe ẹ shi  
elemhi agbọ ona, ni ifu e la le emhi, ni  
emhi e la mu oghuoghuo-a, ali ni ighiatọ

e la doṣe ẹ do.‡ <sup>20</sup> Ochoghọ ti ẹpfue ma  
iloghie ni ifu ẹa doṣe la le emhi, ali ni  
emhi ẹa la mu oghuoghuo-a wẹkhi ighi-  
atọ e doṣe la do. <sup>21</sup> Irari khi asha ni ẹpfue  
oye o la aghọ udu oye ọọ la.

### Ákpá oyi idiegbe

(iLuk 11.34-36)

<sup>22</sup> “Ikpanmhi alo e khi ákpá ni idiegbe o  
mhue. Ini ukpeloe oye o dala, egbe eye  
nya o khi ákpá. <sup>23</sup> Ama ini alo eye ẹa ti,  
idiegbe eye nya e khi alo ebili. Ini a ke  
bhale ya ẹ khi ákpá ni o la idiegbe oye o  
khi obili, se oni obili o ke beṣhi liẹ gba  
ramhi shi idiegbe oye!

### Ẹshinegba ali ẹpfue

(iLuk 16.13; 12.22-31)

<sup>24</sup> “Ogbokhoghuo ọa doṣe ya ga ega  
ava. Eri ọ ya nono ingme oyi oghuo, el-  
emhi onokpọle ẹẹ bi ọli. Ọ ya ke suọ esọ  
na oghuo, ọ ri ukpeloe gbe onokpọle.  
Ogbọ ọa ya doṣe ga Ẹshinegba ali uk-  
pagholọ utoghuo.

<sup>25</sup> “Onana o zẹ ni mhi rọ gueye u khi  
ke sa usamhi emini a le ali emini a da,  
wẹkhi usamhi egbe ẹ emini u ya sọ.  
Agbọ oye ọa fu dọṣe eminale? Abi khi  
eri idiegbe oye ọa fu dọṣe ode? <sup>26</sup> A bino  
ipfeli ni e la idane, ẹa rọ kọ wẹkhi eri  
ẹẹ khiṣe tima shi aka. Ama eri Itẹ na  
iloghie ọ kie ri ẹloe ẹ khu we. Aa mu ẹloe  
dọṣe wẹ? <sup>27</sup> Ongeṣe onoghuo ọ doṣe ya ri  
isamhi ali ayele khi iwakati oghuo kpe  
ma agbọ oyọli?

<sup>28</sup> “Elo o zẹ ni a rọ ọ sa usamhi ode  
ni a rọ ọ ku egbe? A bino idodo ni  
e la ifui ebuli, khi ẹa ya gbe akanya  
wẹkhi eri ẹ fia ide zu egbewe. <sup>29</sup> Ama  
mhi gueye ẹ khi ashini Oghie iSolomoni  
ọ mhue ufumhi ramhi, ọa khuẹ akhuẹ  
ramhi udodo okhoghuo ena.¶ <sup>30</sup> Ini Ẹsh-

†6:15 Li zẹ iMak 11.25-26

‡6:19 Li zẹ iJem 5.2-3

¶6:29 Li zẹ 1 Ighie 10.4-7; 2 Okṣe 9.3-6

inegba o lina ri ide ku ebuli tse, ni o kha la o amo, akọ o to-a, se ọa ke lie li ri ode ku e? Ee egbo ni irudunga oye o she. <sup>31</sup> Itobo igho khi ke yele obini u ya me eminale le ali obini u te ya me da, ali obini u te ya me ide ku egbe. <sup>32</sup> Emhi enana eni ẹa miesuo e na khu, ama Ite na iloghie o lese khi a kha mhọli emhi eghogho kpa. <sup>33</sup> Ochoghọ kpe ze ni Eshinegba o mhese shi agbo oye ne, ni u ri eni omhese gbe akanya, khi o ya ri emhi enekpole nya ma o ne. <sup>34</sup> Irarigho, khi ke ze ni ayele akọ o nase udu amo, akọ o ya sa usamhi egboli. Ogbelẹ ogbogbo o mhue anasemhe oyoli.”

### Igue egbo ezo

(iLuk 6.37-38,41-42)

**7** “A khi gue egbo ezo, ini Eshinegba o khi gue e ezo. <sup>2</sup> Irari khi abi u li gue egboese ezo, igho Eshinegba o li ya gue ezo oye. Emini u ro mhese na ogboese a li ro ya mhese ne.<sup>§</sup>

<sup>3</sup> “Elo o ze ni u ro me uku ni o la inyoghuo e eloe ni u waa ro me ufolo ọara ni o pfida e eloe? <sup>4</sup> Se u ke lie gueye inyoghuo e, ‘Ze ni mhi rue e uku eloe le,’ ni yeye oye wa a ro me ufolo ọara ni o pfida e eloe? <sup>5</sup> Yeye o ri ugamhi ku alo, kpe rue ufolo ọara ni o pfida e eloe-a ne neni u tigbe ya meke rue oni o la oyi inyoghuo e o-a.

<sup>6</sup> “Khi ri emhi ipfuase na ewa. Khi pfi emini o mu eloe abi igolu ghi igulu. Eri e ya wu we eke-a, e so alo okholi ghue e.

### Mhila, u nono, u kpheli

(iLuk 11.9-13)

<sup>7</sup> “Mhila khi a ya ro ne. Nono khi u ya me rue, kpheli obo ode khi a ya

khueghie-a ne. <sup>8</sup> Irari khi oni o mhila, loli a ro o na. Ogbo ni o nono loli o me e rue. Oni o kpheli obo ode, loli a khueghie-a a na.

<sup>9</sup> “Ongege onoghuo o bia ni omioli o ya mhila li ibuledi ni o ya rue echeli na li? <sup>10</sup> O kha mhila e afele, enye u ya rue na li? <sup>11</sup> Ini ee ni a khi egbo ebe a lese abi a li ri eminete e na imi e, se Ita ni o la iloghie o ke beshi li ya ri eminete na egbo ni e mhila li? <sup>12</sup> Irarigho, abi u nono ni ogbo li riele deba e, yeye li ligho riele deba li. Irari khi emini Ushi oyi iMosisi ali emekeguele e sese nya na.\*\*

### Ode unuekpe na pfi ali ona gbada

(iLuk 13.24)

<sup>13</sup> “Ro te ode unuekpe na pfi lo. Irari khi ode unuekpe na gbada ali ode agbala na gbada o khi ode ni o je owa ere, ebubu egbo e rote o. <sup>14</sup> Ode ni o je iloghie eri oo riele, ode unuekpe ni a te e je o, oo pfi, ama ikuku egbo e rote o.

### Ọara ali ikpamhi eyoli

(iLuk 6.43-44)

<sup>15</sup> “A be eke ma emekeguele egbhọli. Eri e ri eku e osumha ku egbe, ama el-emhi udu oyewe, idumhi ni e nyano ogbo le e khi. <sup>16</sup> Angeli oyewe o re we e khas e emini e khi. Okphokphe ọa ya mo udumhi olomu, we khi eri ọọ mo udumhi okhua eni. <sup>17</sup> Ọara onete ọọ mo udumhi onete. Ọara ni ọa ti ọọ mo udumhi ni ọa ti. <sup>18</sup> Ọara onete ọa ya mo udumhi ni ọa ti, wekhi eri ọara ni ọa ti o dobe ya mo udumhi onete. <sup>19</sup> Ọara kpa ni ọa da mo udumhi onete ne, eri a ya khi ọli pfia, a tose ọli a.†† <sup>20</sup> Itobo igho emini emekeguele egbhọli ee riele, u te e lese we.‡‡

§7:2 Li ze iMak 4.24

\*\*7:12 Li ze iLuk 6.31

††7:19 Li ze iMat 3.10; iLuk 3.9

‡‡7:20 Li ze iMat 12.33

### Mhi aa lẹṣẹ ọni u khi

(iLuk 13.25-27)

<sup>21</sup> “Ọa khi oḡbọkpa ni ọọ lu mhe, ‘Ọnọmhue, Ọnọmhue’ ọ ya lo eghiele oyi Eshineḡba, ama eḡbọ ni ẹ riẹḡ oḡhụmhe oyi Itamhe ni ọ la iloghie.

<sup>22</sup> Ini eḡ iguezo o ramhi, ebubu eḡbọ e ya liẹ mhe, ‘Ọnọmhue, Ọnọmhue, anye eḡ she ri eva oye me eke guele, anye ri eva oye khu eḡbọ iyemhe ebe egbe-a, anye gbo gbe ikanya ọnyalọa ọdọda?’  
<sup>23</sup> Eḡheḡhe aḡhọ mhi ya gueye we gboo, ‘Mhi aa lẹṣẹ e. A vu mhe ana le pia, eḡ eḡbọ ọkhọlo ena.’<sup>¶</sup>

### Eḡbọ ava ni e to owa

(iLuk 6.47-49)

<sup>24</sup> “Oḡbọkpa ni ọ da suọ unḡmemhi oyemhe ni ọ da roli gbe akanya ne, eri ọ li abi oḡbọ ọḡsingme ni ọ to owa nga ukhomhi eche. <sup>25</sup> Ini amẹ o riẹ rue, ni ochikpho o ro tu, khi akpekpeli o riẹ li gbe oni owa oḡhọ, ọa o ya de, irari khi ukhomhi eche a to li nga. <sup>26</sup> Ama oḡbọ ni ọ da suọ unḡmemhi oyemhe ni ọa da roli gbe akanya ne eri ọ li abi oyeḡhe ni ọ to owa nga ekhashe. <sup>27</sup> Amẹ o kha rue, ni ochikpho o ro tu, ni akpekpeli o ro li gbe oni owa oḡhọ, oni owa o de kua, o de udemhi ọsanabe.”

<sup>28</sup> Abi iJesu ọ ro ḡngme se, oseṣe oyoli o ri abọ sha eni e legba. <sup>29</sup> Irari khi eri ọ seṣe eḡbọ abi oḡbọ ni ọ lẹṣẹ emini ọọ seṣe.<sup>§§</sup>

### Ọmose ashomha

(iMak 1.40-45; iLuk 5.12-16)

**8** Abi iJesu ọ roṣe ukhomhi ute tiemhile, ebubu eḡbọ e bhale deba li.

<sup>2</sup> Iḡhọ ọmose ashomha oḡhuo ọ bhale ya wugha iJesu odalo, ọọ li, “Ọnọmhue, ini o ḡhọle ẹ, u doḡe ya re mhe ze.” <sup>3</sup> IJesu ọ nise oḡo-a ti ọli, ọọ li. “O ḡhọle mhe, khi ọni ọ ze.” Aḡhọagḡhọ ọni ọmose ọ ze.

<sup>4</sup> IJesu ọọ li, “Khi gueye oḡbọkḡhọghuo, ama ka ri egbe ẹ kḡḡe ekpodalo-ugamhi eyi Eshineḡba, ni u riẹḡ iluasobo ni iMo-sisi ọọ a ke riẹḡ ini a ri ọni efafe mu pfuase.”\*

### Irudunga ni ọkhọli-okhue ọ roḡhase

(iLuk 7.1-10)

<sup>5</sup> Abi iJesu ọ ro lo iKapanomu le, ọkhọli-okhue ni ọ mḡṣe na ekḡhọli-okhue egbhueshe oyi iRomu oḡhuo ọ bhale ya lema li ikpaghiobo. <sup>6</sup> Ọọ li, “Ọnọmhue, ọni ọọ ga mhe ọ ga yeṣhi apfe ẹ ghu-a egbegbọ. Eri ọ ḡuḡhọ a.”

<sup>7</sup> IJesu ọọ li, “Mhi ya bhale ya roli ze.”

<sup>8</sup> Ọni ọkhọli-okhue ọọ li, “Ọnọmhue, iiye, lẹṣẹ ḡngme oni unḡmemhi tse, khi ọni ọọ ga mhe ọ ya ze. Irari khi mhia fu te ni u wa bhale apfe oyemhe. <sup>9</sup> Mḡemhe oyemhe, mhi li mḡhọli ekḡhọli-okhue eni e fu doṣe mhe, mhi li mḡue elese ni mhia mḡṣe na. Mhi kha gueye ọna ọ ke le, ọọ le, mḡie ọḡese ọ bhale, ọ bhale. Mhi kḡe ọni ọọ ga mhe ọ li ona, ọ li ọli.”

<sup>10</sup> Abi iJesu ọ ro suọ emini ọni ọmose ọ ḡngme, abọ e sha li. Ọọ eni ẹ deba li, “Abi o li mhi li gue ọli ẹ ye ẹ ena khi mhia me irudunga onabi onana ḡhue eke iZireni.

<sup>11</sup> Mhi gueye ẹ khi ebubu eḡbọ e ya roṣe obini ovọ o te ẹ ḡngale ali obini ovọ o te ẹ lo eko, bhale ya nu Aburaamu ali Aziki ali iGieḡopu shitọ ukue na eghiele na iloghie†. <sup>12</sup> Ama eḡbọ ni ẹ kḡá lá iloghie, a ya pfi we je eke alo ebili ni e la ke viẹ, eḡ le akọ akọ.”\* <sup>13</sup> IJesu ọọ ọni ọkhọli-

¶7:23 Li ze Iwolo 6.8

§§7:29 Li ze iMak 1.22; iLuk 4.32

\*8:4 Li ze iLev 14.1-32

†8:11 Li ze iLuk 13.29

‡8:12 Li ze iMat 22.13; 25.30; iLuk 13.28

okhue օghօ, “Ke je khi o ya lighօ nօ abi u li mhօli irudunga eghօ.” Ighօ օni օօ ga li օ ze oni eghօghօ ni iJesu օ la ngme օli ighօ tee.

### **IJesu օ ri ebubu օghօ ze**

(iMak 1.29-34; iLuk 4.38-41)

<sup>14</sup> Abi iJesu օ rօ bhale apօօ oyi iPita, օ mօ khi օօօ iPita ni օkpotsօ օ yօshi khi օօ ghu ughuamhi iba. <sup>15</sup> IJesu օ ri obօ ti օli, eni iba e lase օli egbe le. օ vule օ feli օli epfօse.

<sup>16</sup> Abi ogbօmhi o rօ mu ekօ, ebubu օghօ e wolօ eni e mhօli ayօmhօ ebe օօօda bhale ghi iJesu. Ighօ iJesu օ ri ungmօmhi unu khu wօ eni ayօmhօ ebe eghօ egbe ku a. օ gbo ri eni օօ ghua nya ze. <sup>17</sup> Eri a mօ enana ni ungmօmhi ni Azaya օmekօguele օ ngme o bhale ya tse; Ni օօ,

“Lօlighuo օ mie awa umha-ze, օ tsua ighuamhi eyawa ya kua.”<sup>18</sup>

### **Emini ideba-iJesu-kia o ya mie օghօ օ rue**

(iLuk 9.57-62)

<sup>18</sup> IJesu օ mօ olele օghօ ni e le gasօ օli, օօ e zօ ni wօwօ e da je ukiekie obini o kpօle oyi okօ oniemhi iGalili. <sup>19</sup> օsօse Ishi eyi iMosisi օghuo օ bhale deba li օօ li, “օsօse, mhi ya debօ ke je obiobini wa je kpa.”

<sup>20</sup> IJesu օ sօli օ, օօ li. “Inyakօ e mhօli esօ, ipfeli e mhօli eko, ama Omi օghօ օ mhօli ashini օ de ukhomhi օ gbe.”

<sup>21</sup> օmօse olese ni օ khi օmօ odukhokho oyօli, օ lu օli, օօ li, “օsօse, zօ mhօ kpօ je apօօ ya ri itamhօ ni օ ghua to nօ.”

<sup>22</sup> IJesu օ sօli օ, օօ li “Ke deba mhօ, zօ ni eni e ghua e ri eni e ghua to.”

### **IJesu օ pօmhise akpekpeli ukhomhi okօ oniemhi**

(iMak 4.35-41; iLuk 8.22-25)

<sup>23</sup> IJesu օ lo elemhi օko-okօ oniemhi, eniyօ odukhokho eyօli e li lo deba li.

<sup>24</sup> Utoghuo-kpe, akpekpeli oniemhi oo li oni ukhomhi okօ oniemhi. Ukuko emhi o kpօle dօnօ ni oni օko-okօ oniemhi օa rօ ku luօ. Ama iJesu օօ lese-a <sup>25</sup> Eniyօ odukhokho eyօli e ya guise օli le, օ օli, “օnօmhue, tsumhi anye! Awa ya pfua!”

<sup>26</sup> օօ we, “Elօ օ zօ ni a rօ lina na ulishi, Eri irudunga oyօօ oo na bօshi shօ?” Ighօ օ vule nu oni akpekpeli ngme, oni okօ o de ma.

<sup>27</sup> Abօ e sha օghօ nya ni e la aghօ, e mhila, “օghօ nabise օnana օ khi, egbegbi ozughu oyi okօ oniemhi ali akpekpeli e ga suօ esօ օ na li.”

### **IJesu օ ri emօse ava eni e mhօli ayօmhօ ebe ze**

(iMak 5.1-20; iLuk 8.26-39)

<sup>28</sup> Abi iJesu օ rօ da je ukiekie obini o kpօle oyi okօ oniemhi iGalili obini iGadara, emօse ava ni e rօte atalimhi lasele e bhale deba li. Eni emօse ava ena e mhօli ayօmhօ ebe ni e yօse wօ ngme ni o rօwօ nono ingme. Eghօ օa ke gbudu rօte oni odօ dօse. <sup>29</sup> Eni ayօmhօ ebe eghօ ni e la eni emօse egbe, e tsօse utoghukpe, օ օli, “Elօ e ku anye ali yօyօ gbe, yօyօ Omi օshinegba? Eri u bhale ya nase anye neni oni eghօghօ օ ramhi?”

<sup>30</sup> Igulu ni e bu օ la epօ aghօ le eminale. <sup>31</sup> Ighօ eni ayօmhօ ebe eghօ e lema iJesu, օ օli, “Ini u khu anye ya fiօ, khu anye ya lo eni igulu eghօ egbe.”

<sup>32</sup> Ighօ iJesu օօ, “A ke vu!” Ighօ e lasele ya lo eni igulu egbe. Eni igulu nya e na ya tiemhi esesօ oni ute, ya lo oni okօ, e ghuloa. <sup>33</sup> Emօse ni e ri eni igulu u kia, e na kua, e je ifui apօօ ya guele em-

ini a me ali emini eni emose ni e mholi ayemhe ebe e me. <sup>34</sup>Igho egbo ni e la oni eoli nya e fie lasele deba iJesu. Abi e ro me oli, e lema li o kpekpe o lase wewe eke le.

### **Ijesu o ri omose ni o guogho-a ze**

(iMak 2.1-12; iLuk 5.17-26)

**9** Ijesu o lo oko-oké oniemi, o da oni oke iGalili mu egbe pfi je ukiékié obini o kpole, o bhale apfe oyoli obini iKapanomu. <sup>2</sup>Emose egbo e tsua omose ni o guogho-a shi iya bhale. Abi iJesu o ro me irudunga oyewe, oo oni omose ni o guogho-a, “Ri obo shi udu, omimhe, a she ri olamhe topfa e.”

<sup>3</sup>Igho esese Ishi eyi iMosisi eghuo e nu egbe we ngme, e lie, “Oni omose ona o pfi unu-a!”

<sup>4</sup>Ijesu o lese usamhi ni e sa, o mhila we, “Elo o ze ni a ro sa isamhi ebe udu? <sup>5</sup>Onoghuo o kele mhe ya ngme oni omose ne? Ni mhi lie, ‘A she gbe olamhe kua ne,’ Ali ‘Vule ke kia?’ <sup>6</sup>Ama, ni a ro lese khi Omi Ogbo o mhué afu el-emhi eke agbo ni o ro gbe olamhe kua na ogbo.” Igho, oo oni omose ni o guogho-a, “Vule, rue iya oye u ke je apfe.”

<sup>7</sup>Igho oni omose o vule oo je apfe. <sup>8</sup>Abi eni ebubu egbo e ro me ona, abo e sha we. E kueghie Eshinegba ni o ri afu onana na egbo.

### **Ijesu o lu iMatiu o deba lue**

(iMak 2.13-17; iLuk 5.27-32)

<sup>9</sup>Abi iJesu o rote agho je odalo, o me khi omionoga oghuo ni a lu iMatiu, o shito okhola ni a la miono oga. Oo li, “Deba mhe.” Igho o vule deba li.

<sup>10</sup>Abi iJesu o ro la owa oyi iMatiu le eminale, emionoga eni e bu elese ali ena

olamhe e bhale ya ku ma we o, e ga nu oli ali eniye odukhokho eyoli le eminale.

<sup>11</sup>Abi egbo iFarisi eghuo e ro me ona, e mhila eniye odukhokho eyoli, ee, “Elo o ze ni osese oye e o ro nu emionoga ali ena olamhe e le eminale?”<sup>8</sup>

<sup>12</sup>Ijesu o suo ona, oo we, “Oni o toto oa mhué emini o ri obo e li, ama oni oo to oo ye apfe obo. <sup>13</sup>A ka wena emini a ri ona ngme, ikhi, ‘Oa khi iluasobo e ghole mhe, ama isomhelemhi’ Oa khi egbo eni e pfuase ne mhi bhale ya lu e mu pfi, ama egbo ena olamhe.”<sup>\*\*</sup>

### **Omhila oyi ingme azumhi**

(iMak 2.18-22; iLuk 5.33-39)

<sup>14</sup>Eniye odukhokho eyi iJoni Oni oo batazi egbo, e bhale deba iJesu, e mhila li, “Elo o fe ze khi anye ali egbo iFarisi, khi anye e pfi azumhi ni eniye odukhokho eye ea ro pfi?”

<sup>15</sup>Ijesu oo we, “Emole omose ni oo rue omueshi onogbo e famhi ya mhué iyese udu-a ini oni oo rue omueshi o kie la we iteva? Egheghe oo bhale ni a ro ya rue oni omose ni oo rue omueshi onogbo iteva oyewe vu, egheghe agho e ro tigbe ya ke pfi azumhi.

<sup>16</sup>“Ogbo oa ya gbela ode onogbo toma onodio, ini a me gho, onodio ogho o ya nyan-a toma onogbo, o fia ese ni o ke fu ne shi o. <sup>17</sup>U ke neta khi eri ogbo o ya ku onyo onogbo kulo akpaba ekué elamhi onodio,<sup>††</sup> ini a me gho, eri oni akpaba o ya ve-a, oni onyo o ku kua, oni akpaba onyo o li opfu-a. Onyo onogbo a ku e shi akpaba onogbo, egheghe agho, oni onyo ali oni akpaba onyo e ga migha.”

<sup>§</sup>9:11 Li ze iLuk 15.1-2

<sup>\*\*</sup>9:13 Li ze iMat 12.7; Osia 6.6

<sup>††</sup>9:17 Akpaba oyi ekué elamhi egbo iJu e ku onyo o shi.



**Omo omueshi ni o ghu-a  
ali okpotso ni oza ze**

(iMak 5.21-43; iLuk 8.40-56)

<sup>18</sup> Abi oni ungmehi o kie la iJesu unu, okhemhue iJu oghuo o bhale ya wugha li odalo, oo li, “Kpekpe bhale ya ri obo ti omimhe ni o lese ghu-a, ni o guale.” <sup>19</sup> Igho iJesu o vule deba li vu, eniye odukhokho eyoli e li deba li.

<sup>20</sup> Igho okpotso oghuo ni oia e she ku oli egbe ramhi ikpe igbeva o rote ukhokho ti mama iJesu, o ri obo ti oli esode. <sup>21</sup> Itobo khi o she ngme oli shi udu khi, “Mhi kha da lese ri obo ti iJesu ode tse ne, mhi ya ze.”

<sup>22</sup> Igho iJesu o mu egbe nyene, o me oli, oo li, “Kpotso khi ke ze ni ulishi o mu e irudunga ni u mu e o she re ze.” Aghoagho oni okpotso o ze.

<sup>23</sup> Abi iJesu o ro ramhi owa oyi oni okhemhue, o bhale ya e khi egbo e la agho. Ee vie oni omueshi ni o ghu-a egho. Agho oo li nyoghoo. <sup>24</sup> O gueye ogbokpa o lase agho le, khi oni omueshi oza ghu ne khi eri o lese-a. Eni egbo e suo ungmehi ni o ngme, ee gia li. <sup>25</sup> Eni egbo e fie je olase se, iJesu o lo elemhi oni owa, o mu oni omueshi obo, oni omueshi o vule. <sup>26</sup> Okeke oni ingme ona o gbhiaku asha kpa oni edeli.

**IJesu o khueghie ezalo ava alo-a**

<sup>27</sup> IJesu o ke rote agho vu je odalo, ezalo ava e deba li. Ee tse se lema li, e lie oli, “Mhue isomhelemhi na anye, omi iDefidi.”

<sup>28</sup> Abi iJesu o ro lo elemhi oni owa, eni ezalo ava e bhale deba li. O mhila we, “A miesuo khi mhi ya dobe re e ze?”

E ke oli, “Guegueue.”

<sup>29</sup> Igho iJesu o ri obo ti we alo, oo we, “Alo eye e e khueghie-a abi a mu e irudunga.” <sup>30</sup> Ikpamhi alo eyewe e khueghie-a. IJesu o tse agua ye we e khi gueye ogbokhoghuo emini a me. <sup>31</sup> Ama asha ni e ramhi kpa, eri e gueye egbo, e gue ingme oyi iJesu ye egbo asha kpa.

**IJesu o ri ungmehi ze**

<sup>32</sup> Eni emose e vu, a tsua omose oghuo ni o mu e ayemhe ebe bhale, ni oza li ngme unu. <sup>33</sup> IJesu o khu oli oni ayemhe ebe ogho egbe ya lase, oni omose o ngme. Abo e sha ogbokpa e lie, “Anye ea kpe me ingme onana ghue eke iZireni.”

<sup>34</sup> Ama egbo iFarisi e lie khi oghie oyi iyemhe ebe o ri ekpabo na li. Loli o ze ni o ro dobe e khu egbo ayemhe ebe egbe-a.<sup>‡‡</sup>

**Egbikanya eyi Eshinegba ea bu**

<sup>35</sup> IJesu o kia la eoli khi eoli sese ungmehi oyi Eshinegba elemhi owa ugamhi eyewe, o tse abo usomhi onete oyi Eghiele oyi Eshinegba. O ri egbo ni e mu e ighuamhi khi ighuamhi i ze.<sup>¶¶</sup>

<sup>36</sup> Abi o ro me eni ebubu egbo, elemhi we e lala li irari khi udu oyewe oza sheshe itobo khi ea mholi oni oo kpaghie we obo, abi isumha ni ea mu e orewekia.<sup>§§</sup>

<sup>37</sup> O gueye eniye odukhokho eyoli, “Oni ikhiese oo gbedi gba, ama khi eni e khiese we, ea bu.” <sup>38</sup> “A so iromhi, ni Eshinegba oni o mu e ikhiese, ni o ghie eni e ya khiese oni ikhiese fie lasele.”\*

**IJesu o ghie ighiusomhi na  
ke o gbava eyoli fie**

(iMak 3.13-19; iLuk 6.12-16)

**10** IJesu o lu eniye odukhokho ogbava eyoli kugbe. O ri afu na we,

<sup>‡‡</sup>9:34 Li ze iMat 10.25; 12.24; iMak 3.22; iLuk 11.15

<sup>¶¶</sup>9:35 Li ze iMat 4.23; iMak 1.39; iLuk 4.44

<sup>§§</sup>9:36 Li ze iNoba 27.17; 1 Ighie 22.17; 2 Okhe 18.16; Ezik 34.5; iMak 6.34

\*9:38 Li ze iLuk 10.2

e ke ya khu iyemhe ebe ododa egbo egbe-a, e gbo ri egbo ni e mhue ighuamhi ododa ke ze.

<sup>2</sup>Eva eyi eni ighiusomhi na kee ogbava na. Oni odode khi iSamu ni a gbolo o lu iPita, ali inyoghuo oli, Aduru. IJemhisi ali inyoghuo oli ni a lu iJoni ni e khi imi iZebedi. <sup>3</sup>IFilipu ali iBatolomiu. ITomosi ali iMatiu ni e khi emionoga. IJemhisi omi Afeusi ali iTadiusi. <sup>4</sup>ISamu ni ingme o ghomu egbe ali iJudasi Isikaroti ni o ri iJesu de.

### Usomhi ni a ghie eni etuogbava

(iMak 6.7-13; iLuk 9.1-6)

<sup>5</sup>IJesu o ghie eniye odukhokho ogbava ena fie, o tse agua yewe, oo we, "A khi je eoli oyi egbo iJeta wekhi eoli na eke iSameria. <sup>6</sup>Ochoghoo a le deba egbo iZireni ni e li abi isumha ni e waa. <sup>7</sup>Abi a lie ke le, a ke tse abo usomhi ona-yewe, a lie we, 'Eghiele oyi Eshinegba o she ti bhale.' <sup>8</sup>A ri egbo ni e mhue ighuamhi ze, a ri eni e mhue efafe ze, a guise eni e ghua le, eni e mhue ayemhe ebe, a khu we ewe egbe lasele. Afue a ri eni ekspabo ena na e, a re we kpaghie egbo obo afue, a khi mie ifata shi o. <sup>9</sup>Abi a lie le ena, a khi tsua ukpagho okhoghuo shi omohemhi. <sup>10</sup>A khi tsua ekuwe pfi so, wekhi itsua na ro so elese, wekhi ekuwe ni a so, wekhi ukpokpo na ro a to okpo, irari khi asha ni ogbo o la gbe agho o te e le.†

<sup>11</sup>"Eoli oni a da bhale kpa, a kushi ayi ogbo no da kpe abo mie e, ramhi egheghe ni a ya rote agho vu. <sup>12</sup>Neni a ya so ukhomhi owa okhoghuo, a kpe lie, 'Opfomhe o la oni owa ona.' <sup>13</sup>Ini

egbo ne la oni owa e kpe abo mie e, opfomhe oyee o ka nu we la, ama, ini ea mie e, opfomhe oyee o gbo nyene deba e. <sup>14</sup>Ini a bhale eoli, khi egbo ne la oni eoli ea da kpe abo mie e ne, a kpe abo o-a na we ini a te o fie lase.‡ <sup>15</sup>Ogbele iguezo, mhi gueye e khi Eshinegba o ya mholi isomhelemhi na egbo iSodomu ali iGomora dose oni eoli ogbo.¶ <sup>16</sup>A sato khi eri mhi ghie e fie lase abi isumha ne la ifuabodumhi. Irarigho, a ze ni a lese ingme abi enye, ama a mhue ikuegbe-a abi anekhukhu.\*\*

### Okholi ni a ya mu vule shi e o

(iMak 13.9-13; iLuk 21.12-17)

<sup>17</sup>"A mu egbe e tsuke, irari khi egbo e ya mu e bhale ikotu, odalo egbhali ni ee so ezo. E gbe e itali elemhi owa ugamhi eyewe. <sup>18</sup>E ya ri itobo eva oyemhe muno e bhale deba igovuno ali enighie, ni a gue usomhi onete oyemhe ye we. A gbo pfi otsele oyemhe ye egbo iJu ali egbo iJeta. <sup>19</sup>A khi yele abi a ya ngme ali abi a ya so we, ini e muno e bhale agbala ezo. Irari khi emini a ya ngme o ya bhale unu oye e egheghe ni a nono oli shi. <sup>20</sup>Irari khi ingmemhi ni a ya ngme, ea ya khi eye e. Ayemhe-no-pfuase oyi Eshinegba ni o khi ita e, o ya ri ungmehi ni a ke ngme shi e unu.††

<sup>21</sup>"Egheghe na ngme ena, egbo e ya ri inyoghuo we bhale ni a gbe-a, ita eniye e wolo imi we bhale na gbolo-a, igho eniye e li ya rue itawe bhale na gbe-a.‡‡ <sup>22</sup>Egbo kpa e ya ke biselemhi e shi irari oyemhe. Ama ogbo ni o da mu irudunga oyoli mhue ramhi ukpese ne, loli a ya

†10:10 Li ze 1 iKori 9.14; 1 iTimo 5.18

‡10:14 Li ze Ika 13.51

¶10:15 Li ze iMat 11.24; Igbae 19.24-28

§10:15 Li ze iLuk 10.4-12

\*\*10:16 Li ze iLuk 10.3

††10:20 Li ze iMak 13.9-11; iLuk 12.11-12; 21.12-15

‡‡10:21 Li ze iMak 13.12; iLuk 21.16

mie pfuluse.<sup>¶¶</sup> <sup>23</sup> Ini a la asheghuo mu okhōli vule shi ẹ ọ, a na je ẹoli olese. Mhi zẹ ẹ lẹṣẹ khi, aa ya gbe akanya ona pfo ne eke ẹIzireni neni Omi Ogbọ ọ nyenẹ egbe ẹ bhale.

<sup>24</sup> “Omo odukhokho ọa lẹṣẹ doṣe ọga oyōli, wẹkhi eri oni ọọ ga ogbo ọ ya fu doṣe ọga oyōli.<sup>§§</sup> <sup>25</sup> Omo odukhokho ọ doṣe ya li abi ọga oyōli, oni ọọ ga ogbo ọ ya doṣe li abi ọga oyōli. Ini a lu ọdapfe iBezebo, seṣe a ke beṣhi ẹ lu eni e la oni omhue-apfe oyōli.\*

### Oni a ya ke na ulishi oyōli

(iLuk 12.2-7)

<sup>26</sup> “Itobọ igho a khi zẹ ni ulishi o mu ẹ irari khi aa me emini a gba khukhu ni ọa ya khueghie a, wẹkhi eri a me emini o sheli ni ọa ya lasele.<sup>†</sup> <sup>27</sup> Emini mhi gueye ẹ ẹliyose a ngme ọli lasele ini ogbe o gbe-a. Ungmemhi ni a beṣa gueye ẹ, a la ukhomhi owa ngme ọli lase ni egbo e suo gboo. <sup>28</sup> A khi na ulishi egbo ni o khia khi idiegbe e lẹṣẹ doṣe ya gbe-a, ni ẹa doṣe ya pfuluse ogbo ayemhe-a. Ama a na ulishi oyi Eshinegba no kha gbe-a se ọ gbo mhue ekpabo ro ya pfuluse ayemhe-a elemhi ilimhi irierie. <sup>29</sup> U lẹṣẹ khi ukpaghuo a ri ipfeli otuava de? Ama aa me ongewe ni ọ ya ghu-a ni Eshinegba ọa ya lẹṣẹ. <sup>30</sup> Eshinegba ọ she leli egbegbi itsu ni e la ẹ ukhomhi nya. <sup>31</sup> Itobọ igho, a khi zẹ ni ulishi o mu ẹ, irari khi a mu ẹloe doṣe ipfeli ni e bububu.

### Eni e migha na iJesu ali eni e kie ọli

(iLuk 12.8-9)

<sup>32</sup> “Ogbọ ni ọ da gue ungmehi oyemhe ye egbo ne, mhi ya li gue ingme oyōli ye Itamhe ni ọ la iloghie. <sup>33</sup> Ama onini ọ da la ukpeloe egbo kie mhe, mhi ya li kie ọli ukpeloe oyi Itamhe na obini iloghie.‡

### IJesu ọa ri opfomhe bhale ama okemhi

(iLuk 12.51-53; 14.26-27)

<sup>34</sup> “A khi sa khi opfomhe mhi ro bhale eke agbo. Mhi aa ro opfomhe bhale, ama ogbhoro. <sup>35</sup> Eri mhi bhale ya to okhue na “Omoṣe ali itali, ọkpotoso ali inyōli, ọsamọ ali inyodoli. <sup>36</sup> Unuekpe oyi ogbo, ebe ọli e la.¶¶

<sup>37</sup> “Ogbọ ni ọ da nono ingme oyi ita okekhi inyọ doṣe ingme oyemhe ne, ọa ya doṣe khi omo odukhokho oyemhe. Ogbọ ni ọ da nono ingme oyi omi ọli doṣe mhe ne, ọa ya doṣe khi omo odukhokho oyemhe. <sup>38</sup> Ogbọ ni ọa da kpha apfida oyōli tsua ni ọ ke deba eteawe oyemhe ne, ọa ya doṣe khi omo odukhokho oyemhe.<sup>§</sup> <sup>39</sup> Oni ọ da mu agbo oyōli mhue gagaga ne, o mema ya de ọli obo-a, ama oni rue agbo oyōli obo-a shi eke itobọ oyemhe ne, ọ ya me eleli agbo oyōli.\*\*

¶¶10:22 Li zẹ iMat 24.9,13; iMak 13.13; iLuk 21.17

§§10:24 Li zẹ iLuk 6.40; iJon 13.16; 15.20

\*10:25 Li zẹ iMat 9.34; 12.24; iMak 3.22; iLuk 11.15

†10:26 Li zẹ iMak 4.22; iLuk 8.17

‡10:33 Li zẹ 2 iTimo 2.12

¶10:36 Li zẹ iMika 7.6

§10:38 Li zẹ iMat 16.24; iMak 8.34; iLuk 9.23

\*\*10:39 Li zẹ iMat 16.25; iMak 8.35; iLuk 9.24; 17.33; iJon 12.25

## Eleli

(iMak 9.41)

<sup>40</sup>“Ogbò ni ọ da kpe abọ mie ẹ ne, mhemhẹ ọ kpe abọ mie. Oni ọ da kpe abọ mie mhẹ, oni ọ ghie mhẹ ọ kpe abọ mie.”<sup>††</sup> <sup>41</sup>Ogbò ni ọ da kpe abọ mie omekeguele oyi Eshinegba ne, ọ ya mhue isomhopfa onayi omekeguele. Oni ọ da kpe abọ mie ogbò ni ọ pfuase ne irari khi ọ da khi ogbò ni ọ pfuase, ọ ya mhue eleli oyi ogbò ni ọ pfuase. <sup>42</sup>Ini ogbòkhoghuo ọ diẹ amẹ ni e pfohmẹ na egbò eni ẹa mu ẹloe ena da ne, irari khi e da khi eniye odukhokho eyemhẹ, mhi gue ọ yẹ ẹ gueguegue khi eleli oyọli ọa ya de ọli obọ a.”

### Ijesu ali iJoni Oni ọọ batazi egbo

(iLuk 7.18-35)

**11** Abi iJesu ọ rọ gueye eniye odukhokho ogbava eyọli emini e ya rieḷe se, ọ je ẹoli ni e la eke iGalili ya sese, ọ gbolo tse abọ oni usomhi onete.

<sup>2</sup>Abi iJoni Oni ọọ batazi egbo ọ rọ la owa ighumha suọ ikanya ni iKirisiti ọọ gbe, ọ ghie eniye odukhokho eyọli ghi ọli, <sup>3</sup>E lẹ ya lina mhila li. “Yeye u khi oni iJoni ọ ngme khi ọ ya bhale, abi anye ri ẹloe shi eke ke kẹ ogbò ọlese?”

<sup>4</sup>Ijesu ọ sọ wẹ ọ, ọọ wẹ, “A nyene egbe ya gueye iJoni emini a suọ ni a me. <sup>5</sup>Ezalo ẹẹ khueghie alo-a, eni e guoghọ awe-a, e vule ẹẹ kia, a ri eni e mhue ighuamhi ẹkuẹ idiegbe ọdoda ze, eleso ẹẹ suọ eso, egbo ni e ghu-a, a guise wẹ le. A gbolo ẹ tse abọ usomhi onete ye egbo eni ẹa mhue.”<sup>‡‡</sup> <sup>6</sup>Ikhivose o khi na ogbò ni ọa mhọli akhokhomhẹ shi ingme oyemhẹ!”

<sup>7</sup>Eniye odukhokho eyi iJoni ee vu se, iJesu ọọ ngme ingme oyi iJoni khasẹ eni e legba. Ọ mhila wẹ, ọọ. “Abi a rọ fiẹ je ọdagbe ifufu ni a rọ ya bino iJoni, ogbò nabise a dabi khi a ya me? Ebuli ifulu ni akpekpeli ọ pfi ẹ nga pfi ẹ tiemhi a dabi khi a ya me?” <sup>8</sup>Ini ọa khi igho shọ, ẹlọ a dabi khi a ya me abi a rọ fe fiẹ lase? Ọmose ni ọ sọ itsua eni e somhi otse a sa khi a ya me? Iiye o! Egbò eni ẹẹ sọ itsua eni e somhotse, apfe oyi oghie ẹẹ la. <sup>9</sup>Ẹlọ a fe fiẹ lase khi a ya me shọ? Ọmekeguele? Gueguegue, ama mhi gueye ẹ, oni ọ gbo fu dose omekeguele a me. <sup>10</sup>IJoni ọ khi oni ogbò ni Ebe-nopfuase o ngme ingme oyọli, ni Eshinegba ọ la lie,

“Mhi ya kpe ghie aghiusomhi oyemhẹ ralo ne,

ni ọ ya khueghie ode-a ne.”<sup>¶¶</sup>

<sup>11</sup>Abi o li mhi li gue ọli ye ẹ khi, iJoni ọ fu dose ogbokpa ni ọ la agbo ona ghue, ama, ogbò ni ọ ga kpoke nya obini Eghiele oyi Eshinegba, ọ fu dose ọli.

<sup>12</sup>Rote egheghe oyi iJoni Oni ọọ batazi egbo ya ramhi ogbe na amo, Eshinegba ọ te ẹ ri ikakabo mhọli omhese oyọli shi agbo oyi egbo, ama ikakabo egbo e ke rọ ọ lo ọ. <sup>13</sup>Irari khi emekeguele nya ali Ishi eyi iMosisi, e me guele shi eke ramhi egheghe oyi iJoni.<sup>§§</sup> <sup>14</sup>Ini a ya lama shi ọ, iJoni ọ khi oni Elaja ni ẹ khi ọ ya nyene egbe bhale.\* <sup>15</sup>A mhọli eso, a suọ emini mhia gueye ẹ, ni a rọli gbe akanya.

<sup>16</sup>“Ẹlọ mhi ri agbotu ona ya khokho? Eri e li abi ikuku eniye ni e shito epfefpe oki ni e lu egbe wẹ,

<sup>17</sup>“Anye pfi ofele na ẹ, aa lama gbe ishimi, anye to uwolo

<sup>††</sup>10:40 Li zẹ iMak 9.37; iLuk 9.48; 10.16; iJon 13.20

<sup>‡‡</sup>11:5 Li zẹ Aza 35.5-6; 61.1

<sup>¶¶</sup>11:10 Li zẹ iMala 3.1

<sup>§§</sup>11:13 Li zẹ iLuk 16.16

\* 11:14 Li zẹ iMala 4.5; iMat 17.10-13; iMak 9.11-13

ni a rọ viẹ olimhi shi e ọ,  
ama aa lama viẹ.’

<sup>18</sup> Abi iJoni ọ rọ bhale, eri ọọ pfi azumhi, ọa lama da onyo, irarigho ẹgbọ e liẹ khi, ‘Ayemhe Ọkphaghie oo nase ọli.’ <sup>19</sup> Ama Omi Ọgbọ ọ ke bhale, ọọ le ọọ da, ẹgbọ kpa e ke liẹ khi, ‘Ọgbọ unu-emhi ali ọdonyo ọ khi, ni ọ nu emionoga ali ena olamhe e mu ọmole.’ Emini Eshinegba ọọ riele, o ri ileasingme oyoli e khase.”

**Emini ọoli ni ẹa lama mu pfi ẹẹ me**

(iLuk 10.13-15)

<sup>20</sup> Igho iJesu ọ li ze emuebe na egbo ni e la ẹoli ni ọ la gbe ikanya onyaloa ebubu eyoli, itobọ khi ẹa mu pfi, ọọ li. <sup>21</sup> “Ep-fua o khi ne, iKorazi! Epfua o khi ne, iBetisaida! Irari khi ini ikanya onyaloa ni a gbe ifui ẹoli eye e khi a li gbe we iTai ali iSidoni lo, e kha she vie osoli na egbewe shi olamhe eyewe, e te olamhe eyewe mu pfi agboagbo.† <sup>22</sup> Ama mhi gueye e khi, o ya somhi iTai ali iSidoni egbe dose e, ogbele iso-ezo <sup>23</sup> Yeye iKapantomu, eri a nono ni a ya yase e nga idane ramhi irarogbe? Iiye o! Eri a ya pfi e tiemhi ooke ilimhi irierie. Irari khi ini onyaloa ni a gbe khase e khi a gbe we eke iSodomu lo, o kha la ọ ramhi amo.‡ <sup>24</sup> Ama mhi gueye e khi o ya somhi iSodomu egbe dose e, ogbele iso-ezo.”¶

**Bhale deba mhe ni u mholi iyemhea**

(iLuk 10.21-22)

<sup>25</sup> Eghẹghe agho iJesu ọ liẹ, “Ita, Onomhue, ni ọ mhue eke ali ukhuli, mhi tse uwegbe khi emini u ro sheli na

egube, ali eni e fialo-a, khi u rewe khase egbo ni ẹa mu eloe. <sup>26</sup> Igho, Ita, ina o li ghole e shi.

<sup>27</sup> “Itamhe ọ she ri emhikpa nga mhe obọ. Ogbokhoghuo ọa la ọ, ni ọ lese oni Omọ, se ni Ita. Ogbokhoghuo ọa la ọ ni ọ lese Ita se ni oni Omọ, ali eni oni Omọ ọ lama ri oni Ita khase. §

<sup>28</sup> “A bhale deba mhe, ee nya ni a tsua itsua ni ee khose e, mhi ya ri iyemhea na e. <sup>29</sup> A ri egbe mie emini mhi e ke riele, a rote obọ oyemhe wena, itobọ khi mhii pfomhe gba, ali khi udu oyemhe o mholi iriegbe-tiemhile, ni a mhue iyemhea. \*\* <sup>30</sup> Irari khi emini mhia li e a riele oni o ze e riele yeghele lo, ali khi eri itsua eyemhe ee fue.”

**IJesu ọ khi Onomhue oyi ele iyemhea**

(iMak 2.23-28; iLuk 6.1-5)

**12** Eghẹghe ni a ngme ena, iJesu ọ rote ifui ishemhi iakpa dose ele iyemhea. Okiamhi oo gbe eniye odukhoko eyoli. Igho e li be eni iakpa, e le we. †† <sup>2</sup> Abi egbo iFarisi e ro me ona, e ọli, “Ghe khe! Eniye odukhoko eye ee riele emini Ishi eyi iMosisi ọa lama shi a riele ele iyemhea.”

<sup>3</sup> Ọ so we ọ, ọọ, “Aa she kpe ze emini iDefidi ọ riele abi okiamhi o ro gbe ọli ali apfoli? <sup>4</sup> Eri ọ lo elemhi owa oyi Eshinegba, lolli ali apfoli, e ya rue ibuledi oni o pfuase le, ni ushi ọa lama shi e le. Oni ibuledi ona, ekpodalo-ugamhi eyi Eshinegba tse, e lese le ọli. ††¶ <sup>5</sup> Abi khi aa rote ebe ushi iMosisi ze ọli khi ekpodalo-ugamhi eyi Eshinegba ni e la

†11:21 Li ze Aza 23.1-18; Ezik 26.1—28.26; iJọe 3.4-8; Emo 1.9-10; iZaka 9.2-4

‡11:23 Li ze Aza 14.13-15; Igbae 19.24-28

¶11:24 Li ze iMat 10.15; iLuk 10.12

§11:27 Li ze iJon 3.35; 1.18; 10.15

\*\*11:29 Li ze iJere 6.16

††12:1 Li ze iDeut 23.25

†††12:4 Li ze iLev 24.9

¶¶12:4 Li ze 1 iSam 21.1-6

Owa Oyi Eshinegba, ee gbe ushi-a ogbele iyemhea, ama ogbo o a ro mu ota so we?<sup>§§</sup> <sup>6</sup> Ama mhi gueye e khi ogbo ni o fu dose Owa Oyi Eshinegba o la ana. <sup>7</sup> Ini a lese emini a ri oni ungmehi ona ngme shi Ebe-no-pfuase lo, ni o o, 'Ilelemhi o ghole mhe, o a khi iluasobo,' aa kha ke pfa ezo mu eni ea lue.\* <sup>8</sup> Irari khi mhemhe Omi Ogbo mhi khi Onomhue oyi ogbele iyemhea."

**IJesu o ri omose ni obo oyoli o cheghela-a ze**

(iMak 3.1-6; iLuk 6.6-11)

<sup>9</sup> Abi iJesu o rote agho vu, o lo el-emhi owa ugamhi oyewe. <sup>10</sup> Igho omose oghuo ni o cheghela obo oghuo-a, o la akagho. Egbo eghuo e la agho ni e nono ni wewe e mu ingme shi iJesu egbe, igho e mhila li. E oli, "O fe ti ni a ri ogbo ze ele iyemhea?"

<sup>11</sup> IJesu oo we, "Ini ongee o fe mholi osumha, ni o ro de pfilo ateke ele iyemhea, wa a ya fe mu oli o lasele?<sup>†</sup> <sup>12</sup> Ogbo o mu eloe dose osumha! Irarigho, Ishi eyi iMosisi o lama shi o, ogbo o riela onete ogbele iyemhea."

<sup>13</sup> Igho oo oni omose ni o cheghela obo oghuo a egho, "Nise obo oye-a." Igho o nise oli-a. Oni obo o na ya to abi onokpole <sup>14</sup> Igho eni egbo iFarisi e fe ya ye ugbamhi abi e li ya gbe iJesu-a.

**Oni oo ga ni Eshinegba o ze**

<sup>15</sup> Abi iJesu o ke ro lese ugbamhi ni e gba, o rote agho vu je oboese, ebubu egbo e deba li. O ri eni e mholi umhaze nya ze. <sup>16</sup> O tse agua ye we e khi gueye egbo oni loli khi. <sup>17</sup> Eri a ri ona ri

ungmemhi ni Azaya omekeguele o ngme bhale ya tse, ni o la lie, <sup>18</sup> "Oni oo ga oyemhe ni mhi ze na, oni mhi nono ingme oyoli, ni o ri egbe e mu mhe, mhi ya ri Ayemhe oyemhe shi oli egbe, o ya ri igue-so-ozo oyemhe khashe ishishi nya.

<sup>19</sup> Oa ya nu egbo wola wekhi eri o ya tsewe ni ogbo suo ifui apfe.

<sup>20</sup> O ya kuegbe-a

nu eni ea mhue ekpabo ngeli, abi a li kuegbe-a mu opakpa ni akpekpeli o pfigbe vule.

O ya le elemhi eni ee nono ikpaghiobo, abi ogbhali oa lie la apfe ni ame o gbe erali

ni o la umutse pfuse-a, ya ramhi ni o ro ri igue-so-ozo leghie.

<sup>21</sup> Itobo igho egbo iJeta nya e ro regbenga eva oyoli."<sup>‡</sup>

**IJesu ali iBezeb**

(iMak 3.20-30; iLuk 11.14-23)

<sup>22</sup> Igho egbo eghuo e rue omose oghuo ni o mholi ayemhe obe bhale ghi iJesu. O zalo o gbo khi ungmenu. IJesu o ri oni omose ze. Oo ngme, o gbolo e me eke. <sup>23</sup> Igho abo e sha eni egbo nya, e mhila, e lie, "Abi khi iJesu ona o khi Oni Omiepfuese omi iDefidi ni e khi o ya bhale?"

<sup>24</sup> Abi egbo iFarisi e ro suo ona, e ke, "Ekpabo eyi iBezeb ni o khi oghie oyi iyemhe ebe nya, o ro khu egbo iyemhe ebe egbe lasele."<sup>¶</sup>

§§12:5 Li ze iNoba 28.9-10

\*12:7 Li ze iMat 9.13; Osia 6.6

†12:11 Li ze iLuk 14.5

‡12:21 Li ze Aza 42.1-4

¶12:24 Li ze iMat 9.34; 10.25

<sup>25</sup> IJesu o she leşe usamhi oyewę, oo we, “Eghiele ni o da kemhi shi iku-iku ni o nu egbewę ę khõli ne, eri o ya pfua. Ighõ khi ęoli ali unuekpę ni e kemhi egbe nu egbewę ę khõli, ęa doբę ya migha. <sup>26</sup> Ini Okphaghie oo khu Okphaghie lase, o she kemhi egbõli. Seę eghiele oyõli o ke li doբę ya migha? <sup>27</sup> Ini mhi ri ekpabõ eyi iBezebõ ęę khu ęgbo ayemhe ebe egbe a, ekpabõ eyi oghuo ęgbo eyę ę e rõ khu we kua? Emini eni ęę deba ę ęę riele o rokhasę khi aa rõte ode. <sup>28</sup> Ama ini o khia khi Ayemhe oyi Eshinegba mhi rõ o khu ayemhe ebe kua, lõli o rokhasę khi Eshinegba o she ę mhesę shi ę egbe.

<sup>29</sup> “Oghuo o fe leşe ya vule, o doբę lo apfe oyi omõse akama ya tsua li itsua vu. Oa khi eri o kpe ya ge õli shi eke? O tigbe doբę tsua li itsua owa?

<sup>30</sup> “Oni oa da nu mhe la ne, eri o biselemhi mhe, ali khi oni oa da nu mhe ti ę gbili ne, eri o miatse ku a. <sup>31</sup> Irarighõ, mhi gueye ę khi, a ya ri olamhe ali ungmemhi ipfiunu-a nya topfa ogbo, ama aa ya tigbe ri ungmemhi ipfiunu-a ni a ngme deba Ayemhe-no-pfuase topfa ogbo. <sup>32</sup> A ya doբę rõ topfa onini o da pfi unu-a deba Omi Ogbo, ama aa ya rõ topfa õni o da pfi unu-a deba Ayemhe-no-pfuase, elemhi agbo ni a la memena, ghe agbo ni o ke ę bhale. <sup>\*\*</sup>

### Udumhi õõra a te ę leşe õõra

(iLuk 6.43-45)

<sup>33</sup> “Ri ęloe khu õara, o ya mõ umõmhi onete, ini u waa ri ęloe khu õara, o

mõ umõmhi ni oa ti. Irari khi umõmhi oyi õara a te ę leşe emini oni õara o khi. <sup>††</sup> <sup>34</sup> Seę ęę ęgbo ebe ni a khõlo abi ęnye afue, a lie ngme ungmemhi onete unu? Usamhi ni e võ ogbo udu o rõli ęę ngme ungmemhi rõte unu lasele. <sup>‡‡</sup> <sup>35</sup> Udu onete ogbo onete o te ę ngme ungmemhi onete lasele. Ighõ ungmemhi obe o li rõte udu oyi ogboe ę lasele. <sup>36</sup> Ama a leşe khi ogbogbo o ya zõõõ abi o li ngme ungmemhi afue unu lasele ogbele isõ-ęzõ. <sup>37</sup> Irari khi ungmemhi unu oye a rõ ya pfa ęzõ ne, ungmemhi unu oye a gbo rõ ya pfa ęzõ mu e.”

### Irokhasę oyi iJona

(iMak 8.11-12; iLuk 11.29-32)

<sup>38</sup> Ighõ ęgbo iFarisi ali esesę Ishi eyi iMosisi eghuo ęę iJesu, “Osesę, ri õlele õnyalõa oghuo khasę anye.” <sup>¶¶</sup>

<sup>39</sup> O sõ we o, oo, “Eę ęgbo okhõlo ni aa ri igesikia ga Eshinegba.” Áá mhila mhe õlele õnyalõa? Ogbõkhoghõuo oa ya ri õlele okhõghõuo khasę ę, seę ni onabi a rokhasę oyi iJona õmekeguele. <sup>§§</sup> <sup>40</sup> Irari khi abi iJona o li la elemhi oyi afele ogbele ese ele õguota ali ele iyose, ighõ Omi Ogbo o li ya li la elemhi eke ogbele ese, ele õguota ali ele iyose. <sup>\*</sup> <sup>41</sup> Egbõ iNineve e ya mu ęzõ vule shi ę ęgbo agbhotu ona o ogbele iguezo, irari khi e mu nyene abi iJona o rõ tse abõ ungmemhi oyi Eshinegba ye we. Ama memena, õni o ga fu doբę iJona o la akana, ama aa lama mu pfi. <sup>†</sup>

§12:30 Li zę iMak 9.40

\*\*12:32 Li zę iLuk 12.10

††12:33 Li zę iMat 7.20; iLuk 6.44

‡‡12:34 Li zę iMat 3.7; 23.33; 15.18; iLuk 3.7; 6.45

¶¶12:38 Li zę iMat 16.1; iMak 8.11; iLuk 11.16

§§12:39 Li zę iJona 1.17—2.10; iMat 16.4; iMak 8.12

\*12:40 Li zę iJona 1.17

†12:41 Li zę iJona 3.5

### Abi ayemhẹ obe o liẹ kia

(iLuk 11.24-26)

<sup>42</sup>Oghie-ọkpotoso oyi eke iSheba o ya mu ezo vule shi e egbo agbhotu ona o ogbele iguezo, o pfa ezo mu we. Itobo khi oo rote obini odonue bhale ya ri eso kpe oseşe ileşingme oyi iSolomoni. Ama memena oni o fu doşe iSolomoni o la akana, ama aa lama pfi eso shi oli o.<sup>‡</sup>

<sup>43</sup>“Ini ayemhẹ ebe o rote ogbo egbe lasela, eri o kpe je eke okhakha ya dudu kia nono ashini o je ya yemhẹ-a. Ama ini o a me, <sup>44</sup>o gueye egboli, ‘Mhi ya nyene egbe ukhokho je owa ni mhi kpe te vu.’ Ini o nyene egbe bhale agho ni o ro ya e khi agho o gboo, khi asha kpa oo pfuase nguene. <sup>45</sup>Egheghe agho, o fiẹ je olase ya rue ayemhẹ ebe ishilua elese ni e kholo doşe oli bhale ya lo agho, e la agho. Egheghe agho, ikpukhokho oyi oni ogbo ogbo o ke ya kholo doşe abi o kpe li. Igho o ya li e egbe ee egbo okholo ena.”

### Inyo iJesu ali inyoghuo iJesu

(iMak 3.31-35; iLuk 8.19-21)

<sup>46</sup>IJesu o kie ghọ nu eni ebubu egbo o ngme, inyoli ali inyoghuo oli e bhale. E migha olase, e nono ni wewe e nu oli ngme. <sup>47</sup>Ogbohguo agho, oo li, “Inye ali inyoghuo e, e migha olase, ee nono ni wewe e nu e ngme.”

<sup>48</sup>IJesu o sọli o, oo, “Eghuo e khi inyemhẹ ali inyoghuo-mhẹ?” <sup>49</sup>O nise obọ ghue eniyẹ odukhokho eyoli, oo, “Enana e khi inyemhẹ ali inyoghuo-mhẹ. <sup>50</sup>Onini o da ri ungmehi oyi Itamhẹ na iloghie gbe akanya, loli o khi inyoghuo-mhẹ oni omose ali oni okpotso ali inyemhẹ.”

### Okhe irokhokho oyi oghiale ni o ko ikpamhemhi

(iMak 4.1-9; iLuk 8.4-8)

**13** Eḷe ni a ngme ena, iJesu o fiẹ owa ya lase, o shito epfe oke oniemi. <sup>2</sup>Ebubu egbo e le gase oli ramhi ni o ro vu ya lo oko-oke oniemi shito, eni egbo nya e migha egele oni oke oniemi.<sup>†</sup> <sup>3</sup>O ri okhe irokhokho gue emhi ebubu u ye we, oo we, “A ghe i! Oghiale oghuo o je ishemhi ya ku ikpamhi emhi. <sup>4</sup>Abi o li i ku eni ikpamhi emhi egbo, eghuo o e de kua epfe ode. Ipfele e bhale ya sanọ we le. <sup>5</sup>Eghuo o, e de nga ukhomhi okpegbhe, ni o a mhue eke ni e bu. E nyanya ze. Ama itobo khi oni eke o a mhue elamhi ni e pfi imhili lo, <sup>6</sup>ovọ o gbolo we-a. E khakha-a, irari khi ea me asha pfi imhili lo eke egbegbo. <sup>7</sup>Ikpamhi eghuo o, e de kulo ashini igba e la. Eni igba e ze, e tono we gbolo-a. <sup>8</sup>Ama ikpamhi eghuo, e de shi egbegbi eke, e fu, e nyese ekhe. Eghuo e ri imomhi asha egbhueshe lasela, elese e ri asha egbhueshe lasela, enekpole, asha uye ali igbe. Egheghe agho e ke ya bu doşe emini a kpe ro ko. <sup>9</sup>A ze eso, a suọ emini mhia gueye e, ni a roli gbe akanya.”

### Emini oni okhe irokhokho o migha shi

(iMak 4.10-12; iLuk 8.9-10)

<sup>10</sup>Eniyẹ odukhokho eyoli e bhale deba li, e mhila li, “Elo o ze ni u ro ri okhe irokhokho o sese eni egbo?”

<sup>11</sup>IJesu oo we, a she mholi ileşe oyi osheli abi Eshinegba o she mholi omheshe shi e egbe, ama a roli sheli we. <sup>12</sup>Onini o da kpe mholi, a ya ro ma o na li, o mholi gbeku o. Ama oni o a mhue, a ya mie oli

<sup>‡</sup>12:42 Li ze 1 Ighie 10.1-10; 2 Okhe 9.1-12

<sup>†</sup>13:2 Li ze iLuk 5.1-3



oni o kpẹ mhue.<sup>§ 13</sup> Emini o zẹ ni mhi ro ri okhẹ iròkhòkò nu wẹ ngme khi.

Ini e riẹ bino,  
 ẹa ya mẹ eke,  
 ini e riẹ ri esọ shi eke,  
 ọa ya lo wẹ esọ.

<sup>14</sup>Lọli o zẹ khi ungmehi ni ọmekẹguele Azaya o ngme o tse shi wẹ egbe ni o la liẹ.

“A ya ri esọ shi eke khue, ama ọa ya tigbe lo ẹ esọ, a fẹli ofẹli khue, aa mẹ emhikhoghuo.

<sup>15</sup>Udu oyewẹ o bi obili-a.

Itobọ khi eri  
 esọ eyewẹ e zuse,  
 e gbo guese alo.  
 Ini ọa khi ighọ,  
 e kha ri alo eyewẹ  
 ke mẹ eke,

esọ eyewẹ e kha suọ,  
 udu oyewẹ o kha  
 mhọli ilẹsingme,  
 ee kha mu pfi  
 bhale deba mhe,  
 mhi rẹwẹ ze.”

“Eni ẹgbọ e ya ri esọ  
 shi eke khue,  
 ama ọa ya tigbe lo wẹ esọ,  
 e fẹli ofẹli khue,

ama ẹa mẹ emhikhoghuo.”\*\*

<sup>16</sup>Ama oyẹẹ ọa khi ighọ. Á mẹ afa gba. A ri alo eyẹ ẹ mẹ eke, a ri esọ eyẹ ẹ suọ. <sup>17</sup>Abi o li mhi li gue ọli yẹ ẹ khi, emekẹguele ebubu ali ẹgbọ eyi Eshinẹgba ebubu, e li dua ini wẹwẹ e mẹ emini a mẹ ali ini wẹwẹ e suọ emini a suọ, ama ẹa dobe.<sup>††</sup>

### **Emini okhẹ iròkhòkò oyi oghiale o ngme**

(iMak 4.13-20; iLuk 8.11-15)

<sup>18</sup>IJesu ọọ. “A ri esọ shi eke, ni e suọ emini oni okhẹ iròkhòkò o ngme. <sup>19</sup>Ọgbọ ni suọ ungmehi omhẹse ni Eshinẹgba o mhọli shi agbọ oyi ẹgbọ, ni ọa lo ọli esọ ne, lọli o li abi ikpamhi emini e de kua epfe ode. Eri ọkpaghigie ọọ bhale ya sanọ li wẹwẹ udu kua. <sup>20</sup>Eni e zẹ nga ukhomhi ọkpegbhe, eri e li abi ọgbọ ni o kha suọ ungmehi, o ga ri oghẹle mie ọli. <sup>21</sup>Ama ọa tiemhi ọli udu, itobọ ighọ, ọa migha tесе. Irarighọ, ini ọmunu o bhale ali ni a ro mu okhọli vule shi ọli o shi itobọ oni ungmehi, o de ode a aghọghọ. <sup>22</sup>Ikpamhi ni e zẹ shi ifu igba, wẹwẹ e li abi ọgbọ ni o kha suọ ungmehi oyi Eshinẹgba, inase-udu shi ingme agbọ ali oghuemhe oyi epfue, e tono oni ungmehi abi igba, ọa dobe mọ umomhi.<sup>‡‡</sup> <sup>23</sup>Ikpamhi ni e zẹ shi egbegbi eke, e li abi ọgbọ ni o kha suọ ungmehi oyi Eshinẹgba o lo ọli esọ. O mọ umomhi. Eghuo e kha mọ imomhi egbhueshe, elese mọ egbhueshe, eghuo o uye ali igbe.”

### **Okhẹ iròkhòkò oyi ebuli ofaghue ali ado**

<sup>24</sup>IJesu o gbo zẹ okhẹ iròkhòkò olese khasẹ wẹ, ọọ wẹ, “Eri omhẹse oyi Eghiele oyi Eshinẹgba o li abi ọmose ọghuo ni o kọ ado enete shi ishemi oyoli.” <sup>25</sup>Eliyose, khi ẹgbokpa e ya lese-a, ọbe ọli o bhale ya kọ ebuli ofaghue solọ shi ọli o, o vu. <sup>26</sup>Eni ado e zẹ khi e fu khi e ri itsagha lasele, eni ebuli ofaghue e li zẹ lasele.

§13:12 Li zẹ iMat 25.29; iMak 4.25; iLuk 8.18; 19.26

\*\*13:15 Li zẹ Aza 6.9-10

††13:17 Li zẹ iLuk 10.23-24; iJon 8.56; Iburu 11.13; 1 iPit 1.10-12

‡‡13:22 Li zẹ iMat 19.23; 1 iTimo 6.9-10,17

<sup>27</sup>“Igho eni eę ga eyi oni omoşe e bhale ya gueyeę oli, eę oli, ‘Oga egbegbi ado ni u ko shi ishemhi oye, ebuli ofaghue e nu weę ze lasele kia soło shi we?’”

<sup>28</sup>“Obe mhe o rięle ona.

“Eni eę ga e mhila li, ‘Wa a nono ni anye vuolo eni ebuli o kua?’” <sup>29</sup>Oo we, liye! Irari khi ini a vuolo eni ebuli-a, a ya do obo vuolo eni ado ma eni ebuli. <sup>30</sup>A ze ni e ga fu kugbe ya ramhi eęheęhe ikhięse. Eęheęhe agho, mhi ya gueyeę eni eę khięse, e kpe vuolo eni ebuli-a, e ge we ikhuli, e toşe we-a, e tigbe khięse eni eębegbi ado shi aka na mhe.”

### **Okhe irokhokho oyi ukpamhi oara imositadi**

(iMak 4.30-32; iLuk 13.18-19)

<sup>31</sup>IJesu o ze okhe irokhokho olese khaşe we. Oo we, “Eri omheşe ni Eshineęba o mholi shi agbo oyi eębo o li abi ukpamhi oara ni a lu imositadi ni omoşe oghuo o ro ya ko ishemhi oyoli. <sup>32</sup>Ukpamhi oli, o khi oghuo ikpamhi eęra ni e she ne nya, ama ini o fu vule, loři o ke fu doşe emini a ko shi oni ishemhi nya. O mele oara oni ofunę a. Ipfeli e bhale ya ku eko shi iguabo eyoli.”

### **Okhe irokhokho oyi ifuma**

(iLuk 13.20-21)

<sup>33</sup>IJesu o gbo ze okhe irokhokho olese khaşe we, oo we, “Eri omheşe ni Eshineęba o mholi shi agbo oyi eębo o li abi ifuma ni okpotso o ro ma ifulawa ni o bu wushe, ni o roři fuma shi o.”<sup>¶¶</sup>

<sup>34</sup>Okhe irokhokho iJesu o ro gue ingme ena yeęe. Oa tigbe gue ingme okhoghuo yeęe ni oa khi okhe irokhokho. <sup>35</sup>Eri ona o ya tse shi ungmemhi ni omekeęuele o ngme. Ni oo, “Okhe irokhokho

mhi ro ya nu we ngme.

Mhi ya gue ingme

ni a roęe igbaekele

oyi agbo ro sheli ye we.”<sup>§§</sup>

<sup>36</sup>Abi iJesu o ro ze eni ebubu eębo obo, ni o ro ya lo elemhi owa, eniye odukhokho eyoli e bhale deba li. Eę oli, “Gueye anye emini okhe irokhokho oyi ebuli ofaghue ogho o ngme.”

<sup>37</sup>IJesu oo, “Ogho ni o ri eni eębegbi ikpamhi emhi eękomhi ko, o khi Omi Ogho. <sup>38</sup>Oni ishemhi o khi oni agbo ona, eni ikpamhi ado enete eęho e khi eębo ni e ya ri eębewe na Eghiele oyi Eshineęba. Eni ebuli ofaghue e khi eębo eyi Okphaghie. <sup>39</sup>Okphaghie o khi Obe ni o ri eni ebuli ko ifu ishemhi. Oni eęheęhe ikhięse o khi ikpukhokho agbo, eni eni eę ga eęho e khi igeni eyi Eshineęba.

<sup>40</sup>“Ezeşe abi a li ti eni ebuli gbili toşe-a eęho, igho ikpukhokho agbo o ya li.

<sup>41</sup>Omi Ogho o ya ghie igeni eyoli ya wolo eębo ni e yeşe eębo pfido ali eni e li okholo elemhi eghiele oyoli lasele. <sup>42</sup>A ya pfi we kulo elemhi avuere, agho eębo e la ya ke vie e le ako ako. <sup>43</sup>Eęheęhe agho eębo eyi Eshineęba e ya ke ge abi ovo elemhi agbo onogbo oyi Eshineęba. A mholi eso, a suo emini mhia gueye e ni a roři gbe akanya.”

### **Okhe irokhokho oyi eęfue ni a ro sheli**

<sup>44</sup>“Eri omheşe ni Eshineęba o mholi shi agbo oyi eębo o li abi eęfue ni a ro sheli ifui ishemhi, ni omoşe o tono eke me rue, ni o nyanya gbo roři sheli. Eębe e mu oli, o ya ri emini o mholi nya de, o ya de oni ishemhi ogho.

<sup>45</sup>“Eri omheşe ni Eshineęba o mholi shi agbo oyi eębo o li abi omoşe ni o nono ugbhe-ema. <sup>46</sup>Ini o me oni o lo mu

<sup>¶¶</sup>13:33 Li ze iLuk 13.20-21; iGal 5.9; Igbae 18.6

<sup>§§</sup>13:35 Li ze Iwolo 78.2

əloe, ɔ je apfɛ ya ri emini ɔ mhɔli nya de, ɔ de ɔli.

### Okhɛ irɔkhɔkhɔ oyi aga

<sup>47</sup> “Eri omhɛsɛ ni Eshinɛgba mhɔli shi agbɔ oyi ɛgbɔ o gbo li abi aga ni egbifele e pfi lo okɛ oniɛmhi ni o khishi, e muno ifele ɔdɔda. <sup>48</sup> Abi oni aga o rɔ vɔ, e ti ɔli ngale egele. Ighɔ, e shito e sanɔ ifele eni e khi egbegbewɛ ɔ kulo ughughu, e tsua eni ɛa ti kua. <sup>49</sup> Ighɔ o ya li ogbele ni o kpe ukhokho. Igeni eyi Eshinɛgba e ya sanɔ ɛgbɔ ɔkhɔlɔ ifuabɔ ɛgbɔ eni e pfuasɛ lasele. <sup>50</sup> E pfi ɛgbɔ ɔkhɔlɔ egɔ kulo owa erɛ, ni e la ke vie, ɛɛ le akɔ akɔ.

<sup>51</sup> “Eni ingmemhi ena nya e she lo ɛ esɔ?” E ɔli, “Ii.” <sup>52</sup> Oɔ wɛ, “Irarighɔ, eri ɔsɛsɛ ushi nya ni ɔ mele ɔmɔ odukhokho-a, ni ɔ da mie Eghiele oyi Eshinɛgba shi udu, ɔ li abi ɔgbɔ ni ɔ mhɔli owa, ni ɔ rɔte elemhi owa ni ɔ ri itsua shi ɛ rue ɛpfue onogbɔ ali onodiɔ lasele.”

### Edɛli eyi iJesu e kie ɔli

(iMak 6.1-6; iLuk 4.16-30)

<sup>53</sup> Abi iJesu ɔ rɔ zɛ eni okhɛ irɔkhɔkhɔ ena se, ɔ lase aghɔ le. <sup>54</sup> ɔ nyenɛ egbe je ɛoli oyɔli. ɔ la owa ugamhi sɛsɛ, ɛgbɔ ni e suɔ ɔli, abɔ e sha wɛ. E mhila, e lie, “Obo ɔ te mhue ilɛsingme enana, obo ɔ te mɛ ikanya ɔshabɔ ena a gbe?” <sup>55</sup> “ɔa she khi omi ikapita na? ɔa khi iMeli ɔ khi inyɔli, iJemhisi ali iJosefu ali iSamɔ ali iJudasi ɛa she khi inyɔghuo ɔli? <sup>56</sup> Ena ɛa khi inyɔghuo ɔli eni ikpotso ni e ga nu awa la ana ena? Mhie, Obo ɔ te mɛ enana nya?” <sup>57</sup> Irarighɔ, ɔ ri elemhi bi wɛ.\*

Ighɔ iJesu ɔ wɛ, “Aa mɛ ashini aa la mu ekpɛ na ɔmekɛguele, sɛ ni apfɛ oyɔli

ali unuekpɛ oyɔli tɛsɛ aa la mu ekpɛ na li.”

<sup>58</sup> Itobɔ khi ɛa mhue irudunga, ɔa la aghɔ gbe ikanya ɔnyalɔa ni e bu.

### Eghuli oyi iJoni Oni ɔɔ batazi

(iMak 6.14-29; iLuk 9.7-9)

**14** Egheghe aghɔ, Erɔdu oghie ekɛ iGalili ɔ suɔ eko iJesu. <sup>2</sup> ɔ gueye eni ɛ ga li, ɔɔ, “iJoni Oni ɔɔ batazi na, ni ɔ nyenɛ egbe bhale agbɔ. Lɔli o zɛ ni ɔ rɔ lighɔ mhɔli afu rɔ ɔ gbe ikanya ɔnyalɔa enana.”

<sup>3</sup> Irari khi Erɔdu ɔ ke kpɛ ghie ya mu iJoni. ɔɔ, a ri iwɛghe gɛ ɔli, a mu ɔli pfilo owa ighumha shi itobɔ ingme oyi Erodiasi ughue iFilipu inyɔghuo ɔni Erɔdu. <sup>4</sup> Eri iJoni ɔ ke gueye Erɔdu khi ushi oyi ɛgbɔ iJu ɔa lama shi ɔ ni ɔ rɔ rue ughue inyɔghuo ɔli iFilipu shi.†‡ <sup>5</sup> Oni egheghe Erɔdu ɔ nono ni lɔli gbe iJoni-a shi oni ingme, ama ulishi oyi ɛgbɔ iJu oo mu ɔli irari khi ɔ lɛsɛ khi ɛgbɔ kpa e lɛsɛ khi ɔmekɛguele iJoni ɔ khi.

<sup>6</sup> Ama, ɛɛ ni Erɔdu ɔ ghele shi ogbele ni a rɔ bia li, omi Erodiasi ɔ gbe ishimhi khasɛ wɛ ni o ri egbe mu ɔni Erɔdu doɛ. <sup>7</sup> O ri ɔni Erɔdu romhi ishe, ɔ neta ɔmɔsɛ gueye ɔni ɔmueshi khi lɔli ya ri emiemini ɔ mhila luɛ na li. <sup>8</sup> Ighɔ inyɔli ɔ ya sɛsɛ ɔni ɔmueshi, ɔ ka gueye itali ɔ khi iJoni ukhomhi shi ukpɛko na luɛ.

<sup>9</sup> Abi ɔ rɔ ngme ɔli ghɔ, egbe pfo ɔni oghie-a. Ama irari ishe ni ɔ romhi ali apfɔli ni e nu ɔli shito, ɔɔ a ri emini ɔ mhila na li. <sup>10</sup> Ighɔ ɔ ghie ya khi iJoni ukhomhi ɔ elemhi owa ighumha. <sup>11</sup> A khi oni ukhomhi shi ukpɛko a ri ɔli na ɔni ɔmueshi, ɔni ɔmueshi ɔ tsua li ghi inyɔli. <sup>12</sup> Eniyɛ odukhokho eyi iJoni e bhale ya tsua ekuli oyɔli rɔ ya tɔ. E vu ya gueye iJesu.

\*13:57 Li zɛ iJɔn 4.44

†14:4 Li zɛ iLev 18.16; 20.21

‡14:4 Li zɛ iLuk 3.19-20

**IJesu o ri eminale na  
egbo agbele ishe le**

(iMak 6.30-44; iLuk 9.10-17; iJon 6.1-14)

<sup>13</sup> Abi iJesu o ro suo emini a me, o fie agho lase. O lo oko-okę oniemi je asha ni o da-ya ya shito. Abi eni egbo e ro suo ona e ri awe kia le deba li. <sup>14</sup> Abi iJesu o rote oni oko-okę oniemi fie lase, ni o ro me eni ebubu egbo egho, elemhi we e ala li, eni ea ze, o re we ze.

<sup>15</sup> Ogbomhi o mu eke, eniye odukhokho e bhale, ee oli, "Waa ke ze egbo ena ke je, irari khi oola o nuata shi apfe, ni e je ifu eoli ya de emhi le."

<sup>16</sup> IJesu oo we, "Oa ti ni e ligho vu tse, a nono eminale na we le."

<sup>17</sup> Ee iJesu, "Ibuledi ishe ali ifele ava e khi emini awa lese mhue shi ana."

<sup>18</sup> IJesu oo we, "A rue we bhale ghi mhe ghue." <sup>19</sup> Oo, ogbogbo o shito ukhomhi ebuli. O rue eni ifele ava ali ibuledi ishe egho, o tsua we idane o ri ikphemhi na Eshinegba. O kholo eni ibuledi-a, o re we na eniye odukhokho eyoli. Eni eniye odukhokho eyoli e kemhi we na we. <sup>20</sup> Ogbogbo o le, o khue, e kpole. Igho eniye odukhokho eyoli e sano eni e kpole vo ighughu igbeva tsululu. <sup>21</sup> Emose agbele ishe (5,0000) e le eni eminale, ini aa leli ikpotsa ali eniye ma o.

**IJesu o la ukhomhi okę kia**

(iMak 6.45-52; iJon 6.15-21)

<sup>22</sup> Aghoagho iJesu o gueye eniye odukhokho eyoli e lo oko-okę da je ukiekie okę obini o kpole, o gueye eni ebubu egbo, ogbogbo o ke je. <sup>23</sup> O vese eni egbo kua se, o je ukhomhi ute ya so iromhi. Ogbomhi o mu eke, iJesu lolighuo o kie la oobo. <sup>24</sup> Eghoghe ni a ngme ena, oni oko-okę o she rote eke lo oni okę kia nuata. Igho akpepeli oniemi oo zughuse oni okę, ni o tsua oni oko-okę ya nga ya tiemhi.

<sup>25</sup> Ele uzogbe neni ogbe o gbe-a, iJesu bhale deba we, o la oni ukhomhi okę e kia. <sup>26</sup> Abi eni eniye odukhokho e ro me oli khi o la ukhomhi oni okę e kia, e yila. E tse, e lie, "Ayemhe olimi lo!"

<sup>27</sup> IJesu o nyanya nu we ngme, oo, "A mholi udu, mhemhe lo, a khi ke na ulishi."

<sup>28</sup> IPita oo, "Onomhue ini yeye lo igesikia, wee mhe mhi bhale debe oni ukhomhi okę." <sup>29</sup> IJesu oo li, "Bhale." Igho iPita o fie oni oko-okę lasele, oo kia ukhomhi okę, oo le deba iJesu. <sup>30</sup> Ama abi o ke ro me abi oni ukpokpomhi akpepeli o li pfiolo, ulishi o mu oli, oo tiemhi elemhi oni okę. O tse, oo, "Onomhue tsumhi mhe!"

<sup>31</sup> Igho iJesu o nise obo-a o mu oli. Oo li, "Elo o ze ni irudunga oye o ro na she. Elo o ze ni u ro mhue akhokhomhe?"

<sup>32</sup> Igho e ga ya lo elemhi oni oko-okę, oni akpepeli o pfohmhe. <sup>33</sup> Igho eniye odukhokho eyoli e nyese ukhomhi na li ee oli, "Igesikia lo khi, Omi Eshinegba u khi."

**IJesu o la iGenesareti  
ri oni oo ghua ze**

(iMak 6.53-56)

<sup>34</sup> Abi e ke ro da oni okę ni o khishi, e bhale eke iGenesareti. <sup>35</sup> Abi egbo ni e la oni eke e ro lese khi iJesu lo, e ghie ghi egbo ni e la eoli i kia gasę oni eoli nya. Egbo e tsua egbo eyewe nya ni ee ghua ghi oli. <sup>36</sup> E lema li o kpeke o lese ze ni eni e ghua e ri obo ti esę awulu ni o so. Egbo nya ni e ri obo ti oli, e ze.

**Osese ipfuase na ekelemhi**

(iMak 7.1-13)

**15** Igho egbo iFarisi ali esese Ishi eyi iMosisi eghuo e te iJerusalemu bhale ya mhila iJesu, ee, <sup>2</sup> "Elo o ze khi eniye odukhokho eye ea ya ri osese ni ititawa e ro shi eke gbe akanya? Ea ya kpe abo-a neni e le eminale!"

<sup>3</sup>IJesu ọọ wẹ, “Elo o zẹ ni a rọ ri itobọ ushi oyẹẹ gbe ushi oyi Ẹshinẹgba-a? <sup>4</sup>Irari khi Ẹshinẹgba ọọ liẹ, ‘Ogbo ọ ke ri ekpe na itali ali inyoli,’ ali khi, ‘Onini ọ da ku itse na itali okekhi inyoli ne, a gbe ọli-a.’<sup>¶</sup> <sup>5</sup>Ama abi ẹẹ a ke ngme khi, ini ogbo ọ mhọli ikpagho ni ọ kha rọ na itali okekhi inyoli, ni ọ ke rọ liẹ khi eni ikpagho egbo khi lọli mu udu pfi, khi Ẹshinẹgba lọli ke ri eni ikpagho ya na. <sup>6</sup>Khi ọ guẹ kia ini ọa ke riẹ ri ikpagho na itali ali inyoli. Ina a li ri ẹloẹ ẹ gbe ushi oyi Ẹshinẹgba ni a ba mẹ asha ke deba oseşẹ oye ẹ. <sup>7</sup>Eẹ e ri ugamhi ku alo! Azaya Omekeguele ọ kpe lina ngme ọli shi ẹ egbe ni ọ re,

<sup>8</sup>“Eni egbo ena, unu e rọ mu ekpe ẹ na mhe,

ama udu oyewẹ o nuata shi mhe ọ.

<sup>9</sup>Afuẹ e mema ga mhe,

irari khi oseşẹ oyi egbo ẹẹ seşẹ egbo, abine khi ishi eyemhe lo.”<sup>§</sup>

### **Emini e ri ogbo ọọ khi oni ọa pfuase**

(iMak 7.14-23)

<sup>10</sup>IJesu ọ lu egbo ni e legba, ọọ wẹ, “A ri esọ shi mhe eke, ni a mhuẹ ileşingme.

<sup>11</sup>Ọa khi emini ogbo ọ rọte unu le tiemhi elemhi e rọli ẹ khi oni ọa pfuase, ama emini e te ọli unu ya fiẹ e ri ogbo khi oni ọa pfuase.”

<sup>12</sup>Ighọ eniye odukhokho eyọli e bhale deba li e mhila li, ẹẹ ọli, “U li leşẹ khi ingmemhi ni u ngme amo khi, o ri elemhi ẹ bi egbo iFarisi?”

<sup>13</sup>IJesu ọọ wẹ, “Ọara ni Itamhe na iloghie ọa da rọ kọ ne, a ya vu ọli eke-a.”

<sup>14</sup>A khi zẹ ni ingme oyewẹ o nase ẹ udu. Ezalo ni eri ezalo ẹ kia e khi. Ini ọzalo

ọ mu ọzalo ọnabi lọli obọ rọ ọ kia, eri wewẹ ava e ga de ya pfilo ateke.\*\*

<sup>15</sup>IPita ọọ iJesu, “Gueye anye abi oni okhe irokhokho ena e ngme.”

<sup>16</sup>IJesu ọọ wẹ “Aa kie leşẹ emini mhia ngme?” <sup>17</sup>A leşẹ khi emini o da te unu ya tiemhi elemhi khi eri a ne ọli ẹ kua?

<sup>18</sup>Ama emini o da te unu lasele ne, elemhi udu o te lasele. Ena e khi emini e dobe ri ogbo ọ khi oni ọa pfuase.<sup>††</sup>

<sup>19</sup>Irari khi elemhi udu isamhi ebe e te ẹ lasele. Usamhi abi a liẹ gbe ugbeli, ali abi a liẹ kia okia, abi liẹ do ighiatọ ni a rọ na eta ali iku itsebo ali iyese ogbo-a, ali ni a rọ ọ pfi ọtsẹle egbhue.<sup>‡‡</sup> <sup>20</sup>Emhi enana e ri ogbo ọ khi oni ọa pfuase. Ama ini ogbo ọ le eminale ni ọa rọ kpe abo, ọa ri ogbo khi oni ọa pfuase.

### **Irudunga oyi ọkpotso ọngi iKena**

(iMak 7.24-30)

<sup>21</sup>IJesu ọ te agho vu, ọ bhale eke iTai ali iSidoni. <sup>22</sup>Ọkpotso ọngi iKena ni ọ la ukiẹkie eke ogho ọ bhale deba iJesu ọ lema li, ọọ li, “Onomhuẹ Omi iDefidi kpekpe mhọli ilelemhi na mhe. Omimhe ni omueshi ọ mhuẹ ayemhe ọkphaghie. Oo ze mu ọli gba memena.”

<sup>23</sup>Ama iJesu ọa sọ ọli ọ. Eniye odukhokho eyi iJesu, ẹ iJesu ọ khu oni ọkpotso khi ọọ kpe okeke deba ewẹ.

<sup>24</sup>IJesu ọọ wẹ, “Isumha eyi iZireni ni e waa, a ghie mhe ghi tse.”

<sup>25</sup>Oni ọkpotso ọ suọ ona, ọ bhale ya de wugha odalo oyi iJesu, ọọ li, “Onomhuẹ kpekpe kpaghie mhe obo.”

<sup>26</sup>IJesu ọọ li, “Ọa ti ni a rue eminale oyi eniye pfi ghi ewa.”

<sup>27</sup>Oni ọkpotso ọọ, “Igho lo gueguegue, Onomhuẹ. Ama ewa ẹẹ le eminale ni o

<sup>¶</sup>15:4 Li zẹ Okiali 20.12; 21.17; iLev 20.9; iDeut 5.16

§15:9 Li zẹ Aza 29.13

\*\*15:14 Li zẹ iLuk 6.39

††15:18 Li zẹ iMat 12.34

‡‡15:19 Li zẹ iGal 5.19-21; 1 iKori 6.9-10; iRom 14.14

röte ukhomhi itebu oyi öni ö mhöli wë de kua eke.”

<sup>28</sup> IJesu öö öni ökpotsö, “Egbegbö u mhue irudunga, a ya ri emini u nono ne.” Aghoagho ömi öli ö ze.

<sup>29</sup> IJesu ö te aghö vu, ö röte öke öniemhi iGalili le. Ö nga ukhomhi ute ya shito. <sup>30</sup> Ebubu egbö e bhale deba li aghö, e tsua egbö ni e guoghö awe-a, ali eni e ze alo ali eni e le esö, ali eni e ki shi, ali ingmenu ali ebubu egbö ni e mhue ighuamhi ödöda bhale ya shi ufuege oyi iJesu. Ö ri wewe nya ze. <sup>31</sup> Abö e sha egbö abi e rö me khi ingmenu ee ngme, egbö ni e guoghö a, e vule kia, eni e ze alo e me eke, ighö, ee kueghie Eshinegba oyi iZireni.

### IJesu ö ri eminale na egbö agbele ene le

(iMak 8.1-10)

<sup>32</sup> IJesu ö lu iniye ödukhokho eyöli, öö wë, “Elemhi egbö ena e ga lala mhe irari khi ele-ese na ni e te nu mhe la akana. Eä me eminale le. Mhi aa nono ni mhi gueye wë e ri elemhi ofue ke je, ini ubi ö khi rue wë shi öde.”

<sup>33</sup> Iniye ödukhokho eyöli e mhila li, “Obo a te ya me eminale ni ebubu egbö ena e ya le ifu oyemhi ni awa la ena?”

<sup>34</sup> IJesu ö mhila wë, “Tbulëdi ingme a mhöli shi aghö?”

E öli “Iruli ishilua ali ikuku ifele.”

<sup>35</sup> Ighö iJesu öö eni egbö e shito ekekhe. <sup>36</sup> Ighö ö rue eni ibulëdi eghö ali eni ifele ö kphemhi na Eshinegba shi ö. Ö khi wë a, ö rewe na iniye ödukhokho eyöli e kemhi wë na eni egbö. <sup>37</sup> Ögbökpa ö le, ö khue. Iniye ödukhokho eyöli e sanö eni e le kpöle shi ighughu ishilua e vö tsuulu. <sup>38</sup> Emöse agbele ene

4,000 e le eni eminale. Ini ögbö öa leli ikpotsö ali iniye ma ö. <sup>39</sup> IJesu ö wese eni ebubu egbö kua se, ö lo ökö-öke öniemhi je ukiekie eke iMagidali.

### E mhila iJesu ö ri ölele khasë ewë

(iMak 8.11-13; iLuk 12.54-56)

**16** Egbö iFarisi ali iSadusi eghuo e bhale deba iJesu e ya mu öli fe. E mhila li ö ri ölele ni ö te iloghie bhale khasë wë.<sup>¶</sup> <sup>2</sup> IJesu öö wë, “Ini ögbömhie öö mu eke, a guele khi, ‘Ogbe-namo ö ma ti irari khi idane ö yile-a.’ <sup>3</sup> Ele uzogbe, a guele khi, ‘Amë ö ya rue amo irari khi idane öö yile, ö gbo bishi-a.’ A gue bino irarogbe guele abi ögbe ö ya li, ama aa döbe e guele emini eghëghë ni a la memena ö ngme. <sup>4</sup> Eë egbö ebe na agbhotu ona ni aa ri igesikia ga Eshinegba! A mhila mhe ölele? Aa ya ri okhoghuo khasë e, se ni onayi iJona ömekeguele.”<sup>§§</sup>

Ighö iJesu ö pfi wë shi aghö vu.

### Oyese oyi egbö iFarisi ali iSadusi

(iMak 8.14-21)

<sup>5</sup> Abi iniye ödukhokho eyöli e rö da öni öke öniemhi ni ö khi shi je egele ukiekie öbini ö kpöle se, e sato khi wewe äa yelege tsua ibulëdi. <sup>6</sup> IJesu öö wë a mhue egbhe e shi angeli oyi egbö iFarisi ali iSadusi ni ö li abi afuma oyi oyese.\*

<sup>7</sup> Eni iniye ödukhokho e nu egbewë ngme öli khi itöbö khi wewe äa tsua ibulëdi bhale iJesu ö rö ngme ona.

<sup>8</sup> IJesu ö suö emini e ngme, öö wë, “Eni äa mhöli irudunga ena, elö ö ze ni a rö gue ezö eminale? <sup>9</sup> Aa kie lese ingme? Aa sato abi mhi rö kemhi ibulëdi ishe na egbö agbele ishe, ighughu ingme a sanö eni e le kpöle vö?† <sup>10</sup> Ali ibulëdi

<sup>¶</sup>16:1 Li ze iMat 12.38; iLuk 11.16

<sup>§§</sup>16:4 Li ze iMat 12.39; iLuk 11.29

\*16:6 Li ze iLuk 12.1

†16:9 Li ze iMat 14.17-21

ishilua ni mhi rọ na ẹgbọ agbele ene le, ighughu ingme a sanọ eni e le kpọle vọ?<sup>‡</sup>  
<sup>11</sup> Elo o zẹ khi aa kie leşe khi ọa khi ingme ibuleđi mhi nu ẹ gue? Ama, mhiẹ a mu egbe ẹ shi oyese oyi ẹgbọ iFarisi ali iSadusi ni o li abi ifuma.”<sup>12</sup> Lọli eniye odukhokho eyọli e rọ tigbe leşe khi, ọa khi ingme ifuma ni a rọ nye ibuleđi o nu wẹ ngme ẹ shi, ama ingme oseşe egbhọli oyi ẹgbọ iFarisi ali iSadusi ọọ ngme.

### **IPita ọ guele ọni iJesu ọ khi**

(iMak 8.27-30; iLuk 9.18-21)

<sup>13</sup> Abi iJesu ọ rọ bhale eke iSizeria iFilipi, ọ mhila eniye odukhokho eyọli, ọọ wẹ, “Oghuo ẹgbọ e famhi ẹ lie khi Omi Ogbọ ọ khi?”

<sup>14</sup> Eẹ iJesu, “Eri ẹgbọ eghuo ẹ khi iJoni Oni ọọ batazi ẹgbọ u khi, eghuo ẹ lu ẹ, Elaja, eghuo ọ ẹ khi, iJeremaya u khi, eghuo ẹ khi, ọoghuo emekeguele u khi.”<sup>¶</sup>

<sup>15</sup> IJesu ọọ wẹ, “Eẹ oye ẹ, oghuo ẹ khi mhi khi?”

<sup>16</sup> ISamọ iPita ọ rọ ọli, “Yeye u khi ọni iKirisiti Omi Eshinegba ni ọ la ọ.”<sup>§</sup>

<sup>17</sup> IJesu ọọ li, “Ọni a khi vose na u khi, iSamọ omi iJona. Ọa khi ọgbọ ọ ri igesikia ona khase ẹ, obọ oyi Itamhe na iloghie o te bhale. <sup>18</sup> Mhi gueye, yeye iPita, (ni u khi eche). Oni ungemhi ni u ngme ena mhi ya ma Igbaa oyemhe ni e mie mhe suọ nga, ekpabọ oyi eghuli ọa dobe ya mu ọli ọ le. <sup>19</sup> Mhi ya rue okpe oyi eghiele oyi Eshinegba ne, emiemini u waa da lama shi elemhi agbọ ona ne, Eshinegba ọa ya li lama shi ọ obini iloghie, emini u da lama shi elemhi agbọ ona ne, ọ ya lama shi ọ obini iloghie.”<sup>\*\*</sup>

<sup>20</sup> IJesu ọ gueye eniye odukhokho eyọli e khi gueye ẹgbọ khi lọli khi ọni iKirisiti.

### **IJesu ọ gue ingme eghuli oyọli le shi eke**

(iMak 8.31—9.1; iLuk 9.22-27)

<sup>21</sup> Rote ẹgheghe agho vu iJesu ọ te gueye eniye odukhokho eyọli, ọọ, lie, “Mhi mema ya je eke iJerusalemu ni mhi la ya me osoli ebubu abọ eyi eni egbhali ali ighie eyi ekpodalo-ugamhi ali esese Ishi eyi iMosisi. A mema ya gbe mhe-a, ama ele nuzi-ese a ya guise mhe le bhale agbọ.”

<sup>22</sup> Igho iPita ọ lu ọli fie je olase ọ lie ọli ọ khi ke gbo ngme gho, “Eshinegba ọ bighi ọli ku a, ogho ọa ya tse shi ẹ egbe!”

<sup>23</sup> IJesu ọ mu egbe pfi ọọ iPita, “Vu mhe ana, okphaghie! Ozuode u khi shi mhe ọ, irari khi waa ya sa isamhi ni e rote obọ oyi Eshinegba bhale, ama usamhi oyi agbọ.”

<sup>24</sup> Igho iJesu ọ gueye eniye odukhokho eyọli, ọọ wẹ, “Ini ogbọ ọ da nono ni lọli deba mhe ne ọ mema ya kie egbọli ọ tsua apfida oyọli ọọ deba mhe.”<sup>††</sup> <sup>25</sup> Irari khi ọgbọ ni ọ da dua ni lọli tsumhi ayemhe oyọli ne, agbọ onabi oyi Eshinegba o ya de ọli obọ-a, ama ọgbọ ni ọ da ri itobọ oyemhe rue ayemhe oyọli pfi-a ne, ọ ya tsumhi ọli.<sup>‡‡</sup> <sup>26</sup> Ighe eleli ni ọgbọ ọ ya me ini ọ le ugu agbọ ona nya, ni ayemhe oyọli o rọ de ọli obọ-a? Abi khi elo ọgbọ ọ dobe rọ ya fali ota rọ to ayemhe oyọli. <sup>27</sup> Irari khi Omi Ogbọ ọ ya bhale elemhi ufumhi oyi Eshinegba lọli ali igeni eyọli, ẹgheghe agho ọ ya ri eleli na ọgbogbo

<sup>‡</sup>16:10 Li zẹ iMat 15.34-38

<sup>¶</sup>16:14 Li zẹ iMat 14.1-2; iMak 6.14-15; iLuk 9.7-8

<sup>§</sup>16:16 Li zẹ iJon 6.68-69

<sup>\*\*</sup>16:19 Li zẹ iMat 18.18; iJon 20.23

<sup>††</sup>16:24 Li zẹ iMat 10.38; iLuk 14.27

<sup>‡‡</sup>16:25 Li zẹ iMat 10.39; iLuk 17.33; iJon 12.25

abi o li gbe.<sup>¶</sup> 28 Mhi gueye e khi egbo eghuo e la ana memena ni ea ya ghu ne, ni e ro ya me khi Omi Ogbo oo bhale abi oghie.”

### Imamachi oyi iJesu

(iMak 9.2-13; iLuk 9.28-36)

**17** Ogbete-esesa o dose se, iJesu o rue iPita ali iJemhisi ali iJoni ikhi inyoghuo iJemhisi, weweghuo kpe e ya nga ukhomhi ute ni o yagha. <sup>2</sup>O la agho mu mela-a ukpeloewe. Alo eyoli e ge abi ovo, itsua ni o so e ge abi akpa. <sup>3</sup>O li dena, ghe khe, e me khi iMosisi ali Elaja khi e nu iJesu e ngme.

<sup>4</sup>Igho iPita oo iJesu, “Onomhue, o ma guete khi anye la ana! Ini o ghole e, mhi ya to okholo ese, oghuo o o khi o ye, olese o o khi oyi iMosisi, onokpole o khi oyi Elaja.”

<sup>5</sup>Abi o kie li ngme, igho otughunu ni o ge nyanyanya o bhale ya khukhu we-a. E suo khi uruli o rote oni otughunu lie, “Omimhe ni mhi nono ingme oyoli na, ni o ri egbe e mu mhe. A suo emini o gueye e.”<sup>§§\*</sup>

<sup>6</sup>Abi eni eniye odukhokho e ro suo ona, e de yeshi ta alo rughu, ulishi oo mu we. <sup>7</sup>Igho iJesu o bhale ya ri obo ti we, oo we, “A vule, a khi ke ze ni ulishi o mu e.” <sup>8</sup>Abi e ke ro yase alo eke, ea ke me ogbokhoghuo agho se ni iJesu loughuo kpe.

<sup>9</sup>Abi e ro tiemhi oni ute le, iJesu o tse agua ye we, oo. “A khi gueye ogbokhoghuo emini a me, ini aa li rote eghuli guise Omi Ogbo le.”

<sup>10</sup>Eni eniye odukhokho eyoli e mhila li, ee, “Elo o ze khi esese Ishi eyi iMosisi e lie khi Elaja o mema kpe ya bhale?”<sup>†</sup>

<sup>11</sup>IJesu oo we, “Elaja o mema kpe ya te ode bhale ya mu egbe emhikpa shi eke. <sup>12</sup>Ama mhi gue ye e khi Elaja o she bhale ama egbo ea lama khi loli o khi, e li oli abi o ghole we. Igho e ya li na Omi Ogbo osoli.”<sup>‡</sup> <sup>13</sup>Igho eniye odukhokho eyoli e tigbe lese khi ingme oyi iJoni Oni oo batazi egbo oo ngme.

### IJesu o ri omọ ze

(iMak 9.14-29; iLuk 9.37-43a)

<sup>14</sup>Abi e ro nyene egbe bhale deba eni ebubu egbo, omose oghuo o bhale ya wugha odalo oyi iJesu. <sup>15</sup>Oo, “Onomhue, kpekpe le elemhi omi mhe ni o mhu eghuamhi ni o mu ogbo pfi gbe. O ma nase oli gba. Isheghuo o mu oli e pfilo erali, isheghuo o de pfilo oke. <sup>16</sup>Eri mhi rue oli ghi eniye odukhokho eye, ea dobe roli ze.”

<sup>17</sup>IJesu oo, “Ashi mhi beshi ri abo mu udu na e ya ramhi, ee egbo ni ea mhu e irudunga ali iwali egbo, ele ingme mhi ke beshi ri abo mu udu na e ya ramhi? A rue oni omọ ghi mhe ana.” <sup>18</sup>Igho iJesu o mhesa na oni ayemhe okphaghiye ogho, o te oli egbe fie ya lase, oni omọ o ze aghoagho.

<sup>19</sup>Igho eniye odukhokho e bhale deba iJesu abi o ro kpe loughuo le, e mhila li, ee oli. “Elo o fe ze khi anye ea dobe khu oni ayemhe okphaghiye ya lase?”

<sup>20</sup>IJesu oo we, “Itobo khi irudunga oye e oo she lo. Mhi gueye e khi ini a mhu e irudunga ni o she abi ukpamhi qara imositadi, a ya dobe gueye ute ona,

<sup>¶</sup>16:27 Li ze iMat 25.31; IWolo 62.12; iRom 2.6

<sup>§§</sup>17:5 Li ze Igbae 22.2; iDeut 18.15; IWolo 2.7; Aza 42.1; iMat 3.17; 12.18; iMak 1.11; iLuk 3.22

<sup>†</sup>17:5 Li ze 2 iPit 1.17-18

<sup>†</sup>17:10 Li ze iMala 4.5

<sup>‡</sup>17:12 Li ze iMat 11.14



ẹẹ ọli, ‘Vu ana lasese je oobo.’ O ligho nẹ abi u ngme. Aa mẹ emini ọa ya zẹ ẹ ke li.”<sup>21</sup> [Ama ode ni a te dobe khu ayemhe obe onana fiẹ lase khi, ode iromhi isoso ali azumhi ipfifi.]<sup>¶</sup>

**Ijesu ọ gbo gue ingme  
eghuli oyọli le shi eke**

(iMak 9.30-32; iLuk 9.43b-45)

<sup>22</sup> Abi eniye odukhokho eyọli e rọ bhale iGalili, iJesu ọọ we, “Egheghe o she ramhi ni a rọ ya ri Omi Ogbo na egbo de. <sup>23</sup> E ya gbe ọli-a, ama elenuzi-ese a ya guise ọli le bhale agbo.” Oni ungmehi o ri egbe pfo we-a.

**E mhila iJesu oga oyi Owa ugamhi**

<sup>24</sup> Abi iJesu ali eniye odukhokho eyọli e rọ nyene egbe jele iKapanomu, emionoga na Owa oyi Eshinegba e bhale deba iPita, e mhila li, “Osesẹ oyeẹ ọ li fe zẹ oga oyi Owa oyi Eshinegba?”<sup>§</sup>

<sup>25</sup> IPita ọọ we, “Ee.”

Abi iPita ọ rọ lo elemhi owa le ya mhila iJesu, iJesu ọ kpe ngme. Oo, “ISamo, eghuo u fe sa khi enighie ena agbo ona e famhie mie oga? Emo-ekẹ abi epfese?”

<sup>26</sup> IPita ọọ, “Epfese.”

Ijesu ọ li, “O ti sho! Ogho o rokhase khi omo eke ọa khi oni ọọ zẹ oga.”

<sup>27</sup> “Ama ini awa khi lue na we, je oke ya pfi ugba oye pfilo. Afẹle ni u tode ya mu, khueghie ọli unu-a, u ya mẹ ọli ukpagho unu rue. Rue ọli ni u roli ya zẹ oni oga oyemhe ali oyeẹ.”

**Oghuo ọ fune shi  
Eghiele oyi Eshinegba**

(iMak 9.33-37; iLuk 9.46-48)

**18** Egheghe agho, eni eniye odukhokho e bhale deba iJesu, e mhila li, “Oghuo ọ fe fune shi Eghiele oyi Eshinegba?”<sup>\*\*</sup> <sup>2</sup> Igho iJesu ọ lu ukuku omo bhale migha we odalo. <sup>3</sup> Oo we, “Abi o li mhi li gue ọli ẹ ye ẹ, khi, ini aa li mu pfi ni a li abi ikuku eniye, aa ya lo Eghiele oyi Eshinegba.”<sup>††</sup> <sup>4</sup> Ogbo ni ọ ga fune shi Eghiele oyi Eshinegba khi, oni ọ ri egbo li tiemhile abi ukuku omo onana.

<sup>5</sup> “Onini ọ da ri irari eva oyemhe mie omo onana ne, mhemhe ọ mie. <sup>6</sup> Ama ini ogbo khoghuo ọ yese enana ni e mie mhe suo pfido, ini a bie mu iko zu ogbo oghogho uruli tsua pfilo elemhi oke oniemi, o ti ne.

<sup>7</sup> “O maa kholo mu egbo ni e yese egbo ọ lamhe. Ogbo ọa dobe ya na pfue imufe oyi olamhe. Ama o ma kholo egbo ni e zẹ khi a mẹ eni imufe eghogho egbe.

<sup>8</sup> Ini obo oye, okekhi owe oye, o zẹ ni u lamhe, khi ọli pfi-a. Irari khi o ti ne ini ogbo ọ khi okhomhi ya lo agbo na agbo agbo, ni abo ali awe e gba pfo nali ya lo owa ere.”<sup>‡‡</sup> <sup>9</sup> Ini o khia khi eloe oye o zẹ ẹ lamhe, wuonyo li pfia. O ti ne u ri ukpeloe oghuo ya lo iloghie, ni alo e rọ gba ne, pfi ẹ ya lo ilimhi iriere.”<sup>¶¶</sup>

**Okhe irokhokho oyi osumha ni ọ wa**

(iLuk 15.3-7)

<sup>10</sup> “A khi zẹ ni a ri eloe gbe eni ẹa mu eloe enana, irari khi eri igeni eyewe na iloghie ẹ migha odalo oyi Itamhe

<sup>¶</sup>17:21 Li zẹ iMat 21.21; iMak 11.23; 1 iKori 13.2

<sup>§</sup>17:24 Li zẹ Okiali 30.13; 38.26

<sup>\*\*</sup>18:1 Li zẹ iLuk 22.24

<sup>††</sup>18:3 Li zẹ iMak 10.15; iLuk 18.17; 1 iPit 2.2

<sup>‡‡</sup>18:8 Li zẹ iMat 5.30

<sup>¶¶</sup>18:9 Li zẹ iMat 5.29

egheghekpaa. <sup>11</sup> [Eri mhemhe Omi Ogbo mhi bhale ya tsumhi eni e wa-a.]

<sup>12</sup> “Se a sa shi o? Ini ogbo o mhuẹ isumha egbhueshe ni oghuo o, o ro wa-a. Oa khi eri o ya ze oghuo oa la egbhueshe egbo obo, o ya nono oghuo ni o wa a egbo?” <sup>13</sup> Ini o me oli, mhi gue e ye e khi egbe e ya mu oli shi oghuo ogbo dose oghuo oa la egbhueshe enekpole ni ea waa. <sup>14</sup> Igho Ita e na iloghie oa li nono eni ea mu eloe enana ni e wa-a.

### Inyoghuo e ni o pfido ne

<sup>15</sup> “Ini inyoghuo e o lue ne, le deba li ka gueye oli emini o li. Ama ze ni o khi ye ye ali lolighuo kpe. Ini o ri esọ shi e eke, u she gbo sheshe oli shi ode.” <sup>§§</sup>

<sup>16</sup> Ama ini oa ri esọ shi e eke, lu ogbo oghuo abi ava elese, egheghe agbo ni e khi otsele abi Ebe-no-pfuase o ngme.\*

<sup>17</sup> Ini oa ri esọ shi e o, le ya gue eni ingme nya ye ena igbaa oyi eni e mie iJesu iKirisiti suo. Ini oa gbo da ri esọ shi igbaa oyi eni e mie iJesu iKirisiti suo o ne, a ti kia nali. A rue oli shi ogbo ni oa miesuo ali omionoga ogbo okholo.

<sup>18</sup> “Abi o li mhi li gue oli e ye e khi emiemini aa da lama shi oni agbo ona ne, aa ya li lama shi o na e obini iloghie. Ali khi emiemini a da lama shi agbo ona ne, a ya lama shi o na e obini iloghie.” <sup>†</sup>

<sup>19</sup> “Mhi gbo gueye e khi ini ee otuava a da lama shi emhikhoghuo agbo ona ni a ro so iromhi shi o ne, Itamhe ni o la iloghie o ya riele oli na e. <sup>20</sup> Irari khi asha ni egbo ava o khi aase e da lona kugbe irari eva oyemhe ne, mhi nu we la agbo.”

### Okhe irokhokho oni oa ya gbe kua na ogbo

<sup>21</sup> IPita o bhale deba iJesu, o mhila li, “Iti-ingme inyoghuo-mhe o fe ya lue na mhe ramhi ni mhi ro ya gbe kua nali? Iti ishilua?”

<sup>22</sup> IJesu oo li, “Iiye, oa khi iti ishilua tse, ama iti egbhueshe ali igbe asha ishilua.” <sup>‡</sup>

<sup>23</sup> “Irari khi eri Eghiele oyi Eshinegba o li abi oghie oghuo ni oo eni ee ga eyoli e bhale ya rokhase lue abi e li gbe akanya. <sup>24</sup> Abi o ro gho bino na we abi e li gbe na li, a rue omose oghuo ni o lo oli ekpa idududu bhale. <sup>25</sup> Abi oni omose oa ro dobe fali eni ikpagho, oni oghie oo e mu oli ali ughue oli ali imi oli ya de ni o ro fali eni ota.

<sup>26</sup> “Oni oo ga ogbo o de ya wugha odalo oyi oni oghie, oo li, ‘Kpekpe, rabo-mudu na mhe, mhi ya fali e eni ikpagho nya.’ <sup>27</sup> Igho oni oghie o ya mhuẹ isomhelembi na li, o gbe eni ota kua na li, o ze oli vu.

<sup>28</sup> “Ama abi oni oo ga o ro fie lase, o me oni oo ga nabi loli ni o lo oli ikuku ikpagho. Igho, o khi awulu shi oli uruli, oo li, ‘Fali mhe ota ni u lo mhe!’

<sup>29</sup> “Onuzava oyoli ogbo, o de ya wugha, oo lema li, oo li, ‘Kpekpe rabo-mudu na mhe, mhi ya fali e.’

<sup>30</sup> “Ama oa lama na li. Oo a mu oli ya shi owa ighumha ya ramhi ni o ro ya fali eni ota. <sup>31</sup> Abi eni ee ga enekpole e ro me emini o li, elemhi ee bi we. E le ya gue eni ingme nya ye oni oghie ogbo.

<sup>32</sup> “Igho oni oghie o ghie ya lu oni oo ga ogbo, oo li, ‘Ye ye oni oo ga ona okholo ona, mhemhe mhi gbe

§§ 18:15 Li ze iLuk 17.3

\* 18:16 Li ze iDeut 19.15

† 18:18 Li ze iMat 16.19; iJon 20.23

‡ 18:22 Li ze Igbae 4.24

‡ 18:22 Li ze iLuk 17.3-4

ikpokpomhi ikpagho ni u lo mhe kua ne irari khi u lema mhe, <sup>33</sup>waa khi oni o kha li mhuē isomhelemhi na onuzi-ava oye abi mhi mhuē isomhelemhi ne?’<sup>34</sup> Igho elemhi e bi oni oghie, o mu oli ya shi owa ighumha ni a nali osue ya ramhi ni o ro ya fali eni ota ni o lo nya.

<sup>35</sup>“Ina Itamhe na iloghie o li ya li e ini aa rote ekelemhi udu gbekua na in-yoghuo e.”

### **Ipfa-ughue-a**

(iMak 10.1-12)

**19** Abi iJesu o ro ngme se, o te eke iGalili vu je eke iJudia ukiēkie oke iJodani, <sup>2</sup>Ebubu egbo e ve deba li. O rewe la agho ze.

<sup>3</sup>Egbo iFarisi eghuo e bhale ya mu oli fe ni e ba me asha mu ingme ma li obo. E mhila li, “Ushi oyawa o fe lama shi o omose o ri itobo emhikhoghuo khu ughue oli?”

<sup>4</sup>IJesu o mhila we, “Aa ze abi Ebe-nopfuase o ngme khi eri Eshinegba ni o ma egbo te igbaekele, o ma egbo omose ali okpotso?”<sup>5</sup> Eshinegba o gbolo e, ‘Itobo ona omose o ya ze itali ali inyoli obo, o to ma ughue-oli o, wewe ava e mele ogbo oghuo-a.’<sup>6</sup> Egheghe agho ea ke khi ava ama oghuo. Itobo ona, emini Eshinegba o she to ma, ogbo khi vase oli-a.”<sup>\*\*</sup>

<sup>7</sup>Eni egbo iFarisi e mhila iJesu, “Elo o ze khi Ushi oyi iMosisi o lama ogbo o nya ebe ipfa-ughue-a mholi ughue oli obo, o khu oli?”<sup>††</sup>

<sup>8</sup>IJesu oo we, “Itobo khi aa gbe udu o ze ni Ushi oyi iMosisi o ro lama li na e, ama oa kpe te igbaekele ligho. <sup>9</sup>Mhi gueye e khi onini o khu ughue oli ni oa

ro khi itobo okia, ni o ro ya rue okpotso olese ne, o she kia okia.”<sup>‡‡</sup>

<sup>10</sup>Eniye odukhokho eyi iJesu ee, ini o khia khi ina o bie khi iteva omose ali ughue oli, o bie ti ne ogbo khi rue okpotso shi.

<sup>11</sup>IJesu oo we, “Oa khi ogbokpa oni osese ona o go lu, se ni eni Eshinegba o ri oni afu na e khi rue okpotso. <sup>12</sup>Irari khi emhi ebubu ee ze khi ebubu egbo ea ya rue okpotso, eghuo, itobo khi igho Eshinegba o ma we, eghuo, itobo khi egbo e re we khi igho, elese e ri egbewe mele owali-a ni e me asha ga Eshinegba egbegbo. Ogbo ni o dobe ya ri egbe mie oni osese, o ri egbe mie.”

### **IJesu o lema na eniye enikeke**

(iMak 10.13-16; iLuk 18.15-17)

<sup>13</sup>Egheghe agho, egbo eghuo e woloo eniye enikeke bhale ghi iJesu ini o ri obo nga we ukhomhi, ni o so iromhi na we. Ama eniye odukhokho eyoli ee khu we, e ti je ukhokho.

<sup>14</sup>IJesu oo we “A ze ni ikuku eniye e bhale deba mhe, a khi ke khu we irari khi wewe enana e mholi agbo oyi Eshinegba.”<sup>15</sup> O ri obo nga we ukhomhi se, o rote agho vu.

### **Ozeo ni lolo pfue**

(iMak 10.17-31; iLuk 18.18-30)

<sup>16</sup>Ozeo oghuo o bhale ya mhila iJesu, oo, “Osese onete, elo mhi fe ya li ni mhi ro ya mholi agbo onabi oyi Eshinegba?”

<sup>17</sup>IJesu oo li, “Elo o ze ni u ro o lu mhe onete? Eshinegba lueghuo kpe o lese ti. Ini u wa nono ni u mholi agbo onabi oyoli, ri ishi eyoli gbe akanya.”

<sup>18</sup>O mhila iJesu, “Ishi eneghuo o?”<sup>¶¶</sup>

§19:4 Li ze Igbae 1.27; 5.2

\*\*19:6 Li ze Igbae 2.24

††19:7 Li ze iDeut 24.1-4; iMat 5.31

‡‡19:9 Li ze iMat 5.32; 1 iKori 7.10,11

¶¶19:18 Li ze Okiali 20.13-16; iDeut 5.17-20

IJesu oƣo li, “Khi gbe ugbeli, khi kia okia, khi do ughiatƣ, khi pfi ƣtselƣ egbhue mu oƣbo. <sup>19</sup>Mu ekpe na ite ali inye, gbo ze ni, u nono ingme oyi ƣnuzava oye abi u li nono egbe e.”<sup>§§</sup>

<sup>20</sup>Ƣni ozeo oƣo iJesu, “Te ekpe vu mhi te ri eni u ga ngme ena nya a gbe akanya, onoghuo o ke kpƣ mhe le?”

<sup>21</sup>IJesu oƣo li, “Ini u wa nono ni u gba pfo, le ya ri itsua ni u mhƣli nya de u kemhi eni ikpagho na egbo ni ea mhƣli, ni u mhƣli epfue shi obini iloghie. U tigbe bhale ke ya deba mhe kia.”

<sup>22</sup>Abi ƣni ozeo ƣ ro suo ona, egbe e pfo li-a itobo khi oƣo pfue gba.

<sup>23</sup>IJesu oƣo eniye odukhokho eyoli, “Mhi gue ƣli e ye e khi, o ma munu ni egbo ni e pfue e ze ni Eshinegba ƣ mhese na we. <sup>24</sup>Mhi gbo gueye e khi, ni ogbo ni ƣ pfue ƣ ro lo egchiele oyi Eshinegba, o ya munu dose, ni ogbo ke dua ni lo li ri akphere rote ese asuge ya fie.”

<sup>25</sup>Abi eniye odukhokho eyi iJesu e ro suo ona, abo e sha we, e mhila li, “Oghuo ƣ ke dobe ya lo Egchiele oyi Eshinegba sho?”

<sup>26</sup>IJesu ƣ bino we, oƣo, “Ini a ri oyi ogbo ngme, ona o ya munu, ama obo oyi Eshinegba, emhikpa o ze ƣli e riele.”

<sup>27</sup>IPita ƣ mhila iJesu, oƣo li, “Anye ni anye ze emhikpa obo bhale deba e ena, elo anye ya me ƣ rue?”

<sup>28</sup>IJesu oƣo we, “Abi o li mhi li gue ƣli e ye e khi ini Omi Ogbo ƣ da shito ukpekhomhi ufumhi oyoli egheghe agbo Onogbo, ee ogbava ni a deba mhe a ya nu mhe shito ikpekhomhi igbeva, a mhese e na edeli igbeva eyi iZireni.\*

<sup>29</sup>Ogbokpa ni ƣ da ze owa oyoli obo, okekhi inyoghuo ƣli, ni ƣ ze itali ali inyoli obo ali inyoghuo ƣli ali imioli ali

epfue eyoli obo shi itobo oyemhe ne, ƣ ya mhu e pfue eghogho asha egbhueshe, ƣ gbo mhu e agbo onabi oyi Eshinegba. <sup>30</sup>Ama egbo eghuo ni e ralo e ya kpukhokho eni e kpe ukhokho, e ya ralo.”<sup>†</sup>

### Okhe irokhokho oyi egbikanya na elemhi ogba ipfonu

**20** “Eri Egchiele oyi Eshinegba o li abi omose oghuo ni ƣ fie lase ya wolƣ egbo eluzogbe je ogba ipfonu oyoli ya gbe akanya. <sup>2</sup>Ƣ lama khi lo li ya fali ogbogbo ingme ni a mie ogbele. Ƣ rewe je ogba era ipfonu oyoli ya gbe akanya.

<sup>3</sup>“Elemhi agogo itili eluzogbe, ƣ fie lasele, ƣ me khi emose eghuo e migha elemhi oki ni ea mhu e oni ee gbe. <sup>4</sup>Oƣo we, ‘A je ogba era ipfonu oyemhe ya gbe akanya khi mhi ya fali e emini o ti.’ <sup>5</sup>Igho e vu.

“Elemhi agogo igbeva ele oguota ali agogo ese ele ogbomhi, ƣ gbo ligo ya wolƣ emose elese. <sup>6</sup>Agogo ishe o she ramhi, ƣ gbo bhale ya e emose elese ni ea li gbe okhoghuo. Ƣ mhila we, ƣ we, ‘Elo o ze ni a ro migha ana amo kpa pfuse egheghe-a, ni aa ro gbe okhoghuo?’

<sup>7</sup>“E ƣli, ‘Irari khi ogbokhoghuo ƣa lu anye shi akanya lo.’

“Oƣo we, ‘A je ogba ipfonu oyemhe ya gbe akanya.’

<sup>8</sup>“Ogbomhi o ke mu ekpe, ƣni ƣ mhu e ogba ogbo, ƣ lu ƣni ƣ ri egbo e gbe akanya na li, oƣo, ‘Lu eni e gbe akanya ni u fali ogbogbo ota. Ƣ kpe rote egbo ni e kpe ukhokho bhale fali ota ya ramhi eni e kpe bhale.’<sup>‡</sup>

<sup>9</sup>“Ƣ fali egbo ni e te agogo ishe elogbomhi gba akanya le ukpaghuo. <sup>10</sup>Abi eni e te odode gba akanya le e ro bhale

§§19:19 Li ze Okiali 20.12; iDeut 5.16; iLev 19.18

\*19:28 Li ze iMat 25.31; iLuk 22.30

†19:30 Li ze iMat 20.16; iLuk 13.30

‡20:8 Li ze iLev 19.13; iDeut 24.15

ya mie ifata, e dabi khi ikpagho eyewe e ya bu dose eni e kpe ukhokho bhale oni akanya. Ama a ga fali we abizize. <sup>11</sup> E mie ifata se, ee wolo oni o mhue ishemhi. <sup>12</sup> E oli, 'Emose ena ni a kpukhokho mie, iwakati oghuo e lese gbe akanya, ama rote ele uzogbe fiefie anye te ri ukhomhi shi ovo ya ramhi ogbomhi. Ama u ya fali anye abizize!'

<sup>13</sup> "Omhue-ishiemhi o ro otuoghuo el-emhi we, 'Omue, mhi aa liele. Oa khi ukpaghuo-ghuo a lama na mhe shi akanya ogbele? <sup>14</sup> A mo ikpagho eye e ni a ke je apfe. Onoghuo o de e shi o ini mhi fali omose ni mhi kpukhokho mie abi mhi fali e. <sup>15</sup> Abi khi mhia dobe ya li ikpagho eyemhe abi o ghole mhe? Eri a ke kpe ofuma irari khi mhi da khi ogbo ni o somhopfa?'

<sup>16</sup> "Ama egbo eghuo ni e ralo e ya kpukhokho eni e kpe ukhokho e ya ralo."<sup>f</sup>

### **Ijesu o gbo gue ingme eghuli oyoli le shi eke**

(iMak 10.32-34; iLuk 18.31-34)

<sup>17</sup> Abi ijesu o ro o nga iJerusalemu, o lu eniye odukhokho eyoli je asheghuo ya gueye, oo we. <sup>18</sup> "iJerusalemu ni awa je ena, a ya la oobo ri Omi Ogbo na ighie eyi ekpodalo-ugamhi ali esese Ishi eyi iMosisi de, agho e la ya pfa ezogbe-a mu oli. <sup>19</sup> E tigbe rue oli na egbo iJeta, e roli li egia, e gbe oli ite, e ta li ma apfida, ama elenuzi-ese, a guise oli le bhale agbo."

### **Emini ughue iZebedi oo iJesu o ri ele na lue**

(iMak 10.35-45)

<sup>20</sup> Igho ughue iZebedi o rue imi oli ava bhale deba iJesu, o wugha li odalo, oo li o kpekpe o somhi lue opfa.

<sup>21</sup> Ijesu o mhila li, "Elo wa nono."

Oo li, "Lama na mhe khi imimhe aava ena, khi oghuo o kha shito e obo ita, onokpole o shito e ogobo eghiele oye."

<sup>22</sup> Ijesu oo we, "Aa lese emini a mhila. A ya dobe da uko osoli ni mhi ya da?"

E oli, "Anye ya dobe."

<sup>23</sup> Ijesu oo, "A rote uko ni mhi te da ya da, ama, oa khi mhemhe mhi ya ze oni o ya shito mhe obo ita ali ogobo. Eni Ita o ri ele we shi na e mholi we."

<sup>24</sup> Abi eniye odukhokho ogbe enekpole e ro suo, e pfaa na ogbo ali inyoghuo egho. <sup>25</sup> Igho iJesu o lu we tiggili, oo we, "A lese khi ighie eyi egbo iJeta eri ee jili egbo eyewe. Eni e kpeda e ri omhese ri itoto e sha we ma. <sup>26</sup> Ama, oa khi igho iteva oye e. Oni o da nono ni loli fu ne, o khi oni oo ga enekpole.<sup>§</sup> <sup>27</sup> Ini ongeee oo nono ni loli khi onodode, o mele oni oo ga oyi enekpole a."<sup>\*\*</sup> <sup>28</sup> Ezeze abi Omi Ogbo, oa li bhale ni a ke ga li, ama o bhale ni o ro ga egbo ali ni o gbo ri agbo oyoli mie ebubu pfuese."

### **Ijesu o ri ezalo aava ze**

(iMak 10.46-52; iLuk 18.35-43)

<sup>29</sup> Ijesu ali eniye odukhokho eyoli e rote iJeriko vu, ebubu egbo e ve deba li. <sup>30</sup> Emose ezalo aava e shito epfe-ode. Abi e suo khi iJesu o rote agho dose. E tseese, e lie. "Onomhue, Omi iDefidi, le elemhi anye."

<sup>31</sup> Oni ebubu egbo e dese we, e khukhu unu, ama e kiele tseese leghe, e lie,

<sup>f</sup>20:16 Li ze iMat 19.30; iMak 10.31; iLuk 13.30

<sup>§</sup>20:26 Li ze iLuk 22.25-26

<sup>\*\*</sup>20:27 Li ze iMat 23.11; iMak 9.35; iLuk 22.26

“Onomhue, Omi iDefidi kpekpe le el-emhi anye.”

<sup>32</sup> Igho iJesu o migha, o lu we, oo we, “Elo a nono ni mhi ri ele na e?”

<sup>33</sup> Ee oli. “Onomhue, kpekpe anye e nono ni u khueghie anye alo-a.”

<sup>34</sup> IJesu o mhue ilelemhi na we, o ri obo ti we alo, eni alo e khueghie-a, e deba li.

### Egbo e ri ufumhi na iJesu abi o ro lo elemhi iJerusalemu

(iMak 11.1-11; iLuk 19.28-40; iJon 12.12-19)

**21** Abi iJesu ali eniye odukhokho eyoli e li ti i mama iJerusalemu, e bhale ikuku eoli na lui iBetifagi ni o la Ute eera Olivu. IJesu o la agho ghie eniye odukhokho eyoli aava je eoli ni o la odalo. <sup>2</sup> Oo we, “A je eoli ni a fe odalo oyee ena, khi a ya me akphere ali omioli. A taghie we-a, a mu we ghi mhe ana. <sup>3</sup> Ini ogbokhoghuo o mhila e emhikhoghuo, a gueye oli khi Onomhue o ya rewe ri ele emhi, o gbo ya nyene we bhale lena.”

<sup>4</sup> Eri a me enana ni a ro bhale ya e khi ungmehi ni emekeguele e ngme, ni e bhale ya tse. Ni oo

<sup>5</sup> “A gueye edeli iZayo,††

‘A bino khi oghie oye e oo bhale deba e. O mholi ikuegbe-a, o nga ozele akphere, ikhi Omi akphere.”

<sup>6</sup> Igho eniye odukhokho eyi iJesu e ye abi o ghie we. <sup>7</sup> Igho e rue oni akphere ali omi oli bhale, e banoo ide eyewe egbe nga li egbe, iJesu o nga li shito. <sup>8</sup> Eububu egbo e gueghie itsua eyewe naghie-a shi ode, eghuo e kholo eyamhi naghie-a shi ode. <sup>9</sup> Eni egbo ni e ralo ali eni e kpe ukhokho e tse, e kueghie oli, e lie,

“Tsumhi anye, Tsumhi anye, Omi iDefidi!”

“Ikhivose khi oni o ri eva oyi Onomhue bhale.”

Ikueghie khi oyi Eshinegba.

“Tsumhi anye.”‡‡

<sup>10</sup> Abi iJesu o ro lo elemhi iJerusalemu, oni edeli nya o wushe-a, egbo e mhila, e lie, “Oghuo oni omose onana o fe khi?”

<sup>11</sup> Eni egbo ni e nu oli kia e gueye we, ee “Ona khi iJesu oni omekeguele onge iNazareti na eke iGalili, ni a shobo na awa khi oo bhale, ikhi oni awa migha khe.”¶¶

### IJesu o lo elemhi Owa Oyi Eshinegba

(iMak 11.15-19; iLuk 19.45-48; iJon 2.13-22)

<sup>12</sup> IJesu o lo elemhi Owa Oyi Eshinegba. O khu egbo ni e la elemhi oli e du oki kua. O ghino we abo itebu ni e la ngmomhi ikpagho kua, ali ibechi oyi eni e ri inekhukhu u e de. <sup>13</sup> Oo we “A she keke oli shi Ebe-no-pfuase, ‘Owa oyemhe, owa ni a la lema o khi,’ ama a she roli mele owa oyi ighiato-a.”§§

<sup>14</sup> Ezalo ali eni e guogho awe-a e bhale deba li obini Owa Oyi Eshinegba, O rewe ze nya. <sup>15</sup> Abi ighie eyi ekpodalo-ugamhi ali esese Ishi eyi iMosisi e ro me khi iJesu oo gbe ikanya onyaloa ododa, elemhi Owa oyi Eshinegba, ali khi eniye e la akagho tse, leghe kueghie oli, e lie, “Ikueghie o khi oyi Omi iDefidi,” elemhi e bi we.

<sup>16</sup> Igho e mhila iJesu, e oli “Wa a suo abi eniye ee ngme e?”

IJesu oo, “Mhi suo.” O mhila we, “Aa kpe suo abi Ebe-no-pfuase o ngme ni o.

“U she ri eniye ali emofe

††21:5 Li ze iZaka 9.9

‡‡21:9 Li ze Iwolo 118.25,26

¶¶21:11 Li ze iJon 6.14; 7.40; Ika 3.22; iMak 6.15; iLuk 13.33

§§21:13 Li ze Aza 56.7; iJere 7.11

kuęghię ikuęghię ni o gba pfo”<sup>\*</sup>

<sup>17</sup> IJesu ọ te aghọ vu je iBetani. Ọ gbhẹ aghọ ni ogbe o gbe.

### Ijesu ọ ku itẹ na ọkhua-eni

(iMak 11.12-14,20-24)

<sup>18</sup> Eļẹ uzogbe abi ọ ke rọ nyene egbe ukhokho je iJerusalemu, okiamhi o gbe ọli. <sup>19</sup> Ighọ ọ me ọkhua-eni epfe ode, ọ le ya bino ọli, ama ọa me udumhi okhoghuo ukhomhi ọ, se ni ebebe. Ighọ ọọ oni ọara ogbo “Wa gbo ya mo udumhi ghue!” Aghoaghọ oni ọara o ku ebe-a.

<sup>20</sup> Abi eni eniyẹ odukhokho eyoli e rọ me ọli, abọ e sha we. E mhila li, ẹe. “Se o li kia khi oni ọkhua o rọ ghọ nyanya ku ebe-a?”

<sup>21</sup> IJesu ọọ we, “Mhi gueye ẹ khi, ini a mhue irudunga ni aa rọ mhue akhokhomhe, a ya dobe li emini mhi li oni ọkhua ona. Ọa khi onana tse, a ya lie oni ute ona, ‘Vu ya de pfilo okẹ oniemi,’ oni ute o suọ na ẹ.<sup>†</sup> <sup>22</sup> Irari khi ini a mhue irudunga, emiemi a so iromhi mhila a ya mhọli ọli.”

### A mhila iJesu obini ọ te mhọli afu

(iMak 11.27-33; iLuk 20.1-8)

<sup>23</sup> IJesu ọ lo elemhi apfe oyi Owa oyi Eshinegba le, ighie eyi ekpodalo-ugamhi ali eni egbhali e mhila li, “Afu eyi oghuo u rọ gbe ikanya enana? Oghuo ọ ri afu ne?”

<sup>24</sup> IJesu ọọ we, “Mhemhe mhi ya li mhila ẹ ogbo oghuo, ini a da gbaghie ọlia ne, mhi ya gueye ẹ oni ọ ri afu ona na mhe. <sup>25</sup> Mhie i, ibatazi ni iJoni ọọ batazi na egbo, oghuo ọ ri afu na li ọ ke batazi egbo? Egbo e ri ọli na li abi khi Eshinegba lo?”

E nu egbewe khako, e lie, “Ini awa ẹ khi ‘Obọ oyi Eshinegba o te bhale,’ ọ ya

mhila awa, ‘Elo o ze ni aa rọ mie ọli suọ?’ <sup>26</sup> Ama ini awa ẹ khi, ‘Obọ oyi ogbo o te bhale,’ ulishi apfowa ọọ mu awa, irari khi ogbokpa ọ lese khi omekeguele iJoni ọ khi.”

<sup>27</sup> Itobọ ighọ e ke iJesu “Anye aa lese.” IJesu ọọ we “Mhemhe mhi aa li ya gueye ẹ obini mhi te me afu.”

### Okhe irokhokho oyi eniyẹ aava

<sup>28</sup> “Se a me ona shi? Omoşe oghuo ọ mhue eniyẹ emşe aava. Ọ bhale deba oni ogbhali, ọọ li, ‘Omo ke le ogba ipfonu amo ni u ya gbe akanya.’

<sup>29</sup> “Oo itali, ‘Mhi a ya ye.’ Ama o li deşe, ọ mu udu pfi, ọọ le oni ogba ipfonu.

<sup>30</sup> “Oni itawe ọ gbo le deba onikeke, ọ gbo ngme ọli abi ọ kpe ngme oni ogbhali. Oni ikeke oghọ ọ lama khi loyi ya ye, ama ọa tigbe ye.

<sup>31</sup> “Onoghuo eniyẹ aava ena ọ riye emini itawe ọ nono?”

Eẹ iJesu, “Oni ogbhali.”

IJesu ọọ we, “Abi o li mhi li gue ọli ẹ ye ẹ khi emionoga ali idegbe e she pfi ẹ shi ana kpe lo Eghiele oyi Eshinegba. <sup>32</sup> Irari khi abi iJoni Oni ọọ batazi egbo ọọ bhale ya seşe ẹ ode ni a ya rote, ni aa lama mie ọli suọ. Ama emionoga ali idegbe e mie ọli suọ, e mu pfi. Abi a tseku ri eloe oyeẹ me, aa kie mu udu pfi ni a miesuọ.<sup>‡</sup>

### Okhe irokhokho oyi eni a mie shi ogba ipfonu

(iMak 12.1-12; iLuk 20.9-19)

<sup>33</sup> “A suọ okhe irokhokho olese. Omhue-apfe oghuo ọ ya laọ ni ọ gua ogba ipfonu shi ukhokho apfe oyoli. Ọ khi ogba gasẹ ọli, ọ riye ashini a la nye onyo shi ọ, Ọ gbo to owa ni o yagha ni a la khe-ekhe shi ọ. Ọ roli na egbo e ke

<sup>\*</sup>21:16 Li ze Iwolo 8.2

<sup>†</sup>21:21 Li ze iMat 17.20; 1 iKori 13.2

<sup>‡</sup>21:32 Li ze iLuk 3.12; 7.29-30

ri ẹloe khu ọli, ọ vu ẹoli oboese.<sup>¶ 34</sup> Abi egheghe ikhiese o ro ramhi, ọ ghie eni ẹẹ ga eyọli ghi eni ẹgbọ, e ka mie wẹ eni e khi eyelẹ ghi luẹ.

<sup>35</sup> “Eni ẹgbọ ni ọ ro shi oni ogba ogbo, e mu eni eni ẹẹ ga eyọli, e gbe oghuo, e gbe oghuo-a, e tonọ ọnọkpọle eche.

<sup>36</sup> Ighọ oni ọmose ọ gbo ghie eni ẹẹ ga elese ghi we ni e ke bu doṣe eni ọ kpẹ ghie. Ighọ eni e la oni ogba e li wẹ abi e kpẹ li egbo. <sup>37</sup> Ikpukhokho ọ, ọ ghie omi ọli ghi we. Ọọ, ‘E ya mu ekpe na li.’

<sup>38</sup> “Ama abi eni e la oni ogba e ro mẹ khi oni omi ọli ọọ bhale, e lu egbewẹ ochi, ẹẹ egbe, ‘Awa gbe oni omi ọli-a, ni awa le ugu oyọli.’ <sup>39</sup> Ighọ e mu ọli e rue ọli je olase oni ogba, e gbe ọli-a.

<sup>40</sup> “Irarighọ, ini oni ọ mhuẹ oni ogba ipfonu ogbo ọ fe bhale, se ẹẹ a sa khi ọ ya li eni ẹgbọ egbo?”

<sup>41</sup> Ẹẹ iJesu, “Eri ọ ya gbolo eni ẹgbọ okhọlo egbo-a, ọ ri oni ogba na ẹgbọ elese, eni e ya ke ri eni e khi eyọli ghi ọli.”

<sup>42</sup> IJesu ọọ wẹ, “Ẹẹ a kpẹ zẹ ọli abi a li keke ọli shi Ebe-no-pfuase khi: “Eche ni itsona e kie pfi, lolu o ke ya mele egbegbi eche ni o ke mu ẹloe ne nya-a. Onomhuẹ ọ lighọ riẹle ona, ọo ti anye ẹloe gba”<sup>§</sup>

<sup>43</sup> “Irarighọ, ighọ a li ya mie e Eghiele oyi Eshinegba obo, a rue ọli na ẹgbọ ni e riẹle emini Eshinegba ọọ a ke riẹle. <sup>44</sup> Ogbo ni ọ da ya de nga oni eche ne, ọ ya guogho-a, ama ogbo ni oni eche o da de nga egbe ne ọ ya mhele-a abi ifufu.”

<sup>45</sup> Abi ighie eyi ekpodalo-ugamhi ali ẹgbọ iFarisi e ro suọ oni okhe irokhokho ona, e lese khi wewe iJesu ọ nu ngme. <sup>46</sup> E nono ode ni wewe e te mu ọli ya khukhu, ama ulishi o mu wẹ irari khi ẹgbọ e lese khi omekeguele iJesu ọ khi.

## Okhe irokhokho oyi ukue ni a la rue omueshi

(iLuk 14.15-24)

**22** IJesu ọ gbo ri okhe irokhokho ona nu wẹ ngme, ọọ, <sup>2</sup> Eri Eghiele oyi Eshinegba o li abi oghie oghuo ni ọ gbhe ukue na omiọli ni ọọ rue omueshi. <sup>3</sup> O ghie eni ẹẹ ga eyọli e ka gueye ẹgbọ ni ọ gbhe oni ukue na e bhale, ama ẹa lama ye.

<sup>4</sup> “Ighọ ọ gbo ghie eni ẹẹ ga elese, ọọ wẹ, ‘A ka gueye eni a lu shi oni ukue khi mhi she nye ekhe shi eke. Mhi she gbolo ena-a, ena ni e mhuẹ ila, shi elamhako eyemhe, a she mu egbe emhikpa shi eke. A bhale oni ukue ikhuese omueshi.’

<sup>5</sup> “Ama eni ẹgbọ ẹa pfi eso shi, e vu asha. Oghuo ọ vu ishemhi, ọlese ọ vu oki. <sup>6</sup> Eghuo ọ ni a lu shi oni ukue e mu eni eni ẹẹ ga egbo, e gbe wẹ, e gbolo wẹ-a. <sup>7</sup> Ighọ elemhi e bi oni oghie, ọ ghie ekhọli-okhuẹ eyọli, e ka gbolo eni ẹgbọ ni e gbolo eni ẹẹ ga eyọli-a, e tose wẹ apfe-a.

<sup>8</sup> “Ighọ oni oghie ọ luno eni eni ẹẹ ga eyọli, ọọ wẹ, ‘A she mu egbe ukue oyemhe shi eke se, ama ẹgbọ ni mhi lu shi ọ, ẹa khi eni a kha lu shi ọ. <sup>9</sup> Mena, a ke je ifu ẹoli ikpe ni ebubu ẹgbọ e legba, ọgbokpa ni a da me ne, a lu ọli bhale oni ukue.’ <sup>10</sup> Ighọ eni eni ẹẹ ga e lo ifu ẹoli e luno ẹgbọ ni e me kpa tigbili, ghe ẹgbọ enete ali ikhiakhiamhi ẹgbọ. Oni ashini a gbhe oni ukue shi o vo ẹgbọ.

<sup>11</sup> “Ama abi oni oghie ọ ro bhale ya bino eni ẹgbọ, ọ me khi omose oghuo ọ la agho ni ọa so itsua ukue ni a ro khusẹ omueshi ye ughue. <sup>12</sup> Oni oghie ọ mhila li, ‘Omue se u li lo ana le ni u wa ro so itsua oyi ukue ni a ro khusẹ omueshi,’ Oni omose ọa dobe solu ọ.

<sup>¶</sup>21:33 Li zẹ Aza 5.1-2

<sup>§</sup>21:42 Li zẹ Iwolo 118.22-23



<sup>13</sup>“Igho oni oghie o gueye eni eni ee ga egho, ‘A mu oli ge abo ali awe, a tsua li pfi je olase alo ebili ni a la vie, ni a la le ako ako.’\*\*

<sup>14</sup>“Ogbokpa a lu ama ikuku we ni e mie oni ulumhi, a ze.”

**A mhila iJesu ini a ke ze oga na iSiza**  
(iMak 12.13-17; iLuk 20.20-26)

<sup>15</sup>Igho egbo iFarisi e fie ya gba abi e li ya ri omhila me asha mu iJesu. <sup>16</sup>E ghie eniye odukhokho eyewe ali eniye odukhokho eyi Erodu deba iJesu, e oli, “Oseşe, anye lese khi ogbo igesikia u khi, u gbolo e sese igesikia oyi oguemehe oyi Eshinegba. Wa a ya na ulishi oyi ogboghghuo, itobo khi egbolie o la onini ogbo o khi. <sup>17</sup>Gueye anye, se o fe li udu oye? Abi ushi oyawa o ngme, o fe ti ni awa ze oga na oghie iSiza abi khi o ti?”

<sup>18</sup>IJesu o lese ugbamhi obe ni e gba, oo we, “Ee eri ugamhi ku alo, elo o ze ni a ro nono ni a di me mu? <sup>19</sup>A rue ukpaghua ni a ro ze oga khashe me ghu!” Igho e rue ukpaghua bhale ghi oli. <sup>20</sup>O mhila we “Alo eyi oghuo na? Eva oyi oghuo na?”

<sup>21</sup>E oli “Eyi iSiza.”

Igho iJesu oo we, “Irarigho, a ri oni o khi oyi iSiza na iSiza a ri oyi Eshinegba na Eshinegba.”

<sup>22</sup>Abi e ro suo ona, abo e sha we, e ze oli obo, e vu.

**Ingme ughue iruerue**  
**ali irote eghuli guale**

(iMak 12.18-27; iLuk 20.27-40)

<sup>23</sup>Oni ogbele egho, egbo iSadusi ni e khi iteghuli guale o la o, e bhale deba iJesu ya mhila li ogbo.†† <sup>24</sup>E oli “Oseşe, iMosisi o gueye anye khi, ini

omose o ghu-a ni o ro bia eniye, inyoghua oli o rue oni osamhi olimhi ni o bia eniye na li na inyoghua oli ni o ghu-a ogho.‡‡ <sup>25</sup>Mena inyoghua etuoshilua e ke nu anye la ana. Oni ogbhali o rue okpotso o ghua, abi o ro bia eniye, o ze oni okpotso obo na inyoghua. <sup>26</sup>Igho eghuli o li gbe inyoghua oli onuzava ali onuzase ya ramhi onuzi-oshilua ea ga bia omo okhoghua na oni okpotso. <sup>27</sup>Ikpukhokho o oni okpotso o ghu a. <sup>28</sup>Mena, ogbele iteghuli guale, ughue oghuo o fe ya khi elemhi ewe nya, aborokhia khi ewe oshilua e ga rue oli shi?”

<sup>29</sup>IJesu oo we, “Eri a da ode! Itobo khi aa lese ungemhi oyi Eshinegba ali itoto eyoli lo. <sup>30</sup>Irari khi ini egbo e rote eghuli guale, ea ke ya rue ikpotso, we khi ikpotso e ke ya ke ngeli na emose, eri e ke ya li abi igeni na iloghie. <sup>31</sup>Ama oyi ingme ite-eghuli-guale oyi egbo ni e ghua ne, eri aa suo abi Eshinegba o ngme e. <sup>32</sup>O khi, ‘Mhemhe mhi khi Eshinegba oyi Aburaamu ali Eshinegba oyi Aziki, ali Eshinegba oyi iGiekopu.’ Eshinegba oyi egbo ni e la agbo o khi, o ro khi Eshinegba oyi egbo ni e ghua.”¶¶

<sup>33</sup>Abi eni ebubu egbo e ro suo ona, abo e sha we shi oseşe ni o sese.

**Ushi ni o ga fune nya**

(iMak 12.28-34; iLuk 10.25-28)

<sup>34</sup>Abi egbo iFarisi e ro suo khi iJesu o pfi egbo iSadusi okpe unu, e le gba. <sup>35</sup>Oghuo o elemhi we ni o khi oseşe ushi o rosheka ni loli doberu ushi mu iJesu. O mhila li ogbo.

<sup>36</sup>Oo li, “Oseşe, Ushi onoghua o ga fune nya elemhi Ishi eyi iMosisi?”

<sup>37</sup>IJesu oo li, “Ri udu oye nya ali

\*\*22:13 Li ze iMat 8.12; 25.30; iLuk 13.28

††22:23 Li ze Ika 23.8

‡‡22:24 Li ze iDeut 25.5

¶¶22:32 Li ze Okiali 3.6

ayemhẹ oye nya ali usamhi udu oye nya nono ingme oyi Onomhūe Eshinegba oye.<sup>38</sup> Onana o khi ushi onodode ali oni o ga fu ne nya.<sup>39</sup> Eri onuzi-eva o gbo li abi loli, ni o o li, 'Nono ingme oyi ogbo olese abi u li nono ingme egbe e.'<sup>\*</sup>  
<sup>40</sup> Ishi eva ena elemhi Ishi eyi iMosisi ali emekeguele nya, e te ze."<sup>†</sup>

### Omi oghuo Omiepfuese o khi

(iMak 12.35-37; iLuk 20.41-44)

<sup>41</sup> Abi egbo iFarisi e kie li la agho egbo, iJesu o mhila we. <sup>42</sup> "Se a khokho shi Omiepfuese o? Omi oghuo o fe khi?"

E oli "Omi iDefidi."

<sup>43</sup> IJesu o o we, "Elo o ke ze khi iDefidi o rote elemhi ayemhẹ lu oli, 'Onomhūe?'

Irari khi iDefidi o lie,

<sup>44</sup> "Onomhūe gueye Onomhūe oyemhẹ. Shito mhe ukiekie obita ramhi ni mhi ro ya ri ebe e

shi e ufu ekowe."<sup>‡</sup>

<sup>45</sup> "Ini iDefidi o lu oli 'Onomhūe,' se o ni Omiepfuese o ke gbolo e khi omiomi iDefidi?" <sup>46</sup> Ongewe o dobe gbaghie oni ogbo-a. Rote elegeho vu ogbo okhoghūo o ke gbo gbudu mhila li ogbo okhoghūo.

### A mhue egbhe shi esese Ishi eyi iMosisi ali iFarisi egbe

(iMak 12.38-39; iLuk 11.43,46; 20.45-46)

**23** Igbo iJesu o nu egbo ni e ri esho shi oli eke ali eniye odukhoko eyoli i ngme. <sup>2</sup> O o we, "Esese Ishi eyi iMosisi ali egbo iFarisi a ri afu na ni e ke guele abi Ushi oyi iMosisi o ngme. <sup>3</sup> Irarigho, a

mema ya suo esho na we, a li abi e gueye e a ke li, ama a khi khonya we ngeli ingeli enabi eyewe. Irari khi wewe e ri emini ee sese egbo gbe akanya. <sup>4</sup> Eri e ge itsua ni e kho na egbo tsua. Ama wewe oyewe e lama ri umiesobo da we o kpaghie we tsua eni itsua.

<sup>5</sup> "Emhikpa e ri abamemhe e rieje. E ri ogbene ni a fia otsuotsuo shi mu alukpo ali abo. E pfi emini a rote ebe-no-pfuae keke emhi shi lo eni otsuotsuo. E gbo fia emhi na yayagha na dolodolo shi esho iwulu ni ee so."<sup>¶</sup> <sup>6</sup> Ashini o mhue ekpe ukue ali ikpekhomhi ni e fune o o ghole we ini e bhale owa ugamhi. <sup>7</sup> E ma nono ni a ke tse we otse ekpe atuoki, ali ni a gbo ke lu we, 'Osese.'

<sup>8</sup> "Ama ee oye e a khi lama ni egbo e lu e 'Osese,' irari khi Oga oghuo o ga mholi e nya, a gbo khi inyoghūo. <sup>9</sup> A khi lu ogbokhoghūo agbo ona 'Ita,' irari khi Ita oghuo kpe a mhue, iloghie o la. <sup>10</sup> We khi a ze ni ogbo o lu e 'Osese,' irari khi Osese oghuo kpe a mhue ni o khi iKirisiti. <sup>11</sup> Oni o ga fune elemhi e, o mema mele oni o o ga oye e a."<sup>§</sup> <sup>12</sup> Onini o da ya ti egboli nga ne, a ya ti oli tiemhile. Ama onini o da ti egboli tiemhile ne, a ya ti oli nga."<sup>\*\*</sup>

<sup>13</sup> "O ma kholo e egbe, ee esese Ishi eyi iMosisi ali egbo iFarisi erugamhi-ku-alo, ni e pfi okpe ode iloghie zuse egbo shi olase. Ee oye e na, aa lama lo elemhi o wekhi eri a ze ni eni e nono ni wewe e lo, ni e me asha le. <sup>14</sup> [O ma kholo e egbe, ee esese Ishi eyi iMosisi ali egbo iFarisi! Ee eri-ugamhi ku alo! Eri a li esamhi olimhi

§§22:37 Li ze iDeut 6.5

\*22:39 Li ze iLev 19.18

†22:40 Li ze iLuk 10.25-28

‡22:44 Li ze Iwolo 110.1; Ika 2.34-35; Iburu 1.13; 10.13

¶23:5 Li ze iMat 6.1; iNoba 15.38; iDeut 6.8

§23:11 Li ze iMat 20.26-27; iMak 9.35; 10.43-44; iLuk 22.26

\*\*23:12 Li ze iLuk 14.11; 18.14

le, ni a ri abamemhẹ a sọ iromhi ni o nu-ata. Itobọ ighọ a ya na ẹ osoli egbegbọ.]

<sup>15</sup>“O ma khọlọ ẹ egbe, ẹẹ esesẹ Ishi eyi iMosisi ali ẹgbọ iFarisi erugamhi-kualo! A ga rọshẹka kia ekẹ ali ukhomhi okẹ ye obini odonue ya nono ogbọ mu pfi lama shi osesẹ oyẹẹ. O kha da tse na ẹ se, osoli ni oni ogbọ ogbọ ọ ke ya me ilimhi iriẹriẹ, o ke fu doşẹ oni ẹẹ a ya me agbhagbhamhi eva.

<sup>16</sup>“O ma khọlọ ẹ egbe irari khi ezalo a khi ni a sesẹ ẹgbọ. Eẹ ni a sesẹ khi, ‘Ini ogbọ ọ romhi Owa Oyi Eshinegba ọa mhue abi o ngme, ama ini ọ romhi igolu ni o la ukhomhi oni Owa Oyi Eshinegba, oni ishe o ya mu ọli.’ <sup>17</sup>Eẹ eyeghe, ezalo, onoghuo o fe fune? Igbolu abi Owa oyi Eshinegba ni o ri oni igolu ro khi oni o pfuase? <sup>18</sup>A gbolo ẹ sesẹ ẹgbọ khi ini ogbọ ọ romhi atete khi ọa mhue abi o ngme, ama ọ khada romhi emini a ro luase oni atete, oni ishe o ya mu ọli. <sup>19</sup>Eẹ ezalo, onoghuo o fe fune? Emini a ro luase obo ni o la ukhomhi oni atete abi oni atete ni o ri oni iluasobo khi oni o pfuase? <sup>20</sup>Itobọ ighọ, ini ogbọ ọ da romhi atete ne, oni atete ali emini o la ukhomhi ọli nya ọ romhi eghọ. <sup>21</sup>Ini ogbọ ọ romhi Owa Oyi Eshinegba, oni Owa Oyi Eshinegba ali Eshinegba ni ọ la ọ ọ romhi eghọ. <sup>22</sup>Ini ogbọ ọ romhi iloghie, ukpekhomhi oyi Eshinegba ali oni ọ shito ọ ọ romhi eghọ.††

<sup>23</sup>“O ma a khọlọ ẹ egbe, ẹẹ esesẹ Ishi eyi iMosisi ali ẹgbọ iFarisi. Eẹ erugamhi-kualo. Aa ze aze-oghuo-igbe oyi ebe akhokho ali okphasa, ama a ri ẹloe ẹ gbe emini e mu ẹloe shi elemhi ishi, nabi, umha gbe azeba ali isomhalemhi ali igbe akanya te ode igesikia. Enana khi egbegbi emini a kha riẹle, aa kha pfi enana

shi ekẹ ni aa riẹle we.‡‡ <sup>24</sup>Eẹ ezalo ni a ri ẹgbọ ọ kia, a pfiolo akia onyo-a, ama a to akphere lue.

<sup>25</sup>“O ma a khọlọ ẹ egbe, ẹẹ esesẹ Ishi eyi iMosisi ali ẹgbọ iFarisi, erugamhi-kualo. A kpe ukhokho iko ali itasa-a, ama emini a ri emhi itoegbe ali ufa mie e vo elemhi we. <sup>26</sup>Egbọ iFarisi ezalo! A kpe ke kpe elemhi uko ali utasa-a ne, eghẹghe agho ikhokho we e li pfuase.

<sup>27</sup>“O ma a khọlọ ẹ egbe, esesẹ Ishi eyi iMosisi ali ẹgbọ iFarisi, erugamhi-kualo. Eri a li abi uji ni a ri etseli opfopfo gbolo-a, ni o te odato ọli ti ẹloe, ama elemhi we, e vo igua ẹgbọ ni e ghu-a ni e ke-a.¶¶ <sup>28</sup>Ighọ a lili ẹ li, eri a rote odato idiegbẹ ga li abi egbegbi ẹgbọ, ama okhọlọ ali irugamhi ku alo, o vo ẹ elemhi.

### **IJesu ọ gue anasemhẹ oyewe le shi ekẹ**

(iLuk 11.47-51)

<sup>29</sup>“O ma a khọlọ ẹ egbe ẹẹ esesẹ Ishi eyi iMosisi ali ẹgbọ iFarisi, erugamhi-kualo! A ga to iji na emekeguele a riẹle iji eyi eni e gue ngeli somhotse. <sup>30</sup>A gbolo ọ lie, ‘Ini anye la agbo eghẹghe oyi itita anye lo, anye a kha nu we mhọli obọ shi emekeguele igbolo-a.’ <sup>31</sup>Eri a ri ona pfi otsele mu egbe ẹ khi a lama shi ọ khi imimi eni e gbolo emekeguele-a, a khi. <sup>32</sup>A ke je odalo, ni a pfuse gbe ikanya ni ititae e gbaekẹle gbe.

<sup>33</sup>“Eẹ enye ali imi enye, se a dabi khi a li ya na pfue ilimhi iriẹriẹ ni ọọ bhale?§§ <sup>34</sup>Itobọ ighọ mhi ya gueye ẹ khi mhi ya ghie emekeguele ghi ẹ ali ẹgbọ ni e fialo-a ali esesẹ ni e bu, a ya gbolo eghuo ọ-a, a tanọ we ma apfida, elese a gbe we ite elemhi owa ugamhi eye ẹ, a khu we

††23:22 Li ze Aza 66.1; iMat 5.34

‡‡23:23 Li ze iLev 27.30

¶¶23:27 Li ze Ika 23.3

§§23:33 Li ze iMat 3.7; 12.34; iLuk 3.7

te ẹ̀oli oghuo ya je olese. <sup>35</sup> Itobọ igho a ya ri ọ́lia eyi ẹgbọ eni e pfaṣe nya ni a gbolo-a shi eke ẹgbọ ona mu ota so ẹ, rote idiegbe oyi Ebeli ni ọa mhuẹ abi o li vu, ya ramhi idiegbe oyi iZakaraya omi iBerẹkaya ni a gbe-a shi agadamhi eva atẹtẹ ali Owa Oyi Ẹshinegba.\* <sup>36</sup> Abi o li mhi li gue ọ́li ẹ ye ẹ khi, osoli ni a ya me shi ugbeli ni a gbe idiegbe oyi ẹgbọ egho, ẹgbọ na agbhotu ona oni osoli o ya de rughu.”

### Inono ni iJesu o mhuẹ na iJerusalemu

(iLuk 13.34-35)

<sup>37</sup> IJesu o ro lie, “Eekhue-oo! IJerusalemu, iJerusalemu! A gbolo emekeguele-a, a tono eni Ẹshinegba o ghie ghi ẹ eche gbolo-a. Iti-ingmi-ingme mhi she roshẹka ni mhi kolo ẹgbọ eye ẹ kugbe, abi okhokho o lie kolo imioli shi ifu ipfua, ama aa lama na mhe. <sup>38</sup> Ghe i! Ẹshinegba o ya te Owa oyi Ẹshinegba oye ẹ vu, o mele afue a.† <sup>39</sup> Mhi gueye ẹ khi rote memena vu, khi aa ke gbolo ya me mhe ya ramhi ni egheghe ni a ro ya ke lie, ‘Oghelẹ o khi ni oni o ri eva oyi Onomhuẹ bhale.’”‡

### Olẹlẹ oyi ikpukhokho agbo

(iMak 13.1-2; iLuk 21.5-6)

**24** Abi iJesu o rote oni Owa oyi Ẹshinegba fie lasele, eniye odukhokho eyoli e roli khasẹ ugbe oyi oni owa. <sup>2</sup> IJesu o ro we, “A ga me emhi enana nya, ama mhi gue a ye ẹ khi aa me echeli ni a ro nga egbe egbe ro to oni owa ona ni aa ya che kua.”

### Ozughu ali imu-okhọli vule

(iMak 13.3-13; iLuk 21.7-19)

<sup>3</sup> Abi iJesu o li shito ukhomhi Ute ẹera Olivu, eniye odukhokho eyoli e bhale ya ye ọ́li ochi, ẹẹ ọ́li. “Gueye anye egheghe ni eni ingme enana e ro bhale ya tse, ali emini a ya ke me ni anye ro ya lese khi a she ramhi ukpese agbo.”

<sup>4</sup> IJesu o so we o, oo. “A ke tokpe eke ini ogbokhoghuo o khi di ẹ. <sup>5</sup> Irari khi ebubu ẹgbọ e ya ri eva oyemhe bhale, ẹẹ lie ‘Mhemhe mhi khi oni iKirisiti,’ ẹẹ di ebubu ẹgbọ. <sup>6</sup> A ya so ẹko okhọli ali okeke okhọli. Ama a khi ze ni ulishi o mu ẹ. A mema ya me emhi eghogho, ama ukpese agbo ọa kie ramhi ne. <sup>7</sup> Ushishi e ya mu okhọli vule shi ushishi o, ẹgbọ e mu egbe iku iku nu egbe ẹ khọli. Ukpokpomhi okiamhi o ya ke pfi, eke e ya ke dekulue asha khi asha. <sup>8</sup> Eri enana nya e ya li abi khi oku o lese to okpotso ni o ya bia.

<sup>9</sup> “Egheghe agho a ya mu ẹ na we ni e nase ẹ, a gbolo ẹ-a. Ẹgbọ na agbo nya e ya ke biselemhi ẹ, itobọ khi a khi ẹgbọ eyemhe.† <sup>10</sup> Egheghe agho ebubu ẹgbọ e ya de irudunga lasele, e ri egbe ẹ de, ẹẹ biselemhi egbe. <sup>11</sup> Egheghe agho ebubu emekeguele eyi egbhọli e ya lasele, ẹẹ di ebubu ẹgbọ. <sup>12</sup> Irari khi okhọlo o ya gba eke dose, imhuẹ-inono na egbe ọa ke lolo ẹ la o. <sup>13</sup> Ama ogbo ni o da migha irudunga oyoli gbagbagba ramhi ukpese, o ya khi oni a mie pfuese.‡ <sup>14</sup> A ya she ri oni usomhi onete oyi oni Eghiele oyi Ẹshinegba onana, tse abo gase agbo kpa, ni o khi otsele na ishishi nya, egheghe agho ukpese agbo o tigbe ramhi.

\*23:35 Li ze Igbae 4.8; Iburu 11.4; iZaka 1.1; 2 Okhe 24.21

†23:38 Li ze iJere 22.5

‡23:39 Li ze Iwolo 118.26

§24:9 Li ze iMat 10.22

§24:13 Li ze iMat 10.22

## Ighuighue

(iMak 13.14-23; iLuk 21.20-24)

<sup>15</sup>“Irarigho, a kha da me emhi obe ni o vese egbo o kua khi ighuighue ni oo vese egbo kua, ni oo pfi ebemulishi, khi o da ya migha ashini o pfuase ne,’ ezeze abi omekeguele iDanie o gue oli le ne, oni oo ze ebe o lese emini o ze.\*\*  
<sup>16</sup>Egheghe agho, egbo ni e la eke iJudia e na ya nga ukhomhi ite. <sup>17</sup>Ogbo ni o la ukhomhi owa o khi tiemhile ya rue emhikhoghuo elemhi owa. <sup>18</sup>Ogbo ni o la ishemi o khi jele apfe ya rue awulu oyoli apfe.<sup>††</sup> <sup>19</sup>O ma kholo ikpotso ni e me egbe ali eni e ri emofe shi egbe. <sup>20</sup>A lema Eshinegba o khi ze ni ele unamhi oye e o khi egheghe orue wekhi ogbele iyemhea. <sup>21</sup>Irari khi osoli oniemhi o ya lasele o. Osoli ni ogbo aa kpe me ghue rote igbaekele agbo ya ramhi ogbe ni amo, wekhi eri a ke gbolo ya me oghogho ghue.<sup>‡‡</sup> <sup>22</sup>Ini aa rote eni ogbele eni a ngme ena khi-a, ogbokhoghuo o ya pfue o. Ama itobo oyi egbo ni Eshinegba o ze, o ya khi eni ogbele-a. <sup>23</sup>Egheghe agho, ini ogbokhoghuo oo u, ‘Bino, ghe oni iKirisiti!’ Okekha khi eri o li, ‘Ghe oli oobo khe,’ khi mie oli suo. <sup>24</sup>Irari khi iromhi emiepfuese ali emekeguele eyi egbholi e ya lasele, ee ri otele eniemhi e khasa, ali ee gbe ikanya onyaloa ro ke di egbegbi eni Eshinegba o ze, ini o ya ze li lo. <sup>25</sup>A ghe i, eri mhi gue onana ye e shi eke neni oni egheghe o ya ramhi.

<sup>26</sup>“Igho, ini ogbokhoghuo o gueye e, ‘Ghe oli oobo, obini odagbe ifufu,’ a khi je oobo. Okekha khi eri oo, ‘Ghe oli ana, elemhi owa aza,’ a khi mie oli suo. <sup>27</sup>Irari khi eri inyenegbe bhale oyi Omi Ogbo o ya li abi akphala o lie nyamhise alo nyaa, o rote udi ukhuli ge ya je udi ukhuli, rote obini ovo o te e ngale ya je obini o te e lo eko.<sup>¶¶</sup> <sup>28</sup>Itobo khi ashini elamhako o ke-a shi agho ighuli ee legba.<sup>§§</sup>

## Inyenegbe bhale oyi Omi Ogbo

(iMak 13.24-27; iLuk 21.25-28)

<sup>29</sup>“Egheghe osoli ogho o kha da lese dose tee,  
 “Ovo o ya bishi alo-a,  
 uki o a ke ge  
 ikpetata e deno ukhuli kule,  
 ekpabo ena ukhuli ee nighise.\*  
<sup>30</sup>“Egheghe agho, otele irokhase oyi Omi Ogbo o ya lasele shi ukhomhi idane. Egbo ni e la agbo ona nya, e ya ke vie oya abi Omi Ogbo o li rote irarogbe e tiemhile elemhi ekpabo ali ukpokpomhi ufumhi.<sup>†</sup> <sup>31</sup>Egheghe agho akala onofune o ya de. Omi Ogbo o ghie igeni eyoli je iguabo enenene na eke agbo nya, e ka ti egbo eyoli ni o ze gbili.<sup>‡</sup>

## Owena ni a te oora okhua-eni wena

(iMak 13.28-31; iLuk 21.29-33)

<sup>32</sup>“A ze ni oara okhua o sasa e ingme. Ini iguabo eyoli e da tsotsogho ne, ni o ro ta ebe, a lese khi okasa o she ramhi. <sup>33</sup>Igho ini a da me emini mhi gue e ye ena ne, a lese khi oni egheghe o she ti

\*\*24:15 Li ze iDan 9.27; 11.31; 12.11

††24:18 Li ze iLuk 17.31

‡‡24:21 Li ze iDan 12.1; Iro 7.14

¶¶24:27 Li ze iLuk 17.23-24

§§24:28 Li ze iLuk 17.37

\*24:29 Li ze Iro 8.12; Aza 13.10; Ezik 32.7; iJo 2.10-11,31; 3.15; iZef 1.15; Aza 13.10; 34.4; Iro 6.12-13

†24:30 Li ze iDan 7.13; iZaka 12.10-14; Iro 1.7

‡24:31 Li ze 1 iKori 15.52; 1 iTesa 4.16; Aza 27.13; iZaka 9.14

ramhi ana. <sup>34</sup> Abi o li mhi li gue e ye e khi agbhotu ona o ya ya dose ne, ni emhi ena nya e ro bhale ya tse. <sup>35</sup> Eke ali ukhuli e ya dose, ama ingmemhi eyemhe, ea ya de kua.

### **Ogbō o a lẹsẹ oni ogbẹlẹ wẹkhi oni eghẹghe**

(iMak 13.32-37; iLuk 17.26-30,34-36)

<sup>36</sup> “Ogbōkoghūo o a lẹsẹ oni ogbẹlẹ wẹkhi oni eghẹghe. Egbegbi igeni na iloghie e a lẹsẹ wẹkhi Omi Ogbō o lẹsẹ, se ni Ita lolighuo tse. <sup>37</sup> Abi o ke li eghẹghe oyi iNoa, ighō ibhale oyi Omi Ogbō o ya li.” <sup>38</sup> Neni a mē ogbẹlẹ oyi ochikpho oniēmhi, eri egbō e le, e da, eghuo e wolō ikpotso, a ri ikpotso ye ughue, ya ramhi ogbẹlẹ ni iNoa o rō mu oko-okẹ oniēmhi nga, <sup>39</sup> Ama e a kie lẹsẹ emini a ya mē ramhi ni ochikpho o rō bhale ya tsua wẹ kua nya. Ighō ibhale oyi Omi Ogbō o ya li.” <sup>40</sup> Emōse aava e ya la ishemhi ke gbe akanya, a rue oghuo vu, a zẹ oni o kpole obo. <sup>41</sup> Ikpotso aava e ya la iko ke mhele emhi, a rue oghuo vu, a zẹ oni o kpole obo.

<sup>42</sup> “A ri ukpelo shi eke irari khi aa lẹsẹ e lẹ ni Onomhūe oye e o ya bhale. <sup>43</sup> A lẹsẹ khi ini omhūe-apfẹ o lẹsẹ eghẹghe ni ighiatō e rō ya do o li lō, eri o ya shito ni ogbe o gbe-a. Oa ya zẹ ni ighiatō e gbe o li ode-a lo owa le. <sup>44</sup> Itobō ighō, a mema ya mu egbe shi eke, irari khi eghẹghe ni aa sa shi, Omi Ogbō o rō ya bhale.

### **Oni o guẹ eẹ ga ali oni o a guẹ eẹ ga**

(iLuk 12.41-48)

<sup>45</sup> “Oghuo o fẹ khi oni o o ga ni ri egbe e nga ni o lẹsẹ ingme. Ni oga oyoli o zẹ kpeda na eni eẹ ga eyoli, o ri eloe khu omhōapfẹ oyoli, ni o ke ri emhi na wẹ

le shi eghẹghe? <sup>46</sup> Oghẹlẹ o khi na oni o o ga oghe ini oga oyoli o jele ya e khi o o riele emini o mhese na li. <sup>47</sup> Abi o li mhi li gue e ye e khi oga oyoli o ya ri emini o mholi nya nga li obo. <sup>48</sup> Ama ini o khi oni o o ga ni o a ya suo eso lo, eri o ya ke gueye egboli, ‘Oga oyemhe o ya la oobō tese,’ <sup>49</sup> O o gbe eni eẹ ga ni e kpole, o le, o deba edonyo a da onyo kia kia. <sup>50</sup> Oga oyi oni o o ga oghe o ya jele apfẹ ogbẹlẹ ali eghẹghe ni oni o o ga oghe o a sa shi. <sup>51</sup> Oni oga oyoli oghe o ya nase o li agbōagbō, o rōli je asha ni a ri erugamhi-ku-alo shi. Aghō o la ke vie o le ako ako.”\*\*

### **Okhẹ irōkhōkhō imueshi ogbe ni e a mē omose ghue**

**25** “Eghẹghe ni a ngme ena, eri imueshi etuogbe ni e a mē omose ghue, ni e ya rue ikpa eyewe, ni e vu ya a lu omose oni o o rue omueshi onogbo ode.” <sup>2</sup> Imueshi oshe elemhi wẹ e khi eyeghe, oshe eni e kpole e khi elesingme. <sup>3</sup> Eyeghe ni e la o, e wolō ikpa eyewe ama e a sato tsua oili olese shi emhi. <sup>4</sup> Elesingme ni e la o, e wolō ikpa, gbo die oili olese shi emhi. <sup>5</sup> Abi oni omose ni o o rue omueshi eghō o a rō ke lẹ e bhale, eni imueshi nya e ri ukhomhi bo, olese o dowe rue.

<sup>6</sup> “Abi itsotsogbie rō mu eke, uruli o de leghe, o o, ‘A ghe khe! Oni o o rue omueshi o she e bhale o! A vule ni a ya lu o li ode!’

<sup>7</sup> “Ighō eni imueshi e ti vule, e ti ikpa eyewe ngale. <sup>8</sup> Ama ikpa eyi eyeghe ni e la o, e e a ke do bẹ lala. E lẹ deba eni e khi elesingme, eẹ wẹ, ‘A kpẹkpẹ a te oili

<sup>1</sup>24:37 Li zẹ Igbae 6.5-8

<sup>§</sup>24:39 Li zẹ Igbae 7.6-24

\*\*24:51 Li zẹ iLuk 12.39-46; 1 iTesa 5.2; Iro 3.3; 16.15; 2 iPit 3.10

<sup>††</sup>25:1 Li zẹ iLuk 12.35

oyeę dię na anye irari khi ikpa eyanye e she ę pfua.’

<sup>9</sup>“Igho imueshi eleşingme egho, ęę we, ‘Iye e! Oni anye mhue ena ęa ya lo anye ni o gbolo lo ę ę. A le deba eni e ri oili ę de ya de.’

<sup>10</sup>“Igho eni imueshi eyeghe oshe egho, e le deba eni e ro de ya a de. Abi e ro vu ya de oni oili, oni ęę rue omueshi o lole. Eni imueshi oshe ni e mu egbe oili olese egho e deba li lo elemhi owa ukue. A khukhu ode.

<sup>11</sup>“O ke li deęe, enekpole e bhale, ę ya kpheli ode, e lie, ‘Oga! Oga! Khueghie ode-a na anye.’

<sup>12</sup>“Ama oni ęę rue omueshi ogho, ęę we, ‘Abi o li mhi li gue ę ye ę, mhi aa leşę ę.’<sup>‡‡</sup>

<sup>13</sup>“Irarigho, a ri eloe shi eke, itobo khi aa leşę oni ogbele we khi oni eghege.

### Okhe irokhokho oyi eni ęę ga etuase

(iLuk 19.11-27)

<sup>14</sup>“Eghege agho, eri Eghiele oyi Eshinegba o ya li abi omose oghuo ni ęę vu asha, ni ę lu eni ęę ga eyoli, ę ri epfue eyoli nga we obo. <sup>15</sup> ę kemhi ikpagho na ogbogbo abi e li mhue afu ramhi. ę ri ikpeshe na oghuo, ę ri ikpeva na olese. ę ri ukpaghuo na onokpole. ę vu ęoli. <sup>16</sup> Oni oga ę leşę vu se, oni ę mie ikpeshe egho, ę nyanya ya ri ikpeshe eyoli du oki, ę me eleli ikpeshe elese nga ę. <sup>17</sup> Igho oni ę mhue ikpeva egho, ę li ri eyoli du oki, ę li me eleli ikpeva elese nga ę. <sup>18</sup> Ama oni a ri ukpaghuo na egho, ę vu ya to oni ukpagho eke so.

<sup>19</sup>“O teşę, oni oga oyewe ę jele. ę lu we ogbogbo ę bhale ya guele abi ę li gbe. <sup>20</sup> Oni ęę ga ni ę mhue ikpeshe egho, ę bhale deba oga oyoli, ęę, ‘Oga, ikpeshe

u ro na mhe, ama mhi she roli du oki, mhi me ikpeshe eleli.’

<sup>21</sup>“Oni Oga oyoli ęę li, ‘Mu akanya, yeye oni ęę ga onete ni ę mhue igesikia! U she ri igesikia khasę shi ukuku emini mhi ro ngeę obo, mhi ya ri emini e bu ngeę obo. Bhale ni awa ga la oghelę!’

<sup>22</sup>“Igho oni a ri ikpeva na egho, ęę li, ‘Oga, ikpeva u ro na mhe, mhi she me eleli ikpeva.’

<sup>23</sup>“Oni oga oyoli ęę li, ‘Mu akanya, yeye oni ęę ga onete ni ę mhue igesikia! U she ri igesikia khasę shi ukuku emini mhi ro ngeę obo. Mhi ya ri emini e bu ngeę obo. Bhale ni awa ga la oghelę!’

<sup>24</sup>“Igho oni ę mie ukpaghuo egho ę bhale, ęę li, ‘Oga, mhi leşę khi uwali ogbo u khi; khi ashini u waa gua shi wa je ya khişę, ali khi ashini u waa ri ukpamhi ko, u je ya tima. <sup>25</sup> Itobo igho eri ulishi oye oo mu mhe, loli o ze ni mhi ro ya to ikpagho eye eke so. Ghe ikpagho eye emhikhoghuo ęa li we.’

<sup>26</sup>“Oni oga oyoli, ę soli ę, ęę li, ‘Yeye ogbo okholo owaza ona. U leşę khi eri mhia khişę emini mhi aa roko, mhi gbo rote asha ni mhi aa pfi ukpamhi shi ę khişę. <sup>27</sup> Abi o ro khi igho, wa a ke ri ikpagho eyemhe shi ilu ikpagho, mhi kha jele, mhi kha bhale ya ę khi e gbe nga ę.

<sup>28</sup>“‘A mie oli oni ukpagho, a ri oli na oni ę mhue ikpeshe. <sup>29</sup> Irari khi ogbo ni ę mhue, a ya ro ma ę na li, ę mhue gbeku ę, ama oni ęa mhue kpa, ukuku ę ni ę kpe mhue a ya mie oli lue.’<sup>¶¶</sup> <sup>30</sup> Ama oni ukhiakhiamhi oni ęę ga onana, a mu oli pfi lase ya pfia alo ebili, agho ę la ke vie ęę le ako ako.’<sup>§§</sup>

### Iguezo ni o kpukhokho

<sup>31</sup>“Ini Omi Ogbọ o bhale abi Oghie Onomhue, ni igeni eyoli nya e ro nu oli

<sup>‡‡</sup>25:12 Li ze iLuk 13.25

<sup>¶¶</sup>25:29 Li ze iMat 13.12; iMak 4.25; iLuk 8.18

<sup>§§</sup>25:30 Li ze iMat 8.12; 22.13; iLuk 13.28

bhẹ, ọ ya shító eghiele oyóli.\* <sup>32</sup> Egbo ni e la agbo nya a ya tigbili odalo oyóli. Egheghe agho ọ khi wẹ-a asha eva, abi orisumha-kia ọ liẹ vase isumha ali elamhi-a. <sup>33</sup> Ọ ya wolọ egbo ni e pfuase je ukiẹkiẹ obita. Enekpole e la obogobo.

<sup>34</sup> “Igho oni oghie ọ ya gueye egbo ni e la li obọ obita, ọọ wẹ, ‘A bhale ni a ke li agbo elemhi iloghie ni Itamhe ọ riẹle na e rote egheghe ni agbo o te gba eke le. Eẹ ni Eshinegba ọ khi voşe na. <sup>35</sup> Irari khi abi okiamhi o rọ gbe mhe, a ri emhi na mhe le, okiamẹ o gbe mhe, a diẹ amẹ na mhe da. Abi mhi rọ khi opfese, a mie mhe shi owa oyeẹ. <sup>36</sup> Abi mhi rọ la irumheba a ri itsua na mhe sọ. Mhii ghua, a ri ẹloe khu mhe. Mhi la owa ighumha, a bhale ya bino mhe.’

<sup>37</sup> “Igho eni egbo ni e pfuase egbo e ya mhila mhe, e mhe, ‘Onomhue, egheghe onoghuo anye rọ mẹ khi okiamhi oo gbe e ni anye rọ ri eminale ne le, ni okiamẹ o rọ gbe e ni anye rọ rọ ne da? <sup>38</sup> Egheghe onoghuo u rọ khi opfese ni anye rọ mie lo owa le. Egheghe onoghuo u rọ bano-a ni anye rọ ri itsua ne sọ? <sup>39</sup> Egheghe onoghuo u rọ ghua ni u rọ la owa ighumha ni anye rọ bhale ya bino e?’

<sup>40</sup> “Oni oghie ọ ya sọ wẹ ọ, ọ wẹ, ‘Abi o li mhi li gue e ye e egbo khi, emiemini u da riẹle na egbo ni e khi Inyoghuo-mhe ni e miesuọ ni ẹa mu ẹloe ena ne, mhemhe u riẹle ọli na.’

<sup>41</sup> “Egheghe agho oni oghie ọ ya gueye egbo ni e la li ukiẹkiẹ obọ ogobo, ‘A vu mhe ana le, eẹ ni a pfi unu na, a ke je owa erẹ ni Eshinegba ọ riẹle na okphaghiẹ ali igeni eyóli. <sup>42</sup> Irari khi abi okiamhi o rẹ gbe mhe, aa ri emhi na mhe le. Abi okiamẹ o rẹ gbe mhe, aa bọ amẹ na mhe da.

<sup>43</sup> Abi mhi rọ khi opfese, aa lama ni mhi lo e apfe le. Abi mhi rọ la irumheba, aa bọ ide na mhe sọ. Mhi ghua, aa ri ẹloe khu mhe. Mhi la owa ighumha aa bhale ya bino mhe.’

<sup>44</sup> “Egheghe agho e ya liẹ mhe, ‘Onomhue, obo anye la mẹ khi okiamhi o gbe e, ni u rọ khi opfese, ni u rọ la irumheba, ni u rọ ghua, ni u rọ la owa ighumha ni anye aa rọ kpaghie obọ?’

<sup>45</sup> “Oni oghie ọ ya sọ wẹ ọ, ọ wẹ, ‘Abi o li mhi li gue e ye e egbo khi, emiemini wa a da riẹle na egbo ena ni ẹa mu ẹloe ni e mie mhe suọ ne, mhemhe wa a riẹle ọli na.’

<sup>46</sup> “Egheghe agho, e vu ya lo osoli na agboagbo, ama eni e gue ngeli, e je agbo na agboagbo.”†

### Ugbamhi ni a gba khe iJesu

(iMak 14.1-2; iLuk 22.1-2; iJon 11.45-53)

**26** Abi iJesu ọ li sesẹ emhi ena se, ọọ eniye odukhokho eyóli, <sup>2</sup> “A lesẹ khi akopfua khi ukpe iPasova. A ya mu Omi Ogbo, a gbe ọli-a shi apfida.”‡

<sup>3</sup> Egheghe agho, ighie eyi ekpodalougamhi ali eni egbhali e ya lona agbala oyi iKefasi ni ọ khi Oga oyi ekpodalougamhi nya. <sup>4</sup> E la agho gba ugbamhi abi e li ya bẹna mu iJesu ya gbe-a. <sup>5</sup> E gueye egbe khi, ọa ya khi egheghe oyi oni imu, ini egbo khi ri itobọ igho tsua onyaghu lasele.

### A la iBetani ku oili shi iJesu egbe

(iMak 14.3-9; iJon 12.1-8)

<sup>6</sup> IJesu ọ bhale iBetani, ikhi owa oyi omose ogghuo ni a lu iSamọ ni efafe e kpe mu. <sup>7</sup> Abi iJesu ọ li la agho le eminale, okpotso ogghuo ọ tsua ituale ni o lolo ghalẹ shi ukoko alabasita ni a ri

\*25:31 Li zẹ iMat 16.27; 19.28

†25:46 Li zẹ iDan 12.2; iJon 5.29

‡26:2 Li zẹ Okiali 12.1-27



ēche riēle bhale. Ọ ya ku ọli shi iJesu ukhomhi.<sup>9</sup>

<sup>8</sup>Abi eniyē odukhokho eyi iJesu e rọ mē ona, e liē, “Elọ o zē ni a rọ na pfuēche oni ituale kua shi afuē?” Elemhi e bi wē.

<sup>9</sup>“A kha ri ituale ona dē ghalē lọ, a kemhi eni ikpaghọ na eni ẹa mhue.”

<sup>10</sup>IJesu ọ lēse emini e ngme, ọ mhila wē, ọ wē, “Elọ o zē ni a rọ nyama ọni ọkpotso ọna? Emini o somhi otse o riēle na mhē. <sup>11</sup>Ēghēghē kpa eni ẹa mhue e rọ a la e ifuabọ. Ama aa ya ke mē mhē ēghēghē kpa.<sup>8</sup> <sup>12</sup>Emini o zē ni ọkpotso ọna ọ rọ ku ituale ona shi mhē egbe khi, ni ọ rọ mu mhē egbe khē irọtọ oyemhē.

<sup>13</sup>Mhi gueyē ẹ khi ashiashini a da la tse abọ usomhi onete ona eke agbọ ona ne, a ya ngme emini ọni ọkpotso ọna ọ riēle rọ sato ọli egbe.”

### **IJudasi ọ lama khi lọli ya ri iJesu dē**

(iMak 14.10-11; iLuk 22.3-6)

<sup>14</sup>Ighọ oghuo eniyē odukhokho ogbava eyi iJesu ni a lu iJudasi na Isikarọti, ọ fiē deba ighie eyi ekpodalo-ugamhi.

<sup>15</sup>Ọ mhila wē, “Ingme a ya rọ na mhē ini mhi ri odē khasē ẹ ni a te ya mu ọli?” Ighọ e leli ikpaghuo-ghuo uye ali igbe na li.<sup>\*\*</sup> <sup>16</sup>Rọte aghọ vu, eri iJudasi ọ ke ri ukpeloē shi eke nono ode ni ọ te ya ri iJesu na wē.

### **Eminale ogbomhi oyi Onomhue**

(iMak 14.12-21; iLuk

22.7-13,21-23; iJon 13.21-30)

<sup>17</sup>Ogbele onodode oyi oni ukpe na ibuledi ni aa ri ifuma wushe o ramhi, eniyē odukhokho eyi iJesu e bhale deba li, e mhila li, ẹ ọli, “Obo wa nono ni anye mu egbe shi ni u la le eminale iPasova?”

<sup>18</sup>Ọọ wē “A lē deba omose oghuo ni ọ la elemhi oni ẹoli, a ka gueyē ọli khi, ‘Osese ọ khi ēghēghē oyemhē o she ti ramhi, owa oye, mhēmhē ali eniyē odukhokho eyemhē anye la le eminale iPasova.” <sup>19</sup>Ighọ eni eniyē odukhokho eyi iJesu e riēle abi ọ li ghie wē. E ya mu egbe oni eminale shi aghọ. <sup>20</sup>Abi ogbomhi o rọ mu eke, iJesu ali eniyē odukhokho ogbava eyoli ee shitọ shi eminale. <sup>21</sup>Abi e rọ le oni eminale, iJesu ọọ wē, “Oghuo elemhi ẹ ọ ya rēmhē dē.”

<sup>22</sup>Ighọ egbe e pfọ wē a. Oghuo oghuo ọ mhila li “Onomhue she khi ọa khi mhēmhē wē khi o khi?”

<sup>23</sup>IJesu ọọ wē, “Oghuo ẹ ni ọ nu mhē ẹ sọ obọ utasa, ọ ya rē mhē dē.<sup>††</sup> <sup>24</sup>Omi ogbọ ọ ya ghu-a abi a keke nali. Ama o ma khọlọ omose ni ọ ri Omi Ogbọ ya dē egbe. O kha bie ti nẹ ini ogbọ aa bie bia li.”

<sup>25</sup>IJudasi ni ọ ya rọli dē ọọ li, “Osese, she khi ọa khi mhēmhē wēkhi o khi?” IJesu ọọ li, “Ii, yeyē lọ.”

### **Eminale ogbomhi oyi Onomhue**

(iMak 14.22-26; iLuk

22.14-20; 1 iKori 11.23-25)

<sup>26</sup>Abi e li le egbo, iJesu ọ rue ibuledi, ọ kpēmhi, ọ khi ọli a, ọ rọli na eniyē odukhokho eyoli, ọọ wē, “A mọ, a le khi idiegbe oyemhē na.”

<sup>27</sup>Ighọ ọ gbo li rue uko, ọ kpēmhi, ọ rọli na wē, ọ wē, “Eẹ nya a rọte ọ da. <sup>28</sup>Ọlia eyemhē ni a ku rọ luasē obo na ēgbokpa a na, ni o gbe olamhē kua na wē. Ọlia ena Eshinegba ọ rọ nu egbo eyoli mhue ishobọ.<sup>‡‡</sup> <sup>29</sup>Mhi gueyē ẹ khi mhi a ke gbo rọte oni ukpamhi ọara upfonu onana ya da rọte memena vu. Sẹ

<sup>9</sup>26:7 Li zē iLuk 7.37-38

§26:11 Li zē iDeut 15.11

\*\*26:15 Li zē iZaka 11.12

††26:23 Li zē iWolo 41.9

‡‡26:28 Li zē Okiali 24.8; iJere 31.31-34

ni eḷe ni mhi ke ya nu e da li ode onogbo Iloghie oyi Itamhe.”

<sup>30</sup> Abi e ro to uwolo se, e vu ya je ute eera Olivu.

**IJesu o guele shi eke  
khi iPita o ya kie lue**

(iMak 14.27-31; iLuk  
22.31-34; iJon 13.36-38)

<sup>31</sup> Abi e li le egho, iJesu oo we, “Amiose ena, ee nya a ya mhue akhokhomhe shi mhe egbe, a na tsua mhe pfa, irari khi ebe o ngme oli khi.

“Mhi ya ri emhi li orisumhafia, eni isumha e ya gbhiaku-a.”<sup>¶¶</sup>

<sup>32</sup> “Ama ini mhi rote eghuli guale, mhi ya ralo na e iGalili.”<sup>§§</sup>

<sup>33</sup> iPita oo li, “Ini egbo nya e tseku mhue akhokhomhe shi e egbe, mheme mhi aa ya mhue.”

<sup>34</sup> IJesu oo li, “Abi o li mhi li gue oli e ye, khi amiose ena, neni okpa o gbieghe, itese u ya lie khi waa lese mhe.”

<sup>35</sup> iPita oo li, “Mhi aa ya ngme gho ini o tseku khia khi oni mhi ya nu e ghu-a lo, mhi aa ya lie khi mhi aa lese.”

Eniye odukhokho enekpole nya e li ngme gho.

**IJesu o la iGetisemani lema**

(iMak 14.32-42; iLuk 22.39-46)

<sup>36</sup> Igho iJesu o lu eniye odukhokho eyoli, e je ashini a lu iGetisemani, oo we, “A shito ana khi mhi ya je oobo ya so iromhi.” <sup>37</sup> O rue iPita ali imi iZebedi aava ma egbe. O viye osoli, egbe ea ke sheshe oli. <sup>38</sup> Oo we, “Udu oyemhe o vo osoli ramhi khi mhi ya ghua. A shito ana, a nu mhe ke tokpe.”

<sup>39</sup> O ti le dene, o de yeshi to alo mu eke o so iromhi. Oo, “Ita, ini o ya tse lo, ze

ni u mie mhe uko osoli ona. Ama oa khi abi o li ghole mhe, ama abi o li ghole e.”

<sup>40</sup> O nyene egbe bhale deba eni eniye odukhokho, o me khi ee lese. Oo we, “Aa dobe nu mhe tokpe ukuku eghoghe tse?” <sup>41</sup> “A ke tokpe, a so iromhi ini a khi de pfilo imufe. Ayemhe o mu egbe, ama o lose idiegbe.”

<sup>42</sup> O gbo vu utonuzi-eva, o ya lema, oo, “Itamhe, ini o khia khi oa ze li ni uko osoli ona o dose, see khi mhi da li, ze ni oghumhe oye o tse.”

<sup>43</sup> O gbo nyene egbe ukhokho bhale, o me khi e lese ea ke dobe khueghie alo-a. <sup>44</sup> Igho o ze we obo shi agho. O gbo ya lema utonuzi-ese, o gbo ngme abi o kpe ngme.

<sup>45</sup> Igho o nyene egbe ukhokho bhale deba eni eniye odukhokho, oo we, “Eri a kiele e lese-a, a kiele e yemhe-a? A bino khi eghoghe o she ramhi khi a she ri Omi Ogb o na egbo olamhe de. <sup>46</sup> A vule ni awa vu! Oni o remhe e de oo bhale!”

**A mu iJesu**

(iMak 14.43-50; iLuk  
22.47-53; iJon 18.3-12)

<sup>47</sup> IJesu o kie ligho ngme, iJudasi ni o khi oghuo eni eniye odukhokho ogbava, o bhale. Ebubu egbo ni e tsua epia ali itakobi e nu oli bhale, eni ighie eyi ekpodalo-ugamhi ali eni egbhali e ghie. <sup>48</sup> Oni o roli de o she ri olele na eni egbo, oo we, “Oni mhi da ya pfpfi egbe ne, loli lo, a mu oli.” <sup>49</sup> Oni iJudasi o le deba iJesu, oo li, “Opfomhe o ka nu e la Osese,” o pfpfi oli egbe.

<sup>50</sup> IJesu oo li, “Omue, nyanya ri ele emini u bhale shi.”

Igho eni emose e fie lasele, e mu oli. <sup>51</sup> Ghe i, abi a ro me na, oghuo eni e nu iJesu kia, o ji itakobi emhi lasele. O khi

<sup>¶¶</sup>26:31 Li ze iZaka 13.7

<sup>§§</sup>26:32 Li ze iMat 28.16

oni ọọ ga oyi Oga ekpodalo ugamhi eso-a.

<sup>52</sup> IJesu ọọ li, “Rue itakobi oye shi irari khi oni o ji itakobi, o ya li ghu eghuli itakobi. <sup>53</sup> Eri u dabi khi mhi aa dobe ya mhila Itamhe ikpaghiobo, aghoagho o ri igeni ni e dose agbhagbhamhi igbeva ghi mhe. <sup>54</sup> Ama, se Ebe-no-pfuase o ke li bhale ya tse, ni ọọ khi a mema lina me oli?”

<sup>55</sup> Igho iJesu ọọ eni ebubu egbo egbo, “Eri mhi ri egbo e pfi ozughu ni a ro tsua igbhoro ali itakobi bhale ya mu mhe? Ele kpa mhi ro shito Owa oyi Eshinegba e sese, ama aa mu mhe.\* <sup>56</sup> Ama eri a me ena nya ni a bhale ya e khi emini emekeguele e ngme shi ebe o bhale ya tse.” Igho eniye odukhokho nya e ze oli obo, e na kua.

### Igba enighie ni a lu iSaediri e ri iJesu gue ezo

(iMak 14.53-65; iLuk 22.54-55,63-71;  
iJon 18.13-14,19-24)

<sup>57</sup> Eni e mu iJesu e rue oli je apfe oyi iKefasi ni o khi Oga oyi ekpodalo ugamhi, ashini eni e sese ishi ali eni egbhali e legbe. <sup>58</sup> Ama iPita o tapfia a deba we. O deba we lo ramhi atukpapfe oyi Oga oyi ekpodalo ugamhi. O lo se, o nu eni ee khe ekhe shito, ni o me abi oni ingme o ke li ya kia.

<sup>59</sup> Ighie eyi ekpodalo-ugamhi ali eni iSaediri nya, e nono otsele egbhali ni e ya mu mhali iJesu obo ni e ba me asha gbe oli-a. <sup>60</sup> Ama ea me okhoghuo, abi ebubu egbo e tseku fie lasele ya pfi otsele egbhali.

Ikpukhokho o, emose aava e fie lasele. <sup>61</sup> E li “Omose ona do, ‘Mhi ya dobe

guogho Owa Oyi Eshinegba-a, mhi gbo riele oli to ogbele ese.”<sup>†</sup>

<sup>62</sup> Oga oyi ekpodalo ugamhi o vule, ọọ iJesu, “Waa bie mhue emini u ya ngme shi ezo ni a gue e shi e egbe ena?” <sup>63</sup> Ama iJesu tsaghi-a.

Igho Oga oyi ekpodalo ugamhi o gbo vule migha, ọọ iJesu, “Mhi ri eva oyi Eshinegba ni o la o re romhi ishe, gueye anye, ini yeje u khi Omiepfuese Omi Eshinegba.”

<sup>64</sup> IJesu ọọ li, “Igho o khi abi u ngme. Ama mhi gueye ee nya khi, rote memena vu, a ya me khi Omi Ogbo o shito obita oyi Eshinegba ni o fune nya, o la elemhi otughunu te irarogbe e bhale.”<sup>‡</sup>

<sup>65</sup> Igho, Oga oyi ekpodalo ugamhi o nyanan awulu a shi egboli uruli. Oo, “O she pfi unu-a! Otsele olese awa ke gbolo e nono? Ee a she suo oni ungmehi ipfiunu-a ni o ngme. <sup>66</sup> Se a sa shi o?”

E oli “O she lue, o mema ya ghua.”<sup>¶</sup>

<sup>67</sup> Igho e tono ete ku iJesu alo, e ri ekpa gbe oli. Eghuo, e lase oli eso.<sup>§</sup> <sup>68</sup> E lie oli “Me eke na anye ghue yeje Omiepfuese. Gueye anye ghue oni o ri emhi gbe e.”

### IPita o kie iJesu

(iMak 14.66-72; iLuk 22.56-62;  
iJon 18.15-18,25-27)

<sup>69</sup> IPita o shito olase, omueshi oghuo oyi Oga oyi ekpodalo ugamhi o bhale deba li, ọọ li, “Yeje, u li nu iJesu onge iGalili kia.” <sup>70</sup> IPita o tia li ukpeloe we nya, ọọ li, “Mhi aa fe lese emini a ngme.”

<sup>71</sup> O ke rote agho fie je unu ode unekpe ni a rote e lo oni apfe le, okpotso oni ọọ ga olese o gbo me oli, o gueye

\*26:55 Li ze iLuk 19.47; 21.37

†26:61 Li ze iJon 2.19

‡26:64 Li ze iDan 7.13

¶26:66 Li ze iLev 24.16

§26:67 Li ze Aza 50.6

emose ni e la agho, oo “Omose ona o nu iJesu na iNazareti kia.”

<sup>72</sup>Igho iPita o gbo tia li. Utona, o romhise ma o, oo, “Mhi romhi ishe, khi mhi aa lese oni omose ogho!”

<sup>73</sup>O ke li deno, emose ni e migha agho e bhale deba iPita, e oli, “Igesikia lo khi otuoghuo elemhi we u khi. Ungmemhi oye o she ngmase le.”

<sup>74</sup>Igho o li se egboli isheli, oo romhi isheli. O lie, “Mhi aa ga lese oni omose!”

Utoghuokpe okpa o gbieghe. <sup>75</sup>Igho iPita o sato ungmemhi ni iJesu o gueye oli ni o re oli, “Neni okpa o ya gbieghe, itese u ya lie khi waa lese mhe.” O fie je olase ya vie oya.

### A mu iJesu ghi iPaleti

(iMak 15.1; iLuk 23.1-2; iJon 18.28-32)

**27** Ogbe o gbe-a ogbeakolo, ighie eyi ekpodalo-ugamhi nya ali egbhali e mheshe abi e li ya gbe iJesu-a. <sup>2</sup>E ge oli, e rue oli vu ghi iPaleti ni o khi igovuno.

### IJudasi o gbe egboli-a

(Ika 1.18-19)

<sup>3</sup>Abi iJudasi ni o roli de, o ro suo khi a pfa ezọ mu oli khi a ya gbe oli-a, o ri egbe pfo li-a, o nyene egbe rue ikpaghuo uye ali igbe egho ghi ighie eyi ekpodalo-ugamhi ali eni egbhali. <sup>4</sup>Oo we, “Mhi she lamhe, irari khi mhi she ri ogbo ni o mholi olamhe okhoghuo de,” E oli, “Egbole oyi anye onoghuo o ke la ogho? Yeye u lese.”

<sup>5</sup>Igho iJudasi o ku eni ikpagho kua eke elemhi Owa oyi Eshinegba, o vu ya soli egboli-a.

<sup>6</sup>Igho ighie eyi ekpodalo-ugamhi e sano eni ikpagho eke, e oli, “Ikpagho o lia na, awa aa ya ku we ma ikpagho ugamhi.” <sup>7</sup>E gba ugbamhi nga eni ik-

pagho se, e rewe ya de eke onayi oni oo ma ekhe, ni a ri ilimhi epfese ke to agho. <sup>8</sup>Loli o ze ni a ro lu oli Eke O lia ramhi ogbe na amo. <sup>\*\*</sup><sup>9</sup>Igho ungmemhi ni omekeguele ni a lu iJeremaya o ngme, o li bhale ya tse. Ni oo, “E rue ikpaghuo uye ali igbe ni e khi ikpagho ni egbo iZireni e lama fali shi oli egbe. <sup>10</sup>E rue eni ikpagho ya de eke eme onayi eni ee ma ekhe, abi Eshinegba o mheshe na mhe mhi ngme.”<sup>††</sup>

### iPaleti o mhila iJesu ogbo

(iMak 15.2-5; iLuk 23.3-5; iJon 18.33-38)

<sup>11</sup>IJesu o migha odalo oyi igovuno iRomu, oni igovuno o mhila li, “Yeye u khi oghie oyi egbo iJu?” IJesu oo li, “Ii, Igho o khi abi u ngme.”

<sup>12</sup>Ama o mholi emini o so shi ingme ni ighie eyi ekpodalo-ugamhi ali egbhali e ngme shi oli egbe. <sup>13</sup>Igho iPaleti o mhila li, oo, “Wa a suo emini a ngme shi e egbe?” <sup>14</sup>Ama iJesu o lama so oli abikhoghuo, o ga lolo ri abo sha oni igovuno.

### A pfa ezọ igbe-a mu iJesu

(iMak 15.6-15; iLuk 23.13-25; iJon 18.39—19.16)

<sup>15</sup>Ini a da li ukpe iPasova, eri igovuno oo rue ogbo oghuo ni a mu shi owa ighumha obo-a na egbo iJu. Ikhi oni e ze, a rue igha le na wewe. <sup>16</sup>Egheghe agho, a me omose ni a mema lese shi ukhiakhi-amhi ogbo, ni aa khena, ni a mu shi owa ighumha, ni a lu iBarabasi. <sup>17</sup>Igho abi eni egbo e ro le gba, iPaleti o mhila we, “Onoghuo elemhi egbo aava ena a nono ni mhi wolọ abo-a na e? IBarabasi abi iJesu ni a lu Omiepfuese?” <sup>18</sup>Irari khi o she lese khi itobo khi ighie eyi egbo iJu ee biselemhi iJesu e ro mu oli ghi lue.

\*\*27:8 Li ze Ika 1.18-19

††27:10 Li ze iZaka 11.12-13; iJere 19.1-13; 32.6-9

<sup>19</sup> Abi iPaleti o li shito ukpekhomhi ezọ oyoli, ughue oli o ghie usomhi ghi oli, oo. “Khi mhuẹ emini u li omose ni ọa mhuẹ emini o li egbo. Irari khi mhii me osoli elemhi elena ooyose shi ingme oyoli.”

<sup>20</sup> Ama ighie eyi ekpodalo-ugamhi ali eni egbhali, e tanọ shi eni ebubu egbo elemhi, e lie iPaleti o rue iBarabasi obo-a, ama a gbe iJesu-a.

<sup>21</sup> Igho igovunọ o mhila we, “Elemhi aava ena, onoghuo o, a nono ni mhi rue obo-a?” Wewe nya ee.

“iBarabasi!”

<sup>22</sup> O mhila we, “Se mhi ya li iJesu ni a lu Omiepfuese ona sho?”

Wewe nya ee, “A ka ta li ma apfida!”

<sup>23</sup> Ama iPaleti o mhila we, “Elo o ze, onobe onoghuo o rielle?”

Ama e kie tseşe leghe “A ta li ma apfida!”

<sup>24</sup> Abi iPaleti o ro me khi lolu ẹa mholi emini lolu ke ya li o, khi onyaghu o tigbe te o lasele, o die ame, o kpe abo-a ukpeloe we nya, oo we “Mhi aa mhuẹ obo shi eghuli oyi omose ona o! Obo oyee o la o!”<sup>‡‡</sup>

<sup>25</sup> Eni egbo nya e li, “Olia eyoli e la ukhomhi oyanye ali oyi eniye eyanye.”

<sup>26</sup> Igho oo rue iBarabasi obo-a na we. Oo a gbe iJesu itali, o rue oli na ekholi-okhue eyi iRomu e ka ta li ma apfida.

### Eni ekholi-okhue e ri iJesu li egia

(iMak 15.16-20; iJon 19.2-3)

<sup>27</sup> Igho ekholi-okhue eyi iPaleti e rue iJesu lo elemhi agbala oyoli, o rue eni ekholi-okhue nya le gasẹ oli. <sup>28</sup> Igho e gueghie oli itsua ni o so, e ri itsua oyile so li. <sup>29</sup> E ri igba do arula rughu oli. E ri ukpokpo mholi oli obo ita, e wugha li

odalo, e ri oli li egia. E lie oli, “Eshinegba o ze ni u to agbo yeye oghie iJu.” <sup>30</sup> E to ete ku oli, e mie oli oni ukpokpo gbe oli ukhomhi. <sup>31</sup> E ri oli li egia se, e gueghie oli itsua eyile ni e ro so li egbo, e tigbe ri itsua eyoli so li. E rue oli je obini a la ya gboli-a.

### A ta iJesu ma apfida gbe-a

(iMak 15.21-32; iLuk 23.26-43; iJon 19.17-27)

<sup>32</sup> Abi e li le egbo, wewe ali omose ni a lu iSamọ ongi iZireni e ya lona, e ri itoto mu oli o tsua apfida oyi iJesu. <sup>33</sup> E bhale ashani a lu iGogota. Abi iGogota o ngme khi “Asha ugua ukhomhi ogbo.” <sup>34</sup> Agho e la ri onyo ni a ri emhi oyala shi na iJesu da, ama o to unu o bino, ọa lama da li.<sup>¶¶</sup> <sup>35</sup> E ta li ma apfida se, e pfi onolo ro kemhi itsua ni o so mholi egbe abo. Onana o ri emini omekeguele o ngme bhale ya tse, ni oo. “E kemhi iwulu eyemhe, e pfi onolo shi ide eyemhe.”<sup>§§</sup> <sup>36</sup> E rielle se, e shito, e khe oli ekhe. <sup>37</sup> E keke emini a gue shi oli egbe shi upepe ọara ro kphase kpeda nali. Emini a keke shi o khi, Ona khi iJesu, Oghie egbo iJu. <sup>38</sup> Igho e gbe ighiatọ aava ma li egbe. Oghuo o la ukiẹkiẹ obita, onokpole o la li ukiẹkiẹ ogobo. <sup>39</sup> Egbo ni ee dose, e pfi itsue ododa manya iJesu.\* <sup>40</sup> E lie “Yeye ni u ya guoghọ Owa Oyi Eshinegba-a, ogbele nuzi-ese u gbo toli pfo. Tsumhi egbe e! Rote ukhomhi apfida ona tiemhile sho, ini Omi Eshinegba u khi.”

<sup>41</sup> Ina ighie eyi ekpodalo-ugamhi, ali esese Ishi eyi iMosisi ali egbhali e gbo li tsue oli. <sup>42</sup> E lie, “O tsumhi egboese,” “Ama ọa dobe tsumhi egboli! Ọa khi lolu khi oghie oyi iZireni? Ini o da te ukhomhi apfida onana tiemhile ne, anye

<sup>‡‡</sup>27:24 Li ze iDeut 21.6-9

<sup>¶¶</sup>27:34 Li ze Iwolo 69.21

<sup>§§</sup>27:35 Li ze Iwolo 22.18

\*27:39 Li ze Iwolo 22.7; 109.25

ya mie ọli suọ. <sup>43</sup>Eri ọ ri egbe da Eshinegba o gbo liẹ khi, 'Omi Eshinegba mhi khi.' Awa ke bino ini Eshinegba ọ ya tsumhi ọli mena."<sup>†</sup> <sup>44</sup>Igho khi ighiatọ ni a ta ma apfida e li tsue ọli.

### Eghuli oyi iJesu

(iMak 15.33-41; iLuk  
23.44-49; iJon 19.28-30)

<sup>45</sup>Oguota o mu eke obili o tode bi asha kpa elemhi iwakati ese. <sup>46</sup>Agogo ese o de te, iJesu ọ viẹ lasele leghe ọọ "Eloi, Eloi, Lama Sabachi tani?" Abi ona o ngme khi "Eshinegba oyemhe, Eshinegba oyemhe, elo o ze ni u ro pfi mhe esọ a?"<sup>‡</sup>

<sup>47</sup>Egbo eghuo ni e la agho e suọ ona, e liẹ li, "Elaja ọọ lu."

<sup>48</sup>Aghoagho, oghuo o, o na ya rue isoso, o so li onyo ni o khe-a, o geno li shi ukpokpo nise a ji iJesu unu ni o da.<sup>¶</sup>

<sup>49</sup>Ama enekpole e ọli, "Migha, ze ọli obo ni awa me ini Elaja ọ ya bhale ya tsumhi ọli."

<sup>50</sup>Igho iJesu ọ gbo viẹ leghe, ọ ghu-a.

<sup>51</sup>Egheghe agho tee, ode ugbakpi, ni a ro ta pfa ode-a ni o la elemhi Owa Oyi Eshinegba o te odode rote idane kiесе-a ya tiemhi eke. Eke agbo o nighise, eche e veno-a.<sup>§</sup> <sup>52</sup>Iji e khueghie-a, ebubu egbo ni e pfuase ni eghuloa e guale bhale agbo. <sup>53</sup>E fiẹno iji lasele. Abi iJesu ọ ro rote eghuli guale se, e je elemhi ẹoli no pfuase, e ri egbe khasẹ ebubu egbo.

<sup>54</sup>Abi ekhọli-okhue ni a ze e ke khe iJesu ekhe e ro me abi eke o li nighise ali emhi elese ni e me nya, ulishi oo mu we, e liẹ li, "Egbegbo lo khi Omi Eshinegba omose ona o khi."

<sup>55</sup>Ikpotoso ebubu e la agho ni e ta pfi-a fe. Eri e deba iJesu rote iGalili bhale ni wewe e ri ukpeloe khu ọli. <sup>56</sup>Eghuo ọ khi, iMeli ongi iMagidaleni, iMeli inyi iJemhisi ali iJosefu, ali inyi iJemhisi ali iJoni.

### Abi a ri iJesu to

(iMak 15.42-47; iLuk  
23.50-56; iJon 19.38-42)

<sup>57</sup>Abi ogbomhi o ro mu eke, omose ni o pfue ongi Arimatia ni a lu iJosefu ni o li khi oghuo eniye odukhokho eyi iJesu, <sup>58</sup>o le deba iPaleti ya mhila li olimhi oyi iJesu, ọ roli na lue ya to. iPaleti ọ ri unu bhale e ka rue ọli na iJosefu. <sup>59</sup>Igho iJosefu ọ rue ọli, ọ ri ode onogbo no pfuase khuli ọli. <sup>60</sup>O ri ọli to uji onogbo oyoli ni a lese to shi elemhi eche. O gheghele eche oniemhi khukhu oni uji unu, o vu je apfe. <sup>61</sup>Igho iMeli ongi iMagidaleni ali iMeli onokpole e shito so alo ghue oni uji.

### Ekhekhe ni e la oni uji

<sup>62</sup>Ogbeakolo, ni o khi ele Iyemhea oyi egbo iJu, ighie eyi ekpodalo-ugamhi ali egbo iFarisi e bhale deba iPaleti, e ọli, <sup>63</sup>"Oga, anye sa ya to khi abi oni oloegb-hue ogho o ro la agbo o liẹ khi, 'Mhi ya guale ele-ese.'" <sup>64</sup>Mena ri unu bhale a ke ya khe agho ekhe ramhi ele nuzi-ese, ini niye odukhokho eyoli e khi bena ya tsua olimhi oyoli, ni e ke gweye egbo khi a she te eghuli guise ọli le. Egbhoni o ya kpukhokho ona, loli o ke ya kholo dose oni odode."

<sup>†</sup>27:43 Li ze *Iwolo* 22.8

<sup>‡</sup>27:46 Li ze *Iwolo* 22.1

<sup>¶</sup>27:48 Li ze *Iwolo* 69.21

<sup>§</sup>27:51 Li ze *Okiali* 26.31-33

<sup>\*\*</sup>27:63 Li ze *iMat* 16.21; 17.23; 20.19; *iMak* 8.31; 9.31; 10.33-34; *iLuk* 9.22; 18.31-33

<sup>65</sup> IPaleti ọọ wẹ, “A rue ekhe-khe, a ze ni e khe ekhe agho. A lolo khukhu oli abi o ti e eloe shi.”

<sup>66</sup> Igho e ya khukhu oni uji egbegbo, e zuse oli, e ze ekhe-khe shi agho.

### Irote eghuli guale oyi iJesu

(iMak 16.1-10; iLuk 24.1-12; iJon 20.1-10)

**28** Ogbe o ya gbe khi ele Iyemhea o dose ni o khi ele ni odode elemhi efo uka, iMeli ongi iMagidaleni ali iMeli onokpole e le ya bino oni uji.

<sup>2</sup> Utoghukpe eke o nighise, irari khi ageni oyi Onomhue o rote idane tiemhile. O gheghele oni eche ni o khukhu oni unu uji ode-a. O shito nga o. <sup>3</sup> O li abi erali akphala. Itsua ni o so e pfuase pepere abi otughunu opfopfo.

<sup>4</sup> Ulishi o mu eni e la agho khe ekhe, ee guo, ubi o rue we pfi gbe.

<sup>5</sup> Oni ageni ọọ eni ikpotso, “A khi ze ni ulishi o mu e irari khi mhi lese khi iJesu ni a gbe-a shi apfida a nono. <sup>6</sup> Oa la akana, o she te eghuli guale abi o kie kpe ngme. A bhale ya bino ashini a ri oli yeshi. <sup>7</sup> A nyanya ke le memena, a ka gueye eniye odukhokho eyoli khi. ‘A she te eghuli guise oli le, khi mena, ọọ kia khe e, o je elemhi iGalili. Oobo a ya me oli.’ Ghe i, a khi yele-a abi mhi gueye e.”

<sup>8</sup> Igho eni ikpotso e nyanya rote oni uji vu, ulishi o mu we ama oghelẹ o vo we elemhi, e na ya gueye eniye odukhokho eyoli. <sup>9</sup> Utoghukpe iJesu o bhale deba we, ọọ. “Opfomhe o ka nu e la.” E bhale deba li, e mu oli awe, e nyese ukhomhi ga li. <sup>10</sup> IJesu ọọ we, “A khi ze ni ulishi

o mu e, ama a ka gueye Inyoghuo-mhe e ke je iGalili. Agho e te ya me mhe.”

### Emini ekhe-khe e guele

<sup>11</sup> Abi eni ikpotso e ro vu se, eni ekholi-okhue ni e khe oni uji ekhe, e vu ya gueye ighie eyi ekpodalo-ugamhi emini a ga me nya. <sup>12</sup> Igho ighie eyi ekpodalo-ugamhi e le deba eni egbhali e lona ye ugbamhi abi e ke ya li. E gba, e ri ikpokpomhi ikpagho na eni ekholi-okhue egho. <sup>13</sup> Ee we. “A lie khi, ‘Eniye odukhokho eyoli e bhale ya tsua li vu abi obili o ro bi ni anye ro lese.’ <sup>14</sup> Ini igovuno o suo ona, anye ya pfa e shi eke, a khi ze ni emikhoghuo o nase e udu.” <sup>15</sup> Igho eni ekholi-okhue e mie we eni ikpagho e li abi e sese we. Eri ingme emini e ri ele o gbhiaku asha kpa ifuabo egbo iJu. Ramhi ogbe-namo, eri a kiele e ze oni okhe ona.

### Usohmi ni o fune ni iJesu o ghie

(iMak 16.14-18; iLuk 24.36-49; iJon 20.19-23; Ika 1.6-8)

<sup>16</sup> Igho eniye odukhokho ogbaghuo eyoli e je iGalili deba iJesu ukhomhi ute ni o sese we.†† <sup>17</sup> Abi e ro me oli, e nyese egbe ga li, ama eghuo o e kiele khokho oli. <sup>18</sup> Igho iJesu o kia ti mama we, ọọ. “A she rue afu nya na agbo ona ali iloghie na mhe.‡‡ <sup>19</sup> Irarigho, a fie lase je asha kha asha, a ke ya ri egbo mele eniye odukhokho eyemhe-a, a ri eva oyi Ita, ali oyi Omọ ali oyi Ayemhe-no-pfuase batazi.¶¶ <sup>20</sup> A sese we, e ke ri emhi nya ni mhi mhesẹ na e gbe akanya. A ghe i, mhi nu e la ramhi ukpese agbo.”

††28:16 Li ze iMat 26.32; iMak 14.28; 1 iKori 15.5; iJon 21.1-23

‡‡28:18 Li ze iMat 11.27; iLuk 10.22; iFili 2.9; Efi 1.20-22

¶¶28:19 Li ze Ika 1.8

*Usohmi Onete oyi iJesu iKirisiti ni*

## **iMaki**

*O keke*

**Itsabọ oyi iJoni Oni ọọ batazi ẹgbọ**  
(*iMat 3.1-12; iLuk 3.1-18; iJon 1.19-28*)

**1** Ona o khi igbaekele oyi usohmi onete oyi iJesu iKirisiti Omi Eshinegba. <sup>2</sup>A keke ọli shi Ebe-no-pfuase ni ọmekẹguele ọyọli ni a lu Azaya ọ keke.

Ni Eshinegba ọ la liẹ,  
“Mhi ya ghie aghiusohmi oyemhe ralo ne.

Oni ọ ya be ode shi eke khe.”<sup>§§</sup>

<sup>3</sup>“Ogbọ ọ la ọdagbe ẹ pfi okokokhue. Ọọ liẹ,

‘A riẹle ode shi eke khe Onomhue, ni ọọ bhale.

Riẹle oni ode sheshe ni ọ rote.”<sup>¶\*</sup>

<sup>4</sup>Igho iJoni ọ li bhale, ọọ batazi ẹgbọ obini ọdagbe ifufu, ọọ tse abọ, ọọ liẹ,  
“A mu pfi lase olamhe eye ẹ le bhale deba Eshinegba ini a ri olamhe topfa ẹ.” <sup>5</sup>Igho ẹgbọ e rote eke iJudia ali ẹoli iJerusalemu le deba iJoni. Ee zono olamhe eyewe ye ọli. Ọ la okẹ iJodani batazi ẹgbọ. <sup>6</sup>Ode ni a ri iriria eyi alakumi do, iJoni ọ ro fia itsua so. Ọ ri ẹkuẹ riẹle ọgbenẹ mu oku. Initso ali oribo e khi eminale eyọli.<sup>†7</sup> Abọ ni ọọ tse gueye agbo khi: “Omoşe ni ọ ke ya bhale ẹlelese ode ukhokho oyemhe, ọ fu doşe mhe, ọ mhọli ekpabọ doşe mhe. Mhi aa fu ramhi oni ọọ taghiẹ uli ni o la ekue ni

ọ so-a. <sup>8</sup>Amẹ mhi ro batazi ẹ memena, ama Ayemhe-no-pfuase ọ ke ro ya batazi ẹ.”

## **Ibatazi ali imufe oyi iJesu**

(*iMat 3.13—4.11; iLuk 3.21-22; 4.1-13*)

<sup>9</sup>Ọa te agho tẹşe ne, ni iJesu ọ ro rote iNazareti ni o la eke iGalili bhale ni iJoni ọ la okẹ iJodani batazi ọli. <sup>10</sup>Abi iJesu ọ ro leşe rote elemhi okẹ ji egbe ngale te, ọ me khi idane ọ khueghie. Ayemhe oyi Eshinegba ọ li abi anekhukhu rote idane tiemhile ya ma li egbe. <sup>11</sup>A suo khi uruli o rote idane ngme tiemhile, ọọ,  
“Omimhe ni mhi nono ingme oyọli u khi. U ma ri egbe ẹ mu mhe gba.”<sup>‡</sup>

<sup>12</sup>Utoghukpe, Ayemhe oyi Eshinegba o rue iJesu je ọdagbe. <sup>13</sup>Ogbẹle egbhueva ọ la oobọ. Okphaghie, ni ọ khi oghie ayemhe ebe, ọ mu ọli fe. IJesu ọ nu elamhako la oobọ, ama igeni eyi Eshinegba e ri ukpeloe e khu ọli.

## **Eniyẹ odukhokho eni odode ni iJesu ọ ze**

(*iMat 4.12-22; iLuk 4.14-15; 5.1-11*)

<sup>14</sup>Abi a ro mu iJoni shi owa ighumha se, iJesu ọ je iGalili ya tse abọ usohmi onete oyi Eshinegba. <sup>15</sup>Ọọ liẹ, “Oni ẹghẹghe o she bhale, Eghiele oyi Eshinegba o she ti mama awa. A mu pfi lase olamhe eye ẹ le, ni a mie oni usohmi onete suo.”<sup>¶</sup>

<sup>16</sup>Abi iJesu ọ rote epfepfe okẹ oniēmhi oni o khi shi, na lui iGalili kia le, ọ me iSamọ ali inyoghuo ọli Aduru. Egbifele e khi. E pfi aga lo elemhi oni okẹ, ee gbe ifele. <sup>17</sup>IJesu ọọ we, “A deba mhe, mhi ya sese e abi a ke liẹ ke ti ẹgbọ gbili.”

§§1:2 Li ze iMala 3.1

\*1:3 Li ze Aza 40.3

†1:6 Li ze 2 Ighie 1.8

‡1:11 Li ze Igbae 22.2; Iwolo 2.7; Aza 42.1; iMat 3.17; 12.18; iMak 9.7; iLuk 3.22

¶1:15 Li ze iMat 3.2



<sup>18</sup> Aghoaghò e ku iga eyewè shi ekè, è deba li.

<sup>19</sup> Ò ke te aghò je odalo dèné, ò gbo mè inyoghuo etuava, iJemhisi ali iJóni imi iZebedi e la elemhi òkò-òkè oniémhi, e zu iga eyewè. <sup>20</sup> Abi iJesu ò rò lèşè mè wè, o lu wè e deba luè, aghoaghò e pfi itawè ali ègbò ni e nu wè ye shi elemhi òkò-òkè oniémhi, e deba li vu.

### **IJesu ò khu òmòşè ayèmhè ebe egbe-a**

*(iLuk 4.31-37)*

<sup>21</sup> IJesu ali eniyè odukhokho eyòli e bhale èoli iKapanòmù. Ogbèlè iyèmhèa ni o ke deba li, iJesu ò dòşè lo elemhi owa ugamhi, ò la aghò sèşè. <sup>22</sup> O ri abò sha ègbò ni e ri esò kpe abi ò li sèşè, itobò khi eri ò sèşè ègbò abi ògbò ni ò lèşè emini òò sèşè, osèşè oyòli o kiòda shi oyi eni e sèşè Ishi eyi iMosisi.<sup>§</sup>

<sup>23</sup> Utoghuo kpe òmòşè ni ayèmhè ebe o la egbe, ò lo elemhi oni owa ugamhi le. Ò tseşè gbaa! Òò, <sup>24</sup> “Èlò wa nono anye egbe, iJesu na iNazareti? Eri u bhale ya pfuse anye-a? Mhi ga lèşè òni u khi. Òni Ò pfuasè oyi Èshinegba u khi.”

<sup>25</sup> IJesu ò dese oni ayèmhè obe, òò li, “Guese unu pia, te òli egbe lase le.”

<sup>26</sup> Oni ayèmhè obe o nighise òni òmòşè, o mu òli pfi gbe. Ò pfiè okokokhuè, o ròte òni òmòşè egbe ya lase.

<sup>27</sup> O ga ri abò sha ègbò nya. E mhila egbe wè, “Onoghuo na? Osèşè onogbò ni o mhòli ekpabò! Eri ò ga nu ayèmhè ebe è ngme, e ga suò esò na li.” <sup>28</sup> Aghoaghò ingme oyi iJesu o gbe ekè-a asha kpa ekè iGalili.

### **IJesu ò ri ebubu ègbò ze**

*(iMat 8.14-17; iLuk 4.38-41)*

<sup>29</sup> IJesu ali eniyè odukhokho eyòli, ghe iJemhisi ali iJóni, e ga ròte owa ugamhi fiè lasele, e ya je apfè oyi iSamò ali

Aduru<sup>30</sup> Ogo iSamò òni òkpotso, ò yèşhi ghua ughuamhi iba. IJesu ò lèşè ramhi aghò, a gue ingme oyòli yè iJesu. <sup>31</sup> Ighò ò lo deba li, ò mu òli obò, ò mu òli ukpho vule. Ighò eni iba e lase òli egbe le. Ò fèli wè epfese.

<sup>32</sup> Elogbòmhi èlèghò khi ovo òò tiemhi eko, ègbò e tsua eni èa ze, ali eni iyèmhè òkphaghie e yèşè ngme bhale ghi iJesu. <sup>33</sup> Egbò nya ni e la oni èoli e le gba odalo oni owa. <sup>34</sup> IJesu ò ri eni è ghua, ighuamhi khi ighuamhi, ze. Ò khu ayèmhè ebe ebubu ègbò egbe a, ama òa zè ni eni ayèmhè ebe egbò e ngme emhikhoghuo unu lasele, itobò khi e lèşè òni ò khi.

### **IJesu ò la iGalili tse abò usomhi onete**

*(iLuk 4.42-44)*

<sup>35</sup> Ogbiè-fiefie ogbeakòlò khi obili òa pfo ogbe ne, iJesu ò fiè lase je ashini o da-ya, ò ya sò iromhi. <sup>36</sup> ISamò ali apfòli ni e kpòle, e vu ya nono òli. <sup>37</sup> Abi e rò mè òli, èè òli, “Ègbò kpa èè nono è.”

<sup>38</sup> IJesu òò wè, “Awa mema ya je èoli oboese, ikhi apfè eni e timama akana, ni mhi li la oobò tşè abò, irari khi ona o zè ni mhi rò bhale.” <sup>39</sup> Ighò ò kia gasè ekè iGalili nya tse abò. Ò la owa ugamhi eyewè tse abò. Ò khu ègbò ayèmhè ebe egbe ku-a.\*\*

### **IJesu ò ri òni efafe e mu ze**

*(iMat 8.1-4; iLuk 5.12-16)*

<sup>40</sup> Òmòşè ni efafe e mu ò bhale deba iJesu. Ò wugha li odalo, òò lema li, òò, “Ini o ghòle è, u dobè ya rëmhè ze, u rëmhè khi òni ò pfuasè.”

<sup>41</sup> Ighò elemhi òli, ee ala iJesu, ò nise obò-a ti òni òmòşè, òò li, “O ghòle mhè, khi òni ò pfuasè.” <sup>42</sup> Aghoaghò eni efafe e lase òli egbe le, ò ze, ò khi òni ò pfuasè.

<sup>§</sup>1:22 Li zè iMat 7.28-29

\*\*1:39 Li zè iMat 4.23; 9.35

<sup>43</sup>IJesu ó gueye ọli, ọ ke vu. Ọ lolo tse agua ye ọli, <sup>44</sup>ọọ li, “Khi gue ingme ona ye ọgbokhoghuo, ama le ya ri egbe ẹ khase ekpodalo-ugamhi eyi Eshinegba, ni e te ọkpe ne, ni u luase obo ni iMosisi ọọ a ke luase, ini a ri ọgbọ lina ze. Ishegho, ni o khi ọtselẹ na we khi u she ze.”††

<sup>45</sup>Eri oni omose ọ ri ochogho ngme ọli kiakiala gboo, ọ miatse oni ingme onete ku asha kpa. Itobo ona, iJesu ọa ke dobe lo ẹli okhoghuo le gboo. Eri ọ ke la ọdagbe obini o da-ya. Abi o riẹ khi igho, eri ẹgbọ nya e kie rọte asha kpa ẹ bhale deba li.

### IJesu ọ ri omose ni ọ guogho-a ze

(iMat 9.1-8; iLuk 5.17-26)

**2**Ikuku ogbele e dose, iJesu ọ gbo lo elemhi iKapanomu, eni ẹgbọ e suọ khi ọ she bhale apfe. <sup>2</sup>Ebubu ẹgbọ e le gba ramhi ni ọgbọ a ke me ashikhoghuo ni o kpole, ya ramhi olase unu-ode. IJesu ọ tse abo oni usomhi ye we. <sup>3</sup>Igho emose aane e tsua omose ni ọ guogho-a adigege shi iya bhale ghi iJesu. <sup>4</sup>Abi eni emose ẹa ro me asha tsua li lole ashini iJesu ọ la, itobo ẹgbọ ni e ghọ bu dose, e nga ukhomhi oni owa rọte ashini iJesu ọ la gbese ekpha-a. Abi e ro gbese ọlia se, e ri ili ri oni omose tiemhile, abi ọ kie li yeshi iya. <sup>5</sup>Abi iJesu ọ ro me irudunga oyewe, ọọ oni omose ni ọ guogho-a, “Omimhe, a she ri olamhe topfa e.”

<sup>6</sup>Ama eni ẹ sese Ishi eyi iMosisi ni e shitọ akagho, e sa ọ udu oyewe, e lie, <sup>7</sup>“Elo o ze ni oni ọgbọ ọna ọ ro ngme ungmehi onana unu. Eri ọ pfi unu-a! A li me oni ọ dobe ya gbe olamhe kua na ọgbọ? Ọa khi Eshinegba lueghuo?”

<sup>8</sup>Aghoagho iJesu ọ she lese elemhi ayemhe oyoli emini e sa shi elemhi udu oyewe, ọọ we, “Elo o ze ni a ro sa usamhi onana. <sup>9</sup>Onoghuo o kele ne, ni a ro lie

oni omose ni ọ guogho-a, ‘A ri olamhe topfa e,’ abi khi ‘Vule, rue iya oye ni u ke kia?’ <sup>10</sup>Mhi ya ro li khase ẹ khi Omi Ọgbọ ọ mhọli ekpabo elemhi agbo ona ni ọ ro gbe olamhe kua na ọgbọ.” Igho ọ gueye oni omose ni ọ guogho-a egho, <sup>11</sup>“Mhie ye u vule, u rue iya oye, u ke je apfe.”

<sup>12</sup>Oni omose ọ vule, ọ rue iya oyoli, ọ la akpewe nya kia vu. O ri abo sha ẹgbọ kpa. Ee kueghie Eshinegba, e lie, “Anye ẹa kpe me onana ghue oo!”

### IJesu ọ lu iLevi

(iMat 9.9-13; iLuk 5.27-32)

<sup>13</sup>IJesu ọ gbo je epfe okẹ oniemi ni o khishi. Ebubu ẹgbọ e bhale deba li, ọ sese we. <sup>14</sup>Abi ọ kia le, ọ me omionoga iLiva omi Afeusi khi ọ shitọ okholo eyi eni ẹ mie oga. IJesu ọọ li, “Deba mhe.” Igho ọ vule deba li.

<sup>15</sup>Abi iJesu ọ la ayi iLevi le eminale ẹlogbomhi, emionoga ni e bu ali ẹgbọ ena olamhe e li nu ọli ali eniye odukhokho eyoli le emhi, irari khi ẹgbọ ni e bu e deba li. <sup>16</sup>Abi ẹgbọ eni ẹe sese ishi na lui iFarisi e ro me khi iJesu ọ nu egbushia ali emionoga ẹ le eminale, e mhila eniye odukhokho eyoli, “Elo o ze ni ọ ro nu emionoga ali egbushia ẹ le eminale?”

<sup>17</sup>IJesu ọ suọ onana, ọọ we, “Egbọ ni e ze ẹa mhuẹ emini e ri ọbo ẹ li. Oni ọọ to, ọ ye apfe ọbo. Ọa khi eni e pfuase ne mhi bhale ya lu, ama egbushia.”

### Omhila ingme azumhi

(iMat 9.14-17; iLuk 5.33-39)

<sup>18</sup>Egheghe oghuo eniye odukhokho eyi iJoni Oni ọọ batazi ẹgbọ ali ẹgbọ iFarisi ee pfi azumhi. Egbọ eghuo e bhale ya mhila iJesu, ẹ ọli, “Elo o ze ni eniye odukhokho eyi iJoni ali enayi ẹgbọ iFarisi e ro pfi azumhi ni eye ẹa ro pfi?”

††1:44 Li ze iLev 14.1-32

<sup>19</sup> IJesu o so we o, oo we, “Se epefe eyi omose ni o rue omueshi onogbo e lie ke pfi azumhi ini oni omose o kie nu we shito? E a me asha pfi azumhi ini o kie nu we shito.” <sup>20</sup> Ama eghēghe o ya bhale ni a ro rue oni odo oni omueshi vu. Eghēghe agho, e ro tigbe ya ke pfi azumhi.

<sup>21</sup> “Ogbo a ya khi ode onogbo gbela ma ode onodio. Ini u ligho, eri oni ode onogbo o ya nyanoni ode onodio-a. O ke nyanoni dose abi o kpe li. <sup>22</sup> Ali khi ogbo o ya ku onyo onogbo shi akpaba onodio. [Iki akpaba ni egbo iJu e ku onyo shi.] Ini u ligho, eri oni onyo o ya vese oni akpaba-a. Oni onyo ali oni akpaba e ga li opfu-a. Akpaba onogbo a ku onyo onogbo e lo.”

### **Onomhue oyi ogbele iyemhea**

(iMat 12.1-8; iLuk 6.1-5)

<sup>23</sup> Ogbeleghuo ele iyemhea oyi egbo iJu, iJesu o rote ifui ishemhi iakpa kia dose. Eniye odukhokho eyoli e li nu oli kia. Igho e li be eni iakpa. <sup>24</sup> Igho iFarisi e mhila iJesu, “Elo o ze khi eniye odukhokho eye ee riele emini a ghue ele iyemhea?”

<sup>25</sup> IJesu o so we o, oo, “Aa kpe me oli ze Ebe-no-pfuase emini Oghie iDefidi o riele abi okiamhi o ro gbe oli ali eni e nu oli kia? <sup>26</sup> Eghēghe ni Abiata o ro khi Okpeda na ekpodalo-ugamhi eyi Eshinegba, ni Oghie iDefidi o ro lo Owa oyi Eshinegba ya rue ibuledi ni a ro ga Eshinegba le, o kholo na eni e nu oli kia le. Ibuledi ona ighie eyi ekpodalo-ugamhi tse, ushi o lama e ke le we.” <sup>27</sup> Igho oo we, “Eri a ma ogbele iyemhea na ogbo, aa ma ogbo na ogbele iyemhea. <sup>28</sup> Itobo igho, Omi Ogbo o khi Onomhue, li shi oyi ogbele iyemhea.”

### **Omose ni o ghu obo oghuo-a**

(iMat 12.9-14; iLuk 6.6-11)

**3** Elelese khi iJesu o gbo je owa ugamhi, omose ni obo oyoli oghuo o ghua, o la akaghō. <sup>2</sup> Egbo eghuo e nono ashini e te ya me asha gue ingme shi iJesu egbe. E ri ukpelo shi oli egbe ini o ya ri ogbo ze ele iyemhea. <sup>3</sup> IJesu oo oni omose ni o ghu obo-a, “Vule migha odalo oyi egbo kpa.”

<sup>4</sup> IJesu o mhila we, “Onoghuo o gbe akanya elemhi ushi oyawa ne ele iyemhea? Ni a ro riele onete abi ni a ro riele onobe? Ni a ro tsumhi agbo oyi ogbo abi ni a ro pfuse oia?” Ama e tsaghi e a.

<sup>5</sup> Igho iJesu o ri elemhi ibibi bino we gase, udu oyoli o yese-a shi udu obe ni e mhue. Oo, “Nomose nise obo-a.” O nise oli-a. Igho obo oyoli o gbo li abi o kpe te eke li <sup>6</sup> Igho egbo iFarisi e fie deba eniye odukhokho eyi Erodu, e ya gba ugbamhi abi e li ya gbe iJesu-a.

### **Ebubu egbo e deba iJesu**

<sup>7</sup> Igho iJesu ali eniye odukhokho eyoli e lase we iteva le ya je oko na iGalili. Ebubu egbo e rote iGalili deba iJesu. <sup>8</sup> Abi e ro suo emini o riele, ebubu egbo e bhale deba li, rote eke iJudia ali iJerusalemu, ali Idumia ali eke ni o kpe obo na iJodani ali epfefe iTire ali iSidoni. <sup>9</sup> Itobo khi eni egbo e bu dose, iJesu o gweye eniye odukhokho eyoli e nono oko-okoko oni ikeke ni loli lo o ini egbo e khi sha mu lue. <sup>10</sup> Itobo khi o she kpe ri ebubu egbo ze, egbo eni ea ze, e mise egbe ini e me asha ramhi oli egbe ri obo ti oli. <sup>11</sup> Eghēghe kpa ni egbo ni ayemhe ebe e yese e ngme e ro da me

‡2:23 Li ze iDeut 23.25

¶2:26 Li ze iLev 24.9

§2:26 Li ze 1 iSam 21.1-6

\*3:10 Li ze iMak 4.1; iLuk 5.1-3

iJesu ne, e de ya yeshi eke odalo oyoli. Ee tseşe, ee lie, “Omi Eshinegba u khi.”

<sup>12</sup> Ama, o tse agua ye eni ayemhe ebe egbo e khi gue oni loli khi le.

### **IJesu o ze ighiusomhi na ke ogbava**

(iMat 10.1-4; iLuk 6.12-16)

<sup>13</sup> IJesu o nga ukhomhi ute, o lu emose ni e ghole oli. E bhale deba li. <sup>14</sup> O ya ze egbo ogbava ke, o lu we ighiusomhi na kee. O ze we ni e nu lue ke kia, ali ni lue me we ke ghie usomhi fie ke tse abo usomhi onete, <sup>15</sup> ali ni e gbo mhue ekpabo ni e ro ke khu egbo ayemhe ebe egbe kua. <sup>16</sup> Ena e khi otuogbava ni o ze. ISamo, oni iJesu o lu iPita. <sup>17</sup> IJemhisi ali inyoghwo-oli iJoni imi iZebedi (eni iJesu o ri akiseva iBonajisi na. Ni o migha shi Imi Akphala), <sup>18</sup> Ali Aduru, iFilipu, iBatomliu, iTomosi, iJemhisi omi Afeusi, ali iTadiusi, iSamo [oni ije-odalo oyi edeli iJu oo ghoo mu egbe.]

<sup>19</sup> Ali iJudasi Isikaroti oni o ri iJesu de.

### **IJesu ali iBezebo**

(iMat 12.22-32; iLuk 11.14-23; 12.10)

<sup>20</sup> IJesu o nyene egbe je apfe. Igho ebubu egbo e gbo tigbili ramhi khi iJesu ali eniye odukhokho eyoli ea me asha, we khi eminale e ya le. <sup>21</sup> Abi apfe o e ro suo ona, E nono khi wewe e ya mu oli je apfe. Irari khi eri e lie, “Ujili o she e kpha li.”

<sup>22</sup> Eni ee sese ishi ni e rote iJerusalemu tiemie, e lie, “Ayemhe iBezebo ni o khi Okphaghie o la li egbe yese oli e ngme! Loli o khi oghie oyi iyemhe ebe ni o ri ekpabo na li ni o ro ke khu egbo iyemhe ebe egbe kua.”†

<sup>23</sup> Igho iJesu o lu we, o ri okhe irokhokho nu we ngme, Oo we, “Se okphaghie o lie ke khu okphaghie? <sup>24</sup> Ini ushishi e kemhi egbe we shi ikui-iku ni e

ro nu egbe we e kholi, eri oni ushishi oo de. <sup>25</sup> Ini omhue-apfe o kemhi shi ikui-iku ni e ro nu egbewe e kholi, eri oni omhue-apfe o ya de. <sup>26</sup> Ini okphaghie o mu okholi vule shi egboli o, oa ya to, eri o ya de, ukpese oyoli o she ramhi.

<sup>27</sup> “Ogbo okhoghwo oa la o ni o dobe ya lo owa oyi omose-akama ya ti oli itsua eke-a ini oa kpe mu oni omose-akama ge shi eke. Egheghe agho, o tigbe dobe ti oli itsua eke-a.

<sup>28</sup> “Egbebi ingme mhi gueye e, khi, aa me olamhe ni ogbo o lamhe ali ungemhi ipfiunu-a ni ogbo ya ngme, ni aa dobe ro ya gbekua na li. <sup>29</sup> Ama onini o da ngme ungemhi ipfiunu-a deba Ayemhe-no-pfuase ne, aa ya ro topfa li, irari khi olamhe ona agbogbo o pfi obo lo.”‡

<sup>30</sup> Itobo khi e oli khi, “O mhili ayemhe ebe,” o ro ngme ona.

### **Inyo iJesu ali inyoghwo oli eni emose**

(iMat 12.46-50; iLuk 8.19-21)

<sup>31</sup> Igho inyo iJesu ali inyoghwo oli ee bhale. E migha oolase. E ghie ogbo o ka lu iJesu ghi ewe. <sup>32</sup> Ebubu egbo e shito gasa oli. E bhale ya gueye oli khi inyoli ali inyoghwo oli e la oolase, khi ee nono ni wewe e me oli.

<sup>33</sup> O mhila we, “Eghuo e khi inyemhe ali Inyoghwo-mhe?”

<sup>34</sup> Igho o bino eni e shito gasa oli, oo, “Enana e khi inyemhe ali Inyoghwo-mhe! <sup>35</sup> Onini o da riela emini e ghole Eshinegba, o khi Inyoghwo-mhe onomose ali onokpotso ali inyemhe.”

### **Okhe irokhokho oyi oni o ko ikpamhi emhi**

(iMat 13.1-9; iLuk 8.4-8)

**4** IJesu o ke gbo la epfe oke ni o khi shi na iGalili sese. Egbo ni e le gasa oli e

†3:22 Li ze iMat 9.34; 10.25

‡3:29 Li ze iLuk 12.10

bu doşę ramhi ni ọ rọ ya lo elemhi ọko-oke shito. Oni ọko-oke o la elemhi oni oke. <sup>1</sup> <sup>2</sup> Emhi ebubu ọ ri okhe irokhokho ọ sese we. Ọọ we. <sup>3</sup> “A ghe i! Oghiale ọ ya la ọ. Ọ fię yá kọ iakpa. <sup>4</sup> Abi ọ li kia miatşę eni iakpa, ikpamhi eghuo ọ e de kua ode, igho ipfeli e bhale ya sano we le. <sup>5</sup> Eghuo ọ, e de kushi eke ni o khi okpegbhe, ni eke ęa lolo la. Igho e nyanya ze, e fu, ama oni eke ọa limhi. <sup>6</sup> Ama abi ovo o rọ to, o toşę we a, e khakha, itobo khi ęa me eke ni o limhi pfi imhili lo. <sup>7</sup> Ikpamhi emhi elese e de kulo ifui igba. Igho igba e ze lasele tono eni iakpa abi e rọ fu vule. Itobo igho, ęa ke dobe ni e fu nyanọ ekhe lasele. <sup>8</sup> Ama ikpamhi eghuo, e de shi eke onete. Eni ikpamhemhi e ze, e fu, e nyanọ ekhe lasele. Eghuo ọ, e mhue ikpamhi uye ali igbe, eghuo ọ, e mhue ikpamhi egbhuesę, elese e mhue egbhueshe.”

<sup>9</sup> Igho iJesu, ọọ, “Oni ọ mhọli esọ, ọ suọ.”

**Emini o ze ni a rọ ze  
oni okhe irokhokho**

(iMat 13.10-17; iLuk 8.9-10)

<sup>10</sup> Abi iJesu lolighuo ọ rọ shito, eniye odukhokho ogbava eyoli ali egbọşę ni e li suọ abi ọ rọ ngme, e bhale deba li, ọ gueye we emini ọ ri oni okhe irokhokho ngme. <sup>11</sup> Ọọ we, “A she ri osheli oyi Eghiele oyi Eşhinegba na ę. Ama okhe irokhokho a rọ gue ungmehi nya ye egbọşę. <sup>12</sup> Ni a bhale ya ę khi, “E kha rię nya alo-a shi eke ęa tigbe ya me emhikhoghuo, ali e kha rię ku esọ a shi eke, ọa ya lo we esọ. Irari khi ini ọa khi igho, e dobe me eke, e suọ esọ,

e mu pfi deba Eşhinegba, ọ rọ topfa we.”<sup>8</sup>

**IJesu ọ guele emini  
oni okhe irokhokho o ngme**

(iMat 13.18-23; iLuk 8.11-15)

<sup>13</sup> IJesu ọ mhila we, ọọ we, “Aa leşę emini a ri okhe irokhokho ona ngme? Şę a li tigbe ya leşę emini a ri okhe irokhokho okhoghuo ngme şo? <sup>14</sup> Eni iakpa ni ọni oghiale ọ miatşę ę ku, e migha shi ungmehi oyi Eşhinegba. <sup>15</sup> Eri ikpamhi iakpa ni e de shi ode e li abi egbọ eghuo ni e kha da leşę suọ oni ungmehi ne, Okphaghie ọ bhale ya rue we lue udu le. <sup>16</sup> Ikpamhi emhi ni e de shi eke ni o li echeche, e li abi egbọ ni e kha da leşę suọ oni ungmehi ne, e ri udu oghelę mie oli. <sup>17</sup> Ama, ọa ya tiemhi we eke elemhi. Ęa dobe migha teşę, itobo khi ọa pfi imhili lo eke. Itobo igho, ini omunu o bhale ali ni a rọ mu okhọli vule shi we ọ rote oni ungmehi ni e suọ, e keleş de ode-a. <sup>18</sup> Ikpamhi emhi ni e de pfilo ifui igba eri e li abi egbọ ni e kha suọ oni ungmehi, <sup>19</sup> isamhi ingme agbọ ona, ali oghueme ępfue, ali oghueme khi oghueme e lu guese oni ungmehi-a, ęę tono oli igba, itobo igho ọa mọ imohi. <sup>20</sup> Ama ikpamhi emhi ni e de shi eke onete, e li abi egbọ ni e suọ ungmehi, e mie oli suọ, e mọ imohi enete. Eghuo e mhue ikpamhi uye ali igbe, eghuo e mhue egbhuesę. Eghuo, e mhue egbhueshe.”

**Ákpá ni a rọ nga ukhomhi asha**

(iLuk 8.16-18)

<sup>21</sup> IJesu ọ gbolo ę we “Ogbokhoghuo ọọ ya ri ákpá ru lasele, ọ ya rue atalabi guese oli mu eke, wekhi eri ọ ke ya rue oli ya sheli ufui ukpho?”<sup>\*\*</sup> <sup>22</sup> Emiemini a

<sup>1</sup>4:1 Li ze iLuk 5.1-3

§4:12 Li ze Aza 6.9,10

\*\*4:21 Li ze iMat 5.15; iLuk 11.33

rọ sheli, o ya lasese gbo alo gbugbugbu. Aa mę emhi osheli ni aa ya khueghie a.††  
 23 Onini ọ mhọli esọ, ọ ri esọ shi eke ni ọ suọ.”

24 Ọ gbolo ẹ wẹ, “Emiemini u da suọ kpa, sa ọ bie! Emiemini u da rọ shi ushi rọ gue ẹgboese ẹzo, Ẹshinegba ọ li ya rọli gue ẹ ẹzo. Oye ọ gbo ya ze ne. 25 Oni ọ kpẹ mhọli ne, a ya gbo rọ ma ọ na li, ama ọni ọa mhọli a ya mie ọli ukukuọ ni ọ gbo mhọli.”‡‡

### Okhe irọkhọkhọ oyi ikpamhi emhi ni ọọ zẹ

26 IJesu ọ gbolo ẹ, “Abi Eghiele oyi Ẹshinegba o li na. Eri o li abi ini ọmose ọ miatsẹ ikpamhi iakpa kia ku shi eke. 27 Obili o kha bi, ọ ya lese a, ogbe o kha gbe ọ guale, ama eni ikpamhi emhi ẹ zẹ lasese, ẹẹ fu vule. Ama ọa ya lese abi o li kia. 28 Eke lọlighuo ọ lese abi o li ri emhi ẹkomhi ẹẹ bie. Oni odode, o kha zẹ ukhuli, o ke fu vule, o nyanọ ifele, o ya ri umomhi lasese. 29 Eni iakpa e kha da bie ne, ọni ọ gua wẹ ọ rue agaga ya gbe wẹ, itobọ khi ẹgheghe ikhiesẹ ọ ramhi.”¶¶

### Okhe irọkhọkhọ oyi ukpamhi ọora imositadi

(iMat 13.31-32,34; iLuk 13.18-19)

30 IJesu ọ gbolo ẹ wẹ, “Elo awa mema ri Eghiele oyi Ẹshinegba ya khọkhọ? Okhe irọkhọkhọ onoghuo awa mema ya zẹ rọli lo ẹgbo esọ eghọ o? 31 Eri o li abi ukpamhi ọara imositadi ni ukpamhi ọli o she ne nya agbo ona, ni ọgbo ọ rọ kọ eke. 32 Ini a rọli kọ, o zẹ, o fu vule, o mele unyanọ ni o fune a shi ishemhi, ni o mhọli iguabọ eniemhi, ni ipfeli ẹ bhale ya ku eko shi.”

33 Okhe irọkhọkhọ enana iJesu ọ rọ nu wẹ ngme oni ungmemhi, ramhi ashini o

lo wẹ esọ ramhi. 34 Aa mę ungmemhi ni ọ nu wẹ ngme, ni ọa ri okhe irọkhọkhọ nu wẹ ngme. Ama ini o de te ọli ali eniyẹ odukhokho eyọli, ọ rọ ri emini ọ nu wẹ ngme nya a lo wẹ esọ.

### IJesu ọ pfomhise akpekpeli

(iMat 8.23-27; iLuk 8.22-25)

35 Eẹ ogbomhi ẹleghọ, iJesu ọọ eniyẹ odukhokho eyọli, “Awa da je ukiẹkiẹ oke obini o kpọle.” 36 Ighọ e zẹ ẹgbo ni e legba obọ shi aghọ, eni eniyẹ odukhokho e ya lo elemhi ọko-oke oni ikeke ni iJesu ọ she lo shito. E gua li vu. Ọko-oke elese e li deba wẹ vu.

37 Utoghuokpe, akpekpeli oniēmhi oo li, oo zughuse oni oke, ni amẹ e fiase kulo elemhi oni ọko-oke, ramhi ni o rọ vọ amẹ. Ukukuọ o kpọle ni ọa rọ kulẹ. 38 IJesu ọ la ukhokho oni ọko-oke oniēmhi, ọ lese-a ri ukhomhi nga akpe-sukhomhi. Ighọ eniyẹ odukhokho eyọli e guise ọli le. E ọli, “Osesẹ, wa bie ga liẹ ini awa ghọ ghua?”

39 Ighọ iJesu ọ ti vule, ọ dese oni akpekpeli, ọọ li, “Li tsuke.” Ighọ oni akpekpeli ó pfomhẹ te. Asha kpa o pfomhẹ tsuke.

40 Ighọ iJesu ọọ eniyẹ odukhokho eyọli, “Elo o zẹ ni a rọ lighọ ọ na ulishi. Eri aa kie mhọli irudunga?”

41 Ulishi oo mu wẹ, e mhila egbe wẹ, “Ọghuo ọna ọ khi? Ghe akpekpeli ali izughuse oke e ga suọ esọ a na li.”

### IJesu ọ ri ọmose ni ayemhẹ ebe o la egbe ze

(iMat 8.28-34; iLuk 8.26-39)

**5** IJesu ali eniyẹ odukhokho eyọli e da oke iGalili je ukiẹkiẹ eke iGerasenesi. 2 Abi iJesu ọ lese rote elemhi ọko-oke lasese, ọmose ni ọ mhọli

††4:22 Li zẹ iMat 10.26; iLuk 12.2

‡‡4:25 Li zẹ iMat 13.12; 25.29; iLuk 19.26

¶¶4:29 Li zẹ iJọẹ 3.13

ayemhẹ ebe, ọ rọte atalimhi ni o la agho bhale deba iJesu. <sup>3</sup> Ifui atalimhi oni omose ọọ la. Ogbokhoghuo ọa ke dobe ri iweghe ge ọli. <sup>4</sup> Egheghe kpa, a rọ ri iweghe ge ọli abo ali awe, ama eri ọọ kphuru we a, ọ taghie we a, ọ shashe we a. Ogbokhoghuo ọa dobe mu ọli. <sup>5</sup> Nobinogbe ọ rọ la ifui atalimhi ali ikhomhi ite dudu gase. Ọọ pfi okokokhue. Ọ ri eche fiano egbeoli.

<sup>6</sup> Abi ọ lese ta pfia me iJesu te, ọ na bhale ya wugha li odalo. <sup>7</sup> Ọ tsesẹ leghe, ọọ, “iJesu Omi Eshinegba ni ọ Yagha Ne Nyaa, elo wa nono mhe egbe? Mhi ri Eshinegba lema e khi na mhe osoli!” <sup>8</sup> Itobo emini ọ rọ ngme na khi, iJesu ọ she kpe gueye ọli, “Yeye ayemhẹ obe, lase oni omose ona egbe le.”

<sup>9</sup> Igho iJesu ọ mhila li, “Se a lui eva oye?” Ọọ, “Eva oyemhẹ o khi Olele egbo, itobo khi anye bu gba.” <sup>10</sup> Ọ gbo lema iJesu ọ kpekpe, ọ khi khu ewe oni eke ya lase.

<sup>11</sup> Igulu ni e bububu e la epfe ute ni o la agho le eminale. <sup>12</sup> Eni ayemhẹ e lema iJesu, “Khu anye ya lo igulu egbo, ze ni anye ya lo we egbe.” <sup>13</sup> IJesu ọ ri egheghe na we, e ka lo eni igulu egbe. Igho e rọte oni omose egbe lasele e ya lo eni igulu egbe. Eni igulu ni e ramhi agbele eva, e rọte egele na ya kulo oni oke, e ghuloo nya.

<sup>14</sup> Eni e ri ukpeloe e khu eni igulu e na je ifui apfe ali eoli nya ni e la oni eke ya guele emini a me. Igho egbo e bhale ya bino emini a me. <sup>15</sup> Abi eni egbo e rọ bhale deba iJesu, e me oni omose ni ayemhẹ ebe ni e bu e kpe la egbe, khi ọ shito agho, ọ ri itsua so, egbhali eyoli e she gba na li. Ulishi oo mu we. <sup>16</sup> Eni e me emini a me e gueye egbo emini oni omose ni ayemhẹ obe e la egbe ọ me egbe ali emini e li eni igulu. <sup>17</sup> Igho, e gueye iJesu ọ lase wewe eke le.

<sup>18</sup> Abi iJesu ọ lo elemhi oko-oke oniemhi khi ọọ ke vu, oni omose ni

ayemhẹ ebe e kpe la egbe, ọ lema iJesu ọ ze ni loli deba li vu. <sup>19</sup> Ama iJesu ọa lama na li. Ọ ri ochoghọ lie ọli, “Ke je apfe ni u ya gueye egbo ena unuekpe oye emini Onomhue ọ ri ele ne, ali abi ọ li le elemhi e.” <sup>20</sup> Igho oni omose ọ lui ifui eoli igbe ododa ena eke iDikapolisi. Ọ kia gueye egbo abi iJesu ọ li ri ele na lue. Ọ ri abo sha egbo nya.

### **Omueshi ni ọ ghu-a ali okpotso ni ọlia ee ku egbe**

(iMat 9.18-26; iLuk 8.40-56)

<sup>21</sup> Abi iJesu ọ rọ gbo nyene egbe da je ukiękię oke obini o kpolo, egbo e le gase ọli. <sup>22</sup> Omose oghuo ni a lu iJarosi, ni ọ khi otuoghuo eni e mhesẹ shi owa ugamhi, ọ bhale akaghọ. Abi ọọ me iJesu te, ọ de ya wugha li odalo. <sup>23</sup> Ọ mema lolo lema li, ọọ li, “Omimhẹ oni omueshi ọ ma ghua gba memena, kpekpe bhale ya ri obọ ti ọ li egbe ni ọ ze, ini ọ khi ghua.” <sup>24</sup> Igho iJesu ọ deba li vu.

Igho ebubu egbo e deba li e we mu ọli. <sup>25</sup> Okpotso oghuo ọ la agho ni ọ she ku ọlia ishito egbe ramhi ikpe igbeva. <sup>26</sup> Ọ she me osoli obọ oyi ebubu egbo abi ọ rọ kia dua oni ughuamhi. Ọ she ri epfue eyoli nya dua ọ, ama ọa pfo, oo ga kholo ọli egbe. <sup>27</sup> Abi ọ rọ suọ ingme oyi iJesu, igbo ọ te ifuabọ oyi egbo ri obọ ti ọli awulu ni ọ so. <sup>28</sup> Ọ rọ li shi udu khi, “Ini mhi da me asha ri obọ ti ọli awulu ne, mhi ya ze.”

<sup>29</sup> Abi ọ ri obọ ti ọli awulu te, eni ọlia ni e ku ọli egbe, e khakha utoghuo kpe. Aghoaghọ ọ lese khi emini o yese lue e ngme, khi o pfo.

<sup>30</sup> Aghoaghọ, iJesu ọ lese khi itoto o she rọte lue egbe ya lase. Igho ọ migha, ọ mu egbe pfi iteva egbo ni e sha mu ọ. Ọ mhila we, ọọ. “Oghuo ọ ri obọ ti mhe awulu?”

<sup>31</sup> Eniye odukhokho eyoli e ọli, u ga me abi egbo e lie we mu e, u kiele e mhila, “Oghuo ọ ri obọ ti mhe?”

<sup>32</sup> Ama, iJesu ọ kie bino gasẹ ini ọ me ọni ọ ri abo ti ọ. <sup>33</sup> Abi ọni ọkpotoso ọ ro me abi o ke li ọli egbe, ọ bhale odalo oyi iJesu ya wugha, ulishi o mema mu ọli, ọ gue igesikia le abi o ga li kia nya. <sup>34</sup> IJesu ọọ ọni ọkpotoso, “Omi mhe, irudunga oye o she mie ẹ pfuese. Ri opfomhe ke je, anasemhe oye o she pfo.”

<sup>35</sup> Abi iJesu ọ kie li ngme, emose eghuo, e rote owa oyi iJarosi bhale. Eẹ iJarosi, “Omie ọ she ghua, khi ke yese Qsesẹ ngme.”

<sup>36</sup> IJesu ọa fe ri esọ shi emini e ngme, ọọ ọni ọmose “Khi ze ni ulishi o mu e, ama lese mhọli irudunga.”

<sup>37</sup> Ọa ze ni ogbokhoghuo ọ deba li se ni iPita, ali iJemhisi ali iJon inyoghuo iJemhisi. <sup>38</sup> Abi e ro bhale owa oyi iJarosi, iJesu ọ me abi egbo e li i kpe okeke, ni e li i vie gbii. <sup>39</sup> Igho, ọ lo elemhi oni owa, ọọ, “Elo o pfi onyaghu onana? Elo o re ẹ vie? Oni omọ ọa ghu, eri ọ lese a.”

<sup>40</sup> Ama eni egbo e gia li. Abi ọ ro khu we fie se, ọ rue ita ali inyo ọni omueshi ali eniye odukhokho otuase egbo mhuẹ obo je ashini ọni omọ ọ yeshi.

<sup>41</sup> IJesu ọ mu ọli obo, ọọ ọni omueshi, “Talita kumi.” Emini a ri ona ngme khi, “Onomueshi, mhiẹ ye u vule.”

<sup>42</sup> Utoghuo kpe, ọni omueshi ọ vule, ọ kia gasẹ. [Omọ ikpe igbeva ọ khi.] Abi a ro me ona, o ri abo sha we. <sup>43</sup> Ama iJesu ọ lolo tse agua ye we e khi gueye ogbokhoghuo. Ọọ we, “A ri emhi na li le.”

### A ri ukpeloe gbe iJesu obini iNazareti

(iMat 13.53-58; iLuk 4.16-30)

**6** IJesu ọ rote agho vu je eoli oyoli, eniye odukhokho eyoli e deba li. <sup>2</sup> Ogbelẹ iyemhea oyi egbo iJu o ramhi,

ọọ sese elemhi owa ugamhi. O ri abo sha ebubu egbo eni e ri esọ shi ọli ọ.

E mhila egbe, “Obo ọni omose ona ọ rote me eni emhi enana? Ilesingme nabi onoghuo na ni a ro na li, ni ọ gbo ro gbe ikanya onyaloa? <sup>3</sup> Ona ọa she khi ikapita, omi iMeli, ni ọ gbo khi inyoghuo iJemhisi ali iJosisi ali iJudasi ali iSamọ? Ena ẹa khi inyoghuo ọli eni imueshi, ni e ga li nu awa la akana enana?” O ri elemhi bi we.

<sup>4</sup> Ama iJesu ọọ, “Ashakpa a la mu ekpe na omekeguele, se ni apfe oyoli ali unekpe oyoli aa la mu ekpe na li.”<sup>§§</sup>

<sup>5</sup> Ọa dobe la akaghọ gbe akanya onyaloa okhoghuo, se ni ikuku egbo ni ẹa ze ni ọ ro ze abi ọ ro ri obo ti we. <sup>6</sup> Umha-mhọli irudunga oyewe o ri abo sha iJesu.

Igho iJesu ọ kia rote eoli je eoli sese eni egbo.

### IJesu ọ ghie eniye odukhokho otuogbava fie

(iMat 10.5-15; iLuk 9.1-6)

<sup>7</sup> Ọ lu eniye odukhokho etuogbava eyoli tigbili, ọ ghie we ava-ava fie, ọ ri ekpabo na we ni e ro mhuẹ itoto ro khu ayemhe ebe.

<sup>8</sup> Ọ gueye we, “Ini a le, a lese rue orokpo mhuẹ obo, a khi tsua eminale, wekhi akpaba ni a pfi ẹ so, wekhi ukpago. <sup>9</sup> A so ekuẹ, ama a khi tsua awulu olese ma oni a ro so. <sup>10</sup> Ọ gbolo ẹ we, a kha da lo apfe okhoghuo le ni e ro da mie ẹ, a la akaghọ ramhi ni a ro ya rote oni eoli vu. <sup>11</sup> Ini o khia khi a bhale eoli okhoghuo khi eni egbo ẹa mie ẹ, ni ẹa ro gbo ri esọ shi emini a ngme, a rote agho vu. A kpe abo ọ-a na we, a rote agho vu. Eri ona o ya khi otselẹ shi we egbe.”<sup>\*†</sup>

§§6:4 Li ze iJon 4.44

\*6:11 Li ze Ika 13.51

†6:11 Li ze iLuk 10.4-11



<sup>12</sup> Igho e fię ya tşę abo gase, e lię egbo e rote olamhe oyewę mu pfi. <sup>13</sup> E khu ebubu egbo ayemhe ebe egbe-a, e ri oili to eni eę ghua ebubu egbe, e rewe ze.<sup>‡</sup>

### Eghuli oyi iJoni Oni oọ batazi

(iMat 14.1-12; iLuk 9.7-9)

<sup>14</sup> Eghęęę ana, oghie Erođu o li suo eko eni ingme ena nya, itobọ khi eva oyi iJesu o she gasę asha kpa. Egbo eghuo e lię khi iJoni Oni oọ batazi lo ni o nyene egbe bhale agbo, lo li o ze ni o ro ligho mhọli ekpabo ro gbe ikanya onyaloa.

<sup>15</sup> Egbo eghuo e lię khi, “Elaja Omekeguele o khi.” Elese e khi, “Omekeguele nabi emekeguele ena e lele o khi.”<sup>¶</sup>

<sup>16</sup> Ama abi Erođu o ro suo ona, o ke, “iJoni, ni mhi khi ukhomhi o, a rote eghuli guise le!”

<sup>17</sup> Itobọ khi Erođu oọ ke mhesę a mu iJoni ge pfilo owa ighumha. Ini egbe e ba mu Erodiasi. Eri Erođu o mie iFilipu inyoghuo oli Erodiasi. <sup>18</sup> Eghęęę kpa iJoni o ro gueye Erođu khi, o a ti ni o rue ughę inyoghuo oli shi.<sup>§</sup>

<sup>19</sup> Itobọ ona, oni Erodiasi oọ biselemhi iJoni, o nono ode ni o te ya gbe oli-a, ama o a dobe. <sup>20</sup> A gbo bhale ya e khi Erođu o na ulishi iJoni itobọ khi o lese khi iJoni khi ogbo onete ali ogbo o ni o pfluase o khi. O ri irarigho ri ukpeloe e khu oli. O ma nono ni lo li ri esọ ke shi ungmehi oyi iJoni, ini o ri rię khia khi ingmemhi eyoli e ma yese oli udu-a eghęęę kpa ni o ro suo li.

<sup>21</sup> Ikpukhokho o, Erodiasi o me ashini ni o te ya mu ota so iJoni. Igho e leghuo ni o ikhi ogbele ni Erođu o ro mhọli ukue ni o ro ye lele ogbele ni a ro bia li le. O ya luno idenomọ eyoli ali egbo eni mu elo e ali egbo igomęti ali eni eę gbe ikanya

igomęti ni e la eke iJudia shi oni ukue. <sup>22</sup> Abi omọ omueshi omi Erodiasi o ro fię lasele gbe ishimhi, o mema ti Erođu ali egbo eni e bhale ya bino oli elo.

Igho oni oghie oọ oni omueshi, “Mhila mhe emiemini o ga ghole e, mhi ya ro li ne.” <sup>23</sup> O romhi isheli khasę oni omueshi, “Emiemini u mhila, mhi ya ro li ne, o kha rię khi agbekhi-eva eghiele oyemhe.”

<sup>24</sup> Igho oni omueshi o fię ya mhila inyọ li, “Elo mhi ya mhila?”

Inyoli oọ li, “Ukhomhi oyi iJoni Oni oọ batazi egbo wa mhila.”

<sup>25</sup> Aghoaghọ oni omueshi o nyanya na ya lo deba oghie, o mhila li, “Ukhomhi oyi iJoni Oni oọ batazi egbo mhia nono ni u khi shi ukpeko na mhe memena.”

<sup>26</sup> Udu o tode yese oghie a. Ama itobọ ekha ni o tse ukpeloe oyi epfese ni o lu shi oni ukue, o a ke dobe ti da oni ekha.

<sup>27</sup> Aghoaghọ o ghie eni eę gbolo egbo-a e ka pfa iJoni ukhomhi o bhale. Eni emose e je owa ighumha ya khi iJoni ukhomhi o. <sup>28</sup> E rue oli shi ukpeko bhe. Igho oghie o kpha li na oni omueshi. Oni omueshi o kpha li na inyọ li. <sup>29</sup> Abi eniye odukhokho eyi iJoni e ro suo ona, e bhale ya tsua etuli oyoli ya ro to.

### IJesu o ri eminale na egbo agbele ishe le

(iMat 14.13-21; iLuk 9.10-17; iJon 6.1-14)

<sup>30</sup> Eni ighiusomhi na keę e jele, e le gasę oli, e gueye oli emini e rięle ali emini e seşę nya. <sup>31</sup> Igho, itobọ ebubu egbo, ni ee bhale ni ee vu, iJesu ali eniye odukhokho eyoli e a me asha le eminale. IJesu oọ we, “A bhale ni awa je ashini awa-eghuo tşę awa ya la, ni a yemhe-a ukuku o.”

<sup>‡</sup>6:13 Li ze iJem 5.14

<sup>¶</sup>6:15 Li ze iMat 16.14; iMak 8.28; iLuk 9.19

<sup>§</sup>6:18 Li ze iLuk 3.19-20

<sup>32</sup> Igho weweghuo tse ee lo oko-okę onięmhi ya je ashini o da-ya. <sup>33</sup> Ama ebubu egbo ni e me we abi e ro vu, e lese khi wewe lo. Igho eni egbo e rote eoli nya ri awe na ya ralo ashini iJesu ali eniye odukhokho eyoli e je. <sup>34</sup> Abi iJesu o ro ramhi agho, o me abi eni egbo e bu, elemhi we e lala li. Itobo khi eri e li abi isumha ni ea mholi oni o re we e kia. Igho o li sese we emhi ebubu.\*\*

<sup>35</sup> Eghęghę ana, ogbe o she vu. Igho eniye odukhokho eyi iJesu e bhale deba li, e ke oli, "Aborokhia khi oola o nuata shi apfe ena, ni eghęghę o ro she vu dose ena, <sup>36</sup> waa ke gueye eni egbo ena e kia je ifui apfe ya nono emhi de le."

<sup>37</sup> Ama, iJesu o ro we, "A ri emhi na we le."

E mhila li, "Ifata eyi ogbele elele eyi ogbo e ya lo ni a ro de ibuledi ghi we le?"

<sup>38</sup> Igho iJesu o mhila we, "Iruli ibuledi ingme a mholi shi agho? A ka bino ghue."

Abi e ro bino se, e oli, "Iruli we ishe ali ifele aava."

<sup>39</sup> Igho iJesu o ro we e riele eni egbo shito ikui-iku, ukhomhi ebuli. <sup>40</sup> E shito ikui-iku, egbo egbhueshi-she ali egbhue-eveva ali ogbogbe. <sup>41</sup> Igho iJesu o ro rue eni ibuledi ishe ali ifele aava egho, o bino idane, o tse Eshinegba uwegbe. O gbe eni ibuledi khia, o ro na eniye odukhokho eyoli e ke kemhi na egbo. O gbo kemhi eni ifele aava na we nya. <sup>42</sup> Ogbokpa o le, o khue. <sup>43</sup> Iku we ni eniye odukhokho eyoli e sano eke, e vo ighughu igbeva. <sup>44</sup> Emose agbele ishe, e le eni eminale.

### IJesu o kia ukhomhi oke

(iMat 14.22-23; iJon 6.15-21)

<sup>45</sup> Aghoagho o ri omo odukhokho eyoli lo oko-okę onięmhi, e ka ralo iBetisaida

ya migha khe luę ukiekie obinokpole. Igho o gueye oni ukpokpomhi ebubu egbo e ke je apfe. <sup>46</sup> Abi o ro tse we okhila se nya, o nga ukhomhi ute ya so iromhi.

<sup>47</sup> Ogbomhi o mu eke, oni oko-okę onięmhi o kia ramhi iteva oni oke, o ke kpe iJesu lolighuo tse le shi eke. <sup>48</sup> O me khi akpepeli o nase eniye odukhokho eyoli. O ramhi itsotso ogbie, iteteva el-emhi agogo ese ali agogo esesa, o ro kia ukhomhi oni oke le deba we. O she kia ya dose we. <sup>49</sup> Ama abi e me iJesu khi o ro kia ukhomhi ame, e dabi khi ayemhe olimhi lo, e tsele leghe. <sup>50</sup> Itobo khi eri wewe nya e yila abi e ro me oli.

Aghoagho o nu we ngme, o ro we, "A mholi udu! Mhemhe lo! A khi ke na ulishi." <sup>51</sup> O le elemhi oko-okę onięmhi deba we, oni akpepeli o pfomhe. O ri abo sha eni eniye odukhokho, <sup>52</sup> itobo khi ea kie dole lese udi ingme eminale ni o kpe ro na egbo agbele ishe le; a toto we udu.

### IJesu o la iGenesareti ri egbo ze

(iMat 14.34-36)

<sup>53</sup> Abi e ro da oni oke se, e lasela shi iGenesareti, e mu oni oko-okę onięmhi zu agho. <sup>54</sup> Abi e lese rote oko-okę onięmhi tiemhie, egbo e she lese khi iJesu lo. <sup>55</sup> Igho eni egbo e nyanya kia gasę oni eke nya, ashishini e da suo khi o da la ne, e tsua eni e ghua shi iya bhale agho. <sup>56</sup> Obiobini iJesu o da je ne, o ke khi eoli ni e gbędi, o ke khi enikeke o, ghe ifui ishemhi o, eri ee tsua eni e ghua bhale agbagbajighana atuoki. E lema iJesu o lese ze ni eni e ghua e ri obo ti o eso awulu ni o ro so tse. Eni e da ri obo ti oli nya e ze.

\*\*6:34 Li ze iNoba 27.17; 1 Ighie 22.17; 2 Okhe 18.16; Ezik 34.5; iMat 9.36

**Osesẹ oyi ipfuasẹ ni  
o te ekelemhi lasese**

(iMat 15.1-9)

**7** IFarisi ali esesẹ Ishi eyi iMosisi eghuo ni e rọte iJerusalemu bhale, e le gasẹ iJesu. <sup>2</sup>E mẹ khi eniyẹ odukhokho eyọli eghuo e ri abọ ni ẹa pfuasẹ ni aa kpe-a a le eminale. [Emini a ri ona ngme khi ẹa kpe abọ-a abi ẹgbọ iFarisi ẹẹ a ke li.]

<sup>3</sup>Irari khi iFarisi ali ẹgbọ iJu eni e kpọle nya ẹa ya le eminale ini ẹa li kpe abọ-a. Abi ititawẹ e sesẹ wẹ na, ni e rọ gbe akanya. <sup>4</sup>Ini e rọte oki jele khi ẹa li kpe egbe a, ẹa ya le eminale. E gbo mhọli ighuighuẹ ebubu elese ni e gbolo ẹ ghuẹ, Ighuighuẹ abi a liẹ kpe iko, ekhe, itasa ali igege-a.

<sup>5</sup>Irarigho, eni iFarisi ali esesẹ Ishi eyi iMosisi e mhila iJesu, “Elo o zẹ khi eniyẹ odukhokho eyẹ ẹa ri ishi ni itita awa e rọ shi ekẹ gbe akanya, ni e rọ ri abọ eni ẹa pfuasẹ ẹ le eminale?”

<sup>6</sup>IJesu ọọ wẹ, “Igesikia Azaya o ngme abi o rọ ngme ungmemhi oyi Eshinegba ni o gọ lu ẹẹ ni a di egbe ẹ. Oni a kekẹ shi ekẹ khi,

“Ungmemhi unu

ẹgbọ ena e rọ ri ekpẹ ẹ na mhe,

ama udu oyewẹ

o nuata shi mhe o.

<sup>7</sup>Ugamhi afuẹ ẹẹ ga mhe,

ushi eni ẹgbọ e rọ shi ekẹ,

ẹẹ sesẹ ẹgbọ.”<sup>††</sup>

<sup>8</sup>A she pfi ishi eyi Eshinegba shi ekẹ, a ri osesẹ eyi ẹgbọ ẹ gbe akanya.” <sup>9</sup>O gbolo ẹ wẹ, “A ga lesẹ odẹ ni a te ri ishi eyi Eshinegba shi ukhokho obọ, ini a ba mẹ asha ri osesẹ eyẹ ẹ gbe akanya. <sup>10</sup>Itobọ khi iMosisi ọọ liẹ, ‘Mu ekpẹ na itẹ ali inye.’ O gbolo ẹ, ‘Onini o da ku itẹ ni itali okekhi inyọli ne, a gbe ọlia.”<sup>‡‡</sup> <sup>11-12</sup>Ama

ẹẹ a sesẹ ẹgbọ khi ini ogbọ o gueyẹ itali okekhi inyọli, khi emini lọli kha kpẹ rọ kpaghie itali ali inyọli obọ khi Ikobani o ke khi, khi ọa mhue abi o ngme. Khi ushi ọa mu ọli ini ọa ke ririẹ ri emhikhoghuo na itali ali inyọ li. (Emini a rọ somhi Eshinegba opfa se, áá lui Ikobani). <sup>13</sup>Eri a ri osesẹ ona a shishi ungmemhi oyi Eshinegba ekẹ a. A gbo mhọli emhi elese eghoghọ ebubu ni a gbolo ẹ riele.”

**Emini e ri ogbọ khi oni ọa pfuasẹ**

(iMat 15.10-20)

<sup>14</sup>IJesu o gbo lu eni ebubu ẹgbọ gbili, ọọ wẹ, “A ku esọ a shi mhe o, ni ona o lo ẹ esọ. <sup>15</sup>Emhikhoghuo ọa la o ni ogbọ le, ni o ri ogbọ khi ona umha pfuasẹ. Sẹ ni emini o rọte ogbọ ekelemhi lasese, o ri ogbọ o khi oni ọa pfuasẹ odalo oyi Eshinegba.” <sup>16</sup>[Oni o mhọli esọ, o rọ suọ.]

<sup>17</sup>Abi iJesu o rọ pfi eni ebubu ẹgbọ shi agho ni o rọ ya lo owa se, eniyẹ odukhokho eyọli e bhale deba li, e mhila li emini oni ungmemhi o ngme. <sup>18</sup>O mhila wẹ, “Aa kie lesẹ udi emini mhia ngme? Ọa kie lo ẹ esọ khi emhikhoghuo ni o rọte odato lo ogbọ elemhi khi ọa ya ri ọli khi oni ọa pfuasẹ odalo oyi Eshinegba? <sup>19</sup>Irari khi oni emhi ọa ya je ọli udu, ama ekẹ elemhi ọọ tiemhi, o gbo rọte idiegbe ya fiẹ lase.” Eri iJesu o ri ona guele khi eminale ni a le nya, khi e ti.

<sup>20</sup>IJesu o gbo liẹ. “Emini o rọte ogbọ ekelemhi udu lasese, o ri ogbọ o khi ona umha-pfuasẹ. <sup>21</sup>Itobọ khi rọte ekelemhi udu oyi ogbọ, isamhi ebe e rọte ẹ lasese, enabi, itsebọ, ighiatọ, ogbọ ugbeli, okia, <sup>22</sup>emhi ituegbe, ọbe imumu, ikpamhika, efiala, ubogbọ, iyese-egbe eva a, umhamhọli ekpẹ, iditsea. <sup>23</sup>Ekelemhi udu eni ingeli ena nya e rọte ẹ lasese ni e ri

<sup>††</sup>7:7 Li zẹ Aza 29.13

<sup>‡‡</sup>7:10 Li zẹ Okiali 20.12; iDeut 5.16; Okiali 21.17; iLev 20.9

ogbo o khi ona umha-pfuase odalo oyi Eshinegba.”

### Imiesuo oyi okpotso oghuo

(iMat 15.21-28)

<sup>24</sup> Igho iJesu o rote agho vu, o je ukiēkie eke iTai. O lo owa oghuo, o nono ni ogbokhoghuo o lese khi loli la akaghō. Ama o a dobe ri egbe oli sheli. <sup>25</sup> Abi okpotso oghuo ni ayemhe ebe o la omi oli oni omueshi egbe, o ro suo eko iJesu, o nyanya bhale ya de wugha li odalo. <sup>26</sup> Oni iJeta oni okpotso o khi, a bia li shi eke iFonisha ni o la iSiria. O lema iJesu o khu oni ayemhe ebe omi oli egbe a.

<sup>27</sup> IJesu o o li, “Ze ni eniye e kpe le eminale ne, o a ti ni eminale ni a kha ro na eniye le, ni a pfi oli ghi ewa.”

<sup>28</sup> Oni okpotso o o, “Gueguegue Onomhue! Ama ewa e kiele la ifui itebu e sano eminale ni eniye keshe le le.”

<sup>29</sup> IJesu o o oli, “Itobo oni ungmehi ni u ro so mhe o ena, ke je, u ya bhale ya e khi oni ayemhe ebe, o she rote omi e egbe ya lase.”

<sup>30</sup> Igho, oli je apfe, o ya e khi omi oli o yeshi ukpho khi oni ayemhe ebe o she rote oli egbe vu.

### IJesu o ri ungmehi ni o gbo lesa ze

<sup>31</sup> Igho iJesu o rote ukiēkie obini iTai vu, o rote iSidoni ya tiemhi oke iGalili, o je eke iDikapolisi <sup>32</sup> Oobo egbo eghuo e la tsua omose oghuo ni o khi oleso, ni o gbo khi ungmehi, bhale ghi iJesu. E lema li o kpekpe o lese ri obo nga li egbe.

<sup>33</sup> Igho iJesu o rue lolighuo fiye iteva oyi eni ebubu egbo, o ri imiesabo shi oni omose eso, o to ete, o ri obo ti oni omose elemhi. <sup>34</sup> Igho iJesu o bino idane, o tu ekperumhe-a, o o oni omose “Efata!” Emi a ri ona ngme khi, “Khueghie-a!” <sup>35</sup> Utoghuo kpe eso eyi oni omose e

khueghie a, elemhi oyoli o taghie-a, o ngme lasele gboo.

<sup>36</sup> Igho iJesu o tse agua ye we e khi gueye ogbokhoghuo. Ama abi o dobe tse agua ye we kpa, igbo e dobe ngme oni ngme. <sup>37</sup> O ri abo sha egbo eni e suo nya. E lie, “O ma gue riye emhikpa,” e gbo lie, “O ri eni e le eso o suo eso, o khueghie ingmenu unu a, ee ngme.”

### IJesu o ri eminale na egbo agbele asha ene le

(iMat 15.32-39)

**8** Oa rote agho tese ni ebubu egbo elese e ro legba. Abi eni egbo ea ro me emhi le, iJesu o lu eniye odukhokho eyoli, o o we, <sup>2</sup> “Elemhi egbo ena ee ala mhe, o she gba ee ese ni e te nu mhe la ana ni ea te me emhikhoghuo le. <sup>3</sup> Ini mhi e ri okiamhi ke je apfe mena, ubi o ya rue we shi ode, itobo khi eghuo o, e rote odonu bhale.”

<sup>4</sup> Eniye odukhokho eyoli e mhila li, “Obo u sa khi a te ya me eminale ni e bu ifu odagbe ona, ni e ya khuese egbo ena nya?”

<sup>5</sup> IJesu o mhila we, “Tbulodi ingme a mholi?”

E oli “Ishilua.”

<sup>6</sup> O gueye eni ebubu egbo e shito eke. Igho o rue eni ibulodi ishilua egho, o kphemhi na Eshinegba, o khi we-a, o rue we na eniye odukhokho eyoli e ke kemhi we na eni egbo. Igho eniye odukhokho eyoli e li kemhi na we. <sup>7</sup> E gbo mholi ikuku imi ifele shi agho. O gbo kphemhi na Eshinegba shi o. O rewe na eniye odukhokho eyoli e gbo li kemhi we. <sup>8</sup> Eni egbo e le, e khue. E le se, eni eniye odukhokho e sano iku we ni e le kpole vo ighughu ishilua. <sup>9</sup> Egbo agbele asha ene e khi. IJesu o o eni egbo e ke je. <sup>10</sup> Loli ali eniye odukhokho eyoli e lo oko-oke oniemhi e je ukiēkie obini iDalamanuta.

## Egbo iFarisi e mhila irokhase

(iMat 12.38-42; 16.1-4)

<sup>11</sup> Egbo iFarisi e bhale, e mhila iJesu ogbo ni e ro mu oli fe. Ee oli o ri irokhase ni o rote iloghie bhale khase ewe ni wewe e lese khi Eshinegba o ghie oli.<sup>¶¶</sup>

<sup>12</sup> IJesu o tu ekperumhe-a, oo, "Elo o ze ni ee egbo a ro mhila irokhase onyaloa? Abi o li mhi li gue oli e ye e khi, aa ya me irokhase onyaloa okhoghuo."<sup>§§</sup> <sup>13</sup> Igho o pfi we shi agho vu, o nyene egbe ukhokho gbo ya lo oko-oké oniemi, o da je ukiemie obinuzeva.

### Oyese oyi iFarisi ali Erodu ni o li abi ifuma

(iMat 16.5-12)

<sup>14</sup> Eniye odukhokho eyoli ea sato tsua ibuledi ni e bu, se ni uruli oghuo ni e mhue shi oni oko-oké oniemi. <sup>15</sup> IJesu o tse agua ye we, oo we, "A mhue egbhe shi ifuma eyi iFarisi ali Erodu."<sup>\*</sup>

<sup>16</sup> Eniye odukhokho eyoli e nu egbewe ngme, e lie, "Itobo khi awa a mhue ibuledi o ro ngme ona." <sup>17</sup> IJesu o lese emini e ngme. O mhila we, "Elo o ze ni a ro gue ezọ khi aa mholi ibuledi? Eri aa ya me eke abi khi eri oa kie lo e eso? Eri udu oyee o na khukhu?" <sup>18</sup> A mholi alo, aa rewe a me eke? A gbo mhue eso aa rewe e suo? Aa sato?<sup>†</sup> <sup>19</sup> Abi mhi ro kholo ibuledi ishe-a na egbo agbele asha ishe, ighughu ingme a sanọ iku we eke vo?" Ee oli, "Igbeva!" <sup>20</sup> "Abi mhi ro gbo kemhi ibuledi ishilia na egbo agbele asha ene, ighughu ingme a sanọ iku we vo?"

E oli "Ishilia."

<sup>21</sup> Oo, "Eri emini mhia ngme oa kie lo e eso?"

### IJesu o la obini iBetisaida khueghie ozalo alo a

<sup>22</sup> E bhale iBetisaida. Egbo eghuo e tsua omose ozalo bhale ghi iJesu, E oli o kpekpe o ri obo ti oli. <sup>23</sup> Igho iJesu o mu oni omose ozalo obo-obo ya fie ifui oni apfe. O to ete shi obo ro shishi oli alo-a. IJesu o mhila li ini o me emhikhoghuo.

<sup>24</sup> Oni omose o bino idane, oo "Mhia me egbo khi e li abi era a kia gasa." <sup>25</sup> Igho iJesu o gbo ri abo shi oni omose alo. Alo eyoli e tigbe khueghie-a, o me eke gboo. <sup>26</sup> IJesu oo ke je, o oli, "Khi gbo je elemhi ifui eoli."

### IPita o guele oni iJesu o khi

(iMat 16.13-20; iLuk 9.18-21)

<sup>27</sup> Igho iJesu ali eniye odukhokho eyoli e vu je ikuku eoli ni e la gasa iSize-ria iFilipi. Abi e li le, o mhila we, "Oghuo egbo e famhi e lie khi mhi khi?"

<sup>28</sup> E oli, "Eri eghuo e khi iJoni ni oo batazi egbo u khi; eghuo e khi Elaja u khi; elese e khi otuoghuo emekeguele na ele u khi."<sup>‡</sup>

<sup>29</sup> O ke mhila we, "Ama, oghuo ee oyee a lie khi mhi khi?"<sup>¶</sup>

IPita o so li o, oo li, "Yeye u khi iKirisiti ni o khi Omiepfuese?"

<sup>30</sup> IJesu o tse agua ye we e khi gueye ogbokhoghuo oni loli khi.

### IJesu o guele shi eke khi loli ya ghua

(iMat 16.21-28; iLuk 9.22-27)

<sup>31</sup> Igho o sese eniye odukhokho eyoli khi Omi Ogbo o mema ya me os-

<sup>¶¶</sup>8:11 Li ze iMat 12.38; iLuk 11.16

<sup>§§</sup>8:12 Li ze iMat 12.39; iLuk 11.29

<sup>\*</sup>8:15 Li ze iLuk 12.1

<sup>†</sup>8:18 Li ze iJere 5.21; Ezik 12.2; iMak 4.12

<sup>‡</sup>8:28 Li ze iMak 6.14-15; iLuk 9.7-8

<sup>¶</sup>8:29 Li ze iJon 6.68-69

oli egbegbo. Eni egbhali, ali ighie eyi ekpodalo-ugamhi ali eni e sese ishi, e ya kie oli. A ya gbe lolli-a, ama ele onuziese, o gbo ya guale. <sup>32</sup> O ngme ona lasele gboo. Igho iPita o lu oli ochi, oo li o khi ke ngme ungmemhi onana ghue.

<sup>33</sup> Ama abi iJesu o ro nyene alo ukhokho bino eniye odukhokho eyoli, o dese iPita. Oo li, "Vu mhe odalo le yeye Okphaghie. Wa mholi ingme Eshinegba shi udu, ama emhi agbo."

<sup>34</sup> Igho o lu eni ebubu egbo ali eniye odukhokho eyoli, oo we, "Ini ogbokhoghuo oo nono ni lolli bhale deba mhe, o mema ya kie egboli, o rue apfida oyoli, oo deba mhe. <sup>35</sup> Itobo khi onini o da dua ni lolli tsumhi agbo oyoli ne, o ya de oli obo a, ama oni o da ri irari oyemhe ali irari oyi usomhi onete oyi Eshinegba rue agbo oyoli pfia, o ya tsumhi oli.\*\*

<sup>36</sup> Eleli onoghuo ogbo o ya me ini o mholi agbo nya khi ayemhe oyoli o li opfu-a? <sup>37</sup> Elo ogbo o ya ro ooghie ayemhe oyoli? <sup>38</sup> Ini omama oyemhe ali omama oyi ingme oyemhe o da mu ogbokhoghuo elemhi agbo ichimhi ali agbo okholo ona ne, omama oyi onogbo o ya li mu Omi Ogbo elegho ini o bhale elemhi ufumhi oyi Itali ali oyi igeni ni e pfuase."

**9** O gbolo e we, "Mhi gue igesikia ye e khi, egbo eghuo e migha ana, ni ea ya ghu ne, ni e ro me khi Eghiele oyi Eshinegba o bhale, elemhi ekpabo."

### Imamachi oyi iJesu

(iMat 17.1-13; iLuk 9.28-36)

<sup>2</sup> Abi ele-esesa e ro dose, iJesu o rue iPita, ali iJemhisi ali iJoni, ya nga ute

oniemhi ni o yagha, asha ni weweghuo kpe e la. Igho e me khi iJesu o mu melaa.

<sup>3</sup> Itsua ni o ro so, e pfuase-a, e ge pepèpè. E tode pfuase dose utsakolo, e dose abi ogbokhoghuo oa tigbe dobe ya li pfue we-a pfuase ramhi agbo ona. <sup>4</sup> Igho eni eniye odukhokho aase eyoli e me khi Elaja ali iMosisi e lasela nu iJesu gheta.

<sup>5</sup> IPita oo iJesu, "Oseşe, o gue ti khi awa la akana. Zobe ni anye to ikholo ese shi ana. Oghuo o o kha khi oye, oghuo o khi oyi iMosisi, onokpole o khi oyi Elaja." <sup>6</sup> Oa ke lese emini o ke ya ngme, itobo khi eri lolli ali enekpole e yila dose.

<sup>7</sup> Igho otughunu o lasela ya guese we-a, Eshinegba o rote elemhi oni otughunu ngme, oo, "Ominhe ni Omose na, ni mhi nono ingme oyoli egbegbo. A ke suo eso na li."†††

<sup>8</sup> Utoghuokpe khi e ke pfi alo bino, ea ke me ogbokhoghuo se ni iJesu lolighuo.

<sup>9</sup> Abi e li rote oni ukhomhi ute e tiemhi le, iJesu o gueye we e khi gueye ogbokhoghuo emini e me ini Omi Ogbo oa li rote eghuli guale. <sup>10</sup> E ri oni ungmemhi gbe akanya, ama e nu egbewe gheta emini irote eghuli guale o ngme.

<sup>11</sup> Igho e mhila iJesu, "Elo o ze ni eni e sese e ro lie khi Elaja o kpe ya bhale?"<sup>¶¶</sup>

<sup>12</sup> IJesu oo, "Egbegbo lo khi Elaja o kpe ya bhale, o ya bhale ya mu egbe emhi nya shi eke. Elo o mema ze ni Ebe-no-pfuase o roo khi Omi Ogbo o mema me osue egbegbo, a gbo kie oli?" <sup>13</sup> Ama a ghe i, Elaja o she bhale, e ri ele emini o ghole we deba li ezeze abi a li keke ingme oyoli shi Ebe-no-pfuase.

§8:34 Li ze iMat 10.38; iLuk 14.27

\*\*8:35 Li ze iMat 10.39; iLuk 17.33; iJon 12.25

††9:7 Li ze iMat 3.17; iMak 1.11; iLuk 3.22

‡‡9:7 Li ze 2 iPit 1.17-18

¶¶9:11 Li ze iMala 4.5; iMat 11.14

**Iroze oyi ozeo no mhuẹ ayemhẹ obe**  
(iMat 17.14-21; iLuk 9.37-43)

<sup>14</sup> Abi e ke ro ya kugbe eniye odukhokho ni e kpole o, e me khi ebubu egbo o le gasẹ we, esese Ishi eyi iMosisi e nu we la akaghọ khako. <sup>15</sup> Abi eni egbo e lese me iJesu te, abo e sha we egbegbo. E na ya tse oli.

<sup>16</sup> O mhila we, “Elo o khi ni a nu we khako o shi?”

<sup>17</sup> Omoşe oghuo o rote elemhi eni ebubu egbo ya rue unu, o, “Oseşe, omimhẹ oni omoşe mhi ro bhale ghi e, ayemhẹ obe o nase oli, ni o ke ze oli e ngme. <sup>18</sup> Ini oni ughuamhi o da tsua rughu oli ne, eri o pfi oli e gbe, oo chi ofulu unu, oo le ako unu, o zese a. Mhi gueye eniye odukhokho eye e khu oli oni ayemhẹ egbe-a, ama ea dobe.”

<sup>19</sup> IJesu oo, “Ee egbo ni ea mholi irudunga ena, ele-ingme mhi ke mholi ro nu e ya la akana, ele-ingme mhi beshi ya la onana ramhi, Mu oni omo ghi mhe!”

<sup>20</sup> Igho e mu oni omo bhale. Abi oni ayemhẹ o ro me iJesu tee, o de rughu oni omo, o pfi oni omo gbe, oo kpi abo ali awe-a, oo wu oli eke, oo chi ofulu unu.

<sup>21</sup> IJesu o mhila ita oni omo, “Aele o te lina?”

Oo, “Abi o te khi omo.” <sup>22</sup> “O she lina mu oli pfi lo elemhi erali ali elemhi oke itingmingme abi o kha gbe oli-a. Ini u mholi emini u dobe ya rie, kpekpe le elemhi anye ni u kpaghie anye obo.”

<sup>23</sup> IJesu oo, “Eri u we ini mhi dobe? Emhikpa oo tse na oni o da mholi irudunga.”

<sup>24</sup> Aghoaghọ ita oni omo o nyanya lie, “Mhi miesuo ukuku, kpaghie mhe obo ni mhi gbo miesuo shi o egbegbo.”

<sup>25</sup> Abi iJesu o ro me khi eni ebubu egbo e na bhale ashini oni ingme o de

shi, o tseşe ku oni ayemhẹ obe. “Yeye ayemhẹ unghenu ali ileso, rote oli egbe ya lasale, khi gbo nyene egbe bhale o ghue.”

<sup>26</sup> Oni ayemhẹ o tseşe, ri itoto nighise oni omo, o rote oli egbe ya fie. Oni omo o ke li abi oni ghua. Egbo e lie, “O she ghua.” <sup>27</sup> Ama, iJesu o mu oni omo obo vule migha. O migha.

<sup>28</sup> Abi iJesu o ro lo elemhi owa se, eniye odukhokho eyoli e bena mhila li, “Elo o ze ni anye aa ro dobe khu oli oni ayemhẹ egbe-a?”

<sup>29</sup> IJesu o so we o, oo we, “Iromhi isoso ali azumhi tse o dobe a khu onana.”

**IJesu o gbo ngme ingme eghuli oyoli**  
(iMat 17.22-23; iLuk 9.43-45)

<sup>30</sup> IJesu ali eniye odukhokho eyoli e rote agho vu, e rote iGalili dose, o nono ni ogbokhoghuo o lese ashini we we e la, <sup>31</sup> Itobo khi o sese eniye odukhokho eyoli, oo ye, “A ya ri Omi Ogbọ na egbo de. E gbe oli-a. Ele nuzi-ese o gbo guale.”

<sup>32</sup> Ama emini o ngme o lo we eso, ulishi o mu we abi e li ya mhila li emini o roli ngme.

**Oni o fu ne nya**

(iMat 18.1-5; iLuk 9.46-48)

<sup>33</sup> E bhale eoli iKapanomu. Abi o ro la elemhi owa, o mhila we, “Elo a khako shi amo abi a ro la ode?”

<sup>34</sup> Ama e tsaghie-a, itobo khi oni o kpada nya elemhi we e la ode khako shi.<sup>§§</sup>

<sup>35</sup> IJesu o shitọ, o lu eniye odukhokho ogbava eyoli, oo we, “Ini ogbokhoghuo oo nono ni loli khi oni odode, o kpe ya ri egboli khi oni o kpukhokho nya, ali oni o ga egbo nya.”\*

<sup>36</sup> O mu ukuku omo vule migha we iteva. O mu oli shi abo, oo we, <sup>37</sup> “Onini

§§9:34 Li ze iLuk 22.24

\*9:35 Li ze iMat 20.26-27; 23.11; iMak 10.43-44; iLuk 22.26

o ri itobọ oyemhẹ mie ọtuoghwo ikuku eniyẹ enana ne, mhemhẹ o mie. Onini o da mie mhẹ ne, oni o ghie mhẹ o mie, ọa khi mhemhẹ.”†

**Oni ọa da khi ọbe awa  
ne ọyi awa o khi**

(iLuk 9.49-50)

<sup>38</sup>IJon ọ́ó, “Ọsẹsẹ, anye mẹ ọmọsẹ oghuo ni ọ ri eva oye khu ayemhẹ ebe kua. Ama anye gueye ọli o khi gbo ligho, itobọ khi ọa khi oghuo elemhi awa.”

<sup>39</sup>IJesu ọ́ wẹ, “A khi ke khu ọli o, itobọ khi oni o ri eva oyemhẹ gbe akanya ọnyalao, ọa tigbe ẹ vule ke ngme onobe oyemhẹ. <sup>40</sup>Itobọ khi oni ọa khi obe awa, oyawa o khi.”‡ <sup>41</sup>Abi o li mhi li gue ọli ẹ ye ẹ khi, onini o da diẹ uko amẹ na ẹ da irari eva oyemhẹ ne, ali irari khi ọnayi iKirisiti a khi, o ya mẹ eleli o.¶

**A mu egbe ẹ shi emini e  
yese ogbo o lamhe**

(iMat 18.6-9; iLuk 17.1-2)

<sup>42</sup>“Ini ogbokhoghuo o yese ikuku eniyẹ enana ni e mie mhẹ suọ lamhẹ, o bie tine ni a ge eche iko oniemi shi ogbo oghogho uruli tsua pfilo elemhi oke oniemi. <sup>43</sup>Ini obọ oye o re ya lamhẹ, khi ọli pfi. O ti ẹ egbe ne ini u waa mhọli obọ ya lo iloghie na agboagbo, ni u ro tsua abọ eve-eve eye ya lo ilimhi iriere, ashini erali ẹa tigbe ẹ pfo-a ghue. § <sup>44</sup>[Akaghọ ikpatso ni ẹ le we ni ẹa tigbe ẹ ghu e la, ali ashini erali ni ẹ tose we-a, ẹa tigbe ẹ pfo ghue.] <sup>45</sup>Ini owe oye o re ya lamhẹ, khi ọli pfi, o ti ẹ egbe ne ini u

waa mhọli awe ro lo iloghie na agboagbo ni u ro mhọli awe eve-eve, ni u ro ya lo ilimhi iriere. <sup>46</sup>Akaghọ ikpatso ni ẹ le we ni ẹa tigbe ẹ ghu e la, ali ashini erali ni ẹ tose we-a, ẹa tigbe ẹ pfo ghue. <sup>47</sup>Ini ukpeloe oye o re ẹ lamhẹ, vuonyo li pfi, o ti ẹ egbe ne ini u ri ukpeloe oghuo lo Eghiele oyi Eshinegba, ocho ni u ro ya mhọli ikpamhi alo eva, a pfi ẹ ya lo ilimhi iriere. \*\* <sup>48</sup>Akaghọ, “Ikpatso ni ẹ le we ni ẹa tigbe ẹ ghu e la, ali ashini erali ni ẹ tose we-a, ẹa tigbe ẹ pfo ghue.”††

<sup>49</sup>“Erali a ro nye ogbogbo-a, a roli khi oni o pfuase abi a li ri ugbheli ẹ ri iluasobo khi pfuase.

<sup>50</sup>“Ugbheli o ma ti, ama ini oviolo oyoli o kala, se o ke li ze gbolo ro ya mele ugbheli-a?

“A ze ni a mhọli ugbheli shi agbo oye ẹ. A nu egbe ke ngeli angeli opfomhẹ.”‡‡

**IJesu o ngme shi ingme ipfughue-a**

(iMat 19.1-12; iLuk 16.18)

**10** IJesu o rote agho vu je eke iJudia, ini a da iJodani. Igho egbo ni e bu e gbo ve ngale deba li, o sese we abi o kpe li.

<sup>2</sup>Egbo iFarisi eghuo e bhale ya mu ọli fe, e mhila li, “Ushi oyawa o lama, omose o khu ughue oyoli?”

<sup>3</sup>Oo, “Elo iMosisi o gueye ẹ a ke li?”

<sup>4</sup>E ke, “Eri iMosisi o lama omose o keke ebe ni a ro pfa ughue-a mhọli ughue ọli obọ, o khu ọli.”¶¶

†9:37 Li ze iMat 10.40; iLuk 10.16; iJon 13.20

‡9:40 Li ze iMat 12.30; iLuk 11.23

¶9:41 Li ze iMat 10.42

§9:43 Li ze iMat 5.30

\*\*9:47 Li ze iMat 5.29

††9:48 Li ze Aza 66.24

‡‡9:50 Li ze iMat 5.13; iLuk 14.34-35

¶¶10:4 Li ze iDeut 24.1-4; iMat 5.31



<sup>5</sup>Ijesu oọ wẹ, “Itobọ khi udu oyẹẹ oọ gbe, iMosisi ọ rọ lighọ keke oni ushi na ẹ. <sup>6</sup>‘Ama omose ali okpotso, Eshinegba ọ rote igbaekele agbọ ma wẹ.’<sup>§§</sup> <sup>7</sup>‘Onana o zẹ ni omose ọ rọ ọ pfi itali ali inyọli shi eke, ọ ya toma ughue ọli ọ. <sup>8</sup>Wewe aava e mele idiegebe oghuo a.’ Eghẹghe agho ẹa ke khi etuava, ama oghuo. <sup>9</sup>Irarigho, emini Eshinegba ọ da toma ne, ogbokhoghuo ọ khi vase wẹ a.”

<sup>10</sup>Abi e rọ gbo la elemhi owa, eniyẹ odukhokho eyi iJesu e mhila li ogbọ ona. <sup>11</sup>Ijesu oọ wẹ, “Onini ọ da khu ughue ọli ni ọ ya rue okpotso olese ne, eri ọ kia okia shi oni ughue ọli ọ. <sup>12</sup>Ini oni okpotso ọ lase ayi odoli le khi ọ ya ngeli na omose olese, eri ọ kia okia.”<sup>†</sup>

### Ijesu ali eniyẹ enikeke

(iMat 19.13-15; iLuk 18.15-17)

<sup>13</sup>Egbọ eghuo e mu eniyẹ bhale deba iJesu ni ọ ri obọ ti wẹ, ama eniyẹ odukhokho eyọli ee khu wẹ.

<sup>14</sup>Abi iJesu ọ rọ me gho, o ri elemhi bi ọli. Oọ wẹ, “A zẹ ni ikuku eniyẹ e bhale deba mhe. A khi ke khu wẹ, itobọ khi enabi wewe e li mhọli obọ shi Eghiele oyi Eshinegba. <sup>15</sup>Zẹ mhe gue igesikia ye ẹ khi oni ọa da rue Eghiele oyi Eshinegba abi eniyẹ enikeke ne, ọa tigbe ya lo iloghie.”<sup>‡</sup> <sup>16</sup>O muno eniyẹ shi egbe, ọ ri obọ nga wẹ ukhomhi, ọ sọ iromhi na wẹ.

### Ozele-omose ni ọ lolo pfue

(iMat 19.16-30; iLuk 18.18-30)

<sup>17</sup>Abi iJesu ọ ke rue okiali eke khi ọ vu, omose oghuo ọ na bhale ya wugha li odalo, oọ li, “Osesẹ nete! Elo mhi ya riẹle ni mhi rọ ya mhue agbọ na agboagbọ?”

<sup>18</sup>Ijesu ọ li, “Elo e zẹ ni u rọ ọ lu mhe onoti. Ogbokhoghuo ọa laọ ni ọ ti, se ni Eshinegba. <sup>19</sup>Ni mhi rọ sọ ẹ ogbọ ni u mhila mhe, u lese ushi ni Eshinegba ọ rọ shi eke. Ni ọ le, ‘A khi gbe ugbeli, a khi kia okia, a khi do ughiatọ, a khi pfi otsẹle egbhọli mu ogbọ, a khi li ogbọ le, mu ekpe na ita ẹ ali inye e.’”<sup>¶</sup>

<sup>20</sup>Oni ozeo oọ, “Osesẹ, abi a te bia mhe mhi te ri ena nya a gbe akanya.”

<sup>21</sup>Ijesu ọ ri eloe inono bino ọli, oọ li, “Emhi oghuo tse ọ kpe ẹ le ni waa riẹle ne. Je ya ri emini u mhọli nya de ni u kemhi wẹ na eni ẹa mhọli emhi, eghẹghe agho ni u mhọli epfue shi obini iloghie, u tigbe bhale ya deba mhe ke kia.”

<sup>22</sup>Abi oni omose ọ rọ suo ona, alo eyọli e yese a, ọ ri iyeseudu-a ya vu, itobọ khi ọ mhọli epfue eniemhi.

<sup>23</sup>Ijesu ọ bino gasẹ kpa, oọ eniyẹ odukhokho eyọli, “O ma mu ogbọ ni ọ pfue unu ni ọ rọ lo Eghiele oyi Eshinegba.”

<sup>24</sup>Ingmemhi eyọli e ri abọ sha eniyẹ odukhokho eyọli. Ama iJesu ọ gbolo ẹ, “Eniyẹ eyemhe, o ma mu eni e ri egbe da epfue oyewe unu ni e rọ lo Eghiele oyi Eshinegba. <sup>25</sup>Ni ogbọ ni ọ pfue ọ rọ lo Eghiele oyi Eshinegba, o ya munu dose, ni ogbọ ke dua ni loli ri alakumi rote ese asuge ya fiẹ.”

<sup>26</sup>Ona o ke ri abọ sha eniyẹ odukhokho eyọli ne, e rọ mhila egbe, “Oghuo ọ dobe ya lo ọ shọ?”

<sup>27</sup>Ijesu ọ pfi ukpeloe bino wẹ, ọọ, “Ona ọa zẹ ogbọ ya li ama emhikpa o zẹ Eshinegba a li.”

<sup>28</sup>IPita ọọ iJesu, “Emhinya anye tsua kua bhale deba ẹ.”

§§10:6 Li zẹ Igbae 1.27; 5.2

\*10:8 Li zẹ Igbae 2.24

†10:12 Li zẹ iMat 5.32; 1 iKori 7.10-11

‡10:15 Li zẹ iMat 18.3

¶10:19 Li zẹ Okiali 20.12-16; iDeut 5.16-20

<sup>29</sup> IJesu ọ̀ọ̀ wẹ, egbegbi-ingme mhi gue ẹ yẹ ẹ khi ọ̀nini ọ da pfi apfẹ ọ̀li shi eke, ali inyoghuo ọ̀li eni emose ali eni ikpotso, ali ita ali inyọ, ni ọ pfi eniyẹ ali ishemhi, ghe ọ̀wolọ shi eke irari oyemhẹ ali usomhi onete oyi Eshinegba, <sup>30</sup> a ya somhi ọ̀li opfa. Elemhi agbọ ona, a ya khivose na li asha egbhueshe, ikhivose owa ali ikhivose inyoghuo, ali inyọ ali eniyẹ ali ishemhi, ali anasemhẹ. Ọ ya mhuẹ agbọ na agboagbo, elemhi agbọ ni o ke ẹ bhale. <sup>31</sup> Ama egbọ eghuo ni e ralo, e ya kpe ukhokho. Eni e kpe ukhokho amo, e ya khi eni odode.<sup>§</sup>

**IJesu ọ gbo ngme ingme  
eghuli oyọli utonuzi-ese**

(iMat 20.17-19; iLuk 18.31-34)

<sup>32</sup> Abi iJesu ọ rọ tsua wẹ lẹ iJerusalemu, ni ọ rọ ralo na wẹ, eni ingme e pfuse ghagha a shi eniyẹ odukhokho eyi iJesu udu. Ulishi o mu egbọ ni e deba wẹ. Igho iJesu ọ gbo li rue eniyẹ odukhokho ogbava eyọli ye ochi, ọ gueyẹ wẹ emini loli ya mẹ ini wẹwẹ e ramhi iJerusalemu. <sup>33</sup> Oo, “iJerusalemu awa je ena, a ya la oobọ rue Omi ogbọ na ighie eyi ekpodalo-ugamhi ali eni ẹ sese ishi de, a ri ọli na wẹ mu. E pfa ezọ igbe-a mu ọli, e ghi ọli abọ ghi egbọ iJeta. <sup>34</sup> E ya rọli ke li egia, e tono etẹ ku ọli, e gbe ọli itẹ, e tigbe gbe ọli-a. Ama ele nuzi-ese, ọ ya rọte eghuli guale.”

**Emini iJemhisi ali iJoni e  
mhila iJesu ọ riele na ewe**

(iMat 20.20-28)

<sup>35</sup> Igho iJemhisi ali iJoni imi iZebedi e bhale deba iJesu, ẹ ọli, “Osesẹ, anye ẹ

nono ni u riele emini anye ya mhile ena na anye.”

<sup>36</sup> IJesu ọọ wẹ, “Elo a nono ni mhi riele na ẹ?”

<sup>37</sup> E ke, anye ẹ nono, ini u da shito ukpekhomhi oye obini Eghiele oniemi oye ne, ni u ze ni ọtuoghuo anye ọ kha shito ẹ ukiekie obita, onokpole ọ shito ẹ obogobo.

<sup>38</sup> IJesu ọọ wẹ, “Aa lese emini aa mhila. Uko ni mhi rọte da, a dobe ya rọte ọ da, abi khi eri a dobe ya mie ibatizi onabi mhi mie?”\*\*

<sup>39</sup> E ke, “Anye ya dobe.” IJesu ọọ wẹ, “A dobe ri uko ni mhi rọ da ya da, a gbo dobe mie ibatizi onabi mhi mie, <sup>40</sup> ama mhia mhọli afu ni a rọ ri ogbo ọ shito mama mhe ukiekie obita ali obogobo ukpekhomhi oghie obini iloghie. Eshinegba ọ ri asha eghoghọ ya na egbo ni ọ re wẹ shi agho khe.”

<sup>41</sup> Abi eniyẹ odukhokho etuogbe enekpole e rọ suo ingmemhi ena, e nu iJemhisi ali iJoni i wola shi ọ. <sup>42</sup> Igho iJesu ọ lu wẹ tigbili, ọọ wẹ, “A lese khi eni ẹ lu egbewe ighie eyi egbo eni ẹa ya ga Eshinegba, khi eri ẹ li wẹ abi o ghole wẹ, igho eni e kpeda omhese e li ẹ mhese na wẹ. <sup>43</sup> Ama, a khi li abi wewe. Ama ọnini ọ nono ni loli khi oniemi elemhi ẹ, ọ khi oni ọ ga ee nya.†† <sup>44</sup> Ọnini ọ nono ni loli khi onodode, ọọ mema kpe ri egbọli khi oghumha oyi egbo kpa.‡‡ <sup>45</sup> Itobọ khi Omi Ogbo ọa bhale ni a ke ga li, ama eri ọ bhale ya ga ali ni ọ gbo ri agbo oyọli bhale ni a rọ luase obo na ebubu egbo.”

§10:31 Li ze iMat 20.16; iLuk 13.30

\*\*10:38 Li ze iLuk 12.50

††10:43 Li ze iLuk 22.25-26

‡‡10:44 Li ze iMat 23.11; iMak 9.35; iLuk 22.26

**IJesu o ri iBatimeusi otase-alo-a ze**  
(iMat 20.29-34; iLuk 18.35-43)

<sup>46</sup> Igho e bhale iJeriko. Abi iJesu ali eniye odukhokho eyoli ali ebubu egbo ni e deba li, e ro rote oni eoli vu, omose oghuo ni o tase alo-a na lui iBatimeusi (omi iTimeusi a ri iBatimeusi ngme) o shito epfe ode mhila omhila. <sup>47</sup> Abi o ro suo khi iJesu ona iNazareti lo, odo tseşe leghe, odo lie, "IJesu omi iDefidi, kpekpe, le elemhi mhe."

<sup>48</sup> Ebubu egbo e tseşe ku oli, ee oli o ze ni a suo eso. Ama eena o mema lolo pfi okokokhue lu oli ne, "Omi iDefidi le elemhi mhe!"

<sup>49</sup> IJesu o migha, odo, "A lu oli na mhe." Igho e lu oni otasalo-a, e oli, "Ke ghele, vule, khi odo lu e." <sup>50</sup> O rue awulu no o so pfi a, o ti vule pia bhale deba iJesu.

<sup>51</sup> IJesu o mhila li, "Elo wa nono ni mhi rielle ne?"

Oni omose ni o tase alo-a, odo, "Oseşe, mhia nono ni mhi gbo ke me eke."

<sup>52</sup> IJesu odo, "Ke le, khi irudunga oye o she re ze." Aghoagho, odo me eke, o deba iJesu rote ode vu.

**Egbo e ri ufumhi na iJesu abi**  
**o ro lo iJerusalemu**

(iMat 21.1-11; iLuk  
19.28-40; iJon 12.12-19)

**11** Abi e ro ti ramhi iJerusalemu ni e ro bhale iBetifagi ali iBetani Udi Ute Olivu, iJesu o ghie etuava elemhi eniye odukhokho eyoli, <sup>2</sup> Odo we, "A je eoli ni o la odalo oobogho. A kha lese lo oni eoli le, a ya me omi akphere ni a muzu, ni ogbokhoghuo o nga shito ghue. A taghie oli bhale ana. <sup>3</sup> Ini ogbokhoghuo o mhila e, 'Elo o ze ni a ro taghie oli? A gueye oli khi, Onomhue odo nono ni loli ri oli rielle emhi, ali khi o gbo roli bhale ya shi eke lena.'"

<sup>4</sup> Igho ee bhale ya e oni ozele akphere ni a muzu shi ifui apfe epfe ode. Abi e li taghie oli-a, <sup>5</sup> egbo eghuo ni e migha akagho e mhila we, "Elo a la akagho a rielle ni a ro taghie oni omi akphere ogho-a?" <sup>6</sup> E so we o abi iJesu odo e li so we o. Igho eni egbo e ze we vu. <sup>7</sup> Abi e ro mu oni ozele akphere bhale ghi iJesu ze, e banog ide egbe-a pfino nga oni ozele akphere ukhokho. Igho, iJesu o nga li shito. <sup>8</sup> Ebubu egbo elese e li ba ide ro ku ode, eghuo, e nyanog eyamhi ku ode. <sup>9</sup> Egbo ni e ralo ali eni e deba li e gbe ukua, e tseşe, e lie,

"Okuekhoogo! Oolo!"

Eshinegba o ka khivose

na oni o ri eva oyi

Onomhue bhale!"

<sup>10</sup> "Eshinegba o ka khivose

shi Eghiele oyi oghie iDefidi

ita awa ni odo bhale."

"Ikueghie o khi oyi Eshinegba!"

<sup>11</sup> Abi iJesu o ro ramhi iJerusalemu, o dose ya lo elemhi Owa oyi Eshinegba. O bino emhi nya gase, ama aborokhia khi obili o she bi dose, loli ali eniye odukhokho ogbava eyoli e je iBetani.

**IJesu o pfi unu na oora okhua-eni**  
(iMat 21.18-19)

<sup>12</sup> Ogbeakolo abi e li rote eoli iBetani fie, okiamhi oo gbe iJesu. <sup>13</sup> Igho o tapfia me oara okhua-eni ni o gueta ebe. O le ya bino ini o she mo udumhi. Abi o ro ramhi agho o me emhikhoghuo o, se ni ebe, itobo khi o ramhi eghenge ni okhua-eni e ro mo ne. <sup>14</sup> Igho odo oni okhua-eni, "Ogbokhoghuo o ke gbo rote e ukhomhi ya pfa udumhi ghue."

Eniye odukhokho eyoli e suo khi o ngme na.

<sup>11</sup>11:9 Li ze Iwolo 118.25-26

## IJesu o je Owa oyi Eshinegba

(iMat 21.12-17; iLuk  
19.45-48; iJon 2.13-22)

<sup>15</sup> Abi e ke ro ramhi iJerusalemu, iJesu o lo Owa oyi Eshinegba, o vese eni e la akagho du oki kua. O kpha okphe oyi eni e pfa ikpagho ali eni e ri inekhukhu de kua. <sup>16</sup> Oa ze ni ogbokhoghuo o tsua itsua-oki rote elemhi apfe oni Owa oyi Eshinegba dose. <sup>17</sup> Abi o ke ro sese egbo, o ro lie, "A she kpe keke oli shi Ebe-nopfuase khi, "Owa iromhi oyi ishishi nya, a ya ke lu Owa oyemhe,"

Ama ee, a she roli mele owa ighiatu a."§§

<sup>18</sup> Abi ighie eyi ekpodalo-ugamhi ali eni e sese ishi e ro suo ona, ee dua ode ni e te me asha ya gbe iJesu a. Ama ulishi oyi iJesu oo mu we, itobo khi eri osese oyoli o ri abo sha egbo kpa.

<sup>19</sup> Ogbomhi o mu eke, iJesu ali eniye odukhokho eyoli e rote oni eoli ya fie.

## Ilesingme ni a rote okhua-eni ni o ku ebe a rue

(iMat 21.20-22)

<sup>20</sup> Eluzogbe oogbeakolo khi e rote oni ode dose, e me khi oni oara okhua-eni o khakha ya ramhi imhili. <sup>21</sup> IPita o sato, o o iJesu, "Osese, bino khe! Oara okhua-eni ni u pfi unu na o she khakha-a."

<sup>22</sup> IJesu o so li o, oo, "Mholi irudunga na Eshinegba." <sup>23</sup> "Egbegbi-ingme mhi gue e ye e khi onini o gueye oni ute ona, 'Ro te akana lasele ya je elemhi okhe oniemhi,' ni oa ro da mholi akhokhomhe shi udu shi emini o ngme ne, ni o ro mholi miesuo khi emini loli ngme o ya bhale ya tse, oo ya ligho na li.\* <sup>24</sup> Irarigho, emiemini u so iromhi mhila, miesuo khi u she mholi oli, oye o ke

khi. <sup>25</sup> U kha da migha a lema, ni u ro ri ingme oyi ogbo shi elemhi, nyanya ro topfa li. Ini ite ni o la iloghie o ri olamhe eye li topfa e." <sup>26</sup> "Ama ini u waa da ro topfa ogboese ne, ite na iloghie oa ya li ri olamhe eye topfa e."†

## A mhila iJesu oni o ri afu na li

(iMat 21.23-27; iLuk 20.1-8)

<sup>27</sup> Igho ee gbo lo iJerusalemu le. Abi iJesu o li kia elemhi apfe Owa oyi Eshinegba gashe, ighie eyi ekpodalo-ugamhi ali eni e sese ishi ali egbhali e bhale deba li. <sup>28</sup> E mhila li, "Oghuo o ri afu ne ni u ro ri ele eni emhi enana nya, oghuo o ri unu ne u ke ri ele ena."

<sup>29</sup> IJesu o so we o, Oo, "Mhi ya mhila e ogbo oghuo. A so mhe o, ni mhi tigbe gueye e oni o ri afu na mhe mhi ke ri ele emhi ena. <sup>30</sup> Oghuo o fe ri itoto na iJoni o ke batazi egbo abi egbo?"

<sup>31</sup> Igho, e ya ye egbe ochi, e nu egbe we ngme oli khi, "Awa khe 'Rote iloghie' lo, o ya mhila awa, 'Elo o ze ni aa ro mie oli suo?' <sup>32</sup> Ama ini awa ke, 'Obo oyi egbo.'" Ulishi oyi egbo o mu we, itobo khi ogbokpa o lese khi omekeguele iJoni o khi.

<sup>33</sup> Igho ee iJesu, "Anye ea lese." Igho iJesu oo we, "Mhi aa ya li gueye e oni o ri afu na mhe mhi ro ke ri ele emhi ena."

## Okhe irokhokho oyi eni e ngmomhi shi ogba era ipfonu

(iMat 21.33-46; iLuk 20.9-19)

**12** Igho iJesu o ke ri okhe irokhokho sese we. Oo, "Omose oghuo o ke ya gua ogba era ipfonu. O ma ugbe gashe oni ogba. O to ese shi o, ni a mino ame ikpamhi eni era kulo. O gbo to owa ni o yagha ni a la khe-ekhe shi o. Igho o ya ri oni ogba nga eghiale eghuo

§§11:17 Li ze Aza 56.7; iJere 7.11

\*11:23 Li ze iMat 17.20; 1 iKori 13.2

†11:26 Li ze iMat 6.14-15

obọ e nu lọli ri ukpeloe ke khu. O vu asha obini odonue.<sup>‡</sup> <sup>2</sup> Egheghe ikhięę o ramhi, oni omọse o ghie oghumha oyọli ghi eni o ri ogba nga obọ, o lẹ ya mie wẹ idumhi emhi ni a kọ shi oni ogba bhale ghi lue. <sup>3</sup> Ama e mu ọli, e gbe ọli, e khu ọli. O pfino abọ efue ya je. <sup>4</sup> O gbo ghie oghumha oyọli ọlese ghi wẹ, E pfi emhi shi ọli ukhomhi, e yeghe ọli-a <sup>5</sup> O gbo ghie ọlese, e gbe onana-a. O ghie elese ni e bu, e gbe eghuo itali, e gbolo eghuo-a.

<sup>6</sup> “O kpọli oghuo le ni ọa ghie ne, ikhi omi ọli ni o lolo nono ingme oyọli. Lọli o kpukhokho ghie. O sa, ọọ, ‘E ya mu ekpe na omi mhe.’

<sup>7</sup> “Ama eni e la oni ogba, e egbewe. ‘Ona o ya le ugu oni ogba ona, a bhale ni awa gbe ọli-a. Egheghe agho ni oni ugu o mele oyawa-a.’ <sup>8</sup> Igho e mu ọli, e gbe ọli-a, e pfi ọli rote oni ogba ya lase.

<sup>9</sup> “Se oni o mhọli oni ogba ona o fe ya li? Eri o bhale ya gbolo eni egbo ni o ri oni ogba nga obọ-a, o rue oni ogba na egboęse. <sup>10</sup> Aa she ze ọli Ebe-no-pfuase khi.

“Eche ni itsona e kie pfi, lọli o ke ya mele egbegbi eche ni o ke mu eloe ne nya-a.

<sup>11</sup> Onomhue o ligho rięle ona, o o ti anye eloe gba”<sup>¶</sup>

<sup>12</sup> Igho egbhali eyi egbo iJu, e nono ode ni e te ya mu iJesu, itobo khi e lese khi wewe o ri oni okhe irokhokho ona nu ngme. Ama e na ulishi oyi ebubu egbo ni e la agho, e ze ọli obọ, e vu.

### Ingme ize oga na iSiza

(iMat 22.15-22; iLuk 20.20-26)

<sup>13</sup> Igho e tigbe ya nyene egbe ya ghie iFarisi eghuo ali eniye odukhokho eyi Erodu ghi iJesu, ni e me asha rote emini

o ya ngme ri ingme de ọli. <sup>14</sup> Igho e bhale deba iJesu, e ọli, “Osese, anye lese khi u ma ngme igesikia, khi emiemini egbo e ngme ali emiemini ogbo o khi ọa ya mu e eloe, ama ode oyi Eshinegba wa sese ni o te ode igesikia. Mhie i, o famhi ti abi khi ọa ti elemhi ushi, ni a ro ze oga na oghie iSiza? <sup>15</sup> Anye ke ze, abi anye khi ze?”

Ama iJesu o she me ikpamhika oyewe. O o wẹ, “Elo o ze ni a ro nono ni a di mhe mu? A rue ukpamhi anini bhale ghue ni mhi bino.” <sup>16</sup> E rue oghuo bhale ghi ọli, o o wẹ, “Alo ali eva eyi oghuo na ni a mu shi o ena?” E ọli, “Eyi iSiza lo.”

<sup>17</sup> IJesu o o wẹ, “A ri emini o khi oyi iSiza na iSiza, a ri emini o khi oyi Eshinegba na Eshinegba.”

Igho ingme oyi iJesu o sha wẹ abọ.

### Ingme iteghuli-guale

(iMat 22.23-33; iLuk 20.27-40)

<sup>18</sup> Igho egbo ena otu na lui iSadusi ni e sese khi iteghuli-guale ọa ya la ikpukhokho agbo, e bhale deba iJesu ya mhila li ogbo. <sup>19</sup> E ọli, “Osese, iMosisi o keke ọli shi ebe ushi na awa khi, ‘Ini omose o ghu-a pfi ughue ọli shi agbo, ni ọa ro bia omọ na li, inyoghuo oni omose o mema rue oni osamhi-olimhi ughue ni o bia eniye na oni okpotso na inyoghuo ọli ni o ghu-a ogho’<sup>\*\*</sup> <sup>20</sup> Egheghe oghuo o ya la o, a me emose oshilua ni e khi inyoghuo. Oni ogbhali o rue okpotso. Oni omose ya ghua, ọa bia omọ na oni okpotso. <sup>21</sup> Inyoghuo ọli ni o o deba li o ke rue oni okpotso, o gbo ghua, ọa bia omọ. Igho o gbo li inyoghuo ọli onuzase. <sup>22</sup> Igho o gbo li khi eni inyoghuo oni omose ni e kpole nya. Eni inyoghuo oshilua nya e ga rue oni okpotso ughue ni

<sup>‡</sup>12:1 Li ze Aza 5.1-2

<sup>¶</sup>12:11 Li ze Iwolo 118.22-23

<sup>§</sup>12:18 Li ze Ika 23.8

<sup>\*\*</sup>12:19 Li ze iDeut 25.5

ea bia omọ okhoghwo na li. Ikpukhokho ọ, oni okpotso ọ li ghua. <sup>23</sup> Ini ogbele iguale o ramhi, ni eni e ghu-a nya e ro guale, oghuo ọ famhi ya khi ughue oni okpotso? Aborokhia khi wewe oshilua nya e ga rue ọli ughue egho.”

<sup>24</sup> IJesu ọ so we ọ, Ọ́, “Wa a me khi eri a da ode khi aa lese emhikhoghwo elemhi Ebe-no-pfuase, wekhi eri a lese emhikhoghwo elemhi ekpabo oyi Eshinegba. <sup>25</sup> Ini eni e ghu-a e guale, ea ke ke rue ughue wekhi eri a ke re we ke ye ughue. Eri e ke li abi igeni ena iloghie. <sup>26</sup> Ama ingme iguale oyi eni e ghua, aa she kpe ze ọli ebe ni iMosisi ọ keke ni ọ ngme ingme ebuli ni oo to shi? Abi Eshinegba ọ gueye iMosisi khi, ‘Mhemhe mhi khi Eshinegba oyi Abu-raamu ali Eshinegba oyi Aziki, ali Eshinegba oyi iGiekopu.’<sup>††</sup> <sup>27</sup> Eshinegba oyi eni e la agbo ọ khi, ọa khi oyi eni e ghua. Eri a ga da ode pfo nya.” Emini a ri ona ngme khi, egbo eni ghu-a eghuo e kie mhọli agbo.

### Ushi ni o fune nya

(iMat 22.34-40; iLuk 10.25-28)

<sup>28</sup> Otuoghwo eni e sese ishi, ọ la agho suo abi e ro khako, ọ me khi iJesu ọ ga guere so egbo iSadusi ogbo ni e mhila li, ọ mhila li, “Elemhi ishi nya, onoghwo o ga fune nya?”

<sup>29</sup> IJesu ọ so li ọ, Ọ́, “Oni o mu eloe ne nya na, ‘Ku eso-a ye ye iZireni, Onomhue Eshinegba oyawa, lolighuo kpe ọ khi Onomhue. <sup>30</sup> Nono ingme oyi Eshinegba Onomhue oye, ri udu oye nya ali agbo

oye nya, ghe isamhi ali ekpabo eye nya nono ingme oyi Eshinegba.’<sup>‡‡</sup> <sup>31</sup> Onuzi-eva ni o gbo lolo mu eloe khi, ‘Nono ingme oyi onuzava oye abi u li nono ingme egbe e.’ Ushi olese okhoghwo ọa ke la ọ ni o gbo mu eloe dose ena.’<sup>¶¶</sup>

<sup>32</sup> Oni omose Ọ́, “U ga guere ngme, Osese. Igesikia u ngme ni u we khi Eshinegba oghuo ọ khi, ali khi olese ọa ke la ọ, se ni lolighuo.<sup>§§</sup> <sup>33</sup> Ali khi awa ri udu oyi awa nya, ali isamhi eyi awa ali ekpabo eyi awa nono ingme oyi Eshinegba. Ali awa nono ingme oyi onuzava oyawa abi awa li nono ingme egbe awa. Ni awa ro ri ishi eva ena gbe akanya, o ghole Eshinegba dose ni awa ya ri iluasobo ali isomhopfa ododa bhale ghi ọli.”\*

<sup>34</sup> Abi iJesu ọ ro me ilasingme ni ọ ro so lue ọ, iJesu ọ ọ li, “Wa a ga nuata shi Eghiele oyi Eshinegba.”

Roete agho vu ogbo okhoghwo ọa ke gbolo mhila li ogbo okhoghwo.<sup>†</sup>

### Omi oni Omiepfuese ọ khi

(iMat 22.41-46; iLuk 20.41-44)

<sup>35</sup> Abi iJesu ọ ro la elemhi apfe ni o la Owa oyi Eshinegba sese egbo, ọ mhila we ogbo. Ọ́, Elo o ze ni esese Ishi eyi iMosisi e ro lie khi omi iDefidi Omiepfuese ọ khi? <sup>36</sup> Abi Ayemhe-no-pfuase o ro kpha iDefidi so, ọ ro roete unu oyoli lie.

“Eshinegba Ọ́, Onomhue oyemhe.

Shito mama mhe

ramhi eghenge

ni mhi ro ya ri ebe e

shi e ufui ekoawe.”<sup>‡‡</sup>

<sup>††</sup>12:26 Li ze Okiali 3.6

<sup>‡‡</sup>12:30 Li ze iDeut 6.4-5

<sup>¶¶</sup>12:31 Li ze iLev 19.18

<sup>§§</sup>12:32 Li ze iDeut 4.35

\*12:33 Li ze Osa 6.6

<sup>†</sup>12:34 Li ze iLuk 10.25-28

<sup>‡</sup>12:36 Li ze Iwolo 110.1

<sup>37</sup>Ini iDefidi o rōte unu oyi lōlighuo lu ọli Ọnọmhuẹ, sẹ ọni Ọnọmhuẹ oyo ọli o ke gbo liẹ khi omi ọli?

Ebubu ẹgbọ e ku esọ a shi ekẹ shi emini o ngme, ni o ri egbe mu wẹ.

**IJesu o tse agua ye eniye odukhokho eyoli shi esese Ishi eyi iMosisi egbe**

(iMat 23.1-36; iLuk 20.45-47)

<sup>38</sup>IJesu o sese wẹ, Ọ́ọ́ wẹ, “A mu egbe e shi esese Ishi eyi iMosisi egbe. Itsua na dọlọdọlọ e ma ghọle wẹ e isọ ke kia ifui oki, ni ẹgbọ e ke tse wẹ otse ekpe. <sup>39</sup>E ma nono ni wewe e shito ukpekhomhi ni o mu eloe elemhi owa ugamhi oyi awa ali ashini o mu eloe elemhi ilegba, ni a la le, ni a la da. <sup>40</sup>Itoto e ro li esamhi-olimhi e le. Iromhi ni e nue, eyi abamemhe, e so. Eshinegba, o ya na wẹ osoli oniemi to o.”

**Irona ni osamhi-olimhi o ro na Eshinegba**

(iLuk 21.1-4)

<sup>41</sup>Abi iJesu o ro shito ti mama oni akpati ni a pfi ukpaghọlo irona a lo elemhi Owa oyi Eshinegba, oo bino ẹgbọ abi e li pfi ikpaghọ lo o. Ẹgbọ ni e pfue ebubu e pfi ikpokpomhi ikpaghọ lo. <sup>42</sup>Igho osamhi-olimhi ni o mhue emhikhoghuo, o li ya pfi anini eva lo.

<sup>43</sup>Igho iJesu o lu eniye odukhokho eyoli, Ọ́ọ́ wẹ, “Igesikia mhi gue e ye e, khi oni osamhi-olimhi ni o mhọli emhikhoghuo ona, lolli o ri irona ni o fune nya bhale dose ẹgbọ enekpole nya <sup>44</sup>Itobo khi eri eni e pfue e rōte epfue ni e mhue mu epfi ro riẹle irona. Ama oni osamhi-olimhi ona, rōte elemhi umhame oyoli, o kie rue emini o mhọli nya ni o kha ro ke le, riẹle irona.”

**IJesu o guele emini a ya ke me ikpukhokho agbo**

(iMat 24.1-2; iLuk 21.5-6)

**13**Abi iJesu o rōte elemhi Owa oyi Eshinegba fiẹ lasele tee, omo odukhokho oyoli oghuo, Ọ́ọ́ li, “Bino ghue, Osese! Ghe abi ukpokpomhi owa ona ali echẹ ni a ro ma li e li somhi otse khe!”

<sup>2</sup>IJesu o so li o, Ọ́ọ́, “Wa me ukpokpomhi owa ona. Egheghe o ya bhale ni echeli okhoghuo o ke ro ya migha ukhomhi okhoghuo. Wewe nya e ya de kua.”

**Ozughu ali Imu-okholi vule**

(iMat 24.3-14; iLuk 21.7-19)

<sup>3</sup>Abi iJesu o li shito ukhomhi Ute eera Olivu, ni o so alo ghue oni Owa oyi Eshinegba, iPita ali iJemhisi ali iJoni ali Aduru e bena bhale ya mhila li, <sup>4</sup>E ọli, “Gueye anye, egheghe ni a ro ya ke me eni ingme enana. Elo a ya ke me ni a ro ya lese khi oni egheghe ni eni emhi ena e ro ya tse khi o she ramhi?” <sup>5</sup>Igho iJesu oo wẹ, “A kuebge-a ke tokpe, ini ogbokhoghuo o khi di e. <sup>6</sup>Ebubu ẹgbọ e ya ri eva oyemhe bhale deba e, e liẹ khi, ‘Mhemhe mhi khi lolli,’ ee di ebubu ẹgbọ. <sup>7</sup>Ini a suo khi a kholi, o ke khi eri a suo eko ingme okholi obini odonue, a khi ze ni o nighise e udu. Emhi eghogho e mema bhale ya tse, ama ukpese agbo o kie ramhi. <sup>8</sup>Ishishi ali ishishi e ya mu okholi vule shi egbe o, eghiele ali eghiele e ya li mu okholi vule shi egbe wẹ o. Ekẹ o ya la asha kpa ke nighise, ee kulue. Okiamhi oniemi o o pfi. Igbaekele osoli na abi oo li okpotso ni oku o lese bele e to egbe.

<sup>9</sup>“A ri ukpelo shi ekẹ lolo ke tokpe. A ya mu e je owa ni a la gue ezọ. A la elemhi Owa ugamhi gbe e. A ya ri itobo oyemhe mu e bhale odalo oyi enighie ali eni e mhesẹ ni a ro gue usomhi onete

oyi Eshinegba ye we. <sup>10</sup> Ama neni ukpeşe agbo o ya ramhi, a mema she ya tse abo oni usomhi onete oyi Eshinegba ye egbo na ishishi nya. <sup>11</sup> Ini a da mu e bhale khi a re ę gue ezo, khi ze ni udu o nase ę shi emini u ya ngme. Ama lese ngme emiem- ini Eshinegba o ya ro ne oni egheghe agho, itobo khi ọa khi yeye wa ngme, ama Ayemhe-no-pfuase.<sup>†</sup>

<sup>12</sup> “Egbo e ya ri inyoghuo we bhale na gbolo-a, ita e li ri imi we li bhale ni a li gbolo-a. Egheghe agho, eniye e ya ke so alo okholi ghue eni e bia we o, e gbolo we-a. <sup>13</sup> Egbo nya e ya ri itobo oyemhe ke biselemhi e, ama oni o ri egbe mie ya ramhi ukpeşe, a ya mie pfuase.<sup>§</sup>

### Emhi obe ni ọọ vese egbo kua

(iMat 24.15-28; iLuk 21.20-24)

<sup>14</sup> “Ama, a kha da me emini e pfi oyese, ashini aa kha me oli, ikhi oni o vese egbo kua, egheghe agho oni o ze ebe o lese abi a ri emini o ze ngme. Eni e la eke iJudia e na nga ikhomhi ite. <sup>\*\*</sup> <sup>15</sup> Oni o la ukhomhi owa ne o khi tiemhile elemhi owa ya rue emhikhoghuo. <sup>16</sup> Oni o la ifui ishemhi o khi na bhale apfe ya rue awulu oyoli.<sup>††</sup> <sup>17</sup> O ma ze mu ikpotso ni e me ali eni e mholi eniye ni e nye enyeli shi egbe egheghe agho. <sup>18</sup> Lema Eshinegba o khi bie ze ni o de shi egheghe ni ulili oniemi o la gbe egbo elemhi ukpe. <sup>19</sup> Itobo khi onana o ya khi osoli ni o kholo ne nya rote egheghe ni Eshinegba o te ma agbo. Ogbō a ke gbo

ya me osoli uza onana ghue eke agbo.<sup>‡‡</sup> <sup>20</sup> Ini Eshinegba ọa li rote ogbele osoli ni a ngme ena khi-a, ogbokhoghuo ọa ya dobe ji ukhomhi o le. Ama irari oyi egbo eyoli ni o ze oda ke, o ro rote eni ogbele osoli ena khi-a. <sup>21</sup> Egheghe agho ini ogbokhoghuo o gueye, ‘Ghekhe, ghe Omiepfuese!’ Okekha khi eri o ye, ‘Ghe oli oobo khe!’ Khi mie oli suo. <sup>22</sup> Itobo khi iromhi emiepfuese ali emekeguele e ya lasela. E ya ke riele olele ali ikanya onyaloa ododa ro ke di egbo. Ni o khia khi ini ọa gue kia, e ga li ya di egbegbi eni Eshinegba o ze oda ke. <sup>23</sup> Irarigho, a ga lolo kuegbe-a ke to eloe eke. Mhi she gue emhi nya ye e shi eke se neni oni egheghe o ya ramhi.

### Inyenegbe bhale oyi Omi Ogbō

(iMat 24.29-31; iLuk 21.25-28)

<sup>24</sup> “Ini egheghe osoli ona o ga dose se nya,

“Ovo o ya bishi alo-a, uki ọa ke dobe ge,<sup>¶¶</sup>

<sup>25</sup> Ikpetata e deno ukhuli kule,

ukhuli ali ekpabo ni e la irarogbe e mhesa e ya ke nighise.<sup>§§</sup>

<sup>26</sup> “Egheghe agho, egbo nya e ya me khi Omi Ogbō o kia elemhi otughunu e bhale, elemhi ekpabo ali ufumhi ni o ge nyanyanya.\* <sup>27</sup> Egheghe agho, o ya ghie igeni eyoli e te asha kpa, ikhi ukpeşe agbo nya, ti egbo eyoli ni o ze oda ke gbili.

<sup>¶</sup>13:11 Li ze iMat 10.17-20; iLuk 12.11-12

<sup>§</sup>13:13 Li ze iMat 10.22

<sup>\*\*</sup>13:14 Li ze iDan 9.27; 11.31; 12.11

<sup>††</sup>13:16 Li ze iLuk 17.31

<sup>‡‡</sup>13:19 Li ze iDan 12.1; Iro 7.14

<sup>¶¶</sup>13:24 Li ze Aza 13.10; Ezik 32.7; iJoę 2.10,31; 3.15; Iro 6.12

<sup>§§</sup>13:25 Li ze Aza 34.4; iJoę 2.10; Iro 6.13

\*13:26 Li ze iDan 7.13; Iro 1.7



**Oseşę oyi oni ọọra ọkhua-eni***(iMat 24.32-35; iLuk 21.29-33)*

<sup>28</sup>“Bino abi ọkhua-eni o li ẹ te. O kha da kpẹşę ukhuli, ni o rọ ke ta ebe ne, leşę khi okasę o keleş ya le. <sup>29</sup>A kha da gbo li ligho mę khi eni emhi ena khi a da mę we ne, leşę khi ẹgheghe o she ramhi. <sup>30</sup>Abi o li mhi li gue ọli ẹ ye ẹ khi, ẹgbo eghuo ni e la agbo memena ẹa ya ghu ne, ni eni emhi ena nya e rọ bhale ya tse. <sup>31</sup>Eke ali ukhuli e ya doşę, ama ingmemhi eyemhe ẹa ya tigbe doşę ghue.

**Ogbokhoghuo ọa leşę oni ogbeleş wẹę oni ẹgheghe***(iMat 24.36-44)*

<sup>32</sup>“Ogbokhoghuo ọa leşę oni ogbeleş wẹkhi oni ẹgheghe. Ghe egbegbi igeni ena iloghie ali mhemhe Omi ọli, se ni Itamhe lolighuo. <sup>†</sup> <sup>33</sup>A ri ukpeloe shi eke ke tokpe, itobo khi waa leşę ẹgheghe ni o la ya bhale. <sup>34</sup>Eri ona o li abi omose ni o vu asha obini odonue, ni o ri ighumha eyoli shi apfe e ri ukpeloe khu shi na lue. O gueye ogbogbo akanya ni o ya gbe. O gueye oni o khe ekhe o ke khe ekhe apfe. <sup>‡</sup>

<sup>35</sup>“Irarigho, ke khe ekhe, itobo khi waa leşę ẹgheghe ni oga o rọ ya jele. Ini elogbomhi lo o, okekhi itsotso ogbie lo o, okekhi ẹgheghe obili-atso lo o, abi khi ogbie-fiefie lo. <sup>36</sup>Ini o bhale guo, khi ze ni o bhale ya ẹ khi u wa leşę a. <sup>37</sup>Abi mhi li gue ọli ye ẹ ena mhi li gbo gueye ogbokpa. ‘A ke khe ekhe!’”

**Ugbamhi ni a gba khe iJesu***(iMat 26.1-5; iLuk 22.1-2; iJon 11.45-53)*

**14** O ke kpe ogbeleş eva le ni a rọ ya li ukpe iPasova ali ukpe ni a la le ibuleđi ni aa ri ifuma shi nye, ighie eyi ekpodalo-ugamhi ali esesę Ishi eyi iMosisi, ee nono ode ni e te ya bęna mu iJesu gbe-a. <sup>¶</sup> <sup>2</sup>E egbe, “Awa khi rięleş ọli ini a li imu, onyaghu ọa ya lasele shi o.”

**A la iBetani ku oili shi iJesu egbe***(iMat 26.6-13; iJon 12.1-8)*

<sup>3</sup>Abi iJesu o rọ la ẹoli iBetani, owa oyi iSamọ ni efafe e kpę mu shitọ le eminale, ọkpotoso ọghuo o rue ukoko ituale ni o lolo ghale, ni o pfię lasele. O gbe oni ukoko a, o ku oni ituale shi iJesu ukhomhi. <sup>§</sup> <sup>4</sup>Egbo eghuo ni e la agho, e ri elemhi ibibi lię egbe, “Elo o ze ni a rọ na pfięche oni ituale kua shi afue?” <sup>5</sup>A kha ri ọli de ramhi ifata ukpe ali emhi, a kemhi eni ikpagho na eni ẹa mhuę. E shi oni ọkpotoso unu egbegbo.

<sup>6</sup>Ama iJesu ọọ we, “A ze ọli obo. Elo a yeşę ọli ẹ ngme shi? Egbegbi emini o ti ni o somhi otse o rięleş na mhe. <sup>7</sup>Egheghe kpa eni ẹa mhuę e rọ nu ẹ la ana, ẹgheghe ni o ghole ẹ kpa a kpaghię we obo. Ama aa ya mę mhe ẹgheghe kpa.” <sup>\*\*</sup> <sup>8</sup>Emini o dobe ya rięleş o rięleş egho. Eri o ku ituale ku mhe egbe shi eke khe ẹgheghe iroto oyemhe. <sup>9</sup>Igesikia mhi gue ẹ ye ẹ khi, ashashini a da la tse abo usomhi onete eke agbo ona nya ne, a ya yele emini ọkpotoso ona o rięleş le.”

<sup>†</sup>13:32 Li ze iMat 24.36<sup>‡</sup>13:34 Li ze iLuk 12.36-38<sup>¶</sup>14:1 Li ze Okiali 12.1-27<sup>§</sup>14:3 Li ze iLuk 7.37-38<sup>\*\*</sup>14:7 Li ze iDeut 15.11

**IJudasi o lama khi loli ya ri iJesu de**  
(iMat 26.14-16; iLuk 22.3-6)

<sup>10</sup> Egheghe agho iJudasi Isikaroti, ni o khi otuoghuo eniye odukhokho ogbava, o le deba ighie eyi ekpodalo-ugamhi, ni o ya ri iJesu na we de. <sup>11</sup> Onana ni o gueye we, o ga ghole we. E shobo khi wewe e ya ri ikpagho na li. Igho iJudasi o li nono egheghe ni o ti ni o ro ya me asha ri iJesu na we.

**IJesu o nu eniye odukhokho eyoli le Eminale iPasova**

(iMat 26.17-25; iLuk 22.7-14,21-23; iJon 13.21-30)

<sup>12</sup> Ogbele ni odode ni a li oni ukpe ni a la le ibuledi ni aa ri ifuma shi nye o ramhi, ni o khi ogbele ni a ro gbe ozele Osumha oyi oni iPasova-a, eniye odukhokho eyi iJesu e mhila li “Ashi o ghole e ni anye mu egbe shi eke ne, ni u la le eminale iPasova?”

<sup>13</sup> Igho, o ghie eniye odukhokho etu-ava eyoli, odo we, “A lo ifuapfe, omose ni o tsua ubene amē, o ya lona e ode. A deba li je apfe. <sup>14</sup> A gueye oni o mholi apfe ni o ya lo, khi, ‘Osese oo, anye mhile u ri anye khasē elemhi owa ni loli ali eniye odukhokho eyeluē wewe e la ya le eminale iPasova?’ <sup>15</sup> O ya re e khasē agbala ni emhi nya e gba shi ukhomhi owa atonga, a muno egbe shi akagho na awa.”

<sup>16</sup> Eni eniye odukhokho e vu, e lo ifui apfe, e ya me eni emhi tee abi iJesu o gue oli ye we. Igho e mu egbe oni eminale iPasova.

<sup>17</sup> Ogbomhi o mu eke, iJesu ali eni eniye odukhokho ogbava e bhale. <sup>18</sup> Abi e li shito gasē itebu le eminale, iJesu odo we, “Egbegbi-ingme mhi gue e ye e khi

otuoghuo elemhi e o ya re me de. Oni o nu me le emhi memena.”<sup>††</sup>

<sup>19</sup> Udu o yese we-a, otuoghuo-oghuo oo mhila li, “She khi o a khi mhemhe o khi?”

<sup>20</sup> O so we o, odo we, “Otuoghuo elemhi ee ogbava o ya khi, oni o ga ri ibuledi nu me e somhi elemhi utasa memena.

<sup>21</sup> Eri Omi Ogbō o ya ghu-a abi a li keke oli shi eke na li. Eri-tse khi, o maa kholo oni o ya roli de egbe! O kha ga ti ne, ini ogbō o a bie bia li lo!”

**Eminale oyi Onomhue**

(iMat 26.26-30; iLuk 22.14-20; 1 iKori 11.23-25)

<sup>22</sup> Abi e li le eminale eghe, iJesu o rue ibuledi, o kphemhi, o khi oli a, o ro na eniye odukhokho eyoli, odo, “A mo le; Idiegbe oyemhe na.”

<sup>23</sup> Igho o gbo so onyo shi uko, o kphemhi, o roli na we, wewe nya e ga te o da.

<sup>24</sup> IJesu odo we, “Olia eyemhe na ni e migha shi ishiobo onogbo, ni a ku kua na ebubu egbo.”<sup>‡‡</sup> <sup>25</sup> Mhi gue igesikia ye e khi mhi aa ke gbo ya rote onyo upfonu ona da, se ni obini Eghiele oyi Eshinegba, ni mhi la da onyo onogbo.”

<sup>26</sup> Abi e ro to uwolo se, e fie lasele, e je Ute Eera olivu.

**IJesu o guele shi eke khi iPita o ya kie lue**

(iMat 26.31-35; iLuk 22.31-34; iJon 13.36-38)

<sup>27</sup> IJesu odo we, “Ee nya, a ya na kua, a ze mhemhe-ghuo obo, irari khi a she keke oli shi Ebe-no-pfuase khi.

“Mhi ya ri emhi li orisumhaka, isumha e ya ve kua.”<sup>¶¶</sup>

<sup>††</sup>14:18 Li ze Iwolo 41.9

<sup>‡‡</sup>14:24 Li ze Okiali 24.8; iJere 31.31-34

<sup>¶¶</sup>14:27 Li ze iZaka 13.7

<sup>28</sup>“Ama ini a guise mhe le se, mhi ya ralo khe e iGalili.”<sup>§§</sup>

<sup>29</sup>IPita o o li, “Ini egbo nya e ririę kie e, mhi aa ya kie e.”

<sup>30</sup>IJesu o o iPita, “Mhi gueye khi, neni okpa o o gbieghe iteva amiose, u ya kie mhe itese.” <sup>31</sup>IPita o kie gema o gue gagaga, o lie, “Ini o ri rię khia khi oni mhi la nu e ghu-a lo, mhi aa ya tigbe kie-e.” Enekpole nya e li ngme ghọ.

### IJesu o la iGetisemani so iromhi

(iMat 26.36-46; iLuk 22.39-46)

<sup>32</sup>E je ashini a lu iGetisemani, iJesu o o eniye odukhokho eyoli, “A shito ana ni mhi ya so iromhi bhale.” <sup>33</sup>O rue iPita ali iJon ali iJemhisi ma egbe vu. Iyesudu-a ali anasemhe e bhale na li. <sup>34</sup>O we, “Oya ni o la mhe udu memena o gba a. O ga nono ni lue gbe mhe. A migha akana khe mhe, a ke tokpe.”

<sup>35</sup>O ti je odalo denę, o de ya yeshi eke, o o so iromhi ini o ya ze rięle ni oni egheghe ona o dose lue. <sup>36</sup>O o, “Itamhe, Itamhe, emhikpa o ze e rięle. Rue mhe oni uko osoli ona odalo le. Eri-tse khi, o a khi abi o ghole mhe, seę ni abi o li ghole e.”

<sup>37</sup>Abi o nyene egbe bhale, o me khi eni eniye odukhokho e lese-a. O o iPita, “ISamo, eri u lese-a? Aa dobe nu mhe tokpe ukuku egheghe tse? <sup>38</sup>Ri ukpeloe shi eke gboo ke so iromhi ini u khi de ini u mholi imufe. Ayemhe oye o mu egbe ni o ro rięle, eri-tse khi, idiegbe oye o a dobe.”

<sup>39</sup>Igho o gbo vu ya so iromhi enabi o kpe so. <sup>40</sup>Abi o ro nyene egbe bhale, o gbo bhale ya e we khi e lese-a, irari khi olese o la we alo, ea lese abi e ke ya ngme oli.

<sup>41</sup>Abi o ro nyene egbe bhale utonuzese, o o we, “Olese a kie la, ni a yemhe-a? Olese ogho o she bu e! Oni egheghe o she ramhi. A bino khe khi, a ri Omi Ogbo na ena olamhe de. <sup>42</sup>A vule ni awa vu! Oni o remhe de o o bhale ena!”

### A mu iJesu

(iMat 26.47-56; iLuk 22.47-53; iJon 18.3-12)

<sup>43</sup>Abi o li ngme, iJudasi, ni o khi otuoghwo elemhi eni eniye odukhokho ogbava o bhale. Egbo ni e tsua itsua okholi ali itakobi ali ikpokpo, ni ighie eyi ekpodalo-ugamhi, ali esese Ishi eyi iMosisi ali egbhali e ghie, e nu oli bhale.

<sup>44</sup>Oni o roli de o she kpe gueye eni e nu oli kia, o o we, “Oni mhi da pfipfi ekphamhi ne, loli o khi oni a nono. A mu oli, a khe oli ekhe rue vu.” <sup>45</sup>Abi e ro lese lole, iJudasi o le deba iJesu, o o, “Osese.” O pfipfi oli ekphamhi. <sup>46</sup>Eni emose e mu iJesu. <sup>47</sup>Igho otuoghwo eni e migha epfe-aghọ o ji itakobi oyoli emhi lasale, o be oghumha oyi Oga oyi ekpodalo ugamhi eso-a.

<sup>48</sup>IJesu o o we, “Okholi mhi tsua, ni a ro lina tsua itsua okholi ali itakobi ali ikpokpo bhale ya mu mhe? <sup>49</sup>Ogbelę kpa mhi ro nu e la, mhi la Owa oyi Esh-inegba e sese. Aa mu mhe. Eri a me emhi ena ni emini a keke shi Ebe-no-pfuase o bhale ya tse.” <sup>50</sup>Igho eniye odukhokho eyoli nya ni e deba li e ve kua, o kpe loughwo le.

<sup>51</sup>Ozeo oghwo ni o so awulu ona yeyeye, o o deba iJesu. Abi e ro to obo so li, khi wewe e ya mu oli, <sup>52</sup>o nyanọ awulu-a muwe we abo, o ri irumheba na vu.

§§14:28 Li ze iMat 28.16

\*14:49 Li ze iLuk 19.47; 21.37

### Otu iSaədiri e ri iJesu gue ẹ̀ṣo

(iMat 26.57-68; iLuk 22.54-55,63-71;  
iJṣn 18.13-14,19-24)

<sup>53</sup> E mu iJesu bhale owa oyi Oga oyi ekpodalo ugamhi, ighie eyi ekpodalo-ugamhi nya, ali egbhali ali ekekebe ali esesẹ Ishi eyi iMosisi nya e le gba. <sup>54</sup> IPita ọ tapfia deba li ukhu-khokho, ya ramhi elemhi apfe oyi Oga oyi ekpodalo ugamhi. Ọ nu eni ẹ khẹ ekhẹ shitọ khase erali.

<sup>55</sup> Eni ighie eyi ekpodalo-ugamhi ali oni igbaa oyi iSaədiri nya, e nono emhi ushi ni e ya mu mhọli iJesu obo, ni e ba me asha gbe ọli-a. E a me emhikhoghuo. <sup>56</sup> Ebubu egbo e pfi otsẹle eyi egbhọli mu ọli, eni otsẹle nya, ẹa de shi oghuo.

<sup>57</sup> Ikpukhokho, egbo eghuo e vule pfi otsẹle egbhọli ona mu iJesu. Eẹ, <sup>58</sup> “Anye suọ khi ọọ liẹ khi, ‘Mhi ya guoghọ Owa oyi Eshinegba onana ni egbo e ri abọ ma-a, ẹle-ese mhi tọ olese ni egbo ẹa ri abọ ma.’”† <sup>59</sup> Abi e riẹ kie ngme ona, otsẹle eyewe ẹa kie de shi oghuo.

<sup>60</sup> Igho Oga oyi ekpodalo ugamhi ọ vule migha odalo oyewe nya, ọ mhila iJesu. “Waa bie ya sọ we ọ? Ezo elọ na ni egbo ena ẹẹ gue shi ẹ egbe?” <sup>61</sup> Ama iJesu ọ tsaghiẹ a, ọa sọ we ọ. Oga oyi ekpodalo ugamhi, ọ gbo mhila li, “Yeye u khi Omiepfuese, Omi Eshinegba ọna Kueghie?”

<sup>62</sup> IJesu ọọ li, “Loli mhi khi. Eẹ nya a ya me khi Omi Ogbo ọ shitọ obita oyi Eshinegba ni ọ fune, ali khi ọ la otughunu rote irarogbe ẹ tiemhie.”‡

<sup>63</sup> Oga oyi ekpodalo ugamhi ọ nyanọ itsua shi egbọli uruli abi ọ li yila. Ọọ, “Awa ke gbo nono otsẹle olese. <sup>64</sup> Eẹ nya

a she suọ abi ọ pfi unu-a deba Eshinegba. Se a sọ shi ọ?”

Wewe nya e pfa ẹzo mu ọli khi oni a gbe-a ọ khi.¶ <sup>65</sup> Egbo eghuo ọ, e tono ete ku ọli. E ri emhi genọ ọli alo. E pfi ọli emhi, ẹ ọli, “Me eke guele, gueye anye oni ọ pfi ẹ emhi?” Eni ẹ khẹ ekhẹ e mu ọli, e lase ọli eso.

### IPita ọ khi loli ẹa lese iJesu

(iMat 26.69-75; iLuk 22.56-62;  
iJṣn 18.15-18,25-27)

<sup>66</sup> Abi iPita ọ kie shitọ elemhi apfe egho, omueshi oghuo ni ọ khi oni ọọ ga oyi Oga oyi ekpodalo ugamhi ọ bhale. <sup>67</sup> Ọ me iPita abi ọ rokhasẹ erali, ọ toli okpe tsuke.

Ọọ li, “Yeye u li nu iJesu na iNazareti i kia.”

<sup>68</sup> Ama iPita ọ tia. Ọọ, “Mhi a lese emini wa ngme.” Ọ lase agho le je ode ni a te ẹ lo elemhi apfe. [Igho okpa ọ gbieghe.]

<sup>69</sup> Abi oni omueshi ni ọ ga ogbo ogho ọ ro gbo me iPita agho, ọ gbo riẹle eni ingmemhi ngme khase eni e migha epfe agho. Ọọ, “Otuoghuo elemhi we, oni omose ọna ọ khi.” <sup>70</sup> IPita ọ gbo tia.

Oo li deṣe, eni e migha epfe agho e ke iPita, “Igesikia lo khi otuoghuo elemhi we u khi, irari khi onge iGalili u khi.”

<sup>71</sup> Igho ọ li se egbọli isheli, ọ romhi eni isheli. Ọ liẹ, “Mhi aa ga lese omose ọna ni a ngme ena.”

<sup>72</sup> Utoghokpe, okpa ọ gbieghe utonuzi-eva. IPita ọ sato emini iJesu ọ gueye ọli khi, “Neni okpa ọ ya gbieghe utonuzi-eva, u ya kie mhe itese.” Igho ọ gbe akhe evie a.

†14:58 Li ze iJṣn 2.19

‡14:62 Li ze iDan 7.13

¶14:64 Li ze iLev 24.16

### A rue iJesu bhale odalo oyi iPaleti

(iMat 27.1-2,11-14; iLuk  
23.1-5; iJon 18.28-38)

**15** Eluzogbe fiefie, ighie eyi ekpodalo-ugamhi, ali egbhali ali esese Ishi eyi iMosisi ali igbaa eyi iSaediri nya, e ye ugbamhi. E ge iJesu rue vu ghi iPaleti.

<sup>2</sup>Oni iPaleti o mhila iJesu ogbo, oo li, “Oghie oyi egbo iJu u khi?”

IJesu o, “Eee! Igho lo abi u ngme o.”

<sup>3</sup>Eni ighie eyi ekpodalo-ugamhi eyi Eshinegba e ga gue ezo emhi ebubu shi iJesu egbe. <sup>4</sup>Igho iPaleti o gbo mhila li ogbo, o, “Wa ya pfunu, u suo iwali ezo ni e gue e shi e egbe?”

<sup>5</sup>Ama iJesu o a so li o. O ri abo sha iPaleti.

### A pfa ezo mu iJesu a ka gbe o li a

(iMat 27.15-26; iLuk  
23.13-25; iJon 18.39—19.16)

<sup>6</sup>Abi aa li ini o lina ramhi egheghe ukpe iPasova, eri iPaleti o rue ogbo oghuo owa ighumha lasele na we abi o ghole we shi. <sup>7</sup>Egheghe agho omoşe oghuo ni a lu iBarabasi o la owa ighumha, ni o khi oghuo egbo ni a mu. Eri a mu o li shi ugbeli ni o gbe egheghe ni a ro me onyaghu. <sup>8</sup>Abi eni egbo e ro bhale gbii ya mhila iPaleti o riele emini o kie kpe riele na we, <sup>9</sup>iPaleti o mhila we, o, “A nono ni mhi rue oghie iJu abo a na e?” <sup>10</sup>O ga lese gboo khi itobo ibisalemhi, ighie eyi ekpodalo-ugamhi e ro mu iJesu ghi lue. <sup>11</sup>Ama ighie eyi ekpodalo-ugamhi e sese egbo e gueye iPaleti o ri ochogho woloo iBarabasi obo a na ewe.

<sup>12</sup>iPaleti o mhila we, o, “Elo mhi ke li oni a lu oghie iJu sho?”

<sup>13</sup>E tseşe leghe, “A ta li ma oara apfida.”

<sup>14</sup>iPaleti o mhila we, o, “Elo o ze, umha-guekia onoghuo o riele?” Ama eena e tseşe ne, “A ta li ma oara apfida!”

<sup>15</sup>Ni o ro riele emini oo ghole eni egbo, o woloo iBarabasi abo-a na we. O o e gbe iJesu ite, o rue o li na we e ka ta li ma oara apfida.

### Ekholi-okhue e ri iJesu li egia

(iMat 27.27-31; iJon 19.2-3)

<sup>16</sup>Eni ekholi-okhue e rue iJesu lo emhi apfe agbala oyi igovuno. E lu ekholi-okhue apfewe eni e kpole. <sup>17</sup>E ri awulu ichi ni o khi egholi ibulu, so li, e ri igba do arula rughu o li ukhomhi. <sup>18</sup>E lie o li, “A da abo na oghie oyi egbo iJu!” <sup>19</sup>E pfino o li ukpokpo ukhomhi iti ingmi-ingme, e tono ete ku o li. E de ya wugha li odalo, e nyese ukhomhi na li. <sup>20</sup>Abi e ro ligho ri iJesu li egia se nya, e gueghie o li oni awulu ichi ni o khi egholi ibulu ogho, e nyene egbe ri itsua eyoli so li. Igho e rue o li vu ya tama oara apfida.

### A ta iJesu ma apfida

(iMat 27.32-44; iLuk  
23.26-43; iJon 19.17-27)

<sup>21</sup>Abi e ro le, e ya e omoşe oghuo ni a lu iSamon ni o rote ode oyoli dose, ni o rote asha jele. Igho eni ekholi-okhue e ri itoto mu o li o tsua oara apfida oyi iJesu. ISamon oni iZireni o khi, o gbo khi ita Alezada ali iRufosi.<sup>§</sup> <sup>22</sup>E rue iJesu bhale ashini a lu iGogota. [Ugua ukhomhi olimhi a ri iGogota ngme] <sup>23</sup>A ri onyo ni a ku ikhumhi na lui Imari shi na li o ro da, ama o a lama da li. <sup>24</sup>E ta li ma oara apfida. E kemhi itsua ni o so mholi egbe abo. E ti ebe ro kemhi eni ide eyoli, ni e lese oni o ya te ogbogbo.\*\*

§15:21 Li ze iRom 16.13

\*\*15:24 Li ze iwolo 22.18

<sup>25</sup> Egheghe agogo itili eluzogbe a ro ta li ma oara apfida. <sup>26</sup> Emini e keke ro kphase oni oara apfida kpeda na li khi. Oghie Oyi Egbo iJu. <sup>27</sup> E li gbo ta ighiatio etuava ma oara apfida mama li, otuoghuo o la li obo-ita, onokpole o la li obogobo. <sup>28</sup> Ona o ri emini a keke shi Ebe-no-pfuase bhale ya tse, ni o, "A leli oli ma ighiatio."<sup>††</sup> <sup>29</sup> Egbo eni e te epfe agho dose, e pfi itsue manya iJesu, ee nighise ukhomhi, e lie, "Ebaneke! Yeye ni u ya guoghoo Owa oyi Eshinegba-a, u gbo riefe o to ogbele ese."<sup>‡‡</sup> <sup>30</sup> Ro te oara apfida tiemhie sho ya mie egbe e pfuese."

<sup>31</sup> Igho ighie eyi ekpodalo-ugamhi, ali esese Ishi eyi iMosisi e li ri iJesu li egia, e lie egbe we. "O mie egboese pfuese, ama o dobe mie egboli pfuese. <sup>32</sup> A ze ni oni Omiepfuese ona, ikhi oghie iZireni, ni o rote oara apfida tiemhie ni awa me, ni awa mie oli suo." Eni a li ta ma oara apfida mama li, e ga li nu we tsue oli.

### Eghuli oyi iJesu

(iMat 27.45-56; iLuk  
23.44-49; iJon 19.28-30)

<sup>33</sup> Agogo igbeva oguota, obili o bi oni eke a nya. Elemhi iwakati ese oni obili o la ogbe ramhi. <sup>34</sup> Agogo ese o ramhi, iJesu o tsele leghe, o ri unu eoli oyewe lie, "Eloi, Eloi, Lama Sabachi tani?" Emini a ri ona ngme khi, "Eshinegba oyemhe, Eshinegba oyemhe, elo o ze ni u ro tsua mhe pfia."<sup>¶¶</sup>

<sup>35</sup> Abi egbo eghuo ni e migha epfe agho e ro suo khi o ngme na, e ke, "Ri esho shi eke khi o lui Elaja."

<sup>36</sup> Omose oghuo elemhi eni egbo o na ya rue isoso so li onyo ni okhe a, o ge oli shi ukpokpo roli kpe iJesu unu o ro da. Oni omose o ke. "A ze oli obo, ni awa me ini Elaja o ya bhale ya rue oli ukhomhi oara apfida tiemhie."<sup>§§</sup>

<sup>37</sup> IJesu o tsele leghe, o ghua.

<sup>38</sup> Ukpokpomhi ode ugbakpi ni a ro pfa ode-a shi elemhi Owa Oyi Eshinegba, o rote idane kiese-asha eva ya to eke.\*

<sup>39</sup> Abi okholi-okhue oniemhi ni o migha odalo oni oara apfida o ro suo abi iJesu o tsele leghe, ni o ro me abi o li ghua, o, "Egbegbo lo khi, Omi Eshinegba omose ona o khi."

<sup>40</sup> Ipotso eghuo e ta pfia bino, iMeli onge iMagidaleri, ali iMeli inyi iJemhisi oni o kpoke, ni o gbo khi inyi iJosisi ali iSalome. <sup>41</sup> Ipotso ena e mema deba iJesu ni e ri ukpeloe khu oli obini iGalili. Ipotso elese ni e deba iJesu bhale iJerusalemu e li ga migha agho.<sup>†</sup>

### Irototo oyi iJesu

(iMat 27.57-61; iLuk  
23.50-56; iJon 19.38-42)

<sup>42</sup> Ogbomhi o she mu eke elegho ni o khi ele ni a ro mu egbe khe ele iyemhea oyi egbo iJu. <sup>43</sup> IJosefu onge Arimatia, ni o khi oghuo eni e mheshe, ni o khi ogbo ni o li mu eloe. Eri o bie kpe ri eloe shi eke khe Eghiele oyi Eshinegba. O gbe udu le ya gweye iPaleti o rue olimhi oyi iJesu na luwe ya to. <sup>44</sup> O ga sha iPaleti abo khi iJesu o she gbhe gho kele ghua. O lui oni okholi-okhue oniemhi ogho mhila ini iJesu o she gbhe ghua. <sup>45</sup> Abi iPaleti o ro rote unu oyi oni okholi-okhue oniemhi ogho suo khi igho

<sup>††</sup>15:28 Li ze Aza 53.12

<sup>‡‡</sup>15:29 Li ze Iwolo 22.7; 109.25; iMak 14.58; iJon 2.19

<sup>¶¶</sup>15:34 Li ze Iwolo 22.1

<sup>§§</sup>15:36 Li ze Iwolo 69.21

\*15:38 Li ze Okiali 26.31-33

<sup>†</sup>15:41 Li ze iLuk 8.2-3

o khi egbegbo, o tsua olimhi oyi iJesu na iJosefu. <sup>46</sup>Igho iJosefu o de ide, o rue oni olimhi tiemhile oara, o khuli oli, o ri oli to uji ni a to shi eche. O gheghele eche oniemi guese oni uji. <sup>47</sup>IMeli onge iMagidaleni, ali iMeli inyo iJosisi e me ashini a ri oli to.

### **Irote eghuli guale oyi iJesu**

(iMat 28.1-8; iLuk 24.1-12; iJon 20.1-10)

**16** Abi ele iyemhea o ro dose se, iMeli onge iMagidaleni, ali iSalomē, ali iMeli inyi iJemhisi, e de afu ituale ni ee pfiē mhue obo ni wewe e ya khakha li shi idiegbe olimhi oyi iJesu. <sup>2</sup>Ogbie-fiefie ni o khi uka, khi ovo o lese ngale, e je atalimhi ni a roli to. <sup>3</sup>Igho e mhila egbe we, “Oghuo o ya gheghele eche unu oni atalimhi-a na awa?”

<sup>4</sup>Ama abi e ke ro yase alo eke bino, e me khi a she gheghele oni eche ni o gho gbēdi unu oni atalimhi-a a. <sup>5</sup>Abi e ro lo oni uji, e me ozeo ni o so itsua epfopfo na dogo, khi o shito epfe obita. O sha we abo.

<sup>6</sup>Oo we, “Abo e khi sha e.” “iJesu onge iNazareti oni a ta ma oara apfida a nono? O she te eghuli guale. Oa la akana. Ghe ashini a roli to. <sup>7</sup>Ama a ke vu, a ka gueye eniye odukhokho eyoli ali iPita khi, ‘O she ralo iGalili e khe e. A ya bhale ya e oli shi agho abi o kie kpe gueye e.’”<sup>‡</sup>

<sup>8</sup>Eni ikpotso e lasese, e na ya je apfe. Abo e sha we, ulishi oo mu we, ea nu ogbokhoghuo ngme irari khi ulishi o mu we.

[Ebe eni odode eghuo eni a rote keke oni Usomhi Onete ona, ea mholi odada 9-20 oyi ukhomhi 16 ona.]

### **IJesu o ri egboli khase iMeli ongi iMagidaleni**

(iMat 28.9-10; iJon 20.11-18)

<sup>9</sup>Abi iJesu o ro rote eghuli guale ele uka se, o ri egbe oli kpe khase iMeli onge iMagidaleni, oni iJesu o khu ayemhe ebe ishilua rote egbe ya fie. <sup>10</sup>O vu ya gueye apfe iJesu ni ee vie. <sup>11</sup>Abi e ro suo khi iJesu o she guale khi o la agbo ali khi iMeli ongi iMagidaleni o me oli, ea mie shi oli o.

### **IJesu o ri egboli khase eniye odukhokho aava**

(iLuk 24.13-35)

<sup>12</sup>Abi a ro me ona se, iJesu o rote ode ododa ri egboli khase ewe aava abi e li lo elemhi oni eoli. <sup>13</sup>E nyene egbe jele, e gbo gueye eniye odukhokho ni e kpole, ama, ea gbo li mie shi we o.

### **IJesu o ri egboli khase eni eniye odukhokho ogbaghuo**

(iMat 28.16-20; iLuk 24.36-49; iJon 20.19-23; Ika 1.6-8)

<sup>14</sup>Ikpukhokho, iJesu o ri egboli khase eni eniye odukhokho ogbaghuo abi e ro le eminale. O dese we shi umha-mholi irudunga oyewe, ali umha-nono ni e mie shi emini eni e me lue e ngme abi o ro guale se.

<sup>15</sup>Oo we, “A lo elemhi eke agbo nya, a ke gue usomhi onete oyemhe ye ogbokpa.”<sup>¶</sup> <sup>16</sup>Onini o da mie e suo, ni a da batazi ne, o ya mholi imiepfuese, ama oni oa da miesuo, a she pfa ezo mu oli. <sup>17</sup>Olele ona o ya ke deba eni e miesuo, e ya ri eva oyemhe khu ayemhe ebe kua, e ya ngme emue onogbo unu. <sup>18</sup>E ya ri abo eyewe mu enye eke, ini e rie rue ikhumhi ni oo gbe ogbo da, oa ya li we

<sup>‡</sup>16:7 Li ze iMat 26.32; iMak 14.28

<sup>¶</sup>16:15 Li ze Ika 1.8

abikhoghuo. E kha ri abọ nga eni ẹ ghua egbe, e ya toto.”

**A rue iJesu nga obini iloghie**

*(iLuk 24.50-53; Ika 1.9-11)*

<sup>19</sup> Abi iJesu Ọnọmhue ọ rọ nu we ngme se, a rue ọli nga idane iloghie.

Ọ shitọ ukiẹkiẹ obita oyi Ẹshinẹgba.<sup>§</sup>  
<sup>20</sup> Ighọ eniyẹ odukhokho eyi iJesu e li fiẹ ya tse abọ oni usomhi onete gasẹ asha kpa. Ighọ Ọnọmhue ọ rẹ we gbe ikanya, ọ ri ikanya ọnyaloa ni e gbe ri ungmehi oyọli tse.

---

<sup>§</sup>16:19 Li zẹ *Ika 1.9-11*



*Usomhi Onete oyi iJesu iKirisiti ni*

## **ILuku**

### *Ọ keke*

### **Irokhase**

**1** Ebubu egbo e she roshaka keke emini e bhale ya tse nya egheghe oyi anye. <sup>2</sup>Ezeze abi egbo eni e gue ungmemhi oyi Eshinegba le, ni e rote igbaekele ri eloe me we abi e li de, igbo e li gue we ye anye, ni anye ro ligho keke we. <sup>3</sup>Aborokhia khi eni ingme ena, khi rote igbaekele mhi te towe okpe, loli o ro ti mhe eloe, ni mhi kuegbe-a keke abi e li de ghi e, yeye iTiofilosi ni a ri ekpe e na, <sup>4</sup>Ishegho ni u ro ya lese egbegbi ingme ni e la emini a sese e.

### **A guele shi eke khi, a ya bia iJoni**

<sup>5</sup>Okpodalo-ugamhi oyi Eshinegba oghuo ni a lu iZakaraya o ya la o egheghe oyi oghie ni a lu Erodu ni o mhu eke iJudia. Oni iZakaraya o khi otuoghuo igbhogbho ekpodalo-ugamhi eyi Eshinegba ni Abija o li la. A lu ughue oli Enizabeti ni o khi omiomi Eroni.\*\* <sup>6</sup>Oni omose ona ali ughue oli, e khi egbo ni e pfuase shi odalo oyi Eshinegba, ni e ri ishi eyi Eshinegba a gbe akanya. <sup>7</sup>Ea bia om o itobo khi Enizabeti aga o khi. Wewe ava-ava e she womhe.

<sup>8</sup>Eleghuo, khi ugamhi o te iku egbo ekpodalo-ugamhi eyi Eshinegba ni iZakaraya o la, <sup>9</sup>obo o mu iZakaraya khi loli o ya lo Owa oyi Eshinegba ya tose ituale afu era ukhomhi atete. Igbo eni igbhogbho ekpodalo-ugamhi eyi Eshinegba

e kie kpe e li. <sup>10</sup>Abi egheghe ni a ro o tose eni ituale o ro ramhi, eni egbo ni e bhale shi oni ugamhi, e legba atukpapfe, e so iromhi.

<sup>11</sup>Igbo ageni oyi Eshinegba o bhale ya migha ukiekie obo ita oni adido ni a la tose ituale. <sup>12</sup>Abi iZakaraya o ro me oni ageni, o yila, ulishi oo mu oli. <sup>13</sup>Ama oni ageni o o li, "Khi ze ni ulishi o mu e, Eshinegba o she suo iromhi ni u so. Ughue Enizabeti, o ya bia om o ne. IJoni khi eva ni u ya lu oli. <sup>14</sup>Oni om o, o ya ri oghela ali iregbemu ghi e. Ebubu egbo e ya ghela shi ubiamhi oyoli. <sup>15</sup>Irari khi o ya fu shi odalo oyi Eshinegba. O khi tigbe da onyo ni o toto ghue. Rote ele ni a te ya bia li, o te ya mhu e Ayemhenopfuase. <sup>16</sup>Egbo iZireni ebubu o ya mu pfi bhale deba Eshinegba Onomhu e oyewe.†† <sup>17</sup>Onomhu e o ya ghie oli ralo, o mhu e ekpabo ali ayemhe enabi eyi Elaja. O ya mu udu oyi eni e khi ita pfi ni e ke nono ingme oyi imi we. Egbo eni ea kpe e suo eso na Eshinegba, ee suo eso na Eshinegba abi egbegbi egbo ee li. O gbo mu egbo egbe shi eke khe Eshinegba."‡‡

<sup>18</sup>IZakaraya o ro mhila oni ageni, "Se o li ya khuese mhe khi igesikia u ngme? Irari khi mhemhe ali ughumhe anye she womhe."

<sup>19</sup>Oni ageni o o li, eva oyemhe khi iGeluleni. Mhemhe mhia migha odalo oyi Eshinegba. Loli o ghie mhe mhi ka nu e ngme, mhi gue oni usomhi onete ona ye.¶¶ <sup>20</sup>Ama ungmenu u ke ya melea ramhi egheghe ni oni ungmemhi ona o ro bhale ya tse, itobo khi u waa mie emini mhi gueye suo ni o bhale ya tse shi egheghe oyoli.

<sup>21</sup>Egheghe ni a ngme ena, egbo e kie migha olase khe iZakaraya. Abo e sha

\*\*1:5 Li ze 1 Okhe 24.10

††1:16 Li ze iNoba 6.3

‡‡1:17 Li ze iMala 4.5

¶¶1:19 Li ze iDan 8.16; 9.21; iMat 18.10

we, irari khi o she ke tēse oni elemhi Owa oyi Eshinegba doṣe. <sup>22</sup> Abi o ke ro lasele oṣa ke ngme unu. Eni egbo e te odode leṣe khi imeke o me oni elemhi Owa oyi Eshinegba irari khi obo o ke ro nu we ngme.

<sup>23</sup> Abi ogbele ni iZakaraya o ro ya ga oni ugamhi e ro gba, o je apfe. <sup>24</sup> Igho, ughuoli Enizabeta o me. O la ufui owa iki ishe, oṣa ke lasele ni egbo e me. <sup>25</sup> Oni okpotso oo, “Eshinegba o she riele onana na mhe. O mhuṣe isomhelemhi na mhe, O rue mhe omama egbe le ukpeloe oyi egbo.”

### Ageni o guele abi a lie bia iJesu

<sup>26</sup> Uki onuzi-esesa o gba ni Enizabeta o te e me, Eshinegba o ghie ageni ni a lu iGebuleni bhale eoli iNazareti ni o la eke iGalili. <sup>27</sup> Oni ageni o bhale deba omueshi ni oṣa leṣe omose ne ni a lu iMeli ni omose ni a lu iJosefu oo gue. Unuekpe oyi iDefidi iJosefu o khi. <sup>28</sup> Oni ageni o bhale deba iMeli. O tse oli, oo li, “Moo mueshi! Eshinegba o she khivose ne! Eshinegba o nue la!”

<sup>29</sup> Oni otse ona o ri abo sha iMeli irari khi oṣa leṣe emini otse onana o ngme. Egbe eṣa ke sheshe oli. <sup>30</sup> Ama oni ageni oo li, “Khi ke ze ni ulishi o muṣe, irari khi Eshinegba o she mholi isomhelemhi ne.” <sup>31</sup> U ya ke me, u bia omoo omose, iJesu wa lu eva oyoli.\* <sup>32</sup> Ogbō oniemi o ya khi, Omi Eshinegba no Yagha ne Nya a ya ke lu oli. Eshinegba o ya rue ukpekhomhi eghiele oyi itali iDefidi na li. <sup>33</sup> O ya mhuṣe omheshe shi omhuṣe-apfe oyi iGiekopu agboagbo. Eghiele oyoli oṣa ya mhuṣe ukpese.†

<sup>34</sup> IMeli o mhila oni ageni, oo, “Se ingme ni u ngme ena e li bhale ya tse?”

Irari khi mhi aa leṣe omose ghue.” <sup>35</sup> Oni ageni oo li, “Ayemhe-no-pfuase o ya bhale debe, egheghe agho ekpabo eyi Eshinegba no Yagha ne Nya e ya tsua rughue, omoo ni u ya bia, oni o pfuase Omi Eshinegba a ya ke lu oli. <sup>36</sup> Enizabeta inyoghuae ni a kpe e lu aga, o she lie me unemhi, iki esesa o la memena, abi o tseku khia khi o she womhe egho, o ya bia omoo. <sup>37</sup> Irari khi aa me emini Eshinegba oṣa doṣe e riele.”‡

<sup>38</sup> IMeli oo li, “Eshinegba o mhuṣe mhe. O ka a tse na mhe abi u li ngme oli.” Igho oni ageni o li vu.

### IMeli o ya feli Enizabeta

<sup>39</sup> Egheghe ana iMeli o nyanya muno egbe, o je eoli ni e la epfepfe ute ena eke iJudia. <sup>40</sup> O ramhi apfe oyi iZakaraya, o tse Enizabeta. <sup>41</sup> Abi Enizabeta o ro suo otse oyi iMeli, omoo ni o la li elemhi o mu egbe nyene. Ayemhe-no-pfuase o bhale deba li. <sup>42</sup> Enizabeta o khueghie unu a leghe, oo li, “Oni a khivose na u khi elemhi ikpotso. Oni a khivose na omoo ni u ya bia o khi. <sup>43</sup> Oghuo mhi khi, ni inyō Onomhuṣe oyemhe o ko ya feli? <sup>44</sup> Abi mhi ro leṣe suo otse oye, omoo ni o la mhe elemhi o ri oghela mu egbe nyene. <sup>45</sup> Ikhivose o khi na ogbo ni o mie ungmemhi ni Eshinegba o ngme khi o ya roli tse.”

### Uwolo ikueghie ni iMeli o to

<sup>46</sup> IMeli oo, “Mhi ri ayemhe oyemhe kueghie Eshinegba. <sup>47</sup> Mhi rote elemhi ayemhe oyemhe kueghie Eshinegba Omiepfuese oyemhe. <sup>48</sup> Irari khi o yele mhe ni mhia mu eloe le.

§§1:27 Li ze iMat 1.18

\*1:31 Li ze iMat 1.21

†1:33 Li ze 2 iSam 7.12,13,16; Aza 9.7

‡1:37 Li ze Igbae 18.14

Rõte ana vu,  
 ẽgbõ kpa, e ya ke e lu mhẽ,  
 Oni a khi vose na.<sup>¶</sup>  
 49 Ipfuase o khi  
 eva oyi Eshinegba nõ fune,  
 Irari khi ọ riẽle  
 eminiemhi na mhẽ.  
 50 O mhue isomhelemhi  
 na ẽgbõ nya ni ẹ na ulishi oyõli  
 rote agbhotu ya je agbhotu.  
 51 O ri abõ eyõli  
 gbe ikanya onyaloa,  
 ọ vese ẽgbõ ni e mhue itiegbenga  
 elemhi isamhi udu eyewe kua.  
 52 O ti ighie tiemhile eke,<sup>§</sup>  
 ama ọ yase ẽgbõ ni  
 e ti egbewe tiemhie nga idane.  
 53 O ri eminete na ẽgbõ ni  
 okiamhi ọ ọ gbe le.  
 Ama eni e pfue,  
 ọ ku we epfue abõ-a.  
 54 O she ri ishiobõ ni ọ shi  
 na itawa tse.  
 O bhale ya kpaghie ẽgbõ iZireni  
 eni ee ga li obõ.  
 55 Abi ọ li shi ishobõ  
 na agboagbõ na Aburaamu  
 ali imimi õli,<sup>\*\*</sup>  
 ni ọ gbo li nu  
 ititawa ngme õli agboagbõ.<sup>††</sup>  
 56 IMeli ọ nu Enizabeti la iki ese neni  
 ọ je apfe.

### Abi a li bia iJõni Oni ọọ batazi ẽgbõ

57 Eghẽghe o ramhi ni Enizabeti ọ rõ  
 ya bia, ọ ya bia omõ omõse. 58 Idog-  
 bapfe ali ẽgbõ eyõli e suõ abi Eshinegba  
 ọọ somhi elemhi õli. E nu õli ghele.  
 59 Ogbẽle-elele o ramhi ni a rõ ya shele  
 õni omõ a, ee nono ni e lu õli iZakaraya

ni o khi eva oyi ita li.<sup>‡‡</sup> 60 Inyõli ọọ we,  
 “Iye! Eva oyõli khi iJõni.”

61 Eni ẽgbõ ẹ õli, “Ogbõkhõghuo ọa  
 la unuekpe oyẽ ni ọ kpẽ le eva onana  
 ghue.”

62 Ighõ e ri abõ nu ita õni omõ ngme rõ  
 mhila li abi a ya ke lu õni omõ. 63 Oọ we,  
 e rue emini a keke emhi ẹ shi ali ugba na  
 lue. O keke khi, “Eva oyõli khi iJõni.”  
 O ri abõ sha we nya. 64 Utõghuokpe,  
 unu oyõli o khueghie-a, ọọ ngme, ọọ  
 kueghie Eshinegba. 65 Ulishi oo mu idog-  
 bapfe eghõ nya. Oni ungemhi ẽgbõ nya  
 e ke ngme ashã kpa eke iJudia. 66 O ri  
 abõ sha ogbõkpa ni ọ suõ õni ungemhi.  
 Ee mhila, “Omõ nabi se ọna ọ ya khi?”  
 Irari khi obõ oyi Eshinegba o nu õli la.

### Uwolo ikueghie ni iZakaraya ọ to

67 Ayemhe-nõ-pfuase ọ tiemhile shi  
 iZakaraya ita õni omõ ọ. Oọ ngme ung-  
 memhi aguele, ọọ lie,  
 68 “Ikueghie o khi na  
 Eshinegba Onõmhue oyi iZireni,  
 itobõ khi ọ she  
 bhale ya pfa  
 ẽgbõ iZireni eyõli shi eke.  
 69 O rõte unuekpe  
 oyi iDefidi, omõ oyõli,  
 mu adenomõ Omiepfuese  
 vule na anye.  
 70 Abi ọ li rõte  
 unu emekẽguele  
 ni e pfuase eyõli  
 ena elee shobõ,  
 71 khi lõli ya tsumhi awa  
 obõ oyi ebe awa  
 ali eni ẹ biselemhi awa.  
 72 Ali khi lõli ya somhelemhi itita awa,  
 ni sato ishobõ oyõli ni ọ shi na we,

¶1:48 Li zẽ 1 iSam 1.11

§1:52 Li zẽ iJobu 5.11; 12.19

\*\*1:55 Li zẽ Igbae 17.7

††1:55 Li zẽ 1 iSam 2.1-10

‡‡1:59 Li zẽ iLev 12.3

<sup>73</sup> ikhi isheli ni o romhi shi emini o gueye ita awa Aburaamu,

<sup>74</sup> khi lolu ya rue awa obo oyi ebe awa le,

ini awa khi ri ulishi ga lu

<sup>75</sup> elemhi ipfuase ali ingeli enete, agboagbo kpa.

<sup>76</sup> Yeye omimhe,

a ya lu omekeguele oyi

Eshinegba no Yagha ne Nya;<sup>¶¶</sup>

irari khi u ya ralo

ya be ode-a khe Onomhue.

<sup>77</sup> Ni u ro gueye egbo eyoli khi

rote igbe-olamhe-kua na we,

e te ya mholi imiepfuese.

<sup>78</sup> Irari khi Eshinegba oyawa

o mholi ilelemhi,

o ya ze ni ovo

imiepfuese oyoli

o te idane ngale shi awa o.

<sup>79</sup> Ali ni o rote idane ge

nga eni e la alo ebili egbe

ali eni e la okhena eghuli.<sup>§§</sup>

Ni o ri awa te ode opfomhe.”

<sup>80</sup> Igho oni omo o lii fu, o lese ingme.

O la ifui odagbe ifufu ramhi egheghe ni

o ro lasele tse abo ungmemhi oyi Eshinegba ye egbo iZireni.

### Ubiamhi oyi iJesu

(iMat 1.18-25)

**2** Egheghe agho, Oghie Ogositosi iSiza o shi ushi a ka leli egbo ni e la ishishi ni igometi iRomu e mhese shi nya. <sup>2</sup> Ona o ya khi ileli egbo oni odode ni a kpe me egheghe ni iKuirinusi o ro khi igovuno shi eke iSiria. <sup>3</sup> Ogbogbo o je apfe oyoli ya keke eva shi eke.

<sup>4</sup> IJosefu o te eoli iNazareti ona eke iGalili li je iBetilemu ona eke iJudia apfe oyi itali ni a bia oghie ni a lu iDefidi shi, oni iJosefu o khi unuekpe oyi iDe-

fidi. <sup>5</sup> O rue iMeli ni oo gue ughue mhue obo je oobo li ya keke eva shi eke. Oni iMeli o she me. <sup>6</sup> Abi e ro la oobo, oku oo to iMeli. <sup>7</sup> O bia omo omo ni o khi omodioli. O ri ide geno li yeshi ukpeko ni a ri eminale e shi na elamhako le. Ogba ni a so elamhako shi o bia li shi, itobo khi ea me asha kushi ashini egbo e ku a shi.

### Igeni e gueye erisumha-kia khi a bia iJesu

<sup>8</sup> Eni e ri elamhako e kia eghuo, e la oni ukiekie oni eoli ri eloe e khu elamhako eyewe eliyose. <sup>9</sup> Igho ageni oyi Eshinegba o bhale deba we agho, ufumhi oyi Eshinegba o ge nyanyanya gashe we, ulishi o mu we egbegbo. <sup>10</sup> Oni ageni oo we, “A khi ze ni ulishi o mu e, irari khi usomhi onete ni o ri ogheloniemhi ya ghi ogbokpa mhi ro bhale ghi e. <sup>11</sup> Irari khi ogbe ni amo ena, a she bia omiepfuese shi eoli oyi iDefidi na e. iKirisiti Onomhue lo. <sup>12</sup> Emini o ya rokhashe e khi, a ya me khi a ri ide geno omofo shi ukpeko ni a ri eminale e shi na elamhako le.” <sup>13</sup> Udemhija, igeni ebubu e lasele, e bhale ya ku ma oni ageni, ee to uwolo kueghie Eshinegba. E lie, <sup>14</sup> “Ufumhi o khi oyi Eshinegba ni o la obini o yagha ne. Opfomhe o la eke agbo na ni o mhue isomhelemhi na.”

<sup>15</sup> Abi eni igeni e ro pfi eni e ri isumha e kia shi agho nga idane se, e gueye egbewe, “Awa je eke iBetilemu ya ri eloe me onana ni Eshinegba o bhale ya gueye awa.”

<sup>16</sup> Igho e nyanya rote agho vu ya je oobo. E bhale ya e iJosefu ali iMeli ali oni omo khi a roli yeshi ukpeko ni a ri eminale e shi na elamhako le. <sup>17</sup> Abi eni e ri elamhako e kia e ro me oli se, ee gueye egbo kpa emini oni ageni o gueye

<sup>¶¶</sup>1:76 Li ze iMala 3.1

<sup>§§</sup>1:79 Li ze Aza 9.2

we idiegbe oyi oni omo. <sup>18</sup> Egbo nya ni e suo emini eni e ri elamhako e kia egbo e ngme, o ri abo sha we. <sup>19</sup> Ama iMeli o ri ingme enana nya shi udu, o sa o, o to eloe eke. <sup>20</sup> Eni e ri elamhako e kia ee je apfe, e to uwolo kueghie Eshinegba irari ungmehi ni e suo ni e gbo ri eloe me, abi a li gue oli yewe te, igho e li ri eloe me oli.

### A lu IJesu eva

<sup>21</sup> Ele eleli o ramhi ni a ro ya shele oli a, a lu oli eva iJesu, ni o khi eva ni ageni oyi Eshinegba o lu oli neni a me umemhi oyoli.\*

### A ri IJesu lo Owa ugamhi

<sup>22</sup> Abi egheghe iropfuase oyi iJosefu ali iMeli o ro ramhi abi Ushi oyi iMosisi o ngme, iJosefu ali iMeli e rue oni omo bhale iJerusalemu deba Eshinegba. <sup>23</sup> Abi o li la ushi oyi Eshinegba khi, "Omo odode ni o kueghie okpotso elemhi a, o khada khi omo se ne, a ri oni omo ke nga Eshinegba obo.† <sup>24</sup> A rue ipfeli inekhukhu aava ro ri ele iluasobo na li abi Ishi eyi iMosisi o ngme.‡ <sup>25</sup> Omo se oghuo o la o ni a lu iSamo ni o la eke iJerusalemu, Ayemhe-nopfuase o la li egbe. O khi ogbo ni o gue ngeli ni o migha khe Omiepfuese ni o ya mie egbo iZireni pfuese. <sup>26</sup> Ayemhe-nopfuase o she kpe gueye oli khi o ya ghua neni o ro ya me iKirisiti ni Eshinegba o shobo khi loli ya ro bhale. <sup>27</sup> Ayemhe-nopfuase o kpha li so, o rue oli lo elemhi apfe na owa oyi Eshinegba abi ita iJesu ali inyoli e ro rue iJesu bhale ni a ro ri ele na li abi Ishi eyi iMosisi o ngme. <sup>28</sup> ISamo o mu oni omo shi abo, o kueghie Eshinegba, oo,

<sup>29</sup> "Ita ni o fune, abi u li shobo na mhe, ze ni u roli tse na mhe ni mhi ghu shi opfomhe.

<sup>30</sup> Irari khi alo eyemhe, e she me Omiepfuese ni u ghie bhale.

<sup>31</sup> Ni u she ro ghi agbo nya.

<sup>32</sup> Akpa ni o ri oghuemhe oyi Eshinegba a khashe egbo iJeta na alo ebili,¶ ni o ri ufumhi e na iZireni egbo eye."

<sup>33</sup> Abo e sha ita ali inyoli oni omo abi e ro suo khi a ngme eni ingmemhi ena shi oni omo egbe. <sup>34</sup> ISamo o so iromhi na we, oo iMeli, "Eri ibhale oyi omo onana o ya ri ebubu egbo de, o ri ebubu vule eke iZireni, o gbo khi irokhase ni egbo e ya ke ngme emini ea ti shi egbe. <sup>35</sup> Ni a ro bhale ya e khi osheli oyi isamhi eyi ebubu egbo e kueghie-a, yeye oye u ya me oya abi oni a so ogbhoru udu."

<sup>36</sup> Okpotso oghuo ni o khi omekeguele ni a lu Ana, omi iFanueli na unuekpe oyi Asha, o li la akaghoo. Ikpe ishilua o nu odoli la ughue ni oni odoli o ro ghua. <sup>37</sup> Oni okpotso ona o a gbo ye ughue ramhi ni o ro gbe ikpe egbhue ali ene. O a gbo tigbe rote Owa oyi Eshinegba vu. Oo pfi azumhi ele oghuota ali ele iyose. <sup>38</sup> Abi o ro lole deba iJosefu ali iMeli oni egheghe, o kueghie Eshinegba, O gue ingme oyi oni omo ye egbo kpa ni e la agho ni e migha khe ipfasheke oyi iJerusalemu.

<sup>39</sup> Abi iJosefu ali iMeli e ro ri ele abi Ishi eyi iMosisi o ngme se, ee je apfe

\*2:21 Li ze iLev 12.3; iLuk 1.31

†2:23 Li ze Okiali 13.2,12

‡2:24 Li ze iLev 12.6-8

¶2:32 Li ze Aza 42.6; 49.6; 52.10

oyewę obini iNazareti na ekę iGalili.<sup>§</sup>  
<sup>40</sup> Oni omọ ọọ fu, ọ mhue ekpabo, ọ  
 mhọli ilęsingme khi ilęsingme, ekpabo  
 oyi Eshinegba o la li egbe.

### Ijesu ọ bhale Owa ugamhi abi ozele

<sup>41</sup> Ukpe kpa ita iJesu ali inyọli e rọ je  
 iJerusalemu ya li ukpe iPasova.<sup>\*\*</sup> <sup>42</sup> Abi  
 iJesu ọ ke rọ gbe ikpe igbeva, e ye shi  
 ukpe iPasova oyewę abi e kie kpe ẹ li.  
<sup>43</sup> Oni ukpe o pfo li se, itali ali inyọli ee je  
 apfe, ama iJesu ọ kie la iJerusalemu, itali  
 ali inyọli ẹa leşe khi ọ kie la ukhokho.  
<sup>44</sup> E dabi khi ọ nu wewę kia. E she kia  
 eleghuo gbada ẹa mę ọli, e nono ọli  
 ifuabọ apfewę ali emole wę ni e ga kia.  
<sup>45</sup> Abi e rọ mę khi wewę ẹa mę ọli, e  
 nyenę egbe ukhokho je iJerusalemu ya  
 nono ọli. <sup>46</sup> Efe nuzi-esę, e tigbe mę ọli  
 khi ọ la owa ugamhi nu esesę Ishi eyi  
 iMosisi shito, ọ ku esọ-a a shi emini e  
 sesę, ọ mhila wę omhila. <sup>47</sup> Ilęsingme  
 oyọli ali abi ọ li i gbaghię ogbo-a, o ri  
 abọ sha ogbokpa ni ọ suọ li. <sup>48</sup> Abi itali  
 ali inyọli e rọ mę ọli, abọ e sha wę. In-  
 yọli ọọ li, “Omọ elo o zę ni u rọ li anye  
 na? Odę o she nuę ni anye te ẹ nono ẹ.”

<sup>49</sup> Ijesu ọ mhila li, “Elo o zę ni a rọ  
 nono mhe? Aa leşe khi mhi mema ya la  
 owa oyi itamhe?” <sup>50</sup> Ama ọa ye wę abi  
 ọ li sọ wę ọ. <sup>51</sup> Ighọ ọ li deba wę je iN-  
 azareti, ọ ri ungmehi oyi itali ali inyọli  
 gbe akanya. Ama inyọli ọ genọ ingme  
 ena nya shi udu. <sup>52</sup> Ighọ iJesu ọọ wom-  
 heloe elemhi egbhali ali idiegbe, egbo ali  
 Eshinegba e nono ingme oyọli.<sup>††</sup>

### Itsabọ oyi IJoni Oni ọọ batazi egbo

(iMat 3.1-12; iMak 1.1-8; iJon 1.19-28)

**3** Abi o rọ gbe ikpe igbeshe ni oghie  
 iSiza ni a lu iTiberusi ọ rọ khi oghie,

oni egheghe iPotiusi iPaleti ọ rọ li khi  
 igovunọ shi ekę iGalili ali ekę iJudia.  
 Egheghe aghọ Erodu ọ rọ ọ mhese shi  
 ekę iGalili. Inyoghwo ọli, ikhi iFilipu ọ  
 mhese ẹ shi ekę Iturea ali ekę iTirakoni-  
 tisi. Oghie iLisaniasi, ọ mhese shi ekę  
 Abilini. <sup>2</sup> Egheghe ni Anasi ali iKefasi  
 e rọ khi eni e kpeda nya na ekpodalo-  
 ugamhi eyi Eshinegba, Oni egheghe ung-  
 memhi oyi Eshinegba o rọ bhale deba  
 iJoni omi iZakaraya, elemhi ifu odagbe  
 ifufu. <sup>3</sup> Ọ rọ tse abọ ekę iJodani nya ki-  
 akia. Ọ lie, “A mu nyenę rọte olamhe  
 eyę lasele ni a batazi ni a rọ gbe olamhe  
 eyę ẹ kua na ẹ. <sup>4</sup> Abi a li kekę ọli shi ebe  
 Azaya omekeguele, ni ọ re,

“A ya suọ khi  
 ogbo ọ la ifu  
 odagbe ifufu ẹ tsesę.

Ọọ lie,  
 riele odę shi ekę  
 khe Onomhue,  
 ‘Be odę ni o sheshe  
 na Onomhue’

<sup>5</sup> A ka tsua ekę suli  
 igbilimhi ekę nya,  
 a gbomọ ute ogbogbo tiemhie ekę,  
 e mele ugbereke-a.

A ka ri odę na gene-gene  
 mele eni sheshe-a,  
 ena fuonyo-fuonyo,  
 a ku wę gbe leghe.

<sup>6</sup> Ogbokpa ọ ya mę  
 Imiepfuese oyi Eshinegba.”<sup>‡‡</sup>

<sup>7</sup> Ebubu egbo e fię bhale deba iJoni  
 ni ọ batazi wę, iJoni ọ re wę, “Eę enye  
 ifue, oghuo ọ tse agua ye ẹ a na, khi

§2:39 Li zę iMat 2.23

\*\*2:41 Li zę Okiali 12.1-27; iDeut 16.1-8

††2:52 Li zę 1 iSam 2.26; Ekpi 3.4

‡‡3:6 Li zę Aza 40.3-5

egheghe ofu oyi Eshinegba o o bhale?<sup>¶¶</sup>

<sup>8</sup>A ke ngeli angeli imu-nyene, a khi ke lie, 'Aburaamu o khi ita anye.' Irari khi abi o li mhi li gue oli e ye e khi, Eshinegba o dobe ya rote echē ena wolo eniye lasele na Aburaamu.<sup>§§</sup> <sup>9</sup>A she rue uze shi eke ni a ro ya rote imhili eera te eni eera gbe, oora kpa ni o da mo udumhi onete ne, eri a ya toli gbe, a tose oia."<sup>\*</sup> <sup>10</sup>Eni egbo e mhila iJoni, "Se anye ke li ya kia mena?" <sup>11</sup>IJoni o o we, "Oni o mhue iwulu eva o ka rue oghuo o na ogho ni o mhue. Oni o mhue eminale o ka kemhi na oni o mhue."

<sup>12</sup>Emionoga eghuo e li bhale deba li ni a batazi we. Ee oli, "Osese, se anye li ya kia?"<sup>†</sup> <sup>13</sup>O o we, "A khi ke miono oga dose ingme ni ee a ke miono." <sup>14</sup>Ekholi-okhue eghuo e mhila li, "Se anye li ya kia?" O o we, "A khi ri itoto rue ikpagho ni ea khi e ye e, a khi ke gbo gue ingme ni ea la ogho egbe shi oli egbe. A ze ni ifata eye e e bu e."

<sup>15</sup>Egbe e mu eni egbo, e ri udu oyewe khokho ini iJoni o khi oni Omiepfuese ni aa ngme. <sup>16</sup>Ama iJoni o o we, "Ame mhi ro batazi e, ama ogho o o bhale ni o toto dose mhe, eku e ni o so shi owe, mhi aa fu te ni mhia taghie oli-a. O ya ri Ayemhe-no-pfuase ali erali batazi e. <sup>17</sup>O mu ukpokpo ni a to akhuli ni o ze eafia so oyoli mhue obo. Loli o ro la ashini a la kpishi ado a ke pfi ado-a. O o ti egbegbi ado ni e la o o gbili, o so we e shi ikpulu tsua ya shi owa eminale. Ama o ya ri erali ni ea ya a pfu ghue tose efuwe-a." <sup>18</sup>Ode ebubu iJoni o te tse abo ungmemhi oyi Eshinegba ye we, o o lie we e mu ngeli eyewe pfi.

<sup>19</sup>IJoni o gue emhi ebubu ye oghie Erodu ni o o ri ele ni ea ti, ali o gbo gueye oli khi o a gue kia ni o rue Ero-diasi ni o khi ughue iFilipu inyoghuo oli shi. <sup>20</sup>Itobo ona, Erodu o ri ele ingmobe ni o rue nga o, o ya mu iJoni shi owa ighumha.<sup>‡</sup>

### Ibatizi oyi iJesu

(iMat 3.13-17; iMak 1.9-11)

<sup>21</sup>Abi iJoni o ro batazi eni egbo o se, o li batazi iJesu. Abi iJesu o li so iromhi, idane o khueghie-a. <sup>22</sup>Ayemhe-no-pfuase o li abi anekhukhu rote idane tiemhile shi oli egbe. Uruli o rote idane ngme, o o, "Omimhe u khi. Mhi i nono ingme oye gba, irari khi u ma ri egbe e mu mhe."<sup>¶</sup>

### Unuekpe oyi iJesu

(iMat 1.1-17)

<sup>23</sup>Ikpe uye ali igbe iJesu o gbe ni o ro gbe ikanya eyoli eke le. O khi omi omose ni a lu iJosefu abi egbo e kie li khokho li shi, iJosefu

ni o khi omi Eli.

<sup>24</sup>Omi iMatati

ni o khi omi iLevi,

ni o khi omi iMelki,

ni o khi omi iJana, omi iJosefu.

<sup>25</sup>Ni o khi Omi iMatatiasi,

omi Emosi, omi iNaumu,

omi Esili, omi iNagai,

<sup>26</sup>Omi iMaati

omi iMatatiasi, omi iSemeini,

omi iJosechi, omi iJoda,

<sup>27</sup>Omi iJoana, omi iResa,

omi iZerubabeli,

omi iShalitieli, omi iNeri.

<sup>¶¶</sup>3:7 Li ze iMat 12.34; 23.33

<sup>§§</sup>3:8 Li ze iJon 8.33

<sup>\*</sup>3:9 Li ze iMat 7.19

<sup>†</sup>3:12 Li ze iLuk 7.29

<sup>‡</sup>3:20 Li ze iMat 14.3-4; iMak 6.17-18

<sup>¶</sup>3:22 Li ze Igbae 22.2; iwolo 2.7; Aza 42.1; iMat 3.17; iMak 1.11; iLuk 9.35

28 Omi iMelki,  
 omi Adi, omi iKosamu,  
 omi Emadamu, omi Eri,  
 29 omi iJoshua, omi Eliaza,  
 omi iJorimu,  
 omi iMatati, omi iLevi,  
 30 omi iSamo,  
 omi iJuda, omi iJosefu,  
 omi iJonamu, omi Eliakimu.  
 31 Omi iMelea, omi iMena  
 omi iMatata, omi iNatani,  
 omi iDefidi,  
 32 omi iJese,  
 omi Obedi, omi iBoazi,  
 omi iSamo, omi iNashoni,  
 33 omi Aminadabu,  
 omi Adimi, omi Ani,  
 omi Ezironi, omi iPerēzi,  
 omi iJuda,  
 34 Omi iGiekopu,  
 omi Aziki, omi Aburaamu,  
 omi iTera, omi iNaō.  
 35 Omi iSerugu, omi iReu,  
 omi iPēlegi, omi Eba,  
 omi iShēla,  
 36 omi iKenani,  
 omi Afazadi, omi iShēmu,  
 omi iNoa, omi iLameki,  
 37 Omi iMetusēla, omi Enōki,  
 omi iJarēdi, omi iMaalalēli,  
 omi iKena,  
 38 omi Enōshi,  
 omi iSeti, omi Adamu,  
 Omi Eshinegba.

### Imufē oyi iJesu

(iMat 4.1-11; iMak 1.12-13)

**4** IJesu o rōte okē iJodani jele,  
 Ayemhē-no-pfuasē o vōli egbe.

Oni Ayemhē o rue ọli je ọdagbe ifufu, <sup>2</sup>Okphaghie o la oobọ mu ọli fe elemhi ogbele egbhueva. Oa le emhikhoghuo ogbele ingme ni a ngme ena. Ikpukhokho o okiamhi oo gbe ọli.

<sup>3</sup>Okphaghie ọọ li, “Ini u lese khi Omi Eshinegba u khi, wee oni eche ona o mele ibuledi-a.”

<sup>4</sup>Ama iJesu ọọ li, “A she keke ọli shi Ebe-no-pfuasē khi ọa khi eminale tse o ri agbo a na ọgbo.”<sup>8</sup>

<sup>5</sup>Igho okphaghie o rue ọli nga ashini o yagha egbegbo, o ri eghiele na agbo nya khasē ọli. <sup>6</sup>Ọọ li, “Mhi ya ri itoto ali epfue ni e la agbo nya ne, irari khi a she rewe na mhe, oni o ghole mhe mhi ya rue we na. <sup>7</sup>Irarigho, lese nyese ukhomhi na mhe tse, eye ena nya e ke ya khi.”

<sup>8</sup>IJesu o ro ọli, “A she keke ọli shi ebe no pfuese. Ke ga Onomhue Eshinegba oye, lolighuo kpe u ya ke ga.”<sup>\*\*\*</sup>

<sup>9</sup>Oni okphaghie o ke rue ọli bhale iJerusalemu, o roli migha ashini o yagha ne ukhomhi owa ugamhi oyi Eshinegba, ọọ li, “Ini Omi Eshinegba u khi, te akana ji tiemhi.” <sup>10</sup>Irari khi a she keke ọli shi Ebe-no-pfuasē khi,

“Eshinegba o ya ghie igeni eyoli, e ka kpe abo rue.”<sup>††</sup>

<sup>11</sup>E ya ri abo tsua e idane, ini u khi khi owe shi eche.”<sup>‡‡</sup>

<sup>12</sup>IJesu o ọli, “A she keke ọli shi Ebe-no-pfuasē, ‘Khi mu Onomhue Eshinegba oye fe bino.’”<sup>¶¶</sup> <sup>13</sup>Oni okphaghie o mu iJesu fe se, o ze ọli obo ne, o ke migha khe egheghe olese.

§4:4 Li ze iDeut 8.3

\*\*4:8 Li ze iDeut 6.13

††4:10 Li ze Iwolo 91.11

‡‡4:11 Li ze Iwolo 91.12

¶¶4:12 Li ze iDeut 6.16



**Ijesu o rōte iGalili gba  
akanya oyōli ekē le**

(iMat 4.12-17; iMak 1.14-15)

<sup>14</sup> Ijesu o nyenē egbe bhale iGalili, ek-pabō eyi Ayemhē-nō-pfuasē e rōli gbe ikanya. A suō eko ingme oyōli asha khi ashā. <sup>15</sup> O la owa ugamhi oyewē sēsē. Wewē nya e kuēghie oli.

**Egbo iNazarēti e kie iJesu**

(iMat 13.53-58; iMak 6.1-6)

<sup>16</sup> O je ekē iNazarēti obini o la fu vule, ighō ogbelē iyemhēa, o lo owa ugamhi abi o kie kpē ē li. Ighō o vule migha a zē ebe. <sup>17</sup> A rue ebe oyi Omekeguele Azaya mhōli oḷi obō. O naghiē oḷi-a, O mē ashini a kēkē oḷi shi khi.

<sup>18</sup> “Ayemhē oyi Eshinegba o la mhē o, irari khi o she zē mhē ni mhi ke gue usomhi onete oyi Eshinegba yē eni ēa mhue. O ghie mhē mhi guele khi mhi ya rue eni a mu

shi owa ighumha lasēle, ni mhi khueghie ezalo alo-a, mhi pfuēse eni a na osoli.

<sup>19</sup> Ni mhi rō gue le khi isomhelemhi oyi Eshinegba o she ramhi.”<sup>§§</sup>

<sup>20</sup> O zē se, o khili oni ebe, o rue oḷi na oni o ri ēloe a khu oni ugamhi, O shito, ighō ogbōkpa ni o la oni owa ugamhi o wolō alo shi oḷi egbe. <sup>21</sup> Ighō oḷi gueyē wē, “Amo, emini mhi zē lēna o bhale ya tšē shi ē esō.” <sup>22</sup> Ogbōkpa o ngme

onete oyōli. Abi e rō bhale ya ē ingmemhi onyaloa ni e rōte oḷi unu u lasēle, e mhila, “Oṅa oṅa she khi omi iJosēfu?” <sup>23</sup> Ijesu oṅ wē mhi lēsē khi a ya ri ekpita liē mhē, “Obo, ri egbe ē ze. ‘A ya gbo liē mhē la akana gbe ikanya onyaloa ni u gbe obini iKapanōmu.’” <sup>24</sup> “Abi o li mhi li gue oḷi ē yē ē khi, aa mu ekpē ē na omekeguele ēoli oyōli.\* <sup>25</sup> Mhi gueyē ē khi esamhi-olimhi ebubu e la ekē iZirēni ēghēghē oyi Elaja, ni amē o rō mu ikpē esē ali ukhukhui ni ukpokpomhi oki-amhi o rō pfi oni ekē nya.† <sup>26</sup> Abi o tseku khi ighō, aa ghie Elaja ghi oṅgewē oḷhoghūo, sē ni oṅsamhi-olimhi na iZarifati ni o la ekē iSidōni.‡ <sup>27</sup> Ebubu ēgbo ni efafe e mu e gbo la ekē iZirēni ēghēghē oyi Elasha Omekeguele, ni o rō khia khi aa mē oṅgewē oḷhoghūo ni a rō ze, sē ni iNamani oṅi iSiria.”¶ <sup>28</sup> Ighō elemhi e li bi eni e la elemhi oni owa ugamhi nya abi e rō suō ungmēmhi ona. <sup>29</sup> Ighō e vule khu oḷi oni ēoli ya fiē. E rue oḷi bhale esesō ute oyi oni ēoli, ni wewē e ba pfi oḷi ya tiemhi. <sup>30</sup> Ama o rōte wē ifuabō ya lasē, o vu.

**Ijesu o khu oṅosē oghuo  
ayemhē oḷphaghie egbe-a**

(iMak 1.21-28)

<sup>31</sup> Ighō iJesu o tiemhi ēoli iKapanōmu ni o la iGalili ēlē iyemhēa, o sēsē eni ēgbo. <sup>32</sup> Emini o sēsē wē e ri abō sha wē, irari khi ekpabō e la ungmēmhi oyōli.§ <sup>33</sup> Oṅosē oghuo o la oni elemhi owa ugamhi ni o mhue ayemhē oḷphaghie. O tšēsē leghe. <sup>34</sup> “Ghi ē! Elo wa nono anye egbe, iJesu na iNazarēti? Eri u bhale ya

§§4:19 Li zē Aza 61.1-2

\*4:24 Li zē iJōn 4.44

†4:25 Li zē 1 Ighie 17.1

‡4:26 Li zē 1 Ighie 17.8-16

¶4:27 Li zē 2 Ighie 5.1-14

§4:32 Li zē iMat 7.28-29

pfuse anye-a? Mhi lẹṣe ọni u khi, yeye u khi ọni ọ pfuase oyi Eshinegba.”

<sup>35</sup> Igho iJesu o tseṣe ku ọli, “Khukhu unu, roṣe ọli egbe lasele.” Igho oni ayemhe okphaghiẹ o mu ọni omose pfi eke kpọ ukpeloe oyi eni egbo nya, ọ lase ọli egbe le, ama ọa kuale ọli utse.

<sup>36</sup> Oni ingme o ri abo sha eni egbo, e mhila egbe, “Obo áá me oseṣe onana? Itobo khi afu ali ekpabo ọ roṣe mhese na iyemhe okphaghiẹ, eni iyemhe e suo eso na li, e na ya lase!” <sup>37</sup> Igho eva oyọli o gbhiaku ashakpa.

### IJesu o ri ebubu egbo ze

(iMat 8.14-17; iMak 1.29-34)

<sup>38</sup> IJesu o te oni owa ugamhi fiẹ, ọ je owa oyi iSamọ, ọ bhale ya e khi iba ne fune ee to ogo iSamọ oni okpotso. E gueye iJesu o kpaghie oni okpotso obo.

<sup>39</sup> Igho iJesu o nyese egbe ti mama li, ọ khu eni iba, igho eni iba e lase ọli egbe le. Aghoaghọ oni okpotso ọ vule, ọọ fele we epfese. <sup>40</sup> Abi ogbomhi o ke ro mu eke, a tsua ebubu egbo ni e mhọli ighuamhi ododa bhale ghi iJesu, ọ ri obo nga we ukhomhi, ọ rewe ze nya.

<sup>41</sup> Iyemhe ebe e gbo li roṣe ebubu egbo egbe ya lase, eni iyemhe e tseṣe, e lie, “Omi Eshinegba u khi oo!” Ama iJesu o dese we, ọa ze ni e ngme, irari khi e lese ọli khi Omiepfuese ọ khi.

### IJesu o tse abo elemhi owa ugamhi

(iMak 1.35-39)

<sup>42</sup> Ogbe o gbe-a, iJesu o te oni eoli je ashini o da-ya, eni egbo ee nono ọli. Abi e ro me ọli, ẹa ke ze ọli vu. <sup>43</sup> Ama o gueye we, “Mhi mema ya gue ungmehi onete oyi Eghiele oyi Eshinegba ye eoli eni e kpole, itobo khi emini o ze ni Esh-

inegba o ro ghie mhe bhale na.” <sup>44</sup> Igho o kiele tse abo kia eni owa ugamhi ni e la eke iJudia gase.

### IJesu o lu eniye odukhokho eni odode

(iMat 4.18-22; iMak 1.16-20)

**5** Ogbeleghuo khi iJesu o nu egbo migha ukiẹkie oke ni o khishi na iGenesareti, eni egbo e le gase ọli ri eso o shi ungmehi oyi Eshinegba\*\* <sup>2</sup> O me oko-oke eva epfefe oni oke, ni egbo eni e gbe ifele e ze obo shi agho. Eni egbo ee yeghe iga ni e roṣe gbe ifele-a. <sup>3</sup> IJesu o lo elemhi oghuo ni o khi oyi iSamọ, ọọ iSamọ o gua li ti lase oni egele oni oke denẹ. Igho o shito oni oko-oke oniemihi, ọọ sese we. <sup>4</sup> Abi o ro sese we se, ọọ iSamọ, “Pfi aga lo ashini o limhi ni o mu ifele.” <sup>5</sup> ISamọ ọọ li, “Oga, a-ooyose anye te e rosheka ini anye mu ifele, anye a mu emhikhoghuo. Ama itobo khi u ngme ghọ, mhi ya pfi aga lo.”†† <sup>6</sup> Abi e ro pfi aga lo oni oke, e mu ifele ni e bububu, ni o ri aga eyewe kphuru-a.‡‡ <sup>7</sup> Igho e ri obo lu apfewe ni e ga ro gbe ifele, ee e bhale ya kpaghie wewe obo. E muno eni ifele kulo oko-oke eni e kpole. Eni oko-oke e vo ifele ya ramhi unu, ni eni ifele e ro khose eni oko-oke ramhi ni e ro tiemhi udi oke. <sup>8</sup> Abi iSamọ iPita o ro me ona, o de ya yeshi awe eyi iJesu, ọọ li, “Kpekpe ke vu ni u ze mhe obo, irari khi ona olamhe mhi khi.” <sup>9</sup> Abo e sha li ali egbo ni e nu ọli la agho, itobo ifele ebubu ni e mu. <sup>10</sup> Igho abo e li sha iJemhisi ali iJoni imi iZebedi, ni e khi enuzava eyi iPita. Igho iJesu ọọ iSamọ, “Khi ke na ulishi. Roṣe amo vu, egbo u ke e ke muno.” <sup>11</sup> Igho e tialo oko-oke oniemihi eyewe ngale egele.

\*\*5:1 Li ze iMat 13.1-2; iMak 3.9-10; 4.1

††5:5 Li ze iJon 21.3

‡‡5:6 Li ze iJon 21.6

### IJesu o ri omose ni efafe e mu toto

(iMat 8.1-4; iMak 1.40-45)

<sup>12</sup> Abi iJesu o ro la eoli oghuo, omose oghuo ni efafe e mu o bhale deba li. Abi oni omose o ro me iJesu, o de ya yeshi oli odalo, o lema li, oo li, “Onomhue, ini o ghole e, u dobe ya remhe ze.” <sup>13</sup> IJesu o nise obo-a ro ti oni omose, oo li, “O ghole mhe, khi oni o ze.” Aghoagho eni efafe e lase oli egbe le. <sup>14</sup> Igho iJesu o tse agua ye oli, oo li, “Khi gueye ogbokhoghuo, eri-tse ka ri egbe e khashe okpodalougamhi ni u riele iluasobo ikhue-pfuase ni iMosisi o mhese na e, egheghe agho ni o khi otsele na we.”<sup>¶¶</sup> <sup>15</sup> Igho ingme oyoli oo gbhiaku shi o. Ebubu egbo e bhale deba li ni e ro me asha suo ungmehi oyoli ali ni o gbo rewe ze elemhi iwali ighuamhi ododa. <sup>16</sup> Ama eri iJesu oo bi egbe-a je ashini o da-ya, o ya so iromhi.

### IJesu o ro omose ni o ghu abo ali awe-a toto

(iMat 9.1-8; iMak 2.1-12)

<sup>17</sup> Eleghuo abi iJesu o li sese, egbo iFarisi ali eni ee sese Ishi eyi iMosisi ni e te eoli iGalili ali eke iJudia ali iJerusalemu bhale, e shito agho. Igho Eshinegba o li ri ekpabo na li ro ri eni ee ghua toto. <sup>18</sup> Egbo ni e tsua omose oghuo ni o ghu abo ali awe a bhale, e nono abi e li ya roli lo oni owa bhale odalo oyi iJesu. <sup>19</sup> Abi e ke ro me khi wewe ea me asha, itobo khi egbo e bu dose, e nga ukhomhi oni owa, e ri ili ge oli abi o yeshi iya egho, e rote ekpha roli tiemhile shi iteva egbo, e ro li shi odalo oyi iJesu. <sup>20</sup> Abi iJesu o ro me abi irudunga oyewe oo fu, oo oni omose, “Qmuwe, a she gbe olamhe eye kua ne.” <sup>21</sup> Eni egbo iFarisi ee sa udu oyewe, e lie, “Oghuo oni ogbo ona o khi ni oo pfi unu-a, oghuo o dobe

e gbe olamhe kua, see ni Eshinegba lo-lighuo?” <sup>22</sup> IJesu o lese emini e sa, o mhila we, “Elo o ze ni a ro sa isamhi enana a shi udu oyewe. <sup>23</sup> Onoghuo o ya kele ogbo ngme ne? ‘A she gbe olamhe kua ne,’ ali, ‘Vule ke kia,’ <sup>24</sup> Emini o ze ni a ro me na khi ni a ro lese lo khi Omi Ogbo o mholi afu shi elemhi agbo ni a ro gbe olamhe kua.” Oo oni omose ni o ghu abo ali awe-a egho, “Mhie u vule, rue iya oye, ni u ke je apfe.” <sup>25</sup> Utoghuo kpe o vule migha odalo oyewe, o rue iya ni o ro yeshi mhue obo, o je apfe, oo kueghie Eshinegba. <sup>26</sup> Abo e sha eni egbo nya, ee kueghie Eshinegba. Abo e sha we, ulishi o mu we, ee lie, “Awa me oshabo amo.”

### IJesu o lu iLiva o deba luwe

(iMat 9.9-13; iMak 2.13-17)

<sup>27</sup> Onana o dose se, o fie lase, o me omionoga ni a lu iLiva khi o shito elemhi okhola oyoli ni o la mie oga, iJesu oo li, “Deba mhe.” <sup>28</sup> Igho iLiva o vule, o ze emini oo riele obo, o deba li.

<sup>29</sup> Igho iLiva o nye ekhe, o lu ukpokpomhi ukue na iJesu shi apfe oyoli. Emionoga ebubu ali egbo elese ni e bu e li bhale shi oni ukue, e nu we le emhi. <sup>30</sup> Ama egbo iFarisi ali eni e sese ishi ee wolo khashe eniye odukhokho eyi iJesu, ee lie, “Elo o ze ni o ro nu emionoga ali ena olamhe ee le eminale?”<sup>§§</sup>

<sup>31</sup> IJesu o so we o, oo we, “Oni oo to, oo ye apfe obo. <sup>32</sup> Mhi aa bhale ni mhi ro ya lu egbo ni e pfuase ne, ama ena olamhe mhi bhale ya lu, ni e ro mhue imiepfuese.”

### A mhila iJesu ogbo ingme azumhi

(iMat 9.14-17; iMak 2.18-22)

<sup>33</sup> Egbo eghuo e mhila iJesu, “Elo o ze khi eniye odukhokho eyi iJoni ali eniye

¶¶5:14 Li ze iLev 14.1-32

§§5:30 Li ze iLuk 15.1-2

odukhokho eyi iFarisi e pfi azumhi, ni eye e ro le ni e ro da?”<sup>34</sup> IJesu o so we o, “A lie me gho khi a ri epfese ni e nu odo omueshi onogbo shito o pfi azumhi, ini oni odo omueshi o nu we la agho?”<sup>35</sup> Ama khi eghēghe o bhalē ni a ro ya rue odo omueshi iteva oyewe le, eghēghe agho, e ya pfi azumhi.”

<sup>36</sup> O ze okhe irōkhokho onana khase we, oo, “Ogbokhoghuo o ya khi ode onogbo ya gbela ma ode onodio, ini o ligho, eri o mema ya khi oni ode onogbo-a shi afue. Ini a gbela ode onogbo ma onodio, ea ya li abeghuo.<sup>37</sup> Wexhi eri ogbo o ya ku onyo onogbo shi akpaba oyi ekue-alamhi onodio, ini ogbo o li gho, eri oni akpaba o ya nyan-a, oni onyo o ku kua, oni akpaba o li opfu-a. [Akpaba ekue alamhi egbo iJu e ku onyo o shi.]<sup>38</sup> Onyo onogbo a ku e shi akpaba onogbo.<sup>39</sup> Aa me ogbo ni o ya da onyo onodio se, ni o tigbe ya mhila onyo onogbo, irari khi o ya lie khi onodio o ti ne.”

### Ingme ogbele iyemhea oyi egbo iJu

(iMat 12.1-8; iMak 2.23-28)

**6** Ogbele iyemhea, iJesu ali eniye odukhokho eyoli e rote ifu ishemi iakpa dose, e be eni iakpa mhue abo, e kphali ikpamhi we le.\*<sup>2</sup> Egbo iFarisi eghuo, e mhila we, “Elo o ze ni a ro gbe ushi ona ogbele iyemhea-a?”<sup>3</sup> IJesu o so we o, oo we, “Aa kpe ze emini iDefidi o riele abi okiamhi o ro gbe oli ali apfōli?”<sup>4</sup> Abi o li lo Owa oyi Eshinegba ya rue ibuledi ni a ro o ga Eshinegba le, ni o gbo ro na apfōli le. Eri a ghue oni ibuledi ogho, se ni ekpodalo-ugamhi eyi Eshinegba tse ee le oli.”†<sup>5</sup> Loli iJesu o ro oo we, “Onomhue oyi ogbele iyemhea Omi Ogbo o khi.”

### Omose ni o ghu obo-a

(iMat 12.9-14; iMak 3.1-6)

<sup>6</sup> Igho elelese ni o khi ogbele iyemhea, iJesu o la elemhi owa ugamhi sese egbo. Omose oghuo o la agho ni obo ita oyoli o ghua.<sup>7</sup> Eni egbo iFarisi ali esese Ishi eyi iMosisi e nono emini wewe e ro ya mu umha-guekia shi iJesu obo. Igho e li to oli okpe ini o ya ri ogbo ze ogbele iyemhea oyi egbo iJu.<sup>8</sup> IJesu o lese isamhi eyewe oo oni omose ni o ghu obo oghuo-a egbo, “Vule migha ana, ni ogbokpa o lolo ke me.” Igho oni omose o vule migha we iteva.<sup>9</sup> IJesu oo, “Mhie i, onoghuo ushi oyi awa o lama shi ogbo o riele ogbele iyemhea? Ni a ro riele onete abi ni a ro riele onobe, ni a ro tsumhi agbo oyi ogbo, abi ni a ro pfuse oli-a?”

<sup>10</sup> O bino we gase nya, oo oni omose o nise obo-a. O ligho. Oni obo o nise a.<sup>11</sup> Ama elemhi e bi we egbegbo, e gba ugbamhi abi e ya li iJesu.

### IJesu o ze ighiusomhi na kee ogbava

(iMat 10.1-4; iMak 3.13-19)

<sup>12</sup> Ogbeleghuo, iJesu o nga ute ya so iromhi. O la agho eliyose elegho nya oo so iromhi lema Eshinegba.<sup>13</sup> Abi ogbe o ro gbe-a, o luno eniye odukhokho eyoli, o ze ogbava elemhi we, o lu we ighiusomhi na kee.<sup>14</sup> ISamo, ni o lu iPita ali inyoghuo Aduru, iJemhisi, iJoni, iFilipu ali iBatolomiu.<sup>15</sup> IMatiu ali iTomosi, iJemhisi omi Afeusi, ali iSamo, ni e lu iZiloti.<sup>16</sup> IJudasi omi iJemhisi, ali iJudasi Isikaroti ni o ri iJesu de.

### IJesu o sese, o gbo ri egbo ze

(iMat 4.23-25)

<sup>17</sup> Abi iJesu ali eniye odukhokho eyoli e ro rote oni ute tiemhile, o migha ug-

\*6:1 Li ze iDeut 23.25

†6:4 Li ze iLev 24.9

‡6:4 Li ze 1 iSam 21.1-6

bereke, eniye odukhokho eyoli ebubu e la agho. Ebubu egbo e la agho ni e rote ukiēkiē eke iJudia nya ali eoli iJerusalemu ali eoli iSidoni ali eoli iTai ni e ngeli epfepfe oke oniēmhi bhale. <sup>18</sup>Eri e bhale ya suo ingmemhi eyoli ali ni o gbo re we ze elemhi ighuamhi ododa. Eni ayemhe ebe e nase e li bhale, o rewe ze. <sup>19</sup>Eni egbo nya e roshaka ri obo ti oli, irari khi itoto e te oli egbe lasele, o re we nya ze.

### Oghele ali oya

(iMat 5.1-12)

<sup>20</sup>IJesu o bino eniye odukhokho eyoli, oo we,

“Ikhivose o khi na

ee ni aa pfue,

irari khi ee a mholi

Eghiele oyi Eshinegba.

<sup>21</sup>Ikhivose o khi na

eni okiamhi o gbe memena

irari khi a ya me le khue.

Ikhivose o khi na ee

ni a vie memena,

irari khi a ya gia.

<sup>22</sup>Ikhivose o khi na e,

ini egbo e biselemhi e,

ni e ro kie e, ni e ro tsue e,

ni e ro kie e khi egbo ebe a khi,

itobo oyi Omi Ogbo.<sup>†</sup>

<sup>23</sup>“A ke ghele ini a da me gho. A gbe ishimhi irari khi a ri eleli ni o fune shi iloghie e khe e. Irari khi igbo eni e bia we e li nase emekeguele eyi Eshinegba egheghe oyewe.<sup>§</sup>

<sup>24</sup>“Ama, o ma kholo e egbe,

ikhi ee ni a mhue epfue memena,

irari khi a she mie

eleli oyee se.

<sup>25</sup>O ma kholo e egbe,

ikhi ee ni a she le khue memena,

irari khi okiamhi o ya gbe e.

O ma kholo e egbe,

ikhi, ee ni a gia memena,

irari khi a ya vie e vie oya.

<sup>26</sup>O ma kholo e egbe,

ikhi ee ni egbo ee ngme onete oyee,

irari khi igbo eni e bia we

e li ngme onete oyi

emekeguele eyi egbholi.

### Awa mholi inono na obe awa

(iMat 5.38-48; 7.12a)

<sup>27</sup>“Mhi gueye e, ee ni a suo mhe, a nono ingme oyi obe ee. A ke riele onete na egbo ni ee biselemhi e. <sup>28</sup>A ke so iromhi na egbo ni ee tsue e, a so iromhi ke na egbo ni ea gue e ngeli deba e. <sup>29</sup>Ini ogbo o lase ukiēkiē eso oghuo, nyene oni o kpole gbo na li lase. Ini ogbo o ri itoto mhi awulu, gbo ze ni o rue oni u so kpoke ma o. <sup>30</sup>Ke ri emini ogbokpa o mhila e na li, ini ogbo o rue e emhi, ze oli obo na li, khi gbo mhila li lue. <sup>31</sup>Ngeli ke deba ogbo abi u lie nono ni a li ngeli deba e.<sup>\*\*</sup>

<sup>32</sup>“Ini o khia khi egbo ni e nono ingme oye u lese a nono ingme oyewe, ighe ikhivose ni o la o ne? Irari khi ena olamhe e lili e nono ingme oyi egbo ni e nono ingme oyewe to o. <sup>33</sup>Ini o khia khi eni e riele onete ne u lese li e riele na, ighe ikhivose ni o ke la o ne? Egbegbi ena olamhe e lili e ligho. <sup>34</sup>Ini o khia khi eni e ngmomhi e ne u lese li ngmomhi e na, ighe ikhivose ni o la o ne? Irari khi ena olamhe e li ngmomhi e na egbewe. <sup>35</sup>Ama ze ni u nono ingme obe e, ke riele onete na we. Ke ngmomhi na we, khi ngmomhi na we ni u ke ri eloe shi eke khi e ya fali e ota to o. Egheghe agho ikhivose oye o ya gbēdi, u khi omi Eshinegba no Yagha ne Nya. Irari khi loli oo somhi el-

<sup>†</sup>6:22 Li ze 1 iPit 4.14; iJon 9.22; 16.2

<sup>§</sup>6:23 Li ze 2 Okhe 36.16; Ika 7.52

<sup>\*\*</sup>6:31 Li ze iMat 7.12

emhi eni ẹa lẹsẹ obodẹ ali ena ọkhọlọ.  
<sup>36</sup>Khi ọna ilẹlemhi, ẹzeze abi Ita ẹ ọ li  
 khi ọna ilẹlemhi.

### Igue ẹgbọsẹ ẹzọ

(iMat 7.1-5)

<sup>37</sup>“Khi gue ọgbọ ẹzọ ini a khi li gue  
 yeye ẹzọ, khi ri unu pfulẹchẹ ọgbọ-a, ini  
 a khi li ri unu pfulẹchẹ-a. Gbekua na  
 ọnuzava oye, ni Eshinegba ọ li gbe kua  
 ne. <sup>38</sup>Rona khi a ya rọ ne. Ukiekie onete,  
 oni a lolo mimi, ni a jighise ni o tsua kua,  
 a ya rọ somhiẹ opfa. Irari khi ukiekie ni  
 u rọ mhese na ẹgbọ, Eshinegba ọ li rọ ya  
 mhese ne.”

<sup>39</sup>Ọ gbo zẹ okhe irọkhokho ona khasẹ  
 we, ọọ we, “Ozalo ọ fe dobe ya ri ozalo  
 nabi luẹ ke kia? Eri wewe aava e ya de  
 pfilo uchoke.†† <sup>40</sup>Omọ ni ọ la owena ọa  
 ya fu dose oni ọọ sese ọli, Eri-tse ini omọ  
 ni ọọ ye owena ọ ye owena oyọli se, ọ ya  
 li abi oni ọ sese ọli.‡‡

<sup>41</sup>“Elo o zẹ ni u rọọ me uku ni o la  
 inyoghue ẹlo ni u waa rọ meke me ufolo  
 ọara ni o pfida ẹlo oye? <sup>42</sup>Se u lie lie  
 inyoghue, ‘Inyoghue zẹ ni mhi rue ẹ uku  
 ẹlo a,’ ni yeye oye waa rọ me ufolo ọara  
 ni o pfi da ẹlo oye? Yeye ọgbọ ọrugamhi  
 ku alo, kpẹ tode rue ufolo ọara ni o la  
 ẹlo oye-a ni u tigbe meke gboo rue uku  
 ni o la inyoghue ẹlo a.

### Ọọra ali ikpamhi eyọli

(iMat 7.16-20; 12.33-35)

<sup>43</sup>“Ọara ni ọa ti ọa dobe ya mọ uk-  
 pamhi onete, u ke ya lie khi eri ọara  
 onete o ya mọ ukpamhi ni ọa ti. <sup>44</sup>Ik-  
 pamhi ni ọara ọọ mọ, a rọ ọ lẹsẹ ọara ni  
 o khi. Aa rọte ọkphekphẹ ẹ pfanọ ọkhua-  
 eni.¶¶ <sup>45</sup>Eri ọgbọ onete ọ rọte emini o  
 ti ni ọ roshi udu ẹ rue emini e ti lasese,

Ama ọgbọ obe, ọ rọte udu obe oyọli rue  
 emhi obe ni ọ roshi udu ẹ lasese. Irari  
 khi isamhi ebubu ni e la ọgbọ udu, ọ te  
 ẹ ngme ungmemhi lasese.<sup>§§</sup>

### Ọgbọ ọtsegbhe ali oyeghe

(iMat 7.24-27)

<sup>46</sup>“Elo o zẹ ni a rọ lu mhe, ‘Onomhue,  
 Onomhue,’ ni aa rọ ri emini mhia ngme  
 gbe akanya? <sup>47</sup>Mhi ya rokhasẹ ẹ abi  
 ọgbọ ni ọ bhale deba mhe, ni ọ ri esọ  
 ẹ shi mhe eke, ni ọ gbo ri ingmemhi  
 eyemhe a gbe ikanya ọ li. <sup>48</sup>Eri ọ li  
 abi ọgbọ ni ọ to owa, ọ tonọ eke-a  
 limhi, ni ọ ri owa gbe ukhomhi eche.  
 Abi ukpokpomhi amẹ o rọ rue, ochikpho  
 o ri itoto ghi oni owa abọ, ama ọa  
 dobe nighise oli, irari khi eri a toli eg-  
 begbo. <sup>49</sup>Ama ọgbọ ni ọọ suọ ungmemhi  
 oyemhe ni ọa rọ li gbe akanya, eri ọ li abi  
 ọgbọ ni ọ to owa nga ekhashe. Abi amẹ o  
 rọ rue, ochikpho o ri itoto tsua oni owa,  
 oni owa o de, o khi oyese oniemi.”

### Irudunga oyi ọkhọli-okhue oyi iRomu

(iMat 8.5-13)

**7** Abi iJesu ọ rọ ngme enana nya shi  
 esọ eyi eni ẹgbọ se, ọ lo elemhi ẹoli  
 iKapanomu. <sup>2</sup>Oobo a me omose ni ọọ ga  
 ọkhọli-okhue oniemi, ni ingme oyọli o  
 lolo mu ọga oyọli egbe. Oni omose ọọ  
 ghu ughuamhi ni o roli ramhi eghuli.  
<sup>3</sup>Abi oni ọkhọli-okhue onofune ọ rọ suọ  
 eko iJesu, ọ ghie egbhali eyi ẹgbọ iJu ghi  
 ọli, ọ bhale ya ri oni ọọ ga oyelue ze.  
<sup>4</sup>Abi e rọ bhale deba iJesu, e lema li eg-  
 begbo, ẹẹ iJesu, “Oni omose ọna, ọ khi  
 oni u kha kpaghiẹ obọ. <sup>5</sup>Irari khi ọ ma  
 nono ingme oyi ẹgbọ eyi anye gba, ọ gbo  
 to owa ugamhi na anye.” <sup>6</sup>Ighọ iJesu ọ  
 deba we vu. Ọ she kia a ramhi owa oyi

††6:39 Li zẹ iMat 15.14

‡‡6:40 Li zẹ iMat 10.24-25; iJon 13.16; 15.20

¶¶6:44 Li zẹ iMat 12.33

§§6:45 Li zẹ iMat 12.34

oni okhōli-okhuē ni o rō ghie emōle ōli e liē iJesu, “Khi ke nase egbe e, mhia somhi ramhi ni u wa lo owa oyemhe le. <sup>7</sup>Lōli o zē ni mhi rō bino khi mhiaa ti ramhi ni mhi a bhale deba e. Leṣe ngme oni ungmehi khi ōni oḡ ga mhe o ya ze. <sup>8</sup>Irari khi mhemhe oyemhe, ōna omheṣe mhi li khi, ni ekhōli-okhuē e li kpōke na. Mhia mheṣe na ōna, ‘Vu,’ o vu. Mhi mheṣe na ogho, ‘Bhale,’ o bhale. Mhi gueye oghumha oyemhe, ‘Riele ōna,’ o riele ōli.”

<sup>9</sup>Abi iJesu o rō suō oni ungmehi ona, abo e sha li. O nyene alo ukhokho bino ebubu egbo ni e deba li, oḡ we, “Mhi gueye e khi mhia kie kpe me irudunga ni o na fu ghue, mhia kpe me ōli eke iZireni ne.” <sup>10</sup>Igho eni a kpe ghie, e nyene egbe je apfe oyi ōni okhōli-okhuē nō fune, e bhale ya e khi ōni oḡ ga li o she ze.

### IJesu o rōte eghuli guise omi Ōsamhi-olimhi le

<sup>11</sup>Oo li deṣe, iJesu o te agho vu, o je eoli ni a lu iNei, eniye odukhokho eyoli ali ebubu egbo elese e deba li. <sup>12</sup>Abi o li ti ramhi ode unuekpe ni a te e lo oni eoli le, o me khi a tsua ogbo ni o ghu-a a lasele. Lōlighuo kpe inyoli o me bia. Ōni okpotso o gbo khi ōsamhi-olimhi. Ebubu egbo e rōte oni eoli ve deba li. <sup>13</sup>Abi Ōnomhue o rō me ōni okpotso, o mhue ilelemhi na li. Elemhi o e ala li, oḡ li, “Khi ke vie.” <sup>14</sup>Igho o vu ya ri obo ti oni akpati olimhi, egbo ni e tsua li e mu migha, iJesu o, “Ōni ozeo mhie ye vule.” <sup>15</sup>Igho ōni omoṣe ni o ghu-a egho o vule shito, oḡ ngme. IJesu o mu ōli obo na inyoli. <sup>16</sup>Ulishi o mu eni egbo nya, e kueghie Eshinegba, e lie, “Omekeguele oniemhi o she bhale iteva oyi awa. Eshinegba o she bhale ya kpaghie egbo eyoli obo.” <sup>17</sup>Ingme oyi iJesu o gbhiaku eke iJudia nya ali eoli ni e la gase ōli.

### IḶoni Ōni oḡ batazi o ghie usomhi ghi iJesu

(iMat 11.2-19)

<sup>18</sup>Abi eniye odukhokho eyi iḶoni e rō gue eni ingme enana nya ye iḶoni, o lu aava elemhi we. <sup>19</sup>O ghie we e ka mhila iJesu, “Yeṣe u khi ōni o ya bhale abi anye ri eloe shi eke ke khe oṣese?” <sup>20</sup>Abi e rō bhale deba iJesu, e ōli, “IḶoni Ōni oḡ batazi egbo o ghie anye ghi e, anye ka mhila e, ‘Yeṣe u khi ōni o ya bhale abi anye ri eloe shi eke ke khe ogboese?”” <sup>21</sup>Egheghe agho te iJesu o ri ebubu egbo ni e mhue ighuamhi ali iyemhe okphaghie ze. O khueghie ebubu ezalo alo-a. <sup>22</sup>O rō gueye eniye odukhokho eyi iḶoni, “A nyene egbe ukhokho ya gueye iḶoni emini a me, ni a gbo ri eso suō. Ezalo ee me eke, eni e guoghō awe-a, ee kia, eni efafe e mu e ze, eleso e suō eso. Eni e ghu-a e guale. A kiele e tse abo usomhi onete oyi iloghie ye egbo ni ea mhue.\* <sup>23</sup>Oghele o khi ni ogbo ni oḡ da de ode-a itobo khi oḡ mhue akhokhomhe shi mhe o.” <sup>24</sup>Abi eniye odukhokho eyi iḶoni e rō vu se, iJesu o gue ingme oyi iḶoni ye eni egbo, oḡ we, “Abi a rō fe fie je odagbe ifufu ya bino ōli, ogbo onabi onoghuo a dabi khi a ya me? Ogbo oyeghe ni o li abi ebuli ifulo ni akpekpeli o kha pfi je ana, o pfi ōli e je oobo a dabi khi a ya me oobo? <sup>25</sup>Ini oḡ khi ogbo ogoghō a dabi khi a ya me oobo, onabi ise a ke nono je oobo sho? Omoṣe ni o so itsua ni e somhi otse? Egbo ni e so itsua ni e somhi otse, apfe oyi oghie e la. <sup>26</sup>Ogbo nabise a dabi khi a je oobo ya me? Omekeguele? Abi o li mhi li gue ōli e ye e khi ōni o doṣe omekeguele lo. <sup>27</sup>Ōnana a keke ingme oyoli kpe shi eke, ni ee,  
“‘Ghe khe, mhi ya ghie  
aghiusomhi oyemhe ralo ne,

\*7:22 Li ze Aza 35.5-6; 61.1

ni o ya khueghie ode-a shi eke khe.<sup>†</sup>

<sup>28</sup>“Mhi gueye e khi aa me ogbo ni a bia bhale eke agbo ona ni o fu dose iJoni, eri-tse khi oni o ga she ne nya shi Eghiele oyi Eshinegba o fu dose oli.”

<sup>29</sup>Egbo nya, li shi emionoga, abi e ro suo ingmemhi eyi iJesu, e mie shi o khi ode oyi Eshinegba o gbe akanya, irari khi iJoni o she batazi we. <sup>30</sup>Egbo iFarisi ali eni e lese emhi ingme ushi e kie ugbamhi ni Eshinegba o gba na we, irari khi ea lama ni iJoni o batazi we.<sup>‡</sup> <sup>31</sup>Agho iJesu o re, elo mhi fe ri egbo ena agbhotu ona ya khokho, se e fe ga li ena? <sup>32</sup>Eri e li abi eniye ni e shito oki ni e nu egbe e ngme ni e lie,

“Anye pfi ofele na e, ama aa lama gbe ishimhi, anye vie evie olimhi khase e, ama aa lama nu anye vie.”

<sup>33</sup>Itobo khi abi iJoni Oni oo batazi egbo o ro bhale, oa li le emhi wekhi eri o da onyo, eri e khi, ‘Ayemhe okphaghiye o mhue.’ <sup>34</sup>Omi ogbo o bhale, oo le, oo da, a ke lie khi, ‘Ogbo unu-emhi ali ogbo odonyo o khi, ali khi oni o nu emionoga ali egbo ena olamhe e mu omole o khi.’

<sup>35</sup>Eri egbhali oyi Eshinegba o rote obo oyi egbo ni e miesuo ri egboli khase.”

### **Okpotso ona olamhe o ku ituale ni oo pfi shi iJesu awe**

<sup>36</sup>Ogbo iFarisi oghuo oo iJesu o bhale ka ko felu lue ni o nu lue le eminale. Igho o je owa oyi oni iFarisi, o shito, o le emhi. <sup>37</sup>Igho okpotso oghuo, ongi oni eoli ni o la agbo olamhe, o suo khi iJesu o la oni owa oyi ogbo iFarisi ogho. O de akanama ituale ni o ghale. <sup>38</sup>O bhale, o de ya wugha iJesu idi awe. Oo vie ku amevie shi oli awe. O ri itsu ni e

la li ukhomhi shishi oli wewe-a, o pififi oli awe. O gbo ku ituale ni oo pfi shi oli awe.<sup>†</sup> <sup>39</sup>Abi oni iFarisi ni o lu iJesu bhale apfe oyoli ya mu oli epfese, o ro me onana, o la eke elemhi udu lie, ini omekeguele oyi Eshinegba omose ona o kha khi lo, o kha lese uwali okpotso ni ona o khi ni o ri egbe a ti oli ena, khi ona olamhe o khi. <sup>40</sup>IJesu oo, “ISamo mhi mhue emini mhi ya gue ye.”

ISamo oo li, “Gueye mhe, Osese.” <sup>41</sup>IJesu oo li, “Omose oghuo o la ni egbo aava e lo oli ota, oghuo o, o lo oli eka eva ali ukhukhui, oni o kpole o lo oli ipomhi uye ali ishe. <sup>42</sup>Abi ea ke ro dobe fali oli ewe, o gbe eni ota kua na we. Mena gueye mhe oni o ya nono ingme oyi oli ne elemhi wewe avava?” <sup>43</sup>ISamo oo li, khi oni o lo ikpagho eni e bu ne lo. IJesu oo li, “U gue so.”

<sup>44</sup>IJesu o nyene alo ghue oni okpotso, oo iSamo “Wa me oni okpotso ona, abi mhi ro bhale owa oye wa die amee na mhe ro kpe awe-a, eri oni okpotso onana o ri amevie eyoli kpe mhe awe-a, o ri itsu ni e la li ukhomhi shishi we-a. <sup>45</sup>Waa pififi mhe unu egbe, rote egheghe ni mhi te lo ana le, oni okpotso ona o te pififi mhe unu awe ramhi memena. <sup>46</sup>Waa ku oili shi mhe ukhomhi, oni okpotso ona, o she ku ituale ni o pfi shi mhe awe. <sup>47</sup>Itobo igho mhi gue e ye e khi a she gbe olamhe eyoli ni e bububu kua na li, irari khi oni o nono emini e bu o khi. Oni a gbe ukuku kua na, ukuku o nono.” <sup>48</sup>O gueye oni okpotso, “A she gbe olamhe eye kua ne.” <sup>49</sup>Egbo ni e nu oli shito e mhila egbewe “Oghuo onana oo dabi khi loli khi ni oo gbe olamhe kua na ogbo.”

<sup>50</sup>IJesu o gueye oni okpotso “Irudunga oye o she mie e pfuese, ri opfomhe ke je.”

<sup>†</sup>7:27 Li ze iMala 3.1

<sup>‡</sup>7:30 Li ze iMat 21.32; iLuk 3.12

<sup>¶</sup>7:38 Li ze iMat 26.7; iMak 14.3; iJon 12.3



### **Ikpotso ni e kpaghię iJesu obọ**

**8** Ona o doşę, iJesu o kia rọte ęoli je ęoli. Oo gue usomhi onete oyi Eghiele ali Eshinegba le. Eniyę odukhokho ogbava eyọli e nu ọli kia. <sup>2</sup>Ikpotso eghuo ni e kpę mhuę ayemhę okphaghie ali iwali ighuamhi ni o rọ ze, e li la agho: IMeli ọngi iMagidaleni ni ayemhę ishilua e rọte egbe lasese; <sup>3</sup>IJoana ni o khi ughue iChuzo ni o gbe akanya na ogbie Erodu; ISuzana ali ikpotso elese gho, e ga la akaghọ. Enana e rọte ękuę oyewę ę kpaghię iJesu ali eniyę odukhokho eyi ọli obọ.<sup>§</sup>

### **Okhę irokhokho oyi oghiale**

(iMat 13.1-9; iMak 4.1-9)

<sup>4</sup>Abi ebubu ęgbọ e rọ rọte ęoli ododa bhale ya lona kugbe, ni e rọ le gasę iJesu, iJesu o zę okhę irokhokho khase wę, oo wę, <sup>5</sup>“Oghiale o ya ri ikpamhi emhi ko. Abi o rọ ku eni ikpamhi emhi kia ko, eghuo o e ku shi epfefę ođę. Eghuo o ęgbọ e ri awę muno wę. Ipfele e bhale ya sanọ wę le. <sup>6</sup>Eghuo o e de ku nga ęche, abi e rọ zę ngale, e khakha. Itobọ khi ęa mę asha lolo pfi imhili lo eke. <sup>7</sup>Ikpamhi eghuo o e de shi ifu igba, eni igba e tono wę. <sup>8</sup>Igho eghuo o e ku shi eke onete, e fu, e mo ikpamhi agbhagbhamhi egbhuęshe. Abi o rọ ngme ona se, oo li, Oni o mhọli esọ o rọ suọ.”

### **Emini o zę ni o rọ zę oni okhę irokhokho**

(iMat 13.10-23; iMak 4.10-20)

<sup>9</sup>Eniyę odukhokho eyọli e mhila li emini a ri oni okhę irokhokho ngme. <sup>10</sup>Oo wę, “A she khueghie osheli ni o la Eghiele oyi Eshinegba-a khase ę. Ama aa

rọli khase ęgbọ ni e kpọle. Lọli o zę ni mhi rọ ri okhę irokhokho nu wę ę ngme. “Irari khi ini e ririe ę fe, ęa ya mę eke, ęę suọ, ọa lo wę esọ.”\*\*

### **Emini okhę irokhokho oyi oghiale ogho o ngme**

(iMat 13.18-23; iMak 4.13-20)

<sup>11</sup>“Emini a ri oni okhę irokhokho ngme na. Oni ukpamhi emhi ogho, ungmemhi oyi Eshinegba lo. <sup>12</sup>Eni e de kua epfefę ođę ogho, e khi ęgbọ ni e kha suọ ungmemhi oyi Eshinegba, okphaghie o bhale ya sanọ wę oni ungmemhi udu-a, ini e khi miesuọ, ni e ba mhuę imiepfuese. <sup>13</sup>Eni e zę nga okpegbhę e to ęoli ęgbọ ni e miesuọ, ni e khia khi abi imufę o rọ bhale ęa ke dobe migha, e de ode-a. <sup>14</sup>Ikpamhi ni e zę shi ifu igba, wewę e khi ęgbọ ni e suọ oni ungmemhi ama ęa dobe migha shi o, isamhi eyi emhi agbo ali anasemhę ali epfue ni o la agbo ali oghuemhę ni o la o, ọa zę ni e mhuę iwomheloę shi irudunga. <sup>15</sup>Ikpamhi ni e zę shi eke onete ni e mo ikpamhi, wewę e khi egbegbi ęgbọ ali udu onete ni e kha suọ oni ungmemhi, e mu ọli shi, e kha ri egbe mie o ri emini a rọ ko o zę lasese.

### **Ákpá ni a rọ ru nga ukhomhi emhi**

(iMak 4.21-25)

<sup>16</sup>“Aa mę ogbọ ni o ri ákpá ya ru, ni o ya rue ọli sheli elemhi ukoko, wękhi ufu ukpho. Eri o ri ochoghọ ya rue ọli nga asha na keghe ni eni ęę lo le e ke mę eke, ęę mę oni ákpá.<sup>††</sup> <sup>17</sup>Irari khi aa mę emiemini a rọ sheli ni aa ya rọ lasese gboo, wękhi eri a mę emini a khukhu shi elemhi, ni aa ya khueghie-a gboo.<sup>‡‡</sup> <sup>18</sup>Itobọ igho mhuę ęgbhę shi emini u wa

§8:3 Li zę iMat 27.55-56; iMak 15.40-41; iLuk 23.49

\*\*8:10 Li zę Aza 6.9-10

††8:16 Li zę iMat 5.15; iLuk 11.33

‡‡8:17 Li zę iMat 10.26; iLuk 12.2

suo. Oni o mhuē, a ya ro ma li o. Ama oni o a mhuē a ya gbo mie oḷi ukuku oḷi ni o sa khi loḷi mhuē.”<sup>¶¶</sup>

### **Inyoghuo iJesu ali inyi iJesu**

(iMat 12.46-50; iMak 3.31-35)

<sup>19</sup> Igho inyoli ali inyoghuo oḷi e bhale deba li, ama ea me asha ramhi oḷi egbe, irari ebubu egbo ni e le gasē oḷi. <sup>20</sup> Ogbo o ya gueye iJesu, oo li, “Inye ali inyoghue, e migha olase, ee nono ni wewe e me.” <sup>21</sup> IJesu oo we, “Inyemhe ali inyoghuo-mhe wewe e khi egbo ena ni ee suo ungmehi oyi Eshinegba, ni e gbo roli e gbe akanya.”

### **IJesu o mu akpekpeli migha**

(iMat 8.23-27; iMak 4.35-41)

<sup>22</sup> Eleghuo iJesu oo eniye odukhokho eyoli, “A bhale ni awa da je ukiekie obinokpole oyi oke ni o khishi.” E lo oko-oke e le. <sup>23</sup> Abi e li le, iJesu o lese. Uto-ghuokpe ukpokpomhi akpekpeli o lo oni oko-oke le ya ramhi khi oni oko-oke o ku ya lue, wewe nya e la okhena. <sup>24</sup> Eniye odukhokho eyoli e bhale ya guise oḷi le. Ee oḷi “Onomhue, Onomhue oke o ya ku awa lue.” O vule, o nu oni akpekpeli ali oke ni o zughuse ngme. Oni akpekpeli o mu migha. Oke ni o zughuse egbo o dema, asha kpa oo tsuke. <sup>25</sup> O mhila eniye odukhokho eyoli, “Ighe irudunga oye?” E ri ulishi ali oshabo mhila egbewe, “Oghuo onana o fe ga khi ena? Irari khi oo mhesa na akpekpeli ali oke, e suo na li.”

### **IJesu o ri omose no mhuē ayemhe okphaghie toto**

(iMat 8.28-34; iMak 5.1-20)

<sup>26</sup> E kia ramhi eke iGerasenesi ni o gbe oke ni o khishi na iGalili khi-a. <sup>27</sup> Abi IJesu oo da tiemhile eke, Omose ongi oni eoli, ni o mholi ayemhe okphaghie

ni o she tesa ni o a te ke so awulu, wekhi eri o ke la owa ghue, ama atalimhi o ke la, o bhale ya o. <sup>28</sup> Abi o ro me iJesu, o de yeshi oḷi awe, o tsesa leghe, o lie, “Elo u remhe ya li, iJesu Omi Eshinegba onofune, kpekpe khi nase mhe.” <sup>29</sup> Eri o ngme ona irari khi iJesu o she mhesa na oni ayemhe okphaghie ogbo o rote oḷi egbe lasela. Iti-ingmi-ingme oni ayemhe o she mu oḷi, ni o khia khi ini a rie mu oḷi ri iweghe shi oḷi abo ali awe, o pfan o eni iweghe-a, oni ayemhe okphaghie o tsua li je odagbe ifufu. <sup>30</sup> IJesu o mhila li, “Se a lu eva oye?” Oni ayemhe oo li, eva oyemhe khi, “ILigioni,” irari khi ayemhe okphaghie ebubu e she lo oḷi egbe. <sup>31</sup> Eni ayemhe okphaghie e lema iJesu o khi khu wewe je ilimhi na ningolo.

<sup>32</sup> Igulu ebubu e la epfe ute le eminale. Igho eni ayemhe e lema li o kpekpe o ze ni wewe e ya lo eni igulu egbe. Igho o ze ni e ya lo eni igulu egbo. <sup>33</sup> Eni ayemhe okphaghie egbo e rote egbe oyi oni omose lasela, e ya lo elemhi eni igulu egbo. Eni igulu e rote oni epfe ute na ya kulo oke ni o khishi egbo, oke o gbe we. <sup>34</sup> Abi eni e ri eni igulu e kia e ro me emini a me, e na je ifu apfe ya gueye egbo emini a me. <sup>35</sup> Egbo e le ya bino emini a me. Abi e ro bhale deba iJesu, e bhale ya e khi oni omose ni iyemhe okphaghie e te egbe lasela khi o shito ufuege oyi iJesu. O ga pfomhe, o ku egbe-a shito, ulishi o mu we. <sup>36</sup> Egbo ni e me oni ingme e gueye egbo elese abi oni omose o li kia ni o ro ze. <sup>37</sup> Igho eni egbo iGerasenesi e gueye iJesu o lasela ewe eke le, irari khi ulishi o mu we. IJesu o lo oko-oke o vu. <sup>38</sup> Oni omose ni eni iyemhe okphaghie e rote egbe lasela oo iJesu, “Kpekpe ze ni mhi deba e vu.” Ama iJesu oo li, o ke vu. <sup>39</sup> Nyene egbe je apfe ni u ya guele emini Eshinegba o riela ne. Igho oni omose

<sup>¶¶</sup>8:18 Li ze iMat 25.29; iLuk 19.26

o vu ya gueye egbo ni e la oni eoli ogho nya, emini iJesu o rielle na li.

**Omi iJarusi ali okpotso ni o  
ri obo ti iJesu awulu**

(iMat 9.18-26; iMak 5.21-43)

<sup>40</sup> Abi iJesu o ro nyene egbe je ukiekie oke ni o kpole, egbo e tse oli o mu awe itobo khi o she tse ni e te migha a khe oli. <sup>41</sup> Igho omose oghuo ni a lu iJarusi ni o khi egbo oni o mheshe shi owa ugamhi oyi egbo iJu, o de ya wugha iJesu awe. Oo lema li o kpekpe o bhale apfe oyelue. <sup>42</sup> Irari khi omo omueshi oghuo kpe ni o me bia ni o lese gbe ikpe igbeva o ya ghua. Abi iJesu o li le, egbo e le gashe oli, e ma mu oli ashakpa. <sup>43</sup> Okpotso oghuo o la ifuabo we ni o she ku oia egbe el-emhi ikpe igbeva. O she ga pfuse emini o mhue-a nya na idokita, ama aa me oni o dobe dua oli egbe. <sup>44</sup> Igho o rote ifuabo oyi eni egbo lase bena ya ri obo ti eso ode ni iJesu o so, oia ni e ku oli egbe e pfa tee.

<sup>45</sup> IJesu o mhila, "Oghuo o ri obo ti mhe?"

Ogbokpa o tia. IPita oo li, "Onomhue, ebubu egbo e le gashe ni e ma mu e."

<sup>46</sup> Ama iJesu o li, "Ogb o ri obo ti mhe, mhi lese khi itoto e she rote mhe egbe ya lase, loli mhi ro lese." <sup>47</sup> Oni okpotso o me khi loli a dobe ya vu ni a ro ya me lue, o ri ulishi fie lasele, o de ya wugha odalo oyi iJesu. Ukpeloe oyi eni egbokpa, o gueye iJesu emini o ze ni loli ro ri obo ti oli ali abi loli ze utoghuokpe. <sup>48</sup> Igho iJesu o li, "Ommhe ke je khi irudunga oye o she re ze. Ri opfomhe ke je apfe oye."

<sup>49</sup> IJesu o kie ligho ngme, ogb o rote owa oyi iJarusi ni o khi oni o mheshe el-emhi owa ugamhi bhale. Oo li, "Omie o she ghua-a. Khi ke bie nase ose." <sup>50</sup> Abi

iJesu o ro suo ona, o gueye iJarusi, "Khi ze ni ulishi o mue. Lese miesuo tse khi o ya toto."

<sup>51</sup> Abi o ke ro ramhi apfe oyi iJarusi, oa ze ni ogbokhoghuo o nu lue lo agho, see ni iPita ali iJoni ali iJemhisi ali inyo oni omo ali itali. <sup>52</sup> Ogbokpa e she kie kpe vie evie oyi oni omo. IJesu oo we, "A khi ke vie irari khi oni omo oa ghu, eri o lese." <sup>53</sup> Wewe nya ee gia iJesu, irari khi e lese khi oni omo o she ghua. <sup>54</sup> Ama iJesu o mu oli obo o lu oli leghe, "Ommhe, vule." <sup>55</sup> Ayemhe oyoli o nyene egbe bhale deba li. O vule migha utoghuokpe. Igho iJesu oo we, "A ri eminale na oni omo le." <sup>56</sup> Abo e sha ita ali inyoli. IJesu o gueye we e khi gueye ogbokhoghuo emini a me.

**IJesu o ghie eniye  
odukhokho ogbava fie**

(iMat 10.5-15; iMak 6.7-13)

**9** IJesu o lu eniye odukhokho ogbava eyoli kugbe, o ri itoto ali afu na we ni e ro ke khu egbo iyemhe ni ea ti egbe lasele, ali ni e gbo ri egbo ni e mhue ighuamhi ododa toto. <sup>2</sup> O ghie we fie e ke ya tse abo ungmehi oyi Eghiele oyi Eshinegba kiakia ali ni e gbo ke ri egbo ze. <sup>3</sup> Oo we, "A khi tsua emhikhoghuo abi a lie le ena, a khi tsua ukpokpo wekhi akpaba wekhi eminale wekhi ikpagho wekhi iku itsua eva ni a so. <sup>4</sup> Owa ni a da lo ne, a la agho ramhi ni a ro ya te oni eoli vu. <sup>5</sup> Ini egbo ea da mie e ne, a kpishi itutu ni e la e awe-a shi oni eke ini a rote oni eoli e vu, ni o khi otsese ni a ya pfi mu we." <sup>6</sup> Igho eni eniye odukhokho e vu, rote eoli je eoli. E ri usomhi onete oyi Eshinegba tse abo kiakia. E ri egbo o toto ashakpa.

**Oghie Eroḍu ọ́ọ́  
khòkò ọ̀ni iJesu ọ̀ khi**

(iMat 14.1-12; iMak 6.14-29)

<sup>7</sup> Igho Eroḍu ni ọ̀ khi oghie shi eke iGalili ọ̀ suọ ikanya ọ̀nyalao ni iJesu ọ̀ọ́ gbe. Abo e sha li itobo khi egbo eghuo e lie khi iJoni Oni ọ̀ọ́ batazi egbo lo ni ọ̀ roṭe eghuli guale. <sup>8</sup> Eghuo e khi Elaja ọ̀ khi ni ọ̀ bhale, eghuo elese e lie khi oghuo omekeguele enedio ọ̀ khi ni ọ̀ nyene egbe bhale agbo.\* <sup>9</sup> Ama, Eroḍu ọ́ọ́, “Mhemhe mhi khi iJoni ukhomhi o. Oghuo onana ọ̀ khi ni mhia suọ eko?” Ọ̀ọ́ dua abi ọ̀ li ya me oli.

**Ijesu ọ̀ ri eminale na egbo  
agbele ishe (5,000) le**

(iMat 14.13-21; iMak  
6.30-44; iJon 6.1-14)

<sup>10</sup> Abi eni ighiusomhi na kee e ro jele, e gueye iJesu abi e li kia. Igho ọ̀ rue we vu je epefe eoli na lu iBetisaida, <sup>11</sup> Ama eni ebubu egbo e suọ obini ọ̀ je, e deba li. Ọ̀ mie we, ọ̀ gue ungmehi Eghiele oyi Eshinegba ye we, ọ̀ ri eni e mhuẹ ighuamhi toto.

<sup>12</sup> O te agho li denẹ abi ogbomhi o ke ro mu eke, eniye odukhokho ogbava e bhale deba li, ee oli. “Gueye eni egbo e vu je eoli ni e ti mama ana ni e ya nono ashini e ya ku shi ali eminale ni e ya le, irari khi ifui odagbe ifufu awa la.”

<sup>13</sup> Ọ̀ so we ọ̀, ọ́ọ́ we, “A ri eminale na we le.”

E oli, “Ibuledi eva ali ifele aava e lese la ana, se ni awa vu ya de eminale ghi we.” <sup>14</sup> Irari khi emose agbele asha ishe e la agho.

Ama ọ́ọ́ eni eniye odukhokho, “A re we shito ikui-iku egbo egbhueva ali

igbigbe.” <sup>15</sup> Eni eniye odukhokho e li ghọ, ogbokpa ọ̀ shito. <sup>16</sup> Ijesu ọ̀ rue eni ibuledi ishe ali ifele aava egho, ọ̀ bino idane, ọ̀ kphemhi shi eni eminale, ọ̀ kholo we a. Ọ̀ rue we na eniye odukhokho eyoli ni e kemhi we na eni egbo. <sup>17</sup> Igho wewe nya e le, e khue. Eni eniye odukhokho e wolọ eni e le kpole shi ighughu igbeva.

**IPita ọ̀ guele ọ̀ni iJesu ọ̀ khi**

(iMat 16.13-19; iMak 8.27-29)

<sup>18</sup> Eleghuo khi iJesu ọ̀ la ashini o da-ya e so iromhi, eniye odukhokho eyoli e nu oli la agho, ọ̀ mhila we, “Oghuo egbo e fe e lie khi mhi khi?”

<sup>19</sup> E oli, “Egbo eghuo e khi iJoni Oni ọ̀ọ́ batazi egbo u khi, elese e lie Elaja, elese ghọ e khi omekeguele onodio u khi ni u nyene egbe bhale agbo.”†

<sup>20</sup> Ọ̀ ro mhila we “Oghuo ee e khi mhi khi?”

IPita ọ̀ọ́ li, “Ye ye u khi Omiepfuese onayi Eshinegba.”‡

**Ijesu ọ̀ gue ingme osoli, ali  
eghuli, ali iguale oyoli le**

(iMat 16.20-28; iMak 8.30—9.1)

<sup>21</sup> Ijesu ọ̀ tse agua ye we e khi gueye ogbokhoghuo. <sup>22</sup> Igho, Ọ́ọ́ we, “Omi Ogbọ ọ̀ mema ya me osue emhi ebubu. Eni egbhali ali ighie eyi ekpodalougamhi ali esese Ishi eyi iMosisi, e kie oli. E mema ya gbe oli-a, ama elenuzi-ese, ọ̀ ya guale.”

<sup>23</sup> Igho ọ̀ gueye we nya, “Ini ogbokhoghuo ọ̀ nono ni lolli khi omọ odukhokho oyemhe, ọ̀ mema ya kie egboli, ọ̀ rue apfida oyoli ogbele kpa, ọ́ọ́ deba mhe.”† <sup>24</sup> Itobo khi oni ọ̀ da nono ni lolli tsumhi agbo oyoli ne, ọ̀ ya wase oli-

\*9:8 Li ze iMat 16.14; iMak 8.28; iLuk 9.19

†9:19 Li ze iMat 14.1-2; iMak 6.14-15; iLuk 9.7-8

‡9:20 Li ze iJon 6.68-69

¶9:23 Li ze iMat 10.38; iLuk 14.27

a, ama ɔni ɔ da wasɛ agbɔ oyi ɔli-a ne shi itobɔ oyemhɛ, ɔ ya tsumhi ɔli.<sup>§ 25</sup> Ighe eleli ni ɔgbɔ ɔ ya mɛ ini ɔ mhue agbɔ ona nya ni ɔ rɔ wasɛ ayemhɛ oyɔli-a?<sup>26</sup> Ini ɔgbɔ ɔ da na omama mhɛ ali ungmehi oyemhɛ ne, Mhɛmhɛ Omi ɔgbɔ mhi li ya na omama oyi oni ɔgbɔ, ini mhi bhale elemhi ufumhi oyemhɛ, ali ufumhi oyi Ita ali oyi igeni ni e pfuase<sup>27</sup> Mhi gue ɔli ɛ ye ɛ abi o li, khi, ɛgbɔ eghuo e la ana ni ɛa ya ghu ne, neni e rɔ ya mɛ oni Eghiele oyi Eshinegba.”

### IJesu ɔ mu imamachi

(iMat 17.1-8; iMak 9.2-8)

<sup>28</sup> Abi ɔgbɛlɛ nuzi eleli o rɔ gba abi iJesu ɔ te ngme eni ingme, ɔ rue iPita ali iJɔni ali iJemhisi nga ute ya lema.<sup>29</sup> Abi ɔ li sɔ iromhi eghɔ, alo eyɔli e mu nyene, itsua ni ɔ sɔ e ge nyanyanya abi ɔkpá.<sup>30</sup> Ighe Emose aava, iMosisi ali Elaja,<sup>31</sup> e li lasele e ge nyanyanya, e nu iJesu u ngme, e ghɛta eghuli ni iJesu ɔ ya ghu obini iJerusalemu.<sup>32</sup> Olese o mema rɛ iPita ali apfɔli. Abi e rɔ guale ni olese o rɔ kala wɛ alo-a, e mɛ ufumhi oyi iJesu ali emose aava ni e nu ɔli migha.<sup>33</sup> Abi eni emose aava e li vu, iPita ɔɔ iJesu, “Oga, oo ga gue ti khi anye la akana. Zɛ ni anye tɔnɔ okholo esɛ, oghuo oye, oghuo oyi iMosisi, onokpɔle oyi Elaja.” Eri ɔ li ngme tsɛ, ɔa lesɛ emini ɔ ngme.

<sup>34</sup> ɔ kie lighɔ ngme, otughunu o bhale ya khukhu wɛ-a. Ulishi o mu wɛ abi e rɔ lo elemhi oni otughunu.<sup>35</sup> Ighe uruli o rɔte oni otughunu ngme, ɔɔ, “Ommhɛ na ni mhi zɛ, a ri esɔ shi emini ɔ ngme.”<sup>\*\*††</sup> <sup>36</sup> Abi oni uruli o rɔ ngme se, e mɛ khi iJesu lueghuo ɔ ke migha. Eni eniyɛ odukhokho e ri ingme ona shi udu, ɛa gueye ɔgbɔkɔghuo emini e mɛ eghɛghɛ aghɔ.

### IJesu ɔ ri ɔzeo ni ughuamhi ɔ mu ze

(iMat 17.14-18; iMak 9.14-27)

<sup>37</sup> Ogbeakɔlo abi e rɔte ukhomhi ute tiemhile, ebubu ɛgbɔ e bhale deba li.<sup>38</sup> Ighe ɔmose ɔghuo o rɔte elemhi eni ebubu ɛgbɔ tsesɛ leghe, ɔ li “Osesɛ, kpekpe bino omimhɛ, lɔli ɔ khi ɔmɔ ɔghuo kpe ni mhi mɛ bia.”<sup>39</sup> Ayemhɛ obe ɔ tsua mu ɔli, eri ɔɔ mu ɔli pfi eke, ɔɔ kpi awe-a, o rɔli ɛ chi ofulu unu. ɔa ga nono ni lɔli rue ɔli obɔ-a kpa. Eri ɔɔ nono ni lɔli pfuse ɔli ayemhɛ-a.<sup>40</sup> Mhi she lema eniyɛ odukhokho eye e khu ɔli oni ayemhɛ egbe-a, ɛa dobe.”

<sup>41</sup> IJesu ɔɔ wɛ, “Eɛ ɛgbɔ ni aa mhue irudunga wɛkhi ilese. Eɛ ingme mhi dobe ya ri egbe mie umhalese oye ɛ ramhi? Eɛ ingme mhi ke nu ɛ ya la akana?” ɔɔ ɔni ɔmose, “Rue omiɛ bhale ana ghi mɛ.”

<sup>42</sup> Abi ɔni ɔmɔ ɔ li bhale, oni ayemhɛ ɔkphaghiɛ o mu ɔli pfi eke jighise, ɔɔ chi ofulu unu. Ighe iJesu ɔ dese oni ayemhɛ ɔkphaghiɛ, ɔ ri ɔni ɔmɔ ze. ɔ rue ɔli na itali.<sup>43</sup> Abɔ e sha eni ɛgbɔ nya shi ekpabɔ oyi Eshinegba ni e funɛ.

### IJesu ɔ gbo gue ingme eghuli oyɔli le shi eke

(iMat 17.22-23; iMak 9.30-32)

Abɔ e kie lighɔ sha eni ɛgbɔ shi emini iJesu ɔ riɛle, iJesu ɔɔ eniyɛ odukhokho eyɔli,<sup>44</sup> “A ri esɔ shi eke shi ingme ni mhi ya gueye ɛ ena. A ya ri Omi ɔgbɔ na ɛgbɔ de.”<sup>45</sup> Eri-tse khi eni eniyɛ odukhokho ɛa lesɛ abi oni ungmehi o ngme. Irari khi eri a rɔli sheli wɛ ini e khi lesɛ emini a rɔli ngme. Ama ulishi oo mu wɛ shi abi e liɛ mhila li.

§9:24 Li zɛ iMat 10.39; iLuk 17.33; iJɔn 12.25

\*\*9:35 Li zɛ Aza 42.1; iMat 3.17; 12.18; iMak 1.11; iLuk 3.22

††9:35 Li zɛ 2 iPit 1.17-18

### Oghuo o fune

(iMat 18.1-5; iMak 9.33-37)

<sup>46</sup>Ekhako o bhale iteva oyi eniye odukhokho eyoli shi oni o ya fune elemhi we. <sup>47</sup>Ijesu o lese emini ee sa udu oyewe, o rue ukuku omoo lasele migha we iteva. <sup>48</sup>Oo we, "Onini o da ri eva oyemhe mie omoo ona ne, mhemhe o mie. Onini o da mie mhe ne, oni o ghie mhe o mie. Irari khi onini o da ri egboli tiemhie-ekere ne elemhi e, loli o khi oni o fune nya."<sup>49</sup>

### Oni o da khi obe awa ne oyi awa o khi

(iMak 9.38-40)

<sup>49</sup>IJon oo, "Oga, anye me omose ni o ri eva oye e khu ayemhe okphaghie lase, anye nono ni anye gueye oli o khi ke ligho irari khi o ya debe abi anye lie debe." <sup>50</sup>Ijesu oo we, "A khi ke ligho, irari khi ogo ni o da da khi obe awa ne, onayi awa o khi."

### Egbo iSameria e a lama mie iJesu

<sup>51</sup>Abi eghenge o ro ramhi ni a ro ya rue iJesu je iloghie, o mholi oli shi udu khi loli ya je iJerusalemu. <sup>52</sup>O ghie ighiusomhi ralo, ni e lo elemhi eoli nikeke na elemhi iSameria ni e ya mu egbe emhikpa shi ekere kere oli. <sup>53</sup>Ama eni egbo iSameria e a lama mie oli irari khi e lese khi iJerusalemu oo je. <sup>54</sup>Abi eniye odukhokho eyoli ikhi iJemhisi ali iJon e ro me gho, e oli, "Onomhue, waa ke ze ni anye lu erali rote idane tiemhie ro tose we a nya?"<sup>55</sup>

<sup>55</sup>Ijesu o nyene alo ukhokho, o dese we, oo we, aa lese ayemhe ni a mhu. Oa

khi eri omi ogo o bhale ya yese egbo agbo-a, ama eri o bhale ya tsumhi we. <sup>56</sup>Igho iJesu ali eniye odukhokho eyoli e vu je eoli olese.

### Emini ideba-iJesu-kia o ya mie ogo o rue

(iMat 8.19-22)

<sup>57</sup>Abi e li lese egbo, omose oghuo oo iJesu, "Oga mhi ya ke debe je obiobini wa je kpa."

<sup>58</sup>Ijesu oo li, "Inyako e mhu e se, ipfeli e mhu e eko, ama Omi Ogo o mhu e ashini o do ukhomhi e gbe."

<sup>59</sup>Ijesu o gueye omose olese, "Deba mhe." Oni ogo oo li, "Oga, kere ze ni mhi ya ri itamhe to."

<sup>60</sup>Ijesu oo li, "Zobe ni eni e ghu-a e ri eni e ghu-a to. Yeye fie ke ya gue ungmehi Eghiele oyi Eshinegba le."

<sup>61</sup>Olese oo li, "Oga mhi ya debe, kere ze ni mhi ya tse apfemhe, okhila."\*

<sup>62</sup>Ijesu oo li, "Ogo ni o da ri obo nga egba ni oo she e gua ese, ni o da bino ukhokho ne, o a te ni o lo Eghiele oyi Eshinegba."

### Ijesu o ghie egbo egbhuse etuogbava fie

**10** Ona o dose se, Onomhue o ze egbo egbhuse etuogbava, o mu we ava-ava, o e ralo na lue ni e kia je ikpe ni oo nono ni loli kia ramhi. <sup>2</sup>Oo we, "Ikhesere oniemhi o la o, eri-tse eni e khiese we e bu. Itobo igbo, a so lema ita oni o mhu okhiese, ni o ghie eni e khiese bhale ishemhi oyoli." <sup>3</sup>A ke le! Eri mhia ghie e abine isumha ne la ifuabo

<sup>46</sup>9:46 Li ze iLuk 22.24

<sup>49</sup>9:48 Li ze iMat 10.40; iLuk 10.16; iJon 13.20

<sup>55</sup>9:54 Li ze 2 Ighie 1.9-16

\*9:61 Li ze 1 Ighie 19.20

<sup>†</sup>10:2 Li ze iMat 9.37-38

idumhi.<sup>‡</sup> <sup>4</sup> A khi tsua ekuę ukpaghọ wẹ khi akpulu wẹ khi ekuę, a khi tse egbo ode.

<sup>5</sup> “Ini a lo owa okhoghwo, a kpe to de lie ‘Opfomhe o ka la oni owa ona.’ <sup>6</sup> Ini ogbo opfomhe o la agho, opfomhe oye e o deba li, ini aa me, opfomhe oye e o nyene egbe deba e. <sup>7</sup> Apfe okhoghwo ni a da lo ne, a la agho le, a la agho da emiemini e da ro ya na e. Irari khi o ti ni ogbakanya o mie ifata. A khi ke kia te owa da je owa.”<sup>¶</sup>

<sup>8</sup> “Ini a da lo eoli le ni e ro da mie e ne, a le emini e roshi eke na e. <sup>9</sup> A ri eni eę ghua ni e la agho ze, a gueye wẹ, ‘Eghiele oyi Eshinegba o she ti mama e.’ <sup>10</sup> Eoli ni a bhale kpa ni ea da mie e, a je ifu apfe ya lie, <sup>11</sup> ‘Itutu oyi eke oye ni e la anye awe, anye she kpishi wẹ shi eke na e, ni e ya pfi otsele mu e. Ama eę oye e, a lese khi Eghiele oyi Eshinegba o she ti mama e.’<sup>§\*\*</sup> <sup>12</sup> Mhi gueye e khi ogbele iso-ezo khi o ya somhi iSodomu egbe dose oni eoli ogbo.”<sup>††</sup>

### Eoli ni ea miesuo

(iMat 11.20-24)

<sup>13</sup> “O ma kholo e egbe, ikhi eę egbo iKorazi! O ma kholo e egbe, eę egbo iBetisaida! Irari khi ini ikanya onyaloa ni a la elemhi e gbe khi a la eke iTai ali iSidoni li gbe wẹ lo, e kha mu nyene agboagbo. E so ide evie, e shito ukhomhi emue.<sup>‡‡</sup> <sup>14</sup> Eri-tse khi Eshinegba o ya mhue isomhelemhi na egbo iTire ali egbo iSodomu dose e ogbele iguezo.

<sup>15</sup> Eę egbo iKapanomu, eri a dabi khi a ya ti e nga idane? Iiye! Eri a ya ti e tiemhi ilimhi irierie.”<sup>¶¶</sup>

<sup>16</sup> “Oo wẹ, oni o da ri eso shi e o ne, mheme o ri eso shi o. Oni o da kie e, mheme o kie. Oni o da kie me ne, oni o ghie me o kie.”<sup>§§</sup>

### Ijele oyi egbo egbhuese etuogbava

<sup>17</sup> Igho eni egbo egbhuese etuogbava egho e ri oghel jele. Eę oli, “Onomhue, eri egbegbi iyemhe okphaghie e ri irari eva oye nyese ukhomhi na anye.”

<sup>18</sup> IJesu oo wẹ, “Mhi me khi okphaghie o rote idane de pfile abi erali akphala. <sup>19</sup> A ghe khe! Mhi she ri afu na e, ni a ro lighi enye ali ikpi dose, ali ni a gbo mu itoto ali ekpabo alo ebili nyaa o le. Emhikhoghwo ea ya li e.\* <sup>20</sup> A khi ghele khi okphaghie o ri irari eva oyemhe nyese ukhomhi na e, ama a ke ghele khi a keke eva oye e shi iloghie.”

### IJesu o ghele

(iMat 11.25-27; 13.16-17)

<sup>21</sup> Egehe agho, oghel o te elemhi Ayemhe-no-pfuase vo iJesu egbe, oo li, “Mhi tse uwegbe, Ita ni o mhue eke ali ukhuli. Irari khi u she ri emhi ena sheli egbo ni e fia alo-a ali eni e mema wena ebe. Ama u rewe khasa ikuku eniye. Igho lo Ita, irari khi abi o li ghole e shi ghọ.

<sup>22</sup> “Itamhe o she ri emhikpa shi mhe obo. Aa me ogbo ni o lese oni omo o khi, se ni Ita. Aa me ogbo ni o lese oni Ita o

<sup>‡</sup>10:3 Li ze iMat 10.16

<sup>¶</sup>10:7 Li ze 1 iKori 9.14; 1 iTimo 5.18

<sup>§</sup>10:11 Li ze Ika 13.51

<sup>\*\*</sup>10:11 Li ze iMat 10.7-14; iMak 6.8-11; iLuk 9.3-5

<sup>††</sup>10:12 Li ze Igbae 19.24-28; iMat 11.24; 10.15

<sup>‡‡</sup>10:13 Li ze Aza 23.1-18; Ezik 26.1—28.26; iJof 3.4-8; Emo 1.9-10; iZaka 9.2-4

<sup>¶¶</sup>10:15 Li ze Aza 14.13-15

<sup>§§</sup>10:16 Li ze iMat 10.40; iMak 9.37; iLuk 9.48; iJon 13.20

<sup>\*</sup>10:19 Li ze Iwolo 91.13

khi, se ni omo. Eni e ghole oni omo o ri Ita a khase.”†

<sup>23</sup> Igho o nyene alo ghue eniye odukhokho eyoli, o bena nu we ngme, oo we, “Ikhivose o khi na ikpalo ni e me emini ee a me. <sup>24</sup> Mhi gueye e khi emekeguele ali ighie ebubu e nono ni wewe e me emini ee a me ali ni e suo emini a suo ena, ama ea dobe.”

### Ekpita oyi ongi iSamarita onete

<sup>25</sup> Igho osese Ishi eyi iMosisi oghuo o vule ya mu iJesu fe bino. O mhila li, “Elo mhi fe ya li ni mhi ro ya mhue agbo na agboagbo?” <sup>26</sup> IJesu o li, “Elo a keke shi ebe Ishi eyi iMosisi? Se u lie ze emini a keke shi o?”

<sup>27</sup> O iJesu, “Rote ekelembi udu oye nya ali ayemhe oye nya ali ekpabo eye nya ali isamhi eye nya nono ingme oyi Eshinegba. U gbo nono ingme oyi onuzava oyi e abi u nono ingme egbe e.”‡

<sup>28</sup> IJesu oo li, “U ga gue gbaghie-a. Lina ke ngeli khi u ya mhue agbo ona agboagbo.”§

<sup>29</sup> Eri oni osese Ishi eyi iMosisi ona o nono ni lolu rokhase khi lolu lese enana nya. O mhila iJesu, “Oghuo o fe khi onuzava oyemhe?”

<sup>30</sup> IJesu o lina so oli o, “Omo oghuo o ke rote eoli iJerusalemu tiemhi eoli iJeriko. Igho o de ya pfilo ighiatu abo. E gbe oli bano-a, e kese ukuku ayemhe shi oli o, e mie oli emini o mhue nya. <sup>31</sup> A bhale ya e khi okpodalo-ugamhi oyi Eshinegba o rote oni ode e dose. Abi o ro me oni omo ni ighiatu e gbe egbo, o da je ukiekie ode ni o kpole ya dose vu.

<sup>32</sup> Igho oni o la Owa oyi Eshinegba gbe akanya oghuo, eni a lu iLivaiti, o ramhi agho, o me oli, o li rote ukiekie ode ni o kpole ya dose. <sup>33</sup> Omo ongi iSameria oghuo ni o le asha, o ramhi ashini oni omo o la. O me oli, elemhi oli e lala li. <sup>34</sup> O le deba li, o ku oili ali onyo shi oli ikpe ni o kualituse. O ri ide gen o li ewe. O tsua li nga akperea oyoli, o tsua li bhale owa ni a ku e shi, oo gueye we e ri eloe khu oli. \*\* <sup>35</sup> Ogbeakolo o ri ifata ogbele eva na oni o mhue oni ashini a ku e shi. O oli, ‘Kpeke ri eloe khu omo ona. Ingme ni o ke ya gbe nya, ini mhia jele mhi ya fali e we.’

<sup>36</sup> “Oghuo o elemhi egbo aase ena u sa khi o khi onuzava oyi oni omo ona ni ighiatu e gbe?” <sup>37</sup> Oni osese ushi oo li, “Oni o mhue ilelembi na li.”

Igho iJesu oo li, “Li ligho ke ngeli.”

### IJesu o je apfe oyi iMata ali iMeli

<sup>38</sup> Abi iJesu ali eniye odukhokho eyoli e li le, e bhale eoli oyi okpotso ni a lu iMata. Oni iMata o mie oli shi owa.

<sup>39</sup> Oni iMata o mhue inyoghuo okpotso ni a lu iMeli ni o shito kpepe iJesu ri eso shi emini o sese. †† <sup>40</sup> Abi a li ya mu iJesu epese, o zu iMata alo, oa me asha ri eso shi emini iJesu o sese. Igho o bhale deba iJesu, oo li, “Wa me khi inyoghuo-mhe o zobe ikanya nya na mheme-ghuo a gbe? We o bhale ya kpaghie mhe obo.”

<sup>41</sup> Onomhwe oo li, “iMata, iMata, u ma kphakpha egbe ke nase egbe e shi itobo emhi ebubu. <sup>42</sup> Ama emhi oghuo o mema mu egbe. iMeli o she ze oni o tine ni o la, ogbo oa ya mie oli lue.”

†10:22 Li ze iJon 3.35; 10.15

‡10:27 Li ze iLev 19.18; iDeut 6.5

§10:28 Li ze iLev 18.5

§10:28 Li ze iMat 22.35-40; iMak 12.28-34

\*\*10:34 Li ze 2 Okhe 28.15

††10:39 Li ze iJon 11.1



### IJesu ọ seṣe abi a liẹ sọ iromhi

(iMat 6.9-13; 7.7-11)

**11** Ogbeleghuo, iJesu ọ la asheghuo o sọ iromhi, Abi ọ rọ sọ se, omọ odukhokho oyọli oghuo, ọọ li, “Onomhufe, seṣe anye abi a liẹ sọ iromhi abi iJoni ọ li seṣe eniye odukhokho eyoli.”

<sup>2</sup> IJesu ọọ wẹ, “U kha sọ iromhi, ke liẹ: “Ita anye ni ọ la iloghie, anye ri ufumhi na eva oyẹ no pfuase, Zẹ ni eghiele oyẹ o bhale. Zẹ ni a riẹḗ

oghuemhẹ oyẹ ekẹ agbo abi o li shi obini iloghie.

<sup>3</sup> Ri eminale ona ogbe-namo na anye le.

<sup>4</sup> Gbe olamhẹ kua na anye, abi anye li ẹ gbe kua na egbo ni e lamhẹ shi anye ọ. Khi zẹ ni anye de pfilo imufe, ama tsumhi anye obọ oyi ọkphaghie.”

<sup>5</sup> IJesu ọọ wẹ, “Ini o khia khi onḡe ẹ ọ mhue omole ni ọ rọ lẹ deba omole ọli it-sotso ogbiẹ, ni ọ rẹ ọli, ‘Omue kpekpe ng-momhi irui ibuledi ese na mhe,’ <sup>6</sup> Irari khi omole mhe ni ọ la asha ọ bhale ya kushi na mhe, ama mhia mhue emini mhi ya rọ feli ọli epfese.’

<sup>7</sup> “Ini oni omole ọ, ọ rọte elemhi owa liẹ ọli, ‘Khi ke nase mhe ghue irari khi mhi she pfi okpe ode, mhẹmhe ali im-imhẹ anye she yeshi, mhia ke ya dobe vule ya rue emhi okhoghuo ne.’ <sup>8</sup> Mhi gueye ẹ khi ini omole ọli ọa tseku ri itobọ khi wewe e khi omole vule ya rue emini ọọ mhila li na li, ama itobọ khi ọ mema kie le ẹ mhila li tse, ọ mema ya vule ya rue emiemini ọ nono na li.

<sup>9</sup> “Mhi gue ẹ ye ẹ: Mhila khi a ya rọ ne, nono khi u ya me, kpheli obọ ode khi a ya khueghie-a ne. <sup>10</sup> Irari khi oni ọ mhila loli a rọ ọ na, oni ọ nono loli ọọ me, oni ọ kpheli obọ ode loli a khueghie-a a na.

<sup>11</sup> “Eẹ ni a khi ita, oghuo elemhi ẹ omioli ọ ya mhila li afele ni ọ ya rue enye na li, ocho ni ọ kha rọ ri afele na li? <sup>12</sup> O ke khia khi ini ọ mhila li ekeli, ni u ya rue okpi na li? <sup>13</sup> Ini eẹ ni a khi egbo ebe a leṣe abi a liẹ ri egbegbi emhi somhi imie ofpa, se Ita ẹ ni ọ la iloghie ọa ke li ya ri Ayemhe-no-pfuase na eni e mhila li?”

### IJesu ali Ọkphaghie

(iMat 12.22-30; iMak 3.20-27)

<sup>14</sup> Eḗ ọ oghuo khi iJesu ọ khu ayemhẹ ọkphaghie ungmene fiẹ, ọ khu oni ayemhẹ fiẹ lase, oni ungmene ọọ ngme. Oni ingme o ri abọ sha egbo ni e la agho.

<sup>15</sup> Ama egbo eghuo ẹ, “Ekpabọ ebe oyi iBezebọ ni ọ khi oghie oyi iyemhẹ ebe, ọ rọ a khu iyemhẹ ebe fiẹ lase.”<sup>††</sup>

<sup>16</sup> Eghuo ọ, e mu ọli fe bino, ẹ ọli ọ riẹḗ onyaloa ni o ri wewe ya mie shi ọli ọ khi Eshinegba ọ mie shi ọli ọ.<sup>¶¶</sup>

<sup>17</sup> Ama iJesu ọ she leṣe usamhi oyewe, ọ, “Eghiele ni o da kemhi egbo ọ ya de, omhufe-afẹ ni o da kemhi egbo ọ ya de. <sup>18</sup> Ini Ọkphaghie ọ kemhi egbo ọ, se eghiele oyoli o li ya migha? Eri mhi a ngme ona itobọ khi ẹ khi ekpabọ oyi iBezebọ mhi rọ ọ khu iyemhẹ ọkphaghie kua. <sup>19</sup> Mena ini mhi ri ekpabọ eyi iBezebọ ọ khu iyemhẹ ọkphaghie kua, ekpabọ onoghuo eniye eyi e e rọ a khu we kua? Eniye eyi e e ya gue ẹ ezo itobọ ungmeme ni a ngme ena. <sup>20</sup> Ama ini o khia khi ekpabọ oyi Eshinegba mhi rọ ẹ khu iyemhẹ ọkphaghie kua, ogho ọ rokhasẹ khi Eghiele oyi Eshinegba o she bhale ẹ iteva.

<sup>††</sup>11:15 Li zẹ iMat 9.34; 10.25

<sup>¶¶</sup>11:16 Li zẹ iMat 12.38; 16.1; iMak 8.11

<sup>21</sup> “Omose ni o mhuę ekpabọ o kha ri itsua okhọli gbanọ egbe egbegbọ ni o roọ khẹ owa oyọli ekhẹ, itsua eyọli e ya mhuę akhukhu. <sup>22</sup> Ama omose ni o toto doşẹ ọli o kha tsua okhọli mu ọli ni o ro nẹ ọli abọ, eri oọ miono ọli itsua okhuę nya ni o regbenga. O tsua ọli epfue ni o mhuę shi oni owa vu ya kemhi.

<sup>23</sup> “Oni ọa da ku ma mhe o ne, obe mhe o khi. Ogbo ni ọa da mu ma mhe o ti egbo gbili ne, eri oọ veşẹ egbo kua.<sup>§§</sup>

### Abi ayemhe o lie kia

(iMat 12.43-45)

<sup>24</sup> “Ini ayemhe okphaghie o rote ogbo egbe ya fię, eri o kpe a kia je ifu odagbe ifufu ni amę ęa la ya nono ashini o kpe je ya yemhe-a, ama ini ọa me asha, o egbelue, ‘Mhi gbo lo a je owa ni mhi kpe te vu.’ <sup>25</sup> Ini o bhale o ni o ro bhale ya e khi, a ga fuomhi oni owa muęę, emhikpa o ga guę la ayọli kuete. <sup>26</sup> Igho, o vu ya wolọ iyemhe oshilua elese ni e khọlo doşẹ loli, e bhale ya la oni omose egbe, ikpukhokho oyi oni omose o ke khọlo doşẹ abi o kpe li.”

<sup>27</sup> Abi iJesu o li ngme oni ungmemhi ona, okpotso oghuo o rote oni elemhi ebubu egbo tşesę leghe oọ, “Oni a khi voşẹ na okpotso ni o bia e, ni o kuęle, o khi.”

<sup>28</sup> IJesu oọ li, “Egbo ni e suọ ungmemhi oyi Eshinegba ni e ro ọli gbe akanya, wewe e mema mhuę ikhivoşẹ ne.”

### Ọlele oyi iJona

(iMat 12.38-42)

<sup>29</sup> Abi eni egbo e ke li bua shi o, iJesu oọ, “Egbo ebe, egbo agbhotu onana e khi. E mhila ọlele onyaloa, ama aa ya me onyaloa okhoghuo, se ni ọlele oyi iJona omekeguele.\* <sup>30</sup> Abi iJona o khi ọlele na egbo iNineve, igbo Omi ogbo o gbo li ya khi ọlele na egbo ena agbhotu ona.<sup>†</sup> <sup>31</sup> Oghie-okpotso oyi eke iSheba o ya shito ukpekhomhi ezo ya gue agbhotu ona ezo, o pfa ezo mu we, irari khi o ke rote eke odonuę bhale ya ri esọ suọ ungmemhi egbhali oyi oghie iSolomoni, ama ogbo ni o fu doşẹ iSolomoni o la akana.<sup>‡</sup> <sup>32</sup> Egbo iNineve e ya mu ezo vule shi agbhotu ona o, e pfa ezo mu we irari khi e mu pfi abi iJona o ro ya ri ungmemhi oyi Eshinegba tse abo ye we, memena ogbo ni o fu doşẹ iJona o la akana.<sup>¶</sup>

### Egbegbi akpa

(iMat 5.15; 6.22,23)

<sup>33</sup> “Aa me ogbo ni o ya ri akpa ru ni o ya ri ọli sheli, eri o ri ochogho ya rue ọli nga ashini o yagha, ni a bhale ya e khi egbo ni eę lole e me eke.<sup>§</sup> <sup>34</sup> Ikpamhalo eye e khi akpa oyi idiegbe oye. Ini ikpamhalo eye eę me eke egbegbo, idiegbe oye nya o khili akpa. Ama ini u tase alo-a, idiegbe oye nya o khili alo ebili. <sup>35</sup> Itobo ona khi ze ni akpa oye o khi alo ebili. <sup>36</sup> Ini idiegbe oye e khili akpa ni obili ọa ro la ashikhoghuo o, eri o ya ke ge nyanyanya abine khi akpa o nga ogbo egbe.”

§§11:23 Li ze iMak 9.40

\*11:29 Li ze iMat 16.4; iMak 8.12

†11:30 Li ze iJona 3.4

‡11:31 Li ze 1 Ighie 10.1-10; 2 Okhe 9.1-12

¶11:32 Li ze iJona 3.5

§11:33 Li ze iMat 5.15; iMak 4.21; iLuk 8.16

### Epfua esesa

(iMat 23.1-36; iMak 12.38-40)

<sup>37</sup> Abi iJesu o ro ngme se, iFarisi oghuo o lu oli o bhale ya nu luɛ le eminale. O lo deba li ya shito shi oni eminale. <sup>38</sup> Ama abo e sha oni iFarisi abi o ro me khi iJesu o kpe abo a neni o le emhi. <sup>39</sup> Igho Onomhue oo li, “Wa me mena khi ee egbo iFarisi khi eri a kpe ukhokho uko ali itasa eye-a, ama elemhi oyee o vo emhi ituegbe ali okholo. <sup>40</sup> Ee egbo eyegehe! Oa khi Eshinegba ni o riele ukhokho o o gbolo e riele elemhi o? <sup>41</sup> Ama a rue emini e la elemhi uko ali utasa na egbo ni ea mhue, egheghe agho emhikpa e ya pfluase na e.

<sup>42</sup> “O ma a kholo ee egbo iFarisi egbe gba, itobo khi a gue ze aze-oghue-igbe ebe akhokho, ali ebe alagho ali ebe elese ni a rote ogba e khiese, emini ea lolo mu eloe. Ama igue-so-ezo ali inono on-ayi Eshinegba, a ri obo gbe we shi. Ena e khi emini a kha mema ke riele, ma eni a riele egbo.\*\*

<sup>43</sup> “O ma a kholo ee egbo iFarisi egbe gba, irari khi ukpekhomhi ni o yagha a nono elemhi owa ugamhi ali otse ekpe elemhi oki.

<sup>44</sup> “O ma a kholo e egbe irari khi eri a li abi uji oyi egbo ni ogbo oa shi olele shi ni egbo e lighi e dose, ni ea lese.”

<sup>45</sup> Osese ushi oghuo o soli o, oo, “Osese, ini u wa ngme enana, eri u li ri anye ma o me bie.”

<sup>46</sup> IJesu o soli o, oo, “O ma a kholo ee ni a sese Ishi eyi iMosisi egbe, irari khi eri a so itsua ni egbo ea dobe ya tsua na we tsua, ama ee aa lama ya tsua ugegemo.

<sup>47</sup> “O ma a kholo e egbe irari khi ee a manojiji na emekeguele ni itita e e gbolo-

a. <sup>48</sup> Eri a pfi otsele shi o, a gbo mu ma emini ititae e riele irari khi wewe e gbolo emekeguele eyi Eshinegba a, ee a manojiji na we. <sup>49</sup> Itobo ona, rote ilisingme oyi Eshinegba, o ro lie, ‘Mhi ya ghie emekeguele ali ighiusomhi na kee ghi we, e ya gbolo eghuo o-a, e mu okholi vule shi elese o.’ <sup>50</sup> Itobo igho Eshinegba o ya mu ota so egbo ena agbhotu ona, shi oia eyi emekeguele nya, rote egheghe ni agbo ona o te gba eke le. <sup>51</sup> Rote oia eyi Ebeli ya ramhi oia eyi iZakaraya ni a gbe-a shi iteva Owa oyi Eshinegba ali atete. Igho lo! Mhi gueye e khi a ya na e osue to o.††

<sup>52</sup> “O ma kholo ee ni a lese Ishi eyi iMosisi pfo egbe, irari khi a she rue okpe ni a ro e khueghie ode ilisingme sheli. Ee na, aa lama lo, egbo ni e nono ni wewe e lo, aa ze ni e me asha dose lo.”

<sup>53</sup> Abi iJesu o ro rote agho vu, egbo iFarisi ali esese Ishi eyi iMosisi e mu okholi vule shi oli o egbegbo. E ri omhila ododa a khi oli ode. <sup>54</sup> Ini e ba me asha mu ungmehi mholi oli obo.

### IJesu o tse agua shi iri-ugamhi-kualo

(iMat 10.26-27)

**12** Egheghe ana ebubu egbo agbele agbele e legba, ni o ramhi ni e ro lighi egbewe, iJesu o nu eniye odukhokho eyoli ngme, oo we. “A mu egbe e shi iri-ugamhi ku alo oyi egbo iFarisi ni o li abi ifuma ni a ro ma ibuledi e nye.”‡‡ <sup>2</sup> Irari khi aa me emini a ro sheli ni oa ya lasele, wekhi eri a me emini a khukhu ni oa ya khueghie-a. <sup>3</sup> Ungmemhi ni u ngme eliyose a ya suo oli ele oguota. Emini u nyese ogbo eso gueye el-

\*\* 11:42 Li ze iLev 27.30

†† 11:51 Li ze Igbae 4.8; 2 Okhe 24.20-21

‡‡ 12:1 Li ze iMat 16.6; iMak 8.15

emhi owa aza, a ya suo ọli eko ukhomhi owa.<sup>¶¶</sup>

### Oni a ya na ulishi

(iMat 10.28-31)

<sup>4</sup>Emole mhe, abi o la mhi li gue ọli e ye e, a khi na ulishi egbo ni o khia khi idiegbe e lese dobe ya gbe-a, ini e gbe idiegbe-a, ẹa ke mhuẹ emhi olese ni e ke dobe ya li. <sup>5</sup>Ama mhi ya gueye e oni a ya na ulishi. A na ulishi Eshinegba ni o mhuẹ itoto ni o kha gbe ogbo se, o gbo pfi ọli lo ilimhi irierie. Abi o li mhi li gue ọli e ye e, a na ulishi oyoli. <sup>6</sup>Oa khi ikobo eva a ri ipfeli isuṣue oshe e de? Ama abi o rie khi igho, Eshinegba o ye le ongewe okhoghuo a. <sup>7</sup>Egbegbo lo khi, Eshinegba o she leli itsu ni e la e ukhomhi nya. Itobo igho a khi ze ni ulishi o mu e, irari khi a mu eloe dose ipfeli isuṣue ebubu.

### Eni e migha na iJesu ali eni e kie ọli

(iMat 10.32,33; 12.32; 10.19,20)

<sup>8</sup>Abi o li mhi li gue ọli e ye e khi, oni o da lama gue ingme oyemhe ye egbo ne, Omi ogbo o li ya gue ingme oyoli ye igeni eyi Eshinegba. <sup>9</sup>Ama oni o da kie mhe ukpeloe egbo, mhi ya li kie ọli ukpeloe igeni eyi Eshinegba. <sup>10</sup>Ogbo ni o da ze emuebe na Omi ogbo ne, a ya gbekua na li. Ama ogbo ni o da pfi unu-a deba Ayemhe-no-pfuase, ogbo a ya gbekua na li.<sup>§§</sup>

<sup>11</sup>Ini a rue e bhale owa ugamhi oyi egbo iJu ali egbo eni ee mhesa ali enighie, a khi ze ni a ye le abi a ya ngme, ali abi a li ya pfa egbe e shi eke. <sup>12</sup>Irari khi Ayemhe-no-pfuase o ya sese e abi a ya ngme oni eghenge.\*

### Okhe irokhokho oyi oyeghe

<sup>13</sup>Ogbo oghuo elemhi eni ebubu egbo o lu iJesu, oo li, "Oseṣe kpeke gueye inyoghuo-mhe ni o kemhi ugu na mhe."

<sup>14</sup>IJesu o so ọli o, oo, "Oghuo o zemhe shi oni o re e a gue ezọ ali oni oo kemhi ugu na egbo?" <sup>15</sup>Igho o gueye we nya, "A mu egbe e shi emhi ituegbe, irari khi agbo oyi ogbo o migha nga ukhomhi epfue ni o mhuẹ."

<sup>16</sup>O ze okhe irokhokho ona khasa we, oo we, "Eke oyi omose ni o pfue oghuo, o lolo ti emhi na li. <sup>17</sup>Oni omose o shito sa, Oo, 'Se mhi li ya kia egbo? Mhi a me asha ke ri emhi ya shi aka oyemhe.'

<sup>18</sup>"Igho oo, 'Emini mhi ya riṣe na. Mhi ya guogho aka oyemhe-a, mhi ya to aka onofune olese ni mhi ro so iakpa ali itsua elese shi. <sup>19</sup>Eghenge agho mhi egbemhe, Omue u ze ukhomhi onete gba e! Irari khi u mhuẹ epfue ni e bububu, ni e ya tsua-e ramhi ikpe ebubu. Ka yemhe-a, ke le, ke da. Wa li agbo abi o ghole e.'"

<sup>20</sup>"Ama Eshinegba oo li, 'Yeye oyeghe! U ya ghu-a amiṣe; mena oghuo o ke ya mholi eni ugu ni u she ti ma na egbe e?'

<sup>21</sup>"Igho o ya li ogbokpa egbe ni o da ti epfue ma na egbo, ni o mhuẹ epfue oyi emini o mu Eshinegba eloe."

### A khi ke sa usamhi agbo

(iMat 6.25-34)

<sup>22</sup>Igho iJesu o gueye eniye odukhokho eyoli, oo we, "Irarigho, a khi ze ni usamhi emini a ya le ali usamhi emini a ya da, o nase e, wekhi usamhi idiegbe oye emini u wa so. <sup>23</sup>Agbo oye o mu egbe dose eminale, idiegbe oye o gbo mu egbe dose ode ni a so e shi o. <sup>24</sup>A bino ipfeli na ukhomhi idane, ẹa ro ko wekhi eri ee

¶¶12:3 Li ze iMak 4.22; iLuk 8.17

§§12:10 Li ze iMat 12.32; iMak 3.29

\*12:12 Li ze iMat 10.19-20; iMak 13.11; iLuk 21.14-15

khiesē, ɛa mhuē ashini e tsua eminale a shi wɛkhi eri e mhuē aka, ama eri Eshinēgba ɔ rɔ na wɛ a le. A mu ɛloe dɔsɛ wɛ! <sup>25</sup> Ongeɛ onoghuo ɔ ya doɓɛ ri irari inyama-egbe oyoli khi ogɓɛlɛ oghuo ma agɓɔ oyoli? <sup>26</sup> Aborɔkhia khi u wa ya doɓɛ riɛlɛ ukuku emhi onana, elɔ o zɛ ni u rɔ a nasɛ egbe ɛ shi emini e kpɔlɛ?

<sup>27</sup> “Sa ɔ bino abi ebuli idodo e li ɛ fu. ɛa ya gbe akanya wɛkhi eri ɛɛ do ide. Ama mhi gue a yɛ ɛ khi egbegbi iSolomoni ni ɔ tseku lighɔ mhuē itsua ni e somhi otse, ɔa khuɛ akhuɛ nabi ebuli okhoghuo o khuɛ.” <sup>28</sup> ɛɛ ni a mhuē ukuku irudunga, ini o khia khi ighɔ Eshinēgba ɔ ri ide ku ebuli egbe, ni e kha laɔ amo, akɔ a tose wɛ-a, sɛ u ke liɛ sa khi ɔa ya li ri egbegbi itsua sɔ ɛ?

<sup>29</sup> “Irarighɔ, a khi ke sa emini a ya le ali emini a ya sɔ; a khi zɛ ni o nasɛ ɛ udu. <sup>30</sup> Irari khi ɛgɓɔ ena agɓɔ ona nya, wɛwɛ e na khu emhi enana, ama Ita ɛ ni ɔ la iloghie ɔ lesɛ khi e to ɛ. <sup>31</sup> Ochoghɔ emiemini u wa riɛlɛ nya, zɛ ni Eghiele oyi Eshinēgba o khi onodode, emhi elesɛ ni u wa nono nya, ɔ ya rɛwɛ ma ɔ nɛ.

### **Epfue na obini iloghie**

(iMat 6.19-21)

<sup>32</sup> “A khi zɛ ni ulishi o mu ɛ, ɛɛ ikuku isumha, irari khi ɔghuɛmhɛ oyi Ita ɛ o khi ni ɔ rɔ ri oni eghiele na ɛ. <sup>33</sup> A ri emhikpa ni a mhuē dɛ, a kemhi eni ikpaghɔ na eni ɛa mhuē. A zɛ ni a mhuē ɛkuɛ ukpaghɔ ni ɔa ya khakha, ali ni a gbo mhuē epfue shi iloghie ni ɔa ya pfo wɛkhi oghiatɔ ɔ mɛ asha a ti bhale ɔ, wɛkhi ifu e mɛ asha a towe, <sup>34</sup> Irari khi ashini epfue oye ɔ la, aghɔ udu oye ɔɔ la.

### **A mu egbe shi ekɛ khɛ ibhale oyi Onomhuɛ**

<sup>35</sup> “A mu egbe shi ugamhi, a zɛ ni ikpa eyɛ ɛ e ke gɛ.” <sup>36</sup> Abi eni ɛ ga ɔgɓɔ e migha khɛ ijele oyi oni ɔ mhuē wɛ ni ɔ ye ukue ni a rɔ a rue ɔkpotso, ini ɔɔ bhale ni ɔ rɔ kpheli obɔ ode, e nyanya khueghie ode a na li aghɔaghɔ. <sup>37</sup> O ma ti eni ɛ ga ɔgɓɔ eghɔ egbe ini oni ɔ mhuē wɛ ɔ bhale ya ɛ khi e mu egbe migha khɛ luɛ. Abi o la mhi gue a yɛ ɛ khi, ɔ ya mu egbe akanya, ɔ lu wɛ, ɔ nu wɛ shitɔ, ɔ ri eminale na wɛ le. <sup>38</sup> Oghɛlɛ ɔ ya khi na eni eni ɛɛ ga eghɔ ini oni ɔ mhuē wɛ ɔ bhale ya ɛ khi e mu egbe shi ekɛ ini o tseku khi itsotso ogɓiɛ, o ke khi ini ogbe o ya gbe ɔ rɔ bhale. <sup>39</sup> A lesɛ ona khi ini oni ɔ mhuē apfɛ ɔ lesɛ eghɛghɛ ni oghiatɔ ɔ rɔ ɔ bhale ɔli owa ya do lɔ, ɔa kha zɛ ni ɔ lo ɔli owa ya do. <sup>40</sup> ɛɛ oyeɛ a ke mu egbe, irari khi Omi ɔgɓɔ ɔ doɓɛ ya bhale eghɛghɛ ni aa sa shi.” <sup>§</sup>

### **Oni ɔ guɛ ɛɛ ga ali oni ɔa guɛ ɛɛ ga**

(iMat 24.45-51)

<sup>41</sup> IPita ɔ mhila li, ɔɔ, “Onomhuɛ anye u kpe ekpita ona yɛ abi ɔgɓɔkpa?”

<sup>42</sup> Onomhuɛ ɔɔ li, “Oghuo ɔ fɛ khi oni ɔrɛloekhu, ni ɔ mhɔli ilɛsingme, ni ɔɔ gbe akanya te ode igesikia, ni ɔga oyoli ɔ ri apfɛ nga obo, ni ɔ gueye ɔli ɔ ri eminale na eni ɛ ga li ke le shi eghɛghɛ? <sup>43</sup> Ikhivɔsɛ ɔ khi na oni ɔ ga ɔgɓɔ ɔghɔ, ini ɔga oyoli ɔ bhale ya ɛ ɔli shi iguɛriɛlɛ. <sup>44</sup> Mhi gue a yɛ ɛ khi eri ɔ ya ri emini ɔ mhuē nya nga ɔli obo. <sup>45</sup> Ama ini oni ɔɔ ga ɔgɓɔ ɔghɔ ɔ la udu oyoli liɛ, ‘Oga oyɛmhɛ ɔ she tɛsɛ ɛ dɔsɛ,’ ni ɔ rɔ gbe eni ɛɛ ga eni ikpotso ali eni emɔsɛ ni a rɔ shi ɔli obo, ɔɔ le, ɔɔ da, onyo ɔɔ

<sup>†</sup>12:27 Li zɛ 1 Ighie 10.4-7; 2 Okhɛ 9.3-6

<sup>‡</sup>12:35 Li zɛ iMat 25.1-13

<sup>¶</sup>12:36 Li zɛ iMak 13.34-36

<sup>§</sup>12:40 Li zɛ iMat 24.43-44

gbe ọli. <sup>46</sup>Eri ọni ọga ọyọli ọ ya bhale ẹlẹ ni ọa sa shi ni ọa ri ẹloẹ shi eke ẹ khe ọli, ikhi egheghe ni ọa sa shi. Ọni ọga ọyọli ọ gbe ọli, ọ kuale ọli utse, ọ ghie ọli abo pfilo deba ẹgbọ umha-sueso.

<sup>47</sup>“Ama ọni ọọ ga ọgbọ ọghọ, ni ọ leṣe ọghuẹmhe oyi ọga ọyọli, ni ọa mu egbe ni ọ rọ riẹlẹ ọghuẹmhe ọyọli, a ya gbe ọli itali, a nali osoli egbegbo. <sup>48</sup>Ama ọni ọ ga ọgbọ ni ọa leṣe ọghuẹmhe oyi ọga ọyọli ni ọọ riẹlẹ emini o ye ni a gbe ọli shi, a ya gbe ọli ukukuọ. Irari khi ọni a ri emini e bu na, emini e bu a ya mhila li. Ọni a ri emini e lolo bu nga obo, emini e lolo bu a ya mhila li.

### IJesu ọa ri opfomhe bhale ama okemhi

(iMat 10.34-36)

<sup>49</sup>“Erali mhi bhale ya pfi shi eke agbo ona. Abi a khe khi e she a lala. <sup>50</sup>Mhi muẹ ibatizi ni mhi ya mie shi egbe. Egbe ẹa ke sheshe mhe ne ini mhia li mie ọli se.” <sup>51</sup>Eri a dabi khi opfomhe mhi rọ bhale eke agbo? Iye! Okemhi mhi rọ bhale. <sup>52</sup>Rote memena vu, ẹgbọ oshe ni e la omhuẹ-apfe ọghuo e ya kemhi egbe. Aase ọ e mu okhọli vule shi aava ọ, aava ọ e mu okhọli vule shi aase ọ. <sup>53</sup>Ita ali omiọli ọnọmose e ya mu okhuẹ vule shi egbe we ọ. Inyo ali omiọli ọnọkpotso e mu okhuẹ vule shi egbe we ọ. Inyođo ali ọsami ọli, e ya mu okhuẹ vule shi egbe we ọ.”††

### Iṣe emini egheghe o ngme

(iMat 16.2,3)

<sup>54</sup>IJesu ọ gueye eni ẹgbọ nya, ọọ, “Ini a da me khi otughunu o gbe shi obini ovọ o te ẹ tiemhi eko ne, aghoagho a lie khi ame o ya rue, ame o rue esheshigho. <sup>55</sup>Ini akpekpeli o rote ukiekie ọgobo ini a so alo ghue obini ovọ o te ẹ lo eko ẹ li

ne, ẹ khi ogbe o ya nye amo, esheshigho o ligho. <sup>56</sup>Eẹ erugamhi-ku-alo, a leṣe abi a lie bino abi eke ali ukhui o ngme, a guele abi ogbe o ya li. Elo o ze khi aa leṣe abi egheghe o ngme memena?

### Yeṣe ali obe ẹ a rọ nu egbe riẹlẹ

(iMat 5.25-26)

<sup>57</sup>“Elo o ze khi a gueye egbe ẹ emini o te ode ni a ke riẹlẹ ọli? <sup>58</sup>Abi yeṣe ali ọni ọ luẹ ezo a lie ke le ikotu, roshaka ni a rọ riẹlẹ neni a ramhi ikotu. Ini ọa khi igho, eri ọ ya ti ẹ bhale ufuẹge oyi ọso-ezo, ọni ọso-ezo ọ muẹ ghi ọni ọ omhese, ọni ọ mhese egbo muẹ ya pfilo owa ighumha. <sup>59</sup>Mhi gueye ẹ khi u wa ya tigbe lase agho le, ini u wa li fali oko ni a ya fie pfo nya.”

### Ini ẹe aa li mupfi eri a li ya pfua

**13** Egheghe agho, ẹgbọ eghuo ni e la agho e gueye iJesu abi oghie iPaleti ọ ku ọlia eyi ẹgbọ iGalili eghuo ni ọ gbolo-a ma ọlia eyi elamhako ni a rọ luase obo. <sup>2</sup>IJesu ọọ we, “Eri a dabi khi olamhe eyi eni ẹgbọ iGalili egho e dose olamhe eyi ẹgbọ iGalili ni e kpole, ni o ze khi e ghọ na we osue? <sup>3</sup>Iye! Aa khi igho, ini ẹe aa li mupfi, igho ẹe a ya li pfua. <sup>4</sup>Abi khi eri a dabi khi ẹgbọ ogbalale ni owa atonga ni o la eke iSiloamu o de mu gbolo-a egho, khi olamhe eyewe e kholo dose eyi ẹgbọ ni e kpole ni e la iJerusalemu? <sup>5</sup>Iye! Mhi gue ẹ ye ẹ khi ini ẹe aa li mu pfi, igho a li ya pfua.”

<sup>6</sup>Agho iJesu ọ la ze okhe irokhokho oyi ọara okhua-eni ni ọa ya mo. Ọọ we, “Omose ọghuo ọ ko okhua-eni shi ogba upfonu. Ọ je ọ ya bino ini lolli me udumhi ọ pfa, ama ọa me emhikhoghuo ọ. <sup>7</sup>Ọ gueye omose ni ọ ri ẹloẹ a khu oni ogba upfonu, ọọ li, ‘Oonokpe-ese na ni mhi te ẹ kiasẹ oni ọara ona ini mhi me udumhi

\*\*12:50 Li ze iMak 10.38

††12:53 Li ze iMika 7.6

o, mhia me okhoghuo. Ka khi oli-a, elo o ze ni o ro le eke shi afue?’

<sup>8</sup>“Oni omose o lema oni o mhue oni ogba ipfonu, oo li, ‘Oga kpekpe ze oli obo ukpe ona bino ni mhi gua gasa udi oli, ni mhi ku ifatalaza shi o bino.’ <sup>9</sup>O kha mo idumhi ishukpe, o ti, ama ini o ke mo, u khi oli-a.”

### **Ijesu o ri okpotso ni o guogh-a ze ele iyemhea.**

<sup>10</sup>Ele iyemhea, iJesu o la owa ugamhi u sese egbo. <sup>11</sup>Okpotso oghuo o la agho ni o khia khi o gbe ikpe igbelele ni ayemhe okphaghi o te mu oli gon-a. Eri o ke nyese, o ke dobe e vule migha. <sup>12</sup>Abi iJesu o ro me oli, o lu oli lasese, oo li, “Kpotso, ughuamhi oye o she pfo.” <sup>13</sup>O ri abo nga oli egbe, aghoagho oni okpotso o vule migha, o kuoghi Eshinegba. <sup>14</sup>Elemhi e bi oni o mhese shi oni owa ugamhi khi iJesu o ri oni okpotso ze ele iyemhea. Oni omose oo egbo ni e le gba, “Ogbele esesa e la efo uka ni awa ro o gbe ikanya, a ke bhale eni ogbele esesa egho ni a la o re e ke ze, ama a khi ke bhale ele iyemhea.”<sup>††</sup> <sup>15</sup>Onomhue o so li o, oo, “Ee egbo eri ugamhi ku alo, o khi eri a taghi ichi ali ikpere eye-a shi ashini a geno we shi, a rue we je oke ya da ame ele iyemhea?” <sup>16</sup>Elo o ke ze ni okpotso ona ni o li khi omiomi Aburaamu ni okphaghi o she geno ikpe igbelele, ni aa ro li ya taghi oli-a ele iyemhea? <sup>17</sup>Abi iJesu o ro ngme ona se, omama o mu egbo ni e mu okholi vule shi oli o, ama ikanya onyaloa nya ni o gbe o ri egbe e mu eni egbo.

### **Okhe irokhokho oyi ukpamhi oara iMositadi**

(iMat 13.31-32; iMak 4.30-32)

<sup>18</sup>Ijesu o mhila we, oo, “Se Eghiele oyi Eshinegba o fe li? Elo mhi fe ya ri oli khokho? <sup>19</sup>Eri o li abi ukpamhi oara iMositadi ni ogbo o rue ya ko ogba. Oo fu, o mele ukpokpomhi oara ni ipfeli e ku eko shi iguabo eyoli a.”

### **Okhe irokhokho oyi ifuma**

(iMat 13.33)

<sup>20</sup>O gbo ro mhila we, “Elo mhi fe ya ri Eghiele oyi Eshinegba khokho? <sup>21</sup>Eri o li abi ifuma ni okpotso o ro ma italabi ifulawa ese wushe ni o fuma shio.”

### **Ode na pfi**

(iMat 7.13,14,21-23)

<sup>22</sup>Egheghe agho, iJesu o kiakia eoli khi eoli, o sese egbo abi o li je iJerusalemu. <sup>23</sup>Ogbo oghuo o mhila li, oo, “Onomhue, ikuku egbo tse Eshinegba o ya mie pfuese?”

Ijesu oo we, <sup>24</sup>“A rosheka ni a rote unu-ode na pfi lo. Mhi gue a ye e khi ebubu egbo e ya rosheka ni wewe e lo, ama, ea ya dobe. <sup>25</sup>Itobo khi ini oni o mhue owa o da vule ya pfi okpe ode ne, eri a mema migha olase ke kpheli ode shi afue, a lema, a lie, ‘Oga kpekpe khueghie ode a na anye.’

“Ama o so we o, oo, ‘Mhi aa lese e wekhi eri mhi lese obini a te bhale.’

<sup>26</sup>“Egheghe agho, a ya lie, ‘Anye nu e le, anye nu e da, u gbo la ifu apfe eyi anye e sese.’

<sup>27</sup>“Ama o ya gbo lie, ‘Mhia lese obini a te bhale. Ee nya a vu mhe ana lasese, ee egbo okholo.’<sup>¶¶</sup> <sup>28</sup>Agho egbo e la ke vie, ee gbe ako ako, ini a me Aburaamu ali Aziki ali iGiekopu ali emekguele obini

<sup>††</sup>13:14 Li ze Okiali 20.9-10; iDeut 5.13-14

<sup>¶¶</sup>13:27 Li ze Iwolo 6.8

Eghiele oyi Eshinegba ama a khu ẹ ya lase. <sup>29</sup>Egheghe agho egbo e ya rote obini ovo o te ẹ ngale ali obini ovo o te ẹ lo eko, ali ukiekie obita ali ukiekie ogobo ini a so alo ghue obini ovo o te ẹ lo eko bhale, e ya shito shi ukue na Eghiele oyi Eshinegba. <sup>§§</sup> <sup>30</sup>A bino khi a ya me egbo eghuo ni e kpe kpe ukhokho e ya kpe odalo, egbo ni e kpe kpe odalo e ya ke kpe ukhokho.”\*

### Ingme oyi iJerusalemu o to iJesu egbe

(iMat 23.37-39)

<sup>31</sup>Egheghe agho egbo iFarisi eghuo e bhale deba iJesu, ẹ ọli, “Vu ana lasele irari khi oghie Erodu o nono ni loli gbe-a.”

<sup>32</sup>IJesu oo we, “A ka gueye oni anyako ogho, ‘Khi mhi ya khu ayemhe okphaghi egbo egbe lasele ali mhi gbo ri egbo ya ze amo ali ako, ama akop-fua mhi ya gbe akanya oyemhe pfo.’

<sup>33</sup>Abibi o rie li, mhi mema ya ti okiali ke je odalo, amo ali ako ali akopfua, irari khi omekeguele okhoghuo o a khi oni o me asha a ghu shi eoli oboese se ni iJerusalemu.

<sup>34</sup>“Eekhue-oo! IJerusalemu, iJerusalemu. E ẹ ni a gbolo emekeguele-a, ni a gbolo ẹ tono eni a ghie ghi ẹ eche, iti-ingme o ghole mhe ni mhi kono imie kugbe, abi okhokho o lie kono imi ọli shi ifu ipfua, ama o a ghole e! <sup>35</sup>A bino khi apfe oye ẹ khi ikpukpu igbe e ke khi. Khi ogbo o a ke la o, mhi gue a ye ẹ khi aa ke ya me mhe, se ini oni egheghe o ramhi ni a ke ro a lie, ‘Eshinegba o khi vose na oni o ri eva oyi Onomhue bhale.’”†

### IJesu o gbo ri ogbo ze ele iyemhea

**14** Ogbeleghuo ele iyemhea, iJesu o je apfe oyi okhemhue iFarisi oghuo ya le eminale, egbo e ri eloe mema shi ọli egbe ni e me emini o ya li. <sup>2</sup>Itobo khi omose oghuo o la agho ni o fumhi abo ali awe. <sup>3</sup>IJesu o mhila eni iFarisi ali eni ẹ sese Ishi eyi iMosisi, “O fe ti elemhi Ishi eyi iMosisi ni ogbo o ro ri ogbo ze ele iyemhea, abi khi o a ti?” <sup>4</sup>Ama ea pfa shi ọli eke. Igho o pfi obo rue oni omose, o roli ze, o rue ọli obo-a, ọli o ke je.

<sup>5</sup>O mhila we, oo we, “Onge ẹ onoghuo o ya mhola omo, o ke khi ena ni o ya de pfilo ilija ni o a ya nyanya mu ọli o lasele, ini o riexhi ele iyemhea?”‡ <sup>6</sup>Ea me so shi ọli o.

### IJesu o sese osese iregbe-tiemhi eke

<sup>7</sup>IJesu o me abi egbo eni a lu bhale oni ukue, e li ya shito ashini o mhue ekpe shi oni ukue, o ze okhe irokhokho khashe we, oo we, <sup>8</sup>“Ini ogbo o lu ẹ bhale ukue ni a la rue omueshi khi kpe tode ya shito ashini o mhue ekpe, itobo khi, otse a she li kpe lu ogbo ni o mu eloe dose li shi oni ukue. <sup>9</sup>Ini a me gho, oni o lu ẹ shi ukue, o ya bhale deba e, oo, ‘Kpekpe vule ni omose ona o shito.’ Egheghe agho u ri omama ya shito ukpekhomhi onikeke. <sup>10</sup>Ama ini a lu ẹ shi ukue, kpe ya rue ukpekhomhi onikeke shito na ro bhale ya ẹ khi oni o lue shi oni ukue o bhale deba e, oo ‘Omue, vule je ukpekhomhi ni o yagha.’ Egheghe agho u mhue ekpe shi ukpeloe oyi ogbokpa ni o ga la oni ukue.”¶ <sup>11</sup>Irari khi oni o da ti egboli nga,

§§13:29 Li ze iMat 8.11-12; 22.13; 25.30

\*13:30 Li ze iMat 19.30; 20.16; iMak 10.31

†13:35 Li ze Iwolo 118.26; iJere 22.5

‡14:5 Li ze iMat 12.11

¶14:10 Li ze Ekpi 25.6-7



a ya ti ɔli tiemhi, ama ɔni ɔ da ti egbɔli tiemhi, a ya ti ɔli nga.”<sup>§</sup>

<sup>12</sup>Igho iJesu ɔ gueye ɔni ɔ lu ɔli shi oni ukue, “Ini u ya nye ekhe feli egbo, khi lese lu emole e, ali inyoghuo e, ali egbo eye ali eni e pfue tse, irari khi e li dobe e ghie lu e shi ekhe ni e nye elelese, ni o li abine khi e she fali e ota to o. <sup>13</sup>Ama ini u mhɔli ukue, luno egbo eni e mhɔli ali egbo eni e mhɔli awe e kia ali eni e guoghɔ awe-a ali ezalo. <sup>14</sup>Egheghe agho u mhɔli ikhivose. Itobo khi e ya dobe fali e oru to o. U ya me eleli ogbele ite-eghuli-guale oyi egbo ni e pfuase.”

### Okhe irokhokho oyi ukue Oniemhi

(iMat 22.1-10)

<sup>15</sup>Abi omose oghuo ni e ga shito shi eni ekhe, o ro suo abi iJesu o ngme, oo li, “Oghelɔ o ya khi na ogbo ni o ya la ukue na Eghiele oyi Eshinegba le emhi.”

<sup>16</sup>IJesu o so ɔli o, oo li, “Omose oghuo o mu egbe ni o ro ya mhue ukue oniemhi. O lu ebubu egbo shi oni ukue. <sup>17</sup>Egheghe oni ukue o ramhi, o ghie oni oo ga li ghi egbo ni o lu shi oni ukue, o ɔli o ka gueye we, o lie, ‘A bhale khi mhi she mu egbe se.’

<sup>18</sup>“Ama ogbogbo o guele emini o ze khi lɔli a ya me asha bhale. Oni odode oo li, ‘Mhi lese de eke ishemhi, mhi ya le ya bino ɔli. Kpekpe khi wola.’

<sup>19</sup>“Olese oo li, ‘Mhi lese de ena agbhagbhamhi ishe ni a ge toma aava aava kugbe, ni a ro gua ishemhi. Mhi ya le ya rewe gbe akanya bino. Kpekpe khi wola.’

<sup>20</sup>“Igho olese oo, ‘Mhi lese rue okpotso mhi aa ya me asha bhale.’

<sup>21</sup>“Igho oni oo ga ni a ghie egho, o nyene egbe ukhokho ya gueye oga oyoli, abi eni egbo e ngme nya. Igho elemhi e li

bi oni odapfe. Oo oni o ga li, ‘Nyanya fie je olase, ka kia ode ni e je ifu apfe nya, wolo egbo eni e mhue. Eni e ghu abo ali awe-a ali ezalo ali eni e dobe a kia bhale.’

<sup>22</sup>“Igho oni oo ga ogbo o bhale, oo ‘Oga mhi she ye usomhi ni u ghie mhe, ama owa o kɛ vɔ egbo ne.’

<sup>23</sup>“Igho oni oga o gueye oni oo ga ogbo ogho, oo, ‘Je ode ali ifu apfe ya lu we lole ni owa oyemhe o vɔ. <sup>24</sup>Mhi gueye e khi ogbokhoghuo o la egbo ni mhi ri ebe ghi ni o ya ri unu mu eminale ni mhi nye.’”

### Emini o ya gbe e, ni u ro khi omɔ odukhokho

(iMat 10.37,38)

<sup>25</sup>Ebubu egbo e deba iJesu le iJerusalemu, iJesu o nyene alo gueye we, oo we, <sup>26</sup>“Ini ogbo okhoghuo o da nono ni lɔli bhale deba mhe ni o ro da kɛ itali ali inyoli ali ughue ɔli ali imiɔli, ali inyoghuo ɔli, ali agbo oyoli ne, o ya dobe khili omɔ odukhokho oyemhe.” <sup>27</sup>Ogbo ni o da tsua apfida oyoli ke deba mhe ne, o ya dobe khi omɔ odukhokho oyemhe.††

<sup>28</sup>“Ongeɛ onoghuo o ya to owa atonga ni o ya kpe tode shito ta ingme ni o ya gbe ɔli, ni o me ini lɔli ya mhue ikpagho to li pfo? <sup>29</sup>Ini o khi igbo, o kha ri ɔli gbe ni o ke ro dobe to li pfo, eri egbokpa ni e da me oni owa e ri oni omose ya ke li egia. <sup>30</sup>E lie, ‘Omose ona oo to owa ama o ke dobe to li pfo.’

<sup>31</sup>“Oghie onoghuo oo nono ni lɔli ri okhue ghie oghie olese ni o kpe tode ya shito sa bino ini lɔli ya dobe ri egbo agbele igbe 10,000 ya nu oni oghie ogho ni o mhue egbo agbele uye 20,000 kholi? <sup>32</sup>Ini o me khi lɔli aa ya te ɔli o, eri o ya

§14:11 Li ze iMat 23.12; iLuk 18.14

\*\*14:26 Li ze iMat 10.37

††14:27 Li ze iMat 10.38; 16.24; iMak 8.34; iLuk 9.23

nyanya ghie egbo ghi oni oghie abi o a li ramhi oli egbe ne, o o li ze ni wewe e ro riefe.

<sup>33</sup>“Igho khi ogbo ni o a rue emhikpa ni o mhue obo-a, o a ya dobe khi omo odukhokho oyemhe.

### Ugbheli

(iMat 5.13; iMak 9.50)

<sup>34</sup>“Ugbheli o ma ti gba, ama ini ugbheli o a ke mhue iviofo oyoli, se a ka gbo dobe ya ri oli ke gbo mhue iviofo oyi ugbheli? <sup>35</sup>Egheghe agho aa ke ri oli ya riefe emhi okhoghuo, wekhi eri a ya ku oli shi eke ni o ri eke wogho, ama eri a ke ya ku oli kua.

“Oni o mhue eso o ro suo.”

### Okhe irokhokho oyi osumha ni o wa-a

(iMat 18.12-14)

**15** Igho ebubu emionoga ali ena olamhe e bhale ti mama iJesu ni e ro suo ingmemhi ni o ngme. <sup>2</sup>Ama egbo iFarisi ali esese Ishi eyi iMosisi e, “Oni omo o a o kpe abo e mie egbo olamhe, o gbo nu we e le eminale.”<sup>††</sup> <sup>3</sup>Igho iJesu o ze okhe irokhokho khashe we, o, <sup>4</sup>“Ini o khia khi onge e o mhue isumha egbhueshe, ni a ro bhale ya e khi oghuo o wa o a, se o ya li? Aa khi eri o ya ze oghuo o a la egbhueshe eni e kpole obo shi ifu odagbe ifufu, o vu ya nono oghuo ni o wa egbo, ramhi ni o ro ya me oli mu? <sup>5</sup>Ini o me oli, egbe ee mu oli, o mu oli ta ike. <sup>6</sup>Ini o ramhi apfe, o luno emole oli ali idogbapfe eyoli, oo we, ‘A bhale ya nu mhe ghele irari khi osumha oyemhe ni o wa, mhi she me oli mu.’ <sup>7</sup>Mhi gueye e khi ini ogbo olamhe o mu pfi, oghel o la iloghie dose ogbo oghuo o a la egbhueshe ni e she pfuase ni ea ke nono imupfi.

### Ukpagho ni o waa

<sup>8</sup>“Ini o khia khi okpotso o mholi ikpekhuhi igbe, ni o ro washe oghuo o-a, se o ya li? Oa khi eri o ya ri akpa ru, o fuomhi owa nguene, o kuegbe-a nono oli ramhi ni o ro ya me oli rue? <sup>9</sup>Ini o me oli rue, o luno emole oli ali idogbapfe eyoli, oo we, ‘A bhale ya nu mhe ghele irari khi ukpekhuhi oni o wa mhe-a, mhi she me oli rue.’ <sup>10</sup>Mhi gueye e khi igbo igeni eyi Eshinegba e lie ghele ini ogbo olamhe oghuo o mu pfi.”

### Omo oni o wa-a

<sup>11</sup>IJesu o gbo ze okhe irokhokho ona khashe we, oo we, “Omo oghuo o ya la o ni o mhue eniye emose aava. <sup>12</sup>Onikeke ni o la o, oo itali, ‘Itamhe, kemhi ugu ni o ya khi oyemhe na mhe.’ Igho oni itali o kemhi oni ugu na we. <sup>13</sup>Oa tese ne, oni omo ogbo o tsua ugu eyoli. O vu je eoli odonue oboese, o ya pfuse epfue egbo kua. <sup>14</sup>O pfuse epfue egbo nya kua se, ukpokpomhi okiamhi o lo oni ushishi ogbo nya le. Oyemhe o gbe oli. <sup>15</sup>Igho o le deba omo ni o khi omo eke agho. O ri egboli mele oni oo ga oni omo-a. O ghie oli je ishemhi oyoli ni o ri eminale na igulu eyoli ke le. <sup>16</sup>O nono ini loli me asha ke le eminale ni eni igulu e le kpole. Ama ogbokhoghuo o a bo eminale na li. <sup>17</sup>Abi egbhali eyoli e ro tiemhile, o mhila egboli, ‘Oa khi eri ighumha eyi itamhe nya e me eminale a le, e keshe shi, ni mhi ro la ana ri egbe na okiamhi a gbe ya ghua! <sup>18</sup>Mhi nyene egbe ya je apfe deba itamhe, ni mhi ya lie oli, Ita mhi she lamhe na Eshinegba ali yeye. <sup>19</sup>Mhia ke te oni abi a lu omie, rue mhe abi oghumha oghuo oye.’ <sup>20</sup>Igho o vu ya je deba itali. Ama abi o li bhale ni o kie nuata shi apfe egbo, itali o me oli, o mhue ilelemhi na li. O na ya mu oli, o pfi

<sup>††</sup>15:2 Li ze iLuk 5.29-30

abọ gege ọli uruli, ọ pfi ọli ẹlẹmhi egbe. <sup>21</sup>Oni ọmọ ọọ itali, 'Itẹ, mhi she lamhẹ shi Ẹshinegba ali yeyẹ ọ, mhia ke tẹ ni a lu omiẹ, ke riẹlẹ mhẹ abi eni ẹẹ ga ẹ ọtuoghuo.' <sup>22</sup>Ama itali ọ luno eni ẹẹ ga li, ọọ, 'Okuekhoogo! A nyanya a rue egbegbi itsua ni e somhi otse nya bhale sọ li. A rue ukhui shi ọli obọ, ni a ri ekuẹ sọ li. <sup>23</sup>A mu ẹna ni ọ khọbọ bhale ni a gbe ọli-a ni awa mhue ukue ke ghele gbii. <sup>24</sup>Irari khi eri omimhẹ ọna ọ kpẹ ghua ama ọ she guale. Eri ọ kpẹ wa ama a she mẹ ọli rue.' Ighọ e lu ukue, e ghele gbii. <sup>25</sup>Egheghe agho omiọli ọnoghbali ni ọ kpẹ la ifui ishemhi ọ rote ishemhi jele. Abi ọ rọ ti mama apfe, ọ suọ eko ebọla ali ishimhi. <sup>26</sup>Oni omiọli ogho ọ lu oni ọọ ga ọyi itali oghuo, ọ mhila li, ọ, 'Elo a mẹ?' <sup>27</sup>Oni ọọ ga ọọ li, 'Inyoghuo ẹ ọ jele, ni itẹ ọ rọ gbe ẹna ni ọ gbẹdi oghuo-a. Irari khi ọ jele shi itoto ali oghẹ.' <sup>28</sup>Igho elemhi e bi oni inyoghuo ọli ọnoghbali ogho, ọa ke lama lo owa le. Igho itali ọ le deba li, ọ lema li ọ lo le. <sup>29</sup>Ama ọọ itali, 'Bino oonokpeingme ni mhi te la ana a gẹ, ni mhia a tigbe da ushi oyẹ okhoghuo ghue, ama agboagbo wa tigbe mu ẹlamhi okhoghuo na mhẹ ghue, ni emole mhẹ e li nu mhẹ ghele. <sup>30</sup>Ama abi omiẹ ọna ni ọ tsua itsua epfue eyẹ ya pfuechẹ kua na idegbe ọ rọ jele, u ya gbe ẹna ni ọ gbẹdi-a na li.' <sup>31</sup>Itali ọọ li, 'Omimhẹ, ẹgheghe kpa u te nu mhẹ la akana, emhikpa ni mhi mhue eyẹ e khi. <sup>32</sup>Ama o ti ni awa ghele, irari khi eri inyoghue ọna ọ kpẹ ghua, ama ọ she nyene egbe bhale agbo; eri ọ kpẹ wa ama a she mẹ ọli rue.'"

### Okhẹ irọkhokhọ oyi orẹloekhu ọna ikpamhika

**16** Ijesu ọ zẹ okhẹ irọkhokhọ khase eniye odukhokho eyọli, ọọ wẹ, "Omose oghuo ni ọ pfue ọ la ọ, ọ mhue orẹloekhu epfue enayọli. A gueye oni omose khi oni orẹloekhu ọ pfuse

luẹ epfue-a. <sup>2</sup>Igho ọ lu ọli, ọ mhila li, 'Elo ona o khi ni mhi a suọ idiegbe oyẹ? Rokhasẹ mhẹ ghue abi u li gbe akanya oyẹ irari khi waa ke gbolo ya khi orẹloekhu oyemhẹ.' <sup>3</sup>Igho oni orẹloekhu ọ sa ọ, 'Sẹ mhi li ya kia abi oga oyemhẹ ọ rọ ya khu mhẹ akanya ena? Mhi aa mhue itoto ni mhi rọ dobe ya gua ishemhi. Omama omhila kia-kia ọọ mu mhẹ. <sup>4</sup>Mhi lese abi mhi ya li ini egbo e zẹmhẹ lo apfe oyewe le ini a khu mhẹ akanya.'

<sup>5</sup>"Igho ọ lu egbo ni e lo oga oyoli ota. Ọ mhila onodode, 'Ingme u lo oga oyemhẹ?'

<sup>6</sup>"Ọọ li, 'Igalọ oili olivu egbhueshe asha elele.' Oni orẹloekhu ọọ li, 'Mọ ebe, shito khi we-a, ni u keke igalọ egbhueshe asha ene.' <sup>7</sup>Ọ mhila onuzava, 'Ingme yeye u lo?'

"Ọọ li, 'Ikpu lu ado agbele.'

"Ọọ li, mọ ebe shito khi we-a ni u keke egbhueshe asha eleli.'

<sup>8</sup>"Oni oga ogho ọ kueghie oni orẹloekhu ọna ikpamhika ogho, irari khi ọ riẹlẹ ingme ikpamhika ni o li abi ileasingme. Irari khi egbo ena agbo ona e lese abi e li ri ikpamhika nu egbe ẹ ngeli dose abi egbo ni e khi ena akpa ẹ li. <sup>9</sup>Mhi gue ọli ẹ ye ẹ, a ri epfue ni a mhue mu emole shi agbo ona ni a rọ bhale ya ẹ khi ini e pfo, a ya zẹ ẹ lo iloghie.

<sup>10</sup>"Ogbo ni a da dobe ri egbe ẹ nga shi ukuku emhi ni a rọ nga li obọ ne, ọ ya zẹ regbenga shi eminiemhi, ini a roli nga ọli obọ. Oni ọa da zẹ ri egbe ẹ da shi ukuku emhi ne, ọa ya zẹ ri egbe da shi eminiemhi. <sup>11</sup>Ini u wa zẹ ni a regbenga shi epfue na agbo ni a rọ shi ẹ obọ, sẹ a li ya ri egbegbi epfue nge obọ? <sup>12</sup>Ini o khia khi u wa zẹ ri egbe ẹ nga shi epfue oyi ogboese, oghuo ọ ya ri oyẹ nẹ?

<sup>13</sup>"Aa mẹ oni ọọ ga ogbo ni ọ dobe ya ke ga ega aava utoghuo. Eri ọ ya nono ingme oyi oghuo, ọa nono ingme

oyi ɔnɔkpɔle. Oɔ suɔ esɔ na oghuo dɔsɛ ɔnɔkpɔle. Wa doɓɛ ya ke ga Eshinegba u gbolo ɛ ga ukpago.”<sup>¶¶</sup>

### Osesɛ eyi iJesu eghuo

(iMat 11.12,13; 5.31,32; iMak 10.11,12)

<sup>14</sup>Abi ɛgbɔ iFarisi ni e nono ingme ukpago dɔsɛ e rɔ suɔ ona, e dɔ iJesu ɔkɔnyɔ. <sup>15</sup>IJesu ɔɔ wɛ, “Eri a ngeli ukpɛloe agbɔ ni a rɔ ke khasɛ khi eni angeli oyewɛ o migha shi ipfuasɛ a khi, ama Eshinegba ɔ lesɛ usamhi udu oyɛɛ. Eminɔ ɛgbɔ ɛɛ bino khi oo mu ɛloe gba, eri ɔɔ kpasɛ Eshinegba.

<sup>16</sup>“Eri a ri Ushi oyi iMosisi ali emini emekeguele e kekɛ gbe akanya ramhi ɛghɛgɛ oyi iJɔni ɔni ɔɔ batazi ɛgbɔ. Rɔte ɛghɛgɛ aghɔ vu ya ramhi memena, eri a ri ungmamhi oyi Eghiele oyi Eshinegba a tse abɔ, ɔgbɔkpa ɔ roshɛka ini lɔli doɓɛ lo ɔ.”<sup>§§</sup> <sup>17</sup>O ya kelɛ ni ekɛ ali ukhuli ni e kelea, ama ukpamhi ungmamhi okhɔghuo kpele ɔa ya de Ishi eyi iMosisi pfi-a.\*

<sup>18</sup>“Omosɛ ni ɔ da khu ughuɛ ɔli pfi a ni ɔ ya rue ɔkpotso ɔlese ne, ɔ she kia okia. Omosɛ ni ɔ da rue ɔkpotso ni a khu ughuɛ, ɔ she li kia okia.”<sup>†</sup>

### Omosɛ ni ɔ pfue ali iLazarɔsi

<sup>19</sup>“Omosɛ ɔghuo ɔ ya laɔ ni ɔ mema pfue. Oɔ sɔ itsua enete ni e somhi otse ni e ghale, ɔ li agbɔ nyafunyafu ɔgbeɛ kpa. <sup>20</sup>Omosɛ ɔghuo ɔna umhamɛ ni a lu iLazarɔsi, ɔ li ya la ɔ. Igboko e gɛ ɔli. A tsua li bhale odɛ unuɛkpɛ oyi ɔni ɔmosɛ ni ɔ ghɔ pfue ɔghɔ ɛghɛgɛ kpa. <sup>21</sup>Eri ɔni iLazarɔsi ɔ shitɔ oni odɛ unuɛkpɛ oyɔli ini lɔli mɛ eminale ni e rɔte ɔli ukhomhi itebu de kua rue le. Eri ewa e gbolo bhale ya lalɔ ɔli eni igboko.

<sup>22</sup>“Eghɛgɛ o bhale ni ɔni iLazarɔsi ɔ rɔ ghua. Igeɛni eyi Eshinegba e bhale ya tsua li je ashini Aburaamu ɔ la. Omosɛ ni ɔ lighɔ pfue eghɔ, ɔ li ghua, a ri ɔli tɔ. <sup>23</sup>Ilimhi iriɛɛɛ ni ɔ la mɛ osue, ɔ yasɛ alo idane, ɔ mɛ Aburaamu khi ɔ nuata shi luɛ egbe, iLazarɔsi ɔ shitɔ mama li. <sup>24</sup>Ighɔ ɔ lu leghe, ‘Aburaamu ita! Kpekpe mhuɛ ilelemhi na mɛ. Ghie iLazarɔsi ni ɔ to obɔ amɛ to mɛ ɛlemhi, itobɔ khi mhi la ukpokpomhi osoli el-emhi ɛɛ memena.’

<sup>25</sup>“Ama Aburaamu ɔɔ li, ‘Omosɛ sato khi abi u rɔ la agbɔ, u she mie eminete eyɛ, ama iLazarɔsi ɔ mie emini ɛa ti eyɔli. Mena egbe e pɔmhi ɔli shi ana, yeyɛ u la ukpokpomhi osoli. <sup>26</sup>Ini a ri obɔ rue ona ɔ shi ekɛ, rɔte ashini u la bhale ana ugbilimhi ekɛ o pfa awa a. Irarighɔ, eni ɛɛ nono ni wɛwɛ e rɔte ana da je obini u la, ɛa ya doɓɛ wɛkhi eni e la obini u la e doɓɛ ya da bhale deba anye oola.’

<sup>27</sup>“Omosɛ ɔɔ ɔli, ‘kpekpe mhia lema ɛ, ghie iLazarɔsi je apɛ oyi itamɛ, <sup>28</sup>irari khi mhi mhuɛ inyoghuo emɔsɛ oshe. Zobɛ ni ɔ ya tse agua yɛ wɛ ini e khi bhale asha osoli ona.’

<sup>29</sup>“Aburaamu ɔ sɔ ɔli ɔ, ɔɔ li, ‘E mhuɛ Ishi eyi iMosisi ali emekeguele, e ri eso shi wɛ ekɛ.’

<sup>30</sup>“Omosɛ ɔɔ li, ‘Iye, Aburaamu ita, ini ɔgbɔ ɔ rɔte eghuli guale ya tse agua yɛ wɛ, e ya mu nyenɛ.’

<sup>31</sup>“Aburaamu ɔɔ li, ‘Ini ɛa ri esɔ shi emini Ishi eyi iMosisi ali emekeguele e ngme, ɛa ya ri esɔ shi ekɛ ini ɔgbɔ ɔ tseku rɔte eghuli guale.’”

<sup>¶¶</sup>16:13 Li zɛ iMat 6.24

<sup>§§</sup>16:16 Li zɛ iMat 11.12-13

\* 16:17 Li zɛ iMat 5.18

<sup>†</sup>16:18 Li zɛ iMat 5.32; 1 iKɔri 7.10-11

### Olamhẹ ali igbekua

(iMat 18.6,7,21,22; iMak 9.42)

**17** IJesu oọ eniyẹ odukhokho eyọli, “Emini e ri ogbo ọ lamhẹ olamhẹ e mema ya bhale, ama o ma kholo oni ogbo ni o rote obọ oyọli bhale egbe. <sup>2</sup>O ti nẹ ini a mu eche iko zu ogbo oghogho uruli tsua pfilo oke oniemi, dose ni o ro ya ze ni otuoghuo ikuru eniyẹ enana ke lamhẹ olamhẹ. <sup>3</sup>A mholi egbhe shi emini a riyele.”<sup>3</sup>

“Ini inyoghuo ẹ o lamhẹ, gue ọli ye ọli. Ini o mu nyene, gbekua na ọli. <sup>4</sup>Ini o lamhẹ nẹ iti ishilua ogbele, ni o ro bhale ya lema ẹ eni iti ishilua egbo, ni o re, ‘Mhi mu nyene.’ U mema ya gbekua na li.”

### Irudunga

<sup>5</sup>Eni ighiusomhi na kee ogbava ni iJesu o ze, ee, “Onomhue, zese irudunga oyanye-a.” <sup>6</sup>Onomhue oọ we, “Ini u mhue irudunga ni o she abi ukpamhi imositadi, u ya lie oara oaghie ona, ‘Oo eke-a, ni u ya gbola shi elemhi oke oniemi!’ O ya suo ne.”

### Akanya oyi oni o ga ogbo

<sup>7</sup>“Ini ongee o fe mhue oni o ga li ni o gua ishemhi ẹ nali, okekhi isumha o ri eloe ẹ khu nali. Eri o ya lie ọli, ‘Nyanya bhale ya le eminale ini o rote ishemhi jele?’ <sup>8</sup>Oa khi eri o ri ochogho ya kpe lie ọli, ‘Ka nye emhi ogbomhi na mhe, u kpha li na mhe ni mhi le. Mhi kha le se, ni mhi ro da se, u tigbe ya le oye?’ <sup>9</sup>O ya tse oni o ga ogbo ogbo o mu ikanya irari khi o da ye usomhi ni o ghie ọli? <sup>10</sup>Igho khi ee, ini a riyele abi a ghie ẹ se, a ke lie, ‘Eni ẹ ga ogbo tse anye khi, akanya khi akanya oyi anye, anye ẹ gbe.’”

### IJesu o ri emose ishoma ze

<sup>11</sup>Abi iJesu o ro je iJerusalemu, o rote iteva eoli iSameria ali eoli iGalili ii dose. <sup>12</sup>Abi o li lo eoli oghuo le, emose ogbe ni efafe e mu e bhale deba li, e ta pfia migha. <sup>13</sup>E tseşe leghe, ee lie, “IJesu Onomhue, mhue ilelemhi na anye!” <sup>14</sup>Abi iJesu o ro me we, oo we, “A ka ri egbe ẹ khasẹ ekpodalo-ugamhi eyi Eshinegba.” Abi e li le egbo, eni efafe e kala we egbe-a, e ze.” <sup>15</sup>Igho ogghuo o elemhi we, abi o ro me khi loli ze, o nyene egbe ukhokho bhale, o kueghie Eshinegba leghe. <sup>16</sup>O bhale ya de yeshi iJesu odalo, o tse ọli uwegbe. Ongi iSameria oni omose o khi. <sup>17</sup>Igho iJesu o mhila we, “Oa khi egbo ogbe a ro ze? Igho otiale ni e kpole? <sup>18</sup>Aa me ongewe okhoghuo ni o nyene egbe ukhokho bhale ya kueghie Eshinegba, se ni ofese onana?” <sup>19</sup>IJesu o li, “Vule ke je, irudunga oye o she re ze.”

### Ibhale oyi Eghiele oyi Eshinegba

(iMat 24.23-28,37-41)

<sup>20</sup>IFarisi eghuo e mhila iJesu eghẹghe ni Eghiele oyi Eshinegba o ro ya bhale. IJesu oọ we, “Eghiele oyi Eshinegba o ya bhale ni a ke me alo gbugbugbu. <sup>21</sup>Oa khi oni a lie, ‘Ghe ọli ana.’ We khi, ‘Ghe ọli agho.’ Irari khi Eghiele oyi Eshinegba o la iteva oye e.”

<sup>22</sup>Igho o eniyẹ odukhokho eyọli, “Eghẹghe o bhale ni a ya nono ogbele oghuo oyi omi ogbo, ama a ya me ọli. <sup>23</sup>Egbo e ya ke gueye ẹ, ‘Bino khi o la agho.’ Ali khi, ‘O la ana.’ Ama a khi na deba we. <sup>24</sup>Irari khi ele ni Omi Ogbo o ya bhale, eri o ya li abi erali akphala ni o nyamhise alo rote ukiekie ukhui oghuo ya je ukiekie ni o kpole. <sup>25</sup>Ama o mema

<sup>3</sup>17:3 Li ze iMat 18.15

<sup>4</sup>17:14 Li ze iLev 14.1-32

kpe ya me osue egbegbo, egbo agbhotu ena e kie oli.

<sup>26</sup> “Abi o ke lese li egheghe oyi iNoa, igho o ya li ogbele ni Omi Ogbo o ya bhale.<sup>§</sup> <sup>27</sup> Eri egbo e le, e da, e rue ikpotso, a ri ikpotso ye ughue ya ramhi ni iNoa o ro lo oko-oké oniemi. Igho ame ni ofune o rote idane tiemhile ya pfuse we-a nya.\*\*

<sup>28</sup> “Igho o gbo li egheghe oyi iLoti. Egbo e le, e da. E de, e ro de. E ko, e to apfe. <sup>29</sup> Ama ele ni iLoti o lase eke iSodomu le, erali ali ingamhi e rote idane ze kule ya pfuse we-a nya.††

<sup>30</sup> Igho o ya li ele ni Omi Ogbo o ya bhale. <sup>31</sup> Ele ni a ngme ena, oni o la ukhomhi owa, o khi tiemhile ya woló it-sua eyoli. Igho o khi oni o la ishemhi, o khi nyene egbe je apfe shi emhi khoghuo.<sup>‡‡</sup> <sup>32</sup> A sato ingme oyi ughue iLoti!<sup>¶¶</sup> <sup>33</sup> Ogbo ni o da nono ni lolí tsumhi agbo oyoli ne, o ya de oli obo-a, ama ogbo ni rue agbo oyoli obo-a shi eke itobo oyemhe ne, o ya me oli rue.<sup>§§</sup>

<sup>34</sup> Eliyose ni a ngme ena, emose aava e ya lese shi ukpho oghuo, a ya rue oghuo o vu, o kpe otuoghuo o le. <sup>35</sup> Ikpotso aava e ya ke mhele emhi kugbe, a ya rue oghuo o vu, o kpe otuoghuo o le.”

<sup>36</sup> [Emose aava e ya la ishemhi, a ya rue otuoghuo o vu, o kpe otuoghuo o le.]

<sup>37</sup> Eniye odukhokho eyoli e mhila li, e oli, “Obo lo Onomhue?” IJesu oo we, “Ashini idiegbe olimhi o la, agho ighuli epe legba.”

### Okhe irokhokho oyi osamhi-olimhi ali oso-ezo

**18** IJesu o ze okhe irokhokho khase eniye odukhokho eyoli, ni o ro sese we khi o ti ni a ke lema egheghe kpa, ali e khi ze ni o lose we. <sup>2</sup> Oo we, “Elemhi eoli oghuo, omose oso-ezo o ya la o ni o li na ulishi Eshinegba wekhi eri o mu ekpe na ogbo. <sup>3</sup> Osamhi-olimhi o li la oni eoli ni o bhale deba oni oso-ezo, oo li, ‘Kpekpe pfa ezo na mhe shi ingme ni o de mhemhe ali ogbo.’ <sup>4</sup> O ga tese oni omose o kie pfa shi oli eke. Ama ikpukhokho o, oni omose oo egbeoli, ‘Ini o rie khia khi mhi aa ya na ulishi Eshinegba wekhi eri mhia mu ekpe na ogbo, <sup>5</sup> ni o ro khia khi oni okpotso ona o lina bhale ya nase mhe ena, mhi ya pfa ezo na li, ini o khi ya ri ibhale oyoli ona kie ke nase mhe!’”

<sup>6</sup> Onomhue oo we, “Aa suo abi oso-ezo ona okholo ona o ngme? <sup>7</sup> Eshinegba o ya li pfa ezo na eniye eyoli ni e vie e lu oli, ghe ele-oguota, ghe ele-iyose? <sup>8</sup> Mhi gueye e khi o ya pfa ezo na we pia. Abi o li ena, ini Omi Ogbo o nyene egbe bhale, o li bhale ya e irudunga eke agbo?”

### Okhe irokhokho oyi iFarisi ali omionoga

<sup>9</sup> IJesu o gbo ze okhe irokhokho ona khase egbo eghuo ni e regbenga khi wewe e mholi igue-ngeli dose egboese, ni e ri eloe a gbe egboese. <sup>10</sup> “Emose aava e je Owa Oyi Eshinegba ya so iromhi. Oghuo o o khi iFarisi, onokpole o khi omionoga. <sup>11</sup> Oni iFarisi o vule, o so iromhi, o kuoghi egboli, oo lie, ‘Eshinegba, mhi kphemhi ne khi mhi aa li abi

§17:26 Li ze Igbae 6.5-8

\*\*17:27 Li ze Igbae 7.6-24

††17:29 Li ze Igbae 18.20; 19.25

‡‡17:31 Li ze iMat 24.17-18; iMak 13.15-16

¶¶17:32 Li ze Igbae 19.26

§§17:33 Li ze iMat 10.39; 16.25; iMak 8.35; iLuk 9.24; iJon 12.25

egboese ni e khi ighiatọ ni eẹ li ingmobe, ni eẹ kia okia abi omose omionoga onana. <sup>12</sup>Iteva mhia pfi azumhi elemhi efo uka. Mhi a ze aze-oghuo-igbe elemhi emini mhi mhue kpa.’

<sup>13</sup>“Ama oni omionoga ogho, o tapfia migha o a gbudu yase alo feli idane, ama o lese gbe abo nga aye, o lie, ‘Eshinegba mhue ilemhi na mhe, mhemhe ogbo olamhe.’ <sup>14</sup>Mhi gue egbegbi ingme a ye e khi oni omionoga ona Eshinegba o bino khi o pfuase dose oni omose ni o kpole. Egbe e mu oli je apfe. Itobo khi ogbo ni o da ti egboli nga ne, eri a ya ti oli tiemhi eke, ama oni o da ti egboli tiemhi eke, a ya ti oli nga.”\*

### Ijesu o khi vose na ikuku eniye

(iMat 19.13-15; iMak 10.13-16)

<sup>15</sup>Eleghuo, egbo e li mu eniye enikeke bhale ghi ijesu ni o ri obo ti we. Abi eniye odukhokho eyoli e ro me we, ee e khi bhale ya nase oli. <sup>16</sup>Ama ijesu o lu eni eniye, oo we, “A ze ni ikuku eniye e bhale deba mhe, a khi ke mu we migha irari khi enabi wewe e mhue Eghiele oyi Eshinegba. <sup>17</sup>Abi o li mhi li gue oli ye e khi, oni o da mie Eghiele oyi Eshinegba abi ukuku omo o li mie oli ne, o ya lo oli le.”

### Oghie ni o pfue

(iMat 19.16-30; iMak 10.17-31)

<sup>18</sup>Oghemhue oghuo o mhila ijesu, oo, “Osesese onete, se mhi ya li ni mhi ro ya mhue agbo na agboagbo?” <sup>19</sup>Ijesu o mhila li, “Elo o ze ni u ro o lu mhe osese onete? Ogbokhoghuo o la o ni o khi onoti, se ni Eshinegba.” <sup>20</sup>U lese abi ishi eyi Eshinegba e ngme, “Khi kia okia, khi gbe ugbeli, khi do ughiatọ, khi pfi otsele egbhue mu ogbo, mu ekpe na ite ali inye.”†

<sup>21</sup>Oo ijesu, “Rote abi mhi te khi omo mhi te ri ishi ena nya a gbe akanya.”

<sup>22</sup>Abi ijesu o ro suo ona, oo li, “O kpo e emhi oghuo le, le ya ri emini u mhue nya de, u kemhi eni ikpagho na egbo ni ea mholi khi u ya mhue epfue shi iloghie. Ni u tigbe bhale ke deba mhe.”

<sup>23</sup>Abi oni omose o ro suo ona, egbe e pfo li-a itobo khi o pfue gba. <sup>24</sup>Ijesu o me abi egbe e pfo li-a shi o, oo, “O ma mu unu ni egbo ni e lolo pfue ni e ro lo Eghiele oyi Eshinegba. <sup>25</sup>Ni ogbo ni o pfue o ro lo Eghiele oyi Eshinegba, o ya munu dose, ni ogbo ke dua ni loli ri alakumi rote ese asuge ya fie.” <sup>26</sup>Egbo ni e suo ona e mhila, “Oghuo o ke ya mhue imiepfuese sho?” <sup>27</sup>Ijesu oo we, “Emini o a ze ogbo a riele loli o ze Eshinegba a riele.” <sup>28</sup>IPita oo ijesu, “Bino, anye she tsua emhi eyanye nya kua se, anye bhale deba e.” <sup>29</sup>Ijesu oo we, “Abi o li mhi li gue oli e ye e khi, aa me oni o ya tsua apfe-oli, okekhi ughue-oli pfi, ni o tsua inyoghuo oli, ghe itali ghe inyoli ali imioli pfi, itobo Eghiele oyi Eshinegba, <sup>30</sup>ni o ya mhue eleli ni e bu dose eghogho, elemhi agbo ona ali agbo oni o ke e bhale.”

### Ijesu o gbo gue ingme eghuli oyoli le

(iMat 20.17-19; iMak 10.32-34)

<sup>31</sup>Ijesu o rue eniye odukhokho ogbava eyoli je asha eghuo, o gueye we. “A ri eso shi eke, awa ya nga obini iJerusalemu. Emini emekeguele e keke shi Omi Ogbo egbe nya, e bhale ya tse oobo. <sup>32</sup>A ya mu oli, a rue oli na egbo iJeta. E ya roli li egia, ee tsue oli, e tono ete ku oli, e gbe oli itali, e tigbe gbe oli-a. <sup>33</sup>Ele onuzi-ese, o ya guale.” <sup>34</sup>Eniye odukhokho eyoli ea lese udi ingme ena irari khi eri a ri ingme enana sheli we, ali khi ea gbo lese emini oo ngme.

\*18:14 Li ze iMat 23.12; iLuk 14.11

†18:20 Li ze Okiali 20.12-16; iDeut 5.16-20

### Ijesu o khueghie ozalo alo-a

(iMat 20.29-34; iMak 10.46-52)

<sup>35</sup> Abi iJesu o li ti i mama iJeriko, ozalo oghuo o shito epfe ode, o mhila. <sup>36</sup> Abi o ro suo okeke egbo ni e dose, o mhila we emini a me. <sup>37</sup> A gueye oli khi iJesu na iNazareti oo dose. <sup>38</sup> O lu leghe, oo li, "Ijesu Omi iDefidi mhue isomhelemhi na mhe." <sup>39</sup> Egbo ni e ralo na li e oli o khukhu unu. Ama igho o kie li tseşe oo lie, "Omi iDefidi mhue isomhelemhi na mhe." <sup>40</sup> Ijesu o migha, o e lu oni omose ghi lue. Abi o ro ti mama li, iJesu o mhila li. <sup>41</sup> "Elọ wa nono ni mhi rieleşe ne?" Oo iJesu, "Onomhuele mhi a nono ni mhi ke me eke." <sup>42</sup> Ijesu oo li, "Alo eye e khueghie-a, irudunga oye o she re ze." <sup>43</sup> Aghoaghọ alo eyoli e khueghie-a. O deba iJesu kia, o kueghie Eshinegba. Abi eni egbo nya e ro me oli e li li kueghie Eshinegba.

### IZakioşi omionoga

**19** Ijesu o rote eoli iJeriko dose. <sup>2</sup> Omose oghuo o la oni eoli ni a lu iZakioşi, loli o khi oga oyi emionoga. O ga mema mhue epfue egbegbo. <sup>3</sup> O nono ni loli me oni iJesu o khi, ama oa dobe. Oa me asha itobo khi egbo e bu dose. Ali khi ogbo ni oa yagha o khi ni o lolo she. <sup>4</sup> Igho o na ya ralo ode ni iJesu o te ya dose, o ya nga oara ugbele shito, ini loli me asha me oli. <sup>5</sup> Ijesu o ramhi agho, o yase alo idane lu oli, Oo li, "IZakioşi, nyanya tiemhile, mhi mema ya kushi apfe oye amo." <sup>6</sup> Igho o nyanya tiemhile. Egbe e mu oli, o ri oghelẹ kpe abo mie iJesu.

<sup>7</sup> Egbo nya ni e me ona, e wolo, e lie, "O she ya kushi na ogbo ona olamhe." <sup>8</sup> O ke lese li denẹ tee, iZakioşi o ti vule, oo, "Onomhuele ghe i, mhi ya khi epfue eyemhe shi asha eva, mhi ri asheghuo o

na egbo ni ea mhue. O kha khia khi mhi li ogbokhoghuo le ghue, mhi ya fali oli eni ota agbhagbhamhi ene." <sup>9</sup> Ijesu oo li, "Amo ena imiepfuese o she bhale apfe ona, itobo khi omi Aburaamu, omose ona o li khi. <sup>10</sup> Irari khi eri Omi Ogbo o bhale ya nono egbo ni e waa, ali ni o gbo ro ya mie we pfuese."\*

### Okhe irokhokho igwe-ri emini a ro ne kia

(iMat 25.14-30)

<sup>11</sup> Abi e kie li suo ingmemhi ena, iJesu o ze okhe irokhokho khasẹ we irari khi o she ti i mama iJerusalemu. Eni egbo e dabi khi utoghuokpe Eghiele oyi Eshinegba o ro ya bhale. <sup>12</sup> Oo we, "Omose okhemhuele oghuo o ye ushishi odonue ni a ro ya ri oghie na li, ikpukhokho, o gbo jele. <sup>13</sup> Igho o luno eni ee ga li ogbe, o kemhi ikpagho eyi igolu na we. Oo we, 'A ri ikpagho ena du oki ramhi ni mhi ro ya jele.'

<sup>14</sup> "Eri tse khi eri apfọli e biselemhi oli, e ghie usomhi ghi eni e ya gbanọli ukhomhi khi wewe ea nono ni oni omose ona, ni o khi oghie oyi wewe.

<sup>15</sup> "A kie ri oghie na li, o jele. Igho o luno eni e ga li egho ni o ri ikpagho na, ni loli mhila we abi e ri eni ikpagho kia.

<sup>16</sup> "Oni odode o bhale, oo li, 'Oga, ukpagho igolu oye o she bia igbe elese.'

<sup>17</sup> "Oni oga oo li, 'Mu akanya, oni oo ga onete oyemhe. Itobo khi u khi oni a ri egbe e nga shi ukuku ni a ro shi e obo, mo eoli igbe ke mhese shi.'

<sup>18</sup> "Onuzava o bhale, oo li, 'Oga ukpagho igolu oye o she bia ishe elese.'

<sup>19</sup> "Oni oga oo li, 'Yeye mo eoli ishe ri eoli ke khu.'

<sup>20</sup> "Onuzase o bhale, oo, 'Oga ghe ukpagho igolu oye. Eri mhi genọli shi ode ya shi ne. <sup>21</sup> Eri ulishi oye o mu mhe itobo khi ogbo ni o ze alo u khi. Ashini

\*19:10 Li ze iMat 18.11



u waa roshi u te e rue, ashini u wa ro ko shi u te a khiesē.’

<sup>22</sup>“Oni oga oyoli oo li, ‘Mhi ya rote emini yeyeghuo u ngme se unu ingme ikhi yeye oni o ga ogbo obe ona. Abi u ro lese khi omose ni o ze alo mhi khi, khi ashini mhia ro shi mhi te a rue, mhi gbo rote ashini mhia roko shi a khiesē.’ <sup>23</sup>Elo o ze ni u waa ro ri ukpago oyemhe ya shi owa ukpago na mhe ni e la agho ke gbe nga o, ni mhi me oli ali eleli eyoli mie ini mhi nyene egbe jele?’

<sup>24</sup>“Igho o gueye eni e migha, ‘A mie oli oni ukpago igolu ona na oni o mhue eleli asha igbe.’

<sup>25</sup>“Eni egbo e oli, ‘Oga, o she kpe mhue igbe.’

<sup>26</sup>“Oni oga oo we, ‘Abi o li mhi li gue oli e ye e khi, ogbo ni o da kpe mhue ne, a ya ro ma li o. Ama oni o kpe mhue a ya gbo mie oli oni o kpe mhue.’ <sup>27</sup>Ama ebe mhe egho ni ea nono ni mhi le eghiele shi we ukhomhi, a wolo we lase ana, a gbolo we-a ukpeloe mhe.’”

### Ijesu o lo iJerusalemu le

(iMat 21.1-11; iMak 11.1-11; iJon 12.12-19)

<sup>28</sup>Abi iJesu o ro ngme ona se, o ya ralo na we. E nga iJerusalemu. <sup>29</sup>Abi o ro ti mama eoli iBetifagi ali iBetani obini ukhomhi ute ni o khi era olivu, o ghie eniye odukhokho eyoli aava ralo, oo we, <sup>30</sup>“A je eoli ni o la e odalo. Ini a ramhi agho, a ya me omi akphere ni ogbo o nga ghue khi a mu oli zu. A taghie oli-a, a mu oli ghi mhe ana. <sup>31</sup>Ini ogbokhoghuo o mhila e, khi oo, ‘Elo o ze ni a ro taghie o lia?’ A lie oli, ‘Onomhue o mhue emini o ri oli ya li.’” <sup>32</sup>Eni o ghie, e bhale ya e oni akphere tee abi iJesu o li gueye we. <sup>33</sup>Abi e li taghie o lia, eni e mholi

oli e mhila we, “Elo o ze ni a ro taghie oni akphere a?” <sup>34</sup>E we, “Onomhue o mhue emini o roli ya li.” <sup>35</sup>E mu oli ghi iJesu. E ri ide ku oli egbe, e mu iJesu nga o. <sup>36</sup>Abi o li le, egbo e naghie ide ku ode. <sup>37</sup>Abi o ro ti i mama ashini ute Olivu o te pfi ukhomhi kpoke, eni eniye odukhokho nya ee kueghie Eshinegba leghe shi ikanya onyaloa ni e me. <sup>38</sup>Ee lie,

“Ikhivose o khi oyi oghie ni o ri eva oyi Onomhue bhale.”

“Opfomhe o la iloghie, ufumhi o la obini o yagha ne nya.”<sup>8</sup>

<sup>39</sup>Igho iFarisi eghuo ni e la ifuabo eni egbo ee iJesu, “Osese, gueye eniye odukhokho eye e khukhu unu.”

<sup>40</sup>Oo we, “A ri eso shi eke, ini e khukhu unu, eche e ya ke tseshe leghe.”

### Ijesu o vie na iJerusalemu

<sup>41</sup>Abi o ro ti i mama iJerusalemu ni o ro me oni eoli, o vie na li. <sup>42</sup>Oo, “Abi a khe khi u lese emini o ya ri opfomhe ghi e amo ena lo! Eri tse khi a she ri oli sheli na e mena.” <sup>43</sup>Ogbele oo bhale ni ebe e e ro ya gbe ogba gashe e, e khi e shi iteva, e rote ashakpa gashe e shi. <sup>44</sup>E ya kholi e pfuse-a. Ea ya keshe omo wekhi odio le, e shashe e apfe-a. Ea ya keshe ukpolo nga ukpolo, itobo khi aa lese egheghe ni Eshinegba o ro bhale ya tsumhi e.

### Ijesu o je Owa Oyi Eshinegba

(iMat 21.12-17; iMak 11.15-19; iJon 2.13-22)

<sup>45</sup>Igho o lo Owa Oyi Eshinegba, o khu egbo ni e la agho e du oki fie. <sup>46</sup>Oo we, “A she keke oli shi Ebe-no-pfuase khi, ‘Owa oyemhe owa iromhi lo.’ Ama, a she ri oli mele egbha ighiatu a!”<sup>\*\*</sup>

<sup>†</sup>19:26 Li ze iMat 13.12; iMak 4.25; iLuk 8.18

<sup>§</sup>19:38 Li ze Iwolo 118.26

<sup>\*\*</sup>19:46 Li ze Aza 56.7; iJere 7.11

<sup>47</sup> Ogbelekpa iJesu o la Owa oyi Eshinegba sese, ama eni ighie eyi ekpodalougamhi ali esese Ishi eyi iMosisi ali eni e ralo na eni egbo, ee nono ni wewe e gbe oli-a.<sup>††</sup> <sup>48</sup> Ama ea me ode ni e te ya ri ele oli, itobo khi eni egbo e ri eso shi osese oyoli, ea nono ni ungemmi oyoli okhoghuo o de we eso-a.

### A mhila iJesu oni o ri afu na li

(iMat 21.23-27; iMak 11.27-33)

**20** Eleghuo khi iJesu o la Owa Oyi Eshinegba tse abo usomhi onete oyi Eshinegba, ighie eyi ekpodalougamhi ali esese Ishi eyi iMosisi, ali eni egbhali e bhale deba li. <sup>2</sup> E oli, "Gueye anye afu oyi oni u ro o gbe ikanya enana. Oghuo o ri eni afu ena ne?"

<sup>3</sup> IJesu oo we, "Mhi ya li mhila e ogbo, a so mhe o! <sup>4</sup> Ibatizi ni iJoni oo batazi egbo, obo oyi Eshinegba o te bhale abi obo oyi ogbo?"

<sup>5</sup> E lu egbe we ochi, e ke, "Awa khe, 'Obo oyi Eshinegba o te bhale.' O ya mhila awa, 'Elo o ze khi aa mie oli suo?'"

<sup>6</sup> Ini awa ke, 'Obo oyi egbo.' Egbo nya e ya tono awa eche irari khi ogbokpa o lese khi omekeguele iJoni o khi." <sup>7</sup> Igho ee iJesu, "Anye aa lese obini o te bhale."

<sup>8</sup> IJesu oo we, "Mhia li ya gueye e afu ni mhi ro a gbe ikanya enana."

### Okhe irokhokho oyi eghiale ena okholo

(iMat 21.33-46; iMak 12.1-12)

<sup>9</sup> IJesu o ze okhe irokhokho ona khase eni egbo, oo we, "Omose oghuo o gua ipfonu shi ogba, o roli ye ongommi na eghiale. O vu eoli ni o la tese."<sup>‡‡</sup> <sup>10</sup> Egheghe ikhiese o ramhi, o ghie oni oo ga li ghi we e rote oni ogba pfanu idumhi ghi lu. Ama eni eghiale e gbe oni a

ghie ogho. O pfino abo efue je. <sup>11</sup> Oni omose o gbo ghie oni oo ga li onuzava ghi we. E gbe oli, e yeghe oia. O gbo pfino abo efue ya je. <sup>12</sup> Oni omose o gbo ghie onuzase. E kuale oli utse, e khu oli ya fie.

<sup>13</sup> "Oni o mhu e oni ogba ipfonu ogho, oo, 'Se mhi fe ya li egho? Mhi ya ghie omimhe ni mhi nono ingme oyoli egbegbo, otse, e ya mu ekpe na li.'

<sup>14</sup> "Ama abi eni eghiale e ro me oli, ee, 'Egbegbi omi oli na ni o ya le ugu ogba ona, awa gbe oli-a ni awa rue oni ugu le.' <sup>15</sup> Igho e ti oli je olase oni ogba ipfonu, e gbe oia.

"Se oni o mhu e oni ogba ipfonu egho o fe ya li we? <sup>16</sup> Eri o ya bhale ya gbolo eni eghiale egho-a, o tigbe rue oni ogba na eghiale elese." Abi eni egbo e ro suo oni ingme, e, "Eshinegba o gbe etse kua!"

<sup>17</sup> IJesu o bino we alo ukhomhi, oo we, "Se emini a keke ona o fe ngme, ni oo,"<sup>¶¶</sup> "Eche ni itsona e kie pfia, o tigbe ya mele eche ebe ni o mu eloe ne nya-a?"

<sup>18</sup> "Oni o da ya de nga oni eche ne, o guogh-a, ali oni oni eche o da ya de mu ne, o mheli oia."

### Ingme oga izeze

(iMat 22.15-22; iMak 12.13-17)

<sup>19</sup> Eni e sese Ishi eyi iMosisi ali ighie eyi ekpodalougamhi e nono ode ni e te ya mu oli aghoagho, irari khi wewe o ze oni okhe irokhokho tsue. Ama ulishi oyi egbo oo mu we. <sup>20</sup> Igho e li ri eloe shi oli egbe egbegbo. E ze egbo ni e ri ele abi egbo ni ee mie shi iJesu o deba li, e ke de oli awe, ini e me ushi mu shi oli obo, ni e mu oli ghi ena omhese eyi igovuno. <sup>21</sup> Igho eni a ze egho ee mhila li ogbo, "Osese, anye ga lese khi abi ung-

<sup>††</sup>19:47 Li ze iLuk 21.37

<sup>‡‡</sup>20:9 Li ze Aza 5.1

<sup>¶¶</sup>20:17 Li ze Iwolo 118.22

memhi oyi Eshinegba o li u lie ngme oli, u gbolo a sese emini e te ode, waa ya gbe ogbokhoghuo azeba, ama eri wa sese egbegbi ingme oyi Eshinegba. <sup>22</sup> O fe ti ni anye ze oga na oghie iSiza abi anye khi ze?" <sup>23</sup> IJesu o she lese oshili eyewe. <sup>24</sup> Oo we, "A ri ukpagho elomho khase mhe. Alo eyi oghuo a fe mu shi o?"

<sup>25</sup> E oli, "ISiza."

IJesu oo we, "A ri emini e khi eyi iSiza na iSiza, a ri emini e khi eyi Eshinegba na Eshinegba."

<sup>26</sup> Ea dobe rote emini o ngme igbaa me emhikhoghhuo mu shi oli obo. Abo e sha we shi abi o li gbaghie oni ogbo-a, e khukhu unu.

### **Egbo iSadusi e mhila li ogbo irote-eghuli guale**

(iMat 22.23-33; iMak 12.18-27)

<sup>27</sup> Egbo iSadusi eghuo ni ea lama shi o khi a ya me irote eghuli guale, e ri omhila bhale deba iJesu. <sup>28</sup> E oli, "Osese, iMosisi o keke shi eke na awa khi ini omose o ghu-a pfi ughue oli shi eke agbo ni oa ro bia eniye, inyoghuo oni omose o rue oni okpotso ughue ni o bia eniye shi agbo na inyoghuo oli ni o ghu-a egho." <sup>29</sup> Inyoghuo egbe etuoshilua e ya la o. Oni odode o rue okpotso, o ghua, oa bia omo. <sup>30</sup> Onuzava o rue oni okpotso. <sup>31</sup> Igho onuzase o gbo rue oli. Igho wewe nya e rue oli, e ghulo-a, ea bia omo. <sup>32</sup> Ikpukhokho o, oni okpotso o li ghua. <sup>33</sup> Mena, ogbele ni egbo e ya te eghuli guale, ughue oghuo oni okpotso o ya khi, aborokhia khi wewe oshilua e ga rue oli ughue egho?"

<sup>34</sup> IJesu oo we, "Egbo ena agbo ona e rue ikpotso, wewe e gbo ri ikpotso a ye ughue. <sup>35</sup> Ama egbo ni a leli shi eni

e mhue okemhi shi agbo ogho ali irote eghuli guale, ea ya rue ikpotso, wekhi eri a rewe ya ye ughue. <sup>36</sup> Ea ke ke ghu, irari khi eri e ke ya li abi igeni eyi Eshinegba. Imi Eshinegba e ke ya khi, irari khi e she rote eghuli guale. <sup>37</sup> Ashini a keke ingme oyi ebuli ni oo to shi, iMosisi o te rokhasi e gboo khi eni e ghua, e guale, irari khi o lu Onomhue, 'Eshinegba oyi Abu-raamu ali Eshinegba oyi Aziki ali Eshinegba oyi iGiekopu.' <sup>38</sup> Eshinegba oyi egbo ni e la agbo o khi. Oa khi Eshinegba oyi egbo ni e ghua." <sup>39</sup> Esese Ishi eyi iMosisi eghuo ni e la agho ee oli, "Osese, u ga gue ngme!" <sup>40</sup> Ogbokhoghuo oa ke gbo gbudu mhila li ogbo olese.

### **Omi oghuo oni Omiepfuese o khi**

(iMat 22.41-46; iMak 12.35-37)

<sup>41</sup> Igho iJesu o mhila we, "Se ee a lie lie khi oni Omiepfuese khi omi iDefidi o khi? <sup>42</sup> Irari khi oni iDefidi o ngme oli shi ebe Iwolo, ni o re, "Onomhue oo Onomhue oyemhe: Shito mhe ukiekie obita <sup>43</sup> ramhi ni mhi ro ya ri ebe e shi e ekoawe ni u kpha awe ukhomhi." <sup>44</sup> Ini iDefidi o lu oli, 'Onomhue.' Se o ke gbo lie khi omi iDefidi?"

### **IJesu oo e mhue egbhe shi esese Ishi eyi iMosisi egbe**

(iMat 23.1-36; iMak 12.38-40)

<sup>45</sup> Abi eni egbo e kie ku eso-a shi eke egho, iJesu oo eniye odukhokho eyoli, <sup>46</sup> "A mhue egbhe shi esese Ishi eyi iMosisi egbe. O ma ghole we ni e ke so it-sua na dolodolo ke kia gase, ni egbo e ba ke tse we otse ekpe atu oki. Ee shito ashini o mhue ekpe elemhi owa ugamhi,

§§20:27 Li ze Ika 23.8

\*20:28 Li ze iDeut 25.5

†20:37 Li ze Okiali 3.6

‡20:43 Li ze Iwolo 110.1

e gbolo ẹ shitọ ashini o yagha ni o fune ukue. <sup>47</sup> Ẹẹ lo apfe oyi esamhi-olimhi ya ri itoto miono we emini e mhue. Ẹẹ so iromhi ni e nue eyi abamemhe. A ya na egbo eghogho osue egbegbo.”

### Isomhopfa oyi osamhi-olimhi

(iMak 12.41-44)

**21** Ijesu o bino gase, o me khi egbo ni e mhue epfue e pfi ukpagho lo akpati ni a pfi ukpagho a lo el-emhi Owa oyi Eshinegba. <sup>2</sup> Igho osamhi-olimhi ni o mhue emhi o li pfi ikpamhi inini eva lo oni akpati. <sup>3</sup> Ijesu oo eniye odukhokho eyoli, “Mhi gueye e khi osamhi-olimhi ona o ga rona dose egbo eni e kpole nya. <sup>4</sup> Eri egbo eni e kpole ena e rote epfue eyewe rona, ama osamhi-olimhi ona o rote umhameri rikuku ni o mhue rona.”

### Ijesu o guele emini

#### a ya me ikpukhokho agbo

(iMat 24.1-2; iMak 13.1-2)

<sup>5</sup> Eniye odukhokho eyoli eghuo e ngme abi a li ri eche ni e somhi otse li atsona shi ugbe oyi oni Owa Oyi Eshinegba, li shi itsua isomhopfa ni a ro ma o na Eshinegba. Ama ijesu oo we, <sup>6</sup> “Emini a bino ena ii, eghoghe oo bhale ni o khia khi echeli okhoghuo o ke ya nga olese egbe, irari khi a ya bighi we kua.”

### Ozughu ali Ajilimhe

(iMat 24.3-14; iMak 13.3-13)

<sup>7</sup> E mhila li, ee oli, “Osese, eghoghe onoghuo a ro ya me ona. Elo a ya me ni o ro ya khashe khi oni eghoghe o she ramhi?” <sup>8</sup> Ijesu oo we, “A mhue egbhe ini ogbo o khi di e. Ebubu egbo e ya ri eva oyemhe bhale, ee lie, ‘Mhemhe mhi khi Omiepfuese,’ ali khi, ‘Oni eghoghe o she ti bhale.’ A khi deba we. <sup>9</sup> Ini a suo

eko okhue ali ozughu, a khi ze ni egbe e guogho e a, irari khi emhi enana e mema bhale ya tse, eri-tse khi ukpese agbo o ke ramhi ne oni eghoghe.”

<sup>10</sup> Oo we, “Ishishi e ya mu okhue vule shi ishishi o, eghiele e mu okhue vule shi eghiele o. <sup>11</sup> Eke e ya ke de kulue. Okiamhi ali ighuamhi ebe e ya la asha ododa. A ya me ebemulishi ali ukpokpomhi irokhase khi e te idane bhale.

<sup>12</sup> “Eri-tse khi neni a ya me ena, a ya muno e a nase e, a muno e je owa ugamhi ali owa ighumha. A mu e ghie enighie ali igovuno irari oyemhe. <sup>13</sup> Ona o ya khi eghoghe ni a ro ya me asha pfi otsele na mhe. <sup>14</sup> A mholi oli shi udu memena, a khi ze ni udu o nighise e shi emini a ya me so we o. <sup>15</sup> Mhi ya ri ungmemhi shi e unu ali egbhali ni o khia khi ebe e ea ya dobe nu e khe ako. <sup>16</sup> Ita e, ali inyoghuo e, ali egbo eye e, ali emole e, e ya ri egbhue re e de, e gbolo eghuo elemhi e-a. <sup>17</sup> Egbokpa e ya ri itobo oyemhe kie e. <sup>18</sup> Ama, etsui okhoghuo oyi ongee o ya pfua. <sup>19</sup> Ini a migha egbegbo, a ya tsumhi e.”

### Ijesu o guele shi eke khi a ya guogho iJerusalemu a

(iMat 24.15-21; iMak 13.14-19)

<sup>20</sup> “Ini a me khi ekholi-okhue e pfi gase iJerusalemu, a lese khi ipfuche-a oyoli o shi ti ramhi. <sup>21</sup> Eghoghe agho, egbo ni e la eke iJudia, e na nga ikhomhi ite. Egbo ni e la ifu apfe, e na ifu apfe o vu. Eni e la oboese e khi ke gbo nyene egbe bhale ifu apfe. <sup>22</sup> Irari khi eghoghe iso-ezo ni a she kpe kpe shi eke na ni o bhale ya tse. <sup>23</sup> Eghoghe agho o ma kholo ikpotso ni e me umemhi egbe, ali eni e ri eniye shi egbe. Osue onofune o ya la oni eke. Ofu oyi Eshinegba o ya de rughu eni egbo.”

<sup>47</sup>21:15 Li ze iLuk 12.11-12

<sup>8</sup>21:22 Li ze Osia 9.7

<sup>24</sup>Eghuo o e ya ghu eghuli oghboro, a muno eghuo ighumha je ishishi odo. Egbō iJeta e ya guogho iJerusalemu-a ya ramhi, ni eghēghe oyi egbo iJeta e ro ya doṣe.

### Ibhale oyi Omi Ogbo

(iMat 24.29-31; iMak 13.24-27)

<sup>25</sup>“A ya ke me irokhase elemhi ovo ali uki ali ikpetata. Ishishi e ya le oya eke agbo, abo e sha we abi oke oniemi o li ya ke vuna.”<sup>\*\*</sup> <sup>26</sup>Ubi o ya rue egbo, irari ulishi e sa usamhi emini o a bhale eke agbo itobo khi ekpabo ni e la ukhui e ya ke nighise. <sup>27</sup>Egheghe agho, e ya me khi Omi Ogbo o la elemhi otughunu tsua ekpabo ali ufumhi oniemi, rote idane e tiemhile.<sup>††</sup> <sup>28</sup>Ini a da me na ne, a vule a yase ukhomhi eke irari khi eghēghe ipfasheke oye e o she ti bhale.”

### Owena ni a rote okhua-eni rue

(iMat 24.32-35; iMak 13.28-31)

<sup>29</sup>IJesu o ze okhe irokhokho ona kase we, oo we, “A ke bino oara okhua ali era nya. <sup>30</sup>Ini e da ta ebe enegbo ne, a lese khi oruame o shi ti e bhale. <sup>31</sup>Igho o li khi ini a da me emhi enana ne, a lese khi Eghiele oyi Eshinegba o she ti ramhi.

### A mu egbe shi eke

<sup>32</sup>“Abi o li mhi li gue oli e ye e khi, agbhotu ona o ya doṣe ne neni a me emhi ena nya. <sup>33</sup>Eke ali ukhuli e kha bhale ya doṣe, ingmemhi eyemhe e mema bhale ya tse.

<sup>34</sup>“A kugbe-a ini ukue iditse, ali onyo idada ali usamhi agbo e khi ya rue e eghali, ini ogbele ibhale oyemhe o khi ya de shi eghēghe ni a sa shi. <sup>35</sup>Irari khi oni ibhale ona ogbokpa ni o la agbo o ya

bhale na. <sup>36</sup>A ke mu egbe eghēghe kpa, a lema ni a toto migha, ni a pfue okhena ni oo bhale, ali ni a ro doṣe migha odalo oyi Omi Ogbo.”

<sup>37</sup>Ogbelekpā iJesu o ro la Owa oyi Eshinegba ii sese. Ini obili oo bi, o fiye nga Ute Era Olivu.<sup>‡‡</sup> <sup>38</sup>Eluzogbe kpa, eni egbo nya e bhale Owa Oyi Eshinegba ya ri eso shi oli eke ni e suo ungemmi oyoli.

### IJudasi o lama khi loli ya ri iJesu de

(iMat 26.1-5,14-16; iMak 14.1-2,10-11; iJon 11.45-53)

**22** Ukpe ni a la le ibuledi ni ogbo ri ifuma ma nye na lu iPasova o ti bhale.<sup>¶¶</sup> <sup>2</sup>Ighie eyi ekpodalo-ugamhi eyi Eshinegba ali eni e sese Ishi eyi iMosisi, e nono abi e li ya gbe iJesu a, ama ulishi oyi egbo o mu we.

<sup>3</sup>Igho Okphaghiye o lo iJudasi ni a gbolo a lu Isikaroti udu, ni o khi oghuo eniye odukhokho ogbava eyi iJesu. <sup>4</sup>Oni iJudasi o fiye deba ighie eyi ekpodalo-ugamhi ali eni e khe ekhe Owa Oyi Eshinegba. O nu we ye ochi abi o li ya ri iJesu na we de. <sup>5</sup>Egbe e mu we, e lama khi wewe e ya fali oli ikpagho. <sup>6</sup>O lama shi we o, o nono abi loli ri ya me asha ri oli na we mu ini ebubu egbo ea la akagho.

### Eminale ni o kpukhokho

(iMat 26.17-25; iMak 14.12-21; iJon 13.21-30)

<sup>7</sup>Ukpe ni a la le ibuledi ni aa ri ifuma shi nye, ni a ro omi osumha e luase obo, o ramhi. <sup>8</sup>Igho iJesu o ghie iPita ali iJon ralo, oo we, “A ka mu egbe eminale iPasova oyi awa.”

<sup>\*\*</sup>21:25 Li ze Aza 13.10; Ezik 32.7; iJøe 2.31; Irø 6.12-13

<sup>††</sup>21:27 Li ze iDan 7.13; Irø 1.7

<sup>‡‡</sup>21:37 Li ze iLuk 19.47

<sup>¶¶</sup>22:1 Li ze Okiali 12.1-27

<sup>9</sup>E mhila li, “Obo wa nono ni anye je ya mu egbe?”

<sup>10</sup>IJesu oọ wẹ, “Abi a liẹ ke lo iJerusalemu le te, a ya mẹ omose oghuo ni o tsua ubene amẹ. A deba li je owa ni oọ je. <sup>11</sup>Ini a ramhi agho, a liẹ oni o mhọli oni owa ogho, ‘Osese ọọ, ighe elemhi owa oye ni epfese e ku ẹ shi, ni mhemhe ali eniye odukhokho eyemhe anye la ya le eminale iPasova?’ <sup>12</sup>Ọ ya ri ukpokpomhi agbala khasẹ ẹ ukhomhi owa atonga ni a lolo riẹle somhi otse. A ma egbe oni eminale shi agho.”

### **Eminale ni o kpe ukhokho ni iJesu o ni eniye odukhokho eyọli le**

<sup>13</sup>Igho e bhale ya ẹ khi abi iJesu o li ngme ọli te o khi. Igho e mu egbe oni eminale iPasova shi agho.

### **Abi e ro le eminale oyi Onomhue**

(iMat 26.26-30; iMak 14.22-26; 1 iKori 11.23-25)

<sup>14</sup>Oni eghẹghe o ramhi, iJesu ali ighiusomhi na keẹ eyọli e shito shi gase ni e ro ya le eminale. <sup>15</sup>Ọọ wẹ, “O kie kpe ghole mhe egbegbo ni mhi nu ẹ le eminale iPasova ona neni mhi ya mẹ osoli. <sup>16</sup>Mhi gueye ẹ khi, mhi aa ke gbo ya le eminale ona, se ni awa ke le oni o khi egbegbo obini Eghiele oyi Eshinegba.”

<sup>17</sup>O rue oni uko, o kphemhi. Ọọ wẹ, “A mo uko ona, a kemhi ọli da. <sup>18</sup>Mhi gue ọli ẹ ye ẹ khi, mhia ke gbo ya da onyo oora upfonu ona, se ni Eghiele oyi Eshinegba o bhale.”

<sup>19</sup>Igho o rue ibuledi mhue obo, o kphemhi, o khi ọli a, o ro na wẹ, ọọ,

“Idiegbe oyemhe na ni mhi ro na ẹ. A lina ke riẹle ọli ro sato mhe egbe.”

<sup>20</sup>Igho o gbo rue uko abi o ro le emhi se, oọ, “Uko ona o khi ishobo onogbo ni o rote ọlia eyemhe bhale, ni a ku shi eke na ẹ. <sup>21</sup>A ghe i, obo oyi oni o ya remhe de o nu mhe shito ẹ le emhi memena.\* <sup>22</sup>Abi ẹ khi omi ogbo o li ya kia, igbo a li ya mẹ ọli, ama epfua o khi ni ogbo ni o ya roli de.” <sup>23</sup>Ee mhila egbewe oni o khi ni o ya gbe ikanya enana.

<sup>24</sup>Igho ekhako o gbo li lasele shi iteva oyewe shi oni o fune nya shi elemhi wẹ.†

<sup>25</sup>IJesu oọ wẹ, “Eri ighie eyi egbo iJeta ẹẹ jili wẹ. E kha jili wẹ se, ẹ liẹ wẹ khi eri wewe ẹ kpaghie wẹ obo.‡ <sup>26</sup>Ama a khi li abi wewe, ochogho, oni o nono ni loli fune elemhi ẹ, o ri egboli tiemhie eke nya, oni o ralo o ke ga enekpole.¶

<sup>27</sup>Oghuo o fu ne, oni o shito ukhomhi itebu ẹ le emhi, abi oni oọ kphano eminale ghi eni e shito o le? Oa khi oni o shito le? Ama eri mhemhe mhi le ẹ iteva abi oni o ga ẹ. <sup>28</sup>Eẹ a nu mhe migha abi mhi ro la imufe. <sup>29</sup>Mhi ri eghiele na ẹ, abi itamhe o li ri eghiele na mhe. <sup>30</sup>Ni a ro bhale ya ẹ khi a nu mhe le, a nu mhe da obini iloghie oyemhe. A ya shito ukpekhomhi oghie, a gue unuekpe igbeva eyi iZireni ezo.\*\*

### **IJesu o guele shi eke khi iPita o ya kie lue**

(iMat 26.31-35; iMak 14.27-31; iJon 13.36-38)

<sup>31</sup>“ISamo, iSamo, ghe i, Okphaghie o she mhila khi loli ẹ nono ni loli kpishi ẹ-anya abi a liẹ kpishi ado. <sup>32</sup>Ama mhi she

§§22:20 Li zẹ iJere 31.31-34

\*22:21 Li zẹ Iwolo 41.9

†22:24 Li zẹ iMat 18.1; iMak 9.34; iLuk 9.46

‡22:25 Li zẹ iMat 20.25-27; iMak 10.42-44

¶22:26 Li zẹ iMat 23.11; iMak 9.35

§22:27 Li zẹ iJon 13.12-15

\*\*22:30 Li zẹ iMat 19.28

sọ iromhi nẹ, iSamọ, ini irudunga oye o khi nighise. Ini u pfue o se, ri udu shi inyoghuo ẹ enekpọle o.”

<sup>33</sup> Ama iPita ọ́ ọ́ li, “Ọnọmhuẹ, mhi ga mu egbe ni mhi rọ deba ẹ ya lo owa ighumha, ali ni mhi nu ẹ ya ghua.”

<sup>34</sup> IJesu ọ́ ọ́ li, “Mhi gue ẹ ye, khi, yeye iPita ọ́ na, neni ọ́kpa ọ́ ya gbieghe amo u ya kie mhe itese khi u waa lese mhe.”

### Egheghe ingme o she ramhi

<sup>35</sup> IJesu ọ́ rọ mhila we, “Abi mhi rọ ghie ẹ fiẹ lase, ni aa rọ tsua ẹkuẹ ukpago wekhi akpaba wekhi ekue, emhikhoghuo o fe to ẹ?”††

E ọ́ li, “Iiye.” <sup>36</sup> Oọ we, ama memena, ogbo ni ọ́ mhuẹ ẹkuẹ ukpago ọ́ rue ọ́ li, oni ọ́ mhuẹ akpaba ọ́ tsua li, ini u waa kpe mhuẹ ogbhorọ, ka ri awulu oye de, ni u ya de oghuo. <sup>37</sup> Mhi gueye ẹ khi emini a keke shi mhe egbe ni o la Ebe-nopfuase, ni oọ, “A leli ọ́ li ma egbo ni e lue,” o mema bhale ya tse shi mhe egbe. Irari khi emini a keke shi mhe egbe o she ramhi ni e rọ bhale ya dose.‡‡ <sup>38</sup> Eniye odukhokho eyọli ẹ ọ́ li, “Bino, Onomhuẹ, ogbhorọ eva e la ana.” Ọ́ ọ́ we, “O somhi agho.”

### IJesu ọ́ la ute olivu sọ iromhi

(iMat 26.36-46; iMak 14.32-42)

<sup>39</sup> IJesu ọ́ fiẹ lase, e je Ute Eera Olivu, abi ọ́ kpe li. Eniye odukhokho eyọli e deba li. <sup>40</sup> E ramhi agho, ọ́ ọ́ we, “A ke sọ iromhi ini a khi de pfilo imufe.” <sup>41</sup> O tikia na we de, ọ́ wugha, ọ́ sọ iromhi, oọ, <sup>42</sup> “Ita, ini o ghọle ẹ, mie mhe uko osoli imeme onana, ama ọ́a khi abi o ghọle mhe, ama abi o li ghọle ẹ.” <sup>43</sup> Igho agho ọ́ rọte idane bhale ya ri ekpabo na li. <sup>44</sup> Rọte otomhe, ọ́ sọ iromhi egbegbo ramhi ni opfo ni e rọte ọ́ li egbe e ku shi

eke, e kọ tikpo abi ọ́ li. <sup>45</sup> Abi ọ́ rọte iromhi isoso vule, ọ́ nyene egbe bhale deba eniye odukhokho eyọli. O me khi osoli ni e vie o ri ọ́losemhe shi we egbe, e lese. <sup>46</sup> O mhila we. “Elo o ze khi a lese-a? A vule ni a ke sọ iromhi ini a khi de pfilo imufe.”

### A mu iJesu

(iMat 26.47-56; iMak 14.43-50; iJon 18.3-11)

<sup>47</sup> Abi ọ́ kie li ngme egbo, egbo e ve lole gbii. Omose ni a lu iJudasi ni ọ́ li khi otuoghuo eniye odukhokho ogbava eyi iJesu ọ́ rewe kia. O le deba iJesu ni lolu ya pfi ọ́ li elemhi egbe. <sup>48</sup> IJesu ọ́ mhila li, oọ li, “iJudasi, eri u ri otse ri Omi Ogbọ ọ́ de ena?” <sup>49</sup> Eni eniye odukhokho eyi iJesu e me emini a ya me ena, e mhila li, “Onomhuẹ anye ri itakobi ni e la anye abo kholi?” <sup>50</sup> Igho oghuo ọ́, ọ́ ri itakobi fia oni oọ ga oni ọ́ kpada nya oye ekpodalo-ugamhi eso a. <sup>51</sup> IJesu ọ́ ọ́ li, “Taa! Khi ke gbo li igho.” O ri obo ti oni omose oni eso, oni eso o gbela. <sup>52</sup> IJesu ọ́ mhila ighie eyi ekpodalo-ugamhi, ali eni ee khekhe Owa Oyi Eshinegba, ali eni egbhali ni e bhale ya mu ọ́ li, “Eri mhia pfi ozughu ni a rọ tsua epia ali itakobi ali ikpokpo bhale ẹ deba mhe? <sup>53</sup> Ele kpa mhi rọ la Owa Oyi Eshinegba ẹ sese, ongee ọ́a ri obo ti mhe, ama egheghe oye na ni ekpabo alo ebili e rọ mhesa.”¶¶

### IPita ọ́ tia khi lolu ẹa lese iJesu

(iMat 26.57-58,69-75; iMak

14.53-54,66-72; iJon 18.12-18,25-27)

<sup>54</sup> Igho e mu ọ́ li vu ya je owa oyi Okpodalo-ugamhi oyi Eshinegba ni ọ́ kpada nya. IPita ọ́ tapfia a deba we. <sup>55</sup> Abi e ke rọ pfi erali shi iteva oyi oni

††22:35 Li ze iMat 10.9-10; iMak 6.8-9; iLuk 9.3; 10.4

‡‡22:37 Li ze Aza 53.12

¶¶22:53 Li ze iLuk 19.47; 21.37

atukpapfe ni e ro shito, iPita o li bhale ya nu we shito.<sup>56</sup> Abi okpotso oni oo ga oghuo o li me khi iPita o nu we shito, o bino oli tsuke, oo li, "Omose ona o li nu iJesu kia."<sup>57</sup> Ama iPita o tia. Oo li, "Kpotso, Mhia fe ga lese oli."<sup>58</sup> O dene, omose olese o ke gbo me iPita, o mhila li, "U li nu iJesu u kia."

IPita o ke, "Mose mhia nu oli kia."

<sup>59</sup> O ke te agho ri emhi abi agogo oghuo dose, omose olese o ge ma o gue, oo, "Mhi lese gboo khi omose ona o nu iJesu u kia, irari khi onge iGalili o li khi!"

<sup>60</sup> Ama iPita o so li o, oo li, "Mose, mhi a lese emini u wa ngme ena." Utoghuo kpe abi o kie li ngme, okpa o gbieghe <sup>61</sup> Onomhue o pfi alo bino iPita chii. IPita o tode sato ungmehi ni iJesu o ngme ni o khi, "Neni okpa o ya gbieghe, u ya tia itese, we khi u waa lese mhe."

<sup>62</sup> IPita o fie je olase, o ya vie oya.

### Eni e khe ekhe e ri iJesu li egia

(iMat 26.67-68; iMak 14.65)

<sup>63</sup> Eni emose ni e khe iJesu ekhe, e roli li egia, e gbe oli. <sup>64</sup> E geno oli alo, e mhila li, "Boqobo! Oghuo o ri emhi lie?"

<sup>65</sup> Igho e ngme iwali ingmemhi emuebe ebubu deba li.

### E mu iJesu bhale igbaa iSahediri

(iMat 26.59-66; iMak 14.55-64; iJon 18.19-24)

<sup>66</sup> Ogbe o gbe-a, eni egbhali ali ighie eyi ekpodalo-ugamhi, ali esese Ishi eyi iMosisi e legba. E rue iJesu lasela migha iteva oyewe. <sup>67</sup> E lie oli, "Ini yeye u khi oni omiagbopfuese, gueye anye."

IJesu oo we, "Ini mhi tseku gueye e, aa ya mie shi mhe o. <sup>68</sup> Ini mhi mhila e, aa ya gbaghie a na mhe. <sup>69</sup> Ama rote memena vu, omi ogbo o ya shito obita oyi Eshinegba obini iloghie."

<sup>70</sup> Wewe nya e mhila li, "Omi Eshinegba u khi?"

Oo we, "A gue ngme ni e khi Omi o mhi khi."

<sup>71</sup> E egbewe, "Awa ke gbolo e nono otsele olese, awa-eghuo awa she ri eso eyawa suo abi o ri unu oyoli ngme."

### A rue iJesu bhale odalo oyi iPaleti

(iMat 27.1,2,11-14; iMak 15.1-5; iJon 18.29-38)

**23** Igho eni igbaa nya e vule, e pfi oli ukhomhi ralo ghi iPaleti. <sup>2</sup> Wewe nya e gue ezoo shi oli egbe, e lie, "Anye she me omose ona khi o sese egbo ode egbhali. Oo egbo e khi ke ze oga na oghie iSiza, o gbolo a lie khi loli khi Omiepfuese ni o gbo khi oghie."

<sup>3</sup> Igho iPaleti o mhila li, "Suo khi yeye u khi oghie oyi egbo iJu?" IJesu oo li, "Abi o li gho."

<sup>4</sup> Igho iPaleti o gueye ighie eyi ekpodalo-ugamhi ali eni igbaa, "Mhi a me ushi mu hue omose ona obo."

<sup>5</sup> Wewe nya e lie, "Eri o ri osese oyoli pfi ozughu e shi eke iJudia nya. Eke iGalili o te gba li eke le ni o ro ramhi ana ena."

### A rue iJesu bhale odalo oyi Erodu

<sup>6</sup> Abi iPaleti o ro suo ona, o mhila we ini ongi iGalili o khi. <sup>7</sup> Abi o ke ro suo khi eke ni Erodu o mheshe shi iJesu o khi, o e rue oli ghi Erodu ni o li la iJerusalemu oni egheghe.

<sup>8</sup> Abi Erodu o ro me iJesu, egbe e mu oli, itobo khi o she tese ni o te nono ni loli me oli, irari khi o she kpe suo eko oli, o gbolo nono ni o la ukpeloe lue gbe ikanya onyaloa eghuo. <sup>9</sup> O mhila iJesu ogbo ebubu ama iJesu oa pfa shi oli eke. <sup>10</sup> Eni Ighie eyi ekpodalo-ugamhi eyi Eshinegba ali esese Ishi eyi iMosisi e migha agho, e pfi oni o nga o shi o <sup>11</sup> Igho Erodu ali ekholi-okhue eyoli e gia li e gbo roli li egia. E sono li it-sua ni e somhi otse ni e ghale. E gbo rue oli nyene egbe ukhokho ghi iPaleti.



<sup>12</sup> Elegeho, iPaleti ali Erođu e ro somhi irari khi obo e kpe khi.

**IPaleti o pfa ezọ mu iJesu a gbe ọli-a**

(iMat 27.15-26; iMak 15.6-15; iJon 18.39—19.16)

<sup>13</sup> IPaleti o luno ighie eyi ekpodalougamhi ali eni e mhesẹ ali eni egbo nya, <sup>14</sup> Oo we, “A rue omose ona ghi mhe, a lie khi o pfi ozughu shi egbo iteva. Ama ukpeloe e mhi la mhila li ogbo lena, mhi aa me emhi khoghuo ni a ro gue ezọ shi ọli egbe. <sup>15</sup> Wexhi eri Erođu o pfa ezọ mu ọli, irari khi o nyene ọli egbe ukhokho ghi awa. A ga me ọli gboo khi oni omose ona ọa li ingme okhoghuo nabi a ro ya lie a gbe ọli-a. <sup>16</sup> Irari gho mhi ya nase ọli, mhi rue ọli obo-a.” <sup>17</sup> [Ini a li ukpe iPasova, iPaleti, do mema rue ogbo ogghuo ighumha lasele na we.]

<sup>18</sup> Wewe nya e ku unu a nyogho, “A rue ọli vu ya gbe-a! A ri ochogho rue iBarabasi obo-a na anye!” <sup>19</sup> Eri a kie kpe mu iBarabasi shi owa ighumha irari onyaghu ni o pfi shi oni eoli ali khi o gbo gbe ugbeli. <sup>20</sup> IPaleti o nono ni lue rue iJesu obo-a, o gbo lema we. <sup>21</sup> E kiele tsesẹ nyoghoo, “A ta li ma ọra apfida gbe-a! A ta li ma ọra apfida gbe-a!” <sup>22</sup> Utonuzese, o gbo nu we ngme, oo, “Elo o ze, Ingmobe onoghoo o riefe? Irari khi mhia me emini o ze ni a ro ya gbe ọli-a. Itobo igho, mhi lese ya nase ọli, mhi rue ọli obo-a.”

<sup>23</sup> E kiele tsesẹ nyoghoo, a ta iJesu ma ọra apfida gbe-a. Atsesẹ oyewe o roli tse na we. <sup>24</sup> Igho iPaleti o lama shi we o. <sup>25</sup> O rue iBarabasi ni a mu shi owa khi o pfi ozughu shi oni eke, ni o gbo gbe ugbe, obo-a na we. Igho o ri iJesu na we, e ka li ọli abi o ghole we.

**A ta iJesu ma apfida**

(iMat 27.32-44; iMak 15.21-32; iJon 19.17-27)

<sup>26</sup> Abi e li rue ọli lee, e me omose ogghuo ni a lu iSamọ ongi iZireni ni o rote eoli odonue lo oni eoli le. E ri itoto mu ọli, sheli ọli oni ọra apfida oggho, o tsua li nga ike deba iJesu.

<sup>27</sup> Ebubu egbo e deba iJesu, shi ikpotso ni e vie e vie oya na li. <sup>28</sup> IJesu o nyene alo ghue we, do we, “Ikpotso iJerusalemu, a khi ke vie na mhe. A ke vie na egbe e ali imi e, <sup>29</sup> Irari khi oni eghẹghẹ oo bhale ni a ro ya ke lie, ‘Ikhivose o khi na ikpotso ni ea bia eniye, ni ea me umemhi ghue, wexhi e ri e mu enyeli shi omọ unu ghue.’ <sup>30</sup> E ya lie ute, ‘De mu anye,’ ee ite enikeke, ‘A de khukhu anye a.’” <sup>31</sup> Irari ini egbo ee li na ini egua o vo ebuli-a zughu, se e ke e li ini o khakha?”

<sup>32</sup> A li muno ighiatọ aava ni a li ya gbe-a toma li egbe. <sup>33</sup> Abi e ro ramhi ashini a lu, “Ugua ukhomhi olimhi,” agho e gbe ọli ali ighiatọ eggho a shi. E ta ogghuo ma ọra shi ọli ukiekie obita, e ta onokpole shi ukiekie obo ogobo. <sup>34</sup> IJesu ọli, “Ita, gbekua na we irari khi ea lese emini ee li.”\*

E ri amukpagho pfi onolo ro kemhi itsua eyoli. <sup>35</sup> Eni egbo e migha bino, enighie e doli okonyo. E lie, “Oo tsumhi egboese, o tsumhi egboli ini loli o khi Omiepfuese oyi Eshinegba ni a ze.”†

<sup>36</sup> Eni ekholi-okhue e li bhale ya roli li egia. E ri onyo ni o yala nali o mo da.‡ <sup>37</sup> E ọli, “Ini o khia khi yeye u khi ogghie oyi egbo iJu, tsumhi egbe e sho.” <sup>38</sup> E keke emhi tama kpeda na li ni o ngme khi, “Ona o khi Oghie oyi Egbo iJu.”

§§23:30 Li ze Osia 10.8; Iro 6.16

\*23:34 Li ze Iwolo 22.18

†23:35 Li ze Iwolo 22.7

‡23:36 Li ze Iwolo 69.21

<sup>39</sup>Oghiatọ oghuo ni a li tama ọara, ọ tsue iJesu. Ọ liẹ ọli, “Óá khi yeyẹ wẹ khi Ọmiepfuese u khi? Tsumhi egbe ẹ, ni u li tsumhi anye.”

<sup>40</sup>Ama oghiatọ ọnọkpọle, ọ dese ọli, ọọ li, “Ulishi Eshinegba ọa ya muẹ, aboroḱhia khi eri ushi oghuo o ga mu awa? <sup>41</sup>Akanya ni awa gbe awa mie ifata to e na. Ama ọmọse ọna, ọa li emhikhoghuo ni ọ mẹ osue a shi.” <sup>42</sup>Ighọ ọọ iJesu, “Sato mhẹ egbe ini u bhale ukpẹkhomhi eghiele oye.”

<sup>43</sup>IJesu ọọ li, “Mhi gueyẹ khi, ogbenamo ena, u ya nu mhẹ la Apfẹ oyi Eshinegba na iloghie.”

### Eghuli oyi iJesu

(iMat 27.45-56; iMak 15.33-41; iJọn 19.28-30)

<sup>44</sup>Agogo igbẹva ẹlẹ ọguota o leşẹ nu, obili o te bi oni eke nya ya ramhi agogo esẹ ẹlẹ ogbomhi. <sup>45</sup>Irari khi ovọ ọa ke to, ode ugbakpi ni a rọ pfa ode a shi elemhi Owa Oyi Eshinegba o te iteva kişẹ-a eva ya to eke. <sup>46</sup>IJesu ọ lu leghe, ọọ, “Ita, mhi ri ayemhẹ oyemhẹ mholi ẹ obọ.” Abi ọ rọ na ngme se, ọ ghua. <sup>47</sup>Abi ọga ọkhọli-okhue ni ọ la aghọ ọ rọ mẹ emini a mẹ, ọ kueghie Eshinegba, ọọ li, “Egbeḱbọ lọ khi ọmọse ọna oni ọ pfuasẹ ọ khi!”<sup>§</sup> <sup>48</sup>Abi ẹgbọ ni e le gba aghọ ni wẹwẹ e ri ukpẹloe mẹ emini a mẹ, e rọ mẹ emini a mẹ, ee viẹ osue, e je. <sup>49</sup>Ama ẹgbọ nya ni e leşẹ ọli ali ikpotso ni e rọte iGalili deba li, e migha tapfia bino emini a ga mẹ nya.<sup>\*\*</sup>

### Irotọ oyi iJesu

(iMat 27.57-61; iMak 15.42-47; iJọn 19.38-42)

<sup>50</sup>Ọmọse oghuo ọ la ọ na lu iJosefu. Ọ khi oghuo emọse ni ẹẹ mhẹşẹ. Ọ khi ọmọse ọnete ni ọ pfuasẹ. <sup>51</sup>Ọa lama shi ọ a ka gbe iJesu a. Ọngi ẹoli Arimatia na eke iJudia ọ khi. Ọ migha khe Eghiele oyi Eshinegba. <sup>52</sup>Ọ lẹ deba oghie iPaleti ya mhila li olimhi oyi iJesu. <sup>53</sup>Ọ rọte ọora apfida rue ọli tiemhile, ọ ri ide enegbọ khuli ọli. Ọ ya rọli shi uji ufuechè ni a tọ-a, ni ogbọ ọa kpẹ ri olimhi tọ ghue. <sup>54</sup>Ogbeleşẹ ni o mama ẹlẹ iyemhẹa oyi egbọ iJu lọ. Ẹlẹ iyemhẹa o she leşẹ ya ramhi. <sup>55</sup>Eni ikpotso ni e rọte iGalili deba iJesu bhale e deba li ya mẹ uji ni ọ ri iJesu tọ. Ali abi ọ li rọli tọ. <sup>56</sup>Ighọ e nyenẹ egbe je apfẹ ya rue ituale ni a ku ẹ shi olimhi egbe.<sup>††</sup>

Ama e yemhẹ-a ogbeleşẹ iyemhẹa. E ri ona ri ushi ogbeleşẹ iyemhẹa gbe akanya.

### Ite-eghuli-guale oyi iJesu

(iMat 28.1-10; iMak 16.1-8; iJọn 20.1-10)

**24** Ẹlẹ ni odode na elemhi ẹfo uka, ogbie fiefie, eni ikpotso e bhale uji ni a ri iJesu tọ. <sup>2</sup>Ẹ mẹ khi ẹchè ni a rọ khukhu oni uji, khi a gheghele ọli ode-a. <sup>3</sup>Ama abi e rọ lo elemhi oni uji, ẹa mẹ idiegbe oyi iJesu. <sup>4</sup>Abọ e sha wẹ, abi e li migha a sa ọ eghọ, e mẹ khi emọse aava ni e sọ itsua epfopfo ni e gẹ nyanyanya e nu wẹ migha. <sup>5</sup>Ulishi oo mu wẹ, e nyẹşẹ ukhomhi sọ alo ghue eke. Ama eni emọse e mhila wẹ, “Elọ o zẹ ni a rọ nono ogbọ ni ọ la agbọ ifuabọ oyi ẹgbọ ni e ghua?” <sup>6</sup>Ọa ke la ana, ọ she guale. A sato emini ọ gueyẹ ẹ abi ọ rọ la iGalili khi:

<sup>¶</sup>23:45 Li zẹ Okiali 26.31-33

<sup>§</sup>23:47 Li zẹ Iwolo 31.5

<sup>\*\*</sup>23:49 Li zẹ iLuk 8.2-3

<sup>††</sup>23:56 Li zẹ Okiali 20.10; iDeut 5.14

<sup>7</sup>Omi Ogbò ọ mema ya mẹ osue obọ oyi egbò olamhẹ, e gbe ọli-a shi apfida, ama ẹlenuzi-ese ọ ya guale.”<sup>††</sup> <sup>8</sup>E tigbe yele eni ingme eyọli le.

<sup>9</sup>E rọte atalimhi bhale, e gueyẹ eniyẹ odukhokho ogbaghuo enekpọle ali egbò elese ni e la agho. <sup>10</sup>IMeli ọngi iMagidalen ali iJoana ali iMeli inyi iJemhisi ali ikpotso ni e nu wẹ kia e gueyẹ eni ighiusomhi na keẹ. <sup>11</sup>Ama eni eniyẹ odukhokho e dabi khi ingmemhi afuẹ eni ikpotso ee ngme, ẹa pfi esọ shi wẹ ọ <sup>12</sup>Ama iPita ọ vule, ọ na ya je oni atalimhi, ọ ramhi agho, ọ nyẹsẹ egbe bino elemhi oni uji, ọ lesẹ mẹ ide ni a rọ khuli ọli egbo agho, ama ọa mẹ idiegbe oyi iJesu. Igho ọ li je apfẹ, abọ e sha li.

### Okiali na odẹ Emausi

(iMak 16.12-13)

<sup>13</sup>Oni ogbele ni ẹ ngme ena, eniyẹ odukhokho aava eyi iJesu e je ẹoli Emausi ni o khi imali igbaghuo rọte iJerusalemu. <sup>14</sup>E nu egbewẹ ngme ingme enana ni a mẹ. <sup>15</sup>Abi e li ngme ni e li leẹ egbo, iJesu ọ khu wẹ ẹ, e ga kia leẹ. <sup>16</sup>E mẹ ọli ama ẹa lesẹ ọni ọ khi. <sup>17</sup>IJesu ọ mhila wẹ, “Elo a nu egbe a ngme abi a li kia leẹ ena?” E mu migha, alo eyewẹ e khi osoli-osoli. <sup>18</sup>Oghuo elemhi wẹ ni a lu iKilopasi ọ mhila li, “Ofẹsẹ ọshẹbhẹ u khi shi eke iJerusalemu ni ọa lesẹ emini a mẹ eke ona aenlewe?” <sup>19</sup>“Emhi eneghuo a mẹ?” IJesu ọ mhila wẹ. Eni emose ẹ ọli, “Emini e li iJesu ọna iNazareti. Omekeguele omose ọna ọ khi, ọ mhue ekpabọ oyi Eshinẹgba. Egbò e lesẹ ọli shi emini ọ riẹle ali ingmemhi ni ọ gbolo o ngme. <sup>20</sup>Ighie eyi ekpodalo-ugamhi eyi Eshinẹgba ali

enighie e rue ọli lasese ni a gbe-a shi ọra apfida. <sup>21</sup>Eri anye dabi khi lọli ọ ya pfa egbo iZireni shi eke. Amo li ẹle ese abi a te mẹ ingme ena. <sup>22</sup>Ikpotoso eghuo eyi anye e ri abọ sha anye. E je uji oyọli amo uzogbe fiefie, <sup>23</sup>Ama ẹa mẹ idiegbe oyọli. E nyenẹ egbe bhale ya gue khi wewẹ e mẹ igeni ni e gueyẹ wewẹ khi ọ she guale. <sup>24</sup>Egbò eghuo elemhi anye e she je obọ ya bino e mẹ khi abi e ngme o khi, ama ẹa mẹ iJesu.” <sup>25</sup>IJesu ọ wẹ, “A khi eyeghe e, ni udu oyẹ ọa nyanya mie emini emekeguele e ngme suo. <sup>26</sup>Aa lesẹ khi ina ọni Omiepfuese ọ li ya mẹ osue neni ọ lo ufumhi oyọli?” <sup>27</sup>Oni iJesu ọ tigbe ri emini a keke shi Ebe-no-pfuase lo wẹ esọ ni e la ebe Ushi oyi iMosisi ali eyi emekeguele nya. <sup>28</sup>Abi e li ti ramhi ukuku ẹoli ni e je, iJesu ọ riẹle abine khi lọli ti okiali oyelue ya je odalo. <sup>29</sup>Ama ee ti ọli, ẹẹ ọli, “Nu anye kushi ana irari khi ogbe o she vu, obili o she gbolo-a bi.” Igho ọ deba wẹ ọ ya kushi na wẹ. <sup>30</sup>Abi e kerọ shito ya ke le eminale, ọ rue oni ibuledi, ọ kphemhi, ọ khi ọli-a, ọ kemhi na wẹ. <sup>31</sup>Egheghe ana, alo eyewẹ e khueghie-a, e tigbe lesẹ khi lọli lo. Eritse ọ kele-a, ẹa ke mẹ ọli. <sup>32</sup>E egbewẹ, “Oo khi eri ọ li abi erali shi awa udu abi ọ rọ la odẹ nu awa ngme ni ọ gbo rọ gue abi Ebe-no-pfuase o ngme ye awa?”

<sup>33</sup>Aghoagho e vule nyenẹ egbe ukhokho je iJerusalemu. E bhale ya ẹ eniyẹ odukhokho ogbaghuo ali egbò enekpọle ni e ga legba, <sup>34</sup>ni e lie, “Egbegbi ingme lo khi Onomhue ọ she guale, ọ ri egbọli gbo khasẹ iSamọ.” <sup>35</sup>Igho eni etuava egbo e guele emini a mẹ odẹ, ali abi e lesẹ iJesu egheghe ni ọ rọ khi ibuledi-a na wẹ.

<sup>††</sup>24:7 Li zẹ iMat 16.21; 17.22-23; 20.18-19; iMak 8.31; 9.31; 10.33-34; iLuk 9.22; 18.31-33

**Ijesu ọ ri egbọli khasẹ  
eniye odukhokho eyọli**

(iMat 28.16-20; iMak 16.14-18; iJon  
20.19-23; Ika 1.6-8)

<sup>36</sup> Abi e rọ kie ghọ ngme oni ung-  
memhi, iJesu ọ migha wẹ iteva ọọ wẹ,  
“Opfomhẹ o nu ẹ la.”

<sup>37</sup> E yila, ulishi óó mu wẹ, e dabi khi  
ayemhẹ olimhi ọ khi. <sup>38</sup> Ọọ wẹ, “Elo o  
zẹ ni udu oyẹ ẹ o rọ nighise, ni a rọ gbo  
mhọli akhọkhomhẹ shi udu oyẹ ẹ? <sup>39</sup> A  
bino abọ ali awẹ eyemhẹ. Mhẹmhẹ lo. A  
ri obọ timhẹ ni a mẹ khi olimhi ọgbọ ọa  
ya mhọli idiegbe ali igua, nabi a mẹ khi  
mhi mhọli ena.”

<sup>40</sup> Abi ọ rọ ngme na se, ọ ri abọ ali  
awẹ eyọli khasẹ wẹ. <sup>41</sup> Abi oghẹlẹ ali  
ọshabọ ni o vọ wẹ udu ọa kie zẹ wẹ mie  
shi ọ ne, iJesu ọ mhila wẹ, “A li mhọli  
emhikhoghwo shi akana ni a le ghọ?” <sup>42</sup> E  
rue afẹlẹ ni a nye na li, <sup>43</sup> Ọ rue ọli la  
akpẹwẹ rọli le.

<sup>44</sup> Ọọ wẹ, “Ena e khi emini mhi gweye ẹ  
abi mhi rọ kie nu ẹ la. Ingme eyemhẹ nya  
ni a keke shi Ushi oyi iMosisi ali, ebe eyi

Emekeguele eyi Eshinegba ali Ebe Iwolo,  
e mema bhale ya tse.”

<sup>45</sup> Ighọ ọ khueghie wẹ udu-a ni e mẹ  
asha leşe emini a keke shi Ebe-no-pfuase.  
<sup>46</sup> Ọ gweye wẹ, “Emini a keke shi eke na.  
Omiepfuese ọ ya mẹ osoli, ọ rọte eghuli  
guale ẹlenuzi-ese, <sup>47</sup> egheghe aghọ a ya  
ri eva oyọli ri imupfi ali irolamhẹ-topfa  
tse abọ ushishi nya, rọte iJerusalemu gba  
eke le. <sup>48</sup> A ga mẹ eni emhi enana nya.  
<sup>49</sup> Mhi ya ri emini Itamhẹ ọ shobọ ghie  
usomhi ghi ẹ, eri-tse a la elemhi ẹoli  
iJerusalemu ramhi ni a rọ ya ri itoto rọte  
obini o yagha ghi ẹ ni o ya kpha ẹ so.”<sup>¶¶</sup>

**Inga idane oyi iJesu**

(iMak 16.19-20; Ika 1.9-11)

<sup>50</sup> Abi ọ rọ rue wẹ vu ya fiẹ, ni e rọ  
kia ramhi iBẹtani, ọ tsua abọ idane, ọ  
ku isemhẹ na wẹ. <sup>51</sup> Abi ọ li ku isemhẹ  
na wẹ, óó zẹ wẹ obọ, a rue ọli nga  
idane.<sup>§§</sup> <sup>52</sup> Ighọ e nyese ukhomhi ga li.  
E mu egbe pfi ri ukpokpomhi oghẹlẹ je  
iJerusalemu. <sup>53</sup> E kiele la owa ugamhi no  
funẹ tse, e kuẹghie Eshinegba.

<sup>¶¶</sup>24:49 Li zẹ Ika 1.4

<sup>§§</sup>24:51 Li zẹ Ika 1.9-11

Usomhi Onete oyi iJesu iKirisiti ni

## IJoni

O keke

### Ungmemhi Oni o khi agbo

**1** Igbaekele, Ungmemhi O she kpe la o. Oni Ungmemhi o nu Eshinegba la. Oni Ungmemhi O khi Eshinegba. <sup>2</sup>Igbaekele lolli ali Eshinegba e te ga la. <sup>3</sup>Obọ oyọli a te ma emhikpa. Aa me emhikhoghuo ni a ma ni aa rote obọ oyọli ma. <sup>4</sup>Loli o mhọli agbo na agboagbo. Oni agbo oyọli, o ri akpa na egbo na agbo.

<sup>5</sup>Oni akpa o ge nga alo ebili, ama alo ebili o dobe pfuse oli a.

<sup>6</sup>Eshinegba o ghie omose oghuo ni a lu iJoni ghi egbo na agbo.\* <sup>7</sup>Loli o bhale ya pfi otsele shi oni ogbo ni o khi oni akpa, ni egbo nya e rote oni otsele miesuo. <sup>8</sup>Oa khi oni iJoni o khi oni akpa; eri o li bhale ya pfi otsele shi oni akpa. <sup>9</sup>Loli o khi oni egbegbi akpa, ni o ya bhale agbo ni o ya ri imeke na egbo nya.

<sup>10</sup>Oni Ungmemhi o la agbo, egbo ea lese oli, abi o ri rie khia khi lolli a rote obọ oyọli ma agbo. <sup>11</sup>O bhale deba egbo eyoli, ea lama mie oli. <sup>12</sup>Ama, ebubu ni e da lama mie oli, ni e lese mie eva oyoli suo, wewe o ri afu na e ro mele imi Eshinegba a. <sup>13</sup>Oa khi abi ita ali inyo e lie bia ogbo alo-gbugbugbu a ri ona ngme, ama Eshinegba o khi ita we.

<sup>14</sup>Oni Ungmemhi o mele ogbo-a, o nu awa la agbo ona, awa me ufumhi oyoli, ikhi ufumhi oyi omi Ita otuoghuo kpe ni Ita o mhọli, oni o rote obọ oyi Ita bhale, oni o mhọli isomhelemhi ali igesikia gbeku o.

<sup>15</sup>IJoni o kia tse abo ingme oyoli ye egbo, oo tse, oo lie, "Ona mhi gueye e khi o ya bhale odukhokho oyemhe, ama o fu dose me itobo khi o kpe la agbo neni a bia me."

<sup>16</sup>Rote isomhelemhi oyoli ni o gbeku o, awa te mhọli ikhivose ododa. <sup>17</sup>Obọ oyi iMosisi Eshinegba o te ri ushi na awa, ama obọ oyi iJesu iKirisiti isomhelemhi ali igesikia e te bhale. <sup>18</sup>Ogbokhoghuo o me Eshinegba ghue. Ama, Omi Eshinegba otuoghuo kpe, ni lolli ali Eshinegba e khi oghuo, ni lolli ali Ita e ga la, lolli o ze ni agbo e ro lese Ita.

### IJoni oo khi lolli e khi Omiepfuese

(iMat 3.1-12; iMak 1.1-8; iLuk 3.1-18)

<sup>19</sup>Egbhali eyi iJu ni e la iJerusalemu e ghie eni ee ralo ugamhi oyi Eshinegba ali eni e nu we gbe ikanya owa-ugamhi, e ka mhila iJoni oni o khi.

<sup>20</sup>IJoni o ro sheli we, o nyanya so we o, o gueye we gboo khi o khi lolli khi oni Omiepfuese.

<sup>21</sup>E mhila li, "Oghuo u ke khi sho? Elaja u khi?"†

IJoni oo, "Iiye." E gbo mhila li.

"Omekeguele oyi Eshinegba u khi?"

O o "Iiye."

<sup>22</sup>E gbolo e, "Gueye anye oni u khi sho, ni anye me emini anye ya gueye eni e ghie anye, elo ye ye u khi sho?"

<sup>23</sup>IJoni o rote ungmemhi ni Azaya omekeguele oyi Eshinegba o ngme so we o, oo, "Mhemhe mhi khi uruli oyi ogbo ni o la odagbe e tse, ni oo lie, 'A ri ele udu oye e shi eke ke Onomhue ni o o bhale.'"‡

<sup>24</sup>Egbo ni egbo iFarisi e ghie ghi iJoni, e mhila li, <sup>25</sup>"Abi u a ro khi Omiepfuese, ni u a ro khi Elaja, wekhi oni omekeguele

\*1:6 Li ze iMat 3.1; iMak 1.4; iLuk 3.1-2

†1:21 Li ze iDeut 18.15,18; iMala 4.5

‡1:23 Li ze Aza 40.3

oyi Eshinegba u khi ena, elo o ze ni u ro o batazi egbo sho?"

<sup>26</sup> IJoni o so we o, oo, "Ame mhi ro batazi egbo memena, ama ogbo oghuo o la e iteva memena ni aa lese ne. <sup>27</sup> Loli o ke ya bhale odukhokho oyemhe, ni o khia khi mhia fu ramhi oni o o taghie uli oyi eku e ni o ro so a."

<sup>28</sup> Obini iBetani ni o la uki ekiye obini ovo o te e ngale shi oke iJodani, ashini iJoni o la batazi egbo, a la me eni ingme ena nya.

### Omi osumha oyi Eshinegba

<sup>29</sup> Ogbeakolo iJoni o me khi iJesu oo bhale, iJoni o gueye egbo, oo, "Omi Osumha oyi Eshinegba ni o rue olamhe eyi agbo vu na! <sup>30</sup> Ona mhi ngme abi mhi ro lie, 'Omose oghuo o ya bhale ni o fu dose mhe, itobo khi o she kpe la o neni a bia mhe.' <sup>31</sup> Egbegbi mhemhe mhia kpe lese oli ghue, ama eri mhi bhale ri ame e batazi egbo ini mhi me asha ri oli khashe egbo iZireni."

<sup>32</sup> Igho iJoni o pfi otsele ona khi, "Mhi me khi Ayemhe o li abi anekhukhu rote idane tiemhie ya ma li egbe. <sup>33</sup> Mhia kha kpe lese oli, ama oni o ghie mhe mhi ri ame ke batazi egbo, oo mhe, 'Oni u da me khi oni Ayemhe o tiemhie shi o khi o migha li egbe ne, loli o khi oni o ya ke ri Ayemhe-no-pfuase batazi egbo.' <sup>34</sup> Igho eni emini a gueye mhe ena e li de shi ukpeloe oyemhe, ni o remhe gueye e khi Omi Eshinegba o khi."

### Eniye odukhokho eni odode ni iJesu o ze

<sup>35</sup> Ogbeakolo iJoni ali eniye odukhokho eyoli etuava e gbo migha akaghoo. <sup>36</sup> Abi iJoni o ro me khi iJesu oo dose, oo, "Bino Omi osumha oyi Eshinegba."

<sup>37</sup> Abi eniye odukhokho etuava egho e ro suo ona te, e deba iJesu vu. <sup>38</sup> IJesu

o pfi alo ukhokho, o me we khi ee deba lue, o mhila we, "Elo a nono."

Ee oli, "Osese, obo wa la?"

<sup>39</sup> Oo we, "A bhale ya bino." Igho e deba li, e me obini o la. Agho e ke nu o la elegho nya rote agogo ene ele oguota vu.

<sup>40</sup> Otuoghuo eniye odukhokho etuava ni e suo emini iJoni o ngme ni e deba iJesu vu o khi Aduru, inyoghuo iSamoo iPita. <sup>41</sup> Igho Aduru o nyanya kpe te odode nono iSamoo inyoghuo oli gueye, oo, "Anye she me Omiepfuese." (Emini a ri iKirisiti ngme khi, Omiepfuese.) <sup>42</sup> Aduru o rue iSamoo bhale ghi iJesu.

IJesu o bino oli, oo, "Ye ye u khi iSamoo omi iJoni, iKefasi a ke e ke lu e. iPita ali iKefasi emhi oghuo a rewe ngme."

### IJesu o lu iFilipu ali iNatanie

<sup>43</sup> Ogbeakolo, iJesu o ke mu egbe khi loli rote agho vu ya ke je iGalili. O me iFilipu, oo li, "Deba mhe." <sup>44</sup> Onge iBetsaida ni Aduru ali iPita e khi iFilipu o li khi. <sup>45</sup> IFilipu o ke nono iNataniele me. Oo li, "Anye she me oni iMosisi o keke ingme oyoli shi ebe ushi, ni emekeguele e gbo keke ingme oyoli shi Ebe-no-pfuase, ikhi iJesu onge iNazareti Omi iJosefu."

<sup>46</sup> INataniele oo, "INazareti we, eminete o li rote iNazareti e lase?"

IFilipu oo, "Lese bhale ya bino tse."

<sup>47</sup> Abi iJesu o ro me iNataniele khi oo bhale obini lue la, iJesu oo, "Egbegbi onge iZireni na, oni oa ya lo egbholi."

<sup>48</sup> INataniele o mhila li, "Se u gho lese mhe?" IJesu oo, "Mhi she me abi u ro la udi okhua eni neni iFilipu o lu e."

<sup>49</sup> INataniele oo, "Osese, Omi Eshinegba u khi, oghie oyi iZireni!"

<sup>50</sup> IJesu oo, "Itobo khi mhiye khi mhi me e udi okhua eni u ro tigbe miesuo, u ya me emini e dose ona." <sup>51</sup> O gbo gueye we, "A ya me khi idane o khueghie-a, a me khi igeni eyi Eshinegba e rote idane

ẹ tiemhile ya nga shi mhemhe Omi Ogbo ọ.”<sup>¶</sup>

### Ijesu ọ ri amẹ mele onyo a

**2** Ogbele onuzi-ese, a la iKena na eke iGalili ri omueshi ya ngeli. Inyo iJesu ọ la agho, <sup>2</sup>A li lu iJesu ali eniye odukhokho eyoli shi oni ilegba ni a la ri omueshi ngeli. <sup>3</sup>Abi onyo ni a la agho da o ro pfo, inyo iJesu ọọ iJesu, “Onyo e pfo we ro da.”

<sup>4</sup>Ijesu ọọ, “Inyo, khi ke gueye mhe emini mhi ya li, itobo khi eghoghe oyemhe ọa ramhi ne.”

<sup>5</sup>Inyo iJesu ọ gueye eni e so onyo, “A ri emini ọ da gueye e gbe akanya.”

<sup>6</sup>Ikpokpomhi idubo eche esesa e la epfe agho na die amẹ e shi ni egbo iJu e ro kpe egbe a abi ushi oyewe o ngme. Udubo oghuo oghuo, ọọ mie italabi amẹ ene. <sup>7</sup>Ijesu ọ gueye eni e so onyo, “A ka die amẹ vo eni idubo esesa.” Igho e die amẹ vo ewe nya te unu tsue. <sup>8</sup>Igho ọọ, “A die ọ ghi oni ọ ri ukpeloe e khu oni ilegba.” Igho e die ọ ghi ọ. <sup>9</sup>Oni ọ ri ukpeloe e khu ilegba ọ rote eni amẹ ni a she ro mele onyo a da bino, ọa kpe lese obini a me we, ama eni e so onyo e lese obini a me we. Igho oni omose ọ lu ughue-omueshi je epfe ete, <sup>10</sup>ọọ li, “Ashini a la ri ele emhi onana kpa, onyo onete onana a kpe ro lasele na egbo da khue neni a ri onyo oni o kpo-a lasele, Elo o ze ni a ro ri onyo ona kpe shi agho?”

<sup>11</sup>Ona o khi akanya onyaloa oni odode ni iJesu ọ gbe. Eoli iKena na eke iGalili ọ la ri ele ọ. Onana ọ ro ri ufumhi oyoli khase, ni eniye odukhokho eyoli e ro mie oli suo.

<sup>12</sup>Ona o dose se, iJesu ali inyoli, ghe inyoghuo oli eni emose ali eniye odukhokho eyoli e tiemhi obini iKapanomu. E la oobo ukuku ogbele.<sup>§</sup>

### Ijesu ọ lo elemhi Owa oyi Eshinegba le

(iMat 21.12-13; iMak 11.15-17; iLuk 19.45-46)

<sup>13</sup>Abi eghoghe ukpe oyi egbo iJu ni a lu iPasova o ro ti bhale, iJesu ọ nga obini iJerusalem. <sup>\*\*</sup><sup>14</sup>Ọ bhale ya e khi egbo e la elemhi apfe oyi Owa oyi Eshinegba ri ena ali isumha ali inekhukhu e de. Eghuo e shito pfa ikpagho na egbo. <sup>15</sup>Igho iJesu ọ rue ili ro lali utali ulumhokie ro khu we ya lase nya, ghe eni ena ali isumha; ọ miatse we ikpagho kua, ọ ghi we abo okphe kpha ku-a. <sup>16</sup>Ọ ọ eni e ri inekhukhu e de, “A muno we ana-a! Se a li ri owa oyi Ita mhemhe e mele oki a.” <sup>17</sup>Eniye odukhokho eyoli e ya yelele emini a kpe keke shi Ebe-no-pfuase khi, “Ingme owa oye o mu mhe egbe gba.”<sup>††</sup>

<sup>18</sup>Igho enighie eyi iJu e mhila iJesu ini ọ mholi ikanya onyaloa ni ọ ya gbe ni o ya rokhasa ewe khi ọ mholi afu ni ọ ro ri ele enana nya.

<sup>19</sup>Ijesu ọọ we, “A bighi oni Owa oyi Eshinegba ona nya gbe, mhi ya gbo ri ele ọ to ogbele ese.”<sup>‡‡</sup>

<sup>20</sup>Enighie eyi iJu e ke mhila, “Owa ni a ri ikpe egbhueva ali esesa to wa li e khi u ri ogbele ese tse ya ri ele to?”

<sup>21</sup>Ama egbe oyoli ọ ri oni Owa oyi Eshinegba ni ọ ngme khokho. <sup>22</sup>Abi ọ ro ghu-a ni Eshinegba ọ ro gbo guise ọ le, eniye odukhokho eyoli e ro tigbe sa ya to emini ọ ke ngme. Ona o rewe mie ung-

<sup>¶</sup>1:51 Li ze Igbae 28.12

<sup>§</sup>2:12 Li ze iMat 4.13

<sup>\*\*</sup>2:13 Li ze Okiali 12.1-27

<sup>††</sup>2:17 Li ze Iwolo 69.9

<sup>‡‡</sup>2:19 Li ze iMat 26.61; 27.40; iMak 14.58; 15.29

memhi oni o la Ebe-no-pfuase, ali ingme oyi iJesu lolo suo.

<sup>23</sup>Egheghe ni iJesu o ro la iJerusalemu, ikhi egheghe ukpe iPasova, ebu bu egbo e ro mie oli suo itobo khi e me ikanya onyaloa ni o gbe. <sup>24</sup>Ama iJesu oa ya regbenga we obo itobo khi o lese emini egbo e khi pfo nya. <sup>25</sup>Oa khi ogbo o ke gbo ya gue ingme oyi egbo ye oli, itobo khi o she lese emini o la we udu.

### Ijesu ali iNikodemosi

**3** Omose oghuo o la o ni o la otu iFarisi, o khi okhemhue ni o mu eloe shi elemhi iJu, a lu oli iNikodemosi. <sup>2</sup>Oni omose ona o bhale deba iJesu eliyose eleghuo, oo li, “Qsesese, anye lese khi oni oo sese ni o rote obo oyi Eshinegba bhale u khi. Itobo khi ogbokhoghuo oa ya dobe ke gbe ikanya onyaloa enabi u wa gbe ena ini Eshinegba oa nu oli la.”

<sup>3</sup>Ijesu oo li, “Mhi gue igesikia ye khi, ini aa li riefe ogbo bia, oa ya me Eghiele oyi Eshinegba.”

<sup>4</sup>INikodemosi oo li, “Se a li gbo riefe ogbo ni o womhe se bia? Eri o gbo ya lo inyoli elemhi ni o gbo riefe oli bia?”

<sup>5</sup>Ijesu o soli o, oo li, “Mhi gue igesikia ye khi, aa me ogbokhoghuo ni o ya lo Eghiele oyi Eshinegba ini aa bia li elemhi ameh ali elemhi Ayemhe. <sup>6</sup>Omose ali okpotso ee bia ogbo alo gbugbugbu, ama Ayemhe oyi Eshinegba a ro riefe ogbo o bia elemhi ayemhe. <sup>7</sup>Khi ze ni ungmehi ni mhiye khi, ‘A mema riefe e ya bia,’ o ligho ri abo she. <sup>8</sup>Obini o ghole akpekpeli o li e je, eri awa lie suo abi o lie li, ama awa aa ya me oli. Igho ingme oyi eni a riefe bia elemhi Ayemhe oyi Eshinegba e li.”

<sup>9</sup>INikodemosi o mhila iJesu, “Se a lie me ghoo?”

<sup>10</sup>Ijesu oo, “Ye ye ukpokpo-ogbo oguebe ni u lie sese egbo eke iZireni waa lese ona? <sup>11</sup>Abi o li mhi li gue oli e ye khi emini anye lese, anye e ngme. Emini anye me, anye e gueye agbo. Ama aa nono ni a mie usomhi oyi anye suo. <sup>12</sup>Ini waa mie mhe suo ini mhi gue ingme ena agbo ona ye, se u lie mie mhe suo ini mhi gue ingme iloghie ye? <sup>13</sup>Ogbokhoghuo oa kpe ye iloghie jele ghue, se ni mhemhe Omi Ogbō ni mhi rote iloghie tiemhie. <sup>14</sup>Abi iMosisi o ke li ge enye ni a ri igolu lumhi shi ukpokpo, ni o tsua li idane obini odagbe ifufu, igho a mema li tsua Omi Ogbō idane.” <sup>15</sup>Egheghe agho, onini o da mie oli suo, o ya mholi agbo na agboagbo.

<sup>16</sup>“Irari khi Eshinegba o o nono ingme oyi agbo gba, loli o ro rue Omioli oni omose otuoghuo kpe na agbo, egheghe agho onini o da mie oli suo ne, oa ya pfua, ama o ya mholi agbo na agboagbo. <sup>17</sup>Eshinegba oa ghie omi oli bhale agbo, ni o bhale ya pfa ezoo mu egbo na agbo, eri o ghie oli, o bhale ya mie agbo pfuese. <sup>18</sup>Aa ya pfa ezoo mu oni o da mie Omi Eshinegba suo, ama oni oa da mie oli suo, a she pfa ezoo mu oli se, itobo khi oa mie Omi Eshinegba otuoghuo kpe suo. <sup>19</sup>Abi a lie so oni ezoo na. Akpa o bhale agbo, ama egbo e nono alo ebili ne, itobo khi ikanya ebe ee gbe. <sup>20</sup>Oni o gbe ikanya ebe oa ya nono akpa, oa tigbe e bhale akpa itobo khi ikanya eyoli e ya ri udi lasale ini e bhale akpa. <sup>21</sup>Ama oni o da ri ungmehi oyi Eshinegba ni o khi igesikia a gbe akanya ne, o bhale akpa ashini a te e me eke, ni ikanya eyoli e rokhashe khi ode oyi Eshinegba o rote.”

### Otsese ni iJoni o pfi shi ingme oyi iJesu

<sup>22</sup>Ele lese iJesu ali eniye odukhokho eyoli e je eke iJudia. O nu we la oobo



ukuku egheghe, oo batazi egbo. <sup>23</sup> IJoni o la Ainoni ni o a nuē shi iSalimu li batazi egbo, itobo khi amē e lo bu shi agho. Egbo e je agho deba li ni o batazi wē. <sup>24</sup> Egheghe agho aa mu IJoni shi owa ighumha ne. <sup>§§</sup>

<sup>25</sup> Eniyē odukhokho eyi iJoni eghuo e nu ogbo iJu oghuo khako shi ingme ikpegbe a ona ugamhi. <sup>26</sup> Igho e le deba iJoni, eē, “Oseē, u ke yelee omose oghuo ni u ke batazi, oni u ngme ingme oyoli epfe okē iJodani elegeho, o li e batazi egbo, lolli egbo nya e ke na deba memena.”

<sup>27</sup> IJoni oo wē, “Aa mē emhikhoghuo ni ogbo o mhōli ni o a khi Eshinegba o rōli na. <sup>28</sup> Eē ena a ga suo abi mhi rō liē khi o a khi mhēmhe mhi khi Omiepfuese, khi eri a li ghie mhē ralo na li. <sup>\*</sup> <sup>29</sup> Omose oni o rue omueshi o khi ughue omueshi. Eri omole oni omose oni o rue omueshi o ri esō shi eke migha ke khe ughue omueshi. O kha da suo khi omole o da ngme ne, egbe eē mu oli. Igho egbe e liē mu mhē memena, igho oghelē oyemhe o gbo vō. <sup>30</sup> Ufumhi oyoli o mema ke nga shio, ufumhi oyemhe o o ke tiemhi.

<sup>31</sup> “Oni o rōte ilimhi tiemhie o fu doşē egbo nya. Oni o rōte agbo ana lasele, ona agbo ona o khi. Irarigho, ingmemhi eyi agbo ana a ke ngme. Ama oni o rōte ilimhi tiemhie o fu doşē egbo nya. <sup>32</sup> Em-ini o mē ali emini o suo ilimhi, o gue e ye egbo, ama ogboghoghuo o a mie oli suo. <sup>33</sup> Oni o da mie emini o gueye agbo suo ne, eri o rokhase khi igesikia Eshinegba o ngme. <sup>34</sup> Oni Eshinegba o ghie, oo ngme ungmemhi oyi Eshinegba, itobo khi eri Eshinegba o ri Ayemhe oyoli na li gbe ku o. <sup>35</sup> Eri Eshinegba Ita o nono in-

gme oyi Omioli oni omose, irarigho o rō ri emhikpa nga li obō. <sup>†</sup> <sup>36</sup> Oni o da mie Omioli suo ne, eri oo mhōli agbo na agboagbo, ama oni o da kie oli ne, o a ya mhōli agbo, eri ibiselemhi oyi Eshinegba oo deba li agboagbo.”

### IJesu o nu okpotso onge iSameria ngme

**4** Egbo iFarisi e suo khi ebubu egbo e deba iJesu, ali khi o gbo batazi eniyē odukhokho bu doşē iJoni. <sup>2</sup> O a khi iJesu o ri obō oyoli mema batazi egbo, ama eniyē odukhokho eyoli e batazi egbo. <sup>3</sup> Igho abi iJesu o rō suo ingme ni egbo e ngme, o rōte eke iJudia vu, o mu egbe pfi je iGalili. <sup>4</sup> O ya rōte ode iSameria doşē abi o rō lē iGalili.

<sup>5</sup> Igho o bhale eoli na lu iSicha ni o la eke iSameria, ni o a nuē shi eke ni iGiekopu o rō na iJosefu omioli oni omose. <sup>‡</sup>

<sup>6</sup> Agho ilijia oni a lu ilijia oyi iGiekopu o la. O loşē iJesu itobo okiali ni o kia ramhi agho, igho o shito epfe oni ilijia. Oguota o leşē mu eke oni egheghe.

<sup>7</sup> Okpotso onge iSameria oghuo o bhale ya a amē. IJesu oo li, “Diē amē na mhē da.” <sup>8</sup> Egheghe agho eniyē odukhokho eyoli e she lo ifuapfe ya de eminale.

<sup>9</sup> Oni okpotso onge iSameria oo iJesu, “Onge iJu u khi, mhēmhe mhi khi onge iSameria, sē u ke li a liē mhi diē amē nē da?” Emini o zē ni o rō ngme na khi, egbo iJu ali egbo iSameria e a ri egbe e ti emhi egbe. <sup>¶</sup>

<sup>10</sup> IJesu o li, “Ini u leşē isomhopfa ni Eshinegba o rō na ogbo lo, ni u gbo rō leşē emini ogbo ni oo mhila e amē o khi

§§3:24 Li zē iMat 14.3; iMak 6.17; iLuk 3.19-20

\*3:28 Li zē iJon 1.20

†3:35 Li zē iMat 11.27; iLuk 10.22

‡4:5 Li zē Igbae 33.19; iJosh 24.32

¶4:9 Li zē Ezira 4.1-5; iNee 4.1-2

lọ, u kha mhila li ọ ri amẹ nẹ da. Egheghe agho ni ọ ri amẹ ni e ri agbo ọ na ogbo nẹ da.”

<sup>11</sup> Oni ọkpotoso ọ ke mhila iJesu, ọọ, “Oga, waa mhọli emhi ni a rọ ọ a amẹ, oni ilijia o limhi. Obo u ke te ya me eni amẹ ni e ri agbo ọ na ogbo na a mhe da? <sup>12</sup> Eri u ke lie khi ye ye u fu dose iGiekopu ita anye kpa?” Lọli ọ tọ oni ilijia ona, ni ọ ri ọli na anye, ni lọli ali imiọli ali elamhako eyọli e gbo te ọ da.

<sup>13</sup> IJesu ọ ya sọ li ọ, ọ li, “Onini ọ da da amẹ eyi ilijia ena, okiamẹ o gbo ya gbe ọli. <sup>14</sup> Ama okiamẹ ọa tigbe ke ẹ gbe onini ọ da da amẹ ni mhi ya rọ na li da. Itobo khi amẹ eyemhe e ya mele okẹ ni ọa ke ya khakha ghue shi ọli elemhi, ni o ya ke sha kule ri agbo na agboagbo na li.”

<sup>15</sup> Oni ọkpotoso ọọ, “Oga Kpekepe ri eni amẹ na mhe da ini okiamẹ o khi ke gbo gbe mhe, ini mhi khi ke gbo bhale akana ya a amẹ.”

<sup>16</sup> IJesu ọọ, “Ka lu omose ni ọ rue ẹ shi bhale.”

<sup>17</sup> Oni ọkpotoso ọọ, “Mhia mhọli omose.” IJesu ọọ li, “Igesikia lọ, ni u we khi u a mhọli omose, <sup>18</sup> itobo khi u she kpe mhọli emose oshe ni u kpe ngeli na. Oni u ga nu la memena, ọa khi lọli ọ re shi.”

<sup>19</sup> Oni ọkpotoso ọọ, “Kie! Oga, mhi she me ọli khi omekeguele oyi Eshinegba u khi. <sup>20</sup> Ukhomhi ute onana eni e bia anye egbo iSameria, e kpe la ga ugamhi, ama ẹ ẹgbo iJu, ẹ khi iJerusalemu awa mema la ke ga ugamhi.”

<sup>21</sup> IJesu ọọ li, “Mie mhe suọ khi egheghe ọọ bhale ni u a ke rọ la ukhomhi ute ona, we khi iJerusalemu ya ga Ita. <sup>22</sup> Emini ẹ ẹgbo iSameria aa lese, a ga, ama anye lese emini anye ẹ ga itobo khi obọ oyi iJu imiepfuese o te bhale. <sup>23</sup> Ama, egheghe ọọ bhale, oni egheghe o she ramhi ni egbo eni e ri igesikia ẹ ga Eshinegba e rọ ya ke ga li abi

Ayemhe oyọli o li rokhase we, e gbo te ode igesikia ga li, itobo khi egbo eni e ligho ọ ga li, ọọ nono. <sup>24</sup> Ayemhe oyi Eshinegba ọ khi, eni ẹ ga li e mema ya ke ga li abi Ayemhe o rokhase we, ali rote ode igesikia.”

<sup>25</sup> Oni ọkpotoso ọọ iJesu, “Mhi lese khi Omiepfuese (oni a lu iKirisiti) ọ ọ bhale. Ọ kha bhale, ọ ya khueghie emhikpa gueye anye.”

<sup>26</sup> IJesu ọ sọ oni ọkpotoso ọ, “Lọli mhi khi ni mhi nu ẹ ngme ena.”

<sup>27</sup> Abi e kie li ngme, eniye odukhokho eyọli e bhale ya ẹ khi ọ nu ọkpotoso o ngme, o ri abọ sha we. Ongewe ọa mhila li, “Elo wa nono?” Wekhi e ri e mhila li, “Elo o ze nu u rọ nu ọli ẹ ngme?”

<sup>28</sup> Igho oni ọkpotoso ọ ze akhe amẹ oyọli obọ shi agho, ọ je ifuapfe kia gueye egbo, ọọ lie, <sup>29</sup> “A bhale ka ghe omose oghuo ni ọ gue emini mhi ga riẹle ghue nya ye mhe. Omiepfuese ọ fe ya khi?”

<sup>30</sup> Egbo e ve gbii te ifuapfe bhale ashini iJesu ọ la.

<sup>31</sup> Egheghe agho, eniye odukhokho eyọli e ke lema li, “Osese, waa ke le eminale.”

<sup>32</sup> IJesu ọọ we, “Mhi mhọli eminale ni mhia le ni aa lese.” <sup>33</sup> Eniye odukhokho eyọli e mhila egbe we, “Eri ogbokhoghuo ọ kpe ri eminale ghi ọ le?”

<sup>34</sup> IJesu ọọ we, “Eminale oyemhe khi, ni mhi riẹle oghuemhe oyi oni ọ ghie mhe, ni mhi rọ gbo gbe akanya oyọli pfo. <sup>35</sup> Aa she ngme ọ khi, ‘Iki ene e ke kpole ni a rọ ke ya khiẹ emhi ekomhi?’ Mhi gue ẹ ye ẹ memena, a bino khi emhi ekomhi na ishemhi e she bie ni a khiẹ. <sup>36</sup> Memena a she ẹ fali eni ẹ khiẹ ishemhi ota akanya, ni e ke khiẹ ikhiẹ ni o ri agbo na agboagbo ọ bhale. Egheghe agho ni a bhale ya ẹ khi eni e rọ kọ ali eni ẹ khiẹ e ga kugbe ke ghele. <sup>37</sup> Onana o rokhase khi emini egbo ẹ ngme khi igesikia o khi, ikhi ungemhi ni ọọ, ‘Oni ọ rọ kọ, ọ kiọda shi oni ọ

khiesē.’<sup>38</sup> Eri mhi ghie ẹ a ka khiesē emini aa rọ kọ. Egbọ elese e ya gbe ikanya ni e toto rẹwẹ kọ, ama ẹẹ a mẹ eleli ikanya eyewẹ.”

### **Ebubu ẹgbọ iSameria e miesuo**

<sup>39</sup> Ebubu ẹgbọ iSameria ni e la oni ẹoli e ri itobọ emini oni ọkpotso ogho ọ gueyẹ wẹ mie iJesu suo, ikhi emini ọ ngme ni ọọ, “A bhale ya ghe oni ọ gue emini mhi ga riele ghue nya yemhe.”<sup>40</sup> Abi eni ẹgbọ iSameria e rọ bhale deba iJesu, e lema li ọ kpekpe ọ ku shi na ewe. Igho iJesu ọ ku shi na wẹ ogbele eva.

<sup>41</sup> Ebubu ẹgbọ elese e gbo mie iJesu suo itobọ ingmemhi ni ọ nu wẹ ngme.<sup>42</sup> Eni ẹgbọ e kẹ oni ọkpotso, “Anye she miesuo memena. Oa khi itobọ emini u gueyẹ anye tşẹ anye rọ miesuo, ama itobọ khi anye she suo emini ọ ngme, anye gbo leşẹ egbegbo khi oni ọmose ona ọ ga khi oni Ọmiepfuese.”

### **IJesu ọ ri omi oni ọ gbe akanya igometi ni ọ fu ze**

(iMat 8.5-13; iLuk 7.1-10)

<sup>43</sup> IJesu ọ la iSameria ramhi ogbele eva. Ọ rọte agho vu je iGalili.<sup>44</sup> Ọ she kpe lie khi ẹgbọ ẹa la ẹoli oyi ọmekẹguele oyi Eshinegba a mu ekpe na li.<sup>§</sup><sup>45</sup> Abi ọ rọ lo ekẹ iGalili le, ẹgbọ iGalili e mie ọli egbegbo, itobọ khi ukpeloe oyewẹ iJesu ọ la gbe ikanya ọnyaloo ni ọ la iJerusalemu gbe abi e rọ riele ukpe iPasova.\*\*

<sup>46</sup> Igho iJesu ọ gbo nyene egbe je iKena ni o la ekẹ iGalili, ashini ọ ke la ri amẹ mele onyo a. Ọmose oghuo ni ọ gbe akanya igometi ọ la akaghọ, ni omi ọli ọ la iKapanomu ghua.<sup>††</sup><sup>47</sup> Oni ọmose ọ suo khi iJesu ọ rọte ekẹ iJudia ẹ bhale iGalili. Igho ọ bhale ya lema iJesu ọ

kpekpe ọ deba luẹ ya nu ọli ri omi luẹ, ni ọa ze ni ọ la akọ eghuli ze.<sup>48</sup> IJesu ọọ, “Ini aa li mẹ ọlele ọnyaloo ali ọshabo, aa ya miesuo.”

<sup>49</sup> Oni ọmose ni ọ gbe akanya igometi, ọọ, “Onomhue, kpekpe bhale neni omimhe ọọ ghua.”

<sup>50</sup> IJesu ọọ li, “Ke je khi omie ọ ya ze, ọa ya ghua.” Oni ọmose ọ mie emini iJesu ọ gueyẹ ọ suo, ọọ je.<sup>51</sup> Abi ọ rọ je, eni ẹẹ ga li, e bhale ya lona li ode, e gueyẹ ọli, “Omiẹ ọ she ze.”

<sup>52</sup> Oni ọmose ọ mhila wẹ, “Egheghe onoghuo oni ọmọ ọ la ze?” E gueyẹ oli khi, “Agogo oghuo ọguota ode oni ọmọ ọ la ze.”<sup>53</sup> Oni ita oni ọmọ ọ sato khi egheghe agho tee iJesu ọ la gueyẹ luẹ, “Omiẹ ọ ya ze.” Ọli ali apfe ọli nya e mie iJesu suo.

<sup>54</sup> Onana o khi akanya ọnyaloo onuzi-eva ni iJesu ọ gbe abi ọ rọ rọte ekẹ iJudia bhale iGalili.

### **IJesu ọ ri ọmose oghuo ni ọọ ghua ze**

**5** Abi a rọ mẹ ingme ena se, iJesu ọ nga obini iJerusalemu shi ukpe ni ẹgbọ iJu e riele.<sup>2</sup> Mena, ode unuekpe ni a lu Isumha o la iJerusalemu. Ateke ni okẹ o chocho shi o la agho. Ibetisaida a ri elemhi Iburu ẹẹ lu oni okẹ. Ikuku ikholo ishe ni a ghi e la gasẹ oni okẹ.<sup>3</sup> Ebubu ẹgbọ ni ẹa ze, ikhi ezalo, ali eni ẹa dobe ẹ kia ali eni e ghu egbe-a, e yeshi gasẹ oni okẹ. Eri e migha kẹ egheghe ni a rọ ọ wushe oni okẹ-a.<sup>4</sup> [Irari khi o mhọli egheghe ni ageni oyi Eshinegba ọ rọo tiemhi elemhi oni okẹ ya wushe ọli-a. Egheghe agho ọnini ọ da kpe te odode ya tiemhi oni okẹ ini oni ageni ọ leşẹ wushe ọli-a se, a rọli ze, ughuamhi onini o tseku yesẹ ọli ẹ ngme]<sup>5</sup> Ọmose oghuo ọ la agho ni o she gba ikpe uye-ali-

§4:44 Li zẹ iMat 13.57; iMak 6.4; iLuk 4.24

\*\*4:45 Li zẹ iJon 2.23

††4:46 Li zẹ iJon 2.1-11

igbelele abi o te e ghua. <sup>6</sup>IJesu o bhale ya e oni omose shi agho, o lese khi o she la agho tese. IJesu o mhila li, oo li, "Wa nono ni u ze?"

<sup>7</sup>Oni omose ni o ghua o so li o, oo, "Oga mhi aa mholi ogbo ni o ya kpaghie mhe obo mu mhe tiemhi elemhi oko. A kha da lese washe oko-a se, ni mhi ro da mu egbe ni mhi tiemhi ne, ogbo olese o kpe tiemhi khe mhe."

<sup>8</sup>Igho iJesu oo li, "Vule! Rue iya oye mhue obo ni u ke kia." <sup>9</sup>Igho oni omose o ze agho agho, o rue iya oyoli, oo kia. Elegeho o khi Ogbela iyemhea oyi egbo iJu.

<sup>10</sup>Enighie eyi iJu ee oni omose ni a ro ze, "Kieeee! Amo o khi Ogbela iyemhea oyi egbo iJu. Eri u gbe ushi ni Eshinegba o ro na iMosisi-a. Ighuighue lo ni u ro tsua iya oye ele iyemhea."\*\*

<sup>11</sup>Oni omose oo, we, "Omose ni o re mhe ze oo mhe, 'Rue iya o ye, u ke kia.'"

<sup>12</sup>E mhila li, "Oghuo o khi oni ogbo ni o gueye u rue oli eke u ke kia?"

<sup>13</sup>Oni omose ni a she ro ze, oa ke lese ogbo ni o ro li ze, itobo khi iJesu o she lo ifuabo egbo oni eghenge.

<sup>14</sup>Abi a ro me ena se, iJesu o bhale ya e oni omose ni o ro ze elemhi Owa oyi Eshinegba. IJesu oo li. "Ghekhe, abi u ro da ze se ena, khi ke gbo lamhe, ini emhi obe olese ni o dose ana o khi ya li e."

<sup>15</sup>Igho oni omose o vu, o ya gueye egbo iJu khi iJesu o re lue ze. <sup>16</sup>Itobo khi iJesu o gbe ikanya enana Ogbela iyemhea oyi egbo iJu, egbo iJu ee jili oli. <sup>17</sup>IJesu o gueye we, oo, "Egheghe kpa Itamhe o ro gbe akanya, igho mhemhe mhi li lie gbe akanya."

<sup>18</sup>Itobo ungmemhi onana egbo iJu e ro mema gba li abi e li ya gbe oli-a. Oa khi itobo khi o gbe ushi oyi Ogbela iyemhea oyi egbo iJu tse e ro ye ugbamhi

oyoli, ama itobo khi doo khi Eshinegba o khi Ita loli. E lie khi e li o ri onana a lie khi otu loli ali Eshinegba e khi.

### Eshinegba o ri afu na Omi oli

<sup>19</sup>IJesu o gueye we, oo, "Abi o li mhi li gue oli e ye e, khi mhemhe Omi Eshinegba mhi aa dobe ya riela emhikhoghuo ootsobo oyemhe, ama emini mhi me khi Eshinegba itamhe oo riela, mhi ya ke riela. <sup>20</sup>Irari khi Ita o nono ingme oyi omioli o ro ri emini o riela nya khaso oli. O ya gbo ri emini e fu dose ena khaso mhe ni o ya sha e abo. <sup>21</sup>Abi Ita o li guise eni e ghu-a le ni o gbo ri agbo na we, igho mhemhe omi oli mhi li ya ri agbo na oni o ghole mhe. <sup>22</sup>Ita oa ya ri ogbokhoghuo gue ezoo, ama omioli o ri afu na, ni o ro ri egbo gue ezoo. <sup>23</sup>Ni a bhale ya e khi ogbokpa o mu ekpe na oni Omoo abi a li mu ekpe e na Ita. Oni oa da mu ekpe na oni Omoo oa mu ekpe na oni Ita ni o ghie oni Omoo.

<sup>24</sup>"Abi o li mhi li gue oli e ye e khi, oni o da suo ungmemhi oyemhe ni o da gbo mie oni o ghie mhe suo, o she mholi agbo na agboagbo. Ogbo oa ya pfa ezoo mu oli, itobo khi o she rote ode eghuli lasela bhale ode agbo. <sup>25</sup>Abi o li mhi li gue oli e ye e khi eghenge oo bhale, oni eghenge na, ni eni e ghu-a e ro ya suo ungmemhi oyi Omi Eshinegba, eni e da suo ungmemhi oyoli, e ya la agbo. <sup>26</sup>Abi Ita o li khi oni o ri agbo o na ogbo, igho o ri oni agbo na Omioli, ni o li ke ro na egbo. <sup>27</sup>O she gbo ri afu ni a ro so ezoo na Omi oli, itobo khi loli o khi Omi Ogbo.

<sup>28</sup>"Emini mhi gueye e, o khi sha e abo, itobo khi eghenge oo bhale ni ilimhi nya ni a she ro to e ya suo uruli oyoli. <sup>29</sup>E kha da suo oni uruli ne, e ya guale, e te uji fie lase, eni e da riela onete, e ya mholi agbo, ama egbo ebe e ya guale shi

\*\*5:10 Li ze iNee 13.19; iJere 17.21

epfua.<sup>¶</sup> <sup>30</sup> Emhikhoghuo ɔa la ɔ ni mhi doɓe ya riɛɛ ɔotsobo oyemhe. Abi itamhe ɔ gueye mhe mhi li so ezo mhi lie so ezo. Iso-ezo oyemhe oni o migha lo, itobo ɔa khi abi o ghole mhe mhi lie gbe ikanya, ama emini o ghole Itamhe ni ɔ ghie mhe mhi ro gbe akanya.

### A pfi ɔtselɛ shi ɔni iJesu ɔ khi

<sup>31</sup> “Mhi aa ya pfi ɔtselɛ na egbe mhe. Mhi kha pfi ɔtselɛ na egbe mhe, egbo ɛa ya rue oni ɔtselɛ shi egbegbo. <sup>32</sup> Ogboese ɔ la ɔ ni ɔ pfi ɔtselɛ na mhe. Mhi lese ɔtselɛ oyoli ni ɔ pfi ɛ na mhe khi egbegbo lo.

<sup>33</sup> “A she kpe ghie usomhi ghi iJoni, ɔ pfi ɔtselɛ shi ɔni ɔ khi igesikia.<sup>§§</sup> <sup>34</sup> Ama ɔa khi eri mhi mu ma ɔtselɛ oyi ogbo, eri mhi mema gue ɔtselɛ ni iJoni ɔ pfi na mhe ye ɛ ini a mhɔli imiepfuese. <sup>35</sup> Eri iJoni ɔ ge abi akpa ni o ro ode ɛ khase ɛ. Ukuku eghege a lama mie oni akpa ni o ri egbe mu ɛ.

<sup>36</sup> “Mhi mhɔli ɔtselɛ ni ɔ fu dose ɔtselɛ ni iJoni ɔ pfi na mhe. Ika ni Itamhe ɔ ro na mhe mhi gbe pfo ni mhi kiele ɛ gbe, e pfi ɔtselɛ khi Itamhe ɔ ghie mhe. <sup>37</sup> Itamhe ni ɔ ghie mhe ɔ she pfi ɔtselɛ shi ingme oyemhe. Aa tigbe kpe suo uruli oyoli wekhi eri a tigbe kpe me abi ɔli.\* <sup>38</sup> Ungmemhi oyoli ɔa la elemhi oye ɛ, itobo khi aa mie ɔni ɔ ghie suo. <sup>39</sup> A rosheka wena Ebe-no-pfuase, ni a dabi khi ɔli o ya ri agbo na agboagbo na e. Oni ebe ona ɔli o gbo pfi ɔtselɛ shi ingme oyemhe. <sup>40</sup> Ama aa nono ni a bhale deba mhe, ini a mhɔli agbo.

<sup>41</sup> “Oa khi ikuɛghie oyi egbo mhia nono. <sup>42</sup> Ama mhi lese ɛ. Mhi lese khi aa mhɔli inono oyi Eshinegba shi udu o ye ɛ <sup>43</sup> Eva oyi Itamhe mhi ro bhale, ama aa mie mhe, ogboese ɔ kha ri eva

oyoli bhale deba ɛ, a ya mie ɔli. <sup>44</sup> Emini o ze khi aa miesuo khi, ikuɛghie ni o rote obo oyi egbo bhale á nono, ocho ni a kha ro ke nono oni o rote obo oyi Eshinegba bhale.

<sup>45</sup> “A khi sa khi mhia ya pfa ezo mu ɛ odalo oyi Itamhe. ɔni ɔ pfa ezo mu ɛ khi iMosisi ni a regbenga. <sup>46</sup> Ini a mie iMosisi suo lo, a kha mie mhe suo itobo khi ɔ keke ingme oyemhe shi ebe. <sup>47</sup> Ama abi aa ro mie emini ɔ keke shi ebe suo, see a ke li ya mie emini mhi gueye ɛ suo?”

### IJesu ɔ ri eminale na ebubu egbo le

(iMat 14.13-21; iMak 6.30-44; iLuk 9.10-17)

**6** Abi a ro me ingme enana se, iJesu ɔ da oke oniɛmhi no khishi na lu iGalili lasele je egele ɔ. (ITiberiasi a gbolo ɛ lu oni oke.) <sup>2</sup> Igho ebubu egbo e ve deba li gbii, itobo khi e me ikanya onyaloa ni ɔ ri eni ɛ ghua ze. <sup>3</sup> Igho iJesu ali eniye odukhokho eyoli e nga ukhomhi ute ya shito. <sup>4</sup> Eghege agho ukpe iPasova oyi iJu o she ramhi.

<sup>5</sup> Abi iJesu ɔ yase alo, ɔ me ebubu egbo ni e bhale deba li, igho ɔ mhila iFilipu, ɔɔ li. “Obo awa te ya de eminale ni e ya lo egbo ena le?” <sup>6</sup> Eri iJesu ɔ mema mhila li ni ɔ ro mhesɛ ɔli bino, itobo khi ɔ she kpe lese emini ɔli ya riɛɛ shi udu.

<sup>7</sup> IFilipu ɔ so iJesu ɔ, ɔɔ li. “O kha tseku khi ifata iki elele, ɛa ya lo ni a ro de eminale ni a me ya kemhi pfiɛɛ-pfiɛɛ na we tono unu!”

<sup>8</sup> Otuoghuo eniye odukhokho eyoli ni a lu Aduru ni ɔ khi inyoghuo iSamɔ iPita, ɔɔ li, <sup>9</sup> “Ukuku omɔ ɔ la akana ni ɔ tsua irui ibuledi ishe ali ifele aava. Ashi enana e kia ya ramhi, ni aa kemhi na egbo ena nya?”

<sup>¶</sup>5:29 Li ze iDan 12.2

<sup>§§</sup>5:33 Li ze iJon 1.19-27; 3.27-30

\*5:37 Li ze iMat 3.17; iMak 1.11; iLuk 3.22

<sup>10</sup> IJesu oḡ li, “A ri eni eḡbḡ shito.” Ebuli iyeyē e vḡ aghḡ eḡbegbḡ. Eni eḡbḡ nya e shito, emḡse ni e laḡ tḡḡ, e khi eḡbḡ agbeḡe asha ishe. <sup>11</sup> IJesu ḡ rue eni ibuleḡi, ḡ tḡḡ Eshineḡba uwegbe shi ḡ, ḡ kia kemhi na wḡ. Ḳ gbo lighḡ rue eni ifele, ḡ tḡḡ Eshineḡba uwegbe shi ḡ, ḡ kemhi na wḡ. Eni eḡbḡ e le, e khue.

<sup>12</sup> Abi e rḡ le khue se, iJesu ḡ gueyeḡ eniyeḡ odukhokho eyḡli, oḡ, “A kia sanḡ iku wḡ eni e le kpḡle, a khi zḡ ni e li opfu-a.” <sup>13</sup> Abi e ke rḡ sanḡ wḡ ḡbili, ighughu igbeva e vḡ iku ibuleḡi ni eḡbḡ e le kpḡle.

<sup>14</sup> Abi eni eḡbḡ e rḡ mḡ ikanya ḡnyalḡa ni iJesu ḡ gbe, eḡ li, “Iḡḡsikia lḡ khi omḡse ḡna ḡ khi omekeguele ni e khi ḡ ya bhale agbḡ.” <sup>15</sup> IJesu ḡ leḡḡ khi eni eḡbḡ e she gba abi e li ya ri itoto rḡli khi oghie, ighḡ, lḡlighuo ḡ te wḡ ifuabḡ vu ya nga ukhomhi ute.

### IJesu ḡ kia ukhomhi okḡ

(iMat 14.22-33; iMak 6.45-52)

<sup>16</sup> Abi ogbḡmhi o rḡ mu ekḡ eḡḡḡ, eniyeḡ odukhokho eyḡli e tiemhi okḡ ni o khishi. <sup>17</sup> Aghḡ e te lo ḡḡḡ-okḡ oniḡmhi ni o tsua wḡ da lase je iKapanḡmu. Oni eḡḡḡ obili o she bi, iJesu ḡ a nu wḡ la akaghḡ. <sup>18</sup> Ighḡ akpekpeli oniḡmhi o tsua rughu wḡ, okḡ o wushe kugbe. <sup>19</sup> Abi e rḡ kia ukhomhi okḡ ramhi abi imali eseḡ ali ene ghḡ, e mḡ khi iJesu ḡ kia ukhomhi okḡ e bhale. Ulishi oo mu wḡ. <sup>20</sup> IJesu oḡ wḡ, “Mhemḡḡ lḡ, ulishi o khi ke mu e.” <sup>21</sup> Ighḡ, o ghḡle wḡ ni e tsua iJesu shi elemhi ḡḡḡ-okḡ oniḡmhi. Aghḡaghḡ oni ḡḡḡ-okḡ oniḡmhi o ramhi egele obini e je.

### Eḡbḡ e nono iJesu u gasḡ

<sup>22</sup> Ogbeakḡlḡ eni ebubu eḡbḡ ni e kpḡ la olase egele okḡ ukiḡkiḡ obini o kpḡle ni eniyeḡ odukhokho e kpḡ te vu. E leḡḡ khi ḡḡḡ-okḡ oniḡmhi oghuo tḡḡ o

kpḡ la aghḡ, eni eḡbḡ e leḡḡ khi eniyeḡ odukhokho eyḡli tḡḡ e la oni elemhi ḡḡḡ-okḡ oniḡmhi, ali khi iJesu ḡa nu wḡ lo oni ḡḡḡ-okḡ oniḡmhi abi o rḡte aghḡ vu. <sup>23</sup> Iḡḡ-okḡ elese e rḡte obini iTiberiasi bhale epfepḡ ashini iJesu ḡ la ri eminale ni ebubu eḡbḡ le, ni ḡ la tḡḡ Eshineḡba uwegbe shi eni eminale. <sup>24</sup> Abi eni eḡbḡ e mḡ khi iJesu ali eniyeḡ odukhokho eyḡli eḡ la akaghḡ, e doḡḡ lo iḡḡ-okḡ, ni e tsua wḡ je iKapanḡmu, ni e ya nono iJesu gasḡ.

### IJesu ni ḡ khi Eminale ni o ri agbḡ ḡ na oḡbḡ

<sup>25</sup> Abi e ke rḡ mḡ iJesu ukhomhi egele olase okḡ ukiḡkiḡ obini uzeva, eḡ ḡli, “Oseḡḡ, eḡḡḡḡ onoghuo u rḡ ramhi oola?”

<sup>26</sup> IJesu ḡ sḡ wḡ ḡ, oḡ wḡ, “Egbegbi-ingme mhi gue e ye e, ḡa khi itobḡ khi a mḡ ikanya ḡnyalḡa ni mhi gbe a rḡ nono mḡḡ, ama itobḡ eminale ni mhi rḡ na e le khue. <sup>27</sup> A khi ke kuḡḡḡ nono eminale oyi agbḡ ḡna ni oḡ yese-a, ama a ke kuḡḡḡ nono eminale ni oḡ la ḡ agbḡagbḡ ni Omi Oḡbḡ ḡ rḡ ya na e le. Itobḡ khi Eshineḡba Ita ḡ she ri obḡ nga li ukhomhi ḡ mie shi ḡli ḡ.”

<sup>28</sup> Ighḡ, e ke mhila li, e ḡ li, “Eḡ anye ya ke li ni anye rḡ ya ke gbe akanya ni o ghḡle Eshineḡba?”

<sup>29</sup> IJesu oḡ wḡ, “Akanya oyi Eshineḡba khi ni a rḡ mie ḡni ḡ ghie suḡ.”

<sup>30</sup> E gbo mhila li, eḡ ḡli, “Ikanya ḡnyalḡa eneghuo u ya riḡḡḡ khasḡ ni anye mḡ ni anye rḡ ya mie e suḡ? Eḡ u ya riḡḡḡ? <sup>31</sup> Eni e bia awa e le eminale ni e rḡte idane de kule, Abi Ebe-no-pfuasḡ o ngme khi. ‘Ḳ ri eminale ni e te idane de kule na wḡ le.’”†

<sup>32</sup> IJesu ḡ sḡ wḡ ḡ, oḡ, “Egbegbi-ingme mhi gue e ye e, a khi iMosisi ḡ ri eminale te idane tiemhile na e le, ama Itamḡḡ lḡ-

†6:31 Li zḡ Okiali 16.4,15; Iwolo 78.24

lighuo o rōte idane ri egbegbi eminale tiemhile ni e le. <sup>33</sup> Itobo khi eminale ni Eshinegba o rō na ogbo, loli khi oni o rōte iloghie bhale ya ri agbo na egbo na agbo.” <sup>34</sup> Ee oli, “Onomhue, kpēkpē rōte ana vu, ke ri oni eminale ona na anye le.”

<sup>35</sup> IJesu o so we o, oo we. “Mhemhe mhi khi eminale ni o ri agbo o na ogbo. Onini o da bhale deba mhe, okiamhi oa kea gbe oli ghue, oni o da mie mhe suo okiamē oa tigbe ke ya gbe oli. <sup>36</sup> Ama mhi gueye e khi a she me mhe, ama aa kie mie mhe suo. <sup>37</sup> Egbo ni Itamhe o ro na mhe nya e ya bhale deba mhe, oni o da bhale deba mhe ne mhia ya khu oli vu. <sup>38</sup> Itobo khi eri mhi rōte iloghie ilimhi tiemhile ni mhi rō riēle oghuemhe oyi oni o ghie mhe, a khi ni mhi riēle oghuemhe oyemhe. <sup>39</sup> Oghuemhe oyi Ita ni o ghie mhe khi, ni a bhale ya e khi okhoghuo eni o rō na mhe oa wa mhe-a, ali ni mhi rō guise we le ri agbo na we, ogbele ni o kpukhokho. <sup>40</sup> Oghuemhe oyi Itamhe khi ni ogbokpa ni o da pfi alo bino omioli, ni o gbo mie oli suo o ya mholi agbo na agboagbo. Mhi ya guise oli le mhi gbo ri agbo na li ogbele ni o kpukhokho.”

<sup>41</sup> Itobo khi iJesu oo we, “Mhemhe mhi khi eminale ni o rōte iloghie ilimhi tiemhile,” egbo iJu e wolo shi o. <sup>42</sup> Igho e lie, “Onana oa she khi iJesu omi iJosefu, ni anye lese itali ali inyoli? See o ke lie lie khi, ‘Mhemhe khi ibuledi ni o rōte iloghie ilimhi tiemhile.’”

<sup>43</sup> IJesu o so we o, oo, “A khi ke wolo. <sup>44</sup> Ogbokhoghuo oa la o ni o ya bhale deba mhe ini oa li khia khi Ita lolighuo ni o ghie mhe o ti o bhale, mhi ya guise oli le gbo ri agbo na li ogbele ni o kpukhokho. <sup>45</sup> Omekeguele oyi Eshinegba oghuo o kpe keke oli shi Ebe-no-

pfuase khi, ‘Eshinegba loli oghuo o ya sese egbo eyoli nya.’ Ogbokpa ni o da ku eso-a na Ita, ni o rōte obo oyoli wena, o ya bhale deba mhe. <sup>46</sup> Aa me ogbo ni o me Eshinegba Ita ghue, ini oa li khi oni o rōte obo oyoli bhale. Lolighuo tse o me oli. <sup>47</sup> Egbegbi ingme mhi gueye e, oni o da mie mhe suo, o she mholi agbo na agboagbo <sup>48</sup> Mhemhe mhi khi eminale ni o ri agbo o na ogbo. <sup>49</sup> Eni e bia e, e le eminale ni e rōte idane de kule obini odagbe-ifufu, e kie ghuloa. <sup>50</sup> Ama ona o khi eminale ni o rōte iloghie tiemhile, oni o da le oli, oa ya ghu. <sup>51</sup> Mhemhe mhi khi eminale ni o ri agbo o na ogbo, ni o rōte iloghie tiemhile. Onini o da le eminale ona, o ya mholi agbo na agboagbo. Oni eminale ona, idiegbe oyemhe lo, ni mhi ya rō shi eke na agbo ni e rō mholi agbo.”

<sup>52</sup> Abi iJesu o rō ngme ona se, egbo iJu e nu egbe we khako ekhako oniemihi, ikhi. “See omose ona o li ri idiegbe oyoli na awa ya le?”

<sup>53</sup> IJesu oo, “Egbegbi ingme mhi gueye e, ini u a li le idiegbe, ni u gbo da oia eyi Omi Ogbo, wa ya mholi agbo. <sup>54</sup> Oni o da le idiegbe oyemhe ni o gbo da oia eyemhe, o ya mholi agbo na agboagbo. O ya mholi agbo itobo khi mhi ya guise oli le gbo ri agbo na li ogbele ni o kpukhokho. <sup>55</sup> Idiegbe oyemhe khi egbegbi eminale, oia eyemhe e gbo khi egbegbi emini a da. <sup>56</sup> Oni o da le idiegbe oyemhe ni o gbo da oia eyemhe, o la elemhi oyemhe, mhemhe mhi li la elemhi oyoli. <sup>57</sup> Abi Ita ni o mholi agbo o ghie mhe, mhi li mholi oni agbo, Igho oni o da le idiegbe oyemhe o li ya mholi agbo itobo oyemhe. <sup>58</sup> Onana loli khi eminale ni o te iloghie tiemhile, oa li abi eminale ni e rōte idane de kule ni eni e bia e e kpe le, ni e rō kie ghua. Ama oni o da le idiegbe oyemhe o ya la agbo agboagbo.”

<sup>59</sup>Eni ingmemhi ena iJesu o ngme abi o li la elemhi owa ugamhi ni o la iKapanomu sese.

### Ingmemhi eyi iJesu ni e ri agbo na agboagbo o na ogbo

<sup>60</sup>Abi e ro suo eni ingmemhi ni iJesu o ngme, ebubu eniye odukhokho eyi iJesu e ke, “Osese, ena e ma ze dose e. Oghuo o dobe ya mie shi o?”

<sup>61</sup>Abi iJesu o ro lese khi eniye odukhokho eyoli e wolo, oo, “Eri ingmemhi eyemhe e yese e udu-a? <sup>62</sup>See a ke e ngme ini a me Omi Ogho khi o nga iloghie ya shito obini o kpe te tiemhile?

<sup>63</sup>Ayemhe oyi Eshinegba o ri agbo ee na ogbo, ama ogbo o dobe ri agbo ee na ogbo. Ingmemhi ni mhi nu e ngme, obo oyi Ayemhe e te ee bhale, wewe e ri agbo ee na ogbo <sup>64</sup>Abi o rie khi igho, eghuo elemhi e, ea miesuo.” Itobo khi iJesu o she kpe te eke lese eni ea mie oli suo ali oni o ya ri oli de. <sup>65</sup>IJesu o gbo gueye we, oo we, “Ona o ze khi mhi gueye e khi ogbo lolighuo o dobe ya bhale deba mhe see ini Ita o ri oni afu na li.”

<sup>66</sup>Ro te ana vu eniye odukhokho eyoli ebubu e mu egbe pfi ea ke lama deba li.

<sup>67</sup>IJesu o mhila eniye odukhokho etuogbava eyoli, oo we, “Eri a nono ni a li vu?”

<sup>68</sup>ISamo iPita o so oli o, oo li, “Onomhue, oghuo anye ya le deba? Yeyeghuo u mholi ungmehi ni e ri agbo na agboagbo o na ogbo. <sup>69</sup>Anye miesuo, anye gbo lese khi yeyeghuo u khi Oni o pfuase oyi Eshinegba.”<sup>4</sup>

<sup>70</sup>IJesu o so li o, oo, “Oa khi ee ogbava mhi ze? Ama oghuo elemhi e, okphaghie o khi!” <sup>71</sup>IJudasi ni o khi omi iSamo Isikaroti loli iJesu o la ana ngme ingme oyoli. IJudasi o khi oghuo eniye odukhokho Ogbava ni o kie te ikpukhokho ri oli de.

### IJesu ali inyoghuo oli

**7** Abi a ro me ona se, iJesu o kia gase eke iGalili. Oa lama je eke iJudia itobo khi eni e mhesa eyi egbo iJu e nono abi e li ya gbe oli a. <sup>2</sup>Oni egheghe ukpe okholo oyi iJu o ti bhale.<sup>3</sup> Igho Inyoghuo iJesu, ee oli, “Wa ke rote ana lase, ni u ke je obini eke iJudia ni eniye odukhokho eye e me ikanya onyaloa ni u wa gbe? <sup>4</sup>Ogho ni o nono ni agbo e lese lue o ya riele ingme sheli. Abi u ro gbe ikanya oshabo ena, ri egbe e khase agbo gbo ni e lese oni u khi.” <sup>5</sup>Egbegbo inyoghuo oli ea mie oli suo.

<sup>6</sup>IJesu oo, “Egheghe oyemhe o ramhi ne, Egheghe ni a me kpa o ti e eloe. <sup>7</sup>Egbo na agbo ea dobe ya biselemhi e, ama ee biselemhi mhe itobo khi mhia gueye we khi emini ee riele khi ea ti. <sup>8</sup>A ke je obini a la riele ukpe, mhemhe mhia vu ne, itobo khi egheghe oyemhe o ramhi ne.” <sup>9</sup>Abi iJesu o ngme gho se, o ke te iGalili je ashikhoghuo.

<sup>10</sup>Abi inyoghuo oli e ro je obini oni ukpe okholo se, o li je oobo, ama o ze ni egbo e me lue.

<sup>11</sup>Eni e khi enighie eyi egbo iJu e la agho nono iJesu gase, e mhila, “Ige oni omose ogho?”

<sup>12</sup>Ebubu egbo e la oni igbaa khe ako shi ingme oyi iJesu. Eghuo e lie khi iJesu khi ogbo onete lo, eghuo e khi eri o mema di egbo. <sup>13</sup>Ama ogbokhoghuo o ngme ingme oyoli lase gboo, itobo khi e na ulishi enighie eyi egbo iJu.

### IJesu o la olele oyi oni ukpe sese

<sup>14</sup>Abi a ro li oni ukpe ramhi ode, iJesu o lo elemhi owa oniemhi oyi Eshinegba, o sese egbo ungmehi oyi Eshinegba. <sup>15</sup>Enighie eyi iJu ni e suo oni osese, abo e sha we, e lie, “Obo omose ona ni o

<sup>4</sup>6:69 Li ze iMat 16.16; iMak 8.29; iLuk 9.20

<sup>5</sup>7:2 Li ze iLev 23.34; iDeut 16.13



ye owena okhoghuo ne o te mholi ilese enana?”

<sup>16</sup> IJesu o so we o, o li, “Osese ni mhia sese, ea khi obo oyemhe o te bhale, ama obo oyi oni o ghie mhe bhale. <sup>17</sup> Oni o ghole ni o riele oguemhe oyi Eshinegba o ya lese khi osese ni mhia sese ini obo oyi Eshinegba o te bhale, abi khi ungmehi ni o ghole mhe mhia ngme. <sup>18</sup> Oni o da ngme ungmehi oyi egboli, ekpe oo nono ni egbo e ke mu na loli, eri-tse khi oni o da gbe akanya ni o ro ti oni o ghie o nga ne, loli o khi ogbo ni o ti, o ga khi ogbo egbholi. <sup>19</sup> IMosisi o ri ishi na e? Ama onge e, o ri eni ishi gbe. Elo o ke ze khi a nono ni a gbe mhi a?”

<sup>20</sup> Eni egbo e so oli o, ee oli, “Ayemhe okphaghe o la e egbe! Oghuo o nono ni loli gbe-a?”

<sup>21</sup> IJesu oo, “Mhi riele onyaloa oghuo, o ro abo sha e nya. <sup>22</sup> Ama abi o rie khia khi iMosisi o ri ushi ishele-a na e (o mema khi obo oyi iMosisi o te bhale, ama rote obo oyi eni e bia awa, o rote bhale), eri a kiele e shele omo a ogbele iyemhea oyi egbo iJu.\*\* <sup>23</sup> Ini a shele omo a ogbele iyemhea oyi egbo iJu, ini a khi gbe Ushi oyi iMosisi a, elo ze khi a wola khi mhi ro oni oo ghua ze ogbele iyemhea?†† <sup>24</sup> A khi ke bino ogbo alo gue ogbo ezoo, a ke so ezoo shi abi o li.”

### **Egbo e mhila ini iJesu o khi Oni Omiepfuese?**

<sup>25</sup> Egheghe agho egbo eghuo ni e la iJerusalemu e lie, “Oa khi omo o na enighie eyi iJu ee dua abi e li ya gbe a? <sup>26</sup> Ghe oli sho! Oa khi loli o la ana ngme gbo ena ni ogbokhoghuo o la oli emhikhoghuo! Abi khi eri enighie e she lama egbegbo khi loli o khi iKirisiti? <sup>27</sup> Awa aa lese obini omo o na o te

bhale. Ama egheghe ni iKirisiti o ro ya bhale, ogbokhoghuo o ya ya lese obini o te ya bhale.”

<sup>28</sup> Abi iJesu o ro la elemhi Owa oyi Eshinegba sese, o tsele lasela, oo, “A lese mhe, a gbo lese udi-apfe ni mhi te lasela, o a khi mhemheghuo mhi ghie egbemhe bhale akana, ama oni o ghie mhe, ona igesikia lo. Aa lese oli. <sup>29</sup> Ama mhi lese oli itobo khi obo oyoli mhi te bhale, lolighuo o ghie mhe bhale.” <sup>30</sup> Itobo ona e nono abi e li ya mu oli. Ama ogbo khoghuo o a khu oli, ea ri obo ti oli, itobo khi egheghe oyoli o a ramhi ne <sup>31</sup> Ama ebubu egbo e kie mie oli suo, e ke, “Ini oni iKirisiti o bhale, o ya gbe ikanya onyaloa ni e dose eni omo o na oo gbe ena?”

### **A ghie eni e khe ekhe e ka mu iJesu bhale**

<sup>32</sup> Egbo iFarisi e suo ingme ni egbo e ngme shi iJesu egbe. Eni iFarisi ali ighie eyi ekpodalo-ugamhi e ghie eni e la Owa Oyi Eshinegba e khe ekhe e ka mu oli bhale. <sup>33</sup> IJesu oo li, “Ukuku egheghe mhi mholi ya nu e la akana, mhi ya nyene egbe je oyi Ita ni o ghie mhe. <sup>34</sup> A ya nono mhe, ama aa ya me mhe, ashini mhi ya la aa dobe ya ramhi agho.”

<sup>35</sup> Enighie eyi iJu e nu egbe we e ngme, e lie, “Obo omo o na oo le ni o ro lie khi awa aa ke ya me lue? Eri o vu e je ifui eoli oyi egbo iGiriki, obini egbo eyawa e kia miatseku, ni o la obo ke sese egbo iGiriki? <sup>36</sup> Elo iJesu o ro li ngme, abi o ree, a ya nono mhe aa me mhe, ali obini mhi ya la aa dobe ya ramhi agho?”

<sup>37</sup> Ogbele ni o kpukhokho oni ukpe, ni khi khi ogbele ni o mu eloe ne nya, iJesu o vule, o rue unu leghe, oo li, “Oni okiame oo gbe o bhale deba mhe ya mo ame

\*\*7:22 Li ze Igbae 17.10; iLev 12.3

††7:23 Li ze iJon 5.9

da.† 38 Ebe-no-pfuase o ngme ghō khi ɔni ɔ mie mhe suɔ khi okē ni o mhōli amē eni ri agbō a na ogbō o ya rōte agbō oyōli ke tu lasela.”†† 39 Ayemhe ni eni mie ɔli suɔ e ya mie elegele, iJesu ɔ ri oni amē agbō o na a ngme. Ramhi oni egheghe, oni Ayemhe ɔa bhale ne, itobō khi aa yase iJesu nga ufumhi oniēmhi ne.

### Eni egbō ɛa ke lama shi egbe ɔ

40 Abi eni egbō e rō suɔ ingmemhi eyōli, egbō eghuo e ke, “Omekeguele ɔmose ɔna ɔ khi egbegbō.”

41 Egbō elese e ke, “Lōli ɔ khi ɔni Omiepfuese.” Elese ɛɛ, “Seɛ Omiepfuese ɔ li rōte iGalili lasela? 42 Ebe-no-pfuase o guele khi ɔni Omiepfuese, khi unuekpē oyi iDefidi ɔ ya te lasela, iBetileemu a ya bia li shi, ɛoli oyi iDefidi.”§§ 43 Ighō okemhi o ri itobō iJesu lo wē iteva. 44 Egbō eghuo e nono ni ɛwē e mu ɔli, ama ogbōkhoghūo ɔa ri obō ti ɔli.

### Umha mie iJesu suɔ oyi Enighie eyi egbō iJu

45 Abi eni e la Owa oyi Eshinegba oniēmhi ɛɛ khē ekhē e rō je deba iFarisi ali ighie eyi ekpodalo-ugamhi, e mhila wē, “Elō e zē khi a mu iJesu bhale ghi anye?”

46 Eni egbō ni ɛ khē ekhē, e sō wē ɔ, e li. “Ogbōkhoghūo ɔa tigbe ngme abi ɔmose ɔna ɔ liē ngme ghue.”

47 IFarisi e mhila wē, ɛɛ, “Eri iJesu ɔ she li di ɛ?” 48 “Aa tigbe mē ogbō iFarisi ali enighie eyi egbō iJu ni e mie ɔli suɔ? 49 Iiye! Ama eni egbō ebubu ena ɛa lešē Ishi eyi iMosisi. Itobō ighō egbō ni Eshinegba ɔ pfi unu na e khi.”

50 INikodemosi ni ɔ li khi ɔtuoghūo eni ɛ mhesē elemhi egbō iJu ni ɔ kpē ya mē iJesu ɛliyose, ɔ mhila eni egbō, ɔɔ,\* 51 “Ushi oyawa ɔa fē ngme ghō a khi pfa ɛzō umha-guēli mu ogbō ini aa li suɔ ɛzō ni ɔ ya gue, ali a gbo guano emini ɔɔ riēle?”

52 E ke ɔ li, “Ongē iGalili yeyē u li khi? Ka riēle ebe zē egbegbō khi u ya mē khi ɔmekeguele ɔɔ ya rōte iGalili bhale.”

53 Ighō ogbōgbō nya ni ɔ la aghō, ɔ je apfē oyōli.

### Okpotso ni a gazu okia

8 IJesu ɔ je ukhomhi ute oyi ɛra olivu. 2 Eluzogbe fiefie, iJesu ɔ gbo bhale elemhi Owa oyi Eshinegba, ebubu egbō e bhale deba li, ɔ shiɔ ɔ sešē wē. 3 Esešē Ishi eyi iMosisi ali iFarisi e mu ɔkpotso ni a gazu okia obō-obō bhale ghi iJesu, e rō ɔli migha odalo igbaa. 4 Eɛ iJesu, “Osešē, eri a ga ɔkpotso ɔna zu okia. 5 IMosisi ɔ she kpē rō oni ushi shi ekē na anye, khi, ɔkpotso ni a da lighō gazu okia, a ke tonu ɔli eche gbe-a. Elō u mhue ya ngme shi ona mena?”† 6 Eri e ri ona kpē igha khē iJesu ini ɔ ngme ungmemhi ni e ya rō ri ingme de ɔ. Ighō iJesu ɔ nyese egbe, ɔ ri umiesobō ɔ keke emhi shi ekē.

7 Abi e kie li mhila iJesu oni ogbō ona, iJesu ɔ vule, ɔɔ, “Oni ɔ lešē khi lōli ɛa kpē lamhē olamhē ghue ɔ kpē to ɔli eche.” 8 O gbo nyese egbe, ɔ keke emhi shi ekē. 9 Abi e rō suɔ ingme ni iJesu ɔ ngme, e gbhiaku-a ɔtuoghūo-oghūo rōte eni egbhali. O ke lešē kpe iJesu ali ɔni ɔkpotso le shi aghō ni ɔ kie migha. 10 IJesu ɔ vule, ɔɔ ɔni ɔkpotso, “Ighē eni egbō ni e pfa ɛzō mu ɛ?”

†7:37 Li zē iLev 23.36

††7:38 Li zē Ezik 47.1; iZaka 14.8

§§7:42 Li zē 2 iSam 7.12; iMika 5.2

\*7:50 Li zē iJon 3.1-2

†8:5 Li zē iLev 20.10; iDeut 22.22-24

<sup>11</sup> Oni ọkpotso ọọ li, “Mhi aa me ọgbọkhoghuo, Ọnọmhuẹ.” IJesu ọọ li, “Mhẹmhe mhi aa li pfa ẹzọ mu ẹ, ama ke le, khi ke gbo lamhe.”

<sup>12</sup> IJesu ọ gbo nu iFarisi ngme, ọọ we, “Mhẹmhe mhi khi ákpá oyi agbo. Oni ọ da deba mhe ne, ọa ya tigbe kia alo ebili, ọ ya mhọli ákpá ni o ri ode agbo a khase agbo.”<sup>‡</sup>

<sup>13</sup> Eni iFarisi ẹẹ ọli, “Egbe ẹ u pfi ọtsele na, egbo ẹa ya rue ọtsele oye shi igesikia.”<sup>¶</sup>

<sup>14</sup> IJesu ọọ, “Iye, ini mhi tseku pfi ọtsele na egbemhe, egbegbi ọtsele lo ni mhi pfi na egbemhe, itobo khi mhi lese obini mhi te bhale ali obini mhia je. Eẹ, aa lese obini mhi te bhale wekhi obini mhia je. <sup>15</sup> Abi egbo na agbo e li ẹ so ẹzọ ẹẹ a liẹ so ẹzọ, ama mhẹmhe mhi aa pfa ẹzọ mu ọgbọkhoghuo. <sup>16</sup> Ini mhi ya so ẹzọ, egbegbo ẹzọ mhia so, itobo khi ọa khi mhẹmheghuo mhi la. Ita ni ọ ghie mhe ọ nu mhe la. <sup>17</sup> A keke ọli shi ebe ushi oyeẹ khi ọtsele oyi egbo aava, o migha shi egbegbi ọtsele.<sup>§</sup> <sup>18</sup> Mhi pfi ọtsele na egbe mhe, Ita ni ọ ghie mhe ọ gbo pfi ọtsele na mhe.”

<sup>19</sup> Eghẹghẹ ana eni egbo e mhila li, “Ige Ite?”

IJesu ọọ we, “Aa lese mhe wekhi Ita mhe a lese. Ini a lese mhe lo, a kha li lese Itamhe.”

<sup>20</sup> Elemhi Owa oyi Eshinegba ọ la ngme eni ingmemhi ena abi ọ kie li sese egbo, epfe ashini a ri ikpati ni a ri ikpagho isomhopfa a shi ọ migha. Ọgbọkhoghuo ọa kie mu ọli, itobo khi eghẹghẹ oyoli ọa ramhi ne.

<sup>21</sup> IJesu ọ gbolo liẹ we, “Mhi ya vu, a ya nono mhe, a ya ghu shi olamhe oye ẹ. Aa ya dobe ramhi obini mhia je.”

<sup>22</sup> Egbo iJu ẹẹ, “Ọ khi awa aa dobe ya a ramhi obini lo li a je. Eri ọ fe ri ona a liẹ khi lo li ya gbe egbeoli-a?”

<sup>23</sup> IJesu ọọ, “Egbo ena ọọke-ola a khi, mhẹmhe mhi rote iloghie tiemhie. Egbo ena agbo ona ẹẹ a khi, mhẹmhe mhia khi ọnge agbo ona. <sup>24</sup> Itobo igho mhi ro liẹ khi a ya ghu shi olamhe oye ẹ ini a da miesuo khi mhẹmhe mhi khi oni mhie khi mhi khi.”

<sup>25</sup> Egbo iJu e mhila li, “Oghuo u khi?”

IJesu ọọ, Oni mhi kie kpe rote igbaekele liẹ khi mhi khi, mhi khi. <sup>26</sup> Mhi mhọli ebubu ingme ali ebubu umhaguetkia ni mhi kha gue shi ẹ egbe. Oni ọ ghie mhe, ọna igesikia ọ khi, ingmemhi ni ọ gueye mhe, mhi gue ẹ ye agbo.

<sup>27</sup> Eẹ lese khi ingme oyi Ita li iJesu ọ gueye we. <sup>28</sup> IJesu ọọ, “Ini a da tsua Omi Ọgbọ idane shi ukhomhi ọọra apfida a ya lese khi oni mhie khi mhi khi, mhi khi. Oni eghẹghẹ a ya lese khi ọa khi itoto oyemhe mhi ro riẹle emini mhia riẹle, ama emini Ita ọ sese mhe, mhia gueye agbo. <sup>29</sup> Oni ọ ghie mhe ọ nu mhe la, ọa pfi mhe shi eke tse, itobo khi oghuemhe oyoli mhia riẹle eghẹghẹ kpa.”

<sup>30</sup> Ebubu egbo ni e suo khi iJesu ọ ngme eni ingmemhi ena e mie ọli suo.

### Igesikia o ya rue ẹ ọ le

<sup>31</sup> IJesu ọ gueye egbo iJu ni e mie ọli suo, ọọ we, “Ini a ri emini mhia sese ẹ gba akanya, egbegbi eniye odukhokho eyemhe a khi. <sup>32</sup> A ya lese igesikia ni o la ingme oyi Eshinegba, oni igesikia o ya rue ẹ ọ le.” <sup>33</sup> Eni egbo iJu ẹẹ ọli, “Imi Aburaamu anye khi, anye aa tigbe kpe lo ighumha oyi ọgbọkhoghuo ghue! Elo u ro li ẹ ngme, ini u wa liẹ khi anye ya khi eni a rue ighumha lasele?”<sup>\*\*</sup>

<sup>‡</sup>8:12 Li ze iMat 5.14; iJon 9.5

<sup>¶</sup>8:13 Li ze iJon 5.31

<sup>§</sup>8:17 Li ze iDeut 19.15

<sup>\*\*</sup>8:33 Li ze iMat 3.9; iLuk 3.8

<sup>34</sup> IJesu o so we o, oo, “Egbegbi-ingme mhi gue e ye e, khi ogbokpa ni o da lamhe olamhe, oghumha oyi olamhe o khi <sup>35</sup> Oghumha o ya la apfe oyi oni o mholi oli agboagbo, ama, omi omhue-apfe oo la apfe agboagbo. <sup>36</sup> Ini Omi Eshinegba o da rue e ighumha le, egbegbo a rue e ighumha le. <sup>37</sup> Mhi lese khi imi Aburaamu a khi, ama a nono ode ni a te ya gbe mhe a, itobo khi aa nono ingme ni mhi gueye e. <sup>38</sup> Emini Itamhe o rokhasa mhe mhi gueye e, ama emini Ita e o gueye e, a riefe.”

<sup>39</sup> E o li, “Aburaamu khi Ita anye.” IJesu o ke, “Ini imi Aburaamu a kha khi egbegbo lo, a kha ke riefe emhi enabi o riefe. <sup>40</sup> Abi o ri rie khia khi egbegbo ingmemhi ni Eshinegba o gueye mhe mhi gueye e, ama a dua abi a li ya gbe mhe a. Aburaamu o riefe emhi eghogho! <sup>41</sup> Abi a li ena, igho ita e o kpe li.” Efe oli, “Anye a khi eniye ni a bia shi ukhomhi okia, Eshinegba o khi Ita oghuo kpe ni anye mholi.”

<sup>42</sup> IJesu oo we, “Ini Eshinegba o khi Ita e lo, a kha nono ingme oyemhe, itobo khi obo oyi Eshinegba mhi te bhale, ni mhi ro la akana, o a khi omhese oyemhe o re mhe bhale, ama loli o ghie mhe bhale. <sup>43</sup> Elo o ze khi ingmemhi ni mhi ngme khi ea lo e eso? Itobo khi aa lama ri egbe mie ingme ni mhi gueye lo. <sup>44</sup> Eniye eyi Okphaghie ni o khi ita e a khi, oghuemhe oyi ita e a nono ni a ke riefe. Rote igbaekele o te khi ogbolo-egbo-a ali oloegbhue. Igesikia o a li unu. Ingmemhi eyi oli, egbholi e khi nya, itobo khi eri oo lo egbholi abi o li. Loli o khi ita egbholi nya. <sup>45</sup> Ama igesikia mhi gueye e khi, itobo igho aa ro lama mie mhe suo <sup>46</sup> Oghuo elemhi e o dobe ya guele khi mhi mholi ipfido? Ini igesikia mhi gueye e, elo e ze khi aa mie mhe suo? <sup>47</sup> Oni o da khi oyi Eshinegba o mema ya ri eso shi ingmemhi eyi Eshinegba, ama ee aa

khi eyi Eshinegba loli o ze khi aa lama ro shi ungememhi oyi Eshinegba.”

### **Emini iJesu oo khi loli khi**

<sup>48</sup> Eni egbo iJu e so oli o, “Anye a gue ngme oli mena ni anye ro ye khi onge iSameria u khi, ali khi ayemhe okphaghie o la e egbe?”

<sup>49</sup> IJesu o ke we, “Mhi aa mholi ayemhe okphaghie. Ama mhi ri ekpe na Itamhe, ama ee a ri eloe gbe mhe. <sup>50</sup> Aa khi eri mhia nono ni egbo e ri ufumhi na mhe; ama oni oo nono ni a ro ekpe na mhe, loli o khi oni o so ez o ti eloe. <sup>51</sup> Egbegbi-ingme mhi gue e ye e, oni o da ro shi osese oyemhe ne, o a tigbe ya ghu ghue.”

<sup>52</sup> Egbo iJu ee oli, “Eena anye tigbe lese khi ayemhe okphaghie o la e egbe. Aburaamu o she ghua, emekeguele e she ghua, ama wa guele khi oni o da ro shi osese eye o a tigbe ya ghu ghue. <sup>53</sup> Ita awa Aburaamu o she ghua, eri u ke e lie khi u fu dose Aburaamu? Emekeguele e she li ghua. Oghuo u fe sa khi u khi?”

<sup>54</sup> IJesu oo li, “Ini mhi ti egbe mhe nga, oni itinga o khi afue. Itamhe oni ee a lu Eshinegba oye e, loli o khi oni o ti mhe nga. <sup>55</sup> Ee a kpe tigbe lese oli, ama mhi lese oli. Ini mhiye khi mhia lese oli, oloegbhue oni abi ee ena mhi kha khi. Ama mhi lese oli, mhi gbo ri ungememhi oyoli gbe akanya. <sup>56</sup> Eri o ri egbe mu Aburaamu ita e, abi o ro sa usamhi abi loli ya li me ogbele ibhale oyemhe. Abi o ro me ibhale oyemhe, o ghele.”

<sup>57</sup> Egbo iJu ee oli, “Waa gbe ikpe egbhueva ali igbe ne, wekhi eri u me Aburaamu!”

<sup>58</sup> IJesu o li, “Abi o li mhi li gue oli ye e, neni a bia Aburaamu, mhi she kpe laq!”

<sup>59</sup> Igho e sano eche khi wewe ya tono oli, ama, o ri egboli sheli, o rote we ifuabo wa, o ya fie Owa oyi Eshinegba lase.

### Ijesu ọ khueghie ọzalo alo a

**9** Abi iJesu ọ li kia ode ẹ, ọ me ọmose oghuo ni a bia shi ọzalo. <sup>2</sup>Eniye odukhokho eyi iJesu e mhila li, “Oseṣe, oghuo ọ lamhe ni o ze khi a bia ọmose onana ọzalo? Olamhe oyoli lo, abi eyi eni e bia li?”

<sup>3</sup>Ijesu ọọ we, “Oa khi olamhe oyoli, wekhi eni e bia li, ama eri ọ ze alo ni Eshinegba ọ ri ekpabo eyoli khashe elemhi agbo oyi oni ọzalo. <sup>4</sup>Ogbe o kha da kie laọ ne, awa mema ya ke gbe ikanya eyi oni ọ ghie mhe, ele iyose ọọ bhale ni ogbokhoghuo ọa ke ro dobe ya gbe akanya. <sup>5</sup>Abi mhi li la agbo ena, mhemhe mhi khi oni ọ ri akpa a na egbo ni e la agbo.”††

<sup>6</sup>Ijesu ọ ngme ona se, ọ tono ete shi eke fose igbolọ ro ma li alo. <sup>7</sup>Óó oni ọmose, “Ke je okẹ ni a lu iSiloamu ni u ya kpe alo a.” Usomhi ni a ghie, a ri iSiloamu ngme. Igho oni ọmose ọ li vu ya kpe alo-a. Ọọ jele apfe, ọọ me eke.

<sup>8</sup>Egbo eni e ga la kugbe ali egbo ni e kpe me oli khi ọọ ye omhila, ee. “Onana ọa she khi ọzalo ni ọ kpe e shito akana mhila?”

<sup>9</sup>Egbo eghuo ee, “Loli lo,” ama eghuo ee, “Iye o! Oa khi loli, eri ona ọ li kho li.” Ama oni ọmose ọọ, “Mhemhe ọ khi gueguege.”

<sup>10</sup>E mhila li, “Se o li kia ni u ro ke e me eke?”

<sup>11</sup>Ọ we, “Ọmose oghuo ni a lu iJesu ọ fose igbolọ ma mhe alo, ọ mhe mhi je okẹ iSiloamu ya kpe alo a. Igho mhi le ya kpe alo-a, loli mhi ro ọ me eke.”

<sup>12</sup>E oli. “Igho oli?” Ọọ we, “Mhi aa lese.”

### Egbo iFarisi e de udi iroze oyi oni ọmose

<sup>13</sup>E rue oni ọmose ni ọ kpe ze alo ghi egbo iFarisi. <sup>14</sup>Ogbele iyemhea oyi egbo iJu iJesu ọ ro fose igbolọ ro khueghie oni ọmose alo-a. <sup>15</sup>Eni iFarisi e mhila oni ọmose abi o li kia ni ọ ro ke e me eke. Ọọ we, “Ijesu ọ ri igbolọ ma mhe alo, mhi kpe alo-a, mhi ro ọ me eke memena.”

<sup>16</sup>Eghuo eni iFarisi ee, “Ọmose ni ọ rieṣe ona ọa rote obo oyi Eshinegba bhale, itobo khi ọa ri ushi oyi ogbele iyemhea oyi egbo iJu gbe akanya.” Egbo iFarisi elese ee, “Se ogbo olamhe ọ li dobe ya gbe akanya onyaloa onana?” Ingme ona o pfi umhalama shi egbe ọ na we.

<sup>17</sup>Igho eni egbo iFarisi e mhila oni ọmose, “Yeṣe ni iJesu ọ khueghie alo-a, elo u me ya ngme shi ingme oyoli?”

Ọọ we, “Omekeguele lo.”

<sup>18</sup>Eni egbo iJu ea kie miesuo khi oni ọmose ọ kpe ze alo, ali khi eri a khueghie oli alo-a. O ya ramhi ni e ro ghie ya lu eni e bia oni ọmose, <sup>19</sup>E mhila we, “Omi e na? Onana e khi ọzalo a bia li? Se o ke li kia ni ọ ro ke e me eke?”

<sup>20</sup>Eni e bia li ee we, “Anye lese khi omi anye lo, anye gbo lese khi ọzalo anye bia li. <sup>21</sup>Ama anye aa lese abi ọ li kia ni ọ ro ke e me eke, anye aa gbo lese oni ọ khueghie oli alo-a. A mhila li, ọa ke khi ọmọ, ọ dobe ya ngme na egboli.” <sup>22</sup>Itobo khi ulishi egbo iJu o mu eni e bia li e ro ngme na. Irari khi eni egbo iJu e she kpe ngme oli shi oghuo, khi ogbo ni ọ da mie shi ọ khi iJesu khi iKirisiti, khi eri a khu oli owa ugamhi ya fi. <sup>23</sup>Itobo ona eni e bia li e ro lie, “O fu te ni ọ ngme e na egboli, a mhila li.”

<sup>24</sup>Utonuzeva, e gbo lu ọmose ni ọ kpe ze alo, ee oli, “Romhi Eshinegba khi u ya gue igesikia ye anye. Itobo khi anye lese

††9:5 Li ze iMat 5.14; iJon 8.12

khi omose ni o re ze khi ogbo olamhe lo.”

<sup>25</sup> Oo we, “Mhi aa lese ini ogbo olamhe lo, ama emhi oghuo ni mhi lese khi, ozalo mhi kpe khi, ama memena mhi she e me eke.”

<sup>26</sup> E mhila li, “Se o fe li e? Se o li khueghie-a e alo a?”

<sup>27</sup> Oo we, “Mhi kpe gueye e, aa lama shi mhe o, elo o ke ze ni a ro o nono ni a gbo suo oni ungemhi? Eri a li e nono ni a li khi eniye odukhokho eyoli?”

<sup>28</sup> E tsue oli, ee oli, “Omoo odukhokho oyi oni omose ona yeye u khi, ini itse lo, ama eniye odukhokho eyi iMosisi anye khi. <sup>29</sup> Anye lese khi Eshinegba o nu iMosisi ngme, ama anye aa lese obini omose ona o te bhale.”

<sup>30</sup> Oni omose oo we, “Uza lo e, ni aa ro lese obini o te bhale, ama loli o khueghie mhe alo-a. <sup>31</sup> Awa lese khi Eshinegba oa ya suo iromhi oyi egbo olamhe, ama iromhi oyi eni e ri ekpe na li oo suo, ali eni e ri ele emini oo nono e ri ele. <sup>32</sup> Rote igbaekele agbo, aa tigbe suo ogbo ni o khueghie ozalo ni o khia khi igho a bia li alo a ghue. <sup>33</sup> Ini oa khia khi omose ona khi obo oyi Eshinegba o te bhale lo, oa kha dobe li emhikhoghuo.”

<sup>34</sup> E oli, “Elemhi olamhe a bia e shi, ni a la ku ele, se u li a nono ni u ke sese anye?” Igho e khu oli elemhi owa ugamhi ya lase o khi ke gbo bhale o ghue.

### Itase-alo-a ona ayemhe

<sup>35</sup> Abi iJesu o ro suo khi a khu oni omose owa ugamhi ya lase, o nono oli me, o mhila li, oo li, “U mie Omi Ogbo suo?”

<sup>36</sup> Oni omose o li, “Oga, gueye mhe oni Omi Ogbo o khi, ni mhi mie oli suo!”

<sup>37</sup> IJesu oo li, “U she me oli, loli o ga nu e ngme ena.”

<sup>38</sup> Oni omose o li, “Onomhue mhi miesuo.” O wuga o ku eghe iJesu.

<sup>39</sup> IJesu oli, “Eri mhi bhale agbo ona ya gue egbo ezo, ishegho ni egbo ni e zalo e ke me eke, ni eni e kpe e me eke ni e ze alo.”

<sup>40</sup> Egbo iFarisi eghuo ni e la akagho e suo ingme ni o ngme, e mhila li, “Eri u we khi ezalo anye li khi?”

<sup>41</sup> IJesu oo we, “Ini ezalo a khi lo, aa kha mholi umha-guekia, ama abi ee a ke ro ye khi a me eke na, onana o rokhashe khi ena olamhe a khi.”

### Okhe oyi orisumhakia

**10** IJesu oo, “Abi o li mhi li gue oli e ye e, khi, ogbo ni oa da rote ode unuekpe lo ogba ni a ri isumha shi, ni o rote oboese nga fiala lo ne oghiatu ali oni o li iko o khi. <sup>2</sup> Ogbo ni o rote ode unuekpe lo, loli o khi orisumhakia oyi isumha. <sup>3</sup> Eri oni oo khe ekhe ode unuekpe o khueghie ode-a na li, eni isumha e suo uruli oyoli ini o lu isumha eyoli eva abi o ri eva na we, o re we kia lase. <sup>4</sup> O kha da re wewe nya fie lase ne, eri oo ralo na we, eni isumha ee deba li, itobo khi e lese uruli oyoli. <sup>5</sup> E a ya deba ogboese, eri e ri ochogho me oli ya ke na, itobo khi ea lese uruli oyoli.”

<sup>6</sup> Eri iJesu o ze okhe ona ro nu we ngme, ama ea lese emini o ri oli ngme.

### IJesu ni o khi orisumhakia onete

<sup>7</sup> Igho iJesu o gbo le, “Egbegbi-ingme mhi gue e ye e, mhemhe mhi khi ode unuekpe ni isumha e rote e lo, ni e gbo te e dose fie. <sup>8</sup> Egbo ni e kpe bhale khe mhe, ighiatu ali eni e li iko e khi, ama eni isumha ea ri esu shi we o. <sup>9</sup> Mhemhe mhi khi ode unuekpe, onini o da rote mhemhe egbe ne, a ya mie oli pfuese, o ya fie, o lo le, o me emhi le. <sup>10</sup> Eri oghiatu o lese bhale ya do, o gbe-a, o pfuse-a tse, ama mhi she bhale ni a mholi agbo, ni a mholi oli gba pfo.

<sup>11</sup> “Mhemhe mhi khi orisumhakia onete. Eri orisumhakia onete o ri agbo

oyoli shi eke ni eni isumha eyoli. <sup>12</sup> Oni a mie shi akanya irisumhakia o a khi lolli o mholi eni isumha, ini o me khi akpogene oo bhale, o na tsua isumha kua, oni akpogene o tsua rughu eni isumha, o vese we kua. <sup>13</sup> Oni a mie shi oni akanya irisumhakia o na vu, itobo khi eni isumha ea khi eyoli, ali khi ea mu oli egbe.

<sup>14</sup> “Mhemhe mhi khi orisumhakia onete, mhi lese isumha eyemhe, eni isumha e lese. <sup>15</sup> Abi Ita o li lese mhe, igho mhemhe mhi lese oli, igho mhi ro ri agbo oyemhe shi eke na eni isumha.”<sup>‡</sup>  
<sup>16</sup> Isumha elese e lao ni ea la elemhi ogba oyi isumha ona memena. Mhi mema fie ya woloo we ma o. E ya suo uruli oyemhe. E ya kugbe khi oghuo, e mholi orisumhakia oghuo. <sup>17</sup> Ita o nono ingme oyemhe, itobo khi mhi lama ri agbo oyemhe shi eke, ni a ro bhale ya e khi mhi ya gbo me oli rue. <sup>18</sup> Aa me ogbokhoghuo ni o ya dobe mie mhe agbo oyemhe. Mhemhe oghuo mhi ro li shi eke. Mhi mholi afu ni mhi ro o ze oli obo, mhi gbo dobe ya rue oli ini o ghole mhe. Omheso ona Itamhe o gueye mhe mhi riye.”

<sup>19</sup> Eni ingmemhi enana e gbo pfi umhalama shi egbe o na egbo iJu. <sup>20</sup> Ebubu egbo e lie, “Ayemhe okphaghiye o la li egbe, ujili oo kpha li. Elo e ze khi a ri eso o shi oli o?”

<sup>21</sup> Ama egbo elese, ee oli, “Ingmemhi enana ea dobe ya rote unu oyi ogbo ni o mholi ayemhe okphaghiye lasele! Ayemhe okphaghiye o dobe ya khueghie ozalo alo a?”

<sup>22</sup> Oni egheghe o khi egheghe oruame ni a ro li ukpe ni a ro yelege abi a li ri Owa oyi Eshinegba riye nga Eshinegba obo. Egheghe ulili lo. <sup>23</sup> IJesu o la atukpapfe

oyi Owa oyi Eshinegba kia, ashini a lu arakpha oyi iSolomoni. <sup>24</sup> Ebubu egbo iJu e le gase oli, e mhila li, “Ele u ri anye ya shi alo ebili ramhi? Khueghie igesikia ni o la o-a khaso anye ini yeye u khi iKirisiti!”

<sup>25</sup> IJesu oo we, “Mhi she kpe gueye e, ama aa lama mie mhe suo. Ikanya onyaloa ni mhi ri itoto oyi Ita a gbe, wewe e pfi otsele na mhe. <sup>26</sup> Ama aa lama miesuo, itobo khi aa la elemhi isumha eyemhe. <sup>27</sup> Isumha eyemhe ee suo uruli oyemhe, mhi lese we, ee deba mhe. <sup>28</sup> Mhi ri agbo na agboagbo na we, ea tigbe ya pfua. Aa me oni o ya dobe mie mhe ewe obo. <sup>29</sup> Itamhe ni o ri eni isumha nga mhe obo, o fu dose ogbokpa. Aa me oni o dobe ya mie Ita ewe obo. <sup>30</sup> Mhemhe ali Itamhe oghuo anye khi.”

<sup>31</sup> Eni egbo iJu e gbo sanoo eche eke e tono oli. <sup>32</sup> IJesu oo we, “Mhi she gbe ikanya ebubu ukpeloe oye e, ni o khia khi Itamhe o ri itoto na mhe ni mhi ro gbe we, onoghuo a tono mhe eche e shi o?”

<sup>33</sup> Eni egbo iJu ee oli, “Oa khi itobo ikanya enete e ze ni anye ro a tono e eche, ama, itobo khi u pfi unu-a! Se yeye ogbo afue-afue u li e ke lie khi Eshinegba u khi?”<sup>¶</sup>

<sup>34</sup> IJesu oo we, “A she kpe keke oli shi ebe Ishi eyi iMosisi khi Eshinegba oo lie khi, ishinegba ee a khi.”<sup>§§</sup> <sup>35</sup> Anye she kpe lese khi emini ebe onopfuase o ngme khi igesikia o khi agboagbo, khi egbo ni a she kpe gue ingme oyi Eshinegba ye, Eshinegba o lu ishinegba. <sup>36</sup> Ita o she ze mhe oda kee neni o ghie mhe bhale agbo, ini mhi ngme gho khi Omi Eshinegba mhi khi, se a ke li a lie khi mhi a pfi unu-a? <sup>37</sup> A khi mie mhe suo, ini mhi aa ya riye emini Itamhe o riye. <sup>38</sup> Ama

<sup>‡</sup>10:15 Li ze iMat 11.27; iLuk 10.22

<sup>¶</sup>10:33 Li ze iLev 24.16

<sup>§§</sup>10:34 Li ze iWolo 82.6

ini mhia rieḷe wẹ, ini aa rọ tseku mie mhe suọ, a mie ikanya ọnyaloa ni mhia gbe suọ, ni a rọ lese khi Ita ọ la elemhi oyemhe, mhemhe mhi li la elemhi oyi Ita.”

<sup>39</sup> Igho e ke gbo li dua ni wewe e mu iJesu, ama ọ pfue wẹ, ọa ze wẹ mu.

<sup>40</sup> IJesu ọ da oke iJodani je ukiekie ashini iJoni ọ ke la batazi egbo. Igho ọ bie ya la akaghọ. <sup>41</sup> Ebubu egbo e bhale akaghọ deba li. Ee, “iJoni ọa gbe ikanya ọnyaloa okhoghuo, ama ingmemhi ni iJoni ọ ngme shi ingme eyi iJesu, e bhale ya tse nya.” <sup>42</sup> Ebubu egbo ni e la akaghọ e mie iJesu suọ.

### Eghuli oyi iLazarosi

**11** Omose oghuo ni a lu iLazarosi ni ọ la eoli iBetani, Oo ghua. iBetani iMeli ali inyoghuo oli ni okpotso ni a lu iMata e la. <sup>1</sup> iMeli ona ọ ke ku ituale ni ọ pfie ku Onomhue awe, ni ọ gbo ri itsu ni e la li ukhomhi shishi ọ ewe-a. Loli ọ khi inyoghuo iLazarosi ni ọ yeshi i ghua. <sup>2</sup> Inyoghuo oli eni ikpotso e ghie usomhi ghi iJesu, e ọ li, “Onomhue, omole e do ghua.”

<sup>4</sup> Abi iJesu ọ rọ suọ ona, oo li, “Ughuamhi ona, ọa ya gbe oli, ama, eri a me onana ni a me asha khi ufumhi na Eshinegba ali Omi Eshinegba.”

<sup>5</sup> IJesu oo nono ingme oyi iMata ali iMeli ali iLazarosi. <sup>6</sup> Abi ọ rọ tseku suọ khi iLazarosi ọ ghua, ọ kie la ashini ọ la ramhi ogbele eva. <sup>7</sup> Igho ọ gueye eniye odukhokho eyoli, oo wẹ, “A ze ni awa mu egbe pfi je obini eke iJudia.”

<sup>8</sup> Eniye odukhokho eyoli e ọ li, “Osese, ode ọ a nuẹ ne ni egbo iJu e rọ ọ nono ni wewe tono e eche. Oobo wa nono ni u gbo nyene egbe je?”

<sup>9</sup> IJesu oo wẹ, “Oa khi te ele uzogbe ramhi ele ogbomhi awa rọ ọ me eke? Oni oo kia ini ogbe o la ọ, ọa ya khi owe, itobo khi akpa oyi agbo ona ọ rọ ọ me eke. <sup>10</sup> Ama ini ọ ri alo ebili e kia, ọ ya khi owe, itobo khi ọa mholi akpa ni ọ rọ ọ me eke.”

<sup>11</sup> Abi ọ ke rọ ngme onana se, ọ gueye wẹ, oo wẹ, “iLazarosi omole awa ọ she lese, ama mhia le ni mhi ya guise oli le.”

<sup>12</sup> Eniye odukhokho eyoli e ọ li, “Abi ọ rọ da lese-a egbo, ọ ya ze.”

<sup>13</sup> Eri iJesu ọ rọ li lie khi iLazarosi ọ she ghua, ama e dabi khi egbegbi olese ọ ngme. <sup>14</sup> Igho iJesu ọ guele gboo khi iLazarosi ọ she ghu-a. <sup>15</sup> Ama itobo oye e, egbe e mu mhe shi ọ khi mhi aa nu oli la akaghọ ni ọ rọ ghu-a, ni a rọ mie mhe suọ. A ze ni awa le deba li.

<sup>16</sup> ITomosi ni a gbo li e lu iDidimosi, oo eniye odukhokho enekpole, “A ze ni awa li deba Osese je oobo ni awa nu oli ghu-a.”

<sup>17</sup> Eghoghe ni iJesu ọ ke rọ ramhi agho, ọ bhale ya e khi o she ramhi ele ene abi a te ri iLazarosi to. <sup>18</sup> Rote iBetani je iJerusalemu ọa ramhi imali eva. <sup>19</sup> Igho ebubu egbo iJu e she kpe bhale iBetani ya tse iMeli ali iMata e mu opfu shi inyoghuo wẹ ni ọ ghu-a.

<sup>20</sup> Abi iMata ọ rọ suọ khi iJesu do bhale, ọ fie lase ya lona li ode, ama iMeli ọ la elemhi owa. <sup>21</sup> iMata oo iJesu, “Onomhue, ini u la akana lo, inyoghuumhe ọa kha ghu. <sup>22</sup> Ama mhi lese khi memena khi Eshinegba ọ ya ri emiemi ni u wa mhila li ne.”

<sup>23</sup> IJesu oo li, “Inyoghuo e, ọ gbo ya guale bhale agbo.”

\*10:40 Li ze iJon 1.28

†11:1 Li ze iLuk 10.38-39

‡11:2 Li ze iJon 12.3



<sup>24</sup> IMata o li, “Mhi leṣe khi o ya te eghuli guale ogbeḷe iguale ni o khi ogbeḷe ni o kpukhokho.”

<sup>25</sup> IJesu o o li, “Mhemhe mhi rote eghuli ya guise eni e ghu-a le, ni mhi ri agbo ya na we, oni o da mie mhe suo o ya mholi agbo, ini o tseku ghu-a. <sup>26</sup> Oni o la agbo ni o da mie mhe suo, o a tigbe ya ghu-a. U fe mie ona suo?”

<sup>27</sup> O o li, “Ti Onomhue! Mhi miesuo khi yeye u khi iKirisiti, Omi Eshinegba ni o ya bhale eke agbo ona.”

<sup>28</sup> Abi iMata o ro ngme gho se o le ya ri ofie gueye iMeli, o, “Oseṣe o she bhale, o o nono e.” <sup>29</sup> Abi iMeli o ro suo ona o ti vule, o nyanya fie lase je ashini iJesu o la. <sup>30</sup> IJesu o a kie ramhi oni eoli ni o o je ne, ama o kie la ashini o kia ramhi ni iMata o ro lona li ode. <sup>31</sup> Egb o iJu ni e la elemhi owa yese o li, e vule deba li je olase abi e ro me khi o ti vule je olase. E dabi khi eri o je obini uji ya vie.

<sup>32</sup> Abi iMeli o ro ramhi ashini iJesu o la ni o me o li, o de ya wugha li odalo, o o li, “Onomhue, ini u la akana lo, inyoghuo-mhe o a kha ghu!”

<sup>33</sup> Abi iJesu o me khi loli ali egbo iJu ni e kphase o li khi ee vie, o ro obo ti iJesu udu, egbe e guogh o li a. <sup>34</sup> IJesu o mhila we, o o, “Ashi a ro li to?”

E o li, “Onomhue bhale ya ghe o li.”

<sup>35</sup> IJesu o vie. <sup>36</sup> Egb o iJu ni e la agho, ee, “A ghe abi o li nono ingme oyi o li khe.”

<sup>37</sup> Ama eghuo o e lie, “Loli ni o khueghie ozalo alo-a o o kha doḷe tsumhi iLazarosi ini o khi ghua?”

### **IJesu o guise iLazarosi gbo bhale agbo**

<sup>38</sup> O gbo ri obo ti iJesu udu. O kia je obini uji ni o khi irui, ni a gheghele eche zuse unu. <sup>39</sup> IJesu o o, “A gheghele oni eche unu oni uji-a.”

IMata inyoghuo oni omose ni o ghu-a o o, “Onomhue, o she ya ke we! Amo o li ele onuzi-ene abi a te ro li to!”

<sup>40</sup> IJesu o li, “Mhi a kpe gueye khi u ya me ufumhi oyi Eshinegba ini u miesuo?” <sup>41</sup> Igho e gheghele oni eche unu uji lase. IJesu o yase alo idane, o li, “Mhi kphemhi ne Ita, khi u suo mhe. <sup>42</sup> Mhi leṣe khi u ma suo oyemhe, itobo oyi egbo ena mhi ro o ngme ona ni e miesuo khi yeye u ghie mhe.”

<sup>43</sup> Abi o ro ngme ona se, o lu o li leghe, “ILazarosi e! Fie lasele!” <sup>44</sup> Oni omose ni o ghu-a o fie lasele, a ri ide olimhi geno li abo ali awe, ghe eni a ro ku o li alo. IJesu o o we, “A taghie o li a ni a ze o li vu.”

### **Ugbamhi abi a li ya gbe iJesu-a**

(iMat 26.1-5; iMak 14.1-2; iLuk 22.1-2)

<sup>45</sup> Ebubu egbo iJu ni e bhale ya tse iMeli o mu opfu e me emini iJesu o rieḷe, e mie o li suo. <sup>46</sup> Ama eghuo elemhi we e vu ya gueye egbo iFarisi emini iJesu o rieḷe. <sup>47</sup> Ighie eyi ekpodalo-ugamhi ali iFarisi e ya lu eni e mheso ni a lu iSaḍiri ya nu we mholi ilegba.

E mhila egbewe, “Elo awa li ena? Aa me ikanya onyaloa ni omose onana o gbe? <sup>48</sup> Ini awa lina ze o li obo, ogbokpa o ya mie o li suo. Egb o iRomu e ya shashe Owa oyi Eshinegba oyawa-a.”

<sup>49</sup> Omose oghuo elemhi we ni a lu iKefasi, ni o ralo ugamhi oni ukpe ogho, o o li, “Aa leṣe ingme! <sup>50</sup> A leṣe khi ogbo otuoghuo o kha ghu-a na egbo kpa, khi o ti dose ni egbo nya e pfua?”

<sup>51</sup> O a khi ibe eyoli o ro sa ngme oni ungmehi ona, ama ungmehi angmehi-ek e ni o ya tse ogbe na ako, khi iJesu o ya ghu-a na egbo iJu o khi ni o ngme, itobo khi loli o ralo ugamhi oni ukpe. <sup>52</sup> O a khi oyi iJu tse, ama ni o sano egbo eyi Eshinegba ni e kia miatse ku agbo nya gbili re we khili oghuo.

<sup>53</sup> Rote ele gho vu, egbo iJu e te gba ugbamhi abi wewe e li ya gbe iJesu a. <sup>54</sup> Itobo igho, iJesu o a ke kia lase gboo iteva oyi egbo iJu. O ri ochogho vu je

ẹoli ni a lu Efuremu, ni o ti mama ọdagbe ifufu. Agho loli ali eniyẹ odukhokho eyoli e ke ga la.

<sup>55</sup> Abi egheghe ukpe iPasova oyi egbo iJu o ro ti i bhale, ebubu egbo e te ẹoli ọdoda je iJerusalemu ya ri egbe we khi eni e pfuase, abi ushi oyewe ọọ e ke li neni oni ukpe o ramhi. <sup>56</sup> Ee nono iJesu. Abi e ro la elemhi Owa oyi Eshinegba, e mhila egbewe, e lie, “A li sa khi ọ ya bhale? Otsẹ ọa ya bhale shi oni ukpe ona.” <sup>57</sup> Ama ighie eyi ekpodalo-ugamhi ali iFarisi e she kpe mhesẹ na eni egbo, oni ọ da lese obini iJesu ọ la, oni ogbo ọ guele ni wewe e me asha mu ọli.

### IMeli ọ la obini

#### iBetani ku ituale ku iJesu

(iMat 26.6-13; iMak 14.1-9)

**12** Abi o ro kpo ogbele esesa oni ukpe iPasova le, iJesu ọ nyene egbe bhale obini iBetani, obini iLazarosi ni iJesu ọ rote eghuli guise le ọ la. <sup>2</sup> E nye akhe na iJesu, iMata ọ kphanọ eni eminale ghi we. iLazarosi ọ li nu we shito shi ilele oyi eni ekhe. <sup>3</sup> Igho iMeli ọ rue egbegbi akanama ituale ni ọ pfi e ni o lolo ghale. Ọ ku ọli shi iJesu awe, ọ ri itsu ni e la li ukhomhi shishi ọ awe a. Upfiemhi oyi oni ituale o kphela vo oni elemhi owa nya.<sup>4</sup>

<sup>4</sup> Ijudasi Isikaroti ni ọ khi ọtuoghuo eniyẹ odukhokho eyi iJesu, ni ọ rote ikpukhokho ya ri iJesu de, ọ me emini iMeli ọ riele, ọọ, <sup>5</sup> “Elo o ze ni aa ro ri oni ituale de ni a kemhi eni ikpagho na eni ẹa mhuẹ? Oni ituale o ghale ramhi ifata ukpe oyi ogbo ogghuo.” <sup>6</sup> Ọa khi itobo khi ọ mholi udu iamhe na eni ẹa mhuẹ, ọ ro ngme ungmemhi ona. Ama itobo khi

oghiatọ ọ khi, ali khi loli ọ tsua ikpagho ọ mhuẹ na we, ni ọ rote muno epfia.

<sup>7</sup> Ama iJesu ọọ li, “Ze ọli obọ riele emini o la li udu, eri ọ mu mhe egbe e khe iroto oyemhe. <sup>8</sup> Egheghe kpa egbo ni ẹa mhuẹ e ro nu e a la, ama mhemhe mhianu e ya la ana egheghe kpa.”<sup>8</sup>

<sup>9</sup> Ebubu egbo iJu e suo khi iJesu ọ la iBetani, igho e je oobo. Ọa khi itobo iJesu tse e ro je oobo, ama ni e ba me iLazarosi ni iJesu ọ te eghuli guise le. <sup>10</sup> Igho ighie eyi ekpodalo-ugamhi ee gba ugbanhi abi e li ya li gbe iLazarosi a, <sup>11</sup> itobo khi ingme oyoli o ze khi ebubu egbo iJu e ku ma iJesu ọ, ni e ro mie ọli suo.

### Egbo e ri ufumhi na iJesu abi ọ ro lo elemhi iJerusalemu

(iMat 21.1-11; iMak 11.1-11; iLuk 19.28-40)

<sup>12</sup> Ogbeakolo ebubu egbo ni e bhale shi oni ukpe iPasova e suo khi iJesu ọọ je iJerusalemu. <sup>13</sup> Igho e yanọ eyamhi mhuẹ abo fie ya ee ọli. E kpe okeke gbii, e lie, “Tsumhi anye. Awa kuęghie Eshinegba. Eshinegba ọ khivose na oni ọ ri eva oyi Eshinegba Onomhuẹ e bhale! Eshinegba ọ ka khivose na oghie iZireni!”<sup>\*\*\*</sup>

<sup>14</sup> IJesu ọ me ozele akphere. Ọ nga li shito abi Ebe-no-pfuase o ngme ọli, ni ọọ,

<sup>15</sup> “Egbo iJerusalemu, ulishi o khi mu e!

Oghie oye e ọọ bhale ena, ọ nga ozele akphere ee bhale.”<sup>††</sup>

<sup>16</sup> Eniyẹ odukhokho eyi iJesu ẹa kpe rote ekẹ lese obini eni ingme ena e je. Ama abi Eshinegba ọ rote eghuli guise iJesu le ni ọ ri ufumhi na li, e ro tigbe

<sup>4</sup>12:3 Li ze iLuk 7.37-38

§12:8 Li ze iDeut 15.11

\*\*12:13 Li ze iWolo 118.25,26

††12:15 Li ze iZaka 9.9

sato khi a kpe kẹkẹ eni ingme eyọli ena shi Ebe-no-pfuase, ali khi e ke riẹle eni ingme ena deba li ghue.

<sup>17</sup> Olele egbo ni e nu ọli la agho abi o ro rote uji lu iLazarosi lasele, ni o ro rote eghuli guise ọli le, e kie kia gueye egbo abi a li me oni ingme. <sup>18</sup> Itobo khi ebubu egbo e suo khi iJesu o gbe akanya onyaloa ona e ro ve lasele ya me ọli. <sup>19</sup> Igho egbo iFarisi e nu egbe we ngme ọli, e lie, "Awa aa mholi emini awa dobe ya li ona. Aa me khi egbo nya e ke e deba li!"

### IJesu o ngme ingme eghuli oyọli shi eke

<sup>20</sup> Egbo iGiriki e li la eni e je iJerusalemu ya ga eghẹghẹ oni ukpe iPasova. <sup>21</sup> E ya mhila iFilipu (ni o khi onge iBetisaida ni o la iGalili) e o li "Oga, anye e nono ni anye me iJesu, ni anye nu ọli ngme."

<sup>22</sup> IFilipu o vu ya gueye Aduru, wewe aava e ya gueye iJesu.

<sup>23</sup> IJesu o, "Oni eghẹghẹ o she ramhi ni a ro ri ufumhi oniemi oyi Omi Ogbọ ya khase. <sup>24</sup> Abi o li mhi li gue ọli e ye e khi, ini aa li ri ukpamhi ado ko eke ni o ghua, eri o kie ya li abi o kie kpe li. Ini a roli ko eke ni o ro ze, o ghua, o fu, o ri imomhi ni e bu lasele. <sup>25</sup> Onini o da nono ingme agbo oyọli dose ode ne, o ya de ọli obọ a, ama oni ọa da nono ingme agbo oyọli elemhi agbo ona ne, eri o kese o shi e khe agbo na agboagbo.†† <sup>26</sup> Oni o nono khi ọli ya ga mhe, oo mema ya ke deba mhe. Ashini mhi da la kpa, o li la akaghọ. Itamhe o mu ekpe na li.

<sup>27</sup> "Memena udu oyemhe ọa ke sheshe. Elo mhi ke ya ngme? 'Eri mhi ke ya lie, Ita, khi ze ni eghẹghẹ ona o bhale deba mhe?' Iiye, oni eghẹghẹ ni o ze ni mhi

ro bhale agbo na! <sup>28</sup> Ita ri ufumhi ni o la eva oye khase."

Igho Eshinegba o rote idane ngme lase, oo, "Mhi she kpe ri ufumhi ni o la eva oyemhe khase egbo na agbo, mhi ya gbo ligho riẹle ọli."

<sup>29</sup> Ebubu egbo ni e migha epfepfe agho e suo khi uruli oyi Eshinegba o ngme. Egbo eghuo e, "Akphala o de!" Egbo elese e, "Ageni o nu ọli ngme!"

<sup>30</sup> Ama iJesu oo, "Oa khi itobo oyemhe uruli oyi Eshinegba ogho o ro ngme ungemhi ogho, ama itobo oye e lo. <sup>31</sup> Oni eghẹghẹ o she ramhi ni a ro ri agbo e gue ezo. Memena, a ya khu Okphaghie oni o kpe e mheshe shi agbo ona ukpekhomhi pfia. <sup>32</sup> A kha da yase mhe nga idane ọra apfida ne, mhi ya ti ogbokpa bhale deba mhe." <sup>33</sup> Eri o ngme ona ni o ro rokhase we uwali eghuli ni o ya ghu.

<sup>34</sup> Eni egbo ee ọli, "Ushi ni Eshinegba o ro na iMosisi na awa o gue ọli ye anye khi agboagbo Omiepfuese o ya la o. See u ke li a lie khi a mema ya yase Omi Ogbọ nga idane? Oghuo o khi oni Omi Ogbọ ọna?"¶¶

<sup>35</sup> IJesu oo we, "Ákpá o ya la e iteva ukuku eghẹghẹ. A ke kia okiali abi oni ákpá o kie la e iteva memena, ini obili o khi ya bi e, itobo khi oni o la alo ebili ọa lese obini oo je. <sup>36</sup> A regbenga oni ákpá ni o ri ákpá na e abi o kie li la e iteva, ni a li khi egbo ni e ri imeke e na egbo." Abi iJesu o li ngme ona se, o lase we iteva le, je ashini ea ke te e me ọli.

### Umha-miesuo oyi egbo iJu

<sup>37</sup> Abi iJesu o tseku gbe ikanya onyaloa ena ukpeloe oyewe, ea kie lama mie ọli suo. <sup>38</sup> Onana o ri emini Azaya ni o khi Omekeguele o kpe ngme shi eke ya tse, ni oo,

"Onomhue, oghuo o lama

††12:25 Li ze iMat 10.39; 16.25; iMak 8.35; iLuk 9.24; 17.33

¶¶12:34 Li ze iWolo 110.4; Aza 9.7; Ezik 37.25; iDan 7.14

mie usomhi oyanye suɔ?  
 Oghuo Onomhue ɔ mema  
 khueghie ekpabɔ eyɔli-a khasɛ?”<sup>88</sup>

<sup>39</sup> Onana o zɛ khi ɛa doɓɛ miesuɔ,  
 itobɔ khi Azaya ɔ gbo ngme ɔli shi ash-  
 ese khi, <sup>40</sup> “Eshinegba ɔ she tase wɛ alo  
 a, ɔ gbo zuse wɛ udu ini e khi mɛ eke  
 ali ini udu oyewɛ e khi leɛɛ ingme. Ini  
 e khi ya mu pfi, ni mhi mɛ asha rɛ wɛ  
 ze.”<sup>\* 41</sup> Eri Azaya ɔ ngme ona itobɔ khi  
 ɔ she kpɛ mɛ ufumhi oyi iJesu, ɔ gbo kpɛ  
 ngme ingme oyoli.

<sup>42</sup> Abi o tseku khia khi ebubu eni ɛɛ  
 ralo eyi ɛgbɔ iJu e mie iJesu suɔ ɛghɛghɛ  
 ni a ngme ena, ɛa ngme ɔli lasɛle, itobɔ  
 khi e na ulishi oyi iFarisi ini e khi khu  
 ɛwɛ owa ugamhi ya lasɛ. <sup>43</sup> Irari khi e  
 nono ikuɛghie ni o rɔte obɔ oyi ɛgbɔ  
 bhale doɓɛ oni o rɔte obɔ oyi Eshinegba  
 bhale.

#### Ungmemhi oyi iJesu a rɔ ya ri ɛgbɔ na agbɔ gue ɛzɔ

<sup>44</sup> IJesu ɔ tseɛ leghe guele, ɔɔ, “Oni  
 ɔ da mie mɛ suɔ, ɔa khi mɛmɛ tɛ ɔ  
 miesuɔ, ama ɔni ɔ ghie mɛ ɔ li miesuɔ.  
<sup>45</sup> Onini ɔ da mɛ mɛ, ɔ she li mɛ ɔni  
 ɔ ghie mɛ. <sup>46</sup> Mhi she bhale agbɔ ya  
 ri ɛkpá gɛ na ɛgbɔ na agbɔ, ini eni e  
 mie mɛ suɔ okhoghuo ɔ khi la alo ebili.  
<sup>47</sup> Oni ɔ suɔ ungmɛmhi oyɛmɛ ni ɔa da  
 rɔ shi ɔ, ɔa khi mɛmɛ mhi ya pfa ɛzɔ  
 mu ɔli. ɔa khi eri mhi bhale ya ri ɛgbɔ na  
 agbɔ gue ɛzɔ, ama eri mhi bhale ya mie  
 agbɔ pfuɛɛ. <sup>48</sup> Oni ɔɔ pfa ɛzɔ mu ɔni ɔ  
 da kie mɛ ali ungmɛmhi oyɛmɛ, ɔ la  
 aghɔ. Eni ingmɛmhi ni mhia ngme e ya  
 pfa ɛzɔ mu ɔli ogɓɛɛ ni o kpukhokho.  
<sup>49</sup> Itobɔ khi ɔa khi ungmɛmhi ɔɔtsobɔ  
 oyɛmɛ mhia ngme, ama ungmɛmhi ni  
 Ita ni ɔ ghie ɔ mhɛɛ na mɛ mhi ngme  
 mhia ngme.” <sup>50</sup> Mhi leɛɛ khi oni ushi oyi  
 Eshinegba, o ri agbɔ na agbɔagbɔ ɔ na

ogbɔ. Irarighɔ, eri mhi ɛ ngme emini Ita  
 ɔ gueyɛ mɛ mhi ngme.

#### IJesu ɔ kpe eniyɛ odukhokho eyɔli awɛ-a

**13** Abi o rɔ kpɔ ɛɛghuo ukpe  
 iPasova le, iJesu ɔ leɛɛ khi oni  
 ɛghɛghɛ o she ramhi ni ɔ rɔ ya te agbɔ  
 lasɛle je oyi Ita. ɔ ma kie kpɛ nono in-  
 gme oyi ɛgbɔ eyɔli ni e la agbɔ, ɔ rɔli  
 khasɛ wɛ khi eri lɔli nono ingme oyewɛ  
 pfo.

<sup>2</sup> IJesu ali eniyɛ odukhokho eyɔli e  
 la ashini e la le eminale ɛɛ ogbɔmhi.  
 Okphaghie ɔ she rɔli shi udu oyi iJu-  
 dasi omi iSamɔ Isikarɔti ɔ ka rɔ iJesu  
 de. <sup>3</sup> IJesu ɔ leɛɛ khi Ita ɔ she rɔ ekpabɔ  
 nga luɛ obɔ, ɔ leɛɛ khi obɔ oyi Eshinegba  
 lɔli kpɛ te bhale, ali khi obɔ oyɔli lɔli  
 gbo nyenɛ egbe ya je. <sup>4</sup> Ighɔ iJesu ɔ rɔte  
 ashini ɔ shitɔ ti vule, ikhi ashini e la le  
 eminale, ɔ gueghie awulu ni ɔ sɔ kpɛda,  
 ɔ ri ode ni a rɔ ɔ muno amɛ egbe-a mu  
 oku. <sup>5</sup> Ighɔ ɔ ku amɛ shi atalabi, ɔ kpe  
 eniyɛ odukhokho eyɔli awɛ-a. ɔ rue ode  
 ni a rɔ ɔ muno amɛ egbe a ni ɔ rɔ mu  
 oku shishi wɛ amɛ awɛ-a.

<sup>6</sup> Abi ɔ rɔ kpe ramhi iSamɔ iPita ɔ,  
 iPita ɔɔ, “Kie! Onomhue yeyɛ u kha ke  
 kpe mɛ awɛ a?”

<sup>7</sup> IJesu ɔɔ li, “Wa leɛɛ emini mhia riɛɛ  
 memena, ama u ya leɛɛ okhɛɛ.”

<sup>8</sup> ISamɔ iPita ɔɔ, “Onomhue, atsobɔ  
 oghɔ! Wa ya tigbe kpe mɛ awɛ-a.”

IJesu ɔɔ, “Ini mhia kpe ɛ awɛ-a, wa aa  
 ke khi oyɛmɛ.”

<sup>9</sup> ISamɔ iPita ɔɔ, “O kha khi ighɔ,  
 Onomhue, ɔa khi awɛ tɛ u ke leɛɛ  
 ya kpe mɛ-a! Ama kpe mɛ abɔ ali  
 ukhomhi-a ma ɔ.”

<sup>10</sup> IJesu ɔɔ li, “Ogbɔ ni ɔ da khuɛ se, ɔ  
 she pfuɛɛ, ɔa khi ɔni ɔ ke gbo ya khuɛ-  
 a, ama awɛ ɔ ke leɛɛ ɛ yeghɛ-a. ɛɛ nya

<sup>88</sup>12:38 Li zɛ Aza 53.1

\*12:40 Li zɛ Aza 6.10

a she pfluase, se ni oțuoghwo elemhi e.”

<sup>11</sup> Irari khi iJesu o she kpe lese oni o ya ro ɔli de, lolu o ze ni o ro lie, “Ee nya a she pfluase, se ni oțuoghwo elemhi e.”

<sup>12</sup> Abi iJesu o ro kpe we awe a se, o riele awulu ni o kpe gueghie ro so, o ya shito ashini o kpe te vule. Oo mhila we, “A li lese akanya ni mhi gbe na e lena?”

<sup>13</sup> “A lu mhe ‘Osese’ ali ‘Onomhue.’ A ga gue ngme, itobo khi emini mhi khi ghō. <sup>14</sup> Memena ni mhemhe ni mhi khi Onomhue ali Osese oye mhi she kpe e awe-a, ee a li ke kpe egbe e awe-a. <sup>15</sup> Mhi she ri rokho kha se e, ni a li ke riele emini mhi riele na e.” <sup>16</sup> Egbegbi ingme mhi gueye e, khi oni o ga ogbo, oa ya fu dose oni oo ga, oni a aghiusomhi oa ya fu dose oni o ghie ɔli usomhi. <sup>17</sup> Abi a ro lese eni ingme ena egho, a ya khivose na e, ini a ro li gba akanya.

### **IJesu o guele shi eke khi a ya re lu e de**

(iMat 26.20-25; iMak 14.17-21; iLuk 22.21-23)

<sup>18</sup> “Aa khi ee nya mhi nu e ngme. Mhi lese abi ingeli eyi eni mhi ze e li. Ama, emini Ebe-no-pfluase o ngme, o mema bhale ya tse, ikhi oni oo, ‘Ogbo ni o nu mhe e le eminale o ya nyene egbe mu okholi vule shi mhe o.”

<sup>19</sup> “Eri mhia gue ona ye e shi eke neni a ligho me ɔli, ishegho ini a ligho me ghō, a ya miesuo khi ‘Mhemhe mhi khi oni mhi khi.’ <sup>20</sup> Abi o li mhi li gue ɔli e ye e, khi oni o da kpe abo mie aghiusomhi ni mhi ghie, mhemhe o li mie, oni o da mie mhe, oni o ghie mhe o li mie.”<sup>8</sup>

<sup>21</sup> Abi iJesu o ro ngme ona se, udu oa ke sheshe ɔli, o guele gboo, oo, “Egbegbi ingme mhi gueye e, khi oțuoghwo elemhi e, o ya remhe de.”

<sup>22</sup> Eniye odukhokho eyoli e bino egbe alo gase, o lolo sha we abo oni iJesu o ngme. <sup>23</sup> Oghwo omō odukhokho ni iJesu o mema nono ingme oyoli, o shito mama iJesu. <sup>24</sup> ISamo iPita o ro ikpialo nu oni omō odukhokho ngme, oo li, “Mhila iJesu, oghwo oni ogbo o fe khi elemhi awa.”

<sup>25</sup> Igho oni omō odukhokho ni o shito mama iJesu o mhila li, oo, “Onomhue, oghwo oni ogbo o khi elemhi anye?”

<sup>26</sup> IJesu o so li o, oo, “Oni mhi ya ri ibuledi ona somhi utasa oni awa te e le emhi enana na ne, lolu lo.” Igho o so oni ibuledi elemhi utasa, o ro na iJudasi omi iSamo Isikaroti. <sup>27</sup> Abi iJudasi o lese mie oni ibuledi se, Okphaghie o lo ɔli udu. IJesu o gueye ɔli, “Nyanya ya riele emini wa nono ni u riele.” <sup>28</sup> Ogbokhoghuo abi e ga li shito o le eminale, oa la ni o lese emini o ze ni iJesu o ro ngme ɔli ghō. <sup>29</sup> Aborokhia khi iJudasi o tsua ikpagho o mhue na we, eghwo e dabi khi eri iJesu o gueye ɔli o ka de emini e ro o li ukpe iPasova. Elese e dabi khi otse eri oo o ka somhi eni ea mhue opfa. <sup>30</sup> Abi iJudasi o mie oni ibuledi se. O fie lase aghoaghō. Eliyose o she ramhi.

### **IJesu o ri ushi onogbo na we**

<sup>31</sup> Abi iJudasi o ro vu se, iJesu oo, “Eena egbo e ya me ufumhi oyi mhemhe Omi Ogbo, e ya te idiegbe oyi Omi Ogbo me ufumhi oyi Eshinegba. <sup>32</sup> Ini egbo e rote idiegbe oyi Omi Ogbo me ufumhi oyi Eshinegba, eghēghē agho Eshinegba lolighwo o ya nyanya ri ufumhi oyi Omi Ogbo kha se egbo.

<sup>33</sup> “Eniye eyemhe, mhia ke nu e ya la akana tse. A ya nono mhe, aa ke me mhe. Mhi gue ona ye e memena, abi mhi

<sup>†</sup>13:15 Li ze iLuk 22.27

<sup>‡</sup>13:16 Li ze iMat 10.24; iLuk 6.40; iJon 15.20

<sup>¶</sup>13:18 Li ze iWolo 41.9

<sup>§</sup>13:20 Li ze iMat 10.40; iMak 9.37; iLuk 9.48; 10.16

kpɛ li gueyɛ eni ɛɛ mhɛsɛ eyi ɛgbɔ iJu, ni mhiɛ, Aa doɓɛ ya ramhi obini mhi-a je.”\*\*

<sup>34</sup>“Memena mhi rɔ ushi onogbɔ na ɛ: A nono ingme oyi egbe ɛ. Abi mhi li nono ingme oyɛ ɛ, a mema li ya nono ingme oyi egbe ɛ.”†† <sup>35</sup>A kha da mhɔli inono na egbe ɛ ne, ɛgbɔ kpa e ya lɛsɛ khi eniyɛ odukhokho eyɛmhɛ a khi.”

### IJesu ɔ ngme ɔ shi ekɛ khi iPita ɔ ya kie luɛ

(iMat 26.31-35; iMak  
14.27-31; iLuk 22.31-34)

<sup>36</sup>ISamɔ iPita ɔ mhila li, ɔɔ, “Ɔnɔmhue, obo wa lɛ?”

IJesu ɔɔ li, “Waa ya doɓɛ deba mhɛ je obini mhia je, ama u ya deba mhɛ okhɛse.”

<sup>37</sup>IPita ɔ mhila li, ɔɔ “Elo e zɛ ni mhi aa rɔ doɓɛ ya deba ɛ? Mhi mu egbe ni agbɔ oyɛmhɛ o li opfu-a!”

<sup>38</sup>IJesu ɔ ke gbo sɔ li ɔ, “U ga mema mu egbe agbɔ oyɛ ɔ rɔ liɛ opfu-a na mhɛ? Mhi gueyɛ khi, neni ɔkpa ɔ gbieghe, u ya liɛ khi u waa lɛsɛ mhɛ ramhi itese!”

### IJesu khi odɛ ni a tɛ ɛ bhale deba Eshinegba

**14** IJesu ɔ gueyɛ eniyɛ odukhokho eyɔli, ɔɔ we, “Aa khi zɛ ni udu o yese ɛ-a, a mie Eshinegba suɔ, a gbo li mie mhɛ suɔ. <sup>2</sup>Elemhi owa ni a la e kpɔku shi apfɛ oyi Itamhɛ. Ini ɔa khi ighɔ lo, mhi kha gueyɛ ɛ. Mhia ya vu ni mhi ya mu egbe asha shi ekɛ khe ɛ. <sup>3</sup>Mhi kha vu ya mu egbe shi ekɛ khe ɛ se, mhi ya gbo nyenɛ egbe bhale ya wolɔ ɛ ma egbe vu, isheghɔ ashini mhi ya la, ni a li nu mhɛ la akaghɔ. <sup>4</sup>A lɛsɛ odɛ ni a tɛ ɛ je ashini mhia je.”

<sup>5</sup>ITomosi ɔɔ li, “Onomhue, anye ɛa lɛsɛ obini u wa je. Sɛɛ anye li ya lɛsɛ odɛ je obini u wa je?”

<sup>6</sup>IJesu ɔɔ li, “Mhɛmhɛ mhi khi odɛ ni a tɛ ɛ je obini oyi Eshinegba. Mhɛmhɛ mhi ri igesikia ni o la Eshinegba a khase. Mhɛmhɛ mhi ri agbɔ ɔ na ɔgbɔ. Ɔgbɔ khoghuo ɔa mɛ asha ya je obini oyi Ita ini ɔa li rɔte obɔ oyɛmhɛ. <sup>7</sup>Eri a kha lɛsɛ mhɛ lo, a kha li lɛsɛ ɔni Ita. Rɔ te memena vu, a she lɛsɛ ɔli, a gbo mɛ ɔli.”

<sup>8</sup>IFilipu ɔɔ, “Ɔnɔmhue, ri ɔni Ita khase anye, emini anye lɛsɛ nono ghɔ.”

<sup>9</sup>IJesu ɔ sɔli ɔ, ɔ, “IFilipu, mhi she nu ɛ la tɛsɛ, waa kie lɛsɛ ɔni mhi khi? Ɔni ɔ da mɛ mhɛ, ɔ she mɛ ɔni Ita. Sɛɛ u kiele ɛ liɛ ‘Ri ɔni Ita khase anye?’ <sup>10</sup>Filipu, waa miesuɔ khi mhi la elemhi oyi Ita, ali khi Ita ɔ la elemhi oyɛmhɛ? Ingmehi ni mhi gueyɛ ɛ nya ɛa khi eyɛmhɛ. Ita ni ɔ la mhɛ elemhi ɔ ga gbe ikanya ena nya.

<sup>11</sup>A mie emini mhi ngme suɔ ini mhɛ khi mhi la elemhi oyi Ita ali khi Ita ɔ li la elemhi oyɛmhɛ. Ini aa mie emini mhi ngme suɔ, a ri itobɔ ikanya ɔnyaloa ni mhia gbe miesuɔ. <sup>12</sup>Egbegbi-ingme mhi gue ɛ yɛ ɛ, ɔni ɔ da mie mhɛ suɔ, ɔ ya gbe ikanya enabi mhia gbe. Ɔ ya gbe ikanya eni e fu doɓɛ eni abi mhia gbe, itobɔ khi mhia je oyi Ita. <sup>13</sup>Emini a rɔ eva oyɛmhɛ mhila nya mhi ya riɛɛ ɔ, ɛghɛghɛ aghɔ ni ɔmɔ ri ufumhi oyi Ita khase ɛgbɔ. <sup>14</sup>Emini a rɔ eva oyɛmhɛ mhila nya, mhi ya riɛɛ na ɛ.

### IJesu ɔ shobɔ khi loɔli ya ghi Ayɛmhɛ-no-pfuase bhale agbɔ

<sup>15</sup>“A kha nono ingme oyɛmhɛ, a ya ri omhɛsɛ oyɛmhɛ gba akanya. <sup>16</sup>Eghɛghɛ aghɔ, mhi ya lema Ita, ɔ ri Ɔkpaghioɔ ɔlese na ɛ, ni ɔ ya nu ɛ la agboagbɔ. <sup>17</sup>Loɔli ɔ khi Ayɛmhɛ ni o ri igesikia ni o la Eshinegba a khase agbɔ. Ɔgbɔ na agbɔ

\*\*13:33 Li zɛ iJɔn 7.34

††13:34 Li zɛ iJɔn 15.12,17; 1 iJɔn 3.23; 2 iJɔn 5

ɛa doɓɛ mie ɔli itoɓɔ khi ɛa mɛ ɔli wɛkhi eri e lɛɛɛ ɔli. Ama, ɛɛ ena a lɛɛɛ ɔli, itoɓɔ khi ɔ nu ɛ la, ɔ la elemhi oye ɛ.

<sup>18</sup>“Mhia ya zɛ ɛ oɓɔ shi ekɛ abi omi-olimhi, mhi ya gbo nyenɛ egbe bhale deba ɛ. <sup>19</sup>O kha deɛ, ɛgɔ na agɔ ɛa kɛ ɛ mɛ mhe, ama ɛɛ ena, a ya mɛ mhe. Itoɓɔ khi mhi ya gbo la agɔ, a ya li la agɔ. <sup>20</sup>Ini ogbe ni ɛlɛgho o ramhi, a ya lɛɛɛ khi mhi la elemhi oyi Itamhe, khi ɛɛ a la elemhi oyemhe, abi mhi li la elemhi oye ɛ.

<sup>21</sup>“Oni ɔ mie ishi eyemhe ni ɔ ri ɛwe gbe akanya, ɔ nono ingme oyemhe. Itamhe ɔ ya nono ingme oyi oni ɔda nono ingme oyemhe, mhi ya li nono ingme oyi oni ogɔ, mhi ri egbe mhe khasɛ ɔli.”

<sup>22</sup>IJudasi (ɔa khi oni a lu Isikaroti) oo, “Onomhue, elo o zɛ khi u fɛ ya ri egbe ɛ khasɛ anye tɛɛ, ni u wa ro ya ri egbe ɛ khasɛ agɔ kpa?”

<sup>23</sup>IJesu ɔ so li ɔ, oo, “Oni ɔ da nono ingme oyemhe, ɔ ya ri osɛɛ oyemhe gbe akanya. Itamhe ɔ ya nono ingme oyi ɔli, mhemhe ali Itamhe, anye bhale ya nu ɔli la. <sup>24</sup>Oni ɔa da nono ingme oyemhe, ɔa ro osɛɛ oyemhe ya gbe akanya. Eni osɛɛ ni mhia sɛɛ ɛ, ɛa khi eye mhe, ama oɓɔ oyi Itamhe ni ɔ ghie mhe e te bhale.

<sup>25</sup>“Mhi she gue ena ye ɛ, abi mhi kie li nu ɛ la. <sup>26</sup>Ama oni, Ayemhe-no-pfuase ikhi Okpaghiobo, ni Ita ɔ ya ro eva oyemhe ro ghi ɛ, ɔ ya sɛɛ ɛ emhikpa. ɔ ya gbo rɛ ɛ yelele emhikpa ni mhi gueye ɛ. <sup>27</sup>Mhi zɛ ɛ oɓɔ shi agɔ ona shi opfomhe, mhi ri opfomhe oyemhe na ɛ. ɔa khi oni abi egɔ na agɔ e ro ɔ na ogɔ mhi ro na ɛ. A khi zɛ udu yese ɛa, ali a khi zɛ ni ulishi o mu ɛ.

<sup>28</sup>“A suɔ abi mhi ro gueye ɛ khi mhi ya rote iteva oyeɛ vu, khi mhi ya gbo bhale deba ɛ. Ini a nono ingme oyemhe lo, a kha ke ghele khi mhia je oyi Itamhe, irari khi lolɔ ɔ fu doɓɛ mhe. <sup>29</sup>Mhi she gue ingme ena ye ɛ shi ekɛ neni a mɛ we, ishegho ini a da kie ligho mɛ we,

a mie mhe suɔ. <sup>30</sup>Mhia kɛ nu ɛ ngme tɛɛ, itoɓɔ khi okphaghie ni ɔ kpe mhesɛ shi agɔ ona, oo bhale. ɔa mholi ekpabo shi agɔ oyemhe, <sup>31</sup>ama egɔ na agɔ e mema ya lɛɛɛ khi mhi ma nono ingme oyi Ita, ali khi emini Itamhe ɔ mhesɛ na mhe mhi riɛle, mhia riɛle tee.

“A bhale ni awa vu ana le.

### IJesu ɔ khi egbegbi ɔora upfonu

**15** “Mhemhe mhi li abi oni upfonu ni ɔ mo umomhi onete, Itamhe ɔ riɛle ɛ shi ɔ. <sup>2</sup>Loli oo kanɔ uguabo oyemhe ni ɔa ya mo umomhi a. Oo riɛle uguabo oyemhe ni oo mo umomhi, ni o gbo mo imomhi eni e bu. <sup>3</sup>Ungmemhi ni mhi she nu ɛ ngme o she riɛle ɛ ti ni a ro doɓɛ mo imomhi enete. <sup>4</sup>A toma mhe idiegbe, mhemhe mhi ya toma ɛ idiegbe. Uguabo ɔora okhoghuo ɔa doɓɛ ya mo umomhi ɔotsobo oyoli, o mema ya to ma idiegbe ɔora. U kɛ neta khi eri a doɓɛ ya riɛle eminete ini aa toma mhe egbe.

<sup>5</sup>“Mhemhe mhi khi ɔora upfonu, ɛɛ a li abi iguabo. Ini u toma mhe egbe ni mhi ro li toma ɛ egbe, u ya mo imomhi eni e bu. Ini a ro oɓɔ rue mhe ɔ le, aa doɓɛ ya riɛle emhikhoghuo onete. <sup>6</sup>Ini u waa da toma mhe egbe ne, eri a ya khi ɛ pfa. Eri u ya li abi iguabo ekhakha ni, a ti ɛ ma ri erali tose-a. <sup>7</sup>Ini u toma mhe egbe, ni ingmemhi eyemhe e ro la elemhi oye, emiemini o ghole ɛ kpa wa mhila, a ri ɔli ne. <sup>8</sup>Eminete ni a riɛle o ri ufumhi ghi Itamhe. Ona o rokhasɛ khi eniye odukhokho eyemhe a khi.

<sup>9</sup>“Abi Ita ɔ nono ingme oyemhe, igho mhi li nono ingme oyeɛ. A la elemhi inono oyemhe. <sup>10</sup>Ini a ro ishi eyemhe gbe akanya, a ya la inono oyemhe, abi mhi li ri ishi eyi Itamhe gbe akanya ni mhi li la inono oyoli. <sup>11</sup>Eri mhi gue ona ye ɛ ni oghelɛ oyemhe o vo ɛ udu, ni oni oghelɛ oye ɛ o gba pfo. <sup>12</sup>Ushi ni mhi ro na ɛ khi, a nono ingme oyi egbe ɛ, abi

mhi nono e.<sup>‡</sup> 13 Aa me inono olese ni o fu dose oni ogbo o ro ghu-a na emole oli. 14 Emole mhe a khi ini a da ri ishi eyemhe gbe akanya. 15 Mhi aa ke lu e eni e ga mhe, itobo khi oni o ga ogbo oa lese akanya ni oga oyoli o gbe. Ochogho, emole mhi ke e lu e, itobo emini mhi rote obo oyi Itamhe wena nya mhi gueye e. 16 Oa khi ee a ze mhe, mhemhe mhi ze e ni mhi ri akanya na e, a ka gbe ikanya enete ni ikanya eye e e migha. Ishegho Ita o ya ro emini a ro eva oyemhe mhila nya na e. 17 Ushi oyemhe ni mhi shi na e khi, a nono ingme oyi egbe e.

### **Egbo na agbo ee biselemhi eniye odukhokho eyi Ijesu**

18 “Ini egbo na agbo e biselemhi e, a sato khi igho e kpe li biselemhi mhe. 19 Ini a khi eyi egbo na agbo lo, e kha nono ingme oye e abi enayewe. Abi o ke li memena khi, aa ke khi eyi egbo na agbo itobo khi mhi she rote elemhi agbo ze e, loli o ze khi egbo na agbo e ro biselemhi e. 20 A sato ingme ni mhi gueye e, ‘Oni oo ga ogbo oa fu e dose oga oyoli.’ Ini e kpe mu okholi vule shi me o ghue, e ya mu okholi vule shi e o. Ama ini e ro ose se ni mhi se se gbe akanya, e ya ro ose se oye e li gbe akanya.”<sup>¶</sup> 21 E ya lina ngeli deba e itobo khi enayemhe a khi, ali itobo khi ea lese oni o ghie mhe. 22 Ini mhi aa bhale ya nu we ngme lo, ea kha mholi umha-guekia oyi olamhe. Ama ea ke mholi emini e gue oli ya nga egbe khi o rewe a lamhe olamhe. 23 Oni o da biselemhi mhe, Itamhe o li lie biselemhi. 24 Ini mhi aa la akpewe gbe ikanya ni ogboese oa dobe gbe ghue lo, ea kha mholi umha-guekia oyi olamhe. Ama memena e she me eni ikanya onyaloa, ama e kiele e biselemhi mhe ali Itamhe. 25 Ama ona

o ze ni emini a keke shi ebe ushi oyewe o ro bhale ya tse, oni o khi, ‘Afu e biselemhi mhe.’<sup>§§</sup>

26 “Ini oni Okpaghiobo o bhale, oni mhi rote obo oyi Itamhe ya ghie ghi e, loli o khi Ayemhe no o ri igesikia ni o la Ita a khase, o ya pfi otsele shi ingme oyemhe. 27 Ee a ya li mema pfi otsele na mhe, itobo khi rote igbaekele a te nu mhe la.

**16** “Eri mhi gue ona a ye e ini a khi tsua irudunga pfa. 2 Egbo e ya khu e owa ugamhi fie lase, egheghe o ga ya ramhi ni ogbo o kha gbe ongee a, o dabi khi eri loli e ga Eshinegba. 3 E ya riele eni emhi ena deba e, itobo khi ea lese Ita, wekhi mhemhe. 4 Ama, eri mhi gue ona ye e, ini oni egheghe o ramhi, a ya sato khi mhi kpe tse agua ye e. Itobo khi mhi kie nu e la mhi aa ro kpe gue ingme ena ye e.

### **Akanya ni Ayemhe-no-pfuase oo gbe**

5 “Memena, mhia le deba oni o ghie mhe, ama ongee oa kie mhila mhe, ‘Obo wa je?’ 6 Itobo khi mhi gue ingme ena ye e, udu oye e o she yese-a. 7 Ama igesikia mhi gueye e, ni o ro ti e egbe mhi ro rote e iteva a vu. Itobo khi ini mhi aa vu, oni Okpaghiobo oa ya bhale. Ama ini mhi da vu mhi ya ghie oli ghi e. 8 Ini O da bhale, O ya rewe lese umha-guekia ni o la ingme olamhe, o gbo rewe li lese ipfuase oyi Eshinegba ali iso-ezo oyoli. 9 O ya rewe lese khi umha-guekia ni o la olamhe o khi, umha mie mhe suo. 10 O ya rewe lese khi e ya mholi ipfuase oyi Eshinegba, itobo khi mhi je oyi Ita ni aa ke te tigbe ya me mhe 11 O ya rewe lese emini iso-ezo oyi Eshinegba o khi. Itobo khi a she pfa ezo mu okphaghiye oni o mhese e shi agbo ona.

<sup>‡</sup>15:12 Li ze iJon 13.34; 15.17; 1 iJon 3.23; 2 iJon 5

<sup>¶</sup>15:20 Li ze iMat 10.24; iLuk 6.40; iJon 13.16

<sup>§§</sup>15:25 Li ze Iwolo 35.19; 69.4



<sup>12</sup>“Mhi mhõli emini e bububu ni mhi kha gbo gueye ẽ, ama e bu doşẽ ni a dobe ya mie. <sup>13</sup>Ama ini Ayemhe ni o ri igesikia a khasẽ o da bhale, o ya ri igesikia ni o la ingme oyi Eshinegba nya khasẽ ẽ. Oa ya ngme ungemhi oot-sobo oyõli, ama emini o suõ o ya ke ngme. O gbo gueye ẽ ingme ni a ya me. <sup>14</sup>Mhemhe o ya ke ti nga, itobõ khi o ya mie mhe ungemhi ni mhi ngme gueye ẽ. <sup>15</sup>Emini Itamhe o mhue nya, eyemhe lo, lo li o ze khi mhi kpe gueye ẽ khi emini mhi ro na Ayemhe-no-pfuase, o ya gueye ẽ.

### Oya oyeẽ o ya mele oghẽle a

<sup>16</sup>“O kha denẽ, aa ke me mhe, o kha ke gbo denẽ a gbo me mhe.”

<sup>17</sup>Eniye odukhokho eghuo ee mhila egbewe, “Elo o ri ona a ngme, ni oo lie awa khi, o kha denẽ khi awa aa ke a me lue, ali khi o kha ke gbo denẽ khi awa gbo lo ya me lue? O gbolo ẽ, ‘Itobõ khi mhi ya je obini oyi Ita.’ <sup>18</sup>Elo o ri ‘O kha denẽ’ ngme? Awa aa lese ingme ni o ro õli ngme!” E kie lina mhila egbewe.

<sup>19</sup>IJesu õ she lese khi ee nono ni e mhila lue oni ungemhi ona, o mhila we, “Eri a mhila egbe ẽ abi mhi ri oni ungemhi ngme, ni mhi ro lie, ‘O kha denẽ aa ke ya me mhe ali khi o kha gbo denẽ a ya me mhe?’ <sup>20</sup>Egbegbi ingme mhi gue ẽ ye ẽ, a ya vie, a vie oya. Ama egbo na agbo e ya ke ghele, ee a mhue iyeseudu-a, oni iyeseudu-a o ya mele oghẽle-a na e. <sup>21</sup>Ini okpotso o ya bia, udu o yese õli a itobõ khi eghẽghe osue o she bhale, ama ini o bia õni õmo se, oo ghele, o yele osue ni o me a. Irari khi oo ghele khi lo li bia õmo shi agbo. <sup>22</sup>Ighõ o li li ẽ egbe, memena udu o yese ẽ a, ama mhi ya gbo me ẽ. Eghẽghe aghõ oghẽle o vo ẽ udu, oghẽle ni ogbo oa dobe ya mie. <sup>23</sup>Ini oni ogbele o ramhi, aa ke ẽ mhila mhe emhikhoghuo. Mhi gue igesikia a ye ẽ khi Itamhe o ya ro emini

a ri eva oyemhe mhila kpa na e. <sup>24</sup>Ga ramhi memena, aa kie ri eva oyemhe mhila emhikhoghuo. A mhila khi a ya me mie, isheghõ ni oghẽle oyeẽ o gba pfo.

### IJesu o khõli okhõli agbo mu o le

<sup>25</sup>“Mhi aa lolo kpe khueghie ingme-a gue ẽ ye e. Ama eghẽghe oo bhale ni mhi aa ke ro lighõ nu ẽ ngme, ama mhi ya gue ingme oyi Ita ye ẽ gboo. <sup>26</sup>Ini oni ogbele o ramhi, a ya ri eva oyemhe mhila Ita emini o ghõle ẽ. Mhi aa lie khi mhemhe mhi ya mhila na e. <sup>27</sup>Ita oo nono ingme oyeẽ, itobõ khi a nono ingme oyemhe, a gbo miesuo khi obõ oyi Eshinegba mhi te bhale. <sup>28</sup>Obõ oyi Ita mhi te bhale ya lo elemhi agbo, memena mhi gbo te elemhi agbo ya vu je deba Ita.”

<sup>29</sup>Eniye odukhokho eyõli ee õli, “Ena u tigbe ẽ khueghie ingmemhi eye-a gueye anye gboo, waa ke ẽ biẽbiẽ eni ingme-a gueye anye. <sup>30</sup>Eena anye lese khi u lese emhikpa, oa ke khi ogbo o ke gbo ya ke mhila ẽ ogbo. Onana o ze khi anye miesuo khi obõ oyi Eshinegba u te bhale.”

<sup>31</sup>IJesu o so we o, o, “A she miesuo memena? <sup>32</sup>Eghẽghe oo bhale, oni eghẽghe o she ramhi, ni ee nya a ro ya miatse ku, ogbogbo o je apfe oyõli. Mhemhe-ghuo tse mhi ke ya la. Ama oa khi mhemheghuo tse mhi la, itobõ khi Ita o nu mhe la. <sup>33</sup>Eri mhi gue ingme ena ye ẽ, ni a ri itobõ khi a kugbe mhe o mhue opfõmhe. Egbo na agbo e ya ri osue na ẽ me. Ama a mhõli udu, itobõ khi mhi she mu agbo o le.”

### IJesu o so iromhi na eniye odukhokho eyõli

**17** Abi iJesu o ro nu niye odukhokho eyõli ngme se, o yase alo bino idane, o so iromhi, oo, “Ita, oni eghẽghe o she ramhi. Ri

ufumhi oyi Omie khasẹ agbọ, ni Omie ọ li ri ufumhi oye khasẹ agbọ. <sup>2</sup>Itobọ khi u she ri ekpabọ na li, shi ukhomhi oyi egbọ na agbọ kpa, ni ọ ri agbọ na agbọagbọ na egbọ ni u rọ na li. <sup>3</sup>Agbọ na agbọagbọ khi, ni a rọ lẹsẹ ẹ, ikhi yeyẹ ni u khi egbegbi Eshinegba oghuo kpe. Ni a gbo rọ lẹsẹ mhe iJesu iKirisiti, ni u ghie. <sup>4</sup>Mhi she ri ufumhi oye khasẹ egbọ na agbọ, abi mhi rọ ọ gbe akanya ni u rọ na mhe, ni mhi gbe ọli pfo. <sup>5</sup>Ita, gbo ri ufumhi ni mhi kpe mhọli na mhe memena, ikhi ufumhi ni mhi rọte eke mhọli neni a ma agbọ.

<sup>6</sup>“Mhi she ri ẹ khasẹ egbọ ni u te elemhi agbọ rọ na mhe. Egbo eyẹ e khi ni u rọ na mhe. E she ri ungmehi oye gbe akanya. <sup>7</sup>Memena e she lẹsẹ khi emhikpa ni u rọ na mhe khi obọ oye e te bhale. <sup>8</sup>Mhi she gueye we usomhi ni u rọ na mhe, wewe e she mie oni usomhi. E she lẹsẹ egbegbọ khi obọ oye mhi te bhale, e gbo miesuo khi yeyẹ u ghie mhe.

<sup>9</sup>“Mhi sọ iromhi na we, ọa khi egbo na agbọ nya mhi sọ iromhi na, ama eni u rọ na mhe irari khi egbo eyẹ e khi. <sup>10</sup>Emhikpa ni mhi mhọli eyẹ e khi, emini u mhọli eyemhe e li khi. Wewe e ri ufumhi oyemhe khasẹ egbọ na agbọ. <sup>11</sup>Memena mhia bhale deba ẹ, mhia ke la elemhi agbọ, ama wewe e kie la elemhi agbọ. Ita ni ọ pfuase, ri itoto ni o la eva oye ni u rọ na mhe, khukhu we, ni e khi oghuo abi mhemhe ali yeyẹ awa khi oghuo. <sup>12</sup>Egheghe ni mhi rọ nu we la, mhi ri itoto ni o la eva oye ni u rọ na mhe, khukhu we, mhi khe we ekhe. Okhoghuo ọ ọa pfua, se ni oghuo elemhi we ni ọ khi oni ọ ya pfua, ni emini a keke shi Ebe-no-pfuase o bhale ya tse.\*

<sup>13</sup>“Memena mhia bhale deba ẹ, mhia ngme ingmemhi ena, abi mhi kie li la elemhi agbọ, ini eniyẹ odukhokho eyemhe e mhọli oghẹle ni o gba pfo, onabi

oyemhe. <sup>14</sup>Mhi she gue usomhi oye ye we, ama agbọ ẹ biselemhi we, itobọ khi ẹa ke khi enayi agbọ abi mhia li khi onayi agbọ. <sup>15</sup>Mhi aa lie u wolọ we elemhi agbọ lasela, ama tsumhi we obọ oyi Ona okhọlo. <sup>16</sup>Ẹa khi enayi agbọ abi mhi aa li khi ọna agbọ. <sup>17</sup>Ri igesikia oye rewe pfuase. Irari khi egbegbi ungmehi ungmehi oye o khi. <sup>18</sup>Abi u li ghie mhe je elemhi agbọ, igbo mhi li ghie we je elemhi agbọ. <sup>19</sup>Itobọ ewe mhi rọ ri egbe mhe ne, ini wewe ee li ligho ri egbe we ne egbegbọ.

### IJesu ọ lema na igbaa oyi eni e mie iJesu iKirisiti suo nya

<sup>20</sup>“Ọa khi itobọ oyi eniyẹ odukhokho eyemhe tse mhi rọ sọ iromhi ona. Mhi li sọ iromhi na egbọ ni e li ya te ọtsele oyewe mie mhe suo. <sup>21</sup>Mhi sọ iromhi e ga kugbe khi oghuo. Ita! Mhi sọ iromhi e la elemhi oyi awa, ezeze abi u li la elemhi oyemhe ni mhemhe mhi li la elemhi oye. Mhi sọ iromhi e khi oghuo ini agbọ e mie we suo khi yeyẹ u ghie mhe. <sup>22</sup>Mhi ri ufumhi ni u rọ na mhe na we ini e kugbe khi oghuo abi mhemhe ali yeyẹ awa khi oghuo. <sup>23</sup>Mhemhe mhi la elemhi oyewe, yeyẹ u la elemhi oyemhe, ni e ga kugbe khi oghuo, ishegho ni agbọ e lẹsẹ khi yeyẹ u ghie mhe, ali khi u nono ingme oyewe abi u nono ingme oyemhe.

<sup>24</sup>“Ita, yeyẹ u ri we na mhe. Mhia nono ni e nu mhe la ashini mhi ya la kpa, ishegho ni e me ufumhi ni u rọ na mhe itobọ khi u nono ingme oyemhe neni a ma agbọ.

<sup>25</sup>“Ita ni ọ pfuase! Agbọ ẹa lẹsẹ oni u khi, ama mhemhe mhi lẹsẹ oni u khi, enana e lẹsẹ khi yeyẹ u ghie mhe. <sup>26</sup>Mhemhe mhi ri oni u khi khasẹ, igbo mhi kie li ya ke riẹle ọli, ishegho inono ni u mhọli na mhe, o la we egbe, ni mhemhe mhi li la elemhi oyewe.”

\*17:12 Li ze Iwolo 41.9

**Abi a li ri iJesu de**

(iMat 26.47-56; iMak  
14.43-50; iLuk 22.47-53)

**18** Abi iJesu o ro so iromhi ona se, lolli ali eniye odukhokho eyoli e da uchoke ni a lu iKidironi lase. Ogba ni a ko eera na lu olivu shi o la epfe agho, iJesu ali eniye odukhokho eyoli e lo el-emhi oni ogba oyi eera olivu. <sup>2</sup>IJudasi oni o ri oli de o lese oni ogba, itobo khi iJesu ali eniye odukhokho eyoli e kefe lona akaghoo. <sup>3</sup>Igho iJudasi o tsua ekholi-okhue eyi iRomu, ali egbo ni e la Owa oyi Eshinegba e khe ekhe ali ighie eyi ekpodalo-ugamhi eyi iJu ali iFarisi ma egbe. E tsua itsua okholi, ali igbili igolo ali ikpa. E lo ogba oyi eera olivu le.

<sup>4</sup>IJesu o she kpe lese emini lolli ya me, o mhila we, oo. "Oghuo a nono?"

<sup>5</sup>Ee oli, "IJesu onge iNazareti!"

IJesu oo, "Mhemhe na."

IJudasi ni o ri oli de o migha mama we. <sup>6</sup>Abi IJesu o ro gueye we khi, "Mhemhe na," igho e ti je ukhokho, e de ya gbe.

<sup>7</sup>IJesu o gbo mhila we, oo, "Oghuo e khi a nono we?"

E gbo lie o li, "IJesu onge iNazareti."

<sup>8</sup>IJesu oo, "Mhi she kpe gueye e khi mhemhe na. O kha khia khi mhemheghuo a nono, a ze ni eni e kpole e vu." <sup>9</sup>Eri iJesu o ngme ona ni emini o kpe ngme o bhale ya tse, ni oo: "Ita! Mhi aa waso okhoghoo elemhi egbo ni u ro na mhe a."

<sup>10</sup>Igho iSamoo iPita, ni o tsua itakobi shi emhi o ji oli lasele ro be oni o gbe akanya a deba oga oyi ekpodalo ugamhi esoo na obita ukhomhi pfi-a. IMakosi a lu oni omose. <sup>11</sup>IJesu oo iPita, "Rue itakobi

oghoo shi ashini u kpe te ji oli lasele. Eri u dabi khi mhia ya rote uko osue ni Itamhe o mheso na mhe ya da?"<sup>†</sup>

**A mu iJesu bhale odalo  
igeezo oyi egbo iJu**

<sup>12</sup>Igho ekholi-okhue eyi iRomu ali eni e kpeda na we ali eni e khe ekhe owa ugamhi ni o fune eyi egbo iJu, e gba iJesu mu, e ge oli abo je ukhokho. <sup>13</sup>E te odode rue oli bhale ayi Anasi, ni o khi ogo iKefasi. IKefasi o khi okpodalo-ugamhi oyi Eshinegba oni o kpeda oyi egbo iJu oni ukpe ogho. <sup>14</sup>IKefasi o ke kpe ye egbo iJu ude, khi ini ogbo otuoghoo o ghu-a na egbo ni e bu, o ti dose ni egbo ni e la eoli nya e pfua.<sup>‡</sup>

**IPita o kie iJesu**

(iMat 26.69-70; iMak  
14.66-68; iLuk 22.55-57)

<sup>15</sup>ISamoo iPita ali omoo odukhokho oyi iJesu olese, e deba iJesu. Oni omoo odukhokho ali oni o kpeda nya na ekpodalo-ugamhi eyi Eshinegba e kpe lese egbe. Igho oni omoo odukhokho o deba iJesu lo elemhi apfe oyi oni o kpeda nya na ekpodalo-ugamhi eyi Eshinegba. <sup>16</sup>Abi iPita oo migha olase epfe ode unuekpe, oni omoo odukhokho ogho o nyene egbe je olase, o ya nu oni omueshi ni o la agho ngme, o rue iPita lo elemhi apfe. <sup>17</sup>Oni omueshi ni o la ode unuekpe o me iPita, o o li, "Oa khi omoo odukhokho oyi oni omose ogho u li khi?"

IPita oo, "Iiye, mhia khi lolli."

<sup>18</sup>Ulili o gbe. Eni e khe ekhe ali ighumha e migha gaso erali ingamhi ni e pfi, e khase erali. IPita o li nu we migha a khase erali.

<sup>†</sup>18:11 Li ze iMat 26.39; iMak 14.36; iLuk 22.42

<sup>‡</sup>18:14 Li ze iJon 11.49-50

**Oga oyi ekpodalo ugamhi  
o mhila iJesu ogbo**

(iMat 26.59-66; iMak  
14.55-64; iLuk 22.66-71)

<sup>19</sup> Oni oga oyi ekpodalo ugamhi eyi Eshinegba o mhila iJesu ogbo osese eyoli ali eniye odukhokho eyoli. <sup>20</sup> IJesu o sɔli o, o, “Mhi aa tigbe na sheli sese osese elemhi Owa Oyi Eshinegba ali owa ugamhi ni mhi la a sese gboo egheghe kpa, ikhi ashini egbo iJu e legba. <sup>21</sup> Elo o ze khi aa mhila mhe ogbo? A ka mhila egbo ni e suo osese oyemhe. E lese emini mhi ngme.”

<sup>22</sup> Abi iJesu o ngme ona se, oghuo eni e khe ekhe o lase iJesu eso, o li, “Elo o ze ni u ro ligho nu Oga oyi ekpodalo ugamhi a ngme?”

<sup>23</sup> IJesu oo, “Ini u lese khi mhi aa gue ngme, gue emini o ti ni mhi ngme le, ni egbo e suo. Ama o kha khia khi mhi gue ngme, elo o ze ni u ro lase mhe eso?”

<sup>24</sup> Ana Anasi o la lie e rue oli ghi iKefasi ni o khi Oga oyi ekpodalo ugamhi, abi a kie li ge oli abo je ukhokho. Egheghe ona, iKefasi ali Anasi e ga khi ekpodalo-ugamhi eyi Eshinegba ni e kpeda.

**IPita o gbo kie iJesu**

(iMat 26.71-75; iMak  
14.69-72; iLuk 22.58-62)

<sup>25</sup> IPita o kie migha akagho, oo khase erali. Egbo elese e mhila li, “Wa she khi oghuo eniye odukhokho eyi omose ogbo?” IPita o so we o, oo, “Iiye! Oa khi mhemhe.”

<sup>26</sup> Oghuo oni o gbe akanya a deba oni o kpeda nya na ekpodalo-ugamhi eyi Eshinegba, ni o khi ogbo oyi omose ni iPita o be eso ukhomhi a, o gbo mhila iPita, “Oa khi yeye mhi she me khi u nu omose ogbo la elemhi ogba?”

<sup>27</sup> IPita o gbo le, “Iiye!” Utoghuokpe, okpa o gbieghe.

**A rue iJesu bhale odalo  
oyi iPaleti ya gue ezo**

(iMat 27.1-2,11-14; iMak  
15.1-5; iLuk 23.1-5)

<sup>28</sup> Ele uzogbe fiefie, e rue iJesu fie owa oyi iKefasi je apfe oyi igovuno oyi egbo iRomu. Enighie eyi egbo iJu ea lama lo elemhi oni apfe, itobo khi ea nono ni ichimhi umha-pfuase ni o mu we, ini ee dobe le eminale iPasova. <sup>29</sup> Itobo igho oni igovuno na lu iPaleti o fie je olase deba eni egbo iJu, oo we, “Umha-gueli onoghuo a gue shi omose ona egbe?”

<sup>30</sup> Ee oli, “Ini oa mhu e umha-gueli lo anye ea kha rue oli bhale ghie.”

<sup>31</sup> IPaleti oo we, “A rue oli vu ya gue ezo egbe-a abi ushi oye e o ngme sho.”

Egbo iJu ee oli, “Anye aa mholi afu ni a ro o lie a ka gbe ogbo.” <sup>32</sup> Eri a lina me onana ni emini iJesu o kpe ngme ni o bhale ya tse, ikhi ungmehi ni o la guele uwali eghuli ni loli ya ghu.<sup>f</sup>

<sup>33</sup> IPaleti o nyene egbe je elemhi apfe oyoli, o lu iJesu mhila, oo, “Yeye u khi oghie oyi egbo iJu?”

<sup>34</sup> IJesu oo. “Udu oye ogbo ona ni u mhila mhe o te bhale abi khi ogbo o gue ingme oyemhe ye e?”

<sup>35</sup> IPaleti oo li, “Ong e iJu we khi mhi khi? Egbo eye ali ighie eyi ekpodalo-ugamhi e rue e bhale ghi mhe, Elo u li?”

<sup>36</sup> IJesu oo li, “Eghiele oyemhe oa khi onayi agbo ona. Ini igho o khi lo, eni e deba mhe e kha ye okholi na mhe, ini a khi dobe mu mhe ghi eni e mhes e eyi egbo iJu. Ama memena, eghiele oyemhe oa khi onayi agbo ona.”

<sup>37</sup> Igho iPaleti o mhila li, “Oghie u ti e khi?”

IJesu oo, “U gue ga ngme oli ni u ro khi oghie mhi khi. Onana o ze khi a bia mhe

<sup>f</sup>18:32 Li ze iJon 3.14; 12.32,33

bhale elemhi agbo, ni mhi ro ri emini o khi igesikia khase egbo na agbo. Oni o da khi ona igesikia ne, oo suo oyemhe.”

<sup>38</sup> IPaleti o mhila li, “Elo o khi igesikia?”

### A pfa ezọ igbea mu iJesu

(iMat 27.15-31; iMak 15.6-20; iLuk 23.13-25)

Igho iPaleti o gbo fie je olase, o gueye egbo iJu, oo, “Mhi aa me umha-gueli shi oli obo ni o remhe ya pfa ezọ mu oli a gbe oia <sup>39</sup> Ama, abi a li ini a da li ukpe iPasova khi, ukpe khi ukpe kpa, eri mhia rue ogbo oghuo egbo eye e eni a mu shi owa ighumha abo-a na e. A nono ni mhi wolọ oghie iJu abo a na e?”

<sup>40</sup> Igho e tseşe gbii, ee oli, “Iiye! Ri Ochoghọ rue iBarabasi obo a na anye.” (iBarabasi iko o li, oni o gbe ogbo a o khi ni a mu shi owa ighumha.)

### A pfa ezọ igbea mu iJesu

(iMat 27.15-31; iMak 15.6-20; iLuk 23.13-25)

**19** Igho iPaleti oo a gbe iJesu itali egbegbo. <sup>2</sup> Eni ekholi-okhue e nyanọ iguabo eera igba rięe arula oghie rughu iJesu ukhomhi, e rue awulu ni o khi egholi ni o li abi oyile nabi a ro o so oghie so oli. <sup>3</sup> E gbo bhale deba li, e ro oli li egia, e lie oli, “A yase obo eke na oghie oyi iJu!” E lase oli alo.

<sup>4</sup> IPaleti o ke gbo fie je olase deba egbo iJu, oo, “A ghe oli e, mhi rue oli lasele na e ni a ro lese khi mhi aa me umha-gueli shi oli obo ni o re mhe ya lie a ka gbe oli a.” <sup>5</sup> Abi iJesu o ro fie lasele ni o ro rughu arula igba, o gbo so awulu egholi oyile ni oghie o so, iPaleti oo, “A ghe oni omose!”

<sup>6</sup> Abi ighie eyi ekpodalo-ugamhi ali eni e khe ekhe Owa oyi Eshinegba e ro me

oli, e tseşe, ee, “A ta li ma oora apfida! A ta li ma oora apfida!”

IPaleti oo, “Ee a rue oli vu ya ta ma oora. Mhi aa me umha-gueli shi oli obo.”

<sup>7</sup> Egbo iJu ee oli, “Anye mhuę ushi ni o guele a gbe oia, itobo khi oo lu egboli Omi Eshinegba.”

<sup>8</sup> Abi iPaleti o ro suo ona, ulishi o tigbe mema lolo mu oli. <sup>9</sup> O nyene egbe je elemhi apfe oyoli, ya mhila iJesu, “Onge obo u khi?”

Ama iJesu o tsaghię oli-a. <sup>10</sup> IPaleti oo, “Wa ya mie mhe unu? Wa lese khi mhi mholi ekpabo ni mhi ro dobe ya pfa e shi eke, ali khi mhi gbo dobe ya lie a ka te ma oora apfida gbe-a?”

<sup>11</sup> IJesu oo oli, “Wa kha mholi afu shi mhe idiegbe ini oa khi Eshinegba o ri oli ne lo, ama ogbo ni o mu mhe bhale ghi e, loli o mholi umha-gueli oyi olamhe ni o fu ne.”

<sup>12</sup> Abi iPaleti o ro suo ona se, o nono ode ni o te ya wolọ iJesu abo a, ama eni egbo iJu e kiele tseşe, e lie oli, “Ini u ze oli obo, wa khi omole iSiza oghie oniemhi oyi iRomu. Onini o da guele khi oghie loli khi, obe iSiza o khi.”

<sup>13</sup> Abi iPaleti o ro suo ingmemhi ena, o rue iJesu je olase, iPaleti o ya shito ukpho eche ni o shito la so ezọ, ni a lu Etete eche (iGabata a ri elemhi Iburu ee lu oli) <sup>14</sup> Egheghe agho ovo o lese ramhi iteteva ukhomhi elegho, ikhi ogbele ni a mu egbe e shi ukpe iPasova. IPaleti oo eni egbo iJu, “Oghie oyee gho o!”

<sup>15</sup> Ama e tseşe, “A rue oli ya gbe-a! A rue oli ya gbe-a! A ta li ma oora apfida!”

IPaleti o mhila we, oo, “A nono ni mhi ta oghie oye e ma oora apfida?” Ighie eyi ekpodalo-ugamhi ee o li, “Anye aa mholi oghie olese dose oghie iSiza.”

<sup>16</sup> Igho iPaleti o ri iJesu na ekholi-okhue e ka ta li ma oora apfida.

### A ta iJesu ma ọọra apfida

(iMat 27.32-44; iMak  
15.21-32; iLuk 23.26-43)

Rọ te aghọ vu ekhọli-okhue e te rue iJesu vu. <sup>17</sup>IJesu ọ fiẹ lasele, lólighuo ọ tsua ọọra apfida oyọli, ọ je ashini a lu “Ukhomehi olimhi ni o ku igua-a.” (IGoḡota a ri eḡemhi Iburu ẹ lu akaghọ.) <sup>18</sup>Aghọ e tali ma ọọra apfida shi, e ta eḡbọ aava ma ẹera mama li. Oghuo epfe obita, ọnọkpọle epfe obogobo, iJesu ọ la wẹ iteva. <sup>19</sup>iPaleti ọ keḡe emhi rọ kphase oni ọọra-apfida. Emini ọ keḡe shi ọ khi, “IJesu Onge iNazareti, Oghie oyi Eḡbọ iJu.” <sup>20</sup>Ebubu eni eḡbọ iJu e zẹ oni emhi, itobọ khi ashini a ta iJesu ma ọọra apfida shi ọa nuata shi apfe. Eḡemhi Iburu, ghe iLatini ali iGiriki a rọ keḡe oni emini a rọ kphase ọọra apfida ni a ta iJesu ma. <sup>21</sup>Ighie eyi ekpodalo-ugamhi eyi eḡbọ iJu ẹa lama shi emini iPaleti ọ keḡe. E ya gueye ọli, ẹẹ ọli, “Anye ẹa nono ni u keḡe oghie oyi iJu shi ọ, emini u kha keḡe shi ọ khi, Oghie oyi eḡbọ iJu omose ọna ọ khi lolu khi.”

<sup>22</sup>iPaleti ọọ wẹ, “Mhi she keḡe emini mhi keḡe.”

<sup>23</sup>Abi eni ekhọli-okhue e rọ ta iJesu ma ọọra apfida se, e wolọ ide eyọli kemhi shi asha ene. Oḡbọḡbọ ọ rue asha eghuo ọ, e gbo rue awulu oyọli ni a do ni aa rọte ashikhoghuo gbela toma.

<sup>24</sup>Eni ekhọli-okhue e gueye egbe wẹ, “Awa khi nyanọ li-a, awa ti ebe shi ọ, ni awa me ọni o ya mu, ni ọ rue ọli.” Eri a me onana ni emini a keḡe shi Ebe-nopfuase o bhale ya tse, ni ọọ, “E kemhi ide eyemhe, e gbo ti ebe shi awulu oyemhe.”

<sup>25</sup>Inyo iJesu, ali inyoghuo inyọli nokpotso, ali iMeli ughue iKilopasi, ali iMeli onge iMagidaleni e migha mama oni ọọra apfida ni a ta iJesu ma. <sup>26</sup>IJesu

ọ me inyọli ali omọ odukhokho oyọli ni ọ nono ingme oyọli, khi ọ migha epfe aghọ, iJesu ọọ, “Inyo! Omi-ẹ ghọ.”

<sup>27</sup>Ọ gueye oni omọ odukhokho, ọọ li, “Inye ghọ.” Rọ te aghọ vu oni omọ odukhokho ọ te rue oni inyo iJesu je apfe ni ọ te nu ọ la.

### Eghuli ni iJesu ọ ghu

(iMat 27.45-56; iMak  
15.33-41; iLuk 23.44-49)

<sup>28</sup>IJesu ọ lese khi emhikpa e she ze ukhomehi, ọọ, “Okiamẹ ọa gbe mhe.” Onana o ri emini a keḡe shi Ebe-nopfuase bhale ya tse. <sup>29</sup>Ubene ni o vọ onyo ni o khe-a o la epfe aghọ, e so isoso\*\* elemhi oni onyo e rọ oni isoso kphase ukpokpo oyi ọọra ni a lu isopu ni o nue, e nise ọli je iJesu unu. <sup>30</sup>Abi iJesu ọ rọ to unu oni onyo, ọ, “O she pfo.”

Ọ do ukhomehi gbe, ọ ghua.

<sup>31</sup>Ekhemhue eyi eḡbọ iJu e vu ya mhila iPaleti ọ ze ni wewe e ya pfi emhi shi awe eyi emose ni a ta ma ẹera apfida guoghọ-a. Ali ni wewe e taghie wẹ te eni ẹera apfida tiemhile. Emini o ze ni e rọ lighọ mhila khi, eḡghọ khi ogbele ni ala mu egbe khe ogbele iyemhea oyi eḡbọ iJu. Eri ẹa nono ni e la ikhomehi ẹera apfida ramhi ogbele iyemhea, itobọ khi oni ogbele iyemhea oghọ, ogbele ipfuase na ke o khi. <sup>32</sup>Eni ekhọli-okhue e vu ya pfi emhi shi oḡbọ oni odode ni a ta ma ọọra apfida mama iJesu awe guoghọ a. E gbo lighọ ya guoghọ eyi oni o kpole a. <sup>33</sup>Ama abi e rọ ramhi ayi iJesu, e bhale ya ẹ khi ọ she ghua, itobọ ighọ ẹa ke pfi emhi shi iJesu awe guoghọ a. <sup>34</sup>Oghuo eni ekhọli-okhue ọ so iJesu oḡbhorọ epfe, utoghuokpe, ọlia ali amẹ e te ọli egbe ku lasele. <sup>35</sup>Oḡbọ ni ọ ri eloe me ona ọ pfi otsele shi ọ, otsele ni ọ pfi o khi igesikia itobọ khi ọ lese gboo khi igesikia

§19:28 Li ze *Iwolo 69.21; 22.15*

\*\*19:29 *isoso* eḡbọ eghuo ẹ lu isoso ukodo.

ona o khi. Eri o pfi otselę ona ni a khi eni e miesuo. <sup>36</sup> Onana o ri emini a kpe keke shi Ebe-no-pfuase bhale ya tse, ni o guele khi, “Ogbokhoghuo oya ya khi ugua shi oli idiegbe.”<sup>††</sup> <sup>37</sup> Ebe-no-pfuase o gbo ngme ghọ shi asha olese khi, “E ya ke bino oni e ya to ogbhoro gbese a.”<sup>‡‡</sup>

### Irotọ oyi iJesu

(iMat 27.57-61; iMak 15.42-47; iLuk 23.50-56)

<sup>38</sup> Abi a ro me ona se, iJosefu onge Arimatia, ni o khili otuoghwo eniye odukhokho ni e bena e deba iJesu itobo khi o na ulishi oyi ekhemhue eyi egbo iJu, o le ya mhila iPaleti olimhi oyi iJesu. iPaleti o lama na li o rue olimhi oyi iJesu ya ro to. Igho iJosefu o bhale ya rue oli vu. <sup>39</sup> INikodemosi ni o ke ya me iJesu ele iyose o kphase iJosefu. O tsua ikhumhi ni a ro o to olimhi egbe ini o khi kele kea. Eni ikhumhi e bu ramhi akpulu ikoko oghuo. O gbo tsua ituale ni e pfi mhue.<sup>¶¶</sup> <sup>40</sup> Eni emose aava e tsua olimhi oyi iJesu, e ri ide epfopfo genọ oli. Abi e li i genọ oni olimhi, igho e pfi ituale shi oli egbe, ni e ri ikhumhi na ro o shi olimhi egbe ma o, abi egbo iJu e lie mu olimhi egbe shi irotọ, abi ushi oyewe o ngme. <sup>41</sup> Ukuku ogba o la ashini a ta iJesu ma oora apfida shi, uji ona ufuegbhe onogbo ni aa ri ogbo to ghue o li la agho. <sup>42</sup> Itobo khi elegho o khi ogbele ni a ro mu egbe e shi eke khe ogbele iyemhea oyi egbo iJu, ali khi oni uji na ufuegbhe o ti mama we, e ri olimhi oyi iJesu yeshi agho.

### IJesu o rote eghuli guale

(iMat 28.1-8; iMak 16.1-8; iLuk 24.1-12)

**20** Ele uzogbe fiefie ele ni oo deba ogbele iyemhea oyi egbo iJu,

obili o kie la ogbe. IMeli onge iMagidali ni o je uji ashini a ri iJesu yeshi, o bhale ya e khi a she gheghele eche unu oni uji-a. <sup>2</sup> Igho o so awe unamhi na je ayi iSamọ iPita ali omo odukhokho ogho ni iJesu o nono ingme oyoli, o gueye we, oo, “E tsua olimhi oyi Onomhue elemhi uji ufuegbhe a! Anye aa lese obini e tsua li je.”

<sup>3</sup> Igho iPita ali oni omo odukhokho ogho e vu ya je oni uji ufuegbhe. <sup>4</sup> Wewe aava ee na, ama oni omo odukhokho ogho o na dose iPita, o kpe ramhi oni uji ufuegbhe khe iPita. <sup>5</sup> O nyese egbe bino elemhi oni uji ufuegbhe, ama oya lo elemhi o. O me ide ni a kpe ro khuli idiegbe oyi iJesu. <sup>6</sup> Igho iSamọ iPita ni o kpukhokho ramhi agho o dose ya lo elemhi oni uji ufuegbhe. O me eni ide khi e la elemhi uji ufuegbhe. <sup>7</sup> Ode olimhi ni a ro ge iJesu ukhomhi o li la agho. Oni ode o khili shi ashaoda shi ide enekpole o. O kie khili shi agho abi a kie kpe li roli khili olimhi oyi iJesu, oya taghie a. <sup>8</sup> Igho oni omo odukhokho ogho ni o kpe ramhi oni uji, o li lo elemhi oli, o ri eloe me, o miesuo. <sup>9</sup> Oni egegege eya kie lese emini a keke shi ebe khi iJesu o ya te eghuli guale. <sup>10</sup> Igho eni eniye odukhokho e nyene egbe je apfe.

### IJesu o ri egboli khase iMeli onge iMagidali

(iMat 28.9-10; iMak 16.9-11)

<sup>11</sup> IMeli o migha olase oni uji ufuegbhe oo vie. Abi o li kie le vie, o nyese egbe bino elemhi oni uji ufuegbhe. <sup>12</sup> O me khi igeni aava ni e so itsua epfopfo e shito elemhi oni uji ufuegbhe ni a ri olimhi oyi iJesu yeshi. Oghuo o shito obini iJesu o kpe ri ukhomhi shi, oni o kpole o shito obini o kpe ri awe shi.

<sup>††</sup>19:36 Li ze Okiali 12.46; iNoba 9.12; Iwolo 34.20

<sup>‡‡</sup>19:37 Li ze iZaka 12.10

<sup>¶¶</sup>19:39 Li ze iJon 3.1-2

<sup>13</sup> E mhila li, e e ɔli, “No kpotso, elo u vie e shi?” O o we, “E she tsua Onomhue oyemhe vu, mhi aa lese obini e roli shi.”

<sup>14</sup> Igho o nyene egbe o me khi iJesu o migha agho, ama o a lese khi iJesu lo.

<sup>15</sup> IJesu o mhila li, oo li, “No kpotso elo u vie e shi, oghuo wa nono?”

IMeli o dabi khi oni o riele shi oni ogba ni o la agho lo, o, “Oga ini yeye u tsua li vu kpeke gueye mhe obini u roli shi ni mhi je agho ya tsua li.”

<sup>16</sup> IJesu o li, “Meli.” O so alo ghue ɔli, o tse se leghe ri elemhi oyi egbo iJu yemhe ɔli, oo, “Raboni!” Ose se a ri ona ngme elemhi Iburu.

<sup>17</sup> IJesu o gueye ɔli, “Khi mu mhe mhue, itobo khi mhi aa nyene egbe je oyi Ita ne. Ama ka gueye inyoghuo-mhe khi mhi ya nyene egbe je oyi Itamhe ni o li khi Ita we, ali Eshinegba oyemhe ni o li khi Eshinegba oyewe.”

<sup>18</sup> Igho iMeli onge iMagidaleri o vu ya gueye eniye odukhokho khi loli me iJesu Onomhue. O gueye we ingme ni Onomhue o gueye ɔli.

### **IJesu o ri egboli khashe eniye odukhokho eyoli**

(iMat 28.16-20; iMak 16.14-18; iLuk 24.36-49)

<sup>19</sup> Abi ogbomhi o ro mu eke elegeho ni o khi ogbeakolo oyi ele iyemhea oyi egbo iJu, ni o khi ele ni odode elemhi efo uka, eniye odukhokho eyoli e le gba elemhi owa, e sonokope ode itobo khi ee na ulishi oyi egbo iJu eni e mheshe. Udemhija, iJesu o bhale ya migha we iteva bia, oo, “Opfomhe o ka nu e la.”

<sup>20</sup> Abi o ro ngme ona se, o ri abo ali epfe khashe we. Oghelo o vo we elemhi shi abi e li me Onomhue. <sup>21</sup> IJesu o gbo lie we, “Opfomhe o ka nu e la. Abi Ita o li ghie

mhe mhi li lie ghie e.” <sup>22</sup> Igho o yemhe ku we, oo, “A mie Ayemhe-no-pfuase, <sup>23</sup> Ogboni a da gbe olamhe kua na, a she gbe kua na li, ama ini aa da gbe kua na we ne, aa gbe kua na we.”<sup>24</sup>

### **IJesu o ri egboli khashe iTomosi**

<sup>24</sup> Otu oghuo elemhi eni eniye odukhokho ogbava ni a lu iTomosi ni a gbolo e lu itsema, o nu we la agho ni iJesu o ro bhale we iteva. <sup>25</sup> Eniye odukhokho eni e kpole e gueye ɔli, e o li, “Anye me Onomhue!”

ITomosi oo, “Ini mhi aa li me emeli ni o la ashini a te ta itse shi ɔli abo ni mhi ri umiesobo oyemhe ti ɔli, ni mhi aa ro ri obo shio oni o la li epfe, mhi aa ya miesuo khi o she guale.”

<sup>26</sup> Abi o ro gbe utui, eniye odukhokho eyoli e gbo lona elemhi owa, iTomosi o nu we la agho, e so okpe ode. Udemhija iJesu o gbo bhale ya migha we iteva bia, oo we, “Opfomhe o ka nu e la.” <sup>27</sup> O gueye iTomosi, oo li, “Ri umiesobo ti ana, bino mhe abo, gbo nise obo ti mhe epfe. Khi ke mholi akhokhomhe, miesuo!”

<sup>28</sup> ITomosi o li, “Onomhue oyemhe, ali Eshinegba oye mhe!”

<sup>29</sup> IJesu oo li, “Itobo khi u me mhe u ro miesuo? Ikhivose o khi na eni ea me mhe ne ni e miesuo.”

### **Emini o ze ni a ro keke ebe ona**

<sup>30</sup> IJesu o la ukploe oyi eniye odukhokho eyoli gbe ikanya onyaloa ni e bububu elese ni ogbo o keke shi ebe ona. <sup>31</sup> Ama eri a keke ena shi ebe ini a miesuo khi iJesu khi iKirisiti, ikhi Omiepfuese Omi Eshinegba, ali, ini a mholi irudunga, a ya mholi agbo itobo eva oyoli.



**Ijesu o ri egbolu khasẹ eniye  
odukhokho eyoli etuoshilua**

**21** Abi a rọ me ingme ena se, iJesu o gbo ri egbe oli khasẹ eniye odukhokho eyoli, epfe oke oniemi ni a lu iGalili. Ina a li me oli. <sup>2</sup>ISamo iPita, ali iTomosi na lu itsema, ali iNatanieli onge iKena na eke iGalili, ghe iJoni ali iJemhisi imi iZebedi, ali eniye odukhokho eyi iJesu aava elese e ga legba asheghuo nya. <sup>3</sup>ISamo iPita o, "Mhia vu ya mu ifele."\*

Efe oli, "Anye ya deba e ye." Igho e lo elemhi oko-oke oniemi oni ikeke. Ama eliyose elẹgho nya, ẹa mu emhikhoghuo. <sup>4</sup>Ele uzogbe fiefie, iJesu o migha egele oyi oke oniemi, ama wewe ẹa lese khi iJesu o nu we ngme. <sup>5</sup>Ijesu o mhila we, oo, "Emole mhe, aa kie me afele okhoghuo mu?"

Efe oli, "Anye ẹa me emhikhoghuo mu."

<sup>6</sup>Oo we, "Pfi aga oye je epfe obita oyi oko-oke oniemi khi a ya me ifele mu." Igho e pfi aga je obini o ngme, ẹa ke dobe ti oni aga lo elemhi oni oko-oke oniemi itobo khi o she mu ifele ni e bu.†

<sup>7</sup>Igho oni omo odukhokho ni iJesu o nono ingme oyoli, o o iPita, "Onomhue lo!" Abi iSamo iPita o suo khi Onomhue lo ni o nu we ngme lena, o nyanya ro itsua so (itobo khi eri o kpe taghie ide eghuo egbe-a), o ji pfilo elemhi ame. <sup>8</sup>Eniye odukhokho eni e kpole e gua oni oko-oke oniemi bhale eso oke, e e ti oni aga bhale epfe egele. Ekekhe ọa ke lolo nuẹ shi we o, emhi nabi ete-awe egbhueshe o ke rote agho khi. <sup>9</sup>Abi e ro ramhi egele, e me ingamhi erali agho, a ri afele to o, ibuledi e li nga o.

<sup>10</sup>Ijesu oo we, "A rote ifele ni a mu lena rue bhale."

<sup>11</sup>IPita o nga egele le, o ya tialo oni aga ni o vo ifele enieniemhi ngale egele, eni ifele e kugbe khi egbhueshilua ali igbese. Abi eni ifele e rie ligho bu, oni aga ọa nyanọ a. <sup>12</sup>Ijesu oo we, "A bhale ya le emhi." Ogbokhoghuo eni eniye odukhokho ọa mhila li, "Oghuo u khi?" Itobo khi e lese khi Onomhue lo. <sup>13</sup>Igho iJesu o ya rue oni ibuledi kemhi na we, o gbo kemhi oni afele na we.

<sup>14</sup>Onana o khi utonuzi-ese ni iJesu o ri egbolu yaa khasẹ eniye odukhokho eyoli abi o te rote eghuli guale.

**Ijesu o nu iPita ngme**

<sup>15</sup>Abi e ro le se, iJesu oo iSamo iPita, "Samo omi iJoni! U fe nono ingme oyemhe dose emhi enana nya?"

IPita o so li o, o Ii, "Onomhue, u lese khi mhi nono ingme oye."

Ijesu oo, "Ri eminale na imi isumha eyemhe le."

<sup>16</sup>Utonuzeva, iJesu oo li, "Samo omi iJoni, u fe nono ingme oyemhe?"

IPita oo Ii, "Gueguegue Onomhue, U lese khi mhi nono ingme oye."

Ijesu oo, "Ri eminale na isumha eyemhe le."

<sup>17</sup>Utonuzese iJesu oo li, "Samo omi iJoni, u fe nono ingme oyemhe?"

Oni ingme o to iPita egbe, itobo khi iJesu o mhila li itese, "U fe nono ingme oyemhe?" Igho iPita o so li o, o, "Onomhue, u lese emhikpa, u lese khi mhi nono ingme oye."

Ijesu oo li, "Ro eloe khu isumha eyemhe." <sup>18</sup>Ijesu oo, "Igesikia mhi gue ye khi, abi u ro khi ozele, eri u ri itsua so u fie je obini o ghole e, ama ini u womhe, ogboese o ke ya ri itsua ke so e, o mu e obo je obini ọa ghole e ni u je." <sup>19</sup>Eri iJesu o ngme ona ni o rokhasẹ abi iPita

\*21:3 Li ze iLuk 5.5

†21:6 Li ze iLuk 5.6

ọ li ya ghua ni o ya rọ ufumhi ghi Esh-inegba. Ighọ ọọ iPita, “Ke deba mhe.”

<sup>20</sup> IPita ọ nyene egbe, ọ me oni ọmọ odukhokho ni iJesu ọ nono ingme oyọli, oni ọ shitọ mama iJesu abi e rọ nu iJesu le eminale ni o kpukhokho khi ọọ deba wewe. Lọli ọọ ke mhila iJesu ogbo ni ọọ, “Onomhue, oghuo ọ ya re de?” <sup>21</sup> Abi iPita ọ rọ me ọli, ọ mhila iJesu, ọọ, “Se egbo na agbo e fe ya li oni omose ọna?”

<sup>22</sup> IJesu sọ li ọ, ọ, “Ini mhia nono ni ọ la agbo ramhi ni mhi rọ ya gbo nyene egbe bhale agbo, onoghuo o khi oye shi ọ? Ke deba mhe.”

<sup>23</sup> Ona o ze ni e rọ bena ngme ọli iteva oyi eniye odukhokho eyi iJesu, khi oni

omọ odukhokho ọna ọa ya ghu ghue. Ama iJesu ọa lie khi ọa ya ghu ghue. Eri ọ lese lie, “Ini mhia nono ni ọ la agbo ramhi ni mhi rọ ya gbo mu egbe nyene bhale, onoghuo o khi oye shi ọ?”

### Ungmemhi ni o kpukhokho

<sup>24</sup> Lọli khi ọmọ odukhokho ni ọ pfi ọt-sele shi eni ingmemhi ena, lọli ọ gbo keke we shi ebe. Awa gbo lese khi emini ọ ngme khi igesikia lo.

<sup>25</sup> Ikanya ebubu e laọ ni iJesu ọ gbe. Ini ee a keke we nya ukpamhi oghuo-oghuo lo, mhi sa khi agbo ona nya ọa kha luse ebe ni a kha keke we shi.

## Ikanya

*Eyi Ighiusomhi eyi iKirisiti*

### A rue iJesu nga idane

**1** Elemhi ebe oni odode ni mhi kpe keke ghi yeye iTiofilosi,<sup>‡</sup> mhi keke ikanya ni iJesu o o gbe ali emini o sese rote igbaekele, <sup>2</sup>ya ramhi ogbele ni a ro rue oli nga idane. Neni a rue oli nga idane, o rote Ayemhe-no-pfuase ri omhese na ighiusomhi na kee ni o ze. <sup>3</sup>Abi o ro ghu-a se, ogbele egbhueva o la elemhi agbo o ri egboli kia khase ighiusomhi eyoli, ni o rokhase gboo khi akhokhomhe o la o khi o la agbo. E me oli, o o gue ungmehi oyi Eghiele oyi Eshinegba ye we. <sup>4</sup>Eleghuo khi e legba asheghuo, khi o nu we e le eminale, o ri omhese ona na we, o o we, "A khi rote iJerusalemu vu, a migha khe isomhopfa ni mhi gueye e, ikhi isomhopfa ni itamhe o shobo."<sup>‡</sup> <sup>5</sup>Ame iJoni o ro o batazi egbo, ama o ke ya tese neni a ri Ayemhe-no-pfuase ya batazi e."<sup>§</sup>

### A rue iJesu nga iloghie

*(iMak 16.19-20; iLuk 24.50-53)*

<sup>6</sup>Abi ighiusomhi e ro nu iJesu legba kugbe, e mhila li, ee oli, "Onomhue, u ya la egheghe ona rue eghiele oyi egbo iZireni nyene gbo na we?"

<sup>7</sup>O o we: "Aa khi eni e lese oni egheghe ali oni ogbele ni Ita o ri afu eyoli mhese. <sup>8</sup>Ama ini Ayemhe-no-pfuase o bhale e idiegbe, a ya mholi ekpabo, a ya ke pfi otsele na mhe elemhi eke iJerusalemu,

ali eke iJudia, ali iSameria ali elemhi eke agbo ona nya."<sup>\*\*</sup>

<sup>9</sup>Abi o ro ngme eni ingmemhi enana se, a rue oli nga idane abi e kie li gh o fel i oli. Otughunu o khukhu oli-a, o rue oli odalo oyewe le."<sup>††</sup>

<sup>10</sup>E bino idane chii abi o li vu, utoghukpe emose aava ni e so ide epfopfo e migha we iteva. <sup>11</sup>E e we, "Egbo iGalili, elo o ze ni a ro migha a fel i idane chii? Oni iJesu ona ni a rue odalo oyewe vu nga idane, abi a li rue oli vu, igho o li ya gbo nyene egbe bhale."

### A ze iMatayasi to eloli iJudasi

*(iMat 27.3-10)*

<sup>12</sup>Igho, eni ighiusomhi na kee e rote oni ukhomhi Ute Eera Olivu ni e migha vu je iJerusalemu, agho o la lolo nue shi iJerusalemu, okiali imali oghuo lo, ni Ishi eyi iMosisi o lama shi ogbo ke kia ogbele iyemhea. <sup>13</sup>Abi e ro ramhi iJerusalemu, e nga ukhomhi atonga, e lo elemhi owa ni ee legba. Eni e la akagho khi iPita, iJoni, iJemhisi ali Aduru, iFilipu ali iTomosi, iBatolomiu ali iMatiu, iJemhisi olese ni o khi omi Afeusi, iSamioni ni o la otu iZiloti ali iJudasi omi iJemhisi."<sup>‡‡</sup> <sup>14</sup>We we nya e lona a kugbe egheghe kpa a so iromhi. Ghe eni ikpotso ali, iMeli iny o iJesu, ali inyoghuo iJesu.

<sup>15</sup>Ogbele ni a ngme ena, iPita o vule migha iteva oyi igbaa oyi eni e mie iJesu iKirisiti suo. Egbo egbhuesesa e la agho (120) <sup>16</sup>Igho o o, "Inyoghuo, a mema ya ri emini ebe-no-pfuase o ngme tse, ni Ayemhe-no-pfuase o rote unu oyi iDefidi ngme shi eke shi iJudasi egbe, loli oni

<sup>‡</sup>1:1 Li ze iLuk 1.1-4

<sup>†</sup>1:4 Li ze iLuk 24.49

<sup>§</sup>1:5 Li ze iMat 3.11; iMak 1.8; iLuk 3.16; iJon 1.33

<sup>\*\*</sup>1:8 Li ze iMat 28.19; iMak 16.15; iLuk 24.47-48

<sup>††</sup>1:9 Li ze iMak 16.19; iLuk 24.50-51

<sup>‡‡</sup>1:13 Li ze iMat 10.2-4; iMak 3.16-19; iLuk 6.14-16

iJudasi ni o ri ode khasẹ ẹgbọ ni e mu iJesu. <sup>17</sup> Otuoghuo elemhi awa o khi ni o nu awa gbe akanya abi aghiusomhi.”

<sup>18</sup> IJudasi o wolo ikpagho ni o mie shi ikanya okholo ni o gbe ya de eke. Agho o de tu ukhomhi eke ku ito-a shi. <sup>19</sup> Ogbokpa ni o la iJerusalemu o suo ona, e ri irarigho ri unu eoli oyewe lu akagho Akedama, ni o migha shi Eke Olia. <sup>¶</sup>

<sup>20</sup> IPita oo, “Irari khi, a keke oli shi ebe Iwolo khi,

“A tsua owa oyoli pfa.

A khi me ogbokhoghuo ni o gbo la oni owa,’

“A gbo li keke oli:

“Ogboese o rue asha omhese oyoli.”<sup>§§</sup>

<sup>21</sup> “Itobọ onana, o ti ni awa ze ogbo oghuo ni o to elolo iJudasi, oni ogbo o mema ya khi ogbo ni o nu awa la o rote eghẹghẹ ni iJesu o ro la iteva oyi awa, <sup>22</sup> rote eghẹghẹ ni iJoni o ro batazi egbo ya ramhi ogbele ni Eshinegba o ro rue iJesu lasela elemhi iteva oyi awa nga idane. Ogbo ni awa ya ze o mema ya nu awa gbe akanya aguele irote eghuli guale oyi iJesu.”

<sup>23</sup> Igho e khokho emose aava. Omose oghuo ni a lu iJosefu ni a lu iBasabasi, ni a gbolo e lu iJositosi, ali omose olese ni a lu iMatayasi. <sup>24</sup> Igho e lema, e li, “Onomhue, u lese udu oyi ogbokpa, kpekpe rote elemhi egbo etuava ena ze <sup>25</sup> oni o ya rue ikanya aghiusomhi na kee ni iJudasi o ze obo je obini o khili oyoli.” <sup>26</sup> Igho e bo shi o, obo o mu iMatayasi, Igho e li ya rue oli ma ighiusomhi na kee ogbaghuo ni iJesu o ze.

### Ayemhe-no-pfuase o bhale ogbele iPetikositi

**2** Abi ogbele ukpe iPetikositi o ro ramhi, igbaa oyi eni e mie

iJesu iKirisiti suo nya e lona kugbe asheghuo.\* <sup>2</sup> Utoghuo-kpe, okeke o rote idane tiemhile abi akpekpele ni o toto, oni okeke o vo elemhi oni owa ni e shito. <sup>3</sup> Igho e me emini e li abi elemhi erali khi e rote ashakhasha a tiemhile shi we o. <sup>4</sup> Igho Ayemhe-no-pfuase o vo wewe nya egbe, ee ngme emue oyi eoli ododa abi oni Ayemhe o li khueghie we unu-a.

<sup>5</sup> Egbo iJu ni e na ulishi Eshinegba ni e rote ushishi ododa na eke agbo jele, e la elemhi iJerusalemu. <sup>6</sup> Abi e ro suo oni okeke ona, ebubu egbo e kpeli bhale. O nya we alo-a abi e ro suo khi eni egbo ni e miesuo khi e ngme emue ododa eyi wewe. <sup>7</sup> Igho abo e sha we egbegbo, e lie egbe. “Eni egbo ena, ni ee ngme emue eyawa ena, o a khi egbo iGalili e she khi? <sup>8</sup> Se awa ke lie suo we khi ee ngme emue ododa eyawa? <sup>9</sup> Eoli ododa awa te lasela, eghuo e rote iPatia bhale, eghuo o, iMedisi ali Elamu, eghuo o, iMesopotemia, eghuo, eke iJudia ali iKapadosha, eghuo, iPotusi ali Esha, <sup>10</sup> eghuo, iFirigia ali iPafia, eghuo, iJipiti ali ukiekie eke iLibiya ni o ti mama eke iSairin, eghuo e rote iRomu bhale, <sup>11</sup> li shi egbo iJu ali egbo iJeta ni e mu pfi bhale irudunga oyi egbo iJu. Eghuo elemhi awa e rote iKireti ali Arebia bhale. Abi o rie khi igbo, awa kie ga suo khi e ngme emue eyawa, ee guele ikanya eniemhi ni Eshinegba o gbe.” <sup>12</sup> Eni ingme ni a me e sha ogbokpa abo, ea lese udi we, e mhila egbe we. “Se onana o ngme?”

<sup>13</sup> Egbo eghuo e rewe e li egia, e lie, “Onyo oo gbe we.”

### IPita o nu eni ebubu egbo ngme

<sup>14</sup> Igho iPita o vule migha, loli ali ogbaghuo ni e kpole, o khueghie unu-a

<sup>¶</sup>1:19 Li ze iMat 27.3-8

<sup>§§</sup>1:20 Li ze Iwolo 69.25; 109.8

\*2:1 Li ze iLev 23.15-21; iDeut 16.9-11

leghe, o nu eni ebubu egbo ngme, oo,  
 “Apfemhe iJu, ali ee egbo nya ni a la el-  
 emhi iJerusalemu, a ro eso shi mhe eke  
 ni mhi gue ingme ni a me ena ye e.<sup>15</sup> Oa  
 khi onyo oo gbe eni egbo ena abi a dabi.  
 Irari khi ogbe oa dala ne, agogo itili ele  
 uzogbe awa la!<sup>16</sup> Iiye! Emini a me ena  
 o khi emini omekeguele iJoel o guele  
 egheghe ni o dose ni o re:

<sup>17</sup> “Eshinegba oo,

Ogbele ni e kpukhokho,  
 mhi ya ri Ayemhe oyemhe  
 na egbokpa.

Imi e eni emose ali eni ikpotso  
 e ya ke gue usomhi ni mhi ghie we le.

Izeo eye e, e ya ke mekeguele,  
 egbhali eye e, e ya ke la elena.

<sup>18</sup> Shi eni e ga ogbo

eni emose ali eni ikpotso eyemhe,  
 Mhi ya ri Ayemhe oyemhe  
 na we ogbele ni a ngme ena,  
 e ya gue emini mhi rokhase we le.

<sup>19</sup> Mhi ya ro onyaloa khase,  
 obini irarogbe,

ali khi mhi ya gbo ri  
 irokhase khase eke agbo.  
 Mhi ya pfi okholi shi elemhi agbo,  
 ni egbo e me oia

ali erali ali ewoli

<sup>20</sup> Ovo o ya bi obili a,  
 mhi ya ri uki yile-a rarara abi oia,  
 neni ogbele ni o fune

oyi Onomhue o ya bhale  
 ni o ro ya gue ogbokpa ezọ.

<sup>21</sup> Ogbokpa ni o da pfi lu  
 eva oyi Onomhue ne, a ya tsumhi oli.<sup>†</sup>

<sup>22</sup> “Ee egbo ni a la eke iZireni, a ro  
 eso shi ungmehi onana. Ee a lese khi  
 iJesu ongi iNazareti, o khi ogbo ni Esh-  
 inegba o ri egbe khase, o gbo ghie oli,

itobo khi Eshinegba o ri ekpabo na li o ke  
 gbe ikanya onyaloa elemhi iteva o ye e.

<sup>23</sup> Abi o ro tseku khia khi a lese ona, a kie  
 ze ni egbo ebe e mu oli ghi e ni a gbe oli-  
 a. Ama Eshinegba o she kpe gba onana o  
 lese oli.<sup>‡</sup> <sup>24</sup> Ama Eshinegba o rote eghuli  
 guise oli le. Eghuli oa dobe a mu oipotso ni oku  
 oo to oa li dobe a mu omoo o khi lasele.<sup>¶</sup>

<sup>25</sup> Itobo khi oghie iDefidi oo ngme ingme  
 oyi iKirisiti ni o re,

“Mhi me khi Onomhue  
 o migha kpeshe mhe egheghe kpa,  
 o la ukiekie obita oyemhe,  
 udu oa ya nighise mhe.

<sup>26</sup> Itobo ona udu oyemhe o ro o ghele,  
 mhi ri uruli oyemhe e kueghie-e,  
 mhi ri egbe de.

<sup>27</sup> Itobo khi waa ya  
 ze mhe obo shi elemhi uji,  
 wekhi eri u ya ze ni

Oni o pfuase oye o ke-a.

<sup>28</sup> U she kpe gueye mhe  
 khi mhi ya la agbo ini  
 u guise mhe te eghuli le.<sup>§</sup>

U ya ri ogheloni oniemhi na mhe odalo  
 oye.<sup>¶</sup>

<sup>29</sup> “Inyoghuo, mhi mema ya ri igbedu  
 gueye e khi oghie iDefidi ni o khi itita  
 awa, o she kpe ghua ni egbo e ro to,  
 oni uji ni a ro oli to o kie la akaghọ  
 ramhi ogbe na amo.<sup>‡</sup> <sup>30</sup> Awa lese khi iDe-  
 fidi o ngme aguele-shi-ekeshi iKirisiti  
 egbe, irari khi o lese khi Eshinegba o she  
 kpe shobo na lu e ni o mema ro ya tse,  
 khi loli ya ri ogbo oghuo unuekpe oyelue  
 shito ukpekhomhi oghie oyelue.<sup>\*\*</sup> <sup>31</sup> Eri  
 Eshinegba o roli khase iDefidi emini a  
 ya me ogbenako, loli o ro ngme oli khi  
 Eshinegba o ya rote eghuli guise iKirisiti

<sup>†</sup>2:21 Li ze iJoel 2.28-32

<sup>‡</sup>2:23 Li ze iMat 27.35; iMak 15.24; iLuk 23.33; iJon 19.18

<sup>¶</sup>2:24 Li ze iMat 28.5-6; iMak 16.6; iLuk 24.5

<sup>§</sup>2:28 Li ze iWolo 16.8-11

<sup>\*\*</sup>2:30 Li ze iWolo 132.11; 2 iSam 7.12-13

le. Oo khi Eshinegba o a ya ze o li ghua ni idiegbe oyoli o kea shi elemhi uji. <sup>32</sup>Eshinegba guise iJesu le bhale agbo. Awa nya awa ri ukpeloe oyawa pfi otsele shi o khi iJesu o she guale. <sup>33</sup>Eshinegba o she ri ekpe oniemi na iJesu, o shito ukieki obita oyi Eshinegba. IJesu o she rote obo oyi ita mie Ayemhe-nopfuase, abi Eshinegba o kie kpe li shobo na li. Oni iJesu o she rue oni Ayemhe-nopfuase tutu vo anye egbe, loli o khi emini a me, ni a gbolo a suo memena. <sup>34</sup>Ama lese khi iDefidi o a nga iloghie. Itobo igho, aa khi ingme egboli iDefidi oo ngme abi o ro lie,

“Onomhue o gueye Onomhue oyemhe: Shito ukieki obita oyemhe,

<sup>35</sup>ramhi ni mhi ro ya ri ebe e mele akphawe-nga oye-a”<sup>††</sup>

<sup>36</sup>“Itobo ona, mhia nono ni ee egbo iZireni nya a lolo lese onana khi, Eshinegba o ze oni iJesu onana ni a gbe-a shi apfida o khi Onomhue ali iKirisiti.”

<sup>37</sup>Abi eni egbo e ro suo eni ingmemhi ena se, oo nase we udu. Igho e li mhila iPita ali ighiusomhi na kee eni e kpole, ee we, “Inyoghuo, See anye li ya kia ni Eshinegba o ro o gbe olamhe kua na anye?”

<sup>38</sup>IPita oo, “Ee nya a mufi ni anye ri eva oyi iJesu iKirisiti batazi e, ishegho ni Eshinegba o gbe olamhe kua na e, itobo khi eni e mie iJesu suo a ke khi, ni a mie isomhopfa Ayemhe-nopfuase. <sup>39</sup>Emini Eshinegba o shobo ena, oye e lo ali oyi imi e, ali oyi ogbokpa ni Eshinegba o ya ze obiobini e la.”

<sup>40</sup>IPita o ngme ingmemhi ni e bu, o tse agua ye we, oo we, “A na pfue anasemhe ni egbo ikpamhika ena e ya me.” <sup>41</sup>Igho a li batazi eni e mie oni ungmehi suo. Egbo agbele ese e khi ni e kuma igbaa oyi eni e mie iJesu iKirisiti suo o egho.

## Ilakugbe oyi ighiusomhi eyi iKirisiti

<sup>42</sup>Eni egbo e ri emini ighiusomhi na kee e sese we gbe akanya, e ga kugbe, e le eminale kugbe (e le eminale no pfuase kugbe), e so iromhi kugbe. <sup>43</sup>Ogbokpa o mu ekpe ni o fune e na Eshinegba irari olele onyaloa ali oshabo ebubu ni eni ighiusomhi na kee e gbe. <sup>44</sup>Eni e mie iJesu suo nya e kudugbe, e kemhi emini e mholi nya na egbe.<sup>‡‡</sup> <sup>45</sup>Eni e mholi eke e ri eke eyewe de, elese eni e mholi itsua, e re we de, e wolo ikpagho kugbe kemhi ni eni ea mholi. <sup>46</sup>Ogbele kpa e ro o legba elemhi apfe ni i la Owa Oyi Eshinegba. E ri oghela ali udu ni o pfuase nu egbe la apfe egbe e le eminale. E le eminale no pfuase. <sup>47</sup>Ee kuoghi Eshinegba, igho egbo e li somhi elemhi we. Ogbele kpa Eshinegba o ro ri egbo ni a mie e pfuese ma we o.

## A ri ocheghela-awe-a ni oo lema ze

**3** Ogbeleghuo khi iPita ali iJoni ee je Owa Oyi Eshinegba eghenge agogo ese oguota ni a la so iromhi. <sup>2</sup>A tsua omose ni o rote abi a te bia li guoghoo a bhale ya shi ode unuekpe ni a lu Isomhotse oyi Owa Oyi Eshinegba. Akagho a tsua li bhale ya shito ni o te me asha mhila egbo ni e lo oni Owa Oyi Eshinegba le ikpagho. <sup>3</sup>Abi o ro me iPita ali iJoni khi e lo oni Owa Oyi Eshinegba, o mhila we ikpagho. <sup>4</sup>Igho iPita o bino oli alo tatata, igho li khi iJoni. IPita oo li, “Bino anye!” <sup>5</sup>Igho o li bino we, o ri udu sa khi loli ya me we emhi obo mie.

<sup>6</sup>Ama iPita oo li, “Mhi aa mhue ukpagho ya ne, ama mhi ri emini mhi mholi ne. Irari eva oyi iJesu iKirisiti onge iNazareti, vule ni u ke kia!” <sup>7</sup>Igho iPita o mu oli obo-ita vule. Udemhija, awe ali ili awe eyoli e na ya to. <sup>8</sup>Igho

<sup>††</sup>2:35 Li ze Iwolo 110.1

<sup>‡‡</sup>2:44 Li ze Ika 4.32-35

o ti vule migha, o o kia gase. O nu we lo elemhi oni Owa Oyi Eshinegba, o kia, o jino, o kueghie Eshinegba. <sup>9</sup> Abi egbo ni e la akagho nya e ro me o li khi o kia gase, khi o kueghie Eshinegba, <sup>10</sup> e lese oni o khi, khi loli o kpe e shito ode unuekpe ni a lu Isomhotse e lema, oni ingme o sha ogbokpa abo, ea lese abi o li kia.

### IPita o nu eni e migha a fe ngme

<sup>11</sup> Abi oni omose o li mu iPita ali iJoni mhue egbo, oshabo o sha eni ebubu egbo, e kpikpi fie deba we ya lo arakpha ni a lu Arakpha oyi iSolomoni ni o la oni Owa Oyi Eshinegba. <sup>12</sup> Abi iPita o ro me abi eni egbo ee li, oo we. "Ee egbo izireni, elo o ze ni onana o ro ligho ri abo sha e ni a ro lina a bino anye abine khi ekpabo ali ipfuase eyi anye, anye ro roli ze?" <sup>13</sup> Eshinegba oyi Aburaamu, ali Aziki ali iGiekopu, ni o khi Eshinegba oyi itita awa, o she ri ufumhi oyoli na iJesu, Oni oo ga li. Ama eri a rue oli na ena omhese, a kie oli odalo oyi iPaleti abi o tseku mholi oli shi udu khi loli ya rue oli obo-a. <sup>14</sup> A kie iJesu oni o pfuase ali oni o gue e ngeli, a ri ochogho lie iPaleti o rue ogbo ni o gbe ugbeli abo-a na e. <sup>15</sup> Ama a gbe ogbo ni o ri ogbo a je agbo-a. Ama Eshinegba o gbo guise oli le abi o ro ghua. Anye aava anye me oli abi o ro gual, anye ro pfi otsele shi o. <sup>16</sup> Itobo ekpabo ni e la eva oyi iJesu anye ro dobe ri omose ona ni a lese ni a fel ena ze, oni irudunga oyi oni omose loli o ze khi o ga ze pfo nya ni a ga me memena.

<sup>17</sup> "Inyoghuo-mhe, mhi lese khi emini ee ali eni e ralo na e a ri ele iJesu, khi elemhi umhalese a te ri ele we. <sup>18</sup> Ina Esh-

inegba o li ri ungmehi oyoli ya tse, oni o rote eke rote unu oyi emekeguele ngme khi iKirisiti o ya me osoli. <sup>19</sup> A zono khashe Eshinegba khi a pfido, ni a mu pfi deba Eshinegba, ni o shishi olamhe eye e a, Ini a ligho, egheghe iyemhea o ya rote obo oyi Onomhue bhale deba e. <sup>20</sup> Ini oo ghie oni o shobo bhale agbo ghi awa kpa, ikhi iJesu, oni Omiepfuese. <sup>21</sup> IJesu o mema ya kie la obini iloghie ramhi egheghe ni Eshinegba o ro ya mu emhikpa pfi gbo mele enegbo-a, abi Eshinegba o li rote unu oyi emekeguele eni e pfuase oyoli shobo na awa egheghe ni o dose. <sup>22</sup> IMosisi o ngme oli, oo, 'Onomhue Eshinegba oye o ya rote iteva oye mu Omekeguele nabi mheme vule na e. A ya mema ri eshi ingmemhi ni o ya gueye e.\* <sup>23</sup> Oni oa da ri eshi oli o, Eshinegba o ya khi oli egbo oyoli ku-a.†

<sup>24</sup> "Egbebo lo khi emekeguele nya rote iSamue ya je odalo, e kpe ngme emini a ya me egheghe oyawa shi eke. <sup>25</sup> Emimi eni emekeguele enana e ngme, ee o go lu, a li mholi okemhi shi ishobo ni Eshinegba o shi na itita e, ni o la lie Aburaamu, 'Mhi ya rote obo oyi imimi e khi vose na egbo na agbo nya.‡ <sup>26</sup> Abi Eshinegba o ro mu Oni oo ga oyoli vule, O te odode ghie oli ghi e ni o khi vose na e abi o ro mu e nyene lase ingmobe eye e le."

### IPita ali iJoni e migha odalo oyi Enighie shi ezo

**4** Abi iPita ali iJoni e kie nu eni egbo o ngme, eni ee khekhe oni Owa Oyi Eshinegba ali egbo iSadusisi eghuo e bhale deba iPita ali iJoni. <sup>2</sup> Elemhi e bi

<sup>9</sup>3:13 Li ze Okiali 3.15

<sup>10</sup>3:14 Li ze iMat 27.15-23; iMak 15.6-14; iLuk 23.13-23; iJon 19.12-15

\*3:22 Li ze iDeut 18.15,18

†3:23 Li ze iDeut 18.19

‡3:25 Li ze Igbae 22.18

wę itobọ khi eni ighiusomhi na keę eyi iJesu ee sęsę eni ęgbọ khi iJesu ọ rọte eghuli guale. Eri onana guele khi ęgbọ eni e ghu-a khi e gbo ya rọte eva oyi iJesu guale. <sup>3</sup>Ighọ eni ęgbọ e li mu iPita ali iJoni, irari obili o she bi ęlęghọ, e mu wę shi owa ighumha ramhi ogbeakọlọ. <sup>4</sup>Ama ebubu ęgbọ ni e suọ ingme ni iPita ọ ngme e mie iJesu suọ. Emọse ni e ke miesuọ e ya khi ęgbọ agbele ishe.

<sup>5</sup>Ogbeakọlọ, eni ęę mhęsę eyi iJu ali eni egbhali ali esesę Ishi eyi iMosisi eyi ęgbọ iJu e legba iJerusalemu. <sup>6</sup>E ya mę Ọga oyi ekpodalo ugamhi ni a lu Anasi ali iKefasi, ali iJoni ali Alezada ali ena omhue-apfe oyi Ọga oyi eni ęę ralo ugamhi. <sup>7</sup>Ighọ e mu iPita ali iJoni bhale iteva oyewę migha. E mhila wę, “Ekpabọ nabisę ali eva oyoghuo a rọ gbe akanya ona?”

<sup>8</sup>Ighọ iPita ni Ayemhę-no-pfuasę o wọ egbe ọ wę: “Eę enighie eyi ęgbọ ali egbhali, <sup>9</sup>A mhila anye amo akanya onete ni a gbe na oni ọ guoghọ-a ona, ali abi a li rọ ọli toto. <sup>10</sup>Emhi oghuo o la ọ ni anye ya gueye ę ali ęgbọ iZireni nya. Itobọ eva oyi iJesu iKirisiti onge iNazareti, omọse ona ọ rọ migha iteva oyęę ni ọ rọ toto ngmala ena. Lọli ọ khi oni iJesu ni a ta ma apfida, ni Eshinegba ọ rọte eghuli guise le. <sup>11</sup>IJesu khi ọgbọ ni Ebe-no-pfuasę o ngme ni ọọ,<sup>†</sup>

“Echę ni itsọna e kie pfia, o tigbe mele oni echeli ębe ni o mu ęloe nę nya-a.’

<sup>12</sup>Imiepfuese ọa la obọ oyi ọgbọlese, irari khi eva olese ọa la ni Eshinegba ọ rọ na ọgbọkhoghuo elemhi agbọ onana ni awa ya te mhọli imiepfuese.”

<sup>13</sup>Abi eni ęę mhęsę na ęgbọ iJu e rọ mę igbedu ni iPita ali iJoni e mhọli, ni e rọ ya lęsę khi ęgbọ tse ni ęa ye owa ebe e khi, abọ e sha wę, e mę-wę-mę khi

e kpe nu iJesu u kia. <sup>14</sup>Ama, abi e rọ mę omọse ni a rọ ze khi ọ nu wę migha aghọ, ęa ke mhue abi e ya ngme. <sup>15</sup>E gueye wę e vu wewę iteva lase ne, ighọ e li nu egbewę ye ochi. <sup>16</sup>Eę, “Sę awa ya li eni emọse ena?” Egbokpa ni e la iJerusalemu e she lęsę ikanya onyaloa ni e gbe, ọa zę awa ya tia. <sup>17</sup>Ini ingme ona o khi gbeke-a, awa mema tse agua ye wę e khi gbo gbudu ri eva oyi iJesu nu ọgbọkhoghuo ngme.

<sup>18</sup>Ighọ e lu iPita ali iJoni nyenę egbe bhale elemhi oni owa ugamhi, e gueye wę e khi mę emini o rę wę gbo gbudu ri eva oyi iJesu nu ọgbọkhoghuo ngme wękhi irọli sęsę. <sup>19</sup>Ama iPita ali iJoni ęę wę, “Eę a sọ ọ ghue, ini o ya ti Eshinegba ęloe, ini ęę o fe ti ni anye suọ esọ na, ocho ni anye kha rọ suọ esọ na Eshinegba. <sup>20</sup>Irari khi aa tigbe ya mę khi anye ęa ya gueye ęgbọ emini anye mę ni anye suọ.” <sup>21</sup>Abi e rọ nyamhise wę alo se, e zewę obọ vu. E mę khi ęa zę wę ya nasę itobọ khi ęgbọ ni e la aghọ nya ee kueghię Eshinegba shi itobọ omọse ni ọa kpe dobe ę kia ni e rọ ze. <sup>22</sup>Irari khi oni omọse ni a ri akanya onyaloa rọ ze ọ doşę ikpe egbhueva.

### Olema ni igbaa eni e mie iKirisiti suọ e lema shi igbedu

<sup>23</sup>Abi a rọ rue iPita ali iJoni abọ-a, e lę deba apfewę. E gueye wę abi ighie eyi ekpodalo-ugamhi ali egbhali e ngme ewę. <sup>24</sup>Abi e rọ suọ ona, e ku unu a nyogho lema Eshinegba, eę, “Onomhue, yeyę u ma ekę ali ukhuli ali okę oniemihi ali emini e la elemhi wę nya.<sup>§</sup> <sup>25</sup>Yeyę u ri Ayemhę-no-pfuasę rọte unu oyi oghie iDefidi ita anye ni ọ khi oni ọọ ga oyę lię,  
“Elọ o zę ni ishishi ęgbọ e rọ ọ nyaghu

<sup>†</sup>4:11 Li zę *Iwolo 118.22*

<sup>§</sup>4:24 Li zę *Okiali 20.11; iNee 9.6; Iwolo 146.6*



ni egbo e ro o domhi mhe shi afue?

<sup>26</sup>Ni ighie ni e la agbo e ro mu egbe shi okhōli, egbo eni e e mhesē e tigbili ni e ro mu okhōli vule shi Eshinegba Onomhue o, ali iKirisiti ni o she ze.<sup>\*\*</sup>

<sup>27</sup>Esheshi gho Erodu ali iPotiusi iPaleti e ya nu egbo iJeta ali egbo iZireni lona kugbe elemhi oni eoli ona. E gba kugbe, e gbe iJesu oni o o ga oye-a, oni u ze.<sup>††</sup> <sup>28</sup>E riēle emini u ri ekpabo ali oghuemhe oye gba shi eke khi a ya me. <sup>29</sup>Ama memena, Onomhue, bino abi e lie domhi, ni u ri ekpabo na anye eni e e ga eye, ni anye gbe udu ke ngme ungmehi oye. <sup>30</sup>Nise obo-a ri egbo ke ze, u gbolo e gbe olele onyaloa ali oshabo rote eva oyi iJesu Oni o o ga ni o pfuase oye.”

<sup>31</sup>Abi e ro lema se, elemhi owa ni e la oo jighise, Ayemhe-no-pfuase o tiemhie shi we o, o ri igbedu na we e ngme ungmehi oyi Eshinegba.

### Igbaa oyi eni e mie iJesu iKirisiti suo ee kemhi itsua na egbe

<sup>32</sup>Igbaa oyi eni e mie iJesu iKirisiti suo e mhōli udu ali usamhi oghuo. Ongewe o a ke lie khi eri lohōli emhikhoghūo o soto oyele, ama eri e ku emhikpa gbe ke mhōli.<sup>‡‡</sup> <sup>33</sup>Eni ighiusomhi na ke e ri ekpabo o pfi otele je odalo shi ungmehi irote-eghuli guale oyi iJesu Onomhue. Egbo nya e mu ekpe e na we. <sup>34-35</sup>Aa me ongewe ni emhikhoghūo o to. Irari khi eghēghē kpa, eni e mhōli eke ali apfe e ro rewe e de, e rue eni ikpagho ni e re we de bhale ufuege oyi ighiusomhi na ke. E kemhi we na ogbogbo abi o li to oli.

<sup>36</sup>Igho iJosefu ni o khi unuekpe oyi iLiva, ni a bia shi eke iSapurosi. IBanabasi, eni ighiusomhi na ke ee lu oli. Emi a ri eva ona ngme khi Orudushi-egbo o. <sup>37</sup>IBanabasi o ri eke ni o mhōli de, o rue eni ikpagho ni o roli de bhale ya shi ufuege oyi ighiusomhi na ke.

### Ananayasi ali iSafira

**5** Omose oghuo o la o ni a lu Ananayasi ali ughue oli iSafira, e ku abo gbe ri eke oyewe de. <sup>2</sup>O te eni ikpagho ni o ri oni eke de rue sheli na egboli, ughue o lama shi oli o. O tsua ikhukhui eni ikpagho ghi ighiusomhi na ke.

<sup>3</sup>Igho iPita oo, “Ananayasi, elo o ze ni u ro ze ni okphaghie o lo e udu, ni u ro lo egbhōli khasē Ayemhe-no-pfuase, ni u ro rote eni ikpagho ni u ri oni eke de rue shi na egbe e? <sup>4</sup>Oa khi oye oni eke o khi neni u roli de? Abi u ro roli de se, eni ikpagho ea kie khili eye? Elo o re e sa usamhi onana? Oa khi ogbo u lo egbhōli khasē ama Eshinegba!”

<sup>5</sup>Abi Ananayasi o ro suo ungmehi ona se, o de eke, o ghua. Ulishi oniēmi o ku rughu egbo kpa ni e suo emini a me. <sup>6</sup>Igho iZe e rote iteva oyewe fie lasele ya ri ide khuli olimhi oyoli, e tsua li fie je olase ya ro to.

<sup>7</sup>Iwakati ese e lese na dose te, ughue oli o lole, oa lese emini a me. <sup>8</sup>IPita o mhila li, oo, “Gueye mhe ghue, ingme ni yeye ali Ananayasi odoe a ri oni eke de na?”

Oo li, “Ii.” “Igho anye ri oni eke de.”

<sup>9</sup>IPita oo, “Se ee ava-ava a li yemhe shi oghuo ni a mhesē Ayemhe-no-pfuase bino? Emose ni e tsua odoe ya to lena e la ode kia bhale. Wewe e gbo li tsue ya to!”

\*\* 4:26 Li ze Iwolo 2.1-2

†† 4:27 Li ze iMat 27.1-2; iMak 15.1; iLuk 23.1,7-11; iJon 18.28-29

‡‡ 4:32 Li ze Ika 2.44-45

<sup>10</sup> Utoghuokpe o de eke, o ghua. Eni emose e bhale, e ya e khi o she ghua, igho e tsua li ya to mama odoli. <sup>11</sup> Ulishi oniemhi o mu igbaa oyi eni e mie iJesu iKirisiti suo nya ni e suo emini a me.

### **Eni Ighiusomhi na ke e ri eni ee ghua ebubu ze**

<sup>12</sup> Eni ighiusomhi na ke e gbe ebubu oledle onyaloa ali oshabo ododa iteva oyi eni egbo. Igbaa oyi eni e mie iJesu iKirisiti suo e lona Arakpha oyi iSolomoni na elemhi Owa Oyi Eshinegba elemhi ikudugbe. <sup>13</sup> Ogbokehoghuo o gbudu kugbe we o aboriekhia khi egbo nya e ri ekpe na we. <sup>14</sup> Abi o rie khi igho, eri ebubu emose ali ikpotso elese e mie Onomhue suo, a ku we ma igbaa oyi eni e mie iJesu iKirisiti suo. <sup>15</sup> Irari ikanya onyaloa ni ighiusomhi na ke e gbe, egbo e tsua egbo ni ea ze bhale ode ifu apfe rewe yeshi ukpho ali iya, ini akphakpha oyi iPita oo nga we egbe ini odo. <sup>16</sup> Olele egbo e rote eoli ni e la gasa iJerusalemu bhale. E tsua egbo ni ea ze ali eni e mholi ayemhe okphaghie bhale, igho a ri wewe nya ze.

### **A mu okholi vule shi Ighiusomhi na ke o**

<sup>17</sup> Oga oyi ekpodalo ugamhi ali apfoli ni e ga ro la otu oghuo ni a lu otu iSadusisi, e kpe ofuma a deba ighiusomhi na ke. <sup>18</sup> E muno eni ighiusomhi na ke ku lo owa ighumha. <sup>19</sup> Ama eliyose, agheni o khueghie ode oyi oni owa ighumha-a na we, o rue we ya lase. <sup>20</sup> Oo we, "A ke vu, a je elemhi ogba na Owa Oyi Eshinegba ya migha ni a gueye egbo usomhi onete oyi agbo onogbo ona."

<sup>21</sup> Abi ogbe o ro gbe-a, eni ighiusomhi na ke e dose lo Owa oyi Eshinegba, ee sese. Abi Oga oyi ekpodalo ugamhi ali apfoli ni e ro ga la otu oghuo e ro

bhale, e lu ilegba oyi eni egbhali eyi egbo iZireni (ni a lu iSaediri), igho e lu eni e ri eloe e khu owa ighumha e ka wolo eni ighiusomhi na ke igha ghi ewe. <sup>22</sup> Ama abi e ro ramhi agho, e bhale ya e khi eni ighiusomhi na ke ea la oni owa ighumha, igho e nyene egbe je ya gueye eni e ghie we. <sup>23</sup> E li, "Anye bhale ya e khi a so okpe owa ighumha gba-i! Khi ekhekhe e migha unu ode. Ama abi anye ro khueghie eni ode-a lo elemhi agho, anye ea me ogbokehoghuo elemhi agho." <sup>24</sup> Abi e ro suo ona, abo e sha oghie oyi eni e khe ekhe Owa Oyi Eshinegba, ali ighie eyi ekpodalo-ugamhi, itobo khi ea dobe lese udi emini a me ena idiegbe oyi ighiusomhi na ke. Oni ingme o ze we sa.

<sup>25</sup> Igho emose oghuo o bhale we iteva, oo we, "A bino! Egbo ni a mu shi owa ighumha e la Owa Oyi Eshinegba a sese egbo!" <sup>26</sup> Igho eni e khe ekhe e vu ya mu eni ighiusomhi na ke. Ea ri itoto rielle oli itobo khi ulishi eni egbo o mu we ini e ya tono we eche.

<sup>27</sup> E muno eni ighiusomhi na ke bhale ya migha agbala, oni oghie oyi ekpodalo-ugamhi eyi Eshinegba o mhila we ogbo. <sup>28</sup> "Anye tse agua gueye e aa khi ke ri eva ona sese egbo. Ama a kiele e sese egbo, osese oyee o gbhiaku eke iJerusalemu nya. A yese ni egbo e ya ke dabi khi anye gbe iJesu-a!"<sup>¶¶</sup>

<sup>29</sup> IPita ali ighiusomhi na ke eni e kpole e we, "Anye mema ya ri oyi Eshinegba gbe dose oyi egbo." <sup>30</sup> Eshinegba oyi itawa o rote eghuli guise iJesu le, oni a soli-a shi oora gbe-a. <sup>31</sup> Eshinegba o she yase oli nga obita ni o pfuase oyoli abi Omi Oghie ali Omiepfuese, ni oo ri eghenge na iZireni gbo mholi imupfi ali igbekua shi olamhe. <sup>32</sup> Anye khi otsele shi eni ingme ena nya, igho li khi Ayemhe-no-pfuase, ni o khi isomhopfa

<sup>¶¶</sup>5:28 Li ze iMat 27.25

ni Eshinegba o rona eni e suo eso na li. <sup>33</sup> Abi e ro suo ona, e pfaa, e nono abi e li ya gbolo we-a. <sup>34</sup> Ama iGamalię ni o khi otu iFarisi ni o sęse Ishi eyi iMosisi, ni o khi oni egbo e ri ekpe e na, o vule migha elemhi oni igbaa oyi eni egbhali, o a wolọ we fię ne ukuku egheghe. <sup>35</sup> Igho o wę, “Eę emose iZireni a kuegbe-a sa emini a nono khi a ya riele eni emose ena. <sup>36</sup> Egheghe ni o dose, omose oghuo ni a lu iTeudasi o lasele, o lu egboli emhi, egbo egbhueshe asha ene e kpikpi deba li. Abi a ro gbe oli-a, egbo eyoli e gbhiaku-a, oni okiali oyoli o mele afue-a. <sup>37</sup> IJudasi ongi iGalili o gbo lasele egheghe ni a ro leli egbo, loli ali egbo eyoli e pfi onyaghu. Abi a ro gbe oli a egbo eyoli e gbhiaku-a. <sup>38</sup> Irarigho, mhi ye e ude shi idiegbe oyi egbo ena, a ze we obọ! Ze we obọ ni e vu! Ini emini e ro bhale khi obọ oyi ogbo o te bhale, e ya de. <sup>39</sup> Ama ini o khi obọ oyi Eshinegba o te bhale, aa ya tigbe dobe mu we gba, ama khi Eshinegba a nu e kholi.”

<sup>40</sup> Oni ungmehi ni o ngme o lo we udu. E lu eni ighiusomhi na keę lasele, e gbe we itali, e gueye we e khi ke ngme ingme oyi iJesu, e ze we obọ vu. <sup>41</sup> Eni ighiusomhi na keę e rote agho vu, ee ghele khi wewe e li te o na ri omama a mu shi eva oyi iJesu. <sup>42</sup> E a tigbe yemhe-a, ogbele kpa e ro o sęse, ni e gbo ro o tse abo usomhi onete khi iJesu o khi Omiepfuese, elemhi ogba na Owa oyi Eshinegba ali rote owa ya je owa.

### Emose oshilua ni a ze

**6** Egheghe ni a ngme ena khi igbaa oyi eni e mie iJesu iKirisiti suo khi ee ke bu shi o, egbo iJu eni ee ngme elemhi iGiriki elemhi we, ee wolọ khi egbo iJu eni eę ngme elemhi Iburu, e ri ukpeloe e gbe esamhi-olimhi eyi wewe ini eę kemhi eminale ogbele kpa. <sup>2</sup> Igho ighiusomhi ogbava e luno igbaa oyi eni e mie iJesu iKirisiti suo nya kugbe, eę

we, “Oa ti ni anye pfi akanya itsabo ungmehi oyi Eshinegba shi eke, ni anye so alo ghue eminale ikemhi. <sup>3</sup> A ze emose oshilua elemhi iteva oye e, ni a lese khi e mholi Ayemhe-no-pfuase ali ileasingme. Ni awa ri akanya ireloe-khu ingme eminale ali itsua ikemhi na we. <sup>4</sup> Ishegho, ni anye me asha ri eloe shi iromhi isoso ali itsabo usomhi onete.”

<sup>5</sup> Oni akhokhomhe ona o ga ghole egbo kpa ni e le gba. E ze iSitivini ni o mholi irudunga ali Ayemhe-no-pfuase, ali iFilipu, ali iPirokorusi, ali iNikano, ali iTimoni, ali iPamenasi, ali iNikolasi ni o khi ongi Atioki ni a mu pfi je irudunga oyi egbo iJu. <sup>6</sup> E ri egbo ena khasę eni ighiusomhi na keę, eni ighiusomhi na keę e ri abo nga we ukhomhi lema na.

<sup>7</sup> Igho ungmehi oyi Eshinegba oo ge shi o. Igbaa oyi eni e mie iJesu iKirisiti suo e bu shi o elemhi iJerusalemu. Ebubu ekpodalo-ugamhi eyi Eshinegba e lama shi oni irudunga.

### A mu iSitivini

<sup>8</sup> iSitivini, omose ni Eshinegba o khivose na, o mholi ekpabo oyi Eshinegba ro gbe ikanya onyaloa ali oshabo iteva oyi egbo. <sup>9</sup> Ama egbo eghuo ni e khi igbhoghbo na owa ugamhi oyi eni e kpe khi ighumha, e nu iSitivini i khako. IJu eni egbo ena e khi ni e rote eke iSairini, ali Alezadira bhale ali eni e rote eke iSilisha ali Esha bhale, ni e ke ngeli iJerusalemu. <sup>10</sup> Ama e a dobe nu ileasingme ali Ayemhe ni o ro o ngme khe abo.

<sup>11</sup> Igho e bena tano shi egbo eghuo elemhi, e lie, “Anye suo abi iSitivini o ro pfi unu-a deba iMosisi ali Eshinegba.”

<sup>12</sup> Igho e ngmiasę eni egbo ali eni egbhali ali eni e sęse Ishi eyi iMosisi. E mu iSitivini bhale ilegba oyi eni eę mhese ali esę-ęzo eyi egbo iJu ni a lu iSaediri. <sup>13</sup> E wolọ egbo lasele ni e pfi otsele egbholi khi, “Omose ona oa tigbe yemhe-a

ingme-ingmemhi ipfiunu-a ni o ngme e deba Owa Oyi Eshinegba no pfuase ali ushi. <sup>14</sup> Irari khi anye suo khi o o li khi iJesu onge iNazareti ona, o ya guogho Owa oyi Eshinegba oyi egbo iJu-a, o ya gbo mu ighuighue ni iMosisi o ro shi eke na anye pfi.”

<sup>15</sup> Egbo ni e la oni ilegba nya ee bino iSitivini, e me khi alo eyoli e ge nyanyanya abi alo eyi a geni.

### Ungmemhi ni iSitivini o ngme

**7** Igho Oga oyi ekpodalo ugamhi o mhila li, o o li, “Igesikia ingme ni a gue shi e egbe ena e khi?”

<sup>2</sup> ISitivini o o li, “Inyoghuo ali ita ni e le gba, a ri eso shi mhe eke! Eshinegba ni o mholi ufumhi, o ri egbe khashe ita awa Aburaamu abi o ro kie la eke iMe-sopotemia, neni o tigbe je eoli Arani ya la. <sup>3</sup> Eshinegba o o li, ‘Lase eke ali iteva oyi egbo eye le, ke je eke ni mhi ya rokhashe e.’<sup>§§</sup>

<sup>4</sup> “Igho o rote oni eke iKadia vu ya la eoli Arani. Abi itali o ro ghu-a se, Eshinegba o ghie oli je eke ni a ngeli ogbe namo.\* <sup>5</sup> Oa ri ugu okhoghuo akana na li, wekhi ukuku eke okhoghuo o khi na li. Ama khi Eshinegba o she kpe shobo na li khi loli ali imimi oli, e ya le ugu oni eke, abi o ro tseku khia khi egheghe agho Aburaamu oa bia omo okhoghuo ne.<sup>†</sup> <sup>6</sup> Ina Eshinegba o li nu oli ngme. ‘Imimie e ya khi epfese shi eke ni oa

khi oyewe, e ya khi ighumha, a nase we elemhi ikpe egbhuеше asha ene. <sup>7</sup> Eshinegba o o, ama mhi ya nase ushishi ni e ya muno we ighumha. Ini mhi nase we na we se, e ya rote ushishi ogho lasela bhale eke ona ya ngeli, e gbo la akana a ga mhe.<sup>‡¶</sup> <sup>8</sup> Igho Eshinegba o nu Aburaamu shobo ishele-a ni o ya khi irokhase khi ogbo o mhue obo shi oni ishobo. Igho Aburaamu o bia Aziki, o shele oli-a abi o ro gbe ogbele elele. Igho Aziki o gbo li khi ita iGiekopu, iGiekopu o gbo li khi ita emose ogbava ni e khi ititawa.<sup>§</sup>

<sup>9</sup> “Itobo khi eni imi iGiekopu ee do iJosefu okonyo, e roli de abi oghumha ya je eke iJipiti. Ama Eshinegba o nu oli la.<sup>\*\*</sup> <sup>10</sup> O tsumhi oli obo ikphakphamhe nya. O ri ilesingme na iJosefu, o gbo kpaghie oli obo ni ingme oyoli o ro ghole iFero ni o khi oghie oyi eke iJipiti. Igho oni oghie o roli leghie ukhomhi iJipiti ali agbala oyoli nya.<sup>††</sup>

<sup>11</sup> “Igho okiamhi oniemhi o la eke iJipiti ali iKena a pfi ni o pfi osoli oniemhi na ititawa ni ea ke ro me eminale e le.<sup>‡‡</sup> <sup>12</sup> Abi iGiekopu o ro suo khi eminale e kpoku shi eke iJipiti, o ghie imioli ni e khi ititawa je oobo ya bino odode. <sup>13</sup> Utonuzeva ni e ke ye, oni iJosefu o gueye inyoghuo oli oni loli khi, agho iFero o la lese egbo eyi iJosefu.<sup>¶¶</sup> <sup>14</sup> Igho iJosefu o ghie ya rue itali iGiekopu ali egbo eyoli nya ni e kugbe khi oshe ea

§§7:3 Li ze Igbae 12.1

\*7:4 Li ze Igbae 11.31; 12.4

†7:5 Li ze Igbae 12.7; 13.15; 15.18; 17.8

‡7:7 Li ze Igbae 15.13; Okiali 3.12

¶7:7 Li ze Igbae 15.13-14

§7:8 Li ze Igbae 17.10-14; 21.2-4; 25.26; 29.31—35.18

\*\*7:9 Li ze Igbae 37.11,28; 39.2,21

††7:10 Li ze Igbae 41.39-41

‡‡7:11 Li ze Igbae 42.1-2

¶¶7:13 Li ze Igbae 45.1,16

la egbhuene.<sup>§§</sup> <sup>15</sup> Igho iGiekopu o je eke iJipiti, ashini lolli ali ititawa e ghu-a shi.\*

<sup>16</sup> A tsua ilimhi eyewe nyene egbe je iShekemu ya ro to uji ni Aburaamu o ri ikpagho nu unuekpe oyi Amoni de.†

<sup>17</sup> “Abi oni egheghe o ro ti ramhi ni Eshinegba o ro ya ri ishobo oyoli tse na Aburaamu, egbo eyawa ni e la iJipiti e lolo bu shi o. <sup>18</sup> Igho oghie olese ni oalese emhikhoghuo ingme oyi iJosefu o ke la ukpekhomhi shi eke iJipiti.‡ <sup>19</sup> Oo na egbo eyawa osoli obe, o jili ititawa, o ri itoto lie we, e pfino imiwe kua ni eni eniye e ba ghuloo.¶

<sup>20</sup> “Oni egheghe a ro bia iMosisi, ni oalese khi omo na tse. A la owa oyi itali kuele o li iki ese.§ <sup>21</sup> Abi ee ke ro dobe roli sheli, e rue o li ya shi epfe oke. Omi iFero ni okpotso o me o li rue, o kuele o li abi omi o li.\*\* <sup>22</sup> I Mosisi o wena owena ali ileasingme oyi iJipiti, ekpabo o la emue oyoli ali emini oo riefe.

<sup>23</sup> “Abi iMosisi o ro gbe ikpe egbhuewa, o mholi shi udu khi lolli le ya bino egbo eyoli ni e khili egbo iZireni. <sup>24</sup> Igho o me khi ongi iJipiti oo nase ongi iZireni. Igho o li ye odose, o gbe ongi iJipiti-a. <sup>25</sup> Eri iMosisi o dabi khi egbo eyelu e ya me o li me khi eri Eshinegba o re lue e tsumhi egbo eyoli, ama ea ligho me o li me. <sup>26</sup> Ogbekolo khi iMosisi o bhale ya e khi egbo iZireni aava e nu egbewe e kholi, oo nono ni lolli rewe riefe. Oo we,

‘Elo o ze ni ee ni a gbo li khi inyoghuo egbe a ro nu egbe e a kholi?’

<sup>27</sup> “Ama oni oalese ni o la o o ghi iMosisi abo pfia, oo li, ‘Oghuo o re khi oni oo mhese na anye ali oni oo so ezo na anye?’ <sup>28</sup> Eri u wa nono ni u li gbe mhese a abi u li gbe ongi iJipiti a oode?’ <sup>29</sup> Abi iMosisi o ro suo ona, o na pfia je eke oyi iMidiani ya la abi ofese, o bia eniye aava shi agho.†††

<sup>30</sup> “Ikpe egbhuewa e dose se, a geni o ri egbe khase iMosisi elemhi elemhi erali ni oo to ukhomhi ebuli. <sup>31</sup> I Mosisi o me o li, o sha li abo. Oo le ni o ya bino, uruli oyi Onomhue o lu o li, oo li, <sup>32</sup> ‘Mhemhe mhi khi Eshinegba oyi itita e, Eshinegba oyi Aburaamu ali oyi Aziki, ali oyi iGiekopu.’ I Mosisi oo guo elemhi ulishi, oalese ke gbudu bino oobo.

<sup>33</sup> “Onomhue oo li, ‘Gueghie eku ni u so, eke ni o pfaase u migha. <sup>34</sup> Mhi she me ajilimhe ni egbo eyemhe ni e la iJipiti e me memena. Mhi she suo ekperumhe oyewe, mhi she bhale ya mie we pfuese. Bhale memena khi mhi ya ghie e nyene egbe je eke iJipiti.’¶¶

<sup>35</sup> “Oni iMosisi ona egbo eyoli e ke ekpe kie, ni ee o li, ‘Oghuo o re khi oni o mhese e na anye ali oni oo so ezo oyi anye?’ Eshinegba lolighuo o ri a geni ni o ri egbe khase o li elemhi elemhi erali ni e to ghie iMosisi o ka khi oni oo mhese ali omiepfuese oyewe.§§ <sup>36</sup> Lolli o rewe ya fie lase eke iJipiti, o la eke iJipiti ali

§§7:14 Li ze Igbae 45.9-10,17-18; 46.27

\*7:15 Li ze Igbae 46.1-7; 49.33

†7:16 Li ze Igbae 23.3-16; 33.19; 50.7-13; iJosh 24.32

‡7:18 Li ze Okiali 1.7-8

¶7:19 Li ze Okiali 1.10-11,22

§7:20 Li ze Okiali 2.2

\*\*7:21 Li ze Okiali 2.3-10

††7:29 Li ze Okiali 18.3-4

‡‡7:29 Li ze Okiali 2.11-15

¶¶7:34 Li ze Okiali 3.1-10

§§7:35 Li ze Okiali 2.14

obini Okẹ Ifulo ali udu oyemhi elemhi ikpe egbhueva gbe akanya onyaloa ali irokhasẹ.\*

<sup>37</sup>“IMosisi lolighuo oọ egbo iZireni, ‘Eshinegba o ya rote elemhi e ghie omekeguele onabi mhemhe ghi e.’† <sup>38</sup>O la iteva ebubu egbo elemhi udu oyemhi, li shi ageni ni o ke nu oli ngme ukhomhi ute iSinai, li she ititawa, o mie ungememhi ni o ri agbo o na ogbo, o rue oli na awa.‡

<sup>39</sup>“Ama eni ititawa ẹa nono ni wewe e suọ esọ na li, eri e kie iMosisi, e ri udu oyewe nyene egbe ukhokho je eke iJipiti. <sup>40</sup>Eẹ Eroni, ‘Mama ikhumhi na anye ni e ya ri anye ke kia, irari khi anye ẹa lese abi iMosisi ni o rue anye te iJipiti lasese o ke li kia.’¶ <sup>41</sup>Oni eghẹghẹ eni egbo e ro mama ikhumhi ni o li abi ozele ena, ee luase oli, e ghele shi oni ikhumhi ni e ri abo eyewe mama.§ <sup>42</sup>Igho Eshinegba o so ukhokho gbe we, o ze ni e ga ovo, ali uki, ali ikpetata abi a li keke oli shi ebe emekeguele, ni oọ:

“Eẹ egbo iZireni,  
abi a ro la udu oyemhi  
ikpe egbhueva a luasobo,  
mhemhe a ri iluasobo na?

<sup>43</sup>A yase okula oyi  
ikhumhi iMoleki  
ali ukpetata oyi iRefani,  
ni e khi ikhumhi ni  
a ri abo mama ni a ga.

Irarigho, mhi ya ri egbo bhale ya mu e okhọli vu,  
e tsua e dose obini eke iBabilo.\*\*

<sup>44</sup>“Ititawa e mhọli igholo oyi otsele obini elemhi udu oyemhi. Abi Eshinegba o li khokho li ye iMosisi, igho o li ri ele oli.†† <sup>45</sup>Abi e ro le oni igholo ugu se, iJoshua o tsua li ma egbe bhale eke oyi ishishi ni Eshinegba o khu kua na we. O nu we la ramhi eghẹghẹ oyi iDefidi.‡‡ <sup>46</sup>IDefidi ni Eshinegba o ri afu na o mhila li ini lolu to owa na Eshinegba oyi iGiekopu¶¶ <sup>47</sup>Ama iSolomoni o to owa na Eshinegba.§§

<sup>48</sup>“Abibi o ririle li, a lese khi Eshinegba no Yagha ne Nya ọa ya la owa ni egbo e ri abo to. Lolu o ze khi Azaya omekeguele o guele khi.

<sup>49</sup>“Eshinegba oọ, ‘Iloghie o khi ukpekhomhi ni mhia shito.

Eke agbo o khi  
akphawe-nga oyemhe.

Owa nabise ee egbo  
a ya tigbe to na mhe?

Asha no ghuo o ya gua mhe la?

<sup>50</sup>Oa khi mhemhe-ghuo  
mhi ma eni emhi ena nya?\*

<sup>51</sup>“Eẹ egbo usueso-akhue ni e zese udu oyewe-a khali igba zuse esọ. A li abi itita e, ni e kie Ayemhe-no-pfuase.† <sup>52</sup>A famhi me omekeguele okhoghuo ni itita e ẹa mu okhọli vule shi o? Eri e gbo gbolo eghuo-a, ni e me eke guele khi,

\*7:36 Li ze Okiali 7.5; 14.21; iNoba 14.33

†7:37 Li ze iDeut 18.15,18

‡7:38 Li ze Okiali 19.1—20.17; iDeut 5.1-33

¶7:40 Li ze Okiali 32.1

§7:41 Li ze Okiali 32.2-6

\*\*7:43 Li ze Emo 5.25-27

††7:44 Li ze Okiali 25.9,40

‡‡7:45 Li ze iJosh 3.14-17

¶¶7:46 Li ze 2 iSam 7.1-16; 1 Okhe 17.1-14

§§7:47 Li ze 1 Ighie 6.1-38; 2 Okhe 3.1-17

\*7:50 Li ze Aza 66.1-2

†7:51 Li ze Aza 63.10

Oni ọọ suọ esọ na Eshinegba ọ ya bhale. Memena ẹẹ a she rọ oni iKirisiti ọna de, a gbe ọli-a. <sup>53</sup> Ẹẹ ni a rọte obo oyi aḡeni ni Eshinegba ọ ghie mie ishi, ẹẹ ́́a kie gbo ri eni ishi gbe akanya.”

### A tono iSitivini eche

<sup>54</sup> Abi eni igbaa eyi iSahediri e rọ suọ ingmemhi ena, e pfaa na li ramhi ni e rọ gbe akọ akọ. <sup>55</sup> Ama iSitivini ni ọ mhọli Ayemhe-ṅo-pfuase ọ yase alo idane, ighọ ọ me ugemhi oyi ufumhi oyi Eshinegba, ali iJesu khi ọ migha obita oyi Eshinegba. <sup>56</sup> Ighọ iSitivini ọọ, “Mhi me khi iloghie o khueghie-a, mhi gbo me iJesu oni Omi Ogbọ khi ọ migha obita oyi Eshinegba.”

<sup>57</sup> Abi eni igbaa eyi eni iSahediri e rọ suọ ona, e ri abọ khukhu esọ. Ẹ tseṣe leghe, e ve rughu ọli. <sup>58</sup> E tialọ ọli fie ifuapfe je ukhokho oni ẹoli, ee tono ọli eche. Eni ee tono ọli eche e gueghie itsua ni e sọ na omose oghuo ni a lu iSolu mhue. <sup>59</sup> Abi e rọ ọ tono iSitivini eche, ọ sọ iromhi, ọọ, “iJesu Onomhue, kpekepe kpe abọ mie ayemhe oyemhe.” <sup>60</sup> Ọ de wugha, ọ tseṣe, ọọ li, “Onomhue, kpekepe khi ri olamhe ona mu ota sọ we.” Abi ọ rọ ngme ona se, ọ ghua.

**8**<sup>1-2</sup> Ighọ iSolu ọ migha we ukhokho shi igbe-a oyi iSitivini. Abi iSitivini ọ rọ ghu-a se, egbo eghuo ni e mhọli ulishi oyi Eshinegba e ya rọli tọ. E vie vie ọyọli egbegbo.

### Igbaa oyi eni e mie iJesu iKirisiti suọ e gbhiaku-a irari ajilimhe

Elegho ukpokpomhi ajilimhe o laseli shi igbaa oyi eni e mie iJesu iKirisiti suọ ni e la eke iJerusalemu ọ. Eni ighiusomhi na kee egho e miatse ku eke iJudia ali iSameria. <sup>3</sup> Ama iSolu ọ roshaka a yese igbaa oyi eni e mie iJesu iKirisiti suọ

a. Ọ kia owa khi owa muno we shi owa ighumha, ghe emose, ghe ikpotso.<sup>‡</sup>

### Abi iFilipu ọ rọ la iSameria

<sup>4</sup> Igbaa oyi eni e mie iJesu iKirisiti suọ egho ni e kia miatse ku, e kia a gue ungmehi oyi iJesu le asha ni e ramhi kpa. <sup>5</sup> iFilipu o je eke iSameria. Ọ la oobo ọ gueye egbo khi iJesu ọ khi iKirisiti ni a shobo. <sup>6</sup> Abi ebubu egbo e rọ me ikanya oshabo ni iFilipu ọ gbe, e nyanya mie shi emini ọ ngme. <sup>7</sup> iFilipu ọ kha da lema na eni e mhọli ogbho ne, eni egbo e kpa oni ogbho pfa. Ebubu eni e guogho-a ali eni e ghua e toto nya. <sup>8</sup> Ukpokpomhi oghelọ o la oni ẹoli ogho.

### ISamọ ni ọọ li obo

<sup>9</sup> Omose oghuo ọ laọ ni a lu iSamọ. Egbegbi obo ọ la iSameria e li. Ọ kia ri obo ni ọ li tono obo udu. <sup>10</sup> Egbo nya e ri ekpe e na li. Egbo ododa ee lie li, “Omose ọna Eshinegba ọ ri ekpabo nali a gbe ikanya.” E lu ọli ekpabo ni o fu. <sup>11</sup> Ingme ni ọ ngme kpa, e rọ ọ shi itobo oshabo ni ọ ri ogbho oyọli i gbe ni o she tse. <sup>12</sup> Ama iFilipu ọ gueye we ingme oyi Eghiele oyi Eshinegba ali iJesu iKirisiti, e mie shio. Ọ batazi we, ghe ikpotso ghe emose. <sup>13</sup> ISamọ ọ li miesuọ, iFilipu ọ li batazi ọli. Ọ deba iFilipu u kikia irari ikanya onyaloa ali oshabo nefunẹ ni ọ me khi iFilipu ọ gbe.

<sup>14</sup> Abi ighiusomhi na kee ni e la iJerusalemu e rọ suọ khi egbo iSameria e mie ungmehi oyi Eshinegba suọ, e ghie iPita ali iJoni ghi we. <sup>15</sup> Abi iPita ali iJoni e rọ ramhi iSameria, e sọ iromhi na eni e miesuọ ni e la oobo Ayemhe-ṅo-pfuase ọ tiemhile shi we egbe. <sup>16</sup> Ayemhe-ṅo-pfuase ọa kie kpe tiemhile shi onge we egbe ne, eri a kpe lese ri eva oyi iJesu Onomhue batazi we. <sup>17</sup> Abi iPita ali iJoni e rọ ri abọ nga we

<sup>‡</sup>8:3 Li ze Ika 22.4-5; 26.9-11

ukhomhi, Ayemhe-no-pfuase o tiemhile shi we egbe.

<sup>18</sup> Abi iSamọ o ro me khi egbo ni eni ighiusomhi na kee e ri abo nga ukhomhi kpa khi e mie Ayemhe-no-pfuase, o nise obo-a ni lolu ri ikpagho na we. <sup>19</sup> Oo we. "A li ri oni itoto na mhe ni mhi ke ri Ayemhe-no-pfuase na ogbo ini mhi da ri obo nga li ukhomhi ne."

<sup>20</sup> Ama iPita oo li, "Yeye ali ikpagho eye a li opfu-a, itobo khi u sa khi u ya dobe ri ikpagho de isomhopfa oyi Eshinegba. <sup>21</sup> Itobo khi u waa mholi obo shi akanya onana, irari khi udu oye oa pfuase deba Eshinegba. <sup>22</sup> Irarigho, mu udu pfi deba Eshinegba. U lema li ni o gbe olamhe kua ne, otse o ya gbe isamhi ebe ni u mholi shi udu kua ne. <sup>23</sup> Itobo khi mhi she me khi wa a kpe ofuma irari akanya ni anye a gbe ali khi olamhe o she de e ighumha."

<sup>24</sup> ISamọ oo we. "A kpekpe a so iromhi na mhe ini emini a ngme ena e khi tse shi mhe egbe ni mhi pfua."

<sup>25</sup> Abi iPita ali iJoni e ro ngme ingmemhi eyi iJesu se, e mu egbe pfi je iJerusalemu, ee gue ungmehi eyi iJesu kiakia elemhi ebubu inuekpe ni e la iSameria.

### **IFilipu o gue ungmehi oyi iJesu ye ongi Etiopia**

<sup>26</sup> Ageni oyi Eshinegba o gueye iFilipu, oo li, "Ke tiemhi ukiekie ogobo ini a so alo ghue obini ovo o te e lo eko je ode odagbe ifufu ni o rote iJerusalemu je iGaza." <sup>27</sup> Igho iFilipu o mu egbe oo le. Abi o li le egbo, lolu ali omose oghuo ongi Etiopia ni o khi owali e ya lona. Omose ona okhemhue o khi ni o ri eloe e khu epfue eyi iKadakhē ni o khi olele oyi oni eke. O rote iJerusalemu ni o je ya ugamhi i jele. <sup>28</sup> Abi o li i je apfe egbo, o nga oko ni ichi e ro o na. Oo ze ebe

ni Azaya omekeguele o keke. <sup>29</sup> Ayemhe-no-pfuase o gueye iFilipu, oo li. "Je oko ogho ni u timama li migha."

<sup>30</sup> Abi iFilipu o ro ramhi agho, o suo khi oni omose oo ze ebe oyi Azaya omekeguele. IFilipu o mhila oni omose. "Ebe ni u wa ze egbo o fe lo e eso?"

<sup>31</sup> Oo iFilipu, "Iye oo. Oa ya ligho lo mhe eso ini ogbo oa li gueye mhe abi o ngme." O iFilipu o nga oni oko le ni o nu lue shito.

<sup>32</sup> Ashini oo ze oni elemhi Ebe-no-pfuase o khi, asha ni oo:

"Eri a mu oli abi omi osumha ni a ya fa uruli.

Ezeze abi omi osumha

ni a ya va kemhi,

ni oa khueghie unu-a.

<sup>33</sup> E ri omama mu oli,

e gbe oli azeba,

e pfa ezọ mu oli a gbe oli-a.

Oghuo o ya mie shi o

khi o ya dobe mholi

akhemhe-ukhokho,

irari khi eri e mie oli agbo?"<sup>f</sup>

<sup>34</sup> Oni omose owali oo iFilipu, "Kpekpe gueye mhe oni omekeguele onana oo ngme, ingme oyi egboli oo ngme abi ingme oyi ogboese?" <sup>35</sup> IFilipu o gueye oli emini oni Ebe-no-pfuase ni oo ze egbo o ngme. O gue ungmehi oyi okhale oyi iJesu ye oli.

<sup>36</sup> Abi e kie li kia le egbo, e me oke. Oni omose owali ogho oo li, "Bino, ghe oke ana, bie batazi mhe." <sup>37</sup> IFilipu oo li, "Ini u mie iJesu suo mhi ya batazi e." Oni omose oo li, "Mhi she miesuo khi iJesu iKirisiti o khi Omi Eshinegba." <sup>38</sup> Igho oni omose oo oni o gua oni oko ogho o mu oli migha. Lolli ali iFilipu e kia tiemhi oni oke, iFilipu o batazi oli. <sup>39</sup> E lese rote oni oke nga egele le, Ayemhe-no-pfuase o kele iFilipu-a je oboese. Oni omose oa ke tigbe me iFilipu, ama oghelē o la li

<sup>f</sup>8:33 Li ze Aza 53.7-8



elemhi i je apfe. <sup>40</sup> Ama iFilipu o me egboli eoli Azotusi. O rote oobō ri oni ungmehi i tse abō kia kia eoli khi eoli ya ramhi ni o rō ramhi eoli iSizeria.

### Imupfi oyi iSolu

(Ika 22.6-16; 26.12-18)

**9** ISolu o kiele tse ekha abi lōli li ya gbolo eni e mie iJesu suo-a. O le deba Okpeda na ekpodalo-ugamhi eyi Eshinegba, <sup>2</sup> O mhila li o ri ebe na luē ghi eni e la owa ugamhi na ekē iDamasikōsi. Ni lōli rō mhōli afu doḅe muno ikpotso ali emōse ni e mie iJesu suo ighumha je obini iJerusalemu. <sup>3</sup> Abi iSolu o li ri okiali ti i ramhi iDamasikōsi, utoghuokpe, ákpá o rote idane mi nga li egbe nyagha. <sup>4</sup> O de ta alo mu ekē. O suo khi ogbō o nu luē ngme, o o li, “ISolu, iSolu, elō o zē ni u rō mu okhōli vule ē shi mhē o?”

<sup>5</sup> ISolu o mhila li, o o, “Onomhūe, oghuo u khi?” Oni uruli o li, “iJesu mhi khi, ni u mu okhōli vule shi o.” <sup>6</sup> “Memena, vule ni u lo elemhi eoli ona. U ya me omose ni o ya gueye emini u mema ya rieḅe.”

<sup>7</sup> Egbō ni e nu iSolu kia e gbe erue unu-a, e ga suo oni ungmehi, ama ea me oni o o ngme. <sup>8</sup> Ikpukhokho o, iSolu o rote ekē vule, abi o rō khueghie alo-a o a ke doḅe e me ekē. Egbō ni e nu o li kia e ke mu o li obō kia lo elemhi iDamasikōsi. <sup>9</sup> Ogbēle ese iSolu o ga zalo shi agho. Oa le eminale wēkhi amē o da.

<sup>10</sup> Omose oghuo ni o miesuo ni a lu Ananayasi, o la elemhi iDamasikōsi. O la imeke, o suo khi Onomhūe o lu luē, “Ananayasi!”

O o li, “Ee o.” <sup>11</sup> Onomhūe o o li, “Ke je owa oyi iJudasi, ni o la oḅe ifuapfe ni a lu Isheshe, ni u ya mhila ogbō oyi ongi iTasōsi ni a lu iSolu, o la agho o so iromhi. <sup>12</sup> Rote elena iSolu o li kpe me irokhase khi omose ni a lu Ananayasi o ri

obō nga luē egbe so iromhi na, alo eyelue e khueghie-a.”

<sup>13</sup> Ananayasi o o Onomhūe, “Mhi she kpe suo eko ebubu eyi omose ona abi o li e nase egbō ni e miesuo, o la iJerusalemu gbolo eghuo-a. <sup>14</sup> Ighie eyi ekpodalo-ugamhi eyi Eshinegba e ri afu na li o ka muno egbō ni e lu eva oye.”

<sup>15</sup> Ama Onomhūe o o Ananayasi, “Ke le, irari khi mhi she ze iSolu ni o tsua ungmehi oyemhe ghi egbō iJeta ali ighie eyewe ali egbō iZireni nya.” <sup>16</sup> Mhi ya rokhase o li khi o mema ya me osoli shi ungmehi oyemhe.

<sup>17</sup> Abi Ananayasi o rō me oni owa, o doḅe lo ya ri obō nga iSolu egbe, o o li, “ISolu inyoghuo-mhe, iJesu Onomhūe ni o lone oḅe abi u rō o bhale oola, lōli o o mhi ka nono e me, ni u gbolo ke me ekē ali ni Ayemhe-no-pfuase o bhale egbe oye.” <sup>18</sup> Utoghuokpe, emini e li abi ipfiapia afele o rote o li ikpamhi alo de pfia, o gbolo o me ekē. O vule migha, Ananayasi o batazi o li. <sup>19</sup> Abi o rō le eminale se, o tigbe mhōli ochi.

### ISolu o ri igbedu u ngme ungmehi oyi Eshinegba

Ebubu ogbele iSolu o nu eni e miesuo la elemhi iDamasikōsi. <sup>20</sup> Eloawe iSolu o la elemhi owa ugamhi gueye egbō khi iJesu Omi Eshinegba o khi. <sup>21</sup> Egbōkpa ni e suo ungmehi oyi iSolu ee mhila, “Oa khi omose onana o o nase eni e miesuo ni e la iJerusalemu? Oa khi eri o bhale ya muno we abi ighumha ghi ighie eyi ekpodalo-ugamhi?” <sup>22</sup> Eshinegba o ri ekpabō na iSolu ni o rō ya ke gue oni ungmehi le. Ama egbō iJu ni e la iDamasikōsi ea doḅe mu iSolu ekhako o le. O sha egbō iJu abō abi e rō me ilisingme ni o rō o guele khi iJesu o khi oni iKirisiti ni a shobō.

<sup>23</sup> Ebubu ogbele iSolu o ga la iDamasikōsi. Egbō iJu e gba abi e li ya gbe o li-a. <sup>24</sup> Ama iSolu o suo khi egbō

ẹ gba abi e li ya gbelue-a. Eri e shito unu ode unuekpe ni a te a lo oni eoli le ni e me asha mu oli. <sup>25</sup> Ama egbo ni e miesuo e pfi uli rote oni ugbe roli shi ughughu bena ya tiemhi oni ugbe eliyose. <sup>8</sup>

<sup>26</sup> Abi iSolu o ro ramhi iJerusalemu, oo dua ni lolu ya kuma egbo ni e miesuo o, ama ulishi oli o mu we. E khokho ini o she mie iJesu suo. <sup>27</sup> Ama iBanabasi o rue oli bhale deba eni ighiusomhi na kee. O gueye we abi iSolu o li me Onomhue ode abi o ro le iDamasikosi ali abi Onomhue o li nu oli ngme. O gbo gueye we abi o li la eke iDamasikosi ri eva oyi iJesu tse abo ni ulishi o li mu oli. <sup>28</sup> Igho ISolu o nu we la iJerusalemu kia kugbe. O ri igbedu ri eva oyi Onomhue e tse abo gboo. <sup>29</sup> Igho o nu egbo iJu ni ee ngme elemhi iGiriki i khako, ama ee dua ni weye e gbe oli-a. <sup>30</sup> Abi eni e miesuo e ro suo ugbamhi ni eni egbo ee gba, e rue oli je eke iSizeria, e te agho rue oli ya je iTasosi.

<sup>31</sup> Igbaa eyi eni e mie iJesu iKirisiti suo ni e la eke iJudia ali iGalili ali iSameria nya e mholi opfomhe, e toto-a, Ayemhe-no-pfuase o ri udu shi we o, ee bua shi o, ee ngeli angeli ni o pfuase ri ekpe e na Eshinegba.

### IPita o ri Eniasi ze

<sup>32</sup> Abi iPita o li i kia oni eke gase, o ko ya feli eni e miesuo ni e la eoli iLida. <sup>33</sup> O bhale ya e omose ni a lu Eniasi ni o guoghona, o she gba ikpe elele abi o te yeshi a ghua. <sup>34</sup> IPita oo, "Eniasi, iJesu iKirisiti o re ze. Vule migha khili iya oye ni u ke kia." Utoghuo kpe Eniasi o vule migha, o toto. <sup>35</sup> Abi egbo ni e la eoli iLida ali iSharo e ro me khi Eniasi o toto, e mu pfi deba Onomhue.

### IPita o guise iDokasi le

<sup>36</sup> Okpotso oghuo ni o miesuo ni a lu iTabita o la eoli iJopa, abi iTabita o ngme emue iGiriki khi "Eru," O khi ogbo onete. O gbolo mema e kpaghie eni ea mhuo obo. <sup>37</sup> Eghenge ni a ngme ena, oo ghua, igho o ghua. Abi a ro khuese olimhi oyoli-a se, a roli yeshi elemhi owa atonga. <sup>38</sup> Abi eni e miesuo e ro suo khi iPita o la iLida, e ghie emose aava ghi oli, e oli, "Kpekpe bhale pia." Irari khi eoli iLida ali eoli iJopa e ti mama egbe.

<sup>39</sup> Igho iPita o deba we. A ri oli ya khase asha ni a roli yeshi. Esamhi-olimhi e la agho o vie. E ri itsua ni iDokasi o fia na we khase oli abi o ro la agbo.

<sup>40</sup> IPita o egbo ni e la agho nya e fie je atukpapfe. O de wugha so iromhi. O so alo ghue oni olimhi, oo li, "Tabita, guale!" Oni olimhi o khueghie alo-a, abi o me khi iPita o migha mama lue, o vule shito. <sup>41</sup> IPita o mu oli obo vule. O luno eni e miesuo ali eni esamhi-olimhi, o ri oli khase we. <sup>42</sup> Iguisele oyi iDokasi o gbeke-a shi eoli iJopa. Itobo igho, ebubu egbo e mie iJesu suo. <sup>43</sup> IPita o la iJopa ogbele ni e bu. O la owa oyi iSimoni ni o ri ekue elamhako o gbe akanya.

### IKonilusi o ghie ya lu iPita

**10** Omose oghuo o la eoli iSizeria ni a lu iKonilusi. O khi oga oyi ekholi-okhue eyi Itili. <sup>2</sup> Loli ali apfoli e khi egbo ni e na ulishi Eshinegba. O khi ogbo ni o pfo elemhi i somhi egbo ni ea mhuo opfa. O gbo khi ogbo ni o so iromhi eghenge kpa. <sup>3</sup> Eleghuo elemhi agogo ese ele oguota, o me ime-alo, o me khi agheni oyi Eshinegba o bhale o lu oli, "IKonilusi!"

<sup>4</sup> O so alo ghue oni agheni, ulishi o mu oli. Oo li, "Onomhue elo o ze khi u bhale."

Oni ageni ọọ li, “Iromhi eye ni u wa so ali isomhopfa ni u wa somhi e she bhale deba Eshinegba, O she mu egbe ni o ro ya yele e le. <sup>5</sup> Memena nyanya ghie egbo je eoli iJopa ni e ya lu iSamọ ni a gbolo e lu iPita, ni o bhale. <sup>6</sup> O kushi ayi iSamọ ni o ri ekuẹ elamhi e gbe akanya. Oni owa oyọli o la epfe oke.”

<sup>7</sup> Abi oni ageni o ro vu se, iKõnilusi o lu eni e ga li etuava ali okhõli-okhuẹ ni o khi adogeli oyọli ni ọọ ga Eshinegba. <sup>8</sup> IKõnilusi o gueye we emini a me nya. O ghie we je obini iJopa.

### Ime-alo ni iPita o me

<sup>9</sup> Ogbeakolo khi itsotso oguota o mu eke, khi e lese ri okiali ramhi epfefe iJopa, iPita o nga owa atonga ya so iromhi. <sup>10</sup> Okiamhi oo gbe oli. Oo nono emini o ya le. Abi a ro o nye eminale ni o ya le, o me ime-alo. <sup>11</sup> O me khi emini e li abi ode ni o ze igo ene o rote idane e tiemhile. <sup>12</sup> Igho o me khi iwali elamhako e lao, ghe eni e ze awe ene ali eni ee tialo idi eke ali ipfeli. <sup>13</sup> Igho uruli o ngme, ọọ li, “Vule iPita, gbe ni u le.”

<sup>14</sup> Ama iPita ọọ, “Iiye e, Onomhue! Mhia kpe tigbe le eminale ni ea pfuase ni a ghue ghue, a ti e bia mhe.”

<sup>15</sup> Oni uruli o gbo nu oli ngme, ọọ li, “Emini Eshinegba o da ro khi oni o pfuase se, khi ke lu oli emini oa pfuase.”

<sup>16</sup> Itese o ligho mhesa abo ri egboli khasa neni a rue oni emhi nga idane.

<sup>17</sup> Abi iPita o kie li i sa ingme ime-alo ni o me, emose ni iKõnilusi o ghie usomhi, e nono owa oyi iSamọ me. E migha odalo ode unuekpe oyi oni apfe.

<sup>18</sup> E lu mhila, “A mhõli opfese shi ana ni a lu iSamọ iPita?”

<sup>19</sup> Abi iPita o kiele khokho emini oni ime-alo ona o ngme, Ayemhe o ro gueye oli, “Ri eso kpe emose aase ee nono e. <sup>20</sup> Nyanya mu egbe ni u deba we vu, khi mhemhe mhi ghie we.”

<sup>21</sup> Igho iPita o tiemhi deba we, ọọ we, “Mhemhe a nono, elo e re e bhale?”

<sup>22</sup> Ee oli, “Oga oyi ekhõli-okhuẹ ni a lu iKõnilusi o ghie anye ghi e. Ogbo oniemhi ni egbo iJu e mu ekpe a na o khi. O gbo khi ogbo ni o pfuase ni ọọ ga Eshinegba. Ageni o gueye oli o ghie ghi e, u bhale owa oyoli, ni o suo ingme ni u ya gueye oli.” <sup>23</sup> Igho iPita o lu eni emose lo owa oyoli, e ghbe agho ni ogbe o gbe.

### IPita o la apfe oyi iKõnilusi

Ogbeakolo, loli ali eni e miesuo eghuo e rote iJopa deba we vu. <sup>24</sup> Ogbeakolo, e lo elemhi eoli iSizeria le, ashini iKõnilusi ali apfeli ali egbegbi emole oli, e legba migha e khe we. <sup>25</sup> Abi iPita o ro ramhi agho, iKõnilusi o lo o li ode, o wugha, o nyese ukhomhi tse oli. <sup>26</sup> Ama iPita o mu oli vule, ọọ li, “Vule khi ogbo onabi yeye mhi khi.”

<sup>27</sup> IPita o nu oli ngme, o lo owa, o bhale ya e egbo ni e bu shi agho. <sup>28</sup> Oo we, “Ee a she lese khi eri Ishi eyi iMosisi ọọ egbo iJu e khi kugbe egbo iJeta o, wekhi eri e ko ya feli ogbo ni oa khi iJu. Ama Eshinegba o roli khasa mhe mhi khi leli ogbokhoghuo shi oni oa pfuase ali oni a ghue. <sup>29</sup> Irarigho, abi u ro ghie lu mhe, mhia mhõli akhokhomhe shi o. Elo u mema lu mhe shi?”

<sup>30</sup> IKõnilusi ọọ li, “Amo o li ele ene, eghenge agogo ese oguota, mhi ro la owa oyemhe e so iromhi. Udemhija mhi me khi omose oghuo o so itsua ni ee ge nyanyanya o migha mhe odalo. <sup>31</sup> Oo li, ‘IKõnilusi, Eshinegba o she suo iromhi eye, o she gbo me ikanya isomhelemhi ni u gbe e deba egbo eni ea mhuẹ. <sup>32</sup> Ghie ogbo ghi omose ni a lu iSamọ iPita ni o la iJopa. Opfese o khi shi owa oyi iSamọ ni o ri ekuẹ elamhi e gbe akanya, ni o la epfe oke oku.’ <sup>33</sup> Loli mhi ro ghie ogbo ghi e pia. Oo gue ti, abi u bhale. Memena awa nya awa la odalo oyi Esh-

inegba ni anye suọ emini Onomhụe o gueye u gueye anye.”

### Ungmemhi ni iPita o ngme

<sup>34</sup> IPita oọ, “Mhi she me ọli me khi igesikia o khi, khi Eshinegba ọa mholi khi ọna o kpe ọli ne,\*\* <sup>35</sup> ama egbo kpa ni e da a na ulishi oyi Eshinegba, ni e gbolo e rielle emini o rote ode, Eshinegba o kpe obọ oọ mie. <sup>36</sup> Ee a lese usomhi ni o ghie ghi egbo iZireni, ni o khi usomhi onete oyi opfomhe ni o rote obọ oyi iJesu iKirisiti ni o khi Onomhụe oyi agbo kpa bhale. <sup>37</sup> Ee a lese ingme ni a me elemhi eke iJudia nya, ni o rote iGalili gbaekele, abi iJoni o ro o tse abo usomhi gueye egbo, khi a mema batazi we, <sup>38</sup> abi Eshinegba o li ri Ayemhe-no-pfuase ali ekpabo kpha iJesu onge iNazareti so, ali abi o li i kiakia ashakpa rielle onete, ni o mie egbo pfuese obọ oyi ekpabo eyi okphaghię, itobo khi Eshinegba o nu ọli la.

<sup>39</sup> “Anye ri eloe me ikanya ni o gbe nya, elemhi eoli eyi egbo iJu ali iJerusalemu. Wewe e tali ma oora apfida gbe ọli-a. <sup>40</sup> Ama ele nuzi-ese, Eshinegba o rote eghuli guise ọli le ni a me ọli. <sup>41</sup> Oa khi ogbokpa o me ọli, see ni anye ni Eshinegba o she kpe ze, anye khi otsele, anye ni anye nu ọli le eminale ni anye gbo nu ọli da abi o ro rote eghuli guale se. <sup>42</sup> O mhesę na anye, anye kia ke gueye egbokpa ali anye gbo ke pfi otsele shi o khi lolu iJesu, Eshinegba o ze, lolu khi oso-ezọ oyi eni e lao ali eni e ghua. <sup>43</sup> Emekęuele nya e kpe ngme ungmemhi oyoli khi eni e da mie ọli suọ khi a ya gbe olamhe kua na we, rote ekpabo ni o la eva oyoli.”

### Egbo iJeta e mie ayemhe ni o pfuase

<sup>44</sup> Abi iPita o kie li i ngme, Ayemhe-no-pfuase o tiemhile na egbo ni e suọ

oni ungmemhi. <sup>45</sup> Abọ e sha eni e miesuo ni e shele-a, ni e rote eoli iJopa kphase iPita bhale agho, khi Eshinegba o li ri Ayemhe-no-pfuase na egbo iJeta. <sup>46</sup> Irari khi e suọ khi e ngme emue ododa eyi Ayemhe no pfuase, e kuęghie Eshinegba.

Igho iPita o ri irarigho lie, <sup>47</sup> “Og-bokhoghuo o dobe ya lie ogbo khi ri amę batazi egbo ena mena? E she li mie Ayemhe-no-pfuase abi awa li mie ọli.” <sup>48</sup> Igho iPita o o ka ri eva oyi iJesu iKirisiti batazi we. Igho e gueye ọli o nu wewe la agho ikukumi ogbele.

### IPita o gueye eni e miesuo emini o rielle

**11** Eni ighiusomhi na keę ali eni e miesuo ni e la eke iJudia nya e suọ khi egbo iJeta e li mie ungmemhi oyi Eshinegba suọ. <sup>2</sup> Abi iPita o ro nga obini iJerusalemu, eni e miesuo ni e shele-a, ee shi iPita unu. <sup>3</sup> Ee ọli, “Yeye u lo owa oyi egbo iJeta ni ea shele-a, u gbo la agho le eminale!”

<sup>4</sup> Igho iPita o rote eke roli lo we eso abi a ga li me oni ingme nya. Oo we, <sup>5</sup> “Eoli iJopa mhi la a so iromhi, ni ukuku olese o ro kia mhe alo-a, ni mhi ro me imealo, mhi me khi emini o li abi ode ni o ze igo ene, o te idane tiemhile ashini mhi la. <sup>6</sup> Mhi bino elemhi ọli, mhi me elamhako ni e ze awe-ene, ali elamhako ebuli, ali elamhako ni e tialo idi eke, ipfeli na idane e li la elemhi ọli. <sup>7</sup> Igho mhi suọ khi uruli o nu mhe ngme, oo mhe, ‘Vule, iPita gbe elamhi ena, ni u le.’

<sup>8</sup> “Ama, mhię ọli, ‘Iiye e, Onomhụe! Mhi aa le eminale ni ea pfuase ni a ghue ghue abi a te bia mhe.’

<sup>9</sup> “Oni uruli o gbo nu mhe ngme, oo mhe, ‘Emini Eshinegba o she ro pfuase, khi ke roli shi emhi ni ọa pfuase.’ <sup>10</sup> Itese

\*\*10:34 Li ze iDeut 10.17

o li igho mhese abo ri egboli khasa neni a rue oni ode nga idane.

<sup>11</sup> “Aghoagho, eni emose aase ni e te iSizeria nono mhe bhale, e lo owa ni mhi la le. <sup>12</sup> Ayemhe o gueye mhe mhi deba we vu, mhia aa khe ako. Egbosasa ena e te eoli iJopa kphase mhe je eoli iSizeria ni anye ro ga bhale owa oyi iKonilusi. <sup>13</sup> Loli o gueye anye abi o li me ageni elemhi owa oyoli, ni o oli, ‘Ghie ogbo je iJopa ya lu omose ni a lu iSamoni a gbo lo a lu iPita. <sup>14</sup> Loli o ya gueye abi yeje ali apfe a li ya mholi imiepfuese.’

<sup>15</sup> “Abi mhi li i ngme, Ayemhe-ropfuese o tiemhile shi we o abi o li rote igbaekele li tiemhile shi awa o. <sup>16</sup> Igho mhi yelele emini Onomhue o ngme ni oo, ‘Ame iJoni o ro batazi egbo, ama Ayemhe-ropfuese a ke ro ya batazi e.’<sup>††</sup> <sup>17</sup> Abi o ro khia khi Eshinegba o she ri isomhopfa enabi o ro na awa abi awa ro mie iJesu iKirisiti Onomhue suo li na egbo ni e a khi iJu. Oghuo o khi mhemhe ni mhi ya nu Eshinegba khabo?”

<sup>18</sup> Abi e ro suo ona se, e yemhe awolo-a, ee kueghie Eshinegba, ee lie, “Eshinegba o li ze ni egbo iJeta e li mu pfi ni e li mhue agbo na agboagbo.”

### Igbaa oyi eni e mie iJesu iKirisiti suo ni o la Atioki

<sup>19</sup> Eni e mie iJesu iKirisiti suo e kia gbihiaku eke iFonisha ali eke iSapurosi ali eoli Atioki itobo okholi ni a mu vule shi we o egheghe ni a ro gbe iSitivini-a. E kia gue oni usomhi ye egbo iJu weweghuo tse.<sup>‡‡</sup> <sup>20</sup> Eghuo o e rote eke iSapurosi ali eke iSairini bhale, e vu je eoli Atioki, e lili gue usomhi onete oyi Onomhue ye egbo iGiriki <sup>21</sup> Ekpabo oyi Onomhue o

nu we la, Ebubu egbo e miesuo, e mu udu pfi deba Onomhue.

<sup>22</sup> Igbaa oyi eni e mie iJesu iKirisiti suo ni e la iJerusalemu e suo oni ingme, igho e ghie iBanabasi je eoli Atioki. <sup>23</sup> Abi o ro ramhi agho, ni o ro me abi Eshinegba o li somhi-elemhi eni egbo, egbe e mu oli. O ri udu shi we o e ri udu oyewe nya na Onomhue. <sup>24</sup> IBanabasi o khi egbebi ogbo onete ni o mhue Ayemhe-ropfuese ali irudunga oniemhi. Ebubu egbo e ri itobo emini o rieje mie Onomhue suo.

<sup>25</sup> Igho iBanabasi o je eoli iTasosi ya nono iSolu. <sup>26</sup> Abi o ro me oli, o rue oli je eoli Atioki, e la agho ukpe oghuo, ee sese ebubu egbo. Elemhi eoli Atioki a la te odode kpe lu eni e miesuo, iKirisiti enikeke.<sup>¶¶</sup>

<sup>27</sup> Oni egheghe, emekeguele eghuo e rote eoli iJerusalemu je Atioki. <sup>28</sup> Oghuo elemhi eni emekeguele ni a lu Agabusi o vule, o guele abi Ayemhe o ghie oli, khi ukhumi o ya pfi ushishi na eke iRomu nya. (Egheghe ni iKiladiusi o ro khi Oghie iRomu nya ona o ro bhale ya tse.)<sup>§§</sup> <sup>29</sup> Eniye odukhokho eyi iJesu ni e la Atioki e gba ugbamhi, abi e li ya ri ikpaghiobo ghie usomhi ghi eni e miesuo ni e la eke iJudia, abi ogbogbo o mhue ekpabo ramhi. <sup>30</sup> Igho e zela ikpagho kugbe, e rewe ghie iBanabasi ali iSolu usomhi ghi eni egbhali ni e la igbaa oyi eni e mie iJesu iKirisiti suo na iJerusalemu.

### Imhese-bino onofune

**12** Oni egheghe agho, oghie Erodu o muno egbo eghuo ena igbaa oyi eni e mie iJesu iKirisiti suo, oo nono ni loli nase we shi afe. <sup>2</sup> O ri unu bhale a ri uwere gbe iJemhisi ni o khi in-

<sup>††</sup>11:16 Li ze Ika 1.5

<sup>‡‡</sup>11:19 Li ze Ika 8.1-4

<sup>¶¶</sup>11:26 Egbosasa eni e ngeli a bi iJesu iKirisiti a lu iKirisiti.

<sup>§§</sup>11:28 Li ze Ika 21.10

yoghuo iJoni-a. <sup>3</sup>Abi o ro me khi o ti egbo iJu eloe, o gbo mu iPita shi owa. Oni egheghe e ro li ukpe ibuledi ni aa ri ifuma ma nye. <sup>4</sup>O mu oli se, o roli shi owa ighumha, o ze ekholi-okhue ikuwe asha ene ni e ooghie egbe, e ri eloe shi oli egbe. Erodu o mholi oli shi udu khi a kha da li oni ukpe se, loli rue oli lasele gboo, ni a gue oli ezo.\*

<sup>5</sup>Igho a ri iPita shi owa ighumha, ama igbaa oyi eni e mie iJesu iKirisiti suo e toto obo o so iromhi lu Eshinegba na li.

<sup>6</sup>Eliyose ni Erodu o kha ro rue iPita lasele ogbeakolo, iPita o lese-a shi ifuabo eyi iku ekholi-okhue aava, a ri iweghe eva ge oli. Eni e khe ekhe aava elese e la ode unuekpe oni owa ighumha e khe ekhe. <sup>7</sup>Udemhija, ageni oyi Onomhue o lole, igbo akpa o la elemhi oni owa ighumha a ge. Oni ageni o pfi iPita emhi epfe, guise oli le. Oo li, "Nyanya vule!" Utoghuokpe, iweghe ni a so li e ku oli abo kua.

<sup>8</sup>Igho oni ageni oo li, "Ri ogbene oye mu oku, ri eku so." iPita o nyanya ligho. Oo li, "Ri itsua eye so, ke deba mhe." <sup>9</sup>Igho iPita o deba li je olase oni owa ighumha, ama oa lese khi emini oni ageni o riela khi egbegbi ingme lo, o dabi khi elena loli ii la. <sup>10</sup>E dose eni e khe ekhe eni odode ali enuzava. E bhale ode unuekpe akhuli ni a rote a lasele shi ifui apfe. Oni ode unuekpe akhuli lolighuo o khueghie-a. E rote o dose. Abi e ro kia ifui apfe le dena, oni ageni o kele-a.

<sup>11</sup>Igho egbhali eyi iPita e na ya to. Oo, "Ena mhi lese, ni oa mhue akhokhomhe khi Onomhue o ghie ageni oyoli, o ka pfa mhe shi eke obo oyi Erodu ali emini egbo iJu ee sa khi mhi ya me nya."

<sup>12</sup>Abi egbhali eyoli e ro na ya to se, o je owa oyi iMeli ni o khi inyo iJoni ni a gbolo e lu iMaki. Agho eni e miesuo e legba la a so iromhi. <sup>13</sup>IPita o kpheli

ode na olase. Igho omueshi ni oo ga ogbo ni a lu iRoda o bhale ya mie oli unu. <sup>14</sup>Abi o ro suo uruli oyi iPita, oghele o vo oli udu. Oa je okpe ode-a ne, o nyanya nyene egbe ukhokho ya tse se gueye we, "IPita o she jele!"

<sup>15</sup>Ee oli, "Ujili oo kphe!" Ama o li khi egbegbi ingme loli e ngme. Igho e oli, "Ayemhe olimhi oyoli lo!"

<sup>16</sup>Ama iPita o kiele kpheli obo ode. Abi e ke ro khueghie oni ode-a, e me khi loli lo. Abo e sha we. <sup>17</sup>O ri obo gbe we akhiakhia. O tigbe gueye we abi Onomhue o li rue lue owa ighumha le. Oo we, "A gueye iJemhisi ali eni e miesuo eni e kpole." Igho o vu je oboese.

<sup>18</sup>Ogbeakolo, ozughu o lo iteva oyi eni ekholi-okhue le shi abi iPita o li kia. <sup>19</sup>Abi Erodu o ro o e lolo nono iPita kia gase, ni ea ro me oli. O ri eni ee khe ekhe egbo gue ezo. Oo a gbolo we-a.

### Eghuli oyi Erodu

Abi a ro me enana se, Erodu o rote eke iJudia je iSizeria ya la ukuku egheghe.

<sup>20</sup>Elemhi e lolo bi Erodu deba egbo iTai ali iSidoni. Igho eni egbo e to ukhomhi ma, ee dua abi e li ya me asha nu oni oghie shito ngme. Abi iBilasitosi ni o khi adogeli oyi oghie o ro lama shi we o, e tigbe lama khi wewe e ya lema oghie ni wewe e ro riela. Itobo khi eoli oyi oni Erodu eni egbo e rote me eminale e de.

<sup>21</sup>Oni ogbele o ramhi Erodu o gban o itsua oghie eyoli, o shito ukpekhomhi oghie oyoli. O nu eni egbo o ngme. <sup>22</sup>Eni egbo e ku unu-a nyoghoo, e li, "Uruli oyi Eshinegba na, oa ke khi oyi ogbo." <sup>23</sup>Utoghuo kpe ageni oyi Onomhue o pfi Erodu emhi, itobo khi oa ri ekpe na Eshinegba. Ekholi e ri oli le. O ghu eghuli osoli.

\*12:4 Li ze Okiali 12.1-27

<sup>24</sup> Ungmemhi oyi Eshinegba o gbhiaku ashakpa, oo ge sho. <sup>25</sup> IBanabasi ali iSolu e rote iJerusalemu, obini a ri ikpagho ghie we usomhi je jele. Abi e ro o jele, e rue iJoni ni a gbolo e lu iMaki mhue obo.

### A ze iBanabasi ali iSolu ghie usomhi

**13** Emekeguele ali eni e sese e la igbaa oyi eni e mie iJesu iKirisiti suo ni o la Atioki, ni e khi iBanabasi, ali iSamu ni o khi ogbo obishi, ali iLushosi ongi iSairini, iMaini oni a ga kuele oli ali oghie Erodu, ali iSolu. <sup>2</sup> Abi e li i kueghie Onomhue ni e li i pfi azumhi, Ayemhe-no-pfuase oo we, “A ze iBanabasi ali iSolu-o lase na mhe ni e ya gbe akanya ni mhi lu we shi.” <sup>3</sup> E pfi azumhi, e ri abo nga we ukhomhi so iromhi na, e ghie we vu.

### Elemhi iSapurosi

<sup>4</sup> Ayemhe-no-pfuase o ghie iBanabasi ali iSolu je iSelusha agho e te lo oko oke je eke ni oku o khi shi na lu iSapurosi. <sup>5</sup> Abi e ro ramhi eoli iSalamisi, e la owa ugamhi oyi egbo iJu gue ungmehi oyi Eshinegba le. IJoni ni a gbolo e lu iMaki o la agho ri obo da we oni akanya.

<sup>6</sup> E kia je ukiekie iSapurosi ni o kpole nya, e bhale eoli iPafosi. Agho e ya e obo ni a lu iBajisosi ongi iJu ni oo li eboli, ni o khi omekeguele oyi egbholi. <sup>7</sup> Loli o khi omole oni igovuno ni o la oni eke, eva oyi oni igovuno khi iSajosi iPolosi ni o khi otsagbhe. Oni igovuno o lu iBanabasi ali iSolu itobo khi o nono ni loli suo ungmehi oyi Eshinegba. <sup>8</sup> Ama oni iBajisosi ni o lie Elimasi ni oo li obo, o tsua ozughu lo agho le ini oni igovuno o khi me asha miesuo. <sup>9</sup> Igho iSolu ni a lie

lu iPolu, ni Ayemhe-no-pfuase o vo egbe, o fele oni obo chii. <sup>10</sup> Oo li, “Ye ye omi okphaghi! Ye ye obe eminete ni u wa li ikenege. Ele u ya rote imu-ungmehi oyi Eshinegba pfi ukhomhi kpoke lasele?” <sup>11</sup> Memena Eshinegba o ya nise obo oyoli ti e, u ya ze alo, waa ke gbo dobe ya me ugemhi oyi ovo ukuku egehege ne.”

Aghoagho, Elimasi o me khi alo eyelue e bi obili-a, Oo bibi, oo nono oni o ya mu oli obo ke kia. <sup>12</sup> Abi oni igovuno o ro me ingme ni a me, o miesuo, irari khi osese ingme oyi Onomhue o ri abo sha li.

### Atioki ni o la elemhi iPidisia

<sup>13</sup> IPolu ali apfoli e rote iPafosi lo oko oke da oke oniemhi je iPeriga, ni o khi eoli ni o la iPafilia. Ana iJoni ni a gbolo e lu iMaki o pfi we shi nyene egbe je iJerusalemu. <sup>14</sup> E rote iPeriga je eoli Atioki ni o la eke iPidisia. Ogbel iyemhea oyi iJu, e lo owa ugamhi ya shito. <sup>15</sup> Abi e ro rote ebe ishi oyi iMosisi ali ebe eyi emekeguele ze se, eni ee mheshe shi oni owa ugamhi e ghie usomhi ya gueye iPolu ali iBanabasi, ee we, “Inyoghuo anye, ini a mholi ungmehi ni a me ya guele ni o ya ri udu shi egbo o, a ke ngme.” <sup>16</sup> IPolu o vule migha o ri obo nu we ngme. Oo, “Ee egbo iZireni ali ee iJeta ni a ga Eshinegba a ri esho shi mhe eke! <sup>17</sup> Eshinegba oyi egbo iZireni o ze eni e bia awa, loli o rewe khi egbo oniemhi, oni egehege e khi epfese shi eke iJipiti. Eshinegba o ri ekpabo eyoli wolow we eke iJipiti lasele.” <sup>18</sup> Elemhi ikpe egbhueva o ri abo mu udu na e elemhi odagbe ifufu. <sup>19</sup> Edeli ishilua o pfusea eke iKena. O ri eke oyewe na egbo eyoli le ugu. <sup>20</sup> Elemhi ikpe egbhue-uye

<sup>†</sup>13:17 Li ze Okiali 1.7; 12.51

<sup>‡</sup>13:18 Li ze iNoba 14.34; iDeut 1.31

<sup>¶</sup>13:19 Li ze iDeut 7.1; iJosh 14.1

ali eva ali ikpe igbe (450) a me ingme enana.<sup>§</sup>

“Abi a ro me ena se, o ri eso-ezo na we ni ee mhesa, ya ramhi egheghe oyi iSamuani omekeguele. <sup>21</sup> Igho eni egbo e mhila Eshinegba o ri oghie na wewe, Eshinegba o rue iSolu omi iKishi oyi unuekpe oyi iBejami na we. Loli o khi oghie oyewe elemhi ikpe egbhueva.\*\* <sup>22</sup> Abi Eshinegba o ro rue iSolu oghie le, o ri iDefidi le oghie na we. Ingme ni Eshinegba o ngme shi iDefidi egbe na, ‘Mhi she me khi iDefidi omi iJese o khi omose onabi udu oyemhe oo nono, o ya rieles oghuemhe oyemhe nya.’††

<sup>23</sup> “Rote unuekpe oyi oni iDefidi, iJesu ni o khi Omiepfuese oyi egbo iZireni o te bhale, abi Eshinegba o li roli shobo. <sup>24</sup> Neni iJesu o bhale, iJoni o she kpe gueye egbo iZireni e ti olamhe le, e mupfi deba Eshinegba, egheghe agho ni a batazi we.‡‡ <sup>25</sup> Abi iJoni o ro gbe akanya se, o mhila eni egbo, oo, ‘Oghuo a khokho mhe shi? Mhi aa khi oni a migha a khe. Oni o ya bhale ini mhi gbe akanya oyemhe se, mhi aa fu te ni mhia taghie uli ekuo ni o so-a.’¶¶

<sup>26</sup> “Inyoghuo-mhe imi Aburaamu, ali ee iJeta ni a na ulishi Eshinegba ni a la akana, oni ungmehi imiepfuese ona, oyawa lo! <sup>27</sup> Egbo ni e la iJerusalemu ali eni ee mhesa na we, ea lese iJesu shi Omiepfuese. Ama igbe-a ni e gbe iJesu-a, o ri emini emekeguele ee ngme, ni ee ze khasa we ele iyemhea kpa bhale ya

tse. <sup>28</sup> Abi o tseku khia khi ea me ezo gue shi oli egbe, ee li ipaleti o ze ni a gbe oli-a.§§ <sup>29</sup> Abi e ro rieles emini Ebe-nopfuase o ngme shi oli egbe se, e rue oli apfida tiemhile, e roli to uji.\* <sup>30</sup> Ama Eshinegba o rote eghuli guise oli le. <sup>31</sup> Ogbela ebubu o ri egboli khasa egbo eni e nu oli rote iGalili je iJerusalemu. Wewe e ke pfi otseleshi ingme oyoli khasa egbo eyawa.†

<sup>32</sup> “Eri anye bhale akana ni anye ya ri oni usomhi onete na e, ikhi ishobo ni Eshinegba o shi na eni e bia awa. <sup>33</sup> O she ri oni ishobo ona tse na awa imi we, abi o li guise iJesu le. Abi a li kekpe oli shi ebe Iwolo ni uzeva, khi, “Omimhe u khi, ogbe namo, mhemhe mhi khi Ite.’

<sup>34</sup> Abi Eshinegba o rote eghuli guise oli le, ni oa ze oli ghu ke-a, o mu ma ungmehi oyoli ni o la lie,‡

“Mhi ya ri ikhivose no pfuase, ni a ri egbe e nga egbegbo ni mhi shobo na iDefidi ne.’

<sup>35</sup> Igho o kie gbo li ngme oli shi ashese.¶¶ “Waa ya ze ni oni o pfuase oye o ghu ke-a.’

<sup>36</sup> “Irari khi eri iDefidi o ga Eshinegba abi o ro la agbo, igho o ghu-a, a ri oli to mama eni e bia li. O ke-a shi elemhi uji.

<sup>37</sup> Ama idiegbe oyi iJesu ni Eshinegba o rote eghuli guise le, oa ke-a.

<sup>38</sup> “Irarigho, inyoghuo, anye tse abo ye e khi obo oyi iJesu a te ya mholi igbe

§13:20 Li ze iDeut 7.1; iJosh 14.1

\*\*13:21 Li ze 1 iSam 8.5; 10.21

††13:22 Li ze 1 iSam 13.14; 16.12; Iwolo 89.20

‡‡13:24 Li ze iMak 1.4; iLuk 3.3

¶¶13:25 Li ze iMat 3.11; iMak 1.7; iLuk 3.16; iJon 1.20,27

§§13:28 Li ze iMat 27.22-23; iMak 15.13-14; iLuk 23.21-23; iJon 19.15

\*13:29 Li ze iMat 27.57-61; iMak 15.42-47; iLuk 23.50-56; iJon 19.38-42

†13:31 Li ze Ika 1.3

‡13:34 Li ze Aza 55.3

¶13:35 Li ze Iwolo 16.10



olamhe kua. <sup>39</sup> Onini o da mie oli suo ne, a she pfa na li, o a ke lue shi emini Ushi oyi iMosisi o a dobe pfa na we shi.

<sup>40</sup> A mhuē egbhe, ini emini emekeguele e ngme o khi ya tse shi e egbe, ni ee,

<sup>41</sup> “A ghe i, ee ni

a ri Eshinegba a li egia

Oshabo o sha e, a pfua.

Irari khi mhi ya rieḷe

emhi egheghe oye e

ni aa ya mie shi ghue,

ini ogbo o tseku gue oli ye e.”<sup>§</sup>

<sup>42</sup> Abi iPoḷu ali iBanabasi e ro rote oni owa ugamhi vu, eni egbo e gbo lu we e nyene egbe bhale ogbele ugamhi olese ya nu wewe ngme oni ungmehi. <sup>43</sup> Abi oni ilegba o ro gbhia khuse, egbo iJu ali egbo iJeta eni e she mu pfi bhale ugamhi oyi egbo iJu, e kpikpi i deba iPoḷu ali iBanabasi. IPoḷu ali iBanabasi e ye we ude, e kie ke deba okhale ni ea fu te ni Eshinegba o rieḷe na we.

<sup>44</sup> Ele iyemhea ni o deba li, egbo ni e la oni eoli nya e legba ni e ri eso shi ungmehi oyi Eshinegba. <sup>45</sup> Abi egbo iJu e ro me oni ilegba, ee kpe ofuma, ee kholo ingmemhi zu iPoḷu unu, e tsue oli.

<sup>46</sup> Ama iPoḷu ali iBanabasi e ngme ungmehi igbedu, e li, “Ee a khi eni anye kha mema kpe gue ungmehi oyi Eshinegba ye neni o ramhi egboese egbe. Ama abi a ke ro kie oni ungmehi ni aa ro sa khi o ti ni a mholi agbo na agboagbo egbo, mena, anye ya ze e obo, anye deba egbo iJeta. <sup>47</sup> Irari khi ona khi omhese ni Onomhue o mhese na anye, ni o ree,\*\*

“Mhi she re e khi

akpa na egbo iJeta,

ni agbo nya e mhuē imiepfuese.”

<sup>48</sup> Abi egbo iJeta e ro suo ona, ee ghele, ee kueghie Eshinegba shi oni ung-

memhi, egbo eni a she ze shi agbo na agboagbo, e mie iJesu suo.

<sup>49</sup> Oni ungmehi oyi Onomhue o gbhiaku asha kpa oni eke. <sup>50</sup> Ama egbo iJu e tan o shi ikpotso ni ee na ulishi Eshinegba ni a mu ekpe a na ali ekhemhue eyi oni eoli. E sese egbo ni e mu okholi oniemi vule shi iPoḷu ali iBanabasi o, e khu we fie lase oni eoli. <sup>51</sup> Ama eni eniye odukhokho eyi iJesu e kpishi itutu awe shi eke, ni e pfi otsele mu eni egbo. E rote agbo dose je eoli iKoniomu.†† <sup>52</sup> Oghelē ali Ayemhe-no-pfuase o lo eni e miesuo egbo egbe.

### Emini a me iKoniomu

**14** IPoḷu ali iBanabasi e lo owa ugamhi oyi egbo iJu obini iKoniomu, abi e kie kpe e li. E lolo gue e ngme ungmehi ni o lo egbo eso, ni o ri ebubu egbo iJu ali iJeta miesuo. <sup>2</sup> Ama egbo iJu ni ea lama miesuo, e tan o egbo iJeta abo ni elemhi o yese we-a deba eni e miesuo. <sup>3</sup> Igho iPoḷu ali iBanabasi e kushi agbo tese, e ri igbedu u ngme ungmehi oyi Onomhue ni o pfi otsele shi ungmehi okhale oyoli, rote ekpabo ni o ro na we e gbe akanya onyaloa ali oshabo. <sup>4</sup> Okemhi o lo oni edeli le, egbo eghuo e kugbe egbo iJu o, eghuo o e la ukhokho oyi ighiusomhi na kee. <sup>5</sup> Igho egbo iJeta eghuo ali egbo iJu ali enighie eyewe, e gba abi e li ya gbe we ali abi e li ya tonu we eche. <sup>6</sup> Abi eni ighiusomhi e ro suo ona, e na je eoli iLisitira ali iDebi ni o la eke iLikaonia ali eoli elese ni e mama we. <sup>7</sup> Agbo e la a gue usomhi onete le.

### Elemhi iLisitira ali iDebi

<sup>8</sup> Omose oghuo oni a bia okhomhi ni o a kia ghue abi a te bia li, o li la oni

§13:41 Li ze Abak 1.5

\*\*13:47 Li ze Aza 42.6; 49.6

††13:51 Li ze iMat 10.14; iMak 6.11; iLuk 9.5; 10.11

iLisitira. <sup>9</sup> Ọ shitọ aghọ ri esọ shi ungmemhi ni iPọlu ọọ ngme. IPọlu ọ me khi ọ mhọli irudunga ni o dobe ya rọ li ze, iPọlu ọ bino ọli chii. <sup>10</sup> Ọ tseşe leghe, ọọ, “Vule migha!” Oni ọmose ọ ti vule, ọọ kia gase.

<sup>11</sup> Abi eni egbo e rọ me akanya ni iPọlu ọ gbe, e ngme elemhi iLikaonia, ee tseşe, ee lie, “Ilitsa e mele egbo-a bhale iteva oyawa o!” <sup>12</sup> Eva ni e lu iBanabasi khi iZeusi, <sup>13</sup> itobọ khi iPọlu khi oni ọ mema e ngme, e lu ọli Amesị. <sup>14</sup> <sup>13</sup> Oni ọọ luase oni olitsa iZeusi, ni okula oyọli o la ukhokho apfe oni ọli, ọ muno ena enokpo ali idodo je oni ode unuekpe oyi oni ọli, itobọ khi ọli ali eni egbo ee nono ni wewe ya luase iBanabasi ali iPọlu abi ilitsa.

<sup>14</sup> Abi iBanabasi ali iPọlu e rọ suọ emini eni egbo e mu egbe khi e ya rięle, e nyanọ itsua shi egbewe uruli, e nano lo eni egbo ifuabo. Ee tseşe lie, <sup>15</sup> “Elo e ze khi a li na?” Egbo enabi ee anye khi! Ungmemhi usomhi onete anye rọ tse abọ khasẹ e, ni a rọte ugamhi afue mu pfi deba Eshinegba ni ọ laọ, ni ọ ma eke ali ukhuli ali oke oniemi ali emini e la elemhi we nya. <sup>16</sup> Eghẹghe ni o dose, Eshinegba ọ ze ni ushishi ọgbogbo ọ ngeli abi o ghole ọli. <sup>17</sup> Ama ọ kie rọte akanya onete oyọli ri ọlele khasẹ khi ọli laọ, ọli ọ rọte idane e ruęşe amẹ shi emhi ekomhi shi eghẹghe, ọli ọ ri eminale na e e le, ọ ri oghẹle e shi e udu. <sup>18</sup> Abi iPọlu ali iBanabasi e rię lina nu we ngme ingmemhi ena, ẹa kie dobe mu we gba e khi luase ewe abi ilitsa.

<sup>19</sup> Egbo iJu eghuo e rọte Atioki ali iKoniomu bhale, e ri eta-ọlelemhunu ti eni egbo mama egbe, e tono iPọlu eche,

e tialọ ọli eke fie je ukhokho oni ọli, e dabi khi ọ she ghua. <sup>20</sup> Ama abi eni e miesuo e rọ le gase ọli, ọ vule, ọ nyene egbe je ifuapfe ni a la tono ọli eche. Ogbeakolo, ọli ali iBanabasi e je ọli iDebi.

<sup>21</sup> IPọlu ali iBanabasi e gue usomhi onete le elemhi iDebi, ebubu egbo e miesuo. Igho e nyene egbe je iLisitira ali iKoniomu ali Atioki ni o la iPisidia, <sup>22</sup> e ri udu shi eni e miesuo ọ e ri igesikia migha shi oni irudunga. Ee we, “Neni awa lo Eghiele oyi Eshinegba, awa ya me anasemhe.” <sup>23</sup> Elemhi igbaa nya eyi eni e mie iJesu iKirisiti suọ ododa, ee ze egbhali shi, ee pfi azumhi so iromhi na we rewe nga Onomhuę ni e regbenga obọ. <sup>24</sup> Abi e rọ kia gase eke iPisidia se, e je eke iPafilia. <sup>25</sup> Abi e rọ la ọli iPega gue usomhi onete le se, e te agho je ọli Atalia.

<sup>26</sup> Agho e te lo oko-oke oniemi nyene egbe jele obini Atioki; Ashini eni e miesuo e ke la so iromhi na we re we nga okhale oyi Eshinegba obọ shi akanya ni e ye ya gbe se. <sup>27</sup> Abi e rọ jele Atioki, e lu eni e miesuo tigbili, e gueye we ikanya ni Eshinegba ọ re we gbe ali abi ọ li khueghie ode-a na egbo iJeta ni e miesuo. <sup>28</sup> E nu eni e miesuo la akagho tese.

### Ilegba ni a mhọli shi iJerusalemu

**15** Egbo eghuo e rọte eke iJudia bhale Atioki, ee sese eni e miesuo khi, Ini aa li shele we-a abi Ushi oyi iMosisi o ngme ẹa ya khi eni a miepfuese.\* <sup>2</sup> Onana o pfi ingme ni o ze khi iPọlu ali iBanabasi e nu eni egbo ni e rọte iJudia bhale e khako. Irarigho, a ze iPọlu ali iBanabasi ali eni e miesuo elese e nga

<sup>††</sup>14:12 **iZeusi:** IZeusi o khi oga iyemhe ni egbo iGiriki e ga. Isheghuo a lu ọli iJupita. Olitsa olese ni a lu Amesị ee khi ọ khi aghiusomhi oyọli

<sup>†††</sup>14:12 **Amesị:** Amesị o khi eva oyi olitsa ni egbo iGiriki e ga. Eri egbo iGiriki ena e lie khi aghiusomhi oyi iyemhe elese

<sup>§§</sup>14:15 Li ze Okiali 20.11; Iwolo 146.6

\*15:1 Li ze iLev 12.3

iJerusalemu ya me ighiusomhi na kee ali eni egbhali shi oni ingme.

<sup>3</sup>Igho e ghie we e ke le, abi e li rote eke iFonisha ali iSameria dose e le, ee gueye egbō abi egbō iJeta e li mu pfi deba Eshinegba. Onana o pfi oghelē oniēmhi na eni e miesuo. <sup>4</sup>Abi e rō ramhi iJerusalemu, eni e miesuo ali eni egbhali ali ighiusomhi na kee, e mu we epfese. Eni a ghie usomhi e gueye we ikanya ododa ni Eshinegba o rote obō oyewe gbe. <sup>5</sup>Ama eni e miesuo eghuo ni e la otu iFarisi e vule, ee li, “Egbō iJeta e mema shele-a. A gueye we e ri Ushi oyi iMosisi ke gbe akanya.”

<sup>6</sup>Ighiusomhi na kee ali eni egbhali e ye ochi shi oni ingme ona. <sup>7</sup>Abi e rō khako shi o tese se, iPita o vule, oo we, “Inyoghuo, a lese khi egheghe ni o dose, Eshinegba o rote iteva oye e ze mhe mhi ka gue oni usomhi onete ye egbō iJeta ni e me asha suo, ni e miesuo. <sup>†</sup><sup>8</sup>Eshinegba ni o lese isamhi ni e la ogbokpa udu, o ri Ayemhe-no-pfuase na egbō iJeta, rō roli khasē khi lōli li mie we, ezeze abi o li li mie awa. <sup>‡</sup><sup>9</sup>Oa ri ikhioda shi iteva oyawa ali wewe, irari khi o khuse udu oyewe-a pfuase itobō khi e imiesuo. <sup>10</sup>Memena, elo o ze khi a nono ni a mhesē Eshinegba bino, ni a rō o sheli iJeta ni e miesuo itsua ni awa ali eni e bia awa ea dobe tsua? <sup>11</sup>Iye e! Awa lama shi o khi okhale oyi iJesu iKirisiti Onomhue o mie awa pfuese, igho li khi wewe.”

<sup>12</sup>Oni igbaa e tsaghi-a tsuke, abi e rō suo olele eyi onyaloa ali oshabō nya ni Eshinegba o rote obō oyi iPolu ali iBanabasi gbe iteva oyi egbō iJeta. <sup>13</sup>Abi e rō ngme se, iJemhisi oo, “Inyoghuo, a ri esō shi mhe eke! <sup>14</sup>ISamō iPita o lese guele abi Eshinegba o li mhōli omuegbe

shi ingme oyi egbō iJeta, ni o rote elemhi we sano egbō, rō mele egbō eyoli-a. <sup>15</sup>Onana o ri emini emekeguele e keke shi Ebe-no-pfuase bhale ya tse, ni oo,

<sup>16</sup>“Ini a me enana se, mhi ya nyene egbe bhale, mhi rue eghiele oyi iDefidi gbo nyene egbe bhale, mhi riēle ikpukpu-igbe ni e de kua oyoli ma, mhi gbo zese oli-a.

<sup>17</sup>Ishegho egbō ni e kpole nya e nyene egbe bhale deba Onomhue, egbō iJeta nya ni mhi lu, e bhale ya khi eyemhe, Onomhue o ngme gho, ni o riēle emhi ena.”

<sup>18</sup>Lōli o she kpe ze ni a lese ona shi eke agboagbo. <sup>¶</sup>

<sup>19</sup>“Abi mhi sō o shi khi, awa khi pfi egbō iJeta ni e nyene egbe bhale deba Eshinegba lo omunu. <sup>20</sup>Awa ri ochoghō keke ebe ya gueye we, e khi ke le eminale ni a rō luase ikhumhi. Awa gbo gueye we e khi ke ku itsebo, e khi ke le elamhi ni aa fa uruli, e khi ke da olia. <sup>§</sup><sup>21</sup>Irari khi o she tese ni a te la owa ugamhi e ze ebe Ushi oyi iMosisi ele Iyemhea kpa, a ri ingme oyoli e tse abo ifui eoli kpa.”

<sup>22</sup>Igho ighiusomhi na kee ali eni egbhali ali eni e miesuo nya e te eni egbō ze emose aava ni a mu ekpe e na ma iPolu ali iBanabasi egbe, je Atiōki. IJudasi iBasabasi ali iSalasi e ze. <sup>23</sup>Ebe ni e keke rō ghie we usomhi na:

Anye ighiusomhi na kee ali eni egbhali ni anye khi inyoghuo e, anye tse ee Inyoghuo anye ni a khi egbō iJeta ni a la Atiōki ali iSiria ali iSilisha.

<sup>†</sup>15:7 Li ze Ika 10.1-43

<sup>‡</sup>15:8 Li ze Ika 2.4; 10.44

<sup>¶</sup>15:18 Li ze Emō 9.11-12

<sup>§</sup>15:20 Li ze Okiali 34.15-17; iLey 17.10-16; 18.6-23

<sup>24</sup> Anye suo khi egbo eghuo e rote anye iteva vu ni o khia khi o a khi anye ghie we, ni e bhale ya nu e ngme ingmemhi ni oo yese e elemhi-a ali ni oo nase e udu. <sup>25</sup> Irarigho, anye ro kugbe ghie emose eghuo ghi e, e deba iBanabasi ali iPolu emole anye bhale. <sup>26</sup> Emose ena e she ri agbo oyewe shi okhena itobo eva oyi iJesu iKirisiti Onomhue. <sup>27</sup> Irarigho, anye ro ghie iJudasi ali iSalasi ni e ri unu gue emini anye keke shi ebe ye e. <sup>28</sup> O ti Ayemhe-no-pfuase ali anye eloe, ini anye khi ri itsua elese nase e tsua dose ishi enana. <sup>29</sup> A ti egbe eminale ni a ro luse ikhumhi le, a khi ke da oia, a khi le elamhi ni aa fa uruli. A khi ku itsebo. O ma a ti e egbe ini a lase emhi enana le.

Eshinegba o nu e la.

<sup>30</sup> Eni emose ni a ghie usomhi e vu ya tiemhi Atioki. E ti eni e miesuo nya gbili, e ri oni ebe na we. <sup>31</sup> Abi eni egbo e ro ze oni ebe se, oghel e o vo we elemhi itobo khi usomhi onete ni o ri udu e shi ogbo o o tsua. <sup>32</sup> IJudasi ali iSalasi ni e khi emekeguele e nu we ngme ebubu ingmemhi ri udu shi we o, e zese we-a. <sup>33</sup> E nu we la agho ukuku egheghe, eni e miesuo e tse we okhila. Wewe ni a ghie usomhi e nyene egbe je iJerusalemu deba eni e ghie we. <sup>34</sup> [Ama iSalasi o lama nu we la agho.] <sup>35</sup> IPolu ali iBanabasi e la Atioki, wewe ali egbo elese e la agho o sese, ee tse abo ungmehi oyi Onomhue.

### IPolu ali iBanabasi e vase egbe-a

<sup>36</sup> Abi ebubu ogbele e ro dose, iPolu o gueye iBanabasi, oo li, "Awa nyene egbe je eoli ni awa te dose ni awa ya bino egbo ni awa gue ungmehi oyi Onomhue ye, ni awa me abi e ke lao shi." <sup>37</sup> O ghole iBanabasi ni e tsua iJoni ni a gbolo e lu iMaki ma egbe vu. <sup>38</sup> Ama o a ghole iPolu ni e tsua li. Itobo khi oni iJoni ni a gbolo

e lu iMaki o a nu we gbe ikanya ramhi ukpese ni o ro tsua we kua eke iPafilia vu, o so ukhokho gbe we. <sup>39</sup> IPolu ali iBanabasi e mholi ekhako ni o toto shi ingme ona, e kemhi egbe. iBanabasi o rue iJoni iMaki ma egbe, e lo oko-oké oniemi da je iSapurosi. <sup>40</sup> Ama iPolu o pfi obo rue iSalasi, e vu abi eni e miesuo e ro so iromhi na we, re we nga okhale ireloe-khu oyi Onomhue se. <sup>41</sup> E kia rote eke iSiria ali iSilisha, e ri udu u shi igbaa nya eyi eni e mie iKirisiti suo o.

### ITimoti o deba iPolu ali iSalasi

**16** IPolu o bhale eoli iDebi ali iLisitira, ashini omoo odukhokho ni a lu iTimoti o la. Inyoli ni o li miesuo o khi ongi iJu, ama itali o khi ongi iGiriki. <sup>2</sup> Igbaa oyi eni e mie iJesu iKirisiti suo ni e la iLisitira ali iKoniomu nya e ngme onete oyi iTimoti. <sup>3</sup> IPolu oo nono ni loli ri iTimoti ma egbe vu, igbo o shela oli-a. Itobo khi egbo iJu ni e la oobo e ga lese khi ita iTimoti khi ongi iGiriki lo. <sup>4</sup> Abi e li kia eoli i gase, e sese eni e miesuo ilamashi ni ighiusomhi na kee ali eni egbali ni e la iJerusalemu e keke shi ebe na we, e gueye we, e rewe gbe akanya. <sup>5</sup> Igho igbaa nya eyi eni e mie iKirisiti suo, e fu u shi irudunga, ee bua shi o elekpa.

### IMEKE ni iPolu o me obini iTiroasi

<sup>6</sup> IPolu ali eni e ga kia, e rote eke iFiri-gia ali iGalesha, itobo khi Ayemhe-no-pfuase o a ze we gue usomhi onete le eke Esha. <sup>7</sup> Abi e ro ramhi eke iMisia, ee nono ni wewe e lo elemhi eke iBitinia, ama Ayemhe oyi iJesu o a ze we lo. <sup>8</sup> Igho e rote eke iMisia dose je iTiroasi. <sup>9</sup> Eliyose elegho iPolu o me ime-alo, o me khi ongi iMasidonia o migha a lema, "Bhale iMasidonia ni u ya kpaghi anye obo!" <sup>10</sup> Abi iPolu o ro me oni imeke se, anye mu egbe e le iMasidonia, itobo khi

\*\*15:38 Li ze Ika 13.13

anye lẹsẹ khi Eshinegba ọ she lu anye, anye je agho ya gue usomhi onete le.

### ILidia ọ mu pfi

<sup>11</sup> Anye rote iTiroasi lo oko-oke oniemi da oke oniemi je iSamotirasi, ogbeakofo, anye te agho je iNiapolisi.

<sup>12</sup> Agho anye te je ifuapfe oyi iFilipi ni o khi eoli ni o mu eloe shi eke iMasidonia ni ebubu egbọ iRomu e ngeli. Anye ga la agho ebubu ogbele.

<sup>13</sup> Ogbele iyemhea oyi egbọ iJu, anye te oni eoli vu je oni oke, ashini anye khokho khi egbọ iJu ee lona shi iromhi isoso. Anye shitọ nu ikpotso ni e legba agho ngme. <sup>14</sup> Okpotso oghuo elemhi we ni ọ ri esọ shi eke khi iLidia ongi iTiatira, oni ọ ri ide eyile ẹ de. O khi okpotso ni ọọ na ulishi Eshinegba. Abi iPolu ọ li i ngme, Eshinegba ọ khueghie ọli udu-a shi oni ungmehi. <sup>15</sup> Abi a ro batazi ọli ali apfoli se, ọ lu anye je owa oyoli, ọọ anye, "A kha lẹsẹ khi egbegbi oni ọ miesuo mhi khi, a bhale ya ku shi na mhe." O ti anye shi ọ ramhi ni anye ro lama shi ọli ọ.

### A mu iPolu ali iSalasi shi igha

<sup>16</sup> Eleghuo abi anye li i je ashini anye la a so iromhi, omueshi oghumha oghuo ni ọ mhọli ayemhe obe ni ọ ro ọ meke guele emini a ya me, ọ ya to anye ukhomhi. Eri ọ ri oni ekpabo imeguele ona a gbe ikpagho na eni e mhọli ọli. <sup>17</sup> Oo deba iPolu ali anye, ọọ tsesẹ, ọọ lie, "Eni ẹ ga Eshinegba ni ọ fune eni egbọ ena e khi! Eri ẹ tse abo guele abi a li ya mhọli imiepfuese!" <sup>18</sup> Ina ọ li i riele ọli ogbele kpa ya ramhi ni oni ingme o ro ri elemhi i bi iPolu, igho iPolu ọ nyene ege gueye oni ayemhe, ọọ li, "Mhi ri eva oyi iJesu mhese ne, fie ọli idiegbe ya lase!" Aghoaghọ oni ayemhe o fie ọli idiegbe ya lase. <sup>19</sup> Abi eni e mhọli ọli e ro me khi ẹa ke me ikpagho afa ni e kpe te ẹ ọli obo ọ me, e mu iPolu

ali iSalasi tialo ghi enighie obini agbala oyewe. <sup>20</sup> E wolọ we bhale odalo oyi esọ-ẹzo, ẹẹ we, "Emose ena, egbọ iJu e khi ni e pfi ozughu ẹ shi awa ifuapfe. <sup>21</sup> E kia a sesẹ egbọ imu ni e khi ọda shi eyi awa. Awa ni awa khi iRomu, awa aa ya doberisose oyewe gbe akanya." <sup>22</sup> Eni ebubu egbọ e kuma we ọ gue ẹzo shi iPolu ali iSalasi ege. Igho eni esọ-ẹzo e gueye we e banọ we ẹ, e gbe we ẹ itali. <sup>23</sup> Abi e ro gbe we egbegbo se, e tigbe pfi we lo owa ighumha. E gueye oni ọọ khe-ekhe ọ pfi okpe ashini ọ rewe shi egbegbo. <sup>24</sup> Abi a ro ri oni omhese na li se, ọ mu we kulo owa aza elemhi oni owa ighumha, ọ so we awe igha. <sup>25</sup> Abi itsotso ogbie o ro mu eke, iPolu ali iSalasi ee so iromhi, ee to uwolo kueghie Eshinegba. Ighumha eni e kpole e ri esọ shi we eke. <sup>26</sup> Udemhija, eke o ri itoto nighise. Oni owa ighumha o rote eke jighise egbegbo. Eloawe eloawe, ode nya ni e lo oni owa le e khueghie-a. Iweghe ni e ro ge eni ighumha nya e ku we awe-a. <sup>27</sup> Abi oni ọọ khe ekhe agho ọ ro me khi ode ni e la oni owa ighumha nya khi e khueghie-a, ọ dabi khi ighumha ni e la agho nya e she pfue. Igho ọ ji itakobi emhi lasele ni lue ro gbe egbelue-a. <sup>28</sup> Ama iPolu ọ tsesẹ leghe, ọọ li, "Khi gbe egbe ẹ-a! Anye nya anye la ana."

<sup>29</sup> Oni ọọ khe ekhe ogho ọ lu ogho ọ nyanya rue ugbili bhale. O ri ulishi-ulishi na buẹ buẹ, ọ de ya wugha odalo oyi iPolu ali iSalasi. <sup>30</sup> Igho ọ rue we lasele, ọ mhila we, "Elo mhi ya li ni mhi ro ya mhọli imiepfuese?"

<sup>31</sup> Eẹ oli, "Yeye ali apfe nya a mie iJesu Onomhue suo khi a ya mhọli imiepfuese." <sup>32</sup> Igho e gue ungmehi oyi Onomhue ye ọli ali apfe ọli. <sup>33</sup> Igho oni omose ọ wolọ we, ọ dua we utse ni a kuali we. IPolu ali iSalasi e rue ọli ali apfoli ya batazi na aghoaghọ. <sup>34</sup> Igho ọ rue iPolu ali iSalasi nga owa oyoli ya ri eminale na le. Oghẹle ọ vo ọli ali apfoli

nya udu irari khi e she mie Eshinegba suo.

<sup>35</sup> Eļe uzogbe ogbeakoļo, eni eso-ezo e ri unu na ipolisi e ka gueye oni o o khekhe ogho, “Zobe emose egho obo ni e vu.” <sup>36</sup> Igho oni o o khekhe ogho o o iPolu, “Eso-ezo e she ri unu bhale a wolo e abo-a ni a ke vu. Opfomhe o ka nu e kia.” <sup>37</sup> Ama iPolu o o li, “Anye a li ingme okhoghuo ni a ro mu anye gbe itali ukpeloe oyi egbo nya, aboriekhia khi egbo iRomu anye khi! Ama e mu anye kulo owa ighumha. Memena, ee nono ni wewe e bena rue anye abo-a, oa ya tse e! Eni eso-ezo wewe-ghuo e bhale ya wolo anye lasele.”

<sup>38</sup> Eni ipolisi e le ya gueye eni enighie abi e ngme. Abi e ro suo khi egbo iRomu iPolu ali iSalasi e khi, ulishi o mu we. <sup>39</sup> Igho e vu ya kuegbe-a lema we, e wolo we owa ighumha le, e lema we e kpekepe e lase ewe ifuapfe le. <sup>40</sup> Igho iPolu ali iSalasi e lase oni owa ighumha le, e ya je apfe oyi iLidia. E bhale ya e eni e miesuo agho. E ri udu shi we o, e rote agho vu.

### Obini iTesalonika

**17** IPolu ali iSalasi e rote Afipolisi ali Apolonia dose e bhale iTesalonika ashini owa ugamhi oyi egbo iJu o la.

<sup>2</sup> IPolu o dose je owa ugamhi abi o kie kpe e li. Efo uka ese o la agho nu we rote Ebe-no-pfuase ku ochi. <sup>3</sup> O rote Ebe-no-pfuase roli khasa gboo, khi oni Omiepfuese, o mema ya me osoli, o rote eghuli guale. IPolu o gueye we, “Ijesu ni mhi ro o tse abo ye e o khi oni Omiepfuese ni Eshinegba o shobo khi loli ya ro bhale.”

<sup>4</sup> Egbo iJu eghuo e mie shi emini iPolu ali iSalasi e ngme, e ku ma we o o ga Eshinegba. Igho li khi egbo iGiriki eni e na ulishi Eshinegba ali ebubu ikpotso ni e fialo-a e li miesuo. <sup>5</sup> Ama egbo iJu ee kpe ofuma, e kia ya luno egbo usueso-akhue tigbili shi okholi. E pfi ozughu

shi oni edeli nya. E tsua okholi lo owa oyi omose ni a lu iJasi ya nono iPolu ali iSalasi ni wewe e muno we lasele na eni egbo. <sup>6</sup> Ama abi ea ro me we, e tialo iJasi ali eni e miesuo elese gho je odalo oyi enighie eyi oni eoli, e tse se leghe, e lie, “Emose ena e she pfi ozughu shi asha kpa! Memena e gbo bhale ifuapfe eyi awa, <sup>7</sup> IJasi o mie we shi owa oyoli. E da ishi eyi iSiza, ee khi oghie olese o la o ni a lu iJesu.” <sup>8</sup> Abi e ro suo eni ingmemhi ena, elemhi e te odode yese eni ebubu egbo ali enighie eyi oni eoli-a. <sup>9</sup> E ri iJasi ali eni a ga muno we egho ze oko, neni a tigbe zewe vu.

### Elemhi iBerea

<sup>10</sup> Obili o lese bi elegeho, eni e miesuo e ghie iPolu ali iSalasi je iBerea. Abi e ro ramhi agho, e je owa ugamhi oyi egbo iJu. <sup>11</sup> Egbo ni e la agho e mholi udu ni o khueghie-a dose eni e la iTesalonika. E ri eso shi oni usomhi onete egbegbo. Ogbel kpa e ro wena Ebe-no-pfuase ni e me ini emini iPolu o gueye we ini igesikia lo. <sup>12</sup> Egbo iJu ebubu e miesuo, ikpotso iGiriki ni e fia alo-a, ali emose iGiriki e li miesuo.

<sup>13</sup> Ama abi egbo iJu ni e la iTesalonika e ro suo khi iPolu o la iBerea a tse abo ungmehi oyi Eshinegba, e bhale agho ya ngmiasa egbo e ka pfi ozughu. <sup>14</sup> Eloawe eloawe, eni e miesuo ee iPolu vu ke je egele oke oniemhi, ama iSalasi ali iTimoti e kie la iBerea. <sup>15</sup> Eni emose ni e kphase iPolu, e ro li bhale Ateni, e gbo nyene egbe je iBerea. IPolu o ghie we ghi iSalasi ali iTimoti e kele bhale ya e lue shi agho.

### Abi iPolu o ro la obini Ateni

<sup>16</sup> Abi iPolu o li migha Ateni i khe iSalasi ali iTimoti, o me ilitsa ododa ni e la oni eke, o nighise oli ayemhe. <sup>17</sup> Igho o nu egbo iJu ali egbo iJeta ni ee na ulishi Eshinegba ku ochi elemhi

owa ugamhi. Igho o li gbo nu egbo kpa ni e rote olele e dose e ngme ogbele kpa. <sup>18</sup>Egbo eghuo ni e sese, ni e khi Epikuria ali iSitoiki e nu oli i khe ako.†† Abi iPolu o ro ngme ungmehi oyi iJesu ali irote eghuli guale, eghuo o e lie, “Elo oyeghe ona o me e ngme?” Eghuo ee li, “Abi khi eri o me lie awa ke ga ilita eyi eoli oboese?” <sup>19</sup>Igho e rue iPolu bhale owa ni a lu Aropagosi. (Owa ona eguebe ni e la eoli Ateni ee legba.) “Anye e nono ni u gueye anye abi ose e onogbo ona o ngme. <sup>20</sup>Ingmehi ni u wa ngme, enegbo e khi shi anye eso, gueye anye abi e ngme.” <sup>21</sup>Irari khi egbo Ateni nya, ali epese ni e la o, e ma pfuse egheghe-a ke ngme ingmehi ali ke ri eso shi owena ali ilese enegbo ni e she lasele e gbighi eke. <sup>22</sup>IPolu o vule migha we iteva o we, “Emose Ateni, mhi me e me khi egbo ni e mhue ulishi oyi Eshinegba a khi. <sup>23</sup>Irari khi abi mhi roo kia ifuapfe eye e gase mhi bino ikhumhi ebubu ni aa ga. Mhi me okula oghuo ni a keke emhi shi, ni oo, ‘Oyi olitsa ni aa lese.’ Emini a ga ni ee khi aa lese, mhi ya gue ingme oyoli ye e ena.

<sup>24</sup>“Eshinegba ni o ma agbo ali emhikpa ni e la elemhi we, loli o khi Onomhue oyi eke ali ukhuli ni o ya ya la Owa ugamhi ni egbo e ri abo to. <sup>25</sup>Wekhi eri o nono emhikhoghuo ali ikpaghiobu oyi egbo. Itobo khi loli o ri agbo ali ayemhe ali emhikpa na egbo nya.‡‡ <sup>26</sup>Ogbo oghuo o te ma egbo ododa na ushishi ni e la agbo nya, Lolighuo o ri egheghe shi eke na ushishi ni e ro ya la agbo ali khi o shi ughuli oyi ogbogbo nali. <sup>27</sup>Loli o ligho riefe ona ini egbo e roshaka ke nono oli, ini e

me asha ramhi oli egbe. Ama Eshinegba o nuata shi onge-awa o. <sup>28</sup>Loli o ri ekpabo na awa la agbo ni awa ro o kia, ni awa ro khi oni awa khi,’ ali khi, ‘imi oli awa khi,’ abi ekekebe eye e eghuo e li ngme oli.

<sup>29</sup>“Irarigho, aborokhia khi imi Eshinegba awa khi, awa khi ke roli khokho isheli ni egbo e ri eneli ri igolu ali elomho ali eche ma. <sup>30</sup>Egheghe ni o dose, eri Eshinegba o mu alo kua shi umhalese oyi egbo. Memena o she ri omhese ni ogbokpa ni o la ashakpa o mu nyene. <sup>31</sup>Irari khi o she shi ogbele shi eke ni o ro ya ri omose oghuo gue agbo kpa ezo. Eshinegba o she rokhase agbo khi igesikia onana o khi ni o ro rote eghuli guise oni omose ona le.”

<sup>32</sup>Abi e ro suo khi iPolu o ngme ramhi irote eghuli guale, e ri oli i li egia, ama elese ee oli, “Anye a nono ni anye gbo suo ungmehi ona eleele.” <sup>33</sup>Igho iPolu o rote oni ilegba vu. <sup>34</sup>Emose eghuo e deba li, e mie oli suo. IDionisusi ni o khi oghuo oni igbaa Aropagosi o li deba li. Igho li khi okpotso oghuo ni a lu iDamarisi ali egbo eghuo elese e li laq.

### Abi iPolu o ro la iKoriti

**18** Abi a ro me eni ingme ena se, iPolu o rote eoli Ateni vu je eoli iKoriti. <sup>2</sup>Agho o bhale ya e ongi iJu oghuo ni a lu Akuila ni a bia shi eke iPotusi. Oni loli ali ughue oli ni a lu iPisila e lese rote eke Itili bhale, irari khi oghie iRomu nya ni a lu iKiladiusi o shi ushi na egbo iJu nya ni e la eoli iRomu nya e lase eoli iRomu le. IPolu o le ya bino we, <sup>3</sup>irari khi akanya oni o ri ide e ghi

††17:18 Egbo Epikuria ali iSitoiki ena, e deba ose e ni ea te ode, eyi o ni a lu Epikurosi ali iZeno. Eri Epikurosi oo sese egbo e zobe ni oghelo o khi emini e na khu agbo oyewe, a na ke na emini e ya pfi osoli ali ulishi na we. Egbo iSitoiki e deba ose e ni ea te ode eyi iZeno, ni oo ogbokpa o ke li agbo oyoli abi usamhi oyoli o lama na li shi. Ogbo khi zobe ni usamhi agbo aruele okekhi oyi osoli, ni o nase oli.

‡‡17:25 Li ze 1 Ighie 8.27; Aza 42.5; Ika 7.48

okholo ọọ gbe, ọ nu Akuila ali iPisilia a gbe oni akanya ni ee gbe. Ọ nu wẹ la agho.

<sup>4</sup>Ogbelẹ Iyemheḗa oyi egbo iJu kpa ọ ro je owa ugamhi oyi egbo iJu ya nu wẹ ku ochi ini ọ doḗ ri oni ungmehi lo egbo iJu ali egbo iGiriki eso. <sup>5</sup>Abi iSalasi ali iTimoti e ro roṭe ekẹ iMasidonia bhale, iPolu ọ ri egheghe ni ọ mhọli nya gue oni ungmehi ye egbo iJu, khi iJesu ọ khi Ọmiepfuese ni Eshinegba ọ shobo khi ọ ya bhale. <sup>6</sup>Abi eni egbo iJu e ro nu ọli khe akọ ni e ro zẹ emue ebe na li, ọa lama shi wẹ ọ, ọ kpe abo shi wẹ ọ, Ọo, “Mhi kpe abo shi ẹ ọ. Ini a pfua, ẹẹ a ya mu ota so. Ọa khi mhemhe a ya mu ota so shi ọlia eyeẹ. Roṭe memena vu, mhia je ekẹ oyi egbo iJeta.” <sup>7</sup>Ọ pfi wẹ shi agho vu, ọ je owa oyi ogbo iJeta ni a lu iTatosi iJositosi ni ọọ ga Eshinegba, ni owa oyoli o la mama owa ugamhi oyi egbo iJu. <sup>8</sup>IKirisipusi ni ọ khi ọga shi oni owa ugamhi ali apfoli e mie Onomhue suo; ebubu egbo ni e la iKoriti ni e suo oni usomhi e miesuo, a batazi wẹ.

<sup>9</sup>Eliyose eleghuo, iPolu ọ me ime-alo ni Onomhue ọ la nu ọli ngme, ọọ li, “Ul-ishi o khi mu ẹ, ama kie ke gue ungmehi le, khi tsaghie-a. <sup>10</sup>Irari khi mhi nu ẹ la. Ogbo ọa la ọ ni ọ ya kualii ẹ utse. Irari khi mhi mhọli ebubu egbo shi ẹoli ona ni e khi egbo eyemhe.” <sup>11</sup>Igho iPolu ọ la iKoriti ukpe oghuo ali ukhukhui, ọọ sese eni egbo ungmehi oyi Eshinegba.

<sup>12</sup>Abi iGalilio ọ ro khi igovuno ni iRomu e zẹ shi obini ekẹ Akhaya, egbo iJu eghuo e kugbe mu okholi vule shi iPolu ọ, e mu ọli je ikotu. <sup>13</sup>Eẹ li, “Eri omose ona ọọ sese egbo ode egbhọli ni a te ẹ ga Eshinegba abi ushi oyi awa ọa ngme.”

<sup>14</sup>Abi iPolu ọ li i nono ni lolli ngme, igbo iGalilio ọ nu egbo iJu ngme, ọọ, “Ini ezọ ni a lu ena o khia khi oyi umhagueli

lo okekhi oyi ingmobe okhoghuo lo, mhi kha kuegbe-a ri eso shi ẹ ẹẹ egbo iJu ọ. <sup>15</sup>Ama abi o ro khi ungmehi ekhako ni o la ingmehi ali eva ali ushi oyeẹ egho, ẹẹ-ghuo a ya so oni ingme, mhi aa ya so ọ.” <sup>16</sup>Ọo a khu wẹ ikotu ya fiẹ. <sup>17</sup>E gamhi iSositeni ni ọ khi ọga shi owa ugamhi mu. E la odalo oni ikotu gbe ọli. Ama iGalilio ọa fe pfi eso shi wẹ ọ.

<sup>18</sup>iPolu ọ nu eni e miesuo wẹ la iKoriti ogbelẹ ni e bu, igbo ọ li tse wẹ okhila, lolli ali iPisilia ali Akuila e lo oko-okẹ oniemi da okẹ oniemi je iSiria. Neni iPolu ọ roṭe iKengkhiria da okẹ oniemi, ọ yamhi itsu ukhomhi-a itobo ironga ni ọ ro nga. <sup>19</sup>E ramhi Efesosi, ashini iPolu ọ pfi iPisilia ali Akuila shi. Ọ je owa ugamhi ni ọ nu egbo iJu ku ochi. <sup>20</sup>Eni egbo ẹ ọ nu wewe la agho tесе, ama ọa lama. <sup>21</sup>Ochoghọ, ọ gueye wẹ abi ọ ro ọ vu, ọọ, “Ini o da khi oghuemhe oyi Eshinegba, mhi ya nyene egbe bhale deba e.” Igho ọ roṭe Efesosi lo oko-okẹ oniemi vu da okẹ oniemi. <sup>22</sup>Abi ọ ro ramhi iSizeria, ọ te agho je iJerusalemu ya tсе eni e miesuo, ọ ke te agho je ẹoli Atioki.

<sup>23</sup>Abi ọ ro la agho ukuku egheghe, ọ te agho vu, ọ roṭe ekẹ iGalesha ali iFiria ya ri udu shi eni e miesuo ọ.

### Abi Apolosi ọ ro la Efesosi ali iKoriti

<sup>24</sup>Oni egheghe, omose onge iJu ni a lu Apolosi ni a bia shi Alezadira ni ọ khi oni ọ mema gue ebe, o gbo lolo lese ebe no pfuase, ọ bhale Efesosi. <sup>25</sup>Ọ khi ogbo ni a roṭe ekẹ sese ode oyi Onomhue. Ọ mhọli omuegbe ni o fu ni ọ ro sese ingme oyi iJesu. Emini ọọ sese o roṭe ode igesikia. Ama osese oyi iJoni Oni ọọ batazi egbo ọ lese gue. <sup>26</sup>Igho ọ li la owa ugamhi oyi egbo iJu ri igbedu u ngme. Abi iPisila ali Akuila e ro suo emue ni o la li unu, e rue ọli ma egbe je apfe, e kuegbe-

<sup>11</sup>18:18 Li zẹ iNoba 6.18



a sẹsẹ ọlì odẹ oyi Ẹshinẹgba shi ọ egbegbo. <sup>27</sup> Apolosi ọ rọlì shi udu khi lọlì ya je Akhaya, eni e miesuọ ni e la Efesọsi e kpaghie ọlì obọ, e keke ebe ghi eni e miesuọ ni e la Akhaya. E gueye wẹ e kpe abọ mie ọlì. Abi ọ rọ ramhi akaghọ, ọ khi ikpaghiobọ oniemi na eni e rọte okhale oyi Ẹshinẹgba miesuọ. <sup>28</sup> Irari khi ọ nu egbo iJu khe akọ egbegbo, ọ rọ mu wẹ ọ le. Ọ rọte Ebe-no-pfuase rọkhasẹ wẹ khi iJesu ọ khi Ọmiepfuase ni a shobo.

### Abi iPọlu ọ rọ la Efesọsi

**19** Abi Apolosi ọ li la elemhi iKoriti, iPọlu ọ rọte elemhi oni eke kia rọte ugbogbode ni o khi ute ute e dose, ọ bhale Efesọsi. Aghọ ọ bhale ya ẹ eni e miesuọ eghuo, <sup>2</sup> ọ mhila wẹ, ọọ wẹ, “Abi a rọ miesuọ, a li mie Ayemhe-no-pfuase?”

Ẹẹ ọlì, “Anye a fẹ suọ khi a mẹ emini a lu Ayemhe-no-pfuase ghue.” <sup>3</sup> iPọlu ọọ wẹ, “Ibatizi onabi onoghuo a kpe mie?”

Ẹẹ ọlì, “Ibatizi oyi iJoni.” <sup>4</sup> iPọlu ọọ wẹ, “Ibatizi oyi iJoni, ibatizi ona imupfi lọ. Ama oni iJoni ọ gueye egbo iZireni e mie oni ọ ya bhale ikpukhokho oyele suọ, ikhi iJesu.” <sup>5</sup> Abi e rọ suọ ona se, a ri eva oyi iJesu Ọnọmhue batazi wẹ. <sup>6</sup> iPọlu ọ ri abọ nga wẹ ukhomhi, Ayemhe-no-pfuase ọ tiemhile shi wẹ ọ, ee ngme emue onogbo. E gbolo o ngme ungmehi ni Ẹshinẹgba ọ rọ shi wẹ unu. <sup>7</sup> Wewẹ nya e khi emose ogbava.

<sup>8</sup> iPọlu ọ lo elemhi owa ugamhi, ọ la aghọ iki ese, ọ ri igbedu nu eni egbo ngme. Ọ nu wẹ ku ochi, ọọ sẹsẹ wẹ ni e mie shi ingme Eghiele oyi Ẹshinẹgba. <sup>9</sup> Ama eghuo ọ e khi isueso-akhue ni ẹa lama miesuọ. E la ukpeloe oni igbaa ngme ingmemhi ebe deba oni ode. Ighọ iPọlu ọ pfi wẹ shi aghọ vu, ọ rue eni e deba li je owa oyi iTiranosi. Ọ la aghọ nu

wẹ ẹ ku ochi ingme iloghie ogbele kpa. <sup>10</sup> Ikpe eva ọ la aghọ sẹsẹ wẹ, ghe egbo iJu ali egbo iGiriki ni e la eke Esha, e suọ ungmehi oyi Ọnọmhue.

### Imi iSikiva

<sup>11</sup> Ẹshinẹgba ọ te obọ oyi iPọlu u gbe ikanya oshabọ ododa. <sup>12</sup> O ya ramhi khi ibede ali ogbene ni a rọte iPọlu egbe wolo, e ri egbo ni ẹa ze e toto, ali e khu egbo ayemhe okpaghie idiegbe ya lase.

<sup>13</sup> Egbo iJu eghuo ni ee kia ukhomhi eoli gasẹ ri imajiki i khu ayemhe obe kua, e li nono ni e ri eva oyi iJesu Ọnọmhue riele abi imajiki khu ayemhe obe. E lie, “Anye ri eva oyi iJesu ni iPọlu ọ rọ tse abọ mhese ne, fie lase!”

<sup>14</sup> Imi oga oyi ekpodalo ugamhi onge iJu oghuo ni a lu iSikiva etuoshilua, ee li ona. <sup>15</sup> Ighọ, oni ayemhe obe, ọọ wẹ, “Mhi lese iJesu, mhi lese iPọlu, eghuo a khi?” <sup>16</sup> Oni omose ni ọ mhọlì oni ayemhe obe oghọ, ọ kpha rughu wẹ, ọ gbe wẹ kualì utse. E ri irumheba na kua.

<sup>17</sup> Abi egbo iJu ali iJeta ni e la eke Efesọsi e rọ suọ emini a mẹ, ulishi oo mu wẹ. E ri ekpe na eva oyi iJesu Ọnọmhue. <sup>18</sup> Igbaa oyi eni e mie iJesu iKirisiti suọ e fie lasele gboo, e zono olamhe eyewe le nya. <sup>19</sup> Ebubu wẹ ni e kpe ẹ li eboli, e wolo ebe ni e rọ ọ li eboli nya lasele tose-a. Abi a rọ ta ingme ni a rọ de eni ebe ni e tose-a, e ya khi ekpa udududu. <sup>20</sup> Ighọ ungmehi oyi Ọnọmhue oo ge shi ọ tse, oo toto-a.

<sup>21</sup> Abi a rọ mẹ ingme ena se, iPọlu ọ sa ọ khi lọlì ya rọte eke iMasidonia ali Akhaya dose je iJerusalemu. Ọọ eni egbo, “Mhi kha ramhi aghọ se, mhi ya rọte oobọ je eoli iRomu.” <sup>22</sup> Ighọ ọ ghie iTimoti ali Erasitosi ni e nu ọlì a gbe akanya je iMasidonia. Lọlì ọ la eke Esha ukuku eghẹghe.

§§19:4 Li zẹ iMat 3.11; iMak 1.4,7-8; iLuk 3.4,16; iJon 1.26-27

### Onyaghu ni a mę Efesosi

<sup>23</sup> Oni eghęghę, ukpokpomhi onyaghu o ya de shi ęoli Efesosi irari oseęę ni iPolu ọọ seęę. <sup>24</sup> Omose oghuo ọ la ọ, ni a lu iDemętiriusi ni ọọ lumhi igolu rọ rięę irọkhokhọ okula oyi olitsa Atemisi. Ọ tsua oki onięmhi ghi eni e gbe oni akanya. <sup>25</sup> Ighọ oni omose ọ luno węwę nya kugbe, ọọ wę, “A leęę khi egbegbi eleli awa rọte oni oki ona mę. <sup>26</sup> Mena a she mę, a gbolo suọ ikanya ni iPolu ọọ gbe. Lọli ọọ gueyę ęgbọ khi ilita ni a ri abọ mama khi afuę e khi. Ebubu ęgbọ ni e la ęoli Efesosi ali eķę Esha nya e she mie ọli suọ. <sup>27</sup> Oki oyawa o she la okhęna ni o rọ ọ le eva obe. Ali khi ekpę onięmhi ni a rọ na olitsa Atemisi ali okula oyọli o ya mele afuę-a. Olitsa ona ęgbọ ni e la eķę Esha ali agbọ nya ęę ga.”

<sup>28</sup> Abi eni ęgbọ e rọ suọ ona, elemhi ee bi wę. E ri ofu tseęę ę gase eķę gbii, ee lię, “Olitsa onofunę, Atemisi o khi ni anye ęgbọ Efesosi anye ęę ga.” <sup>29</sup> Oni okeke o gbhiaku oni ęoli. Eni ęgbọ e mu iGayusi ali Arisitakusi ni e khi engi iMasidonia ni e nu iPolu kia a gase. E rue wę bhale olele. <sup>30</sup> IPolu ọọ nono ni lọli je odalo oyi oni igbaa, ama eni e miesuọ ęa zę ọli obọ. <sup>31</sup> Ekhemhüę eghuo ni ęę mhese shi oni eķę ni e khi emọle iPolu e li ghie usomhi ya lema li ọ khi bie je elemhi olele ya ri eķbọli khase. <sup>32</sup> Oni eghęghę, okeke onięmhi o de elemhi oni igba. Eghuo e kha ngme ę je ola, elese e ngme ę je oobọ. ęgbọ eghuo ni e la aghọ ęa leęę emini o pfi oni ozughu. <sup>33</sup> Eni ęę ralo na ęgbọ iJu eghuo e tanọ Alezada abọ je odalo ọ ka ngme na ewę. E gueyę ọli emini ọ ya ngme. Ighọ oni Alezada ọ ri abọ gbe wę akhiakhia. Ọ guele emini a mę. <sup>34</sup> Ama abi eni ebubu ęgbọ e rọ leęę khi ọngi iJu ọ khi, e ri uruli oghuo tseęę gbii, elemhi iwakati eva, ee lię, “Olitsa onofunę Atemisi o khi ni anye ęgbọ Efesosi ęę ga.” <sup>35</sup> Ikpukhokho ọ,

ọkeķę-ebe oyewę ọ fię lasele, ọ ri abọ gbe wę akhiakhia. Ọọ wę, “Inyoghuo-mhę ęgbọ Efesosi, ogbokpa ọ leęę khi awa khi eni ę kheķę okula Atemasi, ali eķęli oyọli ni o rọte idane de tiemhile? <sup>36</sup> Aa mę ogbokhoghuo ni ọ dobę ya tia onana. Itobọ ighọ a dię oili lalọ ni udu oyęę o pfmhę. A khi ri inyanyadose rięę emhikhoghuo. <sup>37</sup> Eri a muno emose ena bhale abi o rię khia khi ęa rọte oni owa ugamhi do ughiatọ, wękhi eri e zę emuebe na olitsa ni awa a ga. <sup>38</sup> Ini iDemętiriusi ali apfọli e mhüę ogbokhoghuo ni ọ li wę ingme, a leęę khi awa mhọli ikọtü ali eso-ęzọ, ọ ka lu eni ęgbọ ęzọ. <sup>39</sup> Ama ini a mę emhese ni a nono ni a rọ lasele, a zę ni a la igba ni a la gue ęzọ sọ ọ. <sup>40</sup> Irari khi ini a bino emini a mę amo, awa la okhęna ipfa ęzọ mu khi awa, awa pfi ozughu. Awa aa ya mę ęzọ gue pfa egbe awa shi eķę, irari khi awa aa mhọli emini o pfi oni ozughu onana.” <sup>41</sup> Abi ọ rọ ngme se, ọọ oni igba o wę-a.

### IPolu ọ rọte eķę iMasidonia ali Akhaya dose

**20** Abi oni okeke o rọ pfmhę, iPolu ọ ghie ya lu eni e miesuọ. Ọ ye wę ude se, ọ tse wę okhila. Ọ je eķę iMasidonia. <sup>2</sup> Ọ rọte oni eķę dose. Ọ kia ri ingmemhi ni e bu ri udu shi eni e miesuọ ni e la oni eķę ọ. Ikpukhokho, ọ ramhi eķę iGirisi. <sup>3</sup> Ọ la aghọ iki ese. Irari khi ęgbọ iJu ę gba ugbamhi obe kķę ọli, abi ọ li nono ni lọli lo ọko-oke onięmhi je iSiria, ọ ri ochoghọ mu egbe pfi rọte odę iMasidonia vu. <sup>4</sup> ISopata omi iParosi ọngi iBerea ọ deba li, li shi Aristakusi ali iSekudosi ni e khi engi iTęsalonika, ghe iGayusi ali iTimoti engi iDębi, gbo li shi iTakikosi ali iTiروفimosi ni e khi engi eķę Esha. <sup>5</sup> Etuava ni a ngme kpukhokho enana, e je odalo ya migha kķę anye obini ęoli iTiروفasi. <sup>6</sup> Anye rọte iFilipi kia ukhomhi oķę onięmhi ogbęle ishe, abi a

rō li ukpe ibuledi ni aa ri ifuma shi nye se. Anye bhale ya ẹ eni e migha ẹ khẹ anye ẹoli iTiroasi, anye la agho ogbele ishilua.

### **IPolu o rōte eghuli guise Iyutikōshi le**

<sup>7</sup>Ogbele nodode elemhi ẹfo uka, anye bhale kugbe ni anye ya le eminale ni o pfuase. IPolu o nu eni egbo ngme tese irari khi o ya vu ogbeakolo. O ngme ya ramhi itsotso ogbie. <sup>8</sup>A ri igbili ni e bu ru shi elemhi owa ukhomhi atonga ni anye legba. <sup>9</sup>Ozeo oghuo ni a lu Iyutikōshi o shito okele ni o la oni atonga. Ukpokpomhi olese o do li rue abi iPolu o ro ngme e tese dose. Abi iPolu o kie li i ngme, oni olese o lo oli egbe ramhi ni o ro rōte ukhomhi atonga nuzi-ese de ya tiemhi eke. Abi ẹ ro mu oli vule, o she ghua. <sup>10</sup>Ama iPolu o tiemhi eke, o mu oli ko elemhi, o to oli etuli, oo, “A li tsuke, ayemhe oyoli o kie lao.” <sup>11</sup>Igho, o nyene egbe nga atonga, e le eminale ni o pfuase. O nu we ngme ramhi ni ovo o ro ngale. IPolu o vu. <sup>12</sup>Eni egbo e rue oni ozeo je apfe, o a mholi ikuatse okhoghuo. Onana o ri udu pfomhe we egbegbo.

### **IPolu o tse eni egbhali Efisha okhila**

<sup>13</sup>Anye lo oko-okẹ oniemi je odalo ya migha khẹ iPolu Asosi, asha ni iPolu o te ya deba anye lo oko-okẹ oniemi. Loli o mhesẹ ona itobo khi awe o ro ya bhale. <sup>14</sup>Abi o ro bhale ya ẹ anye shi Asosi, anye ga lo oko okẹ oniemi oghuo je iMitileni. <sup>15</sup>Ogbeakolo, anye lo oko okẹ oniemi te agho ya je iKhiosi, ogbele ni o de bali, anye rōte agho da je iSamosi, ogbeakolo anye ramhi iMiletusi. <sup>16</sup>IPolu o nono ni loli migha ẹoli Efesosi itobo ini loli khi pfuse eghẹghe a shi eke Esha, irari khi inyanya o la ini loli kele ramhi iJerusalemu shi ogbele iPetikōsiti.

<sup>17</sup>Ẹoli iMiletusi iPolu o te ghie usomhi ghi egbhali ni e la igba oyi egbo eni e miesuo ni e la ẹoli Efesosi e bhale ya ẹ luẹ. <sup>18</sup>Abi e ro ramhi agho, oo we, “A lese abi mhi li nu ẹ ngeli abi mhi ro la iteva oyeẹ, ro te ogbele onodode ni mhi te lo eke Esha le. <sup>19</sup>Rote iregbemhetiemhile ali amẹ evie mhi ro gbe ikanya eyemhe abi oni oo ga oyi Onomhue, eghẹghe ni o ro ze mu mhe ni egbo iJu e ro gba khẹ mhe. <sup>20</sup>Ea lese khi mhi aa ri emikhoghuo ni o ya kpaghie ẹ obo sheli ẹ abi mhi ro o tse abo ali ni mhi ro o sese ẹ elemhi igbaa ali ifuapfe. <sup>21</sup>Mhi she kpe gueye egbo iJu ali egbo iJeta khi e mema a te olamhe eyewe mu pfi deba Eshinegba ni e mie iJesu Onomhue oyawa su.

<sup>22</sup>“Memena, ni mhi ro su o esona Ayemhe-no-pfuase, mhia le iJerusalemu, ni o khia khi mhi aa lese emini mhi ya me oobo. <sup>23</sup>Mhi lese khi asha kpa ni mhi je, Ayemhe-no-pfuase o she kpe gueye mhe khi owa ighumha ali anasemhe e migha a khẹ mhe. <sup>24</sup>Ama eri mhi leli agbo oyemhe shi afue, ini mhi lese me asha gbe akanya ni iJesu Onomhue o mhesẹ na mhe pfo. Ikhi itsabo usomhi onete isomhemhi oyi Eshinegba.\*

<sup>25</sup>“Mhi she kia rōte asha je asha tse abo ungmemhi Eghiele oyi Eshinegba ye ẹ. Memena mhi lese khi ongee, o a ke tigbe ya me mhe ghue. <sup>26</sup>Irarigho, mhi gueye ẹ amo khi ini ongee o pfua, o a ke la obo oyemhe. <sup>27</sup>Irari khi ulishi ogbokhoghuo o a mu mhe ni mhi ro gue ungmemhi oyi Eshinegba ye ẹ. <sup>28</sup>Igho, a ri eloe khu egbe ẹ, ali ogbokpa ni Ayemhe-no-pfuase o ro nga ẹ obo. Khi orisumha-kia oyi igbaa oyi eni e mie iJesu iKirisiti su oyi Eshinegba ni o ro oia eyoli de. <sup>29</sup>Mhi lese khi ini mhi da vu se, egbo ni e kholo abi ekpe ali idumhi

\*20:24 Li ze 2 iTimo 4.7

e ya lo e iteva le, e a ya ze eni isumha obo khi e a kuali we utse. <sup>30</sup>Egheghe o ya ramhi ni egbo eghuo elemhi e e ro ya ri ingmemhi egbhue di eni e miesuo, e rue iteva oye e lasele. <sup>31</sup>Irarigho, a ri eloe shi o, a gbo sato khi elemhi ikpe ese mhi aa tigbe yemhe-a itse agua ye e, shi ele oguota ghe eliyose, elemhi evie.

<sup>32</sup>“Memena, mhi re e nga Eshinegba obo, ali ungmemhi isomhelemhi oyoli, ni o ya re e fu shi irudunga, ni o ya re e mholi ugu ni eni Eshinegba o she khuse pfuase e ya mholi. <sup>33</sup>Mhi aa do ogbokhoghuo okonyo elomho ali igolu wekhi ode oyoli. <sup>34</sup>E e a lese khi abo eyemhe ena mhi ro gbe akanya ro de emini mheme ali eni e nu mhe kia ee nono kpa. <sup>35</sup>Elemhi emini mhi ri ele kpa, mhi rokhase e khi awa mema ya ri akanya igbegbe onana kpaghie eni e a mholi obo. A sato ungmemhi oyi iJesu Onomhue, ni oo, ‘Ikhivose o la irona dose imiemie.’”

<sup>36</sup>Abi iPolu o ro ngme se, loli ali ewe e wugha, o so iromhi. <sup>37</sup>Ee vie abi e li i tse oli okhila, e mu oli, ni e pifipi oli egbe. <sup>38</sup>Oni o lolo ri egbe pfo we-a khi oni o gueye we khi e a ke tigbe ya me lue ghue. Igho e kphase oli ya lo oko-oke oniemhi.

### IPolu o vu iJerusalemu

**21** Anye tse we okhila se, anye kia oke oniemhi talala a je eoli iKosi. Ogbeakolo anye je eke iRodisi, anye rote agho je eoli iPatara. <sup>2</sup>Anye lo oko-oke oniemhi ni oo je eke iFonisha, igbo anye lo o vu. <sup>3</sup>Anye nise alo me iSapurosi, anye rote ukiekie ogobo ini a so alo ghue obini ovo o te e lo eko. Anye je eke iSiria. Anye migha eoli iTai, agho oko oyi anye o la tiese itsua shi eke.

<sup>4</sup>Anye me egbo eni e miesuo eghuo, anye nu we la agho ogbele ishilua. Ayemhe-no-pfuase o gueye we iPolu o

khi je eke iJerusalemu. <sup>5</sup>Anye nu we la agho ramhi egheghe ni anye nu we ya la akagho ramhi se, anye rue okiali eke. Igbaa oyi eni e mie iJesu iKirisiti suo nya ali ighuewe ali imiwe e kphase anye fie lasele oni eoli, anye ramhi eseso oke oniemhi, anye wugha so iromhi. <sup>6</sup>Anye tse egbe okhila se, anye ya lo oko-oke, weye e nyene egbe ukhokho, e je apfe.

<sup>7</sup>Anye rote iTai vu, anye bhale iTolemasi. Anye la agho tse eni e miesuo, anye nu we la agho ogbeleghuo. <sup>8</sup>Anye vu ogbeakolo, anye ramhi iSizeria. Anye kushi owa oyi iFilipu oni o kia gue ungmemhi oyi Eshinegba le, ni o khi oghuo egbo oshilua ni a la iJerusalemu ze. <sup>9</sup>O mholi eniye imueshi aane ni e a ye ughue ne, ni e me eke e guele.

<sup>10</sup>Abi anye ro la agho ogbele ni e bu, omekeguele ni a lu Agabusi o rote eke iJudia bhale. <sup>11</sup>Igho o rue ugbhobho ni a ro o mu oku oyi iPolu. O roli geno egboli abo ali awe. Oo, “Ayemhe-no-pfuase oo khi, ‘Ina egbo iJu ni e la iJerusalemu e li ya ge oni o mholi ugbhobho ona, e mu oli na egbo iJeta.’”

<sup>12</sup>Abi anye ro suo ona, anye ali egbo elese ni e la agho, anye lema iPolu o khi je iJerusalemu. <sup>13</sup>Ama iPolu oo, “Elo o ze ni a ro o vie, ni a ro o yese mhe udu-a. Aa khi eri mhi lese mu egbe ni a ro ya ge mhe tse, ama mhi ga mu egbe ni mhi ro ya ghua shi iJerusalemu, irari eva oyi iJesu Onomhue.” <sup>14</sup>Abi anye aa ro dobe zu oli ode, anye yemhe-a, anye e oli, “O ka tse abi o ghole Onomhue.”

<sup>15</sup>Onana o dose se, anye mu egbe, anye nga iJerusalemu. <sup>16</sup>Eniye odukhokho eghuo ni e la iSizeria, e kphase anye, e ri anye bhale owa oyi iMinaso, ni o khi ongi iSapurosi ni o khi oghuo eni e kpe todode miesuo.

<sup>†</sup>21:8 Li ze Ika 6.5; 8.5

<sup>‡</sup>21:10 Li ze Ika 11.28

### Abi iPölu o rọ ramhi iJerusalemu

<sup>17</sup> Abi anye rọ ramhi iJerusalemu, eni e miesuo e kpe abo mie anye egbegbo. <sup>18</sup> Ogbeakolo iPölu ali anye enekpole anye ya me iJemhisi, eni egbhali eni e miesuo nya e li la agho. <sup>19</sup> iPölu o tse we, o kuegbe-a gueye we ikanya ni Eshinegba o gbe shi iteva oyi egbo iJeta rọte akanya oyi Eshinegba ni o o gbe.

<sup>20</sup> Abi e rọ suo ingmemhi ni iPölu o ngme se, e kueghie Eshinegba. Igho e iPölu, “Inyoghuo, wa a me egbo agbele-agbele eyi iJu ni e mie iJesu suo, wewe nya e mholi omuegbe shi iri ushi gbe akanya. <sup>21</sup> E she kpe suo khi eri u wa sese egbo iJu nya e tsua Ishi eyi iMosisi kua, khi u we e khi shela imi we-a ali e khi ke deba ighuighue eyi egbo iJu. <sup>22</sup> Se awa ya li, irari khi e mema ya suo khi u she bhale. <sup>23</sup> Ina anye nono u li, emose aane e nu anye la ana ni e she rọ nga. <sup>24</sup> Rue emose ena, ni a ga ya riela ikhue-pfuase. U gbo fali ota na we ni a rọ ya ta we itsua. Ishegho, ogbokpa o ya lese khi egbhali a kie me, khi u ri Ishi eyi iMosisi e gbe akanya. <sup>25</sup> Ama anye she ri ebe ghi egbo iJeta eni e miesuo rọ gueye we abi anye ngme, khi e ti egbe eminale ni a rọ luse obo le, ali e khi ke da oia ali e khi le elamhi ni aa fa uruli, ali e lase itsebo ikuku le.”<sup>8</sup>

<sup>26</sup> Ogbeakolo, iPölu o rue eni emose, e ga ya riela ikhue-pfuase. Igho o je Owa Oyi Eshinegba ya gueye we ogbele ni oni ikhue-pfuase o ya pfo ali emini a rọ ya riela iluasobo na ogbogbo.

### A mu iPölu

<sup>27</sup> Abi eni ogbele ishilua e rọ ya gba, egbo iJu eghuo ni e rọte eke Esha bhale

e me iPölu elemhi Owa Oyi Eshinegba. E tano shi eni ebubu egbo elemhi, e mu iPölu. <sup>28</sup> E tses leghe, ee li, “Egbo iZireni, a kpaghie anye obo. Eri oni omose ona o kia sese egbo ashakpa, mu okholi vule shi egbo eyawa o, ali ishi eyawa ali Owa Oyi Eshinegba onana. Oa khi ena tse, o she gbo rue egbo iGiriki lo Owa oyi Eshinegba oyawa ya ri ichimhi mu asha ni o pfuase onana.”

<sup>29</sup> (Eri e ngme ona itobo khi e me iTiروفimosi ongi Efesosi ali iPölu ifuapfe, e dabi khi o she rọli lo Owa Oyi Eshinegba.)\*\*

<sup>30</sup> Onyaghu o lo oni ifuapfe nya le, eni egbo e rọte ashakhasha na a bhale. E mu iPölu, e rọte oni Owa oyi Eshinegba ti oli lasele, aghoagho, e so okpe ode nya. <sup>31</sup> Abi eni egbo e li nono ni wewe gbe oli-a, oni ingme o ramhi eso oyi oni o o mhesa na ekholi-okhue eyi iRomu khi edeli iJerusalemu nya o la onyaghu oniemi. <sup>32</sup> Eloawe eloawe, o wolo ekholi-okhue ma egbe e na tiemhi deba eni ebubu egbo. Abi eni e nyaghu egho e rọ me oli ali eni ekholi-okhue, e mu mhue, e a ke gbe iPölu.

<sup>33</sup> Oni o mhesa na ekholi-okhue ogho o mu iPölu, o e ri iweghe eva ge oli. O mhila eni egbo oni o khi ali emini o li. <sup>34</sup> Egbo eghuo ni e la oni igba ee tses, ogbogbo o ngme oyoli. Abi oni oga okholi-okhue ogho o rọ lese emini ee ngme, o o a mu iPölu ya shi apfe ekholi-okhue. <sup>35</sup> Abi e rọ ramhi unu owa, eni ekholi-okhue e mu iPölu tsua irari khi eni e domhi oli e bu dose. <sup>36</sup> Igho e li kpikpi deba li, ee tses gbii, e lie, “A gbe oli-a, a gbe oli-a.”

<sup>8</sup>21:24 Li ze iNoba 6.13-21

<sup>§</sup>21:25 Li ze Ika 15.29

<sup>\*\*</sup>21:29 Li ze Ika 20.4

### IPolu o pfa egboli shi eke

<sup>37</sup> Abi eni ekhōli-okhuẹ e li mu iPolu lo apfe eyi ekhōli-okhuẹ, oọ oga oyewe, “Mhia nono ni mhi nu e ngme?”

Oni oga oọ li, “U gue e ngme elemhi iGiriki?” <sup>38</sup> “Oa khi yeye u khi ongi iJipiti ni o ke gba onyaghu eke le? Ni u wolo egbo agbele ene ni ee gbolo ekhōli-okhuẹ eyi iRomu-a, ni u rue we je odagbe ifufu ya mu we egbe shi onyaghu?”

<sup>39</sup> IPolu o so li o, oọ li, “Ongi iJu ni a bia shi eoli iTasosi ni o la eke iSilisha mhi khi. Omọ eke eoli ni o mu eloe. Kpekpe ze mhe nu eni egbo ena ngme.”

<sup>40</sup> Abi oga oyi ekhōli-okhuẹ o ro ri oni egheghe na li, iPolu o migha atete unu ode, o ri abo nu we ngme e tsaghie-a. Abi e ro tsaghie-a, iPolu o ri elemhi Iburu nu we e ngme.

**22** “Inyoghuo-mhe ali itamhe ni a mu ekpe e na, a ri esọ shi eke ni a suo ezọ ni mhi ya gue pfa egbemhe shi eke ena.” <sup>2</sup> Abi e suo khi o nu we ngme elemhi Iburu, e ga lolo tsaghie-a.

Igho iPolu oọ, <sup>3</sup> “Ongi iJu mhi khi, ni a bia shi eoli iTasosi ni o la eke iSilisha. Eoli iJerusalemu ona mhi la fu vule. Ayi iGamalie a la sese mhe egbegbo abi a lie deba ishi eyi ititawa. Eri mhi mhōli omuegbe shi ingme oyi Eshinegba egbegbo ezeze abi e e ke li ogbe na amo.” <sup>††</sup>

<sup>4</sup> Eri mhi mu okhōli vule shi egbo ni e rote Ode oyi Onomhue o, ramhi ni mhi ro gbolo eghuo-a. Mhi mu emose ali ikpotso kulo owa ighumha. <sup>5</sup> Okpeda na ekpodalo-ugamhi eyi Eshinegba ali enighie e ya pfi otsele shi o khi igesikia mhia ngme. Mhi mie we ebe ghi eni eralo na egbo iJu ni e la iDamasikosi, ni mhi ro ya ri iweghe shi eni e miesuo ni e la oobo

abo, ni mhi muno we je iJerusalemu ya nase. <sup>‡‡</sup>

### IPolu o guele abi loli li mupfi

(Ika 9.1-19; 26.12-18)

<sup>6</sup> “Eleghuo khi mhi i le iDamasikosi, itotso oguota khi mhi lese ti ramhi oni eoli, akpa ni o lolo ge nyanyanya o rote irarogbe mi nga mhe egbe udemhija. <sup>7</sup> Igho mhi de ya gbe, mhi suo khi uruli oọ mhe, ‘ISolu! ISolu! Elo e ze ni u ro mu okhōli vule shi mhe o?’

<sup>8</sup> “Mhi mhila li, ‘Oghuo u khi, Onomhue?’

“Oọ mhe, ‘Mhemhe khi iJesu onge iNazareti ni u mu okhōli vule shi o.’ <sup>9</sup> Emose ni e nu mhe kia, e me oni akpa, ama ea suo uruli ni o nu mhe ngme.

<sup>10</sup> “Mhi mhila li, ‘Elo mhi ya riele, Onomhue?’

“Onomhue oọ mhe, ‘Vule ni u lo elemhi eoli iDamasikosi, a ya la agho gueye emini a mheshe ne nya ni u ya riele.’ <sup>11</sup> Mhi ze alo itobo ugemhi akpa ni o mi nga mhe alo. Eni anye ga kia e ke mu mhe obo lo elemhi eoli iDamasikosi.

<sup>12</sup> “Omose oghuo o la agho ni a lu Ananayasi. Oni o ga ugamhi, ni o ri ushi e gbe akanya o khi. Egbo iJu nya e mu ekpe a na li. <sup>13</sup> Loli o bhale ya migha mama mhe, ni oọ, ‘Inyoghuo-mhe iSolu, alo eye e khueghie-a,’ utoghuo kpe, alo eyemhe e khueghie-a, mhi me eke me oli.

<sup>14</sup> “Oọ mhe, ‘Eshinegba oyi ititawa o she ze kee, ni u lese oghuemhe oyoli, ni u me Oni o suo esọ na Eshinegba, ni o ri unu oyoli nu e ngme. <sup>15</sup> Irari khi u ya khi otsele oyoli, ni u ke ngme emini u suo ali ni u gbo ri alo me, gueye egbo nya. <sup>16</sup> Memena, elo u ke migha khe? Vule ni mhi batazi e, ni a gbe olamhe eye kua ne, rote eva oyi Onomhue.’

<sup>††</sup>22:3 Li ze Ika 5.34-39

<sup>‡‡</sup>22:5 Li ze Ika 8.3; 26.9-11

<sup>17</sup>“Agho mhi te mu egbe pfi je eoli iJerusalemu. Abi mhi ro la Owa Oyi Eshinegba lema, mhi me ime-alo, <sup>18</sup>igho mhi me Onomhue, o gueye mhe, ‘Nyanya rote eoli iJerusalemu vu, itobo khi eni egbo ena, ea ya mie shi otselẹ oye ni u ya pfi na mhe.’

<sup>19</sup>“Mhie oli, ‘Onomhue, eni egbo ena e ga lese khi mhemhe mhi kia kia owa ugamhi muno egbo ni e mie e suo kulo owa ighumha, mhi gbe we egbegbo. <sup>20</sup>Ali, ele ni e gbe iSitivini-a ni o li khi otselẹ, mhemhe mhi la agho, mhii mie obo shi oni eghuli, mhi ri eloe khu itsua na eni e tonoo oli eche gbe-a.’”<sup>¶¶</sup>

<sup>21</sup>“Oni Onomhue oo mhe, ‘Ke le, mhi ya ghie e je odonue ghi egbo iJeta.’”

### **IPolu omọ-ekẹ iRomu**

<sup>22</sup>Eni ebubu egbo e ku eso-a na iPolu kie ramhi ana ni o ro ngme na, igho e li tseşe leghe, ee li, “A mu oli vu, A gbe oli-a. Ona oa ke khi oni oo la agbo!”

<sup>23</sup>E tseşe, ee pfi ide idane wiliwili, e yalo ifufu ku nga idane. <sup>24</sup>Oni oo mhesẹ na ekhọli-okhue, oo a rue iPolu lo apfe oyi ekhọli-okhue. Oo we, e gbe oli ite ni e mhila li ini e lese emini o ze khi egbo iJu e lina a tseşe ku oli. <sup>25</sup>Ama abi e ro ge iPolu, ni wewe e gbe oli, iPolu o mhila oni oga oyi okhọli-okhue ni o migha agho, “Ushi o lama a shi o u gbe omọ ekẹ iRomu itali ini aa me umhagueli oli obo ne?” <sup>26</sup>Abi oni oga oyi okhọli-okhue o ro suo ona, o le ya gueye oni oo mhesẹ na we ni o kpeda na li. Oo, “Gue kia e, seş u wa li ena? Omose ona omọ-ekẹ iRomu o khi e.” <sup>27</sup>Igho oni oo mhesẹ na we o le deba iPolu o mhila li, “Mhie i, omọ-ekẹ iRomu u khi?”

IPolu oo, “Ii, omọ-ekẹ mhi khi.”

<sup>28</sup>Oni oo mhesẹ na ekhọli-okhue oo, “Omọ-ekẹ ni mhemhe mhi khi, ikpokpomhi ikpagho mhi fali ro mie ebe ro khi omọ ekẹ.”

IPolu oo, “Ama mhemhe oyemhe, ongi iRomu a bia mhe.”

<sup>29</sup>Eloawe-elowe, eni ekhọli-okhue ni e nono ni wewe e mhila iPolu ingme unu, e ti egbe je ukhokho, abi oni oo mhesẹ na ekhọli-okhue o ro lese khi ongi iRomu iPolu o khi, ulishi oo mu oli, irari khi o she gueye we e ri iweghe shi oli abo, e gbe oli.

### **Abi a ro rue iPolu bhale odalo oyi iSaediri**

<sup>30</sup>Ogbeakolo, oni oo mhesẹ na ekhọli-okhue oo nono ni loli lese emini egbo iJu e nu iPolu e gue, o taghie iPolu iweghe-a. O gueye ighie eyi ekpodalo-ugamhi ali iSaediri e legba. O rue iPolu bhale ya migha odalo oyewe.

**23** IPolu o bino oni igbaa iSaediri tatata, oo we, “Inyoghuo-mhe, mhi she rote udu onete oyemhe nya gbe akanya oyemhe pfo na Eshinegba ya ramhi amo.” <sup>2</sup>Abi o ro ngme ona, Oga oyi ekpodalo ugamhi ni a lu Ananayasi oo eni e ti mama iPolu e lase oli unu. <sup>3</sup>IPolu oo li, “Eshinegba o ya ri emhi lie, yeye ugbe ni a ri etseli gboloa. Yeye u shito agho a gue mhe ezọ egbe-a, ama yeye oye u gbe ushi-a abi u li ri unu bhale a ri emhi li mhe.”<sup>§§</sup>

<sup>4</sup>Eni e ti mama iPolu e oli, “U ga gbudu ri unu a ghi oga oyi ekpodalo ugamhi eyi Eshinegba?” <sup>5</sup>IPolu oo we, “Inyoghuo-mhe, mhi aa lese khi loli o khi oga oyi ekpodalo ugamhi eyi Eshinegba! A keke oli shi ebe-no-pfuase, ‘Khi gbudu ngme onobe oyi oni o mhesẹ na egbo eye.’”<sup>\*</sup>

<sup>¶¶</sup>22:20 Li ze Ika 7.58

<sup>§§</sup>23:3 Li ze iMat 23.27-28

<sup>\*</sup>23:5 Li ze Okiali 22.28

<sup>6</sup> Abi iPölu o ro lẹse khi eghuo eni egbo khi iSadusi e khi, eni e kpole e khi iFarisi, o la oni igbaa ngme lasele leghe, oo, “Inyoghuo-mhe, otu iFarisi mhi la, mhi gbo khi omi iFarisi. Eri a la ana a gue mhe ezọ itobo khi mhi mhọli irudusho khi eni e ghua e ya gbo guale.”<sup>†</sup> <sup>7</sup> Abi o li ngme ona se, uwola o de ni otu iFarisi ali otu iSadusi, oni igbaa o kemhi. <sup>8</sup> (Irari khi otu iSadusi ẹa lama shi o khi egbo e ya rọte eghuli guale, ẹa gbo lama khi igeni ali iyemhe e la o, ama otu iFarisi e lama shi enana nya.)<sup>\*</sup>

<sup>9</sup> Ukpokpomhi okeke o de, esese Ishi eyi iMosisi eghuo ni e khi otu iFarisi e vule e khe ako ni o toto, ee li, “Anye aa me emhikhoghuo obo oyi omose ona,” e gbolo e, “Ini o fe khi-a khi ayemhe, o ke khi ageni o nu ọli ngme?” <sup>10</sup> Oni ekhako o pfuse toto-a sho, ulishi o mu oni oga oyi ekhọli-okhue khi e tigbe khere iPölu-a. Igho o mhesẹ na eni ekhọli-okhue e tiemhi ya ri itoto mie we iPölu obo ni e roli bhale apfe oyi eni ekhọli-okhue.

<sup>11</sup> Efe iyose ni oo deba li, Onomhue o migha mama iPölu, oo li, “Mhue igbedu! Abi u li la iJerusalemu pfi otsese na mhe, igho u li mema ya li pfi otsese na mhe eoli iRomu.”

### Ugbamhi igbe-a ni a gba khe iPölu

<sup>12</sup> Ogbeakolo, egbo iJu eghuo e ya mhesẹ kugbe, e romhi isheli khi wewe ẹa ya le eminale wexhi eri wewe e ya da amẹ, ini ẹa li gbe iPölu-a. <sup>13</sup> Egbo ni e gba ugbamhi onana, e dose egbo egbhueva. <sup>14</sup> E le deba oga oyi ekpodalo ugamhi eyi Eshinegba ali eni egbhali, e li, “Anye she romhi ukpokpomhi isheli khi anye aa ya le emhikhoghuo se khi anye gbe iPölu-a. <sup>15</sup> Memena, yeye ali igbaa iSaediri a keke ebe ghi oga oyi ekhọli-okhue, a lie khi a nono ni a lolo

suo oni ingme bie. Anye mu egbe ni anye ro ya gbe ọli-a neni a roli ya ramhi ana.”

<sup>16</sup> Ama abi omọ omose ni o khi omi inyoghuo iPölu oni okpotso o ro suo oni ugbamhi, o je oni apfe ekhọli-okhue ya gueye iPölu.

<sup>17</sup> Igho iPölu o lu oga oyi ekhọli-okhue oghuo, oo, “Rue ozeo ona ghi oni oo mhesẹ na e, o mhọli emini o ya gueye ọli.” <sup>18</sup> Igho o rue ọli ghi oni oo mhesẹ na we.

O li, “IPölu ni a mu shi igha oo mhi rue ozeo ona ghi e, itobo khi o mhọli emini o ya gueye.” <sup>19</sup> Oni oo mhesẹ ogho, o mu oni ozeo obo, e ti je olase, o mhila li, “Elo wa nono ni u gueye mhe?”

<sup>20</sup> Oo li, “Egbo iJu e she gba li khi wewe e ya ghie ghi e ako, ni u rue iPölu bhale odalo oyi iSaediri khi ee nono ni e te unu oyoli suo oni ingme bie. <sup>21</sup> Khi lama shi we o, itobo khi e bu dose egbo egbhueva ni e kpe ode khe ọli. E she romhi ishe khi wewe ẹa ya le, wexhi eri wewe e ya da ini wewe ẹa li gbe iPölu-a. E migha a khe ni e suo emini u ya so shi emini e mhila e ena.”

<sup>22</sup> Oni oo mhesẹ na eni ekhọli-okhue o gueye ọli, oo, “Khi gueye ogho okhoghuo khi u she gueye mhe.” Oo li o ke le.

### A rue iPölu te agho je eoli iSizeria

<sup>23</sup> Igho oni o mhesẹ ogho o lu ega ekhọli-okhue aava eyoli, o mhesẹ na we, oo we, “A wolo ekhọli-okhue egbhuegbe, ali eni e nga ichi egbhuesẹ ali ogbe, ali epfi-ote egbhuegbe ni a ke le iSizeria agogo itili amiose. <sup>24</sup> A ri achi na iPölu nga ni a roli je oobo ini emhikhoghuo e khi li ọli, ni a rue ọli ghi iFelisi ni o khi igovuno.” <sup>25</sup> O lina keke ebe na we.

<sup>26</sup> Mhemhe iKiladiusi iLisiasi mhi keke ebe onana ghie:

<sup>†</sup>23:6 Li ze Ika 26.5; iFili 3.5

<sup>\*</sup>23:8 Li ze iMat 22.23; iMak 12.18; iLuk 20.27



Yeyē igovunō iFēlisi ni a mu ekpē ẹ na, Mhia tse.

<sup>27</sup> Egbo iJu e mu omose ọna, e nono ni wewe e gbe ọli-a. Ama eri mhi ri ekhōli-okhue eyemhe bhale ya pfa li shi eke irari khi mhi suo khi omoke iRomu o khi. <sup>28</sup> Mhi i nono ni mhi lese emini e ze ni e ro gue ezo o shi ọli egbe, mhi rue ọli je igbaa iSaediri oyewe. <sup>29</sup> Mhi bhale ya e khi ezo ingme ishi eyewe e ro nali i gue, ama ọa mhue emini o li ni abi a gbe ọli-a shi, wekhi imuoli shi ogba igha. <sup>30</sup> Abi a ro gueye mhe ugbanhi ni e gba khe oni omose, mhi ro nyanya rue ọli ghi e, mhi gbo gueye eni e gue ezo a shi ọli egbe e bhale deba e ni e guele emini o li.

<sup>31</sup> Oni eliyose elegho, eni ekhōli-okhue e rue iPolu mhōli obo vu, abi a li mheshe oli na we, e ramhi Atipatirisi. <sup>32</sup> Ogbekolo, eni ekhōli-okhue e roli na eni e nga ichi ni e rue ọli kie ke le, wewe e nyene egbe ukhokho je apfe ekhōli-okhue oyewe. <sup>33</sup> Abi eni e nga ichi egbo e ro ramhi eoli iSizeria, e rue oni ebe na oni igovunō iFēlisi, e rue iPolu na li. <sup>34</sup> Oni igovunō o ze oni ebe, o mhila iPolu ukiēkiē obini o khi. Abi o ro bhale ya lese khi eke iSilisha o te bhale, <sup>35</sup> oo, "Mhi ya suo ezo oye ini eni e gue ezo shi e egbe e ramhi ana." Igho o mheshe a ri iPolu nga ekhe-khe obo ni e la agbala oyi Erodu.

### Ezo ni iPolu o gue odalo oyi iFēlisi

**24** Abi ogbele ishe e ro dose, Oga oyi ekpodalo ugamhi ni a lu Ananayasi o je iSizeria, lolli ali egbhali eghuo ali iloya ni a lu iTatulosi. E bhale odalo oyi igovunō ni a lu iFēlisi ni e ya gue ezo shi iPolu egbe. <sup>2</sup> Abi a ro lu iPolu bhale, iTatulosi o gue ezo oyoli shi eke khashe iFēlisi: Oo, "Ireloe-khu oye o she ri anye mhōli opfomhe ali emhi enegbo ukhomhi eke ona. <sup>3</sup> Ashakhasha ali odekhode anye te e kueghie e, anye e nono ni anye kphemhi ne shi ona,

yeyē iFēlisi oghie. <sup>4</sup> Ini anye khi pfuse e egheghe-a, mhi lema e u kpekpe u ku eso-a shi anye eke ukuku egheghe.

<sup>5</sup> "Eri anye me omose ọna shi ogbo ingme, ni o tsua okhōli e lasela ke tanogbo iJu ni e la eke agbo nya, e ke pfi onyaghu ali umha-sueso. Lolli o ralo na egbo otu iNazarini <sup>6</sup> O gbolo o nono ni lolli ri ichimhi mu Owa oyi Eshinegba, lolli anye ro gba li mu. [Anye e nono ni anye gue ọli ezo abi ushi oyanye o ngme. <sup>7</sup> Ama iLisiasi oni o mheshe na ekhōli-okhue, o bhale ya ri itoto ti anye lue abo mie rue vu. <sup>8</sup> Oo eni e me umhagueli oyi omose ọna e bhale odalo oye.] Ini u mhila omose onana ogbo u ya me igesikia ni o la ezo ni anye gue shi ọli egbe ena."

<sup>9</sup> Eni egbo iJu ni e la agho e kugbe lama shi ezo ni a gue shi eke, khi igesikia lo.

<sup>10</sup> Abi oni igovunō o ri obo nu iPolu ngme o gue shi ọli o.

iPolu oo, "Mhi lese khi ikpe ni e bu u te la ukhomhi eoli ona a so ezo, itobona egbe e mu mhe ni mhi ro migha odalo oye ya gue ezo pfa egbemhe shi eke. <sup>11</sup> Abi u kie kpe lese, amo o gbe ele igbeva ni mhi ro je iJerusalemu ni mhi ya ga ugamhi. <sup>12</sup> Egbo iJu ni e gue ezo shi mhe egbe ea bhale ya e mhe shi el-emhi Owa Oyi Eshinegba khi mhi nu ogbokhoghuo e khe ako, wekhi eri mhi la owa ugamhi, wekhi ifuapfe ashikhoghuo tanogbo ebubu egbo abo shi onyaghu. <sup>13</sup> Eamhōli abi e li dobe ro ya migha pfi otsela shi ezo ni e gue shi mhe egbe khi igesikia lo. <sup>14</sup> Mhi lama shi o khi, eri mhia ga Eshinegba oyi eni e bia awa, mhi khi oni o rote oni Ode ona, ni ee khi egbhōli o khi. Ama mhi mie shi Ushi oyi iMosisi ali emini a kēke shi ebe eyi emekeguele. <sup>15</sup> Mhi miesuo abi egbo enana e li miesuo, khi Eshinegba o ya rote eghuli guise ogbonya le, ghe eni e gue ngeli ghe ena okhōlo. <sup>16</sup> Irarigho mhi ro rosheka, em-

ini mhia riele nya, ini udu ni o o gue ogbo ezo oyemhe o pfuase shi odalo oyi Eshinegba ali ogbo.

<sup>17</sup>“O she gba ikpe eni e bu abi mhi te lase eoli iJerusalemu le. Eri mhi jele agho ni mhi ya rue ikpagho ghi egbo ni ea mhuē ali ni mhi ri isomhopfa ghi Eshinegba. <sup>18</sup>Emini mhii riele na ni e ro bhale ya e mhe shi Owa oyi Eshinegba abi mhi la ipfuase abi ushi o ngme. Egbo ekhoghuo ea le gasē mhe, wekhi eri a me onyaghu.”<sup>19</sup> Ama egbo iJu eghuo ni e rote eke Esha bhale e ga li la akagho. E kha bhale odalo oye e ya gue ezo oyewe, ini e mhōli emini e ya gue shi mhe egbe. <sup>20</sup>Okekhi emose ni e la akana ena, a mhila we e guele umhagueli ni e gue shi mhe egbe abi a ro rue mhe bhale odalo iSaediri. <sup>21</sup>Ama emhi oghuo mhi la akpewe tse se ngme khi, ‘Eri a gue mhe ezo itobō khi mhi mie shō khi eni e ghu-a e ya gbo guale bhale agbo.’”<sup>§</sup>

<sup>22</sup>Igho iFelisi ni o ga lolo lese emhi oni Ode ona, oo, a yemhe oni ezo-a ne. Oo, “Ini iLisiasi oni o mhesē na ekhōli-okhue o da bhale mhi ro ya so e oni ingme.”

<sup>23</sup>O gueye oga ekhōli-okhue ogho o lolo ri eloe shi iPolu egbe, ama e ze oli pfi efo-a ukuku. E ze ni emole oli e ke bhale ya tse oli ali ni e ke ri emini o nono bhale ghi oli.

### **IPolu o bhale odalo oyi iFelisi ali iDurusila**

<sup>24</sup>Abi ikuku ogbele e ro dose se, iFelisi o tsua ughue oli ni a lu iDurusila ni o khi ongi iJu ma egbe bhale. O ghie ya lu iPolu, o ri esō shi eke suō abi iPolu o li ngme ungmehi irudunga ni o la iJesu iKirisiti. <sup>25</sup>Ama abi iPolu o li ngme ungmehi igue-ngeli, ali ikuegbe-a ali iso-ezo oyi Eshinegba ni o bhale, ulishi oo mu iFelisi, oo, “Osomhi gho ne! Ke vu.

Mhi ya ghie lu e ini mhi ke me asha.”  
<sup>26</sup>Oni egheghe o dabi khi iPolu o ya vi ufa na lue, itobō igho o ro kele e ghie lu oli, o bhale ni wewe e ngme. <sup>27</sup>Abi ikpe eva e ro dose, iPoshusi iFesitosi o ke khi igovuno ni iFelisi o kpe khi. Ama itobō khi iFelisi o nono ni loli gue riele ti egbo iJu eloe, o ze iPolu obo shi owa ighumha.

### **IPolu o bhale odalo oyi iFesitosi**

**25** A lie amo o li ele ese abi iFesitosi o te khi igovuno, o rote eoli iSizeria nga eoli iJerusalemu. <sup>2</sup>Oobo ighie eyi ekpodalo-ugamhi ali enighie eyi egbo iJu e la gue ezo shi iPolu egbe. <sup>3</sup>E nyanya lema iFesitosi o rue iPolu je iJerusalemu ni o roli kpaghie ewe obo. Irari khi e she gba khi ewe e ya kpe ode gbe iPolu-a ini ee le. <sup>4</sup>IFesitosi oo we, “A she ri iPolu shi owa ighumha obini eoli iSizeria, mhemhe mhi ya nyene egbe kele je oobo. <sup>5</sup>A ze ni eni ee ralo na e e deba mhe je iSizeria ya gue ezo shi oni omose egbe, ini o khia khi eri o lue.”

<sup>6</sup>Ogbele elele ya ramhi ogbele igbe iFesitosi o nu we la agho, ni o ro kia tiemhi eoli iSizeria. Ogbeakolo o khueghie ikotu-a, oo a rue iPolu bhale odalo oyelue. <sup>7</sup>Abi iPolu o ro bhale, egbo iJu ni e rote iJerusalemu bhale e migha gasē oli, e gue ezo ni o toto shi oli egbe, ama ea dobe to eni ezo migha.

<sup>8</sup>Ama iPolu o gue ezo pfa egboli shi eke, oo, “Mhi aa riele emhikhoghuo ni o da ushi oyi egbo iJu, wekhi Owa Oyi Eshinegba, wekhi eri mhi lue na iSiza iRomu.”

<sup>9</sup>Ama iFesitosi o nono ni loli riele oghuemhe oyi egbo iJu, igho o mhila iPolu, “O ghole e ni a rue e je iJerusalemu, ni a la agho gue ezo oye ukpeloe mhe?”

<sup>¶</sup>24:18 Li ze Ika 21.17-28

<sup>§</sup>24:21 Li ze Ika 23.6

<sup>10</sup> IPolu ọọ, “Iiye. Ikọtụ oyi iSiza ni a kha mema la gue ẹzọ oyemhẹ mhi la ena. Mhi aa mhọli onobe ni mhi li ẹgbọ iJu ni yeyẹ u lesẹ gboo. <sup>11</sup> Ini o khia khi mhi lue nabi a gbe ọgbọ-a shi, mhi mu egbe ni mhi rọ ya ghua. Ama o kha da khia khi ẹzọ ni ẹgbọ iJu ena e gue ẹ shi mhẹ egbe khi ẹgbhọli lo, ọgbokhoghuo ọa dobe ya rue mhe na we. Irarigho, mhi lema a ze ni iSiza lueghuo o remhẹ gue oni ẹzọ ona.”

<sup>12</sup> IFesitosi o ri eni e nu ọli ẹ sọ ẹzọ ye ochi se, ọọ iPolu, “U she lema a rue ẹzọ ona je ayi iSiza ya gue, ayi iSiza u mema ya je.”

### **IPolu o migha odalo oyi Agiripa ali iBenisi**

<sup>13</sup> Ogbele ingme-na e dose, oghie Agiripa ali iBenisi e bhale eke iSizeria ni e ya tse iFesitosi. <sup>14</sup> Aborokhia khi e la akaghọ ogbele ebubu, iFesitosi o gue ingme oyi iPolu ye oni oghie, ọọ, “Omose oghuo o la owa ighumha shi ana ni iFelisi ni o kpe khi igovunọ o ze obo shi agho. <sup>15</sup> Abi mhi rọ ye iJerusalemu, ighie eyi ekpodalo-ugamhi ali egbhali eyi ẹgbọ iJu e tsua ẹzọ bhale ya gue shi ọli egbe, ẹẹ mhi pfa ẹzọ igbe-a mu ọli.

<sup>16</sup> “Ama mhi gueye we khi awa ẹgbọ iRomu awa aa ya pfa ẹzọ mu ọgbọ ni a gue ẹzọ shi egbe, ini ọgbọ a ri ẹghẹghẹ nali gue shi ẹzọ ni a gue shi ọli egbe ne. <sup>17</sup> Abi e rọ deba mhẹ bhale ana, mhi nyanya shi oni ẹzọ shi ogbeakolo, mhi shitọ elemhi ikotu, mhiẹ a lu oni omose bhale. <sup>18</sup> Abi eni ẹẹ gue ẹzọ shi ọli egbe e rọ vule ngme, ẹa gue ẹzọ umhagueli ni mhi dabi khi e ya gue. <sup>19</sup> Ochoghọ ẹzọ ekhako tse e lesẹ me gue shi ọli egbe, ni o khi ingme oyi ugamhi oyewe, ali ekhako ni o khi ingme oyi omose ni a lu iJesu, ni o ghua, ni iPolu o khi o kie la agbo. <sup>20</sup> Mhi aa lesẹ abi mhi li ya tonọ udi oni ingme onana. Mhi ri irarigho mhila li ini o nono ni a rue oli je iJerusalemu ya gue

eni ẹzọ ni a gue ẹ shi ọli egbe enana, oobo. <sup>21</sup> Ama iPolu o lema a kie mu lue shi igha ne, ni a ri oni ingme ghi iSiza ni o sọ o. Irarigho mhi rọ lie a rọ ọli shi owa ighumha ramhi ni mhi rọ ya rue ọli ghi iSiza.”

<sup>22</sup> Igho Agiripa o gueye iFesitosi, ọọ li, “Mhi kha nono ni mhẹmhe-ghuo ni mhi li ri esọ suọ ungmehi oyi oni omose.” IFesitosi ọọ li, “U ya suọ ọli ako.”

<sup>23</sup> Ogbeakolo, a ri ebola kphase Agiripa ali iBenisi lo elemhi ikotu le. Ega ekhọli-okhue ni e lolo fu, ali ẹgbọ eniemhi ni e la oni ọli e deba li lo. IFesitosi o ghie ya rue iPolu bhale. <sup>24</sup> IFesitosi ọọ, “oghie Agiripa ali ẹgbọ ni e la ana nya, a bino omose ona. Ẹgbọ iJu ni e la ana ali iJerusalemu ali iSizeria e she bhale deba mhẹ, ẹẹ tseşe a khi ke ze ni o la agbo. <sup>25</sup> Mhi me khi ọa li emhikhoghuo onabi a ya gbe ọli-a shi, ama abi o rọ da lema a rue lue ghi Oghie iRomu nya egho, mhi ya rue ọli je iRomu. <sup>26</sup> Ama mhi aa me ingme nabi mhi kha keke shi ọli egbe ghi Oghie iRomu nya. Irarigho, mhi rọ rue ọli bhale ghi ẹ ẹẹ nya, yeyẹ oghie Agiripa kpaashi, ni a bhale ya ẹ khi ini a bino oni ingme se, otse mhi ya me emini mhi ya keke shi ọli egbe. <sup>27</sup> Irari khi mhia sa khi o gbe akanya ni a rọ rue oni a mu shi igha ke ghi Oghie iRomu nya, ini aa me ushi okhoghuo keke shi ọli egbe gboo.”

### **IPolu o pfa egbọli shi eke odalo Agiripa**

**26** Igho Agiripa ọọ iPolu, “A she iPolu o tsua obo eke, o bele ẹ gue ẹzọ, ọọ, <sup>2</sup> “Agiripa ni oghie, mhi me egbe mhẹ shi oni o me afa ni mhi rọ migha odalo oye amo, ni mhi rọ o gue ẹzọ pfa egbe mhẹ shi eke shi ingme nya ni ẹgbọ iJu e gue shi mhẹ egbe. <sup>3</sup> Oo gue ti gba irari khi u ga lesẹ imu eyi ẹgbọ iJu nya ali emini e

mie shi. Irarigho, mhi lolo leme u mhōli irabomudu na mhe ni mhi ngme.

<sup>4</sup>“Egbo iJu nya e lese abi mhi lao shi abi mhi te khi omo, rote igbaekele agbo oyemhe obini ushishi egbo iJu eyemhe ali eoli iJerusalemu. <sup>5</sup>Ode o she nuē ni e te lese mhe, e ya dobe pfi otselē shi o ini o ghole we, khi abi ugamhi oyawa o ngme khi eri mhi mhōli omuegbe egbegbo shi o abi ona otu iFarisi ni mhi khi.”<sup>\*\*</sup> <sup>6</sup>Ama mena, itobo khi mhi mhōli iregbeda shi emini Eshinegba o shi na itita awa mhi ro migha shi imufe amo. <sup>7</sup>Ona o khi ishobo ni unuekpe igbeva eyawa e migha a khe, abi e li roshēka a ga Eshinegba ghe eļeoguota ali eļe iyose. Oghie, irari oni iregbeda onana egbo iJu e gue ezo shi mhe egbe e shi. <sup>8</sup>Elo e ze ni a ro lama shio khi Eshinegba o dobe e guise oni o ghu-a le?

<sup>9</sup>“Mhemhe mhi kpe mhōli oli shi udu khi eri o ye ni mhi mu okhōli vule shi oni eva oyi iJesu ongi iNazareti o. <sup>10</sup>Igho mhi li i rieļe oli obini eoli iJerusalemu. Irari afu ni oga oyi ekpodalo ugamhi eyi Eshinegba o ro na mhe, mhi muno ebubu eni e miesuo shi owa ighumha, abi a ro o gbolo we-a, mhii mie obo shi o. <sup>11</sup>Ebubu egehe mhi te owa ugamhi je owa ugamhi ya nase we, mhi gbolo ri ajilimhe rewe ngme ungmehi ipfiunua deba Eshinegba. Irari elemhi we ni e bi mhe. Mhi gbolo je eoli oboese ya mu okhōli vule shi we o.”<sup>††</sup>

### **IPolu o guele abi loli li mupfi**

(Ika 9.1-19; 22.6-16)

<sup>12</sup>“Eļeghuo mhi i le eoli iDamasikosi, rote afu ali omhesē ni oga oyi ekpodalo ugamhi eyi Eshinegba o ro na mhe. <sup>13</sup>It-sotso oguota o mu eke, oghie, abi mhi la ode, mhi me khi akpa ni o ge dose ovo

o rote idane mi gasē mhe ali eni anye ga kia. <sup>14</sup>Anye nya, anye de eke, igho mhi suo khi uruli o nu mhe ngme eļemhi Iburu, oo, ‘ISolu, iSolu, elo o ze ni u ro mu okhōli vule e shi mhe o, ooyeghe wa li ini u nu mhe e khōli.’

<sup>15</sup>“Igho mhi mhila, ‘Oghuo u khi Onomhue?’

“Oo mhe, ‘Mhemhe iJesu lo ni u mu okhōli vule shi o.’ <sup>16</sup>‘Memena, vule migha. Mhi she ri egbe mhe khasē irari khi mhi she ze shi oni oo ga mhe ali ni u ke pfi otselē oyemhe shi emini u ri ukpele oye mhe, ali emini mhi ya rokhasē okhesē. <sup>17</sup>Mhi ya tsumhi e obo oyi egbo eye ali obo oyi egbo iJeta. Mhi ghie e ghi we, <sup>18</sup>ni u khueghie we alo-a, ni u mu we pfi lase alo ebili le bhale akpa, ali u rue we ekpabo eyi okphaghie lasele bhale deba Eshinegba, ni a gbe olamhe kua na we, ali ni e kugbe egbo eyi Eshinegba eni e pfuase o, itobo irudunga ni e mhōli na mhe.’

<sup>19</sup>“Irarigho, oghie Agiripa, mhia ro ri ukpele oye gbe eke ni mhi rote iloghie me. <sup>20</sup>Mhi kpe te odode gue oli ye egbo iDamasikosi, mhi ke gbo gue oli ye egbo iJerusalemu ali egbo ni e la eke iJudia nya ali egbo iJeta. Mhi roli tse abo, e lase olamhe le ni e mupfi deba Eshinegba, e rokhasē khi wewe e she mu nyene rote ikanya ebe eyewe lasele.”<sup>‡‡</sup> <sup>21</sup>Ona o ze ni egbo iJu e ro bamhe rue Owa Oyi Eshinegba ni e ro roshēka ini wewe e gbe mhe-a. <sup>22</sup>Ama mhi she mhōli ikpaghiobo oyi Eshinegba ramhi ogbe na amo, ali mena mhi migha akana a pfi otselē ye ogbo onofune ali onikeke abeghuo. Mhi aa ngme dose emini emekeguele ali iMosis e khi a ya me, <sup>23</sup>khi oni Omiepfuese ni a shobo khi oo bhale o ya me osue, ali khi loli ni o kpe te

\*\*26:5 Li ze Ika 23.6; iFili 3.5

††26:11 Li ze Ika 8.3; 22.4-5

‡‡26:20 Li ze Ika 9.20,28-29

ododę rōte eghuli guale khi ọ ya ri ákpá ru na ẹgbọ eyọli ali ẹgbọ iJeta.”<sup>24</sup> Abi iPolu ọ rọ ngme ramhi ana, iFesitosi ọ mu ọli migha, ọọ li, “Eri waa ke leşẹ emini u wa li? Ebe ni u zẹ dọşẹ e she ri ujili ẹ kphe.”

<sup>25</sup>IPolu ọọ li, “Ujili ọa kpha mhe, iFesitosi ọgbegbedu, emini mhia ngme ẹgbegbingme lọ ni o tsua ẹgbhali. <sup>26</sup>Oghie Agiripa ọ ga leşẹ eni ingme enana nya, emhikhoghuo ena, ẹa lase ọli ẹgbhali-a irari khi aa rięle wẹ osheli. Ona o zẹ khi mhi ga dobe nu ọli a ngme oni ingme ona gboo. <sup>27</sup>Oghie Agiripa, u fe mieshi emini emekeguele e ngme? Mhi leşẹ khi u mie şọ ọ.”

<sup>28</sup>Ighọ Agiripa ọọ iPolu, “Eri u dabi khi u dobe ya ri oni ukuku ẹghẹghẹ ona ti mhe ni u remhe mele oni ọ miesuo-a?” <sup>29</sup>IPolu ọọ li, “O keleş, o tese oo, mhi lema Eshinegba o khi khi yeye-ghuo tse, ama li shi ọgbokpa ni ọ ri esọ shi mhe ẹke ọgbenamo, ni e li abi mhi li, ini a da ri obọ rue iwẹghẹ ni e lamhe abọ ena ọ le.”

<sup>30</sup>Ighọ oni oghie ọ vule, li shi oni igovunọ ali iBenisi ali eni e nu wẹ şitọ. <sup>31</sup>E rōte oni agbala vu, ee ngme, ẹẹ, “Omose ona ọa li ingme ni a ya gbe ọli-a shi wẹkhi oni a rọ ọ mu ọli shi owa ighumha.”

<sup>32</sup>Agiripa ọọ iFesitosi, “Áá kha wolọ omose ọna abọ-a ini ọa she lema a ri oni ingme je ayi iSiza lọ.”

### A rue iPolu je iRomu

**27** Abi e rọ lama shi ọ, anye lo ọko-oke oniemi je Itili, e rue iPolu ali ighumha ni e kpole mhọli obọ oyi ọga ekhọli-okhue ni a lu iJuliosi, ni ọ khi ọghuo oyi ekhọli-okhue eyi Oghie iRomu nya, ni a zẹ ọda ke. <sup>2</sup>Anye lo ọko-oke oniemi rōte Adiramitiomu, ikhi ọko-oke ni o ya kia migha ikpe eghuo ni

ọko-oke ẹẹ migha, ni e la epfefẹ ọke ni e la ẹke Esha. Arisitakusi ni ọ khi ọngi iMasidonia ọ nu anye kia.

<sup>3</sup>Ogbeakọlọ anye migha iSidoni. IJuliosi ọ mhọli isomhelemhi na iPolu, ọ zẹ ọli obọ ya me emole ọli, ni e ri emini ọọ nono na li. <sup>4</sup>Anye ke gbo rōte aghọ mu oni ọko nga, anye rōte odane ukiękię ẹke ni ọke oniemi o khi shi ni a lu iSapurosi irari khi akpekpeli oo nase anye. <sup>5</sup>Abi anye rọ gua ọko ọ da je ọdada iSilisha ali iPafilia, anye migha ẹoli iMara na ẹke iLisia. <sup>6</sup>Aghọ oni ọga ekhọli-okhue ọ te me ọko-oke oniemi oyi ẹoli Alezadira ni oo je Itili, ọ ri anye lo ọ. <sup>7</sup>Anye e kia fie, ogbele ebubu, anye mhọli omunu neni anye ramhi iKinidusi. Abi akpekpeli ọa rọ zẹ anye rōte ashini anye kha rōte, anye gua ọko-oke je ukiękię ẹke ni ọke oniemi o khi shi iKireti ni o sọ alo ghue ẹoli iSalimo. <sup>8</sup>Anye mhọli omunu rōte oni ọke oniemi. Ikpukhokho, anye bhale ashini ọko-oke ẹẹ migha ni a lui ọpfohmegbe ni o ti mama ẹoli iLasia.

<sup>9</sup>Eghẹghẹ o she pfu anye-a. Oni okiali o de shi ẹghẹghẹ ni a rọ leşẹ pfi azumhi se, ni o khi ẹghẹghẹ ni okhena o la la okiali na ukhomhi ọke oniemi. Ighọ iPolu ọ tse agua ye wẹ, ọọ wẹ, <sup>10</sup>“Emose, mhi she me khi okiali oyawa o ya khi okhena ali khi o ya ri ukpokpomhi opfu ghi oni ọko ali itsua ni o tsua ali agbọ oyawa.” <sup>11</sup>Ama, ocho ni oni ọga ekhọli-okhue ọ kha rọ ri esọ shi emini iPolu ọ ngme, ọ deba abi oni ọ gua oni ọko ọ ngme ali emini oni ọ mhọli oni ọko ọ ngme. <sup>12</sup>Aborokhia khi ashini anye migha ọa ya ti egbe eghẹghẹ orue; ebubu ẹgbọ e yemhe anye gua ke le, e dabi khi anye ya ramhi ẹoli iFonisi, ni anye la aghọ ẹghẹghẹ orue. Aghọ ọko ọke oniemi nya ẹẹ migha yemhe-a. Eke ni

<sup>24</sup>26:23 Li zẹ Aza 42.6; 49.6; 1 iKori 15.20

okę onięmhi o khishi ni a lu iKireti ni o sọ alo ghue obini ovọ o te ę lo eko o khi.

### Akpekpeli onięmhi

<sup>13</sup> Abi akpekpeli okę o rọ ri ofię rọte ukiękię ogobọ o pfiolo, eni emọse e dabi khi okiali o ya zę wę kia ke je odalo, igħo e leli uli ali akhuli ni a rọ gba okọ oọ zu. Ee kia eseso oni okę onięmhi na iKireti.

<sup>14</sup> Ama o li deņę, akpekpeli onięmhi, o li rọte ukiękię obita ini a sọ alo ghue obini ovọ o te ę tiemhi eko pfiolo rọte oni eķę ni o la iteva okę onięmhi i dọse. <sup>15</sup> Oni akpekpeli o tsua rugħu okọ-okę oyanye, ọa dobe ke kia je obini akpekpeli o te pfiolo o bhale. O lọse anye. Anye bie zę oli obọ na akpekpeli lolighuo oo tsua.

<sup>16</sup> Anye kia rọte ukiękię ukuku eķę ni o la iteva okę onięmhi ni a lu iKauda, ikhi ukiękię obini oni akpekpeli ọa ri egbe ramhi. Irọsheka anye rọ dobe tialọ okọ onikeke ni a rọ o tsumhi egbo lo elemhi oni okọ-okę onięmhi. <sup>17</sup> Abi eni emọse e rọ tialọ li lo se, e ri ili gę oni okọ-okę onięmhi gasę, ini eni ili e dobe mu oli mhue toto. Irari khi ee na ulishi ini oni okọ o ya gbe aye shi ugbe eķę, ni o la egele eķę iLibiya, ni o sọ alo ghue wę. Igho e gbaghię ode na kpishi oyi oni okọ-a, irari khi ęa bie ke mhue abi e ya li o. Ishegho ni oni akpekpeli o bie tsua wę ke le. <sup>18</sup> Oni akpekpeli o kie ri itoto tsua oni okọ-okę ramhi ogbeakọlo, ramhi ni, eni emọse e rọ tino itsua ni e tsua shi oni okọ o pfino kulo oni oke. <sup>19</sup> Ogbeakọlo e pfino ikhuli ni oni okọ o rọ o gbe akanya kulo oni okę. <sup>20</sup> Aborokhia khi ogbele ebubu ni e dọse khi anye a ri eloe ti ovọ wękhi ukpętata, ni oni akpekpeli o kiele rọ ri itoto o pfiolo, anye a ke ri udu shi o khi anye mę odę ni anye te ya pfue o.

<sup>21</sup> Abi eni emọse ęa rọ le eminale ogbele ebubu, iPolu o vule, o wę, “Emọse a kha suọ ude ni mhi ye ę lo, a kha migha iKireti, Eghęghę agho, a kha tsumhi egbe ę oyese onana ali opfu. <sup>22</sup> Ama mena mhi

guyę ę a mhọli udu, itobo khi onęęę okhoghuo ọa ya pfua sę ni oni okọ. <sup>23</sup> Ooyosę ageni oyi Eshinegba ni o mhọli mhe ali ni mhi a ga o migha mama mhe, <sup>24</sup> oọ mhe, ‘Khi zę ni ulishi o muę, iPolu. U mema ya migha ęzọ odalo oyi iSiza ali khi Eshinegba o she rọte ilelemhi ri agbo oyi eni a ga kia mhọli ę obọ.’ <sup>25</sup> Irarigho, a mu igbedu oyę mhọli, emọse, irari khi mhi mhue irudunga khi Eshinegba o ya rięle oli abi o guyę mhe. <sup>26</sup> Ama okọ oy-awa o mema ya gbe aye shi ugbe eķę okhoghuo ni o la iteva okę onięmhi, o tigbe migha.”

### Oni okọ o de ya kherę-a

<sup>27</sup> Eliyosę elenuzi-igbene, akpekpeli o kie tsua anye e kiakia okę onięmhi Adiriatiki. Itsotso ogbię, o li eni ęę gbe akanya oni okọ eloe abinę khi e she ti ę mama eķę. <sup>28</sup> E mhęse oni okę bino, e mę khi ilimhi oyoli o khi ęte-awę egbhuesesa. O gbo li deņę, e gbo mhęse oli, o ke khi ęte-awę egbhue ali igbe. <sup>29</sup> Ulishi o mu wę khi oni okọ o ya gbe aye shi eķę, e rọte ukhokho pfi ikhuli ene ni a rọ a mu okọ o gbashi lo oni okę onięmhi, ee sọ iromhi ogbe o gbe a.

<sup>30</sup> Eni e la oni okọ o gbe akanya e dua abi e li mę asha a na kua. Ee tiese ukuku okọ ni e tialọ lole egħo nga okę onięmhi, abinę khi eri e nono ni e rọte odalo ya pfi ikhuli lo okę onięmhi. <sup>31</sup> Ama iPolu oọ oni oga ekhọli-okhue ali eni ekhọli-okhue, “Ini emọse enana ęa li la elemhi oni okọ, onęęę, ọa ya pfue o.” <sup>32</sup> Igho eni ekhọli-okhue e pfa uli ni o mu oni okọ onikeke mhue-a. E zę oli de tiemhi elemhi okę.

<sup>33</sup> Neni ogbe o maghię-a, iPolu o lema wę nya e le eminale. Oọ wę, “O she ramhi ogbele igbene ni udu ọa ke te sheshe ę, ni a le eminale kpe. <sup>34</sup> Mena mhia lema ę, a le eminale. A lemhi ini a nono ni a kie dobe la agbo, A lemhi khi emhikhoghuo ọa ya li onęęę.” <sup>35</sup> Abi

o rọ ngme na se, o rue ibulēdi lasele, o kphēmhi na Eshinēgba ukpēloe wẹ nya, o khi ọli-a, ọọ le. <sup>36</sup> Wẹwẹ nya e mhọli udu, e le eminale. <sup>37</sup> Anye nya ni anye la oni ọkọ, ẹgbọ egbhuegbese ali ogbasasa 276 anye khi. <sup>38</sup> Abi e rọ ga le eminale se abi e nono, e tino ikpulu ikpamhi emhi ni e tsua kulo okẹ oniēmhi, ini oni ọkọ o kpẹ li fue.

### Oni ọkọ okẹ oniēmhi o kulue

<sup>39</sup> Abi ogbe o rọ gbe-a se, eni ẹẹ gua oni ọkọ ẹa ke lẹse egele okẹ oniēmhi bie, ama e mẹ ashini ekhashe e kpi gbili shi. Aghọ e ke bie rọli shi udu khi wẹwẹ e ya gua oni ọkọ ya migha ini o zẹ wẹ ẹ riẹle. <sup>40</sup> Ighọ e pfaṅo eni ili ni e mu ukpokpomhi akhuli ni o mu ọkọ-okẹ oniēmhi ẹ gbashi kulo udi okẹ oniēmhi. Eghẹghẹ aghọ e taghiẹ uli ni a rọ mu emini a rọ mu oni ọkọ ukhomhi ẹ nyene-a. E taghiẹ ugbakpi oyi oni ọkọ-a nga idane, ni e doḅe ramhi ashini e nono. <sup>41</sup> Ama oni ọkọ-okẹ o ya tọ aye sọ ugbe ekẹ ni o la elemhi okẹ oniēmhi, o migha, akpekpeli o kie ri itoto o li, o tseḅe udi oni ọkọ-a.

<sup>42</sup> Eni ekhọli-okhue ee gba abi e li ya gbolo eni ighumha nya a, ini e ya gua okẹ ramhi egele ni e na vu. <sup>43</sup> Ama oni ọga ekhọli-okhue, ọọ nono abi lọli li ya tsumhi iPọlu, ọa zẹ wẹ riẹle emini e gba. Ochoghọ o gueye eni e gue ẹ gua okẹ e kpẹ danọ kulo okẹ ni e ramhi egele. <sup>44</sup> Eni e kpọle nya e mu ikiẹkiẹ ẹra mhue okekhi izaga oyi oni ọkọ-okẹ. Ighọ wẹwẹ nya e ramhi ekẹkẹ emhikhoghuo ọa li wẹ.

### Ekẹ ni a lui iMọta

**28** Abi anye rọ ri epfua-epfua ramhi egele se, anye bhale ya ẹ khi iMọta a lu oni ekẹ ni o la iteva okẹ oniēmhi. <sup>2</sup> Ẹgbọ ni e ngeli oni ekẹ e somhelemhi anye odẹ ni anye aa sa shi. E pfi avuerẹ rọ mu anye epfese irari khi

eri amẹ oo rue, ogbe o pfo. <sup>3</sup> IPọlu o ya nu iguagha ẹera, o rẹwẹ kpẹ eni erali, ighọ ẹnye afue o te eni iguagha lasela ya tsakọ shi iPọlu obọ, itobọ khi erali e she base ọli. <sup>4</sup> Abi ẹgbọ ni e la oni ekẹ ee mẹ khi oni ẹnye o ngomhi iPọlu obọ, e gueye egbe, ẹẹ, “Ọmose ọna, ogbọ ugbeli ni o gbolo ẹgbọ-a o fẹ khi memena. Aa mẹ khi abi o ririẹ na pfue eghuli okẹ oniēmhi, odeba oyi iguezo ọa kie zẹ ọli obọ ni o la agbọ.” <sup>5</sup> Ama iPọlu o kpishi oni ẹnye pfilo elemhi erali. Ingomhi ni oni ẹnye o ngomhi ọli, ọa li ọli abikhoghuo. <sup>6</sup> E migha ri eloe shi ekẹ ẹ khẹ abi o li ya fumhi, okekhi abi o li ya fiagbe ekẹ ghua. Ama abi e rọ khẹ ọli ramhi ni ẹa rọ mẹ khi emhikhoghuo e li ọli, e mu udu pfi, ẹẹ khi olitsa o khi.

<sup>7</sup> Epfe-aghọ iPobiliọsi ni o khi ogbọ igometi oyi oni ekẹ ni okẹ oniēmhi o khi shi, o mhọli apfẹ shi. O rue anye je apfẹ oyọli, o feli anye epfese egbegbọ ogbẹle esẹ. <sup>8</sup> Ita iPobiliọsi o yeshi i ghua, iba ali ukpokpomhi elemhi ofu e to ọli. IPọlu o lo elemhi owa ya sọ iromhi na li, o ri abọ nga li egbe, o rọli zẹ. <sup>9</sup> Abi a rọ mẹ ghọ se, ẹgbọ elese ni e ghua ni e la oni ekẹ ni okẹ oniēmhi o khishi e bhale, a rẹwẹ zẹ. <sup>10</sup> Eni ẹgbọ e lolo mu ekpẹ na anye, e somhi anye opfa. Abi anye rọ ya lo ọkọ-okẹ oniēmhi ke vu, e wọlo itsua ọdọda ni e to anye na anye.

### Rọte ẹoli iMọta je iRomu

<sup>11</sup> Abi o rọ gbe iki esẹ doḅe, anye lo ọkọ-okẹ oniēmhi ni o migha aghọ khẹ ni orue o doḅe. Eoli Alezadira oni ọkọ o te e bhale, isheli itsema iKasito ali iPolukisi a lu oni ọkọ. <sup>12</sup> Anye ramhi ẹoli iSirakusi, anye la aghọ ẹle esẹ. <sup>13</sup> Anye rọte aghọ kia okẹ-oniēmhi ramhi ẹoli iRegiumu. Ogbeakọlo, akpekpeli o rọte ukiẹkiẹ ogobọ ini a sọ alo ghue obini ovọ o te ẹ lo eko e pfiolo. Ogbẹle onuzi-eva, anye lo ẹoli iPuteoli. <sup>14</sup> Anye ya ẹ eni e miesuọ ni ẹẹ anye nu wẹwẹ la aghọ el-

emhi efo uka oghuo. Anye rōte agho vu, anye ramhi iRomu.

<sup>15</sup> Igbaa oyi eni e mie iJesu iKirisiti suo ni e la iRomu e she suo khi anye e bhale. Igho eni e miesuo eghuo e bhale ya lu anye ode, e kia ramhi Oki Apiosi ali Owa Ese ni a ku e shi. Abi iPolu o ro me we, o tse Eshinegba uwegbe, o ri udu shi oli o.

### **iPolu o la elemhi iRomu tse abo**

<sup>16</sup> Abi anye ro ramhi iRomu, a ze ni iPolu lolighuo o la owa ni o ghole o, a ze okholi-okhue oghuo o ri ukpeloe ke khu oli.

<sup>17</sup> Abi o ro gba ele ese dose, iPolu o lu eni e ralo na egbo iJu shi ilona. Abi e ro bhale shi oni ilona, oo we, “Inyoghuo-mhe, mhi aa li egbo eyawa emhikhoghuo wekhi eri mhi gbe ushi ni eni e bia awa, e ro nga awa obo-a, ni e ro la iJerusalemu mu mhe, rue mhe na igometi iRomu. <sup>18</sup> Abi e ro gue mhe ezogbe-a se, e nono abi wewe e lie rue mhe obo-a, itobo khi mhia lue, ni a ya gbe mhe-a shi. <sup>19</sup> Ama abi egbo iJu ea ro lama shi o, loli mhi ro lema a tsua oni ezogbe odalo oyi iSiza. Oa khi eri mhi mhue emini mhi bhale ya gue shi egbo eyemhe egbe.” <sup>20</sup> Onana o ze khi mhie a bhale ni awa ngme. Itobo irudushi ni egbo iZireni e mholi a ro ri iweghe shi mhe awe ena.”

<sup>21</sup> E oli, “Anye a me ebe okhoghuo ni a kekengme oye shi, rote eke iJudia bhale, ghi anye, wekhi inyoghuo awa ni e rote oobo bhale e gue ingme oye okhoghuo ni oa ti ye anye. <sup>22</sup> Ama anye e nono ni anye suo unu oye, itobo khi ashakpa egbo e la ngme onobe shi oni otu onogbo ona.”

<sup>23</sup> Igho e shi ogbele na iPolu. Ebubu egbo e bhale asha ni iPolu o la oni og-

bele. Rote ele uzogbe ya ramhi eliyose iPolu o te gue ungmehi oyi Eghiele oyi Eshinegba ye we. O rote ebe Ushi oyi iMosisi ali eyi Emekeguele roli lo we eso ini e lama mie iJesu suo. <sup>24</sup> Ingmemhi ni o ngme e lo egbo eghuo eso, ama egbo eghuo ea mie shi oli o. <sup>25</sup> Igho e li nu egbe e khako, e vu, abi iPolu o ro ngme ungmehi ona ni o kpoli ukhokho unu se ni oo, “Ayemhe-no-pfuase o she kpe rote unu oyi Azaya omekeguele gueye eni e bia awa:

<sup>26</sup> “Le deba egbo ena

ni u gueye we,

“A ya ri eso shi eke khue,

ama oa ya tigbe lo e eso,

a feli ofeli khue,

ama aa me emhikhoghuo.”

<sup>27</sup> Udu oyewe o bi obili-a,

eso eyewe e zuse,

e gbo guease alo.

Ini oa khi igho lo,

e kha ri alo eyewe ke me eke,

e ri eso eyewe e suo,

udu oyewe o kha mholi ileasingme,

e kha mu pfi bhale deba mhe,

mhi rewe ze.”\*

<sup>28</sup> “Irarigho, mhia nono ni a lese khi imiepfuese oyi Eshinegba khi a she roli ghi egbo iJeta. E ya ri eso shi o!” <sup>29</sup> [Abi o ro ngme oni ungmehi ona se, eni egbo iJu e vu, e nu egbewe khako ni o toto.]

<sup>30</sup> Ikpe eva gbada iPolu o la owa ni lolighuo o ngmomhi shi. Agho o la a mu egbo ni e bhale ya feli oli epfese. <sup>31</sup> Igbedu ni o mhue ya, o ro o gue ungmehi Eghiele oyi Eshinegba le, o gbolo sese egbo ingme eyi iJesu iKirisiti Onomhue, emhikhoghuo oa zu oli ode.

§§28:19 Li ze Ika 25.11

\*28:27 Li ze Aza 6.9-10



*Ebe ni iPolu o keke ghi egbo*

## **iRoma**

*Eni e miesuo*

### **Otse oyi iPolu**

**1** Mhemhe iPolu, oni o o ga oyi iJesu iKirisiti ni a lu mhi khi aghiusomhi na kee, ni a ze o le mhi ke tsabo usomhi onete oyi Eshinegba. Mhemhe mhi keke ebe ona. <sup>2</sup>Oni usomhi onete ona khi, oni Eshinegba o shobo shi eke, rote unu oyi emekeguele eyoli ni a keke shi Ebe-nopfuase. <sup>3</sup>Oni usomhi onete o ya khi, ingme oyi omi oli ni o rote unuekpe oyi iDefidi lasese elemhi idiegbe. <sup>4</sup>A rote ekpabo oyi Ayemhe-no-pfuase roli khase, ikhi iJesu iKirisiti Onomhue oyawa, khi, Omi Eshinegba o khi, abi o ro rote eghuli guise oli le. <sup>5</sup>Rote obo oyi iKirisiti ali eva oyoli anye te mie afu ro khi ighiusomhi na kee eyoli, ni anye ro ri egbo iJeta nya bhale ya sueso na Eshinegba. Isueso ni o rote irudunga bhale. <sup>6</sup>Ee egbo iRomu a li la eni Eshinegba o lu, ni a li khi enayi iJesu iKirisiti.

<sup>7</sup>Ee ni a la iRomu nya a keke ebe ona ghi. Ee ni Eshinegba o nono ingme oyewe ni o ze, ni a khi egbo eyoli.

Okhale ali opfomhe e ka khi eye e, rote obo oyi Eshinegba ita awa ali rote obo oyi iJesu iKirisiti Onomhue.

<sup>8</sup>Onodode, mhi ri eva oyi iJesu iKirisiti tse Eshinegba oyemhe uwegbe shi agbo oye e nya, irari khi a she la ashakpa elemhi eke agbo suo eko irudunga ni a mholi. <sup>9</sup>Eshinegba ni mhi ri udu oyemhe nya a ga, ni mhi a tse abo usomhi onete oyi omi oli, o khi otsele oyemhe, khi igesikia mhia ngme,

khi egheghe kpa mhi ro o sa to e egbe ini mhia so iromhi. <sup>10</sup>Mhia lema Eshinegba o khueghie ode-a na mhe ni mhi me asha bhale ya me e ikpukhokho abi o ghole oli shi.

<sup>11</sup>O ma ghole mhe gba ni mhi ro me e, ni mhi ri osese eyi ayemhe na e, ni o re e ya toto irudunga. <sup>12</sup>Emini mhi ri ona ngme khi ni a ro bhale ya e khi awa mhue ikpaghiobo na egbe. Mhi kha zese e-a, ee a zese mhe-a. <sup>13</sup>Emole mhe, mhia nono ni a lese khi, ebubu egheghe mhi she gba li khi mhi bhale ya feli e, ni mhi gbo ri egbo bhale irudunga abi mhi kpe lie riela oli ifuabo egboese ni e khi iJeta, ama, ozuode o zu mhe ode.<sup>†</sup>

<sup>14</sup>Egboli oyemhe o khi ni mhi ro tse abo ona ye egbo kpa, ghe egbo iGiriki ali eni ea khi iGiriki, ene fialo-a ali eni ea fialo-a, shi eni mholi egbhali ali eni ea mholi egbhali. <sup>15</sup>Igho, o gbo lie kphakpha mhe egbe ni mhi ro li gue oni usomhi onete ye e ni a la iRomu.

### **Ekpabo ni o la oni usomhi onete**

<sup>16</sup>Omama oni usomhi onete o ya mu mhe, irari khi loli o khi ekpabo oyi Eshinegba ni a ro o tsumhi ogbokpa ni o miesuo, egbo iJu o kpe ramhi egbe, neni o tigbe ramhi egbo iJeta egbe.<sup>‡</sup> <sup>17</sup>Oni usomhi onete ona o guele abi Eshinegba o lie mie ogbokpa ni o mholi irudunga. Ezeze abi Ebe-nopfuase o ngme khi, "Oni Eshinegba o ri irari irudunga oyoli pfa na, o ya la agbo."<sup>¶</sup>

### **Elemhi ibibi oyi Eshinegba**

<sup>18</sup>Idane elemhi ibibi oyi Eshinegba o te e tiemhile shi egbo ni ea miesuo ali ena okholo nya o, ni e ri okholo oyewe e khukhu egbo alo ini e khi lese igesikia oyi Eshinegba. <sup>19</sup>Aborokhia khi e lese

<sup>†</sup>1:13 Li ze Ika 19.21

<sup>‡</sup>1:16 Li ze iMak 8.38

<sup>¶</sup>1:17 Li ze Abak 2.4

emini a doḅe a leṣe ingme oyi Eshineḡba, itoḅo khi o khueghie ɔli-a khaṣe we ḡboo. <sup>20</sup> Irari khi roṣe igbaekele agḅo a te me ekpaḅo ali ufumhi ali abi Eshineḡba o li ḡboo. Emini o ma nya o ri awa mḡoli ileṣe abi o li. Onana o ze khi eḡḅo ɛa mhue emini e ya lie khi o ze ni wewe ɛa ro miesuo.

<sup>21</sup> E leṣe Eshineḡba, ama ɛa kueghie ɔli abi Eshineḡba, wekhi eri e kphemhi ɔli. Ochogho, isamhi afue ɛe sa, igḡo udu ooyeghe oyewe o bishi-a. <sup>22</sup> E khi, eni e fialo-a wewe e khi, ama e mele eyeghe-a. <sup>23</sup> E ya oghie ufumhi ni a ro na Eshineḡba ni o la agḅoagḅo na ikhumhi ni a mama ro khokho oḡḅo ni oḡo ghu ali ipfeli ali elamhako ali emini ɛe ti akpidi eke. <sup>\*\*</sup>

<sup>24</sup> Irarigḡo, Eshineḡba o ro rue we oḅo-a na oghuemhe olamhe oyi udu eyewe ali itsebḅo ni e nu egbewe e li. <sup>25</sup> E ri eḡḅo-ḡoli oghie igesikia oyi Eshineḡba. Ee ga emini a ma, ocho ni e kha ro ke ga Ima, oni o khi oni a kueghie ya ramhi ele ni agḅoagḅo. Atse.

<sup>26</sup> Itobḅo ona, Eshineḡba o ro rue we oḅo-a na oghuemhe omama. Egbegbi ikpotso eyewe, e nu egbe we e ḡbhe. <sup>27</sup> Igḡo li khi eni emose, ocho ni e kha ro le ke deba ikpotso, emose na abi wewe ɛe ḡhole we inu-ḡbhe. Emose e gbe ikanya omama ke deba emose, irarigḡo, e she mie ifata ikanya ebe eyewe.

<sup>28</sup> Irari khi ɛa lama ri egbegbi ileṣe oyi Eshineḡba ni e mhue shi udu, Eshineḡba o ro ze we oḅo na isamhi ebe udu oyewe ni e ke rieḷe emini ɛa kha rieḷe. <sup>29</sup> Okholo khi okholo nya o keṣe we-a, ghe ingmobe, ghe emhi ito-egbe, ghe ubogḅo. Ofuma ikpekpe o vo we egbe, ghe ugbeli, ghe okholi, ghe ikpamhika, ghe oḅe-imumu. Eni e tsue eḡḅo kiakia

e khi. <sup>30</sup> E ri unu e yese oḡḅo-a, ɛe biselemhi Eshineḡba, ezunu-obe, ni ɛa mhue ekpe, ni ɛe tono oḅo udu. Ode ebe ni a ro li okholo enegḅo, ɛe sa ro lasele eḡheḡhe kpa. ɛa ya suo eso na itawe. <sup>31</sup> ɛa mhue ileṣingme, ɛa ri ishobo oyewe a gbe akanya, ɛa ya ti elemhi oḡḅo wekhi eri e mhue ilelemhi na oḡḅo. <sup>32</sup> E leṣe khi ushi oyi Eshineḡba, oḡo khi, eḡḅo ni e li na ngeli, eni e ya pfua e khi, ɔa khi eri e leṣe e rieḷe emhi eḡḡoḡo tse, ama ɛe mie oḅo shi eni e gbe ikanya eḡḡoḡo o.

### Iguezo oyi Eshineḡba

**2** Yeye ni u wa gue eḡḅoese ezo, waa mḡoli obini u pfue o ya je, irari khi eḡheḡhe kpa ni u ro gue oḡḅoese ezo ne, egbe e wa gue ezo, itobḅo khi yeye oye u lili e rieḷe eni emhi. <sup>††</sup> <sup>2</sup> Awa leṣe khi ezo ni Eshineḡba o gue eḡḅo ni ɛe rieḷe emhi eḡḡoḡo, khi igesikia o deba gue ɔli. <sup>3</sup> Eri u dabi khi ini yeye oḡḅo afuafua-fue u gue eḡḅoese ezo, khi yeye u li rieḷe oni emhi oḡḡoḡo, khi u ya pfue ezo oyi Eshineḡba? <sup>4</sup> Abi khi eri u ri eloe e gbe isomhelemhi ali iregbemie ali irabo-mudu eniemhi eyoli, nu waa leṣe khi isomhelemhi oyi Eshineḡba o re ramhi imupfi?

<sup>5</sup> Ama irari igbiti ali udu ni ɔa mhue imupfi ni a mhue, a ro khi ma ofu oyi Eshineḡba, ni o ro ya na e osoli, eḡheḡhe ni iguezo oyoli ni ɔa mhue azeba o ro ya feli lasele. <sup>6</sup> Eshineḡba, "O ya fali oḡḅoḅḅo ota abi o li gbe." <sup>‡‡</sup> <sup>7</sup> O ya ri agḅo na agḅoagḅo na eḡḅo ni e mhue irabo-mudu e rieḷe onete, ni ɛe nono ufumhi ali agḅo ni ɔa mhue ukpeṣe. <sup>8</sup> Ama eḡḅo ni ɛe na shi oyewe tse, ni ɛa ri eso shi igesikia ni o la ungmehi oyi Eshineḡba, ni e deba onobe vu, Eshineḡba o ya tiese

§1:21 Li ze Efi 4.17-18

\*\*1:23 Li ze iDeut 4.16-18

††2:1 Li ze iMat 7.1; iLuk 6.37

‡‡2:6 Li ze iwolo 62.12; Ekpi 24.12

ofu ali elemhi ibibi oyoli le shi wẹ ọ. <sup>9</sup>Egbo eni ẹẹ riẹlẹ onobe nya e ya mẹ osoli ali oya. Okekhi egbo iJu, okekhi egbo iJeta. <sup>10</sup>Ama Eshinegba ọ ya ri ufumhi ali itinga ali opfomhẹ na egbo nya ni ẹ riẹlẹ onete. Okekhi egbo iJu, okekhi egbo iJeta <sup>11</sup>Irari khi Eshinegba ọa ya zọlọ ogbokhoghuo.<sup>¶</sup>

<sup>12</sup>Egbokpa ni e lamhẹ olamhẹ ni ẹa mẹ ebe ushi deba, ogbo ọa rọte ebe ushi ya gue wẹ ẹzọ, ama egbokpa ni e mhue ushi deba ni e lamhẹ olamhẹ, a ya rọte ushi gue wẹ ẹzọ. <sup>13</sup>Irari khi ọa khi egbo ni e suọ abi ushi ọ ngme tse Eshinegba ọ ya liẹ khi e pfuase, ama eni e suọ abi ushi ọ ngme ni e rọli ẹ gbe akanya, Eshinegba ọ ya pfa na khi e pfuase. <sup>14</sup>Egheghe kpa ni egbo iJeta, ni ẹa mhọli ushi, e rọ rọte angeli oyewẹ ri ushi gbe akanya ne, eri e rọkhasẹ khi e leşẹ emini ọa ti ali emini o ti ni a riẹlẹ, ini ẹa ririẹ mhue ushi. <sup>15</sup>Eri angeli oyewẹ o rọkhasẹ khi emini ushi ọọ a ke riẹlẹ, khi e keke ọli shi udu, udu oyewẹ ọ pfi ọtselẹ shi ọ, isamhi eyewẹ ni ẹ gue wẹ ẹzọ isheghuo, e gbo khẹ wẹ shi ekẹ. <sup>16</sup>Igho o ya li ogbelẹ ni Eshinegba ọ ya rọte obọ oyi iJesu iKirisiti gue wẹ ẹzọ ri osheli oyewẹ laselẹ abi mhi li ri usomhi onete tse abọ.

### Egbo iJu ali ushi

<sup>17</sup>Ini a lu egbe ẹ egbo iJu, a ri egbe da ushi ri Eshinegba a tonon obọ udu, <sup>18</sup>Ini a zẹ Ebe-no-pfuase leşẹ oguemhẹ oyi Eshinegba, ni a gbo leşẹ emini o gbe akanya, <sup>19</sup>ini a leşẹ khi ẹẹ a khi eni ẹẹ seşẹ ezalo ode, ni a rọ gbo khi ákpá na egbo ni e la alo ebili, <sup>20</sup>a ye egbo ni e khi eyeghẹ ude, a seşẹ eni ẹa leşẹ. A mhọli ọli shi udu khi ilẹşẹ ali igesikia o gba pfo shi elemhi ushi. <sup>21</sup>Eẹ ni a seşẹ eg-

boşese, elọ o zẹ khi aa ya seşẹ egbe ẹ? Eẹ ni a liẹ ogbo ọ khi do ughiatọ, áá liẹ do? <sup>22</sup>Eẹ ni a liẹ ogbo ọ khi kia okia, aa liẹ kia okia? Eẹ ni ikhumhi igaga ọọ kpase, aa liẹ do ughiatọ elemhi Owa oyi Eshinegba? <sup>23</sup>Eẹ ni a tonon obọ udu khi a mhue ishi eyi Eshinegba, aa ri omama mu Eshinegba abi a liẹ gbe eni ishi-a? <sup>24</sup>Ebe-no-pfuase ọọ khi: "Irari ẹẹ ni a khi egbo iJu egbo iJeta e rọ ọ zẹ emuebe na eva oyi Eshinegba."<sup>§§</sup> <sup>25</sup>Ini a ri ishi a gbe ikanya, oshelẹ oye ẹ o rọ mu eloe, ama ini a gbe ushi-a, eri a li abinẹ khi aa shele-a. <sup>26</sup>Ini ogbo ni ọa khi iJu ni ogbo aa shele-a ọ ri ushi oyi Eshinegba gbe akanya, Eshinegba ọa ya leli ọli shi ọni aa shele-a? <sup>27</sup>Itobọ igbo, egbo iJeta e ya pfa ezọ mu ẹ iJu itobọ khi a gbe ushi-a, aboriekhia khi a keke oni ushi shi ebe na ẹ ni a gbo shele-a, ama wewe e ri ushi ẹ gbe akanya ini aa ririẹ shele wẹ-a. <sup>28</sup>Oa khi itobọ khi ogbo ọọ ngeli abi ogbo iJu ali itobọ khi a da shele ọli-a ọ rọ khi egbegbi iJu. <sup>29</sup>Ama ọni ọ khi egbegbi iJu ọ khi ọni ọ ri ushi ẹ gbe akanya, Oshelẹ na ekelemhi udu o khi igesikia oyi oshelẹ, ọa khi ona ekue idiegbe oye. Ogbo ogghogho Eshinegba ọọ kueghie ọli, aa khi egbo ẹẹ kueghie ọli.\*

**3** Ighe eleli ni egbo iJu, ikhi eni a lu eni a shele-a, e mhọli doşẹ egbo iJeta? Ighe eleli ni o la ọ na egbo ni ẹ lu egbewe eni a shele-a? <sup>2</sup>Eleli o la ọ na ogbogbo ode khi ode. Odode, egbo iJu Eshinegba ọ kpẹ ri oni ungmehi nga obọ.

<sup>3</sup>Ini o fe khia khi eghuo ọ ẹa mhue irudunga? Eri umha mhue irudunga oyewẹ o ya liẹ khi Eshinegba ọa ke zẹ ri egbe ẹ nga? <sup>4</sup>Iiye e! Ini egbokpa o tseku khi ọloegbhue, igesikia Eshinegba ọ khi. Abi Ebe-no-pfuase o ngme, ni ọọ.<sup>†</sup>

<sup>¶</sup>2:11 Li zẹ iDeut 10.17

<sup>§§</sup>2:24 Li zẹ Aza 52.5

\*2:29 Li zẹ iDeut 30.6

†3:4 Li zẹ Iwolo 51.4

“A mema me khi  
yeye u te ode ini u ngme,  
ali khi u ya mu o u  
ini a gue e ezọ.”

<sup>5</sup> Ama ini umha gue e ngeli oyawa o ri ipfuase oyi Eshinegba khasẹ gboo, see awa ke fe ya ngme? Eri awa ya lie khi Eshinegba o gbe awa azeba ini o na awa osoli to onobe ni awa li? Eri mhi la ana ngme abi ogbo o lie ngme. <sup>6</sup> Emini a so shi ona khi, Iye o, ini o khia khi Eshinegba oo gbe azeba lo, se o kha li dobe gue agbo ezọ? <sup>7</sup> Egbo eghuo e ya ke khako, ee li, “Ini o khia khi egbholi ni mhi lo o ri ize-ri-egbenga oyi Eshinegba khasẹ, ni o khi ma ufumhi oyoli, se a ke gbo lie pfa ezọ mu mhe abi ogbo ona olamhe?” <sup>8</sup> Elo o ke ze ni awa a ro lie khi o tine ni awa ke li ingmobe ni onete o rote o lasele? A ya gue ogbogbo eni e ngme na ezọ. Ezeze abi egbo eghuo e she kpe li kieno egbholi ma mhe khi emini mhia sese egbo ghọ.

### Aa me oni o gue e ngeli

<sup>9</sup> Ini a fe bino o bie, eri awa iJu awa fe ti dose iJeta? Iye o! Mhi she kpe roli khasẹ khi egbo iJu ali egbo iJeta nya el-emhi olamhe awa la a kia. <sup>10</sup> Abi Ebe-nopfuase o ngme ni oo:

“Ogbokhoghuo o la o  
ni o gue e ngeli, ogbo aa me,

<sup>11</sup> Aa me oni o mhu e ilese,  
wekhi eri ogbokhoghuo  
oo ga Eshinegba.

<sup>12</sup> Egbo nya e she so  
ukhokho gbe Eshinegba.

Wewe nya e she rote

ode oboese ni o a ti.

Ogbokhoghuo o la ni

oo ri ele onete,

ogbo aa me oghuo kpe!”<sup>‡</sup>

<sup>13</sup> “Eri ukokoluoluo oyewe

o li abi uji ni o

khueghie-a shi eke.

Eri elemhi oyewe

O ri udimhi e pfi itsee.”<sup>¶</sup>

“Osue enye afue o la we unu.”

<sup>14</sup> “Inu eyewe o vo

itse ebe ikuku ali oyala.”<sup>§</sup>

<sup>15</sup> “Oa ya mu we unu

ni e ro gbe ugbeli,

<sup>16</sup> epfua ali oyese ee pfi

shi obini e je kpa,

<sup>17</sup> Ea lese abi a lie la opfomhe.”<sup>\*\*</sup>

<sup>18</sup> “Wekhi eri e mholi

ekpe na Eshinegba.”<sup>††</sup>

<sup>19</sup> Mena, awa lese khi emini a keke shi ushi nya, khi eni e deba ushi e ngeli a keke oli na. Ni a ro bhale ya e khi ogbo okhoghuo o a ya lie khi emini o ze ni lue ro gbe ushi-a na, ini Eshinegba o gue agbo nya ezọ. <sup>20</sup> Ogbo o la o ni a ya pfa na khi o pfuase irari khi o ri ushi e gbe akanya. Ochogho eri ushi o ze awa lese khi olamhe o la o.<sup>‡‡</sup>

### Igue-ngeli ni o rote irudunga bhale

<sup>21</sup> Ama Eshinegba o she ri ode onogbo ni o te pfa na awa khasẹ awa ni o a khi abi ushi o sese awa. Ni ebe Ushi ali emekeguele e pfi otsele shi. <sup>22</sup> Oni ode onogbo ona ni Eshinegba o ro bhale, irudunga iJesu iKirisiti o te e bhale deba eni e mie oli suo nya. Ikhioda o la o na eni e khi iJu ali iGiriki.<sup>¶¶</sup> <sup>23</sup> Irari khi og-

<sup>‡</sup>3:12 Li ze *Iwolo* 14.1-3; 53.1-3

<sup>¶</sup>3:13 Li ze *Iwolo* 5.9; 140.3

<sup>§</sup>3:14 Li ze *Iwolo* 10.7

<sup>\*\*</sup>3:17 Li ze *Aza* 59.7-8

<sup>††</sup>3:18 Li ze *Iwolo* 36.1

<sup>‡‡</sup>3:20 Li ze *Iwolo* 143.2; *iGal* 2.16

<sup>¶¶</sup>3:22 Li ze *iGal* 2.16

bokpa o she lamhe, egbo e she nuata shi Eshinegba ni oo tsumhi o. <sup>24</sup> Ama afue afue o ri okhale oyoli pfa na awa khi awa pfuase, rote ipfasheke ni o te obo oyi iJesu iKirisiti bhale. <sup>25-26</sup> Eri Eshinegba o ri iKirisiti khase agbo nya, khi lolu o khi oni o dobe ya ri olamhe topfa agbo, abi o li ku oia eyoli kua ukhomhi apfida. Awa kha regbenga emini iKirisiti o rieje, awa mholi ipfasheke ni o ro rokhase khi Eshinegba o ya gbe azeba. Itobo khi Eshinegba o mholi irabomudu ali khi o ya gbe azeba, o roo gbe olamhe kua na egbo, o guele khi ogbokpa ni o ri udu nga iJesu, khi oni a pfa na o khi.

<sup>27</sup> Elo awa ke tono obo udu e shi? Afue! Elo o ze ona? Itobo khi awa ma ro ri ushi a gbe lo? Iiye o, ama itobo khi awa miesuo. <sup>28</sup> Irari khi awa zoli ukhomhi khi eri Eshinegba oo pfa na egbo ni e mhue irudunga ni o a khi irari iri-ushi-gbe akanya. <sup>29</sup> Eshinegba oyi egbo iJu tse o lese khi, o a ke li khi Eshinegba oyi egbo iJeta? Oyewe o khi gueguegue. <sup>30</sup> Eshinegba oghuo o khi, oni oo pfa na egbo eni e shele-a rote irudunga oyewe ali eni aa shele-a rote oni irudunga oghuo. <sup>31</sup> Eri ona o ke lie khi itobo irudunga oyawa, khi awa a ke mhue emini awa ri ushi e li? Iiye e. Ochoghwa awa kie mu ushi mhue.

### Irudunga o ri Aburaamu migha shi ipfuase

**4** Se awa ke ya ngme shi ingme oyi Aburaamu ni o khi ititawa? Elo o fe me eni ingme ipfana rote irudunga onana? <sup>2</sup> Ini o khia khi ikanya ni Aburaamu o gbe a ro pfa na li lo, o kha me emhi ro ke tono obo udu, ama o a khi

odalo oyi Eshinegba. <sup>3</sup> Eri Ebe-no-pfuase oo, "Eri Aburaamu o mie Eshinegba suo, lolu a ro leli oli na li shi ipfuase."\* <sup>4</sup> Ini ogbo gbe akanya, ogbo o a ya lie khi ifata ni o mie khi isomhopfa lo, ama eri o gbe akanya shi o. <sup>5</sup> Ama ogbo ni o a ri egbe da ikanya obo oyoli ni o gbe, ni o regbenga Eshinegba ni oo pfa na ona okholo, oni irudunga ni o mholi egbo a deba guele khi o pfuase. <sup>6</sup> Abi iDefidi o ro ngme nga ikhivose oyi oni Eshinegba o pfa na, ni o a khi itobo ikanya obo oyi lolighuo, o mu ma ingme ena, abi o ree,

<sup>7</sup> "Oghela o khi na egbo ni Onomhue o gbe umha gueli oyewe kua, ni a ri olamhe oyewe topfa we.

<sup>8</sup> Oghela o khi na ogbo ni Onomhue o a keke olamhe eyoli shi na li."<sup>†</sup>

<sup>9</sup> Oni ikhivose ona, egbo ni a shele-a e lese mholi oli? Abi khi egbo ni aa shele-a e li mholi oli? Awa kie kpe e ngme oli khi irudunga ni Aburaamu o mhue, lolu a ro guele khi o pfuase. <sup>10</sup> Egheghe onoghua a ro leli oli na li? Abi a ro shele oli-a se lo, abi khi neni a shele oli-a? O a khi abi a ro shele oli-a se, ama abi aa ro shele oli-a ne lo. <sup>11</sup> Itobo khi o mholi irudunga, Eshinegba o ro pfa na li khi o mholi ipfuase neni o shele-a. Irarigho, o ro khi ita oyi egbo nya ni e miesuo, ini aa tseku shele we-a. Egheghe agho ni e khi eni a pfa na khi e pfuase.<sup>‡</sup> <sup>12</sup> Ita oyi egbo eni e shele-a o li khi. Aa khi itobo khi a shele we-a tse, ama irari khi e deba ete-awe agbo irudunga nabi itawa Aburaamu, neni a shele oli-a.

§§3:30 Li ze iDeut 6.4; iGal 3.20

\*4:3 Li ze Igbae 15.6; iGal 3.6

†4:8 Li ze Iwolo 32.2

‡4:11 Li ze Igbae 17.10

### Irudunga a te a mie ishobọ eyi Eshinegba

<sup>13</sup> Oa khi iri ushi gbe akanya Aburaamu ali imimi ọli e te mie oni ishobọ khi lọli ọ ya le ugu agbọ nya, ama rọte angeli ipfuase ni o rọte irudunga bhale oyọli lọ.<sup>¶</sup> <sup>14</sup> Irari khi ini eni e ri ushi gbe akanya e le oni ugu lọ, irudunga ọa kha ke mu ẹloe, oni ishobọ o mele afuẹ-a.<sup>§</sup> <sup>15</sup> Eri ushi o ri ofu oyi Eshinegba bhale, irari khi ini ushi ọa la ọ, igbushi-a ọa kha la ọ.

<sup>16</sup> Irarigho, oni ishobọ, irudunga o te ẹ bhale, ishegho ni o khi oyi okhale, ali ni o migha na imimi Aburaamu. Oa khi oyi egbo ni e ri ushi ẹ gbe akanya tse, ama li shi oyi eni e miesuo abi Aburaamu. Irari khi Aburaamu ọ khi ita awa nya el-emhi ayemhe.<sup>\*\*</sup> <sup>17</sup> Abi Ebe-no-pfuase o ngme ni oo, “Mhi she re mele ita oyi ushishi ebubu-a.” Irudunga ni Aburaamu ọ mhue Eshinegba ọ ro shobo na li. Eshinegba ni oo ri eni e ghu-a guale bhale agbo, ni ọ ma emhi enegbo.<sup>††</sup> <sup>18</sup> Eri Aburaamu ọ miesuo, ọ mhue irudushi, abi ọa ro tseku me emini ọ ri udu shi ne, itobo igho ọ ro khi, “Ita ishishi ebubu.” Abi a kie kpe li gue oli ye oli khi, “Imimie e ya bu abi ikpetata.”<sup>‡‡</sup> <sup>19</sup> Oa tigbe lose Aburaamu shi irudunga oyoli, aboriekhia khi ọ she gbe ikpe egbhueshe, ni ọ gbo lese khi loli she womhe ramhi eghuli ali khi iSera ughuoli ọ she li womhe dose ni ọ ke dobe ya bia eniye.<sup>¶¶</sup> <sup>20</sup> Irudunga oyoli ọa mhue olosemhe wekhi eri ọ khokho udu shi emini Eshinegba ọ ngme. Oni irudunga oyoli o ri itoto na li, ọ kueghie

Eshinegba. <sup>21</sup> Eri ọ lama shi ọ egbegbo khi Eshinegba ọ ya dobe riele emini ọ shobo na lue. <sup>22</sup> Loli o ze khi, “A pfa na li khi ọ pfuase.” <sup>23</sup> Ungmemhi khi, “A leli oli na li shi angeli ipfuase,” ọa khi lolighuo tse a keke oli na. <sup>24</sup> Ama a li keke oli na awa, eni Eshinegba ọ lie leli angeli ipfuase na, ni awa mie oli suo ikhi loli ni ọ rọte eghuli guise iJesu Onomhue oyawa le. <sup>25</sup> Eri Eshinegba ọ rue oli obọ-a ni ọ ghu-a shi ingmobe eyawa. O guise oli le bhale agbo ni ọ khuese awa pfuase.<sup>§§</sup>

### Opfomhe ali Oghẹ

**5** Irarigho, aborokhia khi a she pfa na awa egho khi awa pfuase rọte irudunga oyawa, awa she mhue opfomhe odalo oyi Eshinegba rọte obọ oyi iJesu iKirisiti Onomhue oyawa. <sup>2</sup> Loli awa rọte obọ oyoli mholi ode lo isomhelemhi oyi Eshinegba, te irudunga ni awa migha nga memena. Awa ke ghele shi irudushi oyi ufumhi oyi Eshinegba. <sup>3</sup> Oa khi igho tse, ama awa lie ghele shi osoli oyawa, irari khi awa lese khi eri osoli oo sese ogbo iregbemie. <sup>4</sup> Iregbemie o ri ogbo ọ mhue egbegbi angeli, egbegbi angeli o ri ogbo ọ mhue irudushi. <sup>5</sup> Oni irudushi ona, ọa ya ze awa me omama. Irari khi Eshinegba ọ she tutu inono oyoli ku awa udu rọte Ayemhe-no-pfuase, ni ọ ro na awa. <sup>6</sup> Irari khi egheghe ni awa aa ro mholi ekpabo ni awa ro khi ena olamhe, iKirisiti ọ bhale ya ghu-a na awa. <sup>7</sup> O ma munu ni ogbo ọ ro ghu-a na ogbo ni ọ gue ẹ ngeli, otse ogbo ọ ya roshaka

<sup>¶</sup>4:13 Li ze Igbae 17.4-6; 22.17-18; iGal 3.29

<sup>§</sup>4:14 Li ze iGal 3.18

<sup>\*\*</sup>4:16 Li ze iGal 3.7

<sup>††</sup>4:17 Li ze Igbae 17.5

<sup>‡‡</sup>4:18 Li ze Igbae 15.5

<sup>¶¶</sup>4:19 Li ze Igbae 17.17

<sup>§§</sup>4:25 Li ze Aza 53.4-5

ni luɛ ghu-a na oɓɔ onete. <sup>8</sup> Ama eri Eshineɓba ɔ ri inono ni ɔ mholi na awa khase. Loli o ze khi eghɛghe ni awa ro kie khi ena olamhe, iKirisiti ɔ ro bhale ya ghu-a na awa.

<sup>9</sup> Aborokhia khi a she rote oia eyoli pfa na awa mena, see ɔa lie tsumhi awa ofu oyi Eshineɓba! <sup>10</sup> Irari khi ini eghɛghe ni awa ro khi ebe Eshineɓba khi a rote eghuli ni omioli ɔ ghu ri awa nu oli mhue iro-riele, see awa ni a she ro nu Eshineɓba somhi awa aa li gbo ya rote agbo oyoli mhue imiepfuese! <sup>11</sup> ɔa khi igho tse, ama awa li mholi oghɛle ayi Eshineɓba rote iJesu iKirisiti Onomhue oyawa, oni awa rote obo oyoli mhue irosomhi.

### **Adamu ɔ ri eghuli bhale, iKirisiti ɔ ri agbo bhale**

<sup>12</sup> Olamhe ni Adamu ɔ lamhe o ri eghuli lo agbo le. Olamhe oyoli o ze khi oɓɔkpa ɔ khi ona olamhe, irarigho oɓɔkpa ɔ ro ya ghua.\* <sup>13</sup> Irari khi neni a ri ushi bhale olamhe, ɔ she kpe lo agbo le, ama ashini ushi ɔa la, aa ya leli olamhe na oɓɔkoghuo. <sup>14</sup> Aboriekhi igho, eri eghuli o kie rote eghɛghe oyi Adamu gbe egho ya ramhi eghɛghe oyi iMosisi, li shi egho ni ea gbe ushi-a abi Adamu ɔ li da omhesɛ oyi Eshineɓba. Adamu ɔ khi irokhokho oyi oni ɔ ya bhale.

<sup>15</sup> Ama wewe aava ea li abeghuo irari khi isomhopfa onayi Eshineɓba ɔa li abi olamhe oyi Adamu. Igesikia o khi, khi ebubu egho e ghu-a irari olamhe oyi oɓɔoghuo igho. Ama okhale oyi Eshineɓba o fune. Igho khi isomhopfa ni ɔ ro na ebubu egho rote isomhemhi oyi oɓɔoghuo, ikhi iJesu iKirisiti. <sup>16</sup> Ikhioda o la isomhopfa oyi Eshineɓba ali olamhe oyi Adamu. Oni olamhe oghuo igho o ri ina-osoli bhale. Ama isomhopfa oyi

Eshineɓba o ri ipfana bhale ghi awa aboriekhia khi eni e lamhe awa khi. <sup>17</sup> Igesikia o khi, khi rote olamhe oyi oɓɔoghuo, eghuli o te bhale agbo. Ama emini oɓɔoghuo ɔ riele, ikhi iJesu iKirisiti, o fune. Egho nya ni e mie okhale oniemhi ali isomhopfa afue afue oyi ipfuase oyi Eshineɓba, e ya mu olamhe ɔ le, rote obo oyi iKirisiti. <sup>18</sup> Abi olamhe oyi Adamu o li ri ina-osoli ghi eghokpa, igho ipfuase oghuo oyi iKirisiti o li ri ipfana ali isomhopfa agbo oyi Eshineɓba na oɓɔkpa. <sup>19</sup> Irari khi, abi umha-sueso oyi oɓɔoghuo o ri egho nya khi ena olamhe, igho a li ya pfa na ebubu egho shi ode oyi Eshineɓba irari isueso oyi oɓɔoghuo.

<sup>20</sup> Eri ushi o bhale ni egho lese ashini e khi ena olamhe ramhi, ama abibi olamhe e tseku li bu, ilelemhi oyi Eshineɓba o bu dose we. <sup>21</sup> Eghɛghe agho ni a bhale ya e khi ezeze abi olamhe o ri eghuli bhale, okhale oyi Eshineɓba o ri ipfuase leghie, o ri agbo na agboagbo bhale, rote obo oyi iJesu iKirisiti Onomhue oyawa.

### **Ghu pfa Olamhe, u nu iKirisiti la agbo**

**6** Se awa ya ngme mena, eri awa ya ke li ingmobe le tse ni okhale oyi Eshineɓba o ke bua shi ɔ dose agho? <sup>2</sup> Iiye o! Awa ni idiegbe oyawa o ghu pfa olamhe, see awa ke gbo lie ke lamhe? <sup>3</sup> Abi khi aa lese khi awa nya ni a batazi shi iJesu iKirisiti, khi eri awa batazi shi eghuli oyoli? <sup>4</sup> Irarigho, eri a ri awa nu oli to abi a ro so awa oke batazi awa shi eghuli oyoli, ni a bhale ya e khi abi a li rote eghuli guise iKirisiti le rote ufumhi oyi Ita, ni awa li mholi agbo onogbo.†

<sup>5</sup> Abi a ro ku awa ali loli gbe she eghuli oyoli egho, igho a gbo lie ku awa ali loli gbe shi iguisele oyoli. <sup>6</sup> Awa lese ona khi idiegbe oyawa onodio khi eri o nu

\* 5:12 Li ze Igbae 3.6

† 6:4 Li ze iKolo 2.12

iJesu ghu-a shi apfida, ni a rọ bhale ya ẹ khi idiegbe olamhe oyawa o mele afue-a. Ini awa khi ke gbo khi ighumha olamhe. <sup>7</sup>Itobọ khi ini ogbo o ghu-a, o she pfue ekpabọ olamhe. <sup>8</sup>Mena, ini awa she nu iKirisiti ghua, awa miesuo khi awa ya li nu oli la agbo. <sup>9</sup>Irari khi awa lese khi abi a she rote eghuli guise iKirisiti le egho, ọa ke gbo ya ghu ghue, eghuli ọa ke gbo mholi ekpabọ shi oli egbe. <sup>10</sup>Eghuli ni o ghu, utoghuokpe o ghu oli rọ mu ekpabọ eyi olamhe o le. Agbo ni o la, o la o na Eshinegba. <sup>11</sup>A li ligho leli egbe e shi eni e ghu pfa olamhe, ama a la agbo na Eshinegba elemhi iJesu iKirisiti. <sup>12</sup>Irarigho, a khi ze ni olamhe o le eghie shi e egbe ni a ri oguemhe ebe eyoli ke gbe akanya. <sup>13</sup>A khi ri ukiekie idiegbe okhoghuo oye na olamhe, wekhi eri u re we shi eke shi akanya okholo, ochogho, a ri egbe e na Eshinegba abi eni a she rote eghuli nyene bhale agbo, ama a ri idiegbe oye na li abi itsua ipfuase. <sup>14</sup>Irari khi olamhe ọa ke ya khi ọa oye, itobọ khi ushi ọa ke e ke mhesa na e, ama elemhi okhale oyi Eshinegba a ke la.

### Ighumha eyi angeli ipfuase a ke khi

<sup>15</sup>Se o ke li mena? Awa ke lamhe itobọ khi ushi ọa ke mhesa e na awa, se ni okhale oyi Eshinegba? Iiye o! <sup>16</sup>Aa lese khi oghumha oyi emini a suọ esọ o na a khi? U dobe ya khi oghumha oyi olamhe ni o ri eghuli e bhale, u gbo dobe e ze issueso na Eshinegba ni o ri ogbo o bhale angeli ipfuase. <sup>17</sup>Ama awa tse Eshinegba uwegbe, irari khi eghenge ni o dose, a kpe khi ighumha eyi olamhe, eghenge agho a ga ri udu oye e nya a suọ esọ na osese ni a sese e. <sup>18</sup>A she pfuese e olamhe, ama ighumha eyi Eshinegba a ke khi, ni a ke rieles emini o ghole Eshinegba.

<sup>19</sup>Eri mhi ngme ona abi ogbo lie ngme, itobọ khi aa lolo toto. Abi a kpe li ri

idiegbe eye e shi ighumha na ikanya ichimhi ali okholo, a li ligho ri egbe e shi ighumha angeli ni o ghole Eshinegba, ni o ri ipfuase e bhale. <sup>20</sup>Abi a rọ khi ighumha olamhe, aa mhue emini a ri angeli ni o ghole Eshinegba rieles. <sup>21</sup>Ighe eleli ni a mhue oni eghenge shi ikanya ni e ke tige ri omama a mu e ena? Emhi eghogho eghuli ee pfi. <sup>22</sup>Ama mena ni a she rote olamhe pfuese e, ni a ke rọ khi ighumha eyi Eshinegba egho, eleli ni a khies, ipfuase o re e ya khue pfuase, o ri agbo na agboagbo o na e. <sup>23</sup>Irari khi ifata oyi olamhe khi eghuli lo, ama isomhopfa oyi Eshinegba agbo na agboagbo lo rote obọ oyi iJesu iKirisiti Onomhue oyawa.

### Abi a lie ngeli elemhi ughue

**7** A lese inyoghuo, khi eri mhi nu e ngme abi egbo ni e lese ushi, khi ushi o mholi ekpabọ shi ogbo egbe ini oni ogbo o kie da la agbo ne. <sup>2</sup>Ezeze abi ushi o ngme khi okpotso ni o la ughue ọa gbudu vu odọ li obọ ini oni omose o kie da la agbo ne, ama khi ini o ghu-a oni ushi ọa ke mu oli. <sup>3</sup>Irarigho, ini o vu ya ngeli na omose olese, abi odoli o li kie la agbo egho, a ya lu oli okiokia. Ama ini odọ li o ghua, oni ushi ogho ọa ke mu oli, ọa ke khi okiokia, ini o tseku ngeli na omose olese. <sup>4</sup>Igho o li khi shi e o inyoghuo-mhe. Idiegbe oyi iKirisiti a ke khi, ee a she li ghu-a pfa ekpabọ oyi ushi. A she ga li mholi eghenge ni a rọ mele oyi ogboese-a, ikhi oni a rote eghuli guise le, ni a me asha ke gbe akanya enete na Eshinegba. <sup>5</sup>Irari khi abi idiegbe olamhe o rọ o mhesa na awa, igho oguemhe oyi olamhe ni ushi o zese-a o la awa idiegbe gbe akanya, ena e ri awa ngeli angeli ni oo pfi eghuli. <sup>6</sup>Ama mena, abi awa rọ she ghu pfa emini e ke kpe geno awa egho, a she pfuese awa obọ oyi ushi, ni awa me asha rote



odę onogbo oyi Ayemhę ke ga, ni ọa ke khi odę oyi ushi ni a kekẹ.

### Inu-olamhę khę abo

<sup>7</sup>Şę awa ke ya ngme mena? Olamhę oni ushi o ke khi şo? Iiye o. Egbegbo lo khi, mhi aa kha leşę emini olamhę o khi, ini ọa khi ushi lo. Irari khi mhi aa kha leşę emini ivię shi emhi oğbo o khi ini ushi ọa lię, “Khi vię shi emhi oğbo.”<sup>‡</sup>  
<sup>8</sup>Rote oni ushi ogho, olamhę o te meş asha guise iwali oghuemhę ukphę nya ni e la mhę egbe le. Ini a rue ushi odę-a eri olamhę o ghua. <sup>9</sup>Eri mhi kpę la agbo tse abi mhi aa ro leşę ushi ne, ama abi ushi o ke ro bhale, olamhę o gbo bhale agbo, lolli mhi ro ghua. <sup>10</sup>Mhi meş khi ushi ni o kha ri agbo bhale, khi eghuli o ro bhe.

<sup>11</sup>Olamhę o meş asha migha rote ushi di mhę. Rote oni ushi, eghuli o gbe mhę.<sup>¶</sup> <sup>12</sup>Abokieli khi, oni ushi o pfuase, omhęşę o pfuase, e migha, e ti.

<sup>13</sup>Eri emini o ti ogho o ke ri eghuli ghi mhę egho? Iiye o! Ama ni a ro leşę olamhę shi olamhę o ro pfi eghuli na mhę, rote emini o ti, ni a bhale ya ę khi rote oni ushi, olamhę o mema khi olamhę egbegbo. <sup>14</sup>Irari khi awa leşę khi ushi emhi Ayemhę o khi, ama mhęmhę oğbo tşę, mhi khi oni a ro na olamhę de. <sup>15</sup>Mhi aa leşę emini e li mhę, irari khi emini mhia nono ni mhi ke rięle, mhi aa dobę rięle oli. Ama emini ọa ghole mhę, mhia rięle.<sup>§</sup> <sup>16</sup>Ini mhi rięle emini mhi aa nono ni mhi rięle, mhi lama shi o khi ushi o ti. <sup>17</sup>Abi oli khi, ọa ke khi mhęmhę mhia rięle oli ama olamhę ni o la mhę egbe lo. <sup>18</sup>Mhi leşę khi emhikhoghuo ni o ti ọa lamhę egbe, ikhi idiegbe olamhę oyemhę. Irari khi ini o tseku ghole mhę ni mhi rięle emini o ti, mhia dobę ę rięle oli. <sup>19</sup>Irari

khi emini mhia rięle ọa khi emini o ti ni mhia nono ni mhi rięle, ochoghọ onobe ni mhi aa nono ni mhi rięle, mhi kiele ę rięle. <sup>20</sup>Mena, ini mhia rięle emini mhi aa nono ni mhi rięle, ona o rokhase khi ọa khi mhęmhę mhi rięle oli, olamhę ni o la agbo oyemhę ọọ rięle oli. <sup>21</sup>Ina o ga limhę egbe eghęghękpa. Ini mhia nono ni mhi rięle onete, onobe o nu mhę la agho. <sup>22</sup>Irari khi ekelembi udu oyemhę, ushi oyi Eshinęba o te ę ghole mhę. <sup>23</sup>Ama mhi meş khi ushi olese o la mhę egbe ę gbe akanya, ni o mu okholi vule shi ushi ni o la mhę udu o, o remhę mele oghumha ushi oyi olamhę-a, ni o la mhę egbe a gbe akanya. <sup>24</sup>Oğbo umeobin-uje nabiseş mhi feş khi ena. Oghuo o ya tsumhi mhę idiegbe eghuli ona lasele? <sup>25</sup>Mhi kphemhi na Eshinęba rote obo oyi iJesu iKirisiti Onomhüę oyawa.

Irarigho, mhęmhę oyemhę, oghumha oyi ushi oyi Eshinęba mhi khi udu oyemhę, elemhi idiegbe olamhę, mhi khi oghumha oyi ushi olamhę.

### Angeli na Ayemhę

**8** Irarigho, ipfezo-mu ọa ke la o na egbo ne mie iJesu iKirisiti suo, ni ęa ke ngeli rote odę olamhę, ama eni ęę ngeli rote odę Ayemhę-no-pfuase. <sup>2</sup>Ayemhę ni o ri agbo a na awa itobo khi awa mie iJesu iKirisiti suo, o she taghie mhę obo oyi ushi olamhę ali eghuli-a. <sup>3</sup>Emini Ushi oyi iMosisi ọa dobę rięle irari khi idiegbe olamhę o mie oli ek-pabo, Eshinęba lolighuo o ke ya pfuese awa abi o ghie Omi oli, ni o li abi awa egbo olamhę ali ni o ya khi iluasobo shi olamhę eyawa. Oni idiegbe oğbo ni oni iKirisiti o zę o ro pfuęchę olamhę-a shi idiegbe oğbo olamhę. <sup>4</sup>Eri Eshinęba o rięle ona ni ipfuase ni ushi oo nono ni

<sup>‡</sup>7:7 Li zę Okiali 20.17; iDeut 5.21

<sup>¶</sup>7:11 Li zę Igbae 3.13

<sup>§</sup>7:15 Li zę iGal 5.17

awa mh̄oli o t̄s̄e shi awa egbe, ini awa khi k̄e ngeli te od̄e olamh̄e, ama ni awa ke ngeli r̄ote od̄e Ayemh̄e.

<sup>5</sup> Egbo ni ̄e ngeli r̄ote od̄e olamh̄e, eri e ri udu shi emini idiegbe oyew̄e ̄o nono. Eri ̄egbo ni ̄e ngeli r̄ote od̄e Ayemh̄e, e ri udu shi emini Ayemh̄e ̄o nono. <sup>6</sup> Irari khi udu oyi ̄ogbo eghuli o tsua. Ama udu ̄o rīel̄e emini Ayemh̄e ̄o gueye ̄oli, eri ̄o ya la agbo ̄o mhue opfomh̄e. <sup>7</sup> Obe Eshinegba ̄ogbo ̄o khi, ini udu olamh̄e oyoli ̄o mh̄es̄e na li, irari khi ̄o ya suo es̄o na Eshinegba. Irari khi ̄o z̄e ni ushi oyi Eshinegba o mh̄es̄e ke na li, w̄ekhi eri ̄o tigbe ya lama ghue ni ̄o mh̄es̄e na li. <sup>8</sup> Egbo ni idiegbe olamh̄e oyew̄e o mh̄es̄e ̄e na, ̄e adob̄e rīel̄e emini o gh̄ole Eshinegba.

<sup>9</sup> Yeye oȳe idiegbe olamh̄e ̄o ke mh̄es̄e ̄e n̄e ama Ayemh̄e o ke mh̄es̄e ̄e n̄e, ini Ayemh̄e oyi Eshinegba o da la agbo oȳe ne. Ogb̄o ni ̄o da mhue Ayemh̄e oyi iKirisiti ne, ̄o khi ̄onayoli. <sup>10</sup> Eri-t̄s̄e khi ini iKirisiti ̄o da la agbo oȳe ne, idiegbe oȳe o fu pfa olamh̄e, ayemh̄e oȳe o kie la agbo irari ipfuas̄e ni awa r̄ote ob̄o oyi iKirisiti mhue. <sup>11</sup> Ini Ayemh̄e oyi ̄oni ̄o r̄ote eghuli guise iJesu le o da la agbo oȳe ne, l̄oli ni ̄o r̄ote eghuli guise iJesu le ̄o ya r̄ote Ayemh̄e oyoli ni o la agbo oȳe ri agbo na idiegbe ni ̄o ghu oȳe.\*\*

<sup>12</sup> Irarigh̄o, inyogh̄uo-mh̄e, awa mema ya ke ngeli abi ayemh̄e Eshinegba o gueye awa. Awa khi ke ngeli abi o gh̄ole idiegbe olamh̄e. <sup>13</sup> Irari khi, ini u wa ngeli abi idiegbe olamh̄e o gueye, eri u ya ghu-a, ama ini u wa ngeli abi Ayemh̄e o gueye, eri u wa gbe ekpab̄o olamh̄e a shi idiegbe oȳe, u la agbo. <sup>14</sup> Egbo ni Ayemh̄e oyi Eshinegba ̄o mh̄es̄e ̄e na imi

Eshinegba e khi. <sup>15</sup> Irari khi Ayemh̄e ni Eshinegba ̄o r̄o n̄e, ̄o khi oni o gbolo r̄e khi oghumha ulishi, ama Ayemh̄e ni ̄o r̄o r̄e khi Om̄o oyoli u mie. Oni Ayemh̄e ̄o ri awa mhue itoto ̄e vie lu Eshinegba, awa lu ̄oli Itamh̄e, Itamh̄e.†† <sup>16</sup> Oni Ayemh̄e loligh̄uo ̄o pfi ots̄el̄e shi ayemh̄e oyawa khi eniye eyi Eshinegba awa khi. <sup>17</sup> Ayemh̄e oyoli ̄o z̄e ni awa les̄e khi awa ya nu iKirisiti mh̄oli okemhi shi emini Eshinegba ̄o r̄o shob̄o khi l̄oli ya rīel̄e. Egheghe agh̄o awa nu iJesu mh̄oli okemhi ufumhi oyoli ini awa li m̄e osoli.‡‡

### Ufumhi na ogbenako

<sup>18</sup> Mhi m̄e ̄oli m̄e khi osoli ni awa a m̄e memena khi ̄o khi oni a r̄o khokho emini a r̄o ya khas̄e elemhi agbo oyawa ikpukhokho. <sup>19</sup> Irari khi eri emini Eshinegba ̄o ma nya e ri ikphakpha-egbe migha k̄e egheghe ni Eshinegba ̄o r̄o ya ri eni e khi egbegbi imioli khas̄e. <sup>20</sup> Irari khi emini a ma nya, a r̄o mele afue-a, ni ̄o khi oghuemh̄e oyew̄e, ama abi o li gh̄ole ̄oni Eshinegba l̄o, ni ̄o r̄ew̄e mele afue-a, elemhi irudushi,¶¶ <sup>21</sup> khi ̄o ya tsumhi emini ̄o ma nya ini e khi ke k̄e-a ali khi e ya nu imi Eshinegba kemhi epfua ni o mh̄oli ufumhi.

<sup>22</sup> Awa les̄e khi emini a ma nya e kiele ̄e lomh̄e memena e la ̄otomh̄e, abi ̄okpotso ni oku ̄o to. <sup>23</sup> Oa khi emini a ma w̄ew̄eghuo t̄s̄e, ama li shi awa ni awa mie Ayemh̄e-no-pfuas̄e ni o khi igbaekele agbo onogbo oyi Eshinegba. Awa līe lomh̄e abi awa li ri ̄el̄oe shi ek̄e ̄e k̄e ogbel̄e ni Eshinegba ̄o ya la ukpel̄oe ̄ogbokpa guele khi imi Eshinegba awa khi ali ni a r̄o ya pfa awa ik̄e-a shi ek̄e.§§

\*\* 8:11 Li z̄e 1 iK̄ori 3.16

†† 8:15 Li z̄e iMak 14.36; iGal 4.6

‡‡ 8:17 Li z̄e iGal 4.5-7

¶¶ 8:20 Li z̄e Igb̄ae 3.17-19

§§ 8:23 Li z̄e 2 iK̄ori 5.2-4

<sup>24</sup> Irari khi rōte irudushi ona a te mie awa pfuese. Eri-tṣe khi irudushi ni aa me gboo ɔa fe khi irudushi. Oghuo ɔ gbo ri eloe shi eke e khe emini ɔ she me eloe ne? <sup>25</sup> Eri-tṣe khi ini awa ri udu shi emini awa aa me ne, irabomudu awa rɔ ke e khe ɔli.

<sup>26</sup> Igho Ayemhe ɔ lie kpaghie awa obo umhagbapfo oyawa, Irari khi awa aa lese abi a lie so iromhi, oni Ayemhe lolighuo ɔ ri ilomhe e so iromhi na awa shi emini unu ɔa dobe e ngme. <sup>27</sup> Oni Eshinegba ni ɔɔ me elemhi udu oyi egbo, ɔ lese usamhi eyi Ayemhe. Irari khi eri oni Ayemhe ɔ so iromhi na egbo eyi Eshinegba abi o li de shi oghuemhe oyi Eshinegba. <sup>28</sup> Awa lese khi eri Eshinegba ɔɔ riele emhi nya te ode onete na egbo ni e nono ingme oyoli. Egbo ni o khia khi ɔ lu shi omhese oyoli. <sup>29</sup> Eni Eshinegba ɔ she kpe lese, wewe ɔ ze ɔda ke ni e ya li abi Omi ɔli, ni oni Omi ɔli ɔ khi onodode elemhi inyoghuo ebubu. <sup>30</sup> Igho eni Eshinegba ɔ ze ɔda ke, wewe ɔ li lu. Eni ɔ lu, wewe ɔ li pfa na, eni ɔ pfa na wewe ɔ li rɔ khi eni e mhue ufumhi onabi oyoli. <sup>31</sup> Abi awa ke rɔ mhue ena shi udu oyawa, se awa ke ya so shi ena mena? Ini Eshinegba ɔ nu awa la, oghuo o ya dobe mu okhue vule shi awa ɔ? <sup>32</sup> Lolɔ ni ɔa to ukphe Omi ɔli na awa, ni ɔ rɔli lurasobo na awa nya, se ɔa ya pfo udu gbo ri emhi nya ma oni Omi ɔli na awa? <sup>33</sup> Oghuo ɔ ya gue ingme shi egbo ni Eshinegba ɔ she ze egbe? Eshinegba lueghuo ɔ pfa na ogbo. <sup>34</sup> Oghuo ɔ dobe pfa ezɔ ɔ mu ogbo? IJesu iKirisiti lueghuo lo, oni ɔ ghua. O gbo dose agho, Oni a guise le bhale agbo, mena ɔ shito obo ita oyi Eshinegba, ɔ so iromhi e na awa. <sup>35</sup> Oghuo ɔ ke dobe ya vase awa rɔte inono ni iKirisiti ɔ nono awa lasele? Osoli abi khi omunu abi okholi ni a mu vule shi awa ɔ

o ya dobe? Abi khi okiamhi abi khi umha me so lo, abi khi ini i igbe-a tsekha deba lo? <sup>36</sup> Abi a li keke ɔli shi ebe-no-pfuase, khi,

“Itobo oyee anye rɔ  
la okhena eghuli elɛkpa,  
a ri anye khokho  
isumha ni a ya gbolo a.”<sup>\*</sup>

<sup>37</sup> Iiye, abi a rie me eni emhi enana nya, anye fu dose oni ɔ kholi mu ɔ le, rɔte obo oyi oni ɔ nono ingme oyanye. <sup>38</sup> Irari khi mhi me ɔli me khi emhikhoghuo ɔa la agbo ona, eghuli wekhi agbo ilala, wekhi igeni wekhi iyemhe okpaghie ali emini e la irarogbe e mhese shi agbo ni awa la memena okekhi agbo ni o ke e bhale wekhi ekspabo, <sup>39</sup> wekhi iyagha ali ilimhi, wekhi emhikhoghuo ni a ma, o dobe ya vase awa rɔte inono ni Eshinegba ɔ nono awa rɔte iJesu oyawa lasele.

### Uzemhi ni Eshinegba ɔ ze egbo iZireni

**9** Egbegbi ingme mhia ngme itobo khi onayi iKirisiti mhi khi. ɔa khi egbholi mhia lo. Udu oyemhe ɔ pfi otsese shi ɔ elemhi Ayemhe-no-pfuase, <sup>2</sup> ini mhie khi mhi mholi oya ali udu ialamhe ni ɔa mhue ukpese, <sup>3</sup> na egbo eyemhe ni anye khi egbo eghuo ali ɔlia eghuo. Itobo oyewe, eri mhia lie khi Eshinegba ɔ kha pfi unu na mhe ali khi a kha rue mhe ikugbe ni mhi kugbe iKirisiti ɔ le, ini lolɔ rewe mholi imiepfuese. <sup>4</sup> Wewe e khi imimi iZireni ni Eshinegba ɔ ze, ni ɔ rɔ khi imi ɔli, ɔ ri ufumhi oyoli kase we, ɔ nu we riele ilama kugbe, ɔ ri ushi oyoli na we. Wewe e mholi egbegbi ugamhi, e she mie ishobo oyi Eshinegba.† <sup>5</sup> Wewe e mholi eni egbhali ena elɛle ni a suo eko, ni e gba ushishi Iburu eke le. Wewe e li khi itita iKirisiti. Eshinegba ni ɔɔ

\*8:36 Li ze Iwolo 44.22

†9:4 Li ze Okiali 4.22

mhẹsẹ na emhikpa, ọ khi ọni áá kuẹghie agboagbo.

<sup>6</sup>Mhi aa lie khi ishobo ni Eshinegba ọ shi, khi, o fia kua. Irari khi ọa khi egbo ni e rote iZireni lasele nya, e khi egbo eyi Eshinegba. <sup>7</sup>Wẹkhi imimi Aburaamu nya e khi egbegbi imi Aburaamu. Eshinegba ọ gueye Aburaamu khi, “Imimi Aziki a ya leli shi eni u bia.”<sup>‡</sup>

<sup>8</sup>Onana o guele khi eniye ni ọ bia elemhi oghuemhe idiegbe nya ẹa khi imi Eshinegba. Ama eniye ni a bia rote ishobo onayi Eshinegba wewe a leli shi egbegbi imimi Aburaamu. <sup>9</sup>Irari khi ishobo onayi Eshinegba khi, “Egheghe ni ọ roshi eke o kha da ramhi ne, mhi ya ri ishobo oyemhe tse, iSera ọ bia omo omo.”<sup>¶</sup>

<sup>10</sup>Oa pfo gho. Irari khi itsema emose eyi iRebeka, ita oghuo ọ bia we ikhi Aziki itita awa. <sup>11-12</sup>Ogbo a bia itsema ena ne wẹkhi eri e lese ingme e riẹle onete ali onobe ne, ni Eshinegba ọ ro she gueye inyewe iRebeka khi, “Onogbhali ọ ya ke ga onikeke.” Eri Eshinegba ọ riẹle ona rokhase khi, uzemhi ni lolu ẹ ze ogbo ni ọ khi emini ọ ya khi elemhi agbo, khi ọa khi itobo akanya ni ọ gbe ama abi o ghole Eshinegba ọ li lu ọli.<sup>§</sup> <sup>13</sup>Abi Ebe-no-pfuase o ngme ni ọo, “IGiekopu mhi nono dose iso.”<sup>\*\*</sup>

<sup>14</sup>Se awa ke ngme mena? Khi Eshinegba ọo zolo? Iiye o, ọa khi igho kpa!

<sup>15</sup>Irari khi ọ gueye iMosisi ọo li,  
“Mhi ya mhọli ilelemhi na  
ọni mhi ya mhọli ilelemhi na,  
mhi viẹ osue na  
ọni mhi ya viẹ osue na.”<sup>††</sup>

<sup>16</sup>Itobo igho, ọa khi abi o ghole ogbo wẹkhi emini ogbo ọ riẹle ama rote ilelemhi oyi Eshinegba. <sup>17</sup>Irari khi Ebe-no-pfuase o ngme na shi iFero egbe, ọo li, “Itobo ona mhi ro re khi oghie ni mhi rote emini mhi ya li ẹ ri ekpabo eyemhe khase, ni mhi ro ze agbo nya lese eva oyemhe.”<sup>‡‡</sup> <sup>18</sup>Irarigho, eri Eshinegba ọo mhọli ilelemhi na ọni ọ ghole ọli, ọ zese ọni ọ ghole ọli udu-a.

<sup>19</sup>U dobe ya mhila mhe ogbo ona, “Elo o ze ni Eshinegba ọ ro kiele ẹ me umhaguẹli oyawa sho, aborokhia khi lolu ọ ri awa ngeli abi o ghole ọli? Irari khi ogbokhoghuo ọ dobe ya nu Eshinegba khe abo?”<sup>20</sup> Ama oghuo u khi, yeye ogbo ni gbudu ya mie Eshinegba unu? Emini a ma o dobe ya lie oni ọ ma li, “Elo o ze ni u ro lina ma mhe?”<sup>¶¶</sup> <sup>21</sup>Omekhe ọa fe mhue afu ni ọ ro ri eke eme ẹ ma emini o ghole ọli? Ọ kha ma eghuo shi eni a ro riẹle emini e mu ẹloe, ọ manọ elese shi ni a ro riẹle emini a me kpa.

<sup>22</sup>Igho li khi emini Eshinegba ọ riẹle. Aboriekhia khi ọ mhọli afu ni ọ kha ro ri ofu ali ekpabo oyoli khase egbo ni e kha pfua, ni ọ me ofu oyewe egho, ama eri ọ kie mhue irabomudu na we. <sup>23</sup>Ilelemhi ni ọ mhọli na egbo ni ọ ze, ikhi egbo ni e ya mhọli okemhi ufumhi oyoli, ọ ro ri abi ufumhi oniemi oyoli o li khase. <sup>24</sup>Li shi awa, eni ọ li lu. Oa khi egbo iJu tse ama shi egbo iJeta. <sup>25</sup>Abi ọ ngme shi ebe Osia ni ọ,  
“Egbo ni ẹa khi eyemhe,  
mhi ya lu we egbo eyemhe.  
Ushishi ni mhi aa  
nono ingme oyewe,

<sup>‡</sup>9:7 Li ze Igbae 21.12

<sup>¶</sup>9:9 Li ze Igbae 18.10

<sup>§</sup>9:11-12 Li ze Igbae 25.23

<sup>\*\*</sup>9:13 Li ze iMala 1.2-3

<sup>††</sup>9:15 Li ze Okiali 33.19

<sup>‡‡</sup>9:17 Li ze Okiali 9.16

<sup>¶¶</sup>9:20 Li ze Aza 29.16; 45.9

mhi ya lu,  
 ‘Egbọ ni mhi nono.’”<sup>§§</sup>  
<sup>26</sup>Ali khi,  
 “A ya mę khi,  
 ashini a ga la lię wę,  
 ‘Aa khi ęgbọ eyemę,’  
 aghọ a gbo la lu wę,  
 ‘Imi Eshinegba ni ọ la ọ.’”<sup>\*\*\*</sup>

<sup>27</sup>Azaya o ngme ingme  
 oyi iZireni lasele gboo, khi,  
 “Ini o tseku khia khi  
 ęgbọ iZireni e bu abi ekhashe  
 ne la okę onięmhi,  
 ikuku ęgbọ ọ a ya tsumhi.

<sup>28</sup>Irari khi Eshinegba ọ ya  
 ri inyanya sọ ęzọ oyọli  
 ekę agbọ-a zeghele.”<sup>†</sup>

<sup>29</sup>Ezeze abi Azaya ọ kpę li ngme ọli  
 khi:

“Ini Eshinegba ni ọ  
 mhęse shi emhi nya  
 ọa keşę imi-imi le na awa lọ,  
 a kha li na awa osoli  
 abi ęgbọ iSodomu,  
 a pfuse awa abi ęgbọ iGomora.”<sup>‡</sup>

### Umha-miesuọ oyi ęgbọ iZireni

<sup>30</sup>Sę awa ke ya ngme? Khi ęgbọ iJęta  
 ni ęa na khu ipfuase, khi a pfa na rọte  
 irudunga, <sup>31</sup>ama ęgbọ iZireni ni e na khu  
 ushi igue-ngeli, ęa kie tę ọ? <sup>32</sup>Sęę ọ li  
 khi ighọ? Itobọ khi ęa rọte irudunga na  
 khu ọli, ama e rọte odę ikanya khu ọli.  
 E kholo awę shi, “ęchę ọzuode.” <sup>33</sup>Abi  
 Ebe-no-pfuase o ngme, ni ọọ, “Bino, mhi  
 tsua ęchę shi iZayo ni o ya ri ęgbọ kholo  
 awę. ęchęli ni o ya rę wę de. Ama ọni ọ  
 da mie ọli suọ ne, ọa ya mę omama.”<sup>¶</sup>

**10** Inyoghuo-mhę, emini ę ghọle  
 udu oyemhę ali olema ni mhia  
 lema Eshinegba khi, ni a bhale ya ę  
 khi ęgbọ iZireni eyemhę e khi eni a  
 mie pfuese. <sup>2</sup>Mhi pfi ọtsele shi ọ khi  
 e mhue ọmuegbe shi ugamhi oyi Esh-  
 inęba. Ama egbegbi ileşingme ọa la  
 ọmuegbe oyewę. <sup>3</sup>Aborokhia khi ęa leşę  
 ipfuase ni o rọte obọ oyi Eshinegba  
 bhale, ni e rọ nono abi e li ya ri oyewę  
 kọ egbọ, eri ęa ri egbe wę na ipfuase oyi  
 Eshinegba. <sup>4</sup>Irari khi iKirisiti ọ ri emini  
 ushi o ngme nya gba pfo, ni o zę khi Esh-  
 inęba ọ pfa na ọgbokpa ni ọ miesuọ.

### Imiepfuese, oyi ọgbokpa lọ

<sup>5</sup>IMosisi ọ lina gue ọli le emini ip-  
 fuase ushi o khi, ni ọ rę, “Oni ọ da ri  
 ushi nya gbe ne, ọ ya la agbọ.”<sup>§</sup> <sup>6</sup>Ama  
 eri ipfuase ni o rọte irudunga bhale ọọ,  
 “Khi la ekelemhi udu oyę lię, ‘Oghuo ọ  
 ya nga iloghie?’” (Ni ọ ya rue iKirisiti  
 tiemhile.) <sup>7</sup>“Okekhi eri u wę, ‘Oghuo ọ  
 ya tiemhi ilimhi na ningolo?’” (Ni ọ ya  
 rue iKirisiti rọte eghuli ngale.) <sup>8</sup>Abi o  
 ngme na: “Ungmemhi oyi Eshinegba o  
 la mama ę. O lę unu, o lę udu,” ikhi  
 ungmemhi irudunga ni anye rọ ọ tse  
 abọ.”<sup>\*\*</sup> <sup>9</sup>Ini u ri unu oyę ę khi, “IJesu ọ  
 khi Onomhüę,” ni u rọ miesuọ shi udu  
 oyę khi Eshinegba ọ rọte eghuli guise ọli  
 le, a ya mie ę pfuese. <sup>10</sup>Irari khi udu  
 ọgbọ ọ rọ miesuọ ni a rọ pfa na li, ali  
 khi unu ọgbọ ọ rọ ngme lasele ni ọ rọ  
 mhue imiepfuese. <sup>11</sup>Abi Ebe-no-pfuase o  
 ngme, ni ọọ, “Onini ọ da regbenga li ne,

§§9:25 Li zę *Osia* 2.23

\*9:26 Li zę *Osia* 1.10

†9:28 Li zę *Aza* 10.22-23

‡9:29 Li zę *Aza* 1.9

¶9:33 Li zę *Aza* 28.16

§10:5 Li zę *iLev* 18.5

\*\*10:8 Li zę *iDeut* 30.12-14

o a tigbe ya me omama.”†† 12 Ogbokpa ona o nu ngme, irari khi ikhioda o a la shi egbo iJu ali egbo iJeta o. Eshinegba o ga khi Onomhue oyi egbo nya, oo khivose egbegbo na oni o da lu oli. 13 Irari khi, “Onini o da lu eva oyi Onomhue o ya khi oni a mie pfuese.”‡‡

14 Ama se e li ya lu oli ini ea mie oli suo? Se e li ya mie oli suo ini ea suo oni ungmehi? Se e li ya suo ini a ri oni ungmehi tsabo. 15 Se a li ya ri oni ungmehi tsabo ini ogbo a ghie eni ete tsabo fie lase? Abi Ebe-no-pfuase o ngme o khi, “Eri ibhale oyi egbo ni e tsua usomhi onete bhale o ri oghelē bhale!”¶¶

16 Ama egbo iZireni nya ea mie oni usomhi onete ona suo. Azaya o lie, “Eshinegba, oghuo o mie usomhi oyi anye suo?”§§ 17 Igho irudunga o li rote ini ogbo o suo oni usomhi e bhale, ali khi usomhi oyi ingme iKirisiti iro-tse abo a te e suo oni usomhi. 18 Ama mhi mhila, eri aa suo oni usomhi? Eeli, e suo.

“Uruli oyewe o she ramhi ashakpa eke egbo, ungmehi oyewe o ramhi ukpese egbo.”\*

19 Mhi gbo mhila, Eri o a lo egbo iZireni eso? Odode IMosisi o lie, “Mhi ya ri egbo eyemhe ke kpe ofuma oyi egbo ni ea khi eyemhe ne, Mhi ya re e mhuē iyese elemhi-a deba ushishi ni ea lese mhe ne.”†

20 Eri Azaya o ri igbeudu ngme oli khi, “Egbo ni ea rosheka nono mhe e me mhe. Mhi ri egbe mhe khasē eni ea mhila ogbo mhe.”‡‡ 21 Ama abi o ngme shi egbo iZireni egbe khi, “Ogbele nya mhi nise obo oyemhe-a na egbo ni ea ya suo eso, ni ea lama mu pfi.”¶¶

### Ikkeremhi egbo iZireni ni e kpole

**11** Mhie i. Eri Eshinegba o kie egbo eyi lolighuo? Iiye e! Mhemhe oyemhe ongi iZireni mhi khi. Omi-omi Aburaamu, Mhi rote edeli oyi iBėjami lasele. § 2 Eshinegba o kie egbo eyoli ni o rote igbaekele ze. Waa lese abi Ebe-no-pfuase o ngme shi ashini Elaja o ro so iromhi ri awolo gueye Eshinegba emini egbo iZireni e riele? 3 Ni o ree, “Eshinegba, e she gbolo emekeguele eye-a, e guoghō itete eye-a. Mhemhe-ghuo kpele mhi ke kpole, e gbolo e nono ni e gbe mhe-a.”\*\* 4 Se Eshinegba o so li? Eri oo Elaja, “Mhi kesē emose agbele ishilua le ni ea lama nyese ukhomhi na olitsa iBali.”†† 5 Igho o kie li khi memena. Itobo khi egbo iZireni e la o ni e kiele e suo eso na Eshinegba irari okhale oyoli ni o ro ze we. 6 Ini oni uzemhi o khi itobo okhale, o a ke khi itobo ikanya. Ini o khi irari ikanya lo, okhale o a ke khi egbegbi okhale. 7 Elo a ke me, Egbo iZireni ea me

††10:11 Li ze Aza 28.16

‡‡10:13 Li ze iJoe 2.32

¶¶10:15 Li ze Aza 52.7

§§10:16 Li ze Aza 53.1

\*10:18 Li ze Iwolo 19.4

†10:19 Li ze iDeut 32.21

‡10:20 Li ze Aza 65.1

¶10:21 Li ze Aza 65.2

§11:1 Li ze iFili 3.5

\*\*11:3 Li ze 1 Ighie 19.10,14

††11:4 Li ze 1 Ighie 19.18

emini e nono. Ikuku ẹgbọ ni Ẹshinẹgba ọ zẹ, wẹwẹ e mẹ emini e nono. Eni e kpọle e le esọ shi ulumhi ni Ẹshinẹgba ọ lu wẹ,  
<sup>8</sup> Abi Ebe-no-pfuase o ngme khi,

“Ẹshinẹgba o rẹ wẹ lese-a ningolo.

Alo eyewẹ e zuse ni ẹa zẹ wẹ mẹ ekẹ, ali esọ eyewẹ e zuse ni ẹa zewẹ ke ro ọ suọ esọ, ramhi ogbe-namo.”<sup>‡‡</sup>

<sup>9</sup> IDefidi ọ̀ ọ̀ lie,  
 “Ẹshinẹgba ọ ka zẹ ni akhe ni e nye, e mu okhọli vule shi wẹ ọ. Ni o rẹwẹ kholo awẹ, ni o nase wẹ.

<sup>10</sup> Alo eyewẹ e ka zuse ini e khi mẹ ekẹ.

Ugugu oyewẹ o nyese abi ighumha, agboagbo.”<sup>¶¶</sup>

### Iguabo ni a toma ọra

<sup>11</sup> Mhi gbo mhila, eri e kholo awẹ ini e de, ni ẹa ke dobe ya vule? Iiye e! Ama itobo olamhe ni e lamhe lo. Imiepfuese o she bhale deba ẹgbọ iJeta, ini ẹgbọ iJu e ba ke kpe ofuma. <sup>12</sup> Mena, ini o khia khi a khivose na ẹgbọ iJeta itobo khi ẹgbọ iJu ẹa lama mie imiepfuese ni Ẹshinẹgba ọ ro ghi wẹ. Sa ọ ghue, abi ikhivose ni agbo nya e ya mhọli o ke beshi ya fu ramhi, ini eni ẹgbọ iJu e lama mie oni imiepfuese ikpukhokho.

<sup>13</sup> Mena, ẹẹ ẹgbọ iJeta mhi nu ẹ ngme. Aborokhia khi eri Ẹshinẹgba ọ zẹ mhe mhi khi aghiusomhi na keẹ na ghie ghi ẹgbọ iJeta egho, eri akanya oyemhe o mu mhe egbe. <sup>14</sup> Eri mhia rielle ona ini mhi ri ẹgbọ iJu eyemhe ke kpe ofuma, ishegho ni mhi dobe tsumhi eghuo el-

emhi wẹ. <sup>15</sup> Ini ukiemhi ni a kie ẹgbọ iZireni o ri ẹgbọ na agbo enekpole nu Ẹshinẹgba ro rielle, see o ke beshi ya li ti ramhi, ini eni iZireni e ke mie oni Ẹshinẹgba suọ? Eri o ya li abine khi a rote eghuli guise ogbo le. <sup>16</sup> Ini a ri ukiekie ibuleđi onodode mele oni o pfuase-a irari khi a roli ga Ẹshinẹgba, oni ibuleđi nya oni o pfuase o ke khi. Ini imhili ọra o pfuase oni ọra nya o ya khi oni o pfuase.<sup>§§</sup>

<sup>17</sup> Ama eri ẹẹ ẹgbọ iJeta a li abi uguabo ọra olivu onokpo ni a khi gbose shi idiegbe oyi egbegbi ọra olivu ni a rote ekẹ kuele vule. Eri ẹẹ a ke ya migha ashini uguabo eni a rote oni egbegbi ọra olivu kanọ kua. Itobo ona, ikhivose ni e rote imhili oni ọra olivu ẹ lasele ẹẹ a ke ro li agbo. <sup>18</sup> Itobo igho, a khi ri eloe gbe eni uguabo ni a kanọ-a egho. Elo o rẹ ẹ ya ke vuse ike? Iguabo tse a lese khi. Aa mu imhili mhue, imhili e mu ẹ mhue. <sup>19</sup> A dobe ya mẹ khi a sa khi eri a kanọ eni uguabo egho kua ni a ba mẹ asha to-eli wẹ. <sup>20</sup> Igesikia onana o khi. Eri a kanọ wẹ-a irari khi ẹa mhọli irudunga. Ẹẹ la ashini a la irari khi a mhọli irudunga. Ama a khi zẹ ni a ke vuse ike shi ona, ochogho a zẹ ni ulishi o ke mu e. <sup>21</sup> Irari khi ini Ẹshinẹgba ọ kholo ẹgbọ iJu ni e khi egbegbi uguabo kua, ọ mema ya li dobe kholo ẹ kua.

<sup>22</sup> Ama a sa abi isomhelemhi ali izese-ingme-a oyi Ẹshinẹgba o li. Oo zese ingme-a deba eni e de ọ le, ama o somhi elemhi ẹ, a kha da la angeli isomhelemhi ne, ọ ti elemhi ẹ ini a da suọ esọ na li. Ini ọa khi igho eri ọ ya khi ẹ kua. <sup>23</sup> Ini eni ẹgbọ iJu e lase umha miesuọ oyewẹ le, a ya gbo gbose wẹ shi egbegbi oni ọra olivu. Ẹshinẹgba ọ dobe ya gbo gbose wẹ

<sup>‡‡</sup>11:8 Li zẹ iDeut 29.4; Aza 29.10

<sup>¶¶</sup>11:10 Li zẹ Iwolo 69.22-23

<sup>§§</sup>11:16 Emini a ri onana ngme khi: Ini Aburaamu ali Aziki ali iGiekoju ni e khi itititawa e da khi eni e pfuase, eni e pfuase awa imimi wẹ e li khi.

shi ashini e kpe la. <sup>24</sup>Eri eë egbo iJeta a li abi uguabọ ọra olivu onokpo na ifuegua. Ini Eshinegba ọ lina rięe emini aa ya rięe, ni ọ rọ gboşe e shi egbegbi ọra olivu. Ona o li abi egbo iJu. A leşe khi oni Eshinegba ọ ya gbo dobe gboşe oni uguabọ oyi egbegbi olivu ni a kanọ kwa, shi oni olivu ni a kpe te kanọ we kwa.

### A ya mie egbo iZireni pfuese ikpukhokho agbo

<sup>25</sup>Mhia nono ni a leşe igesikia oyi osheli ni o la akaghọ inyoghuo. Ini a khi dabi khi a leşe ingme. Oni osheli khi, umha suọ esọ oyi egbo iJu ọa khi ona agboagbo. Ama oni umha-suesọ oyewe o ya laọ ramhi ni egbo iJeta otuongme ni Eshinegba ọ nono ni e bhale deba li, e rọ gba pfo. <sup>26</sup>Ona o khi abi a li ya tsumhi egbo iZireni nya. Abi Ebe-no-pfuase o ngme, khi,

“Omiepfuese ọ ya rote  
iZayo bhale,  
ọ ya khu ireloegbe Eshinegba  
idiegbe imimi iGiekopu-a.\*

<sup>27</sup>Onana khi ilama-kugbe  
ni mhi mhọli na we,  
oni eghęghę ni mhi rọ ya rue  
olamhe oyewe ode-a.”†

<sup>28</sup>Itobọ khi egbo iJu e kie usomhi onete ona, e rọ khi ebe Eshinegba, itobọ onete oyeye ni aa khi iJu. Ama itobọ ititita we, e khi omole Eshinegba itobọ khi ọ ze we. <sup>29</sup>Irari khi Eshinegba ọa ya mu udu pfi shi isomhopfa ni ọ rọ na ogbo ali uzemhi ni ọọ ze ogbo. <sup>30</sup>Ezeze abi eë egbo iJeta a kpe rięe umha-suesọ deba Eshinegba eghęghę ni o doşe, a li

mie ilelemhi oyi Eshinegba irari umhasueso ni egbo iJu e rięe. <sup>31</sup>Ezeze abi eë ni aa khi iJu a li mie ilelemhi itobọ khi egbo iJu e khi ena umha-sueso memena, igho wewe e ke ya li mie ilelemhi. <sup>32</sup>Irari khi eri Eshinegba ọ ri egbo nya khili ighumha umha-sueso ni ọ ba mhọli ilelemhi na we nya.

### A kueghie Eshinegba

<sup>33</sup>Oghuo ọ dobe ya mhese abi epfue, ali egbhali ali ileşe oyi Eshinegba o limhi ramhi? Oghuo ọ dobe ya leşe emini o la li udu ni ọ ya rięe, ali ni ọ dobe ya guano ode eyoli?‡

<sup>34</sup>“Oghuo ọ she leşe udu oyi Onomhue? Oghuo o dobe ya ye oli ude?”¶

<sup>35</sup>“Oghuo ọ ri ongomomhi na Eshinegba ghue, ni ọ ya nyene egbe fali oli lue?”§

<sup>36</sup>Irari khi loli ọ ma emhi nya, obọ oyoli e te la agbo. E la ọ gbo na li.

Loli a ri ufumhi a na agboagbo. Atse\*\*

### Iluasobo ni o la agbo

**12** Itobọ igho, inyoghuo-mhe, mhi ri itobọ ilelemhi oniemhi ni Eshinegba ọ mhue na awa lema e, a ri idiegbe eye e na Eshinegba, abi iluasobo ni o kie la agbo, ni o pfuase, ni o ti Eshinegba eloe. Onana o khi egbegbi ugamhi na elemhi ayemhe ni a dobe ya ga. <sup>2</sup>A khi ze ni ingeli eye e ali eyi egbo na agbo e li abeghuo. Ama a ze ni Eshinegba ọ mu udu eyeye pfi mele udu enegbo-a. Eghęghę agho a ya dobe leşe

\*11:26 Li ze Aza 59.20

†11:27 Li ze iJere 31.33-34

‡11:33 Li ze Aza 55.8

¶11:34 Li ze Aza 40.13

§11:35 Li ze iJobu 41.11

\*\*11:36 Li ze 1 iKori 8.6



abi oghuemhe oyi Eshinegba o li, a lese emini o ti, ni o gba pfo ni o ri egbe e mu Eshinegba.

<sup>3</sup>Itobo okhale ni Eshinegba o ro na mhe, mhi ro gue oli e ye e nya, a khi ke ti egbe e nga dose ashini a fu ramhi. Ochogho, a ke ri ukpeloe itiegbe-tiemhi eke bino egbe e, ni o de shi abi irudunga ni Eshinegba o ro ne o fu ramhi. <sup>4</sup>Ezeze abi awa li ze idiegbe oghuo ni o mhu e iguabo ododa ni e bu, ni ea ya gbe akanya oghuo, <sup>5</sup>igho o li khi elemhi iKirisiti ni awa rote idiegbe oghuo lasese, ni uguabo ogbogbo ali enekpole nya e li kugbe iguabo enekpole.<sup>††</sup> <sup>6</sup>Isomhopfa ododa Eshinegba o ro na awa abi o ri ekpabo na awa ramhi. O kha khi isomhopfa imekeguele ogbo o mholi, o roli ke gbe akanya ni o de shi irudunga ni awa nya awa mholi. <sup>7</sup>Ini o khi oyi oni a ro o ga egboese, o ke ga. O kha ke khi oyi oni a ro o sese, o ke sese. <sup>8</sup>O kha khi oyi irudushi egbo o o khi ni o mie, o ke ri udu shi egbo o. Ini oni a ro o kpaghie egboese obo, ini e mholi emini o to we lo, o ke rue obo-a na egbo, abi o li pfo oli udu. Ini oni a la ralo ke mhese na egbo lo, o ri eloe shi omhese ke mhese, o kha khi oyi ilelemhi, o ri egbe mu oli ke ri ele.<sup>‡‡</sup>

### Inono

<sup>9</sup>Rote ekelemhi udu oye ke ri ele inono. A kie emhi onobe, a mu eminete mhu e egbegbo. <sup>10</sup>A nono ingme oyi egbe e egbegbo, abi ogbo ali inyoghuo. A mhu e ekpe na egbo elese ke dose abi u li mu ekpe na egbe e. <sup>11</sup>Khi li owaza akanya igbegbe, ama ri omuegbe elemhi ayemhe ke ga Onomhu e. <sup>12</sup>Ze ni

irudushi ni u mhu e o ri egbe ke mu e. Mhu e irabomudu ini u mhu e osoli, ke lema eghenge kpa. <sup>13</sup>Ke kpaghie inyoghue ni e mhu e otomhe obo. Ke mu egbo epfese.

<sup>14</sup>Ke so iromhi ikhivose na egbo ni e mu okholi e vule shi e o. Ke khivose na egbo, khi ku itse na ogbo.<sup>¶¶</sup> <sup>15</sup>Nu egbo ni e mhu e oghela ke ghela, u nu eni ee vie, ee vie. <sup>16</sup>A ri opfomhe nu egbe e ke la. Khi khi ogbo ni o ti ike e nga, ama ke timama egbo ni ea pfue. Khi ri ele khi u ma lese dose.<sup>§§</sup>

<sup>17</sup>Khi ri onobe fali ota onobe. Kuegbe a ke ri ele emini o ti egbo nya eloe. <sup>18</sup>Ini o ze ya ri ele, roshaka odekhode, ni u ro nu egbo nya la kugbe elemhi opfomhe, ini o khi obo oye o kpole shi. <sup>19</sup>Emolemhe, a khi mie abo okholi, ochogho a ze Eshinegba o mie abo okholi na e. Irari khi Ebe-no-pfuase o lie, "Mhemhe mhi mholi imieabo okholi, mhi ya fali we ota." Igho Eshinegba o ngme.\* <sup>20</sup>Ochogho a ke ri ele abi Ebe-no-pfuase o ngme khi, "Ini okiamhi oo gbe obe e, ri eminale na li le. Ini okiam e oo gbe oli ri am e nali da. Irari khi ini u li na, eri u we ingamhi ere a nga li ukhomhi."<sup>††</sup> <sup>21</sup>Khi ze ni onobe o mu e le, ama ri onete mu onobe o le.

### Iregbe-tiemhie na eni e la ukpekhomhi omhese

**13** Ogbokpa o ke suo eso na eni e la ukpekhomhi omhese. Irari khi Eshinegba lolighuo tse o dobe ze e ogbo shi ukpekhomhi omhese. Eshinegba o ri eni e la ukpekhomhi omhese nya leghie. <sup>2</sup>Irarigho, ogbo ni o da mu okholi vule

<sup>††</sup>12:5 Li ze 1 iKori 12.12

<sup>‡‡</sup>12:8 Li ze 1 iKori 12.4-11

<sup>¶¶</sup>12:14 Li ze iMat 5.44; iLuk 6.28

<sup>§§</sup>12:16 Li ze Ekpi 3.7

\*12:19 Li ze iDeut 32.35

<sup>†</sup>12:20 Li ze Ekpi 25.21-22

ę shi eni ęę mhęę ọ ne, eri e mu okhọli ę vule shi emini Eshinegba ọ rọ migha. Eni e da lighọ ne, ipfezọmu e nono ę ghi egbewę. <sup>3</sup> Irari khi eni ęa guę ngeli a zę enighie e ke nase, ọa khi eni e guę ngeli. Irarighọ ọni ọọ rięę ọkhọlo ọ na ulishi ena omhęę. Waa nono ni u pfue ulishi oyi ęgbọ ni e la ukpękhomhi? Ke rięę emini o gbe akanya. Ini u li ghọ, e ya kueghię. <sup>4</sup> Irari khi eni e la ukpękhomhi omhęę, Eshinegba ọ zę wę ni e ke kpaghie ę obọ. Ama u kha rięę emini ọa gbe akanya, ke na ulishi oyewę, irari khi e mhue itoto ni e rọ ya nase. Eni ęę ga eyi Eshinegba e khi, ni ęę nase eni ęa ya suọ eso, ni o rọ khasę khi elemhi ęę bi Eshinegba shi ọ. <sup>5</sup> Irarighọ, zę ni u ke nyęę ukhomhi na eni e la ukpękhomhi omhęę, itobọ khi emini o ti lọ ni u ke rięę, aa khi itobọ elemhi ibibi oyi Eshinegba tse.

<sup>6</sup> Onana o li zę khi u mema ya zę oga, irari khi eni e la ukpękhomhi omhęę eni ęę ga eyi Eshinegba e khi, ni e ri ęghęghę oyewę nya na akanya omhęę. <sup>7</sup> Fali ọgbọkpa ota ni u lo ọli. Ini u lo ota oga, zę ọli, okekhi ozęla, zę ọli, ri ekpę ke na egbọ, u nyęę ukhomhi na wę.<sup>‡</sup>

#### A ke rięę inono irari oni ogbęlę o she ti ramhi ana

<sup>8</sup> Khi lo ọgbọ ota emhikhoghuo, sę ni ota inono ingme oyi ọnuzava oyę tse! Irari khi ọgbọ ni ọ da nono ingme oyi ọnuzava oyọli ne, ọ she ri ushi gbe akanya. <sup>9</sup> Ishi ni ęę, “Khi kia okia,” “Khi gbe ugbeli,” “Khi do ughiatọ,” “Khi zę ni emhi ọgbọ o to ę egbe,” Ali elese ni e kpole nya, ushi oghuo o zę wewę nya ukhomhi, ni ọọ, “Nono ingme oyi ọnuzava oyę abi u li nono ingme oyi egbe ę.”<sup>¶</sup> <sup>10</sup> Ọni ọ da nono ingme oyi ọnuzava oyọli ne, ọa tigbe ya li ọ li

onobe. Irarighọ, inono o khi irushi gbe akanya.

<sup>11</sup> Ke rięę ona, leşę ęghęghę ni a la memena. Eghęghę o she ramhi ni u rọ ya rọte oleşę guale. Irari khi ęghęghę imiepfuese oyawa ni o kpe ukhokho o she ti bhale doşę ęghęghę ni awa rọte ododę miesuo. <sup>12</sup> Eļę iyosę ọ she ę doşę, ogbe o she ę gbe-a. Awa khi ke ngeli abi ęgbọ ni e la alo ebili, awa mema mu egbe ni awa rọ ya la elemhi ákpá. <sup>13</sup> Awa guę ke ngeli abi ęgbọ ni e la ákpá. Awa khi nu wę ye ukue ebe ni e la rięę efiala, ali idonyọ guoghọ-a. Awa khi kia okia ke mu ighue ebe. Awa khi la agbọ okhọli wękhi agbọ ivię shi emhi ọgbọ. <sup>14</sup> Ochoghọ awa ri iJesu iKirisiti Ọnọmhue sọ abi awulu. Khi ke sa abi u li ya rięę ọghuemhę eyi idiegbe olamhę.

#### A khi ke ri unu zę ęgbọese ifue

**14** A mie ọgbọ ni irudunga oyọli ọa lolo toto. Khi nu ọli ke khakọ shi emini ọ mieshi ni o khi ọda shi oye. <sup>2</sup> Irari khi ęgbọ eghuo e miesuo khi o ti ni a ke le emhikpa. Ama ọgbọese ni irudunga oyọli ọa lolo toto, ọ leşę le ebe tse. <sup>3</sup> Ọgbọ ni ọ le emhikpa, ọ khi ri ęloe gbe ọni ọa ya le, ọgbọ ni ọa ya le emhikpa, ọ khi gue oni ọ le emhikpa ęzọ. Irari khi Eshinegba ọ ga mie wę. <sup>4</sup> Ọghuo u khi ni wa ke gue aghiusomhi oyi ọgbọese ęzọ? Oga oyọli tse ọ dobe ę lię khi ọ guęli, ali khi ọa guęli. Ọ ya migha, irari khi Ọnọmhue ọ dobe ya rọli migha.

<sup>5</sup> Eri ęgbọ eghuo e dabi khi ogbęlę oghuo o mu ęloe doşę olese. Ọgbọ olese ọọ khi abeghuo ogbęlę nya e li. Ọgbọgbọ ọ ri udu oyọli shi asha ni ọ migha shi. <sup>6</sup> Ọni ọ bino khi ogbęlę okhoghuo o la ọ ni o mu ęloe ne, eri ọ rọli ri ufumhi na Ọnọmhue. Ọgbọ ni ọ le eminale, o le ọli ri ufumhi na Ọnọmhue, irari

<sup>‡</sup>13:7 Li zę iMat 22.21; iMak 12.17; iLuk 20.25

<sup>¶</sup>13:9 Li zę Okiali 20.13-15,17; iDeut 5.17-19,21; iLev 19.18

khi Eshinegba o kphemhi na, oni o le, Onomhue o roli mu ekpe na, o kphemhi na Eshinegba.<sup>§ 7</sup> Aa me onge-awa ni o la agbo na egboli tse, we khi eri a me onge-awa ni o o ghu-a na egboli tse.<sup>8</sup> Ini awa la agbo, Onomhue awa la o agbo na. Ini awa ghu-a, Onomhue awa ghu-a na. Awa la agbo o, awa ghu-a o, oyi Onomhue awa khi.

<sup>9</sup> Onana o ze khi iKirisiti o ghu-a, o guale ni o ro khi Onomhue oyi egbo ni e ghu-a ali egbo ne la agbo.<sup>10</sup> Yeye o ye, elo o ze ni u ro a gue inyoghuo e ezo mena? Yeye o ye, elo o ze ni u ro ri eloe e gbe inyoghue. Awa nya awa ya migha odalo oyi Eshinegba ni o gue awa ezo.<sup>\*\* 11</sup> Irari Eshinegba o lina ngme oli shi Ebe-no-pfuase khi,

“Aborokhia khi mhi la o egbo,  
Onomhue o lina ngme,  
‘Ogbokpa o ya wugha mhe odalo,  
Ogbokpa o ya guele khi  
mhemhe mhi khi Eshinegba.’”††

<sup>12</sup> Itobo igho, ogbokpa o ya gue khase Eshinegba abi o li gbe.

### A khi yeshe egbe e de

<sup>13</sup> Itobo igho, lase iguegbe-ezo le. Ochogho, mholi oli shi udu oye khi u waa ya kpe emhi wekhi ozuode shi eke ni inyoghuo e o kholo awe shi.<sup>14</sup> Ikugbe ni mhemhe ali iJesu anye kugbe, o rokhase mhe khi emhi khoghuo o la o ni o pfuase. Ama ini ogbo o mholi oli shi udu khi emhi o pfuase, loli oni emhi ogbo o pfuase shi o.<sup>15</sup> Ini u yese inyoghuo udu-a, irari eminale ni u le, inono o la ke la oni angeli. Khi ze ni eminale nu le, o ri inyoghuo e ni iJesu o ghu-a na de.<sup>16</sup> Khi ze afa ni u mholi ro o le emhikpa, ni u roli ri omama ghi iKirisiti.<sup>17</sup> Irari

khi Eghiele oyi Eshinegba o a khi ingme eminale ali onyo idada, ama oyi ipfuase, ali opfomhe ali oghele na Ayemhe-no-pfuase.<sup>18</sup> Ogbo ni o da lina ga iKirisiti, o ma ti Eshinegba eloe, egbo e mu ekpe na li.

<sup>19</sup> Itobo igho, ke rieles emini e ri opfomhe e bhale, ni e gbo ya kpaghie ogbokpa ro mholi imiesuo ni o toto.<sup>20</sup> Khi ri itobo eminale pfueche emini Eshinegba o rieles-a. A dobe ya le emhikpa, ama o a ti ni a ro bhale ya e khi emini u wa le, o ze ni ogbo olese o de pfilo olamhe.<sup>21</sup> O tine ini u waa bie le emhikhoghuo wekhi eri u da onyo, wekhi eri u rieles emhikhoghuo ni o ya ze inyoghue de.

<sup>22</sup> Irarigho, emini u mieshi ingme enana nya roli shi iteva oye ali Eshinegba. Oghele o khi ni ogbo ni o pfa ezo mu egboli shi emini o rieles ni o mie shi khi o gbe akanya.<sup>23</sup> Ama ini ogbo ni o mhu e akhokhomhe o da kie le, a she pfa ezo mu oli. Irari khi ulemhi ni o le o a khi rote irudunga. Emini o a da rote irudunga bhale ne, olamhe o khi.

**15** Awa ni awa toto shi irudunga, awa kha ke ri egbe mie na eni ea toto irudunga. Awa khi ke leshe rieles egbe awa ti tsele.<sup>2</sup> Ochogho, ogbogbo o ke rieles inyoghuo oli emini o ti oli egbe, ni o ro kpaghie irudunga oyoli, ni o vule.<sup>3</sup> Irari khi iKirisiti o a rieles egboli tsele ti. Ochogho, abi Ebe-no-pfuase o ngme ni o o, “Eshinegba, itsuemhi ni egbo e tsue e, o de nga mhe egbe.”‡‡<sup>4</sup> Emini a keke shi Ebe-no-pfuase nya, eri a keke oli ni a ro sese awa ingme, ni a bhale ya e khi iregbemie ali irudusho ni Ebe-no-pfuase o ro na awa, o ri awa mholi irudushi.

§14:6 Li ze iKolo 2.16

\*\*14:10 Li ze 2 iKori 5.10

††14:11 Li ze Aza 45.23

‡‡15:3 Li ze Iwolo 69.9

<sup>5</sup> Eshinegba ni o khi oni o ri iregbemie, ali irudusho o na ogbo, o ka re e mhuẹ usamhi oghuo abi a lie deba ete-awe eyi iJesu iKirisiti. <sup>6</sup> Ni eẹ nya a ri udu oghuo ali uruli oghuo kueghie Eshinegba ni o khi ita iJesu iKirisiti Onomhuẹ oyawa.

<sup>7</sup> Awa ke lama ingme egbe abi iKirisiti o li lama ingme oyawa, ni o ri ikueghie bhale ghi Eshinegba. <sup>8</sup> Itobo khi mhi gueye e khi iKirisiti o she bhale abi oni o ga ogbo na egbo iJu, ni o rokhasẹ khi Eshinegba igesikia o khi, ni o ro mu ma ishobo ni o shi na itita awa, <sup>9</sup> ni iJeta e kueghie Eshinegba shi ilelemhi oyoli.

Abi a li keke oli khi,

“Irarigho, mhi ya kueghie e

iteva egbo iJeta.

Mhi ya to uwolo

kueghie eva oye.”<sup>f</sup>

<sup>10</sup> O gbolo e,

“Ee iJeta, ni a kuma

egbo eyoli ke ghele.”<sup>§§</sup>

<sup>11</sup> O gbolo e,

“A kueghie Eshinegba

eẹ egbo iJeta,

a to uwolo kueghie oli

egbo nya.”\*

<sup>12</sup> Azaya o gbolo lie,

“Omiomi iJese o ya fu vule,

oni o ya vule mhesẹ na e iJeta,

egbo iJeta e ya ri udu nga li.”†

<sup>13</sup> Eshinegba ni a rote obo oyoli e mhuẹ irudushi, o ri oghẹle ali opfomhe ne rote iregbenga ni a mhuẹ nali, ni a ro bhale ya e khi irudushi oyee o fu sho rote ekpabo oyi Ayemhe-no-pfuase.

### **IPolu oni a ze o khi oni o gbe akanya na egbo iJeta**

<sup>14</sup> Inyoghuo-mhe, mhemhe oyemhe mhi mhuẹ imieshio khi onete o vo e egbe, khi ilese o gba na e ni a ro dobe ya ke sese egbe e. <sup>15</sup> Mhi she kpe gue ingme eghuo ye e gboo elemhi ebe ona ni mhi gbolo e ye e le ena. Itobo afu ni Eshinegba o ro na mhe, <sup>16</sup> ni mhi ro khi aghiusomhi na kee oyi iJesu iKirisiti na egbo iJeta. Eri mhia gbe akanya okpodalo-ugamhi oyi Eshinegba, ni a ro tsabo usomhi onete oyi Eshinegba, ni a ro bhale ya e khi egbo iJeta e li khi iluasobo, ni Eshinegba o mie, eni Ayemhe-no-pfuase o khusese-a pfuase. <sup>17</sup> Rote iJesu iKirisiti mhi te e mholi egbe-imumhe shi ugamhi ni mhia ga Eshinegba. <sup>18</sup> Mhi aa ya gbudu ngme emhikhoghuo, see ni emini iKirisiti o rote obo oyemhe rielle ro ri egbo iJeta suo eso na Eshinegba, rote ungmehi ali ikanya oyemhe, <sup>19</sup> rote ekpabo eyi olele ali onyaloa, ali rote ekpabo oyi Ayemhe-no-pfuase. Igho mhi rote iJerusalemu ngme ungmehi usomhi onete oyi iKirisiti ya ramhi iLirikumu. <sup>20</sup> O ma kie kpe khi emini o la mhe udu ni mhi ro ngme ungmehi usomhi onete ye egbo ni ea kie suo ungmehi oyi iKirisiti ne, ini mhi khi ya to nga irogbekẹ ni ogboese o ro gbe. <sup>21</sup> Abi Ebe-no-pfuase o ngme o khi,

“Egbo ni aa kpe

gue ingme oyoli ye ne,

e ya me, ali khi eni ea kpe suo,

o ya ye we.”‡

<sup>f</sup>15:9 Li ze 2 iSam 22.50; Iwolo 18.49

§§15:10 Li ze iDeut 32.43

\*15:11 Li ze Iwolo 117.1

†15:12 Li ze Aza 11.10

‡15:21 Li ze Aza 52.15

**Ugbamhi ni iPoļu o  
gba, khi lōli ya ye iRomu**

<sup>22</sup> Akanya oyemhē ona o zu mhē ode, ni mhi aa rō mē asha bhale deba ē.<sup>†</sup>  
<sup>23</sup> Aborōkhia khi mhi aa ke mhue ikanya ni e kpō mhē le shi ikpe ena, ali ni o rō gbo khia khi ikpe ebubu na ni mhi te ē nono ni mhi bhale ya mē egbō,<sup>24</sup> o la mhē udu khi mhi ya rōte olieyē ē ini mhia lē iSipeni. Mhi sa khi a doḅē ya ri ikpaghiobō na mhē ni mhi rō ti okiali oyemhē je odalo, ini awa ri egbe mu egbe ukuku egheghe se.<sup>25</sup> Mena, mhia je iJerusalemu ni mhi ya kpaghiē egbō eyi Eshinegba obō.<sup>26</sup> Irari khi o ghōle eni miesuō ni e la ekē iMasidonia ali Akhaya ni e ri ikpaghiobō na egbō eyi Eshinegba ni e la iJerusalemu.<sup>§</sup><sup>27</sup> Egbe ē mu wē khi wēwē e ligho riēle ōli, e rue ōli shi khi ota wēwē e lo wē. Irari khi ini egbō iJeta e kemhi ikhivose ayemhē oyi egbō iJu, eri o li abi ota ni egbō iJeta e lo egbō iJu.<sup>\*\*</sup><sup>28</sup> Ini mhi gbe akanya ona se ni mhi rō mē ōli mē khi e she mie ikpaghō ena se, mhi ya je iSipeni, mhi ya kō feli ē ini mhia lē.<sup>29</sup> Mhi leṣe ōli gboo khi ini mhi bhale, ikhivose oyi iKirisiti ni o vō tsululu mhi rō ya bhale.<sup>30</sup> Mhi ri iJesu iKirisiti Onomhūe oyawa ali inono ni Ayemhē o rō na awa lema ē inyoghūo, a nu mhē sō iromhi ali a gbo sō iromhi na mhē.<sup>31</sup> Sō iromhi Eshinegba o tsumhi mhē obō oyi egbō ni ēa miesuō na ekē iJudia ali ni egbō Eshinegba ni e la eoli iJerusalemu ni e mie eni ikpaghō ni mhi rōghī wē.<sup>32</sup> Ni a rō bhale ya ē khi rōte oghuemhē oyi Eshinegba, mhi doḅē ri udu oghēle bhale deba ē ali ni awa ri udu shi egbe o.<sup>33</sup> Eshinegba oyi opfomhē o ka nu ēē nya la, Atse.

**Otse ni iPoļu lōlighuo o tse egbō ke**

**16** Mhi gue ingme onete oyi iFobi ye ē, ikhi inyoghūo awa ni oḅpotso, ni o khi ōni o ralo shi eni e miesuō ni e la eoli iKengkhiria.<sup>2</sup> A ri eva oyi Onomhūe kpē abō mie ōli, abi egbō eyi Eshinegba e ye ni e li. A ri ikpaghiē obō onini o da ya nono obō oye ē na li. Irari khi anamelo oyemhē ali ebubu egbōese o khi.

<sup>3</sup> Mhia tse iPisilia ali Akuila ni e kpaghiē mhē obō shi akanya oyi iJesu iKirisiti.<sup>††</sup><sup>4</sup> E ri agbō oyewē shi okhena irari oyemhē. Oa khi weweghūo tse mhia tse uwegbe, ama li shi igbaa nya eyi eni e mie iKirisiti suō enayi egbō iJeta.<sup>5</sup> Mhi gbo li tse igbaa oyi eni e mie iJesu iKirisiti suō ni o la owa oyewē.

Mhia tse egbegbi omolemhē Epanetus ni o khi ogbō onodode ni o mie iKirisiti suō ukiēkiē ekē Esha.

<sup>6</sup> Mhi tse iMeli ni o toto obō a gbe akanya na ē.

<sup>7</sup> Mhi tse Adironikusi ali iJunayasi, egbō iJu nabi mhēmhē ni anye ga la owa ighumha. Eni a mu ekpe na e khi elemhi idiegbe oyi ighiusomhi na keḅ. Ama e kpē miesuō kḅ mhē.

<sup>8</sup> Mhia tse Amipiliatusi, egbegbi omolemhē, ni mhi mhue inono na elemhi Onomhūe.

<sup>9</sup> Mhia tse Urubane, ni o kpaghiē anye obō akanya oyi iKirisiti.

Mhi gbo tse iSitachisi, egbegbi omolemhē.

<sup>10</sup> Mhia tse Apelesi, ni a mē gboo khi igesikia o rō deba iKirisiti.

Mhi tse ena omhūe-apfe oyi Arisitobulusi.

<sup>11</sup> Mhi tse Erodiōni ni o khi inyoghūo-mhē.

<sup>†</sup>15:22 Li zē iRom 1.13

<sup>§</sup>15:26 Li zē 1 iKōri 16.1-4

<sup>\*\*</sup>15:27 Li zē 1 iKōri 9.11

<sup>††</sup>16:3 Li zē Ika 18.2

Tşę eni e miesuo na omhue-apfe oyi iNakisusi.

<sup>12</sup> Mhia tşę iTirifeana ali iTirifosa eni ikpotso egbo ni e gbe akanya oyi Onomhue egbegbo.

Mhi li tşę egbegbi omolemhe iPesisi oni okpotso ni o gbe ukpokpomhi akanya na Onomhue.

<sup>13</sup> Mhia tşę iRufosi, ogbakanya ni a ze oyi Onomhue, ali inyoli ni o li abi inyo shi mhe o.<sup>‡‡</sup>

<sup>14</sup> Mhi tşę Asikiritusi, ali iFilegoni, ali Amesị ali iPatirobasi ali Amasi ali eni e miesuo ni e ga la.

<sup>15</sup> Mhia tşę iFilologusi ali iJulia ali iNirusi ali inyoghuo oli ni okpotso ali Olimpasi ali egbo Eshinegba nya ni e nu we la.

<sup>16</sup> A tşę egbe e otşę onete, a ghele mu egbe abi inyoghuo.

Igbaa nya eyi eni e mie iKirisiti suo, e tşę e.

<sup>17</sup> Mhi lema e, inyoghuo, a ke to okpe egbo ni e pfi okemhi ali ni e ri egbo de irudunga ni e mhue-a, eni oseşę oyewe o de shi oseşę ni a seşę awa. A nuata shi we o. <sup>18</sup> Irari khi egbo ni e riele emhi eghoghō ea ya ga iKirisiti Onomhue oyawa, ama elemhi oyewe e ga. Rote eta-olelemhunu ni e ngme, e ro o di us-amhi udu oyi egbo eghuo ni ea mhue ileşę. <sup>19</sup> Ogbokpa o she suo abi a li ri ungmehi oyi Eshinegba a gbe akanya. Itobo ona mhi ro ghele shi ingme oyewe.

Ama mhia nono ni a fialo-a shi emini o khi onete, ama a khi fialo-a shi emhi onobe.

<sup>20</sup> Eshinegba oyi opfomhe o ya kele guoghō okphaghie-a shi e ekowe. Okhale oyi iJesu iKirisiti Onomhue oyawa o ke deba e nya.

<sup>21</sup> ITimoti ni anye ga a gbe akanya, oo tşę e. Igho khi iLushosi ali iJasi ali iSosipata, ni anye ga khi iJu.<sup>¶¶</sup> <sup>22</sup> Mhemhe iTetiusi ni mhi ri ugba ma a keke ebe ona na iPolu, mhi tşę e, abi oni o miesuo. <sup>23</sup> IGayusi ni o ri owa oyoli na mhe kushi, ni o gbo ri ukpeloe e khu mhe, ni o lama eni e miesuo e ke legba owa oyoli, oo tşę e.

Erasitosi, ni o ri ikpagho o shi na eoli oyewe ali inyoghuo anye ikhi iKaritusi, ee tşę e.<sup>§§</sup> <sup>24</sup> [Okhale oyi iJesu iKirisiti Onomhue oyawa o ka nu e la, Atşę.]

<sup>25</sup> Ufumhi khi oyi Eshinegba! Loli o dobe re migha shi irudunga oye e abi o li de shi oni usomhi onete oyi iJesu iKirisiti ni mhi ro o tşę abo, ali ni o de shi irokhase oyi osheli ni a ro sheli agboagbo elemhi ikpe ebubu ni e dose. <sup>26</sup> Ama mena, a she ri oni igesikia khase, rote akeke shi eke enayi emekeguele, abi Eshinegba ni o la o agboagbo o mhesę oli a li roli khase ishishi nya, ini e ba miesuo ni e suo esō na lue. <sup>27</sup> Eshinegba ona ileşę, a ri ufumhi na agboagbo, rote obo oyi iJesu iKirisiti! Atşę.

<sup>‡‡</sup>16:13 Li ze iMak 15.21

<sup>¶¶</sup>16:21 Li ze Ika 16.1

<sup>§§</sup>16:23 Li ze Ika 19.29; 1 iKori 1.14; 2 iTimo 4.20

*Ebe onododę ni iPolu o keke ghi egbo*

## **IKoritia**

*Eni e miesuo*

### **Otse oyi iPolu**

**1** Mhemhe iPolu, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi in-yoghuo awa iSositenis.

<sup>2</sup> Mhemhe mhi keke ebe ona a ghi ig-baa oyi eni e mie iJesu iKirisiti su o-nayi Eshinegba ni e la iKoriti, ikhi eni Eshinegba o lu e khi egbo eyoli. Eri o re e khi egbo ni e pfuase rote obo oyi iJesu iKirisiti, abi o li egbo ni e miesuo ashakhasha.\*

<sup>3</sup> Eshinegba ita awa ali iJesu iKirisiti Onomhue oyawa e ka li okhale na e, e ri ofomhe na e.

### **IPolu o ri ikphemhi na Eshinegba**

<sup>4</sup> Egheghe kpa mhi ro kphemhi e na Eshinegba oyemhe irari okhale ni o riele na e rote obo oyi iJesu iKirisiti. <sup>5</sup> O she re mholi epfue odekhode elemhi iguengme ungmehi ali ilese nya. <sup>6</sup> Oni usomhi oyi iKirisiti o she lo e egbe shito egbegbo. <sup>7</sup> Irarigho, isomhopfa ayemhe okhoghuo o ke to e abi a li migha khe ibhale oyi iJesu iKirisiti Onomhue oyawa ni a la roli ya khase. <sup>8</sup> O ya mu e mhue gbaa ya ramhi ukpese, ni a khi eni ea mhue umh-aguekia, a khi ogbele ni iJesu iKirisiti Onomhue oyawa o ya bhale. <sup>9</sup> Eshinegba ni o lu e ni a nu omi oli iJesu iKirisiti Onomhue oyawa mhue ugamhi kugbe, oni a ri egbe e nga o khi.

### **Okemhi ni o la eni e miesuo iteva**

<sup>10</sup> Inyoghuo-mhe mhi ri eva oyi iJesu iKirisiti Onomhue oyawa lema e, ee nya a ke yemhe na egbe ini okemhi o khi lo e le, ali ni a mholi udu oghuo ali usamhi oghuo. <sup>11</sup> Egbo eghuo na omhue-apfe oyi iKiloe e gueye mhe khi iwola e la e iteva. <sup>12</sup> Emini mhi ri onana ngme khi, og-bogbo oo ngme unu ododa, oghuo o khe, "IPolu mhia deba," olese oo, "Apolosi mhia deba," olese oo, "IPita mhia deba," olese oo, "iKirisiti mhia deba."† <sup>13</sup> Eri a kemhi iKirisiti? IPolu a gbe-a shi orora apfida na e? Abi khi eva oyi iPolu a ro batazi e? Eniye odukhokho eyi iPolu a khi? <sup>14</sup> Mhi kphemhi na Eshinegba khi mhi aa batazi onge e, se ni iKirisipusi ali iGayusi.‡ <sup>15</sup> Irarigho, onge e o ya lie khi mhi ri eva oyemhe batazi lue. <sup>16</sup> Mhi lese khi mhi batazi apfe iSitefanasi, mhi aa ke sato ini mhi li batazi ogboese.¶ <sup>17</sup> Irari khi iKirisiti o ghie mhe mhi ke batazi egbo, ama mhi ke kia gue ungmehi oyoli le ni o rote ilese oyi ogbo bhale. Ini eghuli ni iKirisiti o ghu shi apfida o khi mele afue-a.

### **IKirisiti ni o khi ilese ali ekpabo**

<sup>18</sup> Irari khi eri ungmehi oyi apfida o khi afue shi eso oyi egbo ni ee pfua o, ama awa ni a mie e pfuese, ekpabo oyi Eshinegba o khi na awa. <sup>19</sup> Irari khi Ebe-no-pfuase oo li, "Mhi ya pfueche egbhali oyi eni e mholi egbhali-a, mhi bi ilesingme oyi eni e riele khi wewe e gue ebe ma."§ <sup>20</sup> Mena, ashi ona ilesingme o migha? Ashi oguebe o la? Ashi eni e gue khako

\*1:2 Li ze Ika 18.1

†1:12 Li ze Ika 18.24

‡1:14 Li ze Ika 18.8; 19.29; iRom 16.23

¶1:16 Li ze 1 iKori 16.15

§1:19 Li ze Aza 29.14

ena agbọ namo e migha? Oa khi eri Eshinegba o ri egbhali ni e la agbọ ona mele oyege-a?\*\*\* 21 Eri Eshinegba o ri ilisingme oyi lolighuo ze khi egbo ea rote ilese oye we le se o li. Ochogho, eri o ghole Eshinegba ni o rote itsabo oyi usomhi ni egbo ee khi oyege lo, tsumhi eni e mie oni usomhi suo. 22 Egbo iJu, irokhase eyi onyaloa e migha khe, egbo iGiriki ee nono ilisingme, 23 ama eri anye ri iKirisiti ni a gbe-a tama apfida tse abo usomhi ona, o ri elemhi a bi egbo iJu, o khi oyege shi esọ oyi egbo iJeta, 24 ama egbo ni Eshinegba o lu, ghe iJu ali iGiriki e me oni usomhi oyi iKirisiti shi khi ekpabo ali ilese oyi Eshinegba o khi. 25 Irari khi emini o li abi umhalese oyi Eshinegba, o mhue ilese dose egbhali oyi ogbo, emini o li abi olosemhe oyi Eshinegba o mhue itoto dose ekpabo oyi ogbo.

26 Inyoghuo, a sato emini a kpe khi neni Eshinegba o lu e. Egbo ena agbo ona ea bino shi eni e mholi ugbhe, ali khi oa khi ebubu e e fialo-a, oa khi ebubu e e khi ekhemhue. 27 Eri Eshinegba o ze emini egbo e bino shi emhi eyeghe elemhi agbo ona ke, o rewe ri omama mu elisingme. O ze emini ee mhue ochi elemhi agbo ona ro khi eni e mhue ekpabo unua.

28 Eshinegba o ze emini ea mu eloe na agbo ona ali emini egbo e ri eloe gbe, ni e ro shi afue. O rewe ri emini egbo ea bino khi e mu eloe mele afue-a, 29 ini ogbokhoghuo o khi do be la odalo oyi Eshinegba tono obọ udu. 30 Irari khi loli o ku awa ali iJesu iKirisiti gbe. iKirisiti ni o khi ilese ni o rote obọ oyi Eshinegba bhale. Emini a ri ona ngme khi, loli o khi ipfuase ali iropfuase ali ipfasheke oyawa. 31 Irari ona, Ebe-no-pfuase o ro

lie, "Onini o da nono ni loli tono obọ udu, o ke ri emini Onomhue o ri ele tono obọ udu."††

**2** Inyoghuo, abi mhi ro bhale olieye e ya tsabo osheli igesikia ni o la ungememhi oyi Eshinegba, mhi aa lii ngme ingmemhi ena ghoghoghi, wekhi eri mhi rokhase khi mhii wena gba. 2 Irari khi abi mhi ro la iteva oye, eri mhi rue udu emhikpa-a, mhi ri udu lese shi ingme oyi iJesu iKirisiti ali eghuli ni o ghu shi apfida. 3 Onana o ze khi abi mhi ro te eke bhale, eri mhi li abi oni oa mhue ochi, ulishi o remhe kpheli.‡‡ 4 Abi mhi ro sese e, ni mhi ro tse abo ungememhi gueye e, mhi aa ri ilosedose ali eta-olelemhunu nu e ngme. Ama eri mhi ri ekpabo oyi Ayemhe oyi Eshinegba khase. 5 Ini irudunga ni a mhue, o khi ya migha nga egbhali oyi ogbo, ama ekpabo oyi Eshinegba.

### Ilisingme oyi Eshinegba

6 Usomhi ni o khi oyi ilisingme anye gueye egbo ni e womhe eloe shi emhi irudunga. Ama oa khi ilese oyi agbo namo wekhi oyi eni ee mhese shi agbo namo, eni e ya mele afue-a. 7 Ingme osheli ilisingme oyi Eshinegba mhia ngme. Ilisingme ni o ro sheli na egbo agboagbo ni o she kpe gba shi eke khi awa ya mholi okemhi shi ufumhi oyoli. 8 Aa me oghie okhoghuo ighie ena agbo namo ni o lese oni ilisingme ona. Ini o khia khi e lese lo, ea kha ta Onomhue ni o mhue ufumhi ma afida gbe-a. 9 Ama abi Ebe-no-pfuase o ngme ni oo, "Ukpeloe okhoghuo oa me ne, esọ okhoghuo oa suo ne, wekhi eri ogbokhoghuo o sa udu oyoli ramhi o ghue, emini Eshinegba o ri ele

\*\*1:20 Li ze iJobu 12.17; Aza 19.12; 33.18; 44.25

††1:31 Li ze iJere 9.24

‡‡2:3 Li ze Ika 18.9



shi eke e khe eni  
e nono ingme oyoli.”<sup>¶¶</sup>

<sup>10</sup> Ama Eshinegba o she roli khasa awa rote Ayemhe oyoli. Irari khi eri Ayemhe o o guano emhikpa, ya ramhi osheli ni Eshinegba o gba. <sup>11</sup> Itobo khi Ayemhe ni o la ogbo egbe lueghuo o lese isamhi eyi oni ogbo. Igho ogbokhoghuo o lese isamhi eyi Eshinegba, see ni Ayemhe oyi Eshinegba. <sup>12</sup> Awa aa mie ayemhe oyi agbo ona, ochogho ayemhe ni o rote obo Eshinegba bhale ni awa ro lese emhi nya ni Eshinegba o ro na awa afue-afue, awa mie.

<sup>13</sup> Anye ea ya ngme ingmemhi ni a rote egbhali oyi ogbo sese, ama ingmemhi Ayemhe oyi Eshinegba o sese anye, anye lie sese egbo ni e la elemhi ayemhe, emini e khi emhi ayemhe, ni e khi egbegbo. <sup>14</sup> Ogbo ni o da mhue oni ayemhe ne, o ya lese emini a ri emhi na Ayemhe oyi Eshinegba ngme. Ogbo oghogho, afue emhi ayemhe e khi shi oli eloe, irari khi emini e khi ode ayemhe, ayemhe a te e lese we. <sup>15</sup> Ogbo ni o da mhue oni ayemhe ne, o dobe ya lese udi emhikpa, ama egboese ea dobe ya lese abi oni ogbo ona o la o shi. <sup>16</sup> Abi Ebe-no-pfuase o ngme, ni oo, “Oghuo o lese udu oyi Onomhue? Ni o dobe ya ye oli ude?” Ama khi, awa mholi udu oyi iKirisiti.<sup>§§</sup>

### Okemhi ni o la iteva igbaa oyi eni e mie iJesu iKirisiti suo na iKoriti

**3** Inyoghuo, mhi aa nu e ya ngme abi eni e mhue Ayemhe oyi Eshinegba, ama abi egbo ni e ngeli abi egbo na agbo, ali emofe elemhi irudunga oyi iKirisiti.

<sup>2</sup> Loli mhi ro ri ameh inyeli na e da ni o a khi eminale ni e toto, irari khi aa mu egbe shi eminale ni e toto ne. Ramhi memena aa kie mu egbe ne.\* <sup>3</sup> Egbo na agbo a kie khi. Emini o da ze khi a kiele e kpe ofuma deba egbe ali khi a nu egbe e e wola, ogho o rokhasa khi egbo agbo a kie khi? Oa khi eri a kiele e ngeli abi egbo na agbo? <sup>4</sup> Ini otuoghuo elemhi e oo li, “iPolu mhia deba”, ni olese o ro o li, Apolosi mhia deba, o a khi eri a ngeli abi egbo na agbo egbo?”<sup>†</sup>

<sup>5</sup> Ini ee a bino oli bie, oghuo Apolosi o fe khi? Oghuo iPolu o khi. Eni ee ga eyi Eshinegba anye ga khi ni ee a rote obo oyanye miesuo. Eri ogbogbo oo gbe akanya oyoli ni Onomhue o rona li o gbe. <sup>6</sup> Mhemhe mhi ri ukpamhi ko, Apolosi o ku ameh shi o, ama Eshinegba o ze ni oni ukpamhi o ro fu.<sup>‡</sup> <sup>7</sup> Oni o ro ko ali oni o ku ameh shi o, ea mu eloe. Se khi Eshinegba ni o ri emhi e fu. <sup>8</sup> Ikhioda o la o na oni o ro ko ali oni o ku ameh shi o, Eshinegba o ya ri elele na ogbogbo abi o li gbe. <sup>9</sup> Irari khi eri anye kugbe e gbe ikanya na Eshinegba, ee a khi ishemi oyoli.

Owa oyi Eshinegba a gbo khi. <sup>10</sup> Rote afu ni Eshinegba o ro na mhe, mhi ro ri irogbekere gbe, abi oga oyi itsona. Onana egboese ee ma a nga. Eri-tse ogbogbo o lese abi o li ma a nga o. <sup>11</sup> Irari khi ogbokhoghuo o ke gbo dobe ya ri irogbekere olese gbe dose oni Eshinegba o she ro gbe ni o khili iJesu iKirisiti. <sup>12</sup> Ini ogbokhoghuo o to nga oni irogbekere ona, ni o ro ri igolu to nga o, okekhi elomho, okekhi eche ni e ghale, okekhi eera, okekhi efolo, okekhi ifulo o ro to nga o. <sup>13</sup> A ya ri emini e la elemhi emini

<sup>¶¶</sup>2:9 Li ze Aza 64.4

<sup>§§</sup>2:16 Li ze Aza 40.13

\*3:2 Li ze Iburu 5.12-13

<sup>†</sup>3:4 Li ze 1 iKori 1.12

<sup>‡</sup>3:6 Li ze Ika 18.4-11,24-28

ogbogbo o ro to nga o khasẹ gboo, ogbele iguezo. Erali a ro ya mhese emini o ro to nga bino ni a lese emini e la elemhi we. <sup>14</sup>Ini emini o ro to nga o, o pfue oni erali, a ya ri elele na li. <sup>15</sup>Ini e toa, opfu o gbe oli, ama a ya tsumhi oli. Eri-tse khi eri o ya li abi ogbo ni o na pfue elemhi erali. <sup>16</sup>Ee a lese khi owa ugamhi oyi Eshinegba a khi, ali khi Ayemhe oyi Eshinegba o la e egbe?<sup>¶</sup> <sup>17</sup>Ini ogbokhoghuo o yese Owa ugamhi Oniemhi oyi Eshinegba-a, Eshinegba o ya yese oni ogbo-a. Irari khi eri Owa ugamhi oyi Eshinegba, o pfuase, ali khi Owa Ugamhi oniemhi oyoli ee a khi.

<sup>18</sup>A khi ke di egbe e. Ini onge e o nono ni loli khi oni o mholi ileasingme shi egheghe ni a la ena, o ka khi oyeghe ni o me asha khi oni o khi olesingme egbegbo. <sup>19</sup>Irari khi emini egbo na agbo ee bino shi ileasingme, afue Eshinegba o bino oli shi. Abi ebe o ngme, ni oo, "Eri Eshinegba o ri ilese dose eyi eni e lie khi wewe e lesingme rielle we gbo mu."<sup>§</sup> <sup>20</sup>Asha olese o gbo ngme oli shi ebe khi, "Eshinegba o lese khi isamhi ni oni o lie khi loli lese dose oo sa khi ea mu ame."<sup>\*\*</sup> <sup>21</sup>Itobo igho, a khi ke ri ogbokhoghuo tono obo udu, irari khi emhikpa, eyi ee lo, <sup>22</sup>o khi iPolu o, okekhi Apolosi o, okekhi iSefasi ni a gbolo a lu iPita o, okekhi agbo ali eghuli o, okekhi agbo onana ali ogbenako o, ee a ga mhue we nya. <sup>23</sup>Ee oye eyi iKirisiti a khi, oni iKirisiti o khi oyi Eshinegba.

### Ighiusomhi na ke eyi iKirisiti

**4** A ke sato anye egbe abi eni ee gbe akanya na iKirisiti ni a ri osheli oyi Eshinegba nga obo. <sup>2</sup>A ze ni a bhale ya e khi oni a ri emhi nga obo, o ri igesikia deba li. <sup>3</sup>Egboli oyemhe oa

la o ini u gue mhe ezo, o ke khi ikotu na agbo e gue mhe ezo. Mhemhe mhi aa fe gue egbemhe ezo. <sup>4</sup>Emhikhoghhuo oa nase mhe udu ni o gue mhe ezo, ama ogho oa lie khi abo eyemhe e ma pfuase gba. Onomhue oo gue mhe ezo. <sup>5</sup>Irarigho, a khi gue ogbokhoghuo ezo ne neni egheghe iguezo o ramhi. Migha ni Onomhue o bhale ne. O ya rue emini a ro sheli alo ebili lasele ali emini e la ogbogbo udu, egheghe agho Eshinegba o ya kueghie ogbogbo abi o ti shi.

<sup>6</sup>Emole, mhi she ri Apolosi ali egbemhe rielle irokhokho khasẹ e ni a ro lese abi ungemhi onana o ngme ni oo li, "A deba oni omhese ni o gbe akanya." Aa khi ke lie khi oghuo e, o ti dose olese. <sup>7</sup>Elọ o la e egbe ni o gho re e mu eloe? Elọ a mholi ni oa khi eri a roli na e? Ini o khia khi eri a roli na e, elọ o ze ni a ro tono obo udu?

<sup>8</sup>Ee a she ga mhue emini a nono nya! Ee a she ga pfue se! Eri a ke a mhese abi ighie, anye tse anye ke khi eni ea mhue! Aa kpa lie khi egbegbo a khili ighie, ishegho ni anye li nu e ke mhese! <sup>9</sup>O li mhe eloe khi anye ighiusomhi na kee, Eshinegba o ro shi asha ni o ga kholo ne nya. Eri anye li abi ighumha ni a rue e je obini olele ni a te ya gbolo we-a. Ni anye khi emhi ofeli ni egbo na agbo ee gia, ali ni igeni ee gia. <sup>10</sup>Irari oyi iKirisiti a ro bino anye shi eyeghe, ama ee a khi eni e lolo mholi ileasingme elemhi iKirisiti. Anye aa mholi ekpabo, ama ee a mholi ekpabo, ali khi egbo ea mu ekpe e na anye, a mu ekpe e na e. <sup>11</sup>Ya ramhi amo, okiamhi ali okiamo o gbe anye ramhi, anye aa mholi emini a so, se ni ijeje ide. A ri ukpeloe a gbe anye, anye aa mholi ashini a la. <sup>12</sup>Anye rosheka ri abo eyi anye e gbe ikanya. Ini egbo e ku itse e

<sup>¶</sup>3:16 Li ze 1 iKori 6.19; 2 iKori 6.16

<sup>§</sup>3:19 Li ze iJobu 5.13

<sup>\*\*</sup>3:20 Li ze iWolo 94.11

na anye, anye ẹ ku isemhe na we, ini a mu okholi vule shi anye o, anye ri egbe mie.<sup>††</sup> <sup>13</sup> Ini ogbo o yese anye evaa, anye ri unu ni o pfohmẹ sọli o. Ramhi memena, eri a bino anye shi egbo afue ali iku ni e la agbo. <sup>14</sup> Aa khi eri mhi keke ebe ona ghi ẹ ni mhi ro ri omama mu ẹ. Eri mhia nono ni mhi kpaghie ẹ obo, abi eni e bia eniye e lie nono ni wewe e kpaghie imi we obo. <sup>15</sup> U dobe ya mhọli egbo agbele igbe (10,000) ododa ni ẹ sese ẹ ungmehi oyi ikirisiti, ama ita oghuo u lese mhọli. Mhemhe khi ita ẹ, ẹẹ a khi imimhe rote usomhi onete oyi iJesu iKirisiti ni mhi sese ẹ. <sup>16</sup> Irarigho mhia nono ni a ke khonya mhe.<sup>‡‡</sup> <sup>17</sup> Ona o ze ni mhi ro ghi iTimoti ghi ẹ. Eri mhi nono ingme oyoli abi omọ ni mhi bia, ali khi oni oọ ga oyi Eshinegba ni o ri igesikia a gbe akanya na Onomhue o khi. ITimoti o ya gueye ẹ angeli oyemhe abi mhi lie deba iKirisiti ali abi oni angeli oyemhe o li de shi osese ni mhia sese ingme oyi iKirisiti elemhi igbaa oyi eni e mie iJesu iKirisiti suo kpa.

<sup>18</sup> Eghuo elemhi ẹ, e tsua ipfua eke abine khi mhi aa ke ẹ bhale ya fei ẹ. <sup>19</sup> O kha ghole Onomhue, mhi ya kele bhale oobo. Eghẹghẹ agho, mhemheghuo mhi ya me abi eni egbo ni ẹ tsua ipfua eke egho e lie ngme, ni mhi gbo me ekpabo nabi ẹ khi wewe e mhọli. <sup>20</sup> Irari eghiele ni Eshinegba o le shi awa udu, o a khi oyi ungmehi unu tse, ama oyi ekpabo lo. <sup>21</sup> Elo a nono ni mhi li ini mhi bhale? Mhi rue utali mhọli obo bhale, abi mhi ri ayemhe inono ali o pfohmẹ bhale?

## A khu inyoghuo na itsebo iteva ya fie

**5** Mhi suo khi angeli itsebo e la iteva oye ẹ. Onabi aa ya me iteva oyi eni ea miesuo kpa, a ga me iteva oye. Ni o ramhi khi ogbo o nu inyoli onuzava a gbhe.<sup>¶¶</sup> <sup>2</sup> A gbo ti ipfuabo a nga, ocho ni egbe e kha ro pfo e-a, ramhi ni a ro khu ogbo oghogho iteva oye lasele. <sup>3</sup> Abi o ro tseku khia khi mhi nuata shi ẹ egbe alo-gbugbugbu, ayemhe oyemhe o nu ẹ la. Mhi she pfa ezọ mu ogbo ni o riele emhi onana, abine khi mhi la agho. <sup>4</sup> Irarigho, ini a ri eva oyi Onomhue iJesu lona kugbe, ali ni ayemhe oyemhe o ro nu ẹ la, ali ni ekpabo eyi Onomhue o ro la ẹ iteva, <sup>5</sup> a rue ogbo oghogho abo-a na okphaghie, ni o pfueche idiege eyolia, ini a pfuese ayemhe oyoli ini iJesu Onomhue o bhale.

<sup>6</sup> O ma kholo gba khi a tsua ipfuabo eke. Ni a ro o ze ni egbo enana e la iteva oye. Aa lese khi eri e li abi umiesobo oghuo ni o ri oili gbolo enekpole-a?<sup>§§</sup> <sup>7</sup> A rue ogbo okhoro onana iteva oye lasele, ni a me asha la ipfua. IKirisiti khi omi osumha oyi iPasova ni a she ro luase obo na awa.\* <sup>8</sup> A khi ze ni awa ke riele imu elemhi okhoro ilili ni o li abine khi a kemhi ibuledi ni a ri ifuma nye. Awa khi eni e pfua ali ena igesikia, ni awa ke ri ibuledi ni aa ri ifuma nye li imu.<sup>†</sup> <sup>9</sup> Abi mhi ro kpe te odode keke ebe ghi ẹ, mhi gueye ẹ a khi nu ogbo na itsebo ke kia kugbe. <sup>10</sup> Ama o a khi ingme oyi egbo ena agbo mhi ngme. Irari khi u mema ya lase elemhi agbo le neni u wa kie egbo ni ẹ ku itsebo, ali ena emhi itoegbe ali ighiato ali eni ẹ ga ikhumhi.

<sup>††</sup>4:12 Li ze Ika 18.3

<sup>‡‡</sup>4:16 Li ze 1 iKori 11.1; iFili 3.17

<sup>¶¶</sup>5:1 Li ze iDeut 22.30

<sup>§§</sup>5:6 Li ze iGal 5.9

\*5:7 Li ze Okiali 12.5

<sup>†</sup>5:8 Li ze Okiali 13.7; iDeut 16.3

<sup>11</sup> Emini mhi ri onana ngme khi, a khi nu oni o miesuo olo-egbholi, ni o o ku itsẽbo kia kugbe, okekhi ogbo emhi itoegbe o, okekhi oni o ga ikhumhi, okekhi oni o yese ogbo eva-a, okekhi odonyo pfueche egbe-a, okekhi oni o riẽle alile. Khi ga nu egbo eghogho le eminale kugbe.

<sup>12</sup> Oa khi akanya oyawa ni awa ke gue ena odato ni ẽa miesuo ẽzo. Ena elemhi igbaa oyi eni e mie iJesu iKirisiti suo tse ni e lina ngeli awa kha lese ke gue ẽzo <sup>13</sup> Eshinegba o ya gue eni ẽa miesuo ẽzo, ama abi Ebe-no-pfuase o ngme oli khi, "A khu ogbo okholo oghogho e iteva le."<sup>‡</sup>

### Eni e mie suo e khi ke lu egbe ẽzo ikotu

**6** Ini abi a li ga miesuo abi inyoghuo a me ingme, elo o ze khi a lu egbe ẽzo shi ikotu oyi eso-ẽzo ni ẽa miesuo, ocho ni a kha ro ze ni eni e miesuo e so ee oni ingme? <sup>2</sup> Aa lese khi awa ni awa miesuo, khi awa ya gue egbo na agbo ẽzo? Ee ni a khi eni e ya gue agbo ẽzo, aa dobe a so shi ukuku ingme ifuabo eyeẽ? <sup>3</sup> Aa lese khi awa ni awa miesuo, khi awa ya gue igeni ẽzo? Seẽ awa aa li ke dobe e so egbe awa ikuku ingme na agbo ona. <sup>4</sup> Elo o ze ni a ro o tsua ingme ni a me ogbele kpa ke ghi eso-ẽzo ni ẽa mhuẽ unu shi ingme igbaa oyi eni e mie iJesu iKirisiti suo? <sup>5</sup> Eri mhia ngme ona ni omama o mu e. Eri aa me ongee ni o lese ingme iteva oyee, ni o dobe ya ri inyoghuo aava ni e miesuo riẽle? <sup>6</sup> Elo o ze ni ongee o ro o rue inyoghuo oli le deba eni ẽa miesuo ni e roli gue ẽzo?

<sup>7</sup> Emini o da ze khi a me iluegbe-ezo ikotu iteva oyee ne, eri o rokhase khi eni e de a khi. Oni u kha ro ri egbe mie ini a lue na e, ni u kha ro lama ni a li e le,

<sup>8</sup> u ri ochogho vu ya lue na egbo, u li we e le, gbo li shi eni e miesuo elese.

<sup>9</sup> A lese gboo khi ona okholo oa ya lo Eghiele oyi Eshinegba. Aa khi di egbe e. Egbo ni e ku itsẽbo, okekhi eni e ga ikhumhi, okekhi eni e kia okia, okekhi emose idegbe, ali emose ni e nu emose enabi wewe e gbhe, <sup>10</sup> li shi ighiato, okekhi ena emhi ituegbe, okekhi edonyo yese egbe-a, okekhi eni e yese egbo eva, we khi eni e li egbo a le, e ya lo Eghiele oyi Eshinegba. <sup>11</sup> Eghẽghe o la o ni ee a ro kpe la agbo oghogho, ama a she khuse e olamhe-a, a khuse-a pfuase, a pfa na e, rote eva oyi iJesu iKirisiti Onomhuẽ ali Ayemhe oyi Eshinegba oyawa.

### Khi ke gbe ikanya itsẽbo

<sup>12</sup> Ogbo o dobe ya lie, "Emini o ghole mhe mhi dobe ya riẽle." Ama mhiẽ oli, "Aa khi emhikpa e ti ni u riẽle." Ali khi ini mhi tseku dobe ya riẽle emhikpa, mhi aa gbudu mele oghumha oyi emhikhoghuo-a.<sup>†</sup> <sup>13</sup> Wa lie khi, "Eminale khi oyi akpidi lo, ali khi akpidi o khi oyi eminale." Igesikia onana o khi, ama elegehuo, Eshinegba o ya yese we-a. Ama aa riẽle idiegbe eyawa shi itsẽbo ilili. Eri a riẽle idiegbe, ni awa rewe ke ga Onomhuẽ. Ali khi idiegbe oyawa oo mu Onomhuẽ egbe gba. <sup>14</sup> Ali khi Eshinegba o ya ri ekpabo eyoli guise awa eghuli le, abi o guise Onomhuẽ oyawa eghuli le. <sup>15</sup> Aa lese khi idiegbe oyawa khi uguabo idiegbe oyi iKirisiti lo. Eri ogbo o ke ya rue uguobo idiegbe oyi iKirisiti, o ke ku oli gbe uguobo oyi adegbe? Oa ze ya li! <sup>16</sup> Abi aa lese khi ogbo ni o da le deba adegbe ne, khi o she to egboli ma oni adegbe o? Idiegbe oghuo e ke khi, irari khi ebe oo li, "Wewe avavava, idiegbe

<sup>‡</sup>5:13 Li ze iDeut 13.5; 17.7

<sup>†</sup>6:12 Li ze 1 iKori 10.23

oghuo e ke khi.”<sup>8</sup> <sup>17</sup> Ama ogbo ni o da to ma Onomhue o ne, ayemhe oghuo e ke khi.

<sup>18</sup> Me itsebo ikuku na, olamhe okhoghuo o la o ni o ri ichimhi a mu ogbo abi olamhe itsebo ikuku. Irari khi olamhe itsebo ikuku oo re e lamhe shi idiegbe oyi yeye ghuo o. <sup>19</sup> Aa lese khi idiegbe oye e khi owa ugamhi oyi Ayemhe-no-pfuase lo, ni o la idiegbe oye, ni Eshinegba o ro na e? Oa ke khi yeye u mholi egbe e,<sup>\*\*</sup> <sup>20</sup> irari khi eri Eshinegba o de ghale. Irarigho, u mema ya ri idiegbe eye ri ufumhi na Eshinegba.

### Ingme ingeli oyi omose ali okpotso

**7** Ni mhi ro so shi ogbo ni a keke shi ebe ya mhila mhe.

O ti ini omose ali okpotso ea ya la deba egbe. <sup>2</sup> Ama irari itsebo, omose ogbogbo ali ughue oli e ke le deba egbe, okpotso ali odoli e ke le deba egbe. <sup>3</sup> Omose o khi ri okiamhi ughue gbe ughue oli, okpotso o khi li ri okiamhi ughue gbe odoli. <sup>4</sup> Okpotso lolighuo oa mholi idiegbe oyoli, ama odoli o mholi we. Igho o li khi egbe oyi omose, oa khi omose lolighuo o mholi idiegbe eyoli, ama ughue oli o li mholi we. <sup>5</sup> A khi kie egbe, see khi omose ali okpotso e lama shi egbe o khi wewe e ya nuta shi iledeba-egbe ne, ni e me asha mholi ukuku eghenge ro so iromhi. Oni eghenge o kha dose se, e gbo bhale ya lona, ini okphaghiye o khi me asha mu we fe, irari khi egbe ea ze e mu shi ingme ughue. <sup>6</sup> Eri mhi khokho ona na e, oa khi ushi ni mhi shi e shi eke na e. <sup>7</sup> O ma kha ti gba ini ogbokpa o dobe ya la o ni oa rue okpotso shi abi mhemhe lo. Ama awa nya awa aa li abeghuo. Eshinegba o

somhi ogbogbo isomhopfa ododa. Oa o kha mholi ona, olese o mholi ogho.

<sup>8</sup> Ee ni aa la ughue ghue ali esamhi-olimhi, o ti ne ini ea bie ye ughue abi mhemhe. <sup>9</sup> Ama ini ea dobe ya mu egbe we, e ke le ughue. O tine ni a ye ughue dose ocho ni a ro ya shito, egbe ee lala e shi ingme ughue.

<sup>10</sup> Ee ni a la ughue, mhi mhesa ona na e, ni oa rote obo oyemhe bhale, ama obo oyi Onomhue. Okpotso o khi rote obo oyi odoli vu. <sup>11</sup> Ama ini o li gho, o khi gbo ye ughue olese ghue, ochogho o ka nu odoli ro rieje. Omose o khi gbudu khu ughue oli. <sup>††</sup>

<sup>12</sup> Ee oye enekpole, mhi gue ona ye e, mhemhe mhi ngme ona, oa khi Onomhue. Ini omose ni o miesuo o rue okpotso ni oa miesuo ughue, o kha ghole oni okpotso ni o ro nu oni omose shito, oni omose o khi khu oli. <sup>13</sup> Ini okpotso ni o miesuo o ngeli na omose ni oa miesuo, ni oni omose o ro mholi oghuemhe khi loli ya kie ri oni okpotso shi, oni okpotso o khi pfa oni ughue-a. <sup>14</sup> Irari khi okpotso ni o miesuo oo rue ipfuase e bhale ughue oyoli, ali khi omose ni o miesuo o ri ipfuase e bhale ughue oyoli. Ini oa khi igho lo, imi e, eni ea pfuase e kha khi, ama abi o ke li ena khi, a she khuse we-a pfuase.

<sup>15</sup> Ama ini oni oa miesuo elemhi wewe aava, oo nono ni loli lase oni ughue le, o ke vu. Emhikhoghuo oa ke la akana ya mu omose okekhi okpotso ni o miesuo mhue ini a me na. Eri Eshinegba o lu awa ni awa ro la agbo opfomhe. <sup>16</sup> Yeye okpotso, u fe lese ini itobo oye ode o kha ro mhue imiepfuese? Abi khi, yeye omose u lese ini itobo oye ughue o kha ro mhue imiepfuese?

<sup>§</sup>6:16 Li ze Igbae 2.24

<sup>\*\*</sup>6:19 Li ze 1 iKori 3.16; 2 iKori 6.16

<sup>††</sup>7:11 Li ze iMat 5.32; 19.9; iMak 10.11-12; iLuk 16.18

<sup>17</sup> Abibi o tseku li, oğboğbo ọ migha ashini ọ la ni Eshinegba ọ rọ lu ọli, ali emini ọ lu ọli shi. Ona o khi omheşe ni mhi rọ na igbaa oyi eni e mie iJesu iKirisiti suọ nya. <sup>18</sup> Ini ọmọşe ọ she shele-a neni Eshinegba ọ lu ọli, ọ khi mu ọli pfi riẹle. Ini ọmọşe ọa shele-a ne neni a lu ọli, ọ khi ya shele-a. <sup>19</sup> Ọa mhuẹ abi o ngme, ini oğbo ọ shele-a okekha khi ọa shele-a, emini o mema mu egbe khi, ni a rọ ri ishi eyi Eshinegba gbe akanya. <sup>20</sup> Oğboğbo ọ kie li abi ọ la ọ shi ni Eshinegba ọ rọ lu ọli. <sup>21</sup> Oghumha u khi ni Eshinegba ọ rọ lu? Khi ze ni ogho o nase udu. Ama ini u me asha ya pfa egbe e ọ le, li gho. <sup>22</sup> Irari khi oni ọ khi oghumha ni Onomhuẹ ọ rọ lu ọli, oni a rue abo-a ọ ke khi, igho li khi oni a rue abo-a ni Onomhuẹ ọ rọ lu ọli, oghumha oyi Onomhuẹ ọ ke khi. <sup>23</sup> Eri a de e ghale, irarigho a khi gbo khi oghumha oyi oğboese. <sup>24</sup> Inyoghuo, oğboğbo ọ nu Eshinegba la abi ọ li ni a rọ lu e.

<sup>25</sup> Shi ingme oyi ozele ni ẹa mu ughue ghue. Mhi aa rote obo oyi Onomhuẹ mie ushi ni mhi ya shi na we, ama mhi ri ushi oyemhe bhale abi oni a ri itobo ilelemhi khi oni a ri egbe e nga. <sup>26</sup> Ini a bino ingme ni a me agbo memena, mhi sa khi o ti ini oğbo ọ bie shito abi ọ li. <sup>27</sup> U kha la ughue se, khi dua ni u pfa li-a. Ini waa la ughue ne, khi dua abi u li ya lo ọ. <sup>28</sup> Ama ini o khia khi u lo ughue, waa pfido, ini o riẹ khia khi u waa mu ughue ghue. Ama eni e rue ikpotso, e ya mhọli anasemhe elemhi agbo ona, mhi aa nono ni a me onana.

<sup>29</sup> Inyoghuo emini mhi ri ona ngme khi egheghe o ke she. Rọ te memena vu, emose ni e rue ikpotso, ughue we e khi mu we egbe dose. <sup>30</sup> Eni e vie, e khi ze ni o lo we egbe dose ode. Eni e ghele, e khi ze ni oghelẹ rue we vu, eni e de emhi, e khi ze ni emini e de e lo we alo, <sup>31</sup> eni e mhọli emini e ri emhi na agbo ọ riẹle, e

khi ze ni e rue we udu vu. Irari khi abi agbo ona o lao shi memena, o she e dose.

<sup>32</sup> Mhia nono ni a rue udu ayele le. Omose ni ọa rue okpotso, ikanya eyi Onomhuẹ ẹa ku ọli ele-a, irari khi eri ọ nono abi lolẹ liẹ riẹle oghuemhe oyi Onomhuẹ. <sup>33</sup> Ama omose ni ọ rue okpotso shi, eri isamhi agbo ee nase ọli udu, irari khi eri ọ dua ni lolẹ ri egbe ke mu ughue ọli. <sup>34</sup> Irarigho, eri isamhi eyọli e kemhi eva. Eri omueshi ni ọa ye ughue, okekhi, omueshi ni omose ọa ta owe lase ghue, ingme eyi Onomhuẹ e mu ọli egbe. Eri ọ dua ni lolẹ ri idiegbe ali ayemhe oyọli na akanya oyi Onomhuẹ pfo nya. Ama okpotso ni ọ ye ughue, emhi agbo ọ sa, irari khi eri ọ ọ dua abi lolẹ li ri egbe e ke mu odo.

<sup>35</sup> Eri mhi a ngme onana ni mhi kpaghie e obo, ọa khi eri mhia nono ni mhi zu e ode, ini a khi la ughue. Ochoghọ eri mhia nono ni a ke riẹle emini o te ode, ini udu oye o khi kemhi eva shi iregbena Onomhuẹ pfo oye.

<sup>36</sup> Ini omose ọ me khi egbe ẹa ke ze lolẹ e mu deba omueshi oyọli ni omose ọa ta owe lase ghue, ni e ga lama na egbe khi wewe e ya ri egbe shi. Ni ọ rọ she te ni ọ ye ughue abi o ye ni o, ọ rue oni omueshi ughue abi o ghole ọli shi. Ọa lamhe. <sup>37</sup> Ama omose ni ọ me khi lolẹ mhọli udu no toto ni ọ dobe ya mu egbọli mhuẹ. Ini ọ lama shi udu oyọli khi lolẹ ẹa ya rue oni omueshi oyelue ne, oni omose ona ọ guẹ kia. <sup>38</sup> Oğbo ni ọ rue omueshi oyọli ughue ọ guẹ kia. Oni ọa rue ọli, lolẹ ọ guẹ kia ne.

<sup>39</sup> Okpotso ni ọ la ughue, ọa gbudu rote obo oyi odọli vu ini ọ da kie la agbo. Ama ini odọli ọ ghua, ọ dobe ya ngeli na omose ni ọ nono, ama omose oni ọ miesuo ọ mema ya khi. <sup>40</sup> Abi mhemhe so oni ingme shi khi, ọ ya mhọli oghelẹ ne ini ọ shito khi ọa bie ke ngeli. Mhi sa khi mhi mhọli Ayemhe oyi Eshinegba ni mhi rọ ọ ngme ona.

### Eminale ni a rọ luasẹ ikhumhi

**8** Mena ni mhi rọ ngme nga ogbọ ni a mhila mhẹ ingme eminale ni a rọ luasẹ ikhumhi.

Awa leşẹ khi, “Awa nya awa ga mhọli ilẹşẹ,” ingme ona. Eri ilẹşẹ o ri ogbọ a ti- ipfuabọ nga ke titi egbe, ama eri inono o ri awa a kpaghie egbe obo. <sup>2</sup>Oni ọ dabi khi lọli leşẹ gba, ọa kie lolo leşẹ abi ọ kha li leşẹ ne. <sup>3</sup>Ama ogbọ ni ọ nono ingme oyi Eshinegba, Eshinegba ọ leşẹ ọli.

<sup>4</sup>Ama memena, ingme oyi eminale ni a rọ luasẹ ikhumhi, awa leşẹ khi ikhumhi ọa khi emhikhoghuo elemhi agbọ, ali khi Eshinegba oghuo ọ khi. <sup>5</sup>Ini a tseku me emini a lu ilita ali ekhemhue, o khi eni e la idane o, okekhi ena ekekhe, ọngewe ọa khi Eshinegba wekhi Onomhue. <sup>6</sup>Ama oyawa khi, Eshinegba oghuo kpe awa mhọli, ikhi ita ni emhikpa e rọte obo oyọli bhale, ali oni awa la agbọ na, ali khi Onomhue oghuo ọ la ọ, ni ọ khi iJesu iKirisiti ni emhikpa e rọte obo oyọli bhale ali ni awa rọte obo oyọli la agbọ.

<sup>7</sup>Ama ọa khi eni e miesuo nya e leşẹ igesikia onana khi afue ilita e khi. Ama ingme oyi eni ilita ena, o she lo egbo eghoghọ egbe ramhi khi ini e le eminale ni a rọ luasobo eghoghọ, eri ọ li we egbe khi eni ilita e lie ga egho. Eri ona ọọ yese udu oyewe ni ọ gue we ezo ọ-a, irari khi ọa lolo toto imiesuo ne. <sup>8</sup>Ama eminale ẹa ti ogbọ ọ mama Eshinegba. Ẹa ri awa ya khi eni ẹa ti ini awa aa le, wekhi eri e ke ri awa ya ti ne ini awa le.

<sup>9</sup>Ama a kuegbe-a ini afa ni awa mhue rọ ọ riẹle emini o ghọle awa o khi ya khi ozuode na ogboese ni ọa toto imiesuo, ni o roli ya de pfilo olamhe. <sup>10</sup>Ini ogbọ ni ọ mhue udu ni ọa toto imiesuo ne ọ fe me khi yeye ni u mhọli ilẹşẹ, khi u la udi olitsa ẹ le eminale, u sa khi ogho ọa ya

ri udu nali rọ ke le eminale ni a rọ luasẹ olitsa? <sup>11</sup>Igho oni ogbọ ni udu oyọli ọa toto egho ni ọ khi inyoghue ni iKirisiti ọ ghu-a na ọ li ya opfu-a itobo ilẹşẹ oye. <sup>12</sup>Ini a da me na ne, iKirisiti u lue a na, ini u da lue na inyoghue ni a ga miesuo, eri u wa kuale udu oyewe ni ọ gue we ezo ni ọa toto egho utse. <sup>13</sup>Irarigho, ini o da khia khi eminale ni mhi le o ri inyoghuo-mhe ya de pfilo olamhe ne, mhi aa ke gbo tigbe ya le eminale, ini mhi khi ya ze ni inyoghuo-mhe ọ de pfilo olamhe.

### Afu ni aghiusomhi na keş ọ mhọli

**9** Elo e kpomhe ọ le? Mhi aa khi aghiusomhi na keş? Mhi aa she me iJesu Onomhue oyawa, mhi re e mie ọli suo? <sup>2</sup>Ini o tseku khia khi mhia khi aghiusomhi na keş shi egboese ọ, mhi aa li khi aghiusomhi na keş shi e ọ? Akanya ni mhi gbe iteva oye e ọ rokhasẹ khi aghiusomhi mhi khi shi e ọ.

<sup>3</sup>Ina mhi li a so egbo ni e ri unu a yese afu ni mhi mhọli-a, <sup>4</sup>eri mhi aa fu te ọ ni a ri eminale ali onyo a na shi akanya ni mhia gbe? <sup>5</sup>Mhi aa li fu te ọ ni mhi li e rue okpotso ni ọ miesuo shi, abi ighiusomhi na keş enekpole, ali inyoghuo Onomhue ali iPita e li roshi. Eghẹghe agho ni mhi li ke rue ọli mhue obo ini mhia le asha? <sup>6</sup>Abi khi mhẹmhe ali iBanabasi tse anye leşẹ khi eni e ri obo oyewe e gbe akanya ke ri eminale na egbe anye le? <sup>7</sup>A me okhọli-okhue ni lolighuo ọ fali egbọli ota? Oghiale onoghuo ọa ya le emhi ekomhi eyọli? Oni ọ ri ena kia onoghuo ọa ya rọte ena eyọli da amẹ inyeli?

<sup>8</sup>Abi usamhi oyi egbo o li mhi lie ngme ọli, abi khi eri ushi ọa li mu ma ọ? <sup>9</sup>Irari khi a keke ọli shi ebe Ushi oyi iMosisi, “Khi mu ẹna onokpo unu zu ini u roli e mheli ikpamhi emhi.” Ingme oyi ẹna weş khi Eshinegba ọ li ghọ leşẹ sa?††

††9:9 Li ze iDeut 25.4; 1 iTimo 5.18

<sup>10</sup> Itobọ oyawa ọ rọ ngme onana? Ii, irari oyanye a rọ lighọ keke ọli. Itobọ khi ogbọ ni ọ gua ọ kha gua ni ọni ọ khiesẹ ọ rọ khiesẹ, eri e ga rọli shi udu khi wẹwẹ e ya mhuẹ okemhi shi eni emhi ekomhi. <sup>11</sup> Aborokhia khi anye she ri emhi ayemhẹ kọ iteva oyẹ ẹ egho, anye khi eni e kha rọte obọ oyẹ ẹ li khiesẹ emhi ikpaghiobọ ni a mẹ ẹloe.<sup>¶</sup> <sup>12</sup> Ini o khia khi egboese e te ni a ri ikpaghiobọ ẹ na, ọa khi anye kha ga mema te ọ ne? Ama anye ẹa rue ẹte-awẹ oni afu ona.

Ochogho, eri anye ri egbe mie emini anye mẹ kpa ini anye khi zu usomhi onete oyi iKirisiti ode. <sup>13</sup> Aa leşe khi eni e la Owa Oyi Eshinegba a gbe akanya, khi oni owa e te ẹ le eminale, ali khi eni e la atẹte ẹ ga, eri e rọte emini a rọ luasobo ẹ kemhi? <sup>14</sup> Igho, Onomhuẹ ọ li mhese ọli eni e ri usomhi onete a tse abọ, e rọte ọ ke le emhi.<sup>§§</sup>

<sup>15</sup> Ama mhia kie ri eni afu ena gbe akanya deba ẹ, wẹkhi eri mhi keke ebe ona ni a ba riẹle emhi eghogho na mhe. O tinẹ ni mhi bie ghu-a ni ogbọ ọ rọ liẹ mhi khi tonon obọ udu. <sup>16</sup> Mhia mhuẹ afu ni mhi rọ tonon obọ udu shi usomhi onete ni mhi rọ tse abọ. Eri a mhese ọli na mhe. O ma kholo mhe egbe ini mhia ri oni usomhi onete tse abọ! <sup>17</sup> Ini o khia khi eri mhia tsabọ ungmehi oyi Eshinegba itobọ khi o ghọle mẹ. A ya fali mhe ota. Ama ini o riẹ khia khi ọa ghọle mhe, emini Eshinegba ọ rọ nga mhe obọ lo ni mhia riẹle <sup>18</sup> Ighẹ ifata ni mhi ke ya mie mena? Afa o khi na mhe ni mhi ke tsabọ oni usomhi onete, ni mhia khi oki shi ọ, ni mhia mie emini e khi eyemhẹ shi akanya oyi itsabọ usomhi onete.

<sup>19</sup> Mhemhẹ ghuo mhi mhese ona na egbemhẹ, mhia khi oghumha oyi ogbokhoghuo, ama mhi ri egbe mhe mele oghumha oyi ogbokpa-a, ni mhi rọ lu

ebubu egbo na iKirisiti abi mhi li dobe. <sup>20</sup> Abi mhi rọ nu egbo iJu u gbe akanya, mhii ngeli abi ongi iJu ni mhi rọ dobe lu wẹ. Abi o riẹ khia khi ushi iMosisi ọa mu mẹ, mhi kiele ẹ ngeli abi oni ushi o mu ini mhi nu egbo ni e la oni ushi gbe akanya, ni mhi dobe lu wẹ. <sup>21</sup> Igho o li khi, abi mhi rọ nu egbo iJeta ẹ gbe akanya, mhi ngeli abi ogbo ni ọa khi iJu ni ushi iJu ọa mu ni mhi rọ dobe lu wẹ. Ona ọ liẹ khi mhi aa ke ri ushi oyi Eshinegba a gbe akanya, ama ushi oyi iKirisiti mhi rọ gbe akanya. <sup>22</sup> Ini mhi la ifuabọ oyi eni irudunga oyewẹ ọa toto, irudunga oyemhẹ o li abi oyewẹ, ni mhi rọ dobe lu wẹ. Emhikpa mhia mela-a na egbo nya, ni mhi rọ tsumhi eghuo, ode ni mhi ya te dobe riẹle ọli kpa.

<sup>23</sup> Enana nya, irari oyi usomhi onete mhi rọ lighọ ni mhi mhuẹ okemhi shi ikhivose eyoli.

<sup>24</sup> A leşe khi ebubu egbo e migha shi unamhi ni a na, ama oghuo elemhi wẹ ọ kpe na a pfo, ni ọ mie eleli unamhi. Irarigho, a na ode ni a te ya mie eleli oyi unamhi. <sup>25</sup> Eri ogbokpa ni ọ la unamhi ya na ọ kpe ẹ wena ushi unamhi egbegbo. Eri ẹẹ na ni e mie arula oghie ni ọọ ke-a. Ama arula ni o laọ agboagbo awa na unamhi ẹ shi. <sup>26</sup> Onana o zẹ ni mhi rọ na unamhi oyemhẹ sheshe ya ramhi ukpese. Lo li o zẹ ni mhia rọ li abi opfiekpa ni ọọ pfi ekpa kua irarogbe. <sup>27</sup> Eri mhia nase egbe eyemhẹ ni mhi dobe mhese ke na wẹ. Mhi aa nono, ini mhi tsabọ oni usomhi onete ona se, ni mhi khi oni a khu pfa.

### A rọte okhe oyi egbo iZireni tse agua ye egbo

**10** Inyoghuo, mhia nono ni a sato emini itita awa ni e deba iMosisi e mẹ. Oguese oyi otughunu o khukhu

<sup>¶</sup>9:11 Li zẹ iRom 15.27

<sup>§§</sup>9:14 Li zẹ iMat 10.10; iLuk 10.7



wę, węcę nya e gbo rōte okę ifulọ ya dōşę tselele.\* <sup>2</sup>Elemhi otughunu ali okę onięmhi e la batazi abi eni ę deba iMosisi. <sup>3</sup>Węcę nya e le eminale ayęmhę.† <sup>4</sup>E gbo da amę oyi ayęmhę oghuo ni o rōte ęchę ayęmhę ni oo deba węc tu. Oni ęchę khi iKirisiti.‡ <sup>5</sup>Abi o tseku li ghọ, egbe ęa mu Eshinęba deba ebubu węc, itobọ igħo, eri a miatşę ilimhi eyęcę ku ọdagbe ifufu.¶

<sup>6</sup>Mena, ena nya irọkhasę e khi na awa, ni o tse agua ye awa, awa khi mhue ọghuęmhę na emhi ebe abi węcę e li,§ <sup>7</sup>węc khi ilitsa awa ya ga abi eghuo ọ e li. Ebe-no-pfuasę o ngme ọli khi, “Eni egbọ e shito le, e da, e gbe ishimhi idobię, e ku itşębọ.”\*\* <sup>8</sup>Awa khi khili ena itşębọ abi eghuo ọ e li, ni o zę khi agbeleę uye ali ese, 23,000, e ghuloa ogbeleghuo.†† <sup>9</sup>Awa khi mu Ọnọmhue fę bino abi eghuo ọ e li, ni enyę e rọ gbolo węc-a.‡‡ <sup>10</sup>Awa khi wọlọ abi eghuo ọ e li ni Ageni eghuli ọ rọ gbolo węc-a.¶¶

<sup>11</sup>Eri emhi ena nya e li węc, ni a rọ sęşę awa ingme ęle-lese, a kękę węc shi ekę tse agua yę awa ni awa la ęghęghę ikpukhokho agbọ ona.

<sup>12</sup>Ini u dabi khi u migha, guę kia ini u khi de odę-a. <sup>13</sup>Aa mę imufę okhoghuo ni a mę egbe, ni ọa khi onabi ęgbọşę ęa mę ghue. Ama Eshinęba ọni a ri egbe ę nga lọ. Ọa ya zę ni a mu ę fę ni o fu dōşę

ę, ni aa ya dōbę ri egbe mie. Ama ini a mu ę fę, Eshinęba ọ ya ri odę ni a te ya pfue ọ bhale, ni a rọ dōbę ya ri egbe mie.

<sup>14</sup>Irarighọ, inyoghuo, a nuata shi ikhumhi ọ. <sup>15</sup>Eri mhi nu ę ngme abi ęgbọ ęleşingme. Eę ghuo a sa emini mhi ngme. <sup>16</sup>Ini awa rōte uko ni awa lema Eshinęba ọ khivōşę shi da, ọa khi ọlia eyi iKirisiti awa da? Ini awa le ibulędi ni awa kemhi, ọa khi idiegbe oyi iKirisiti ni awa le?§§ <sup>17</sup>Irari khi ibulędi oghuo o khi, awa nya ini awa tseku bu, idiegbe oghuo awa khi, irari khi eminale oghuo awa kemhi.

<sup>18</sup>A sa ingme oyi ęgbọ iZiręni ghue. Ọa khi eri węcę nya ni ę le eminale ukhomhi atętę ugamhi e ga mhọli obọ shi oni ugamhi oyi Eshinęba egħo?\*

<sup>19</sup>Eri mhi ri ona lię khi olitsa ali eminale ni a rọ luasę ọli khi egbegbi emhi e khi? <sup>20</sup>Iiye o! Emini mhi a ngme khi, emini eni ę ga ikhumhi e rọ luasę obo atętę, ọkphaghie e ręcę ę luasę, ọa khi Eshinęba. Mhi aa nono ni a mhue kugbe iyęmhę ọkphaghie ọ.† <sup>21</sup>Wa ya rōte uko oyi Ọnọmhue da, u gbo rōte uko oyi ọkphaghie da. Wa ya rōte ukpekọ oyi Ọnọmhue le, u gbo te ukpekọ oyi ọkphaghie le. <sup>22</sup>Abi khi eri awa nono ni Ọnọmhue ọ ke kpe ofuma? Eri awa dabi khi awa toto dōşę ọli?‡

\*10:1 Li zę Okiali 13.21-22; 14.22-29

†10:3 Li zę Okiali 16.35

‡10:4 Li zę Okiali 17.6; iNọba 20.11

¶10:5 Li zę iNọba 14.29-30

§10:6 Li zę iNọba 11.4

\*\*10:7 Li zę Okiali 32.6

††10:8 Li zę iNọba 25.1-18

‡‡10:9 Li zę iNọba 21.5-6

¶¶10:10 Li zę iNọba 16.41-49

§§10:16 Li zę iMat 26.26-28; iMak 14.22-24; iLuk 22.19-20

\*10:18 Li zę iLev 7.6

†10:20 Li zę iDeut 32.17

‡10:22 Li zę iDeut 32.21

### Ɛpfua ni eni e miesuo e mhōli

<sup>23</sup>“Emini o ghōle awa, awa doḅe ya rieḷe.” Abi a li ngme ọli. Ama aa khi emhikpa o mhōli eleli. “Emini o ghōle awa awa doḅe ya rieḷe.” Ama aa khi emhikpa o mhōli ikpaghiobo.<sup>†</sup> <sup>24</sup>Og-bōkhoghūo ọ khi lẹṣe ke na shi onote oyi egbōli tṣe ama onete oyi ẹgbōṣe.

<sup>25</sup>Ɛlamhi kpa ni a rọ ọ dẹ oki, ke dẹ ọli le, khi ri irari udu oye ni ọọ gue ẹ ẹzọ mhila ogbō okhōghūo shi ọ. <sup>26</sup>Irari khi Ebe-no-pfuase o ngme ọli khi, “Eke ali emini e la ọ nya, khi Ọnṣmhuẹ o ga mhōli wẹ.”<sup>§</sup>

<sup>27</sup>Ini ogbō ni ọa miesuo ọ luẹ ukue, ni u rọ sa li shi udu khi u ya ye, le emiemini ọ rọ shi ẹ eke. Khi mhila ogbō okhōghūo oyi udu ni ọọ gue ogbō ẹzọ.

<sup>28</sup>Ama ini ogbōkhōghūo ọọ ye, “Eminale ona, ikhumhi a rōli luase.” Khi le oni eminale ogbō, irari usamhi udu oyi ọni ọ gueye ogbō, ali irari udu oye. <sup>29</sup>Aa khi irari usamhi udu oye, ama irari usamhi udu oyi ọni ogbō ogbō. “Elo o zẹ khi ogbōṣe o ke ya khi ọzuode shi ẹpfua oyemhẹ, irari udu oni ọ gue ogbō ẹzọ oyi ọli?” <sup>30</sup>Ini mhi kphemhi na Ɛshinẹgba shi eminale ni mhia le, elo o zẹ khi ogbōṣe ọ ke tsue mhẹ shi eminale ni mhi kphemhi shi?”

<sup>31</sup>Abi o laọ shi khi, emiemini u wa rieḷe kpa, ni u wa le, ni u wa da, rieḷe ọli shi ufumhi oyi Ɛshinẹgba. <sup>32</sup>Khi ngeli angeli ni o ya ri ogbōkhōghūo de, o khi ẹgbō iJu okekhi ẹgbō iJeta okekhi igbaa oyi eni e mie iJesu iKirisiti suo eyi Ɛshinẹgba. <sup>33</sup>Eri mhi dua ni mhi rieḷe emini o ti ogbōkpa ẹloe odekhode. Irari khi

mhia lẹṣe na khu oyi mhẹmhẹ ghūo, ama oyi ogbōkpa ini a mie wẹ pfuse.

**11** A ke khonya mhẹ abi mhi liẹ khonya iKirisiti Ọnṣmhuẹ.<sup>\*\*</sup>

### Ukhomhi iguese elemhi ugamhi

<sup>2</sup>Mhi kuẹghie ẹ shi abi a liẹ sato mhẹ egbe ni a rọ a deba osese ni mhi sese ẹ.

<sup>3</sup>Ama mhi a nono ni a lẹṣe khi iKirisiti ọ khi ukhomhi oyi ọmose nya, ali khi ọmose ọ khi ukhomhi oyi Ọkpoto. Ama Ɛshinẹgba ọ khi ukhomhi oyi iKirisiti. <sup>4</sup>Irarigho, ọmose ni ọọ sọ iromhi okekhi eri ọ ngme ungmehi imeguele, ni ọ rọ da ri emhi guese ukhomhi ne, oyeghe ọ rọ ghi iKirisiti ni ọ khi ukhomhi oyoli.

<sup>5</sup>Igho ọkpoto ọkhōghūo ni ọọ sọ iromhi okekhi eri ọ ngme ungmehi imeguele, ni ọa rọ da ri emhi khukhu ukhomhi ne, eri ọ yeghe-a, eri ọ ri ọdoli ni ọ khi ukhomhi oyoli she-a, eri o bie li abine khi ọ kpogholo itsu ukhomhia.

<sup>6</sup>Ini ọkpoto ọa da khukhu ukhomhi ne, ọ ka ta itsu ukhomhi-a nyaa. Ini o da khia khi emhi omama ọọ khi ini ọkpoto ọ kpogholo itsu-a egho, ọ ke khukhu ukhomhi oyoli. <sup>7</sup>Ọa ye ni ọmose o khukhu ukhomhi oyoli, irari khi irokhokho ali ufumhi oyi Ɛshinẹgba ọ khi. Ama ọkpoto ufumhi oyi ọmose ọ khi.<sup>††</sup> <sup>8</sup>Irari khi aa rọte egbe oyi ọkpoto ma ọmose, ama idiegbe oyi ọmose a te ma ọkpoto. <sup>9</sup>Aa ma ọmose na ọkpoto, ama ọmose a ma ọkpoto na.<sup>‡‡</sup> <sup>10</sup>Itobo onana, ali irari oyi igeni, ọkpoto ọ ke khukhu ukhomhi oyoli ni ọ rọ rokhase khi ọ kie la omhesẹ oyi ọdoli.

<sup>11</sup>Elemhi Ọnṣmhuẹ ni awa ga la, ọkpoto ọa khi ọngeli, wẹ khi ọmose ọ khi ọngeli ni wẹwẹ aava ẹa mhūe abi e

<sup>†</sup>10:23 Li zẹ 1 iKori 6.12

§10:26 Li zẹ Iwolo 24.1

\*\*11:1 Li zẹ 1 iKori 4.16; iFili 3.17

††11:7 Li zẹ Igbae 1.26-27

‡‡11:9 Li zẹ Igbae 2.18-23

lię rięle ugamhi kugbe. <sup>12</sup> Irari khi abi a rōte ọmōse ma ọkpotoso, igho ọkpotoso o li bia ọmōse. Ama emhikpa obọ oyi Eshinegba e te bhale. <sup>13</sup> Eę ghuo a sọ o bino ini o ti ni ọkpotoso o ke sọ iromhi lema Eshinegba ọa ri emhi khukhu ukhomhi elemhi owa ugamhi? <sup>14</sup> Abi a ma emhi nya shi rōte ekẹ vu, ọa sẹsẹ ẹ khi, omama o khi ni ọmōse o rọ mhue itsu ni e nuẹ dọlọ shi ukhomhi? <sup>15</sup> Ama khi ini ọkpotoso o mhue itsu ni e nuẹ shi ukhomhi khi ufumhi ali isomhotse o khi na li? Eri a ri itsu ni e nuata na li ni o rọ khukhu ukhomhi. <sup>16</sup> Ini ọgbọ o nono ni lọli khakọ shi ingme onana, emini mhi mhue ya ngme khi, anye-a mhọli ode olese ni anye te ẹ rięle, igho li khi igbaa nya eyi eni e mie iJesu iKirisiti suọ eyi Eshinegba.

### Ushi oyi Eminale no pfuase oyi Onomhue

(iMat 26.26-29; iMak 14.22-25; iLuk 22.14-20)

<sup>17</sup> Rōte omhese ni mhi rọ bhale, mhi aa kueghie ẹ, irari khi ilona kugbe shi ugamhi oye ẹ, ọọ li oyese dose onete. <sup>18</sup> Irari onodode, a she gueye mhe khi okemhi ọọ la iteva oye ini a lona ilegba abi eni e mie iJesu iKirisiti suọ. Mhi mie shi o khi igho o khi. <sup>19</sup> Aa me emini o ze khi aa ya khako. Ama oni ekhako ona o ya ri eni Eshinegba o mie iteva oyi ẹ khase. <sup>20</sup> Ini a lona kugbe shi oghuo, ọa khi eminale oyi Onomhue o khi ni a le, <sup>21</sup> Irari khi ini a le, aa ya migha khe egbe. Ogbogbo o rue eminale oyoli ẹ le. Irarigho, eri eghuo ẹ da pfueche egbe-a, eghuo ẹa ga me le kpa. <sup>22</sup> Aa mhue apfe oye ẹ ni a la le ni a la da? Abi khi eri a ri eloe a gbe igbaa oyi eni e mie iJesu iKirisiti suọ oyi Eshinegba? Eri a nono ni a ri omama mu egbo ni ẹa mhue emhikhoghuo? Se a nono ni mhi ngme

shi onana? Eri mhi ya kueghie ẹ mena? Iiye o!

<sup>23</sup> Irari khi obọ oyi Onomhue mhi te mie ose se ni mhi sese ẹ. Khi iJesu Onomhue, eliyose ni a roli de, o rue ibuledi, <sup>24</sup> o kphemhi na Eshinegba o khi oli-a, ọọ li, "Idiegbe oyemhe na ni a rọ na e, a ke li ona rọ sato mhe egbe." <sup>25</sup> Igho o gbo li, abi e rọ le se. O rue uko onyo, ọọ li, "Onana o khi uko oyi ilama kugbe onogbo, ni a ri oia eyemhe rięle. Ini a da lina da ne, eri a da li rọ sato mhe egbe."<sup>¶</sup> <sup>26</sup> Irari khi eghęghę kpa ni a rọ da le ibuledi onana ni a rọ da oni uko onana ne, eghuli oyi Onomhue u rọ tse abọ egho neni o ya bhale.

<sup>27</sup> Onini o da le ibuledi oyi Onomhue ni o gbo rōte uko oyoli da, ode ni ọa gbe akanya ne, o she lue, o lamhe shi idiegbe ali oia oyi Onomhue o. <sup>28</sup> Irarigho, ogbogbo o bino egboli bie ne neni o tige le, neni o rōte oni uko da. <sup>29</sup> Ini u waa da lese emini oni idiegbe oyi Onomhue ona o migha shi ne, ni u rọ da le oni ibuledi ni u rọ gbo te oni uko da, u she le u gbo da rọ ri iguezo bhale ghi egbe ẹ. <sup>30</sup> Ona o ze ni ebubu ẹ e rọ o ghua, eghuo ẹa mhue ochi, ebubu e she ghulo-a. <sup>31</sup> Ini awa kpe gue egbe awa ẹzo awa aa ya de pfilo ẹzo oyi Eshinegba. <sup>32</sup> Ini Onomhue o gue awa ẹzo, eri o sese awa ingme ini awa khi nu agbo pfua.

<sup>33</sup> Irarigho, ẹ inyoghuo-mhe, ini awa lona ni awa rọ ya le eminale oyi Onomhue, awa ke migha khe egbe. <sup>34</sup> Ini a me oni okiamhi ọọ gbe, o la apfe le emhi ini a khi lo ẹzo oyi Eshinegba, ini a lona kugbe. Mhi ya pfuse ingme enekpole ngme ini mhi bhale.

### Isomhopfa Ayemhe

**12** Mena ni mhi rọ sọ shi ogbo ni a mhila mhe ingme isomhopfa Ayemhe-no-pfuase.

<sup>¶</sup>11:25 Li ze Okiali 24.6-8; iJere 31.31-34

Mhia nono ni a leṣe egbegbingme ni o la o. <sup>2</sup>A leṣe khi eḡheḡhe ni a ro khili eni eḡ miesuo, a di e lo ode ni a la luase ilitsa ni eḡ mhue ayemhe. <sup>3</sup>Mhia nono ni mhi gueye e khi aa me ogbo ni Ayemhe oyi Eshinegba o ro gbe akanya ni o ya lie, "A pfi unu na iJesu!" Aa me oni o gbolo ya lie, "IJesu o khi Onomhue!" Ini oḡa li khi Ayemhe-ḡ-pfuase o seṣe oḡi.

<sup>4</sup>Isomhopfa oḡoḡa e la o, ama Ayemhe oghuo o kemhi we. <sup>5</sup>Oḡe ebubu e laḡ ni a te e ga Onomhue, ama Onomhue oghuo awa ga. <sup>6</sup>Oḡe oḡoḡa Eshinegba o te e gbe ikanya elemhi agbo eyi awa, ama oni Eshinegba o ligho gbe oni akanya ona roḡe idiegbe oyi awa nya. <sup>7</sup>Oḡboḡbo a ri isomhopfa Ayemhe na, ni o ro ke gbe akanya ni o kpaghie oḡboḡpa obo. <sup>8</sup>Oni Ayemhe loḡi o ri isomhopfa oyi ungmehi eḡbhali na oḡbo oghuo. Oni Ayemhe o kie gbolo ri isomhopfa ile- ingme a na oḡboese. <sup>9</sup>Oni Ayemhe o gbo ri irudunga oniemi a na oḡbo. Oni Ayemhe oghuo o kie gbo ri ekpabo na oḡboese ni o ro ri oḡbo toto. <sup>10</sup>Oni Ayemhe o ri ekpabo na oḡbo ni o ro gbe ikanya onyaloa, o ri ekpabo na oḡboese ni o ro me eke guele. O gbo ro-na oḡboese ni o leṣe ikhiḡoḡa ni o la iyemhe oḡoḡa o. O ro-na oḡbo ni o ro doḡe e ngme emue oḡa, o ro-na oḡese ni o doḡe guele abi oni emue oḡoḡo o ngme. <sup>11</sup>Ama Ayemhe oghuo o kie khi ni o ga gbe eni ikanya eḡho abi o ḡhoḡe oḡi shi. O ri isomhopfa oḡoḡa na oḡboḡbo.<sup>§§</sup>

### **Idiegbe oghuo ni o mhue iguabo oḡoḡa**

<sup>12</sup>Eri iKirisiti o li abi idiegbe oghuo ni o mhue iguabo oḡoḡa, idiegbe oghuo o kie khi, ini o tseku mhoḡi iguabo ebubu oḡoḡa.\* <sup>13</sup>Iḡho awa nya awa gbo li, o khi onḡi iJu u khi, okekhi onḡe iḡeta, o

ke khi oghumha oo, o ke khi oni oḡo khi oghumha, a she batazi awa shi idiegbe oghuo roḡe oni Ayemhe oghuo oḡho, a kie gbo ri oni ayemhe oghuo oḡho na awa.

<sup>14</sup>Irari khi idiegbe oḡa khi uguobo oghuo tse loḡi nya o khi, ama iguabo ni e bu o mhoḡi. <sup>15</sup>Ini owe o gueye obo, "Irari khi mhia da khi obo, mhi aa ke kugbe idiegbe o," Oni owe oḡa kie khi oyi idiegbe? <sup>16</sup>Ini esḡ oḡo khi, "Irari khi mhi aa khili eḡoe, mhi aa ke khili oyi oni idiegbe." Oḡho o ya lie khi oḡa ke la oni idiegbe? <sup>17</sup>Ini idiegbe nya o khili eḡoe lo, se o kha li ke suo. Abi ini idiegbe nya o ke khili esḡ lo, se o kha li ke suo issue? <sup>18</sup>Abi o li khi, eri Eshinegba o tono iguabo egbe oḡoḡa ma shi idiegbe abi o li nono oḡi shi. <sup>19</sup>Idiegbe o ya ḡpafḡo, ini o khia uguabo oghuo tse loḡi nya o khi? <sup>20</sup>Abi o li khi, iguabo oḡoḡa e la o, ama idegbe oghuo kpe o khi. <sup>21</sup>Irarigho, eḡoe oḡa ya lie obo, "Mhi aa mhue emini mhi re ya li!" We khi ukhomhi o ya lie awe mhia mhue emini mhi re ya li. <sup>22</sup>Ini awa te ukiekie o obini o kpoḡe oyi ingme ona bino oḡi, iguabo oyi idiegbe ni oḡa lolo toto, oḡa ze idiegbe ya tsua pfi, <sup>23</sup>ama idiegbe ni awa bino khi eḡa lolo mu eḡoe, wewe awa ga sono itsua gueṣe. Awa a kuegbea gueṣe iguabo idiegbe ni oḡa ti ni a ke khueghie-a shi eke ni aa me eḡoe, <sup>24</sup>Ama awa aa ya so itsua gueṣe ikpe ni e ze ro o shi eke ni eḡboese e me eḡoe. Eri Eshinegba o ligho rieḡe idiegbe, ni awa mu ekpe na iguabo ni e li abine khi eḡa lolo mu eḡoe. <sup>25</sup>Itobo iḡho, okemhi oḡa la idiegbe, eri ikpe oḡoḡa eḡho e ri eḡoe a khu egbe. <sup>26</sup>Ini asha eḡho oḡo me osoli, ikpe enekpoḡe nya e li nu oḡi a me oni osoli. Ini a ri ekpe na uguabo idiegbe oghuo eri enekpoḡe nya eḡe ḡheḡe.

§§12:11 Li ze iRom 12.6-8

\*12:12 Li ze iRom 12.4-5

<sup>27</sup> Eẹ nya idiegebe oyi iKirisiti a khi, oḡbọḡbọ ọ khi uguobọ oyọli. <sup>28</sup> Elemhi igbaa oyi eni e mie iJesu iKirisiti suọ, onodode, Eshineḡba ọ zẹ ighiusomhi na keẹ, onuzi-eva ọ zẹ emekeḡuele, onuzi-ese, esese, ọ tigbe ri eni ẹ gbe ọnyaloo shi asha eghuo, gbo li shi eni mhọli isomhopfa ni a rọ ri oḡbọ ze. Ọ gbo zẹ eni e guẹ ẹ kpaghie eḡbọese obọ, elese ọ zewẹ eni e guẹ ri omhese kia, ali eni ẹ ngme emue ọdoda.† <sup>29</sup> Wewẹ nya e khi ighiusomhi na keẹ? Wewẹ nya e khi emekeḡuele? Wewẹ nya e khi esese? Oḡbọpa ọ doḡe a gbe akanya ọnyaloo? <sup>30</sup> Wewẹ nya e mhọli isomhopfa oyi iri-ogbo ze? Eḡbọ nya e guẹ ngme emue ọdoda? Abi khi wewẹ nya e guẹ ẹ guẹle abi oni emue ọdoda o ngme? <sup>31</sup> Irarigho, awa ke nono isomhopfa ni o tinẹ nya.

Mhi ya ri ode ni o tinẹ nya khasẹ ẹ.

### Inono

**13** Ini mhi ga guẹ ẹ ngme emue oyi eḡbọ ali oyi igeni, ni mhi aa rọ mhuẹ inono, okeke ulo ali okeke ipẹpe itasa mhi khi. <sup>2</sup> Ini mhi mhuẹ isomhopfa imekeḡuele ali ni mhi rọ lese udi osheli ali ilese nya a guẹle. Mhi kha mhọli irudunga ni a rọ doḡe ọoghie ite, ni mhi aa rọ mhuẹ inono, afue mhi khi.‡ <sup>3</sup> Mhi kha ga ri emini mhi mhuẹ nya somhopfa, ni mhi rọ ga ri egbe mhe bhale ni a tose-a ni mhi ba tono obọ udu, ni mhi aa rọ mhuẹ inono, mhi aa mhuẹ elele okhoghuo ni mhi ya me.

<sup>4</sup> Eri inono o mhọli irabomudu, o mhọli isomhelemhi. Ọa ya kpe ofuma, ọa ya tono obọ udu, ọa ya vuse ike. <sup>5</sup> Inono ọa ya ngeli angeli obe, ọa ya khu oyọli tse, elemhi ẹa keḡe bi inono, ọa ya keke ingme ni a li ọli ya shi na oḡbọ. <sup>6</sup> Ọa ya me emhi obe ni ọọ ke gheḡe shi ọ, ama emhi egbegbingme o gheḡe ẹ shi. <sup>7</sup> Ọa

ya mhọli ukhimhi-elemhi. Irudunga ali irudushi, ali irabomudu oyọli ọa ya ba li ku.

<sup>8</sup> Inono ọa mhuẹ ukpese. Imekeḡuele e la ọ, eri-tse khi e ya doḡe, isomhopfa oyi ingme-emue ọdoda e la ọ, ama e ya doḡe, ileḡingme e la ọ, ama e ya doḡe. <sup>9</sup> Irarikhi isomhopfa ileḡingme ali imekeḡuele oy-awa ẹa ya gba pfo. <sup>10</sup> Ama ini oni o gba pfo o ramhi, oni ọa gba pfo o kele-a. <sup>11</sup> Abi mhi rọ khi omo, emue ali isamhi ali akhokhomhe eyemhe, e khi eyi omo. Mena abi mhi rọ ke khi oḡbhali, mhi aa ke mhuẹ emini mhi ri angeli omo a li. <sup>12</sup> Emini awa me memena, eri o li abi aroro ni awa rote ughegbe ẹ me lishilishi. Egheghe agho o kha ramhi, awa ya me ọli ghemhe, ghe ẹ. Emini mhi lese, ọa gba pfo, ama egheghe agho, o ya gbapfo, abi Eshineḡba ọ li sese mhe pfo.

<sup>13</sup> Ama eni emhi ese enana e kie migha: Irudunga, irudushi, ali inono. Oni o ga fune nya shi we ọ khi inono.

### Isomhopfa imekeḡuele ali emue

**14** Zobe ni inono o khi emini u na a khu.

Ke dua ni u mhọli isomhopfa eyi Ayemhe no pfuase, tete isomhopfa imekeḡuele. <sup>2</sup> Oḡbọ ni ọọ ngme emue ni oḡbọ ọa lese emini ọọ ngme, Eshineḡba ọ nu ẹ ngme, irari oḡbokhoghuo ọa ya lese emini ọ ri eni ingmemhi ngme. Egbegbi ingme osheli ọ rote Ayemhe no pfuase ee ngme. <sup>3</sup> Ama oḡbọpa ni ọ meke ngme guẹle, eri ọọ nu eḡbọ ọ ngme, o kpaghie we obọ, ọ ri udu shi we ọ, ọ ri udu pfomhi we. <sup>4</sup> Oḡbọ ni ọọ ngme emue ọda ni eḡbọ ẹa lese emini o ngme, eḡbọli ọọ kpaghie obọ, ama oḡbọ ni ọ mekeḡuele, igbaa oyi eni e mie iJesu iKirisiti suọ nya ọọ kpaghie obọ. <sup>5</sup> O ga ghole mhe ni ee nya a ke ngme emue ọdoda, ama

†12:28 Li zẹ Efi 4.11

‡13:2 Li zẹ iMat 17.20; 21.21; iMak 11.23

oni o ghole mhe ne khi ni a ga mhōli isomhopfa imekeguele. Irari khi ōni o mekeguele o mu eloe doṣe ōni o ngme emue oḍa. Seṣe ni eri ogbo o la agho ni o guele abi o ngme ni ogbokpa ni o la igbaa oyi eni e mie iJesu iKirisiti suo o mhue ikpaghiobo.

<sup>6</sup>Igho inyoghuo, ini mhi bhale deba e ni mhi ro o ngme emue oḍa, onete onoghuo o ya rieḷe na e? Oa khi ini, mhi gue irokhase ni mhi rote obo oyi Eshinegba me ye e, okekhi emini mhi lese mhi gueye e, okekhi imeguele mhi gueye e, okekhi ungmehi osese mhi ro bhale ghi e, o ya ri eleli na e? <sup>7</sup>Bino itsua ni ea mhue ayemhe, ni ee ngme, enabi ofele ali efa. Seṣe ogbokhoghuo o li ya lese emini a kpheli, ini oa suo obini a mu abo we je? <sup>8</sup>Ali ōni oo pfi akala, ini oa li pfi oli gboo ni o de uruli ni a suo, oghuo o ya mu egbe okhōli? <sup>9</sup>Igho khi, ini u ri emue ni egbo ea ya suo o ngme ingmemhi ni e mhōli ileasingme, ogbokhoghuo oa ya lese emini wa ngme. Eri u lese ke ngme kua idane! <sup>10</sup>Emue ebubu e la agbo ona, wewe nya e khi eni e ti shi eni e ngme we o. <sup>11</sup>Ama ini mhi aa lese emue ni a ngme, ōni o nu mhe ngme, ofese o khi shi me o, mheme khi ofese shi oli o. <sup>12</sup>Aborokhia khi isomhopfa eyi ayemhe e mema kiele e ghole e egho, a ke nono isomhopfa eni e ya ri ikpaghiobo ghi igbaa oyi eni e mie iJesu iKirisiti suo.

<sup>13</sup>Itobo igho, ōni oo ngme emue oḍa o mema ya lema a ri ekpabo ni o ro o ke guele abi o ngme na li. <sup>14</sup>Irari ini mhi ri emue oḍa a so iromhi, ayemhe oyemhe oo so iromhi, ama udu oyemhe oa ya mhe mhue emini o mu o. <sup>15</sup>Se mhi ke ya li sho? Mhi ga ya rieḷe wewe eve-eva ena. Eri mhi ya ri ayemhe oyemhe so iromhi, mhi gbo li ri udu oyemhe so. Mhi ya ri ayemhe oyemhe to uwolo, mhi gbo li ri udu oyemhe to. <sup>16</sup>Ini u ri ikphemhi na

Eshinegba elemhi ayemhe tse, se egbo enekpole ni ea ya suo ikphemhi ni u ro na Eshinegba e lie suo, ni e mie Atse shi e oni iromhi ali ikphemhi? Ea mhue abi e li ya lese emini u wa ngme. <sup>17</sup>Ini o tseku khia khi iromhi ikphemhi eye khi enete lo, ea ga kpaghie egbo enekpole obo. <sup>18</sup>Mhi kphemhi na Eshinegba khi mhi ga ngme emue oḍoḍa doṣe ee nyaa. <sup>19</sup>Ini a la ugamhi igbaa oyi eni e mie iJesu iKirisiti suo, o ti mhe egbe ni mhi lese ngme ikpamhi ingmemhi ishe tse ni egbo ya suo abi mhi rewe ngme, ro sese we, ocho ni mhi ro ri emue oḍa ya ngme ingmemhi agbele ni ogbokhoghuo oa ya suo abi mhi rewe ngme.

<sup>20</sup>Inyoghuo-mhe, a khi ke sa abi eniye. A mhōli isamhi abi egbhali ama a li abi emofe ni ea lese emhikhoghuo obode onobe iriele. <sup>21</sup>A keke oli shi Ebe-nopfuase khi,

“Emue oḍa mhi ro ya nu egbo eyemhe ngme. Mhi ya ri uruli epfese ngme, ama ini o tseku khi igho, egbo eyemhe ea ya ri eso shi mhe eke, igho Onomhue o ngme.”<sup>f</sup>

<sup>22</sup>Itobo igho, emue oḍa, oa khi emhi onyaloa shi eni e miesuo o seṣe ni eni ea miesuo. Ama imekeguele, eni miesuo o mema go lu, oa khi oyi eni ea miesuo. <sup>23</sup>Irarigho, ini igbaa oyi eni e mie iJesu iKirisiti suo kpa e legba ni ogbokpa o ro o ngme emue oḍoḍa, eshebbhe ali eni ea miesuo, ea ya lie khi ujili oo kpha e nya? <sup>24</sup>Ama ini ogbokpa oo mekeguele, ni egbo ni ea miesuo okekhi ogbo ni oa lese emini a rieḷe o ro lo le. Rote ingmemhi ni oo suo, o ro ya lese khi ona olamhe loli khi, ni o khi ōni o mu pfi. <sup>25</sup>Osheli isamhi udu eyoli e ya khueghie-a gboo. O de yeshi, oo ga Eshinegba, oo lie, “Eshinegba o la e iteva egbegbo.”

<sup>f</sup>14:21 Li ze Aza 28.11-12

### Ugamhi ni ọa mhuẹ ozughu

<sup>26</sup> Inyoghuo, abi mhi ri ona ngme khi, ini a lona kugbe shi ugamhi, ni oghuo ọ rọ mhọli uwolo, okekha khi oghuo ọ mhọli emini ọ sẹsẹ, okekhi irokhase ọlese ọ mhọli, okekhi emue ọda ọlese ọọ ngme, okekhi aguele emini a ri oni emue olese ngme mhọli. A riẹle enana nya rọ kpaghie igbaa oyi eni e mie iJesu iKirisiti suọ obo. <sup>27</sup> Ini ogbo ọ ya ngme emue ọda, egbo aava tse e lese ngme, ini e khi e bu dose, e khi aase. Ama ọtuoghuo oghuo ọ kpẹ ke ngme, ogboese ọọ guele abi ọọ ngme. <sup>28</sup> Ini o khia khi ogbo ọa la oni igba oyi eni e miesuọ ni ọ ya ke mie ọli emini ọọ ngme guele, oni ọọ ngme ungmehi emue ọda ogbo ọ khukhu unu, ọ lese nu egboali Eshinegba ke ngme.

<sup>29</sup> Emekeguele aava okekhi aase e dobe ya ke ngme, egbo enekpole e ku eso-a ni e lese abi eẹ ngme. <sup>30</sup> O kha ke khia khi a ri irokhase khase ogboese ni ọ shito oni ilegba, oni ọ kpẹ ngme egbo, o mu migha. <sup>31</sup> Eẹ nya a dobe ya meguele, ama o khi ọtuoghuo oghuo, ni enekpole e wena ali ni a ri udu shi we ọ. <sup>32</sup> Eni e mhuẹ ayemhe imeguele e ke ri eghẹghe na egbe rọ ngme ini ayemhe imeguele o la we egbe e gbe akanya. <sup>33</sup> Irari khi Eshinegba ọa khi ọna ozughu, ama oyi opfomhe. Abi o li shi elemhi igba oyi eni miesuọ nya.

<sup>34</sup> Ikpotoso e ke khukhu unu ini igbaa oyi eni e mie iJesu iKirisiti suọ e legba, abi o li shi igbaa oyi eni e mie iJesu iKirisiti suọ elese nya. A khi ze we ngme, e ri ochoghọ ke deba omhese, abi ushi o ngme.<sup>§</sup> <sup>35</sup> Ini e nono ni wewe e lese udingme okhoghuo, e la apfe mhila edowe. Emhi omama o khi ni okpotso ọ rọ la

ilegba igbaa oyi eni e mie iJesu iKirisiti suọ ngme.

<sup>36</sup> Abi khi obo oye e ungmehi oyi Eshinegba o te gba ekele, abi khi eẹ ghuo o lese ramhi egbe? <sup>37</sup> Ini ogbokhoghuo o sa khi omekeguele loli khi, okekha khi eri ọ liẹ khi loli mhọli ayemhe ni ọ pfuase, ọ mema ya lese khi emini mhi keke e ghi e ena khi ushi oyi Onomhuẹ lo. <sup>38</sup> Ama ini ogbokhoghuo ọ ri eloe gbe ungmehi ona, a li ri eloe gbe ọli.

<sup>39</sup> Irarigho, inyoghuo-mhe, a ke nono ni a meguele, ama emue ọda ingmengme, o khi khi ighuighue. <sup>40</sup> A ke riẹle emhikpa te ode ni ọa mhuẹ ozughu.

### Irote eghuli guale oyi iKirisiti

**15** Mena mhia nono ni mhi yele e le inyoghuo, ingme usomhi onete ni mhi rọ tse abo ye e ni a miesuọ, ni irudunga oye e o migha nga egbegbo. <sup>2</sup> Oni usomhi onete ona a rọ tsumhi e, ini a da mu emini mhi rọ tse abo ye e mhuẹ toto. Ini ọa khi igho, eri a miesuọ shi afue.

<sup>3</sup> Abi mhi li te eke mie oni usomhi ni o lolo mu eloe, igho mhi li gue ọli ye e. Usomhi khi, iKirisiti ọ ghu-a to olamhe eyawa abi a li keke ọli shi Ebe-no-pfuase.\*\* <sup>4</sup> Khi a roli to, a rote eghuli guise ọli le ele nuzi-ese, abi Ebe-no-pfuase o ngme.†† <sup>5</sup> Ọ ri egboali khase iPita, ọ tigbe ri egboali khase eni ogbava.\*\* <sup>6</sup> Ọ tigbe ri egboali khase, egbo ni e miesuọ ni e bu dose egbo egbhuẹ uye ali ishe (500), ni e la asheghuo utoghuo,

§14:34 Li ze Igbae 3.16

\*\*15:3 Li ze Aza 53.5-12

††15:4 Li ze Iwolo 16.8-10; iMat 12.40; Ika 2.24-32

\*\*15:5 Li ze iMat 28.16-17; iMak 16.14; iLuk 24.34,36; iJon 20.19

ni o khia khi ebubu wẹ  
e kie la agbọ,  
eghuo ọ e she ghua.

<sup>7</sup> Ọ tigbe ri egbọli khase iJemhisi,  
neni ọ tigbe gbo  
ri egbọli khase ighiusomhi na keẹ nya.

<sup>8</sup> Ikpukhokho ọ, ọ li ri egbọli khase  
mhe abi omọ ni a bia shi eghẹghe ni aa  
kha bia li shi.<sup>¶</sup> <sup>9</sup> Irari khi mhemhe mhi  
ga kpọke na ighiusomhi na keẹ enekpọle  
nya a. Mhi aa fe fu te ni a lu aghiusomhi  
na keẹ, itobọ khi mhi mu okhọli vule shi  
igbaa oyi eni e mie iJesu iKirisiti suọ oyi  
Eshinegba o.<sup>§§</sup> <sup>10</sup> Ama okhale ni mhia  
fute ni Eshinegba ọ li na mhe o remhe  
khi emini mhi khi. Ali khi okhale ni ọ li  
na mhe ọa li opfu-a. Ini a ke gbo rieḽe  
ọli bino, mhi she ga roshẹka gbe akanya  
doṣe wẹ nya. Ama ọa khi mhemhe mhi  
dobe gbe ọli, ama okhale oyi Eshinegba  
ni o la mhe egbe a gbe akanya lo. <sup>11</sup> Itobọ  
igho, ini o khia khi wewe e tsabo oni  
usomhi, okekhi obọ oyemhe o te bhale  
o, ungmehi oghuo anye kie ga ro ọ tse  
abo, ni o khi emini a mie shi.

### **Irọte eghuli guale oyi eni eghua**

<sup>12</sup> Usomhi oyanye na. A she rọte eghuli  
guise iKirisiti le. Elo o ke ze khi eghuo e  
e ro lie khi iteghuli guale oyi eni e ghu-  
a ọa la ọ sho? <sup>13</sup> Ini irọte eghuli guise  
eni e ghu-a le ọa la ọ, ogho khi aa guise  
iKirisiti le. <sup>14</sup> Ini o khia khi aa rọte eghuli  
guise iKirisiti le lo, itsabo oyawa, afue  
o kha khi, igho li khi irudunga oyawa.  
<sup>15</sup> Ọa khi igho tse, eni e pfi otselẹ kie  
egbholi ma Eshinegba anye kha khi. Irari  
khi anye she kpe pfi otselẹ guele na Esh-  
inegba khi ọ rọte eghuli guise iKirisiti le.  
Ini o khia khi igesikia o kha khi lo khi  
aa ya guise eni e ghu-a le lo, eri o kha

rokhase khi ọa guise iKirisiti le. <sup>16</sup> Irari  
khi ini aa ya guise eni e ghu-a le, aa li  
guise iKirisiti le o li khi egho. <sup>17</sup> Ini o  
khia khi aa guise iKirisiti le, irudunga  
oye ọa kha mhuẹ emini o kha li na e. Ee  
a kha kie a okhena ipfezomu shi olamhe  
eye. <sup>18</sup> Ogho li khia khi, eni e ghuloo ni  
e mie iKirisiti suọ khi eri e li li opfu-a.  
<sup>19</sup> Ini o khia khi agbo ana tse, irudushi ni  
awa mhuẹ na iKirisiti o pfo shi lo, awa a  
opfu o kha bie gbẹ ne nya.

<sup>20</sup> Egbegbi ingme ni o la ọ khi, a she  
rọte eghuli guise iKirisiti le, ni o ri awa  
mie shi ọ khi a ya gbo guise eni e ghu-  
a le. <sup>21</sup> Irari khi abi eghuli o rọte obọ  
oyi ogbo otuoghuo bhale ikhi Adamu,  
igho irọte eghuli guise le o li rọte obọ  
oyi ogbo otuoghuo bhale ikhi iKirisiti.  
<sup>22</sup> Irari khi abi egbokpa e li rọte obọ oyi  
Adamu ghu-a, igho a li ya rọte eghuli  
guise ogbokpa le, rọte obọ oyi iKirisiti.  
<sup>23</sup> Ama a ya guise ogbogbo le abi o li  
te ọli, iKirisiti ọ khi oni odode, ọ kha  
nyene egbe bhale, a tigbe li guise eni  
e mie oli suọ le. <sup>24</sup> Ishẹgho ozukhomhi  
agbo o bhale, ini iKirisiti ọ mu ekpabo  
ayemhe nya ọ le, ali eni e mhuẹ afu ali  
itoto nya, ọ tigbe rue oni omhesẹ nya  
na Eshinegba ita. <sup>25</sup> Irari khi iKirisiti ọ  
ya ke mhesẹ ramhi ni Eshinegba ọ ro  
ya ri ebe ọli nya kpọke ekoawe eyoli.\*  
<sup>26</sup> Obe ni ọ ya kpukhokho mu ọ le khi,  
eghuli. <sup>27</sup> Irari khi Ebe-no-pfuase o ngme  
ọli khi "Eshinegba ọ ri emhikpa kpọke  
ekoawe eyoli." Onana o roli khase gbo  
khi aa li ri Eshinegba ma ọ ro kpọke na  
iKirisiti, ikhi lolu ni ọ ri emhikpa kpọke  
ekoawe eyi iKirisiti.† <sup>28</sup> Itobọ khi ini a  
da ri emhikpa shi omhesẹ oyi iKirisiti se,  
egheghe agho lolu oyoli ni ọ khi omioli,  
o ri egbọli kpọke na Eshinegba, oni ọ ri

¶<sup>15:8</sup> Li ze Ika 9.3-6

§§<sup>15:9</sup> Li ze Ika 8.3

\*<sup>15:25</sup> Li ze Iwolo 110.1

†<sup>15:27</sup> Li ze Iwolo 8.6



emhikpa kpọkẹ na li. Eshinegba ọ mhesẹ ẹ shi emhi nya.

<sup>29</sup> Elo zẹ ni ẹgbọ e rọ ọ batazi na ẹgbọ ni e she ghu-a? Ini aa ya guise eni e ghua le, elọ o zẹ ni a rọ batazi shi na wẹ? <sup>30</sup> Elo o zẹ ni anye rọ ri agbọ oyanye ẹ shi okhena egheghe kpa? <sup>31</sup> Anye ẹ la okhena eghuli ogbelekpa! Ititiegbẹ ni mhi ri itobọ oyẹ ẹ titi, irari emini iJesu iKirisiti oyawa ọ riẹle na e, o remhe ngme ona. <sup>32</sup> Elo a dabi khi o khi eleli oyemhe ni mhi rọ nu inyagbemhi ebe, ikhi emose egbo na ẹli Efesosi kholi? Ini aa ya guise eni e ghua le bhale agbo, Awa bie ke le awa a da, irari khi awa ya ghu-a ako.<sup>‡</sup>

<sup>33</sup> Khi zẹ ni a sese wase-a. “Ikugbe egbo ebe ọ, o ma yese egbegbi angeli-a.” <sup>34</sup> Nyene egbe bhale egbhali eyẹ, a tiegbe olamhe le. Eghuo ẹ e la ọ ni ẹa lese Eshinegba. Ni o ri omama mu ẹ, mhi rọ ngme ona.

### Idiegbe ni a rọte eghuli guise le

<sup>35</sup> Ama ogbo ọ dobe ya mhila ogbo, “Seẹ a lie guise eni e ghu-a le bhale agbo? Idiegbe onabi onoghuo e ke ya mholi?” <sup>36</sup> Yeye oyeghe! Waa lese khi emini a rọ kọ ọa ya zẹ ini ọa li kpẹ ghua? <sup>37</sup> Ini a ri ukpamhi ọakpa kọ, ọa ke ẹ zẹ ukpamhi nge, ama ugheghe ọli o ke zẹ ngale. <sup>38</sup> Eshinegba ọ ri idiegbe ẹ na ikpamhi abi o ghole ọli shi, ikpamhi emhi nya e mholi idiegbe oyewe. <sup>39</sup> Idiegbe oyi emhi nya ẹa li abeghuo. Egbo e mholi idiegbe oghuo, elamhako e mholi idiegbe olese, ipfeli ali ifele e mholi idiegbe eyewe. <sup>40</sup> Emhi ọdoda e la idane, emhi ọdoda e li la ekẹkhe. Otse oyi emhi na idane, o khi oghuo, otse ni o la emini e la ekẹkhe o khi ọda. <sup>41</sup> Ovọ o mholi otse oyoli ọda ke, uki o mholi otse

olese, ikpetata e mholi otse olese ọda. Eni ikpetata e gbo somhotse dose egbe. <sup>42</sup> Igho o ya li ini a guise eni e ghu-a le. Idiegbe ni a rọ to, eni ẹ kea e khi ni a rọ to. Ama eri a guise ọli le ni ọa ke ya kea ghue. <sup>43</sup> Ini a roli to, o yemhi osue, ọa mhue itoto, ama ini a guise ọli le o somhotse-a, o mhue itoto. <sup>44</sup> Ini a roli to, o khi idiegbe ni a me alo gbugbugbu. Ini a guise ọli le, o khi idiegbe ayemhe.

Ini idiegbe ni a me alo gbugbugbu o la ọ, idiegbe elemhi ayemhe o li la ọ. <sup>45</sup> Abi a li keke ọli khi, “Omose onodode Adamu, eri a ma li ogbo ni ọ mholi ayemhe.” Ama khi Adamu ni o kpe ukhokho, ayemhe ni ọ ri agbo a na ogbo ọ khi.<sup>¶</sup> <sup>46</sup> Ọa khi idiegbe ayemhe o kpẹ bhale, ama oni a me alo gbugbugbu, neni a me oyi ayemhe. <sup>47</sup> Adamu, omose onodode, itutu ena eke a rọ ma li, Adamu onuzava iloghie o te tiemhile. <sup>48</sup> Eni e khi eyi eke, eri e li abi eni a ri itutu eyi eke ma, eni e khi eyi iloghie eri e li abi eni e rọte iloghie bhale. <sup>49</sup> Ezeze abi awa li ri irokhokho oyi omose ni a ri eke ma so, igho awa gbo li ya ri irokhokho oyi omose ni ọ rọte idane bhale so.

<sup>50</sup> Mhi gue ona ye ẹ inyoghuo khi, emhi idiegbe ali emhi ọlia ẹa ya lo Eghiele oyi Eshinegba. U ke-lie khi eri idiegbe ni ọọ ke-a, o ke ya mholi okemhi shi oni iloghie ni ọa ya kea. <sup>51</sup> A ri eso shi egbegbingme osheli ona. Awa nya awa aa ya ghua, ama ini akala ni o kpukhokho o de, a ya mu awa mela-a, bia, <sup>52</sup> elemhi ikoko alo khueghie-a, ini oni akala ni o kpukhokho o de. Irari khi akala o ya de, eni e ghu-a e ya ri idiegbe ni ọa ya kea guale, a ya mu we mela-a.<sup>§</sup> <sup>53</sup> Irari khi idiegbe ni ọọ ke-a o mema ya ri idiegbe ni ọa ya ke so, oni ọọ ghu o ri idiegbe ni ọa ya ghu so. <sup>54</sup> Ishegho, ini

<sup>‡</sup>15:32 Li zẹ Aza 22.13

<sup>¶</sup>15:45 Li zẹ Igbae 2.7

<sup>§</sup>15:52 Li zẹ 1 iTesa 4.15-17

idiegbe ni oḡ ke-a o ri idiegbe ni oḡ ya ya ke sḡ se, ni idiegbe ni oḡ ghu o rḡ ri idiegbe ni oḡ ya ya ghu sḡ se, ungmehi ni ebe o ngme o bhale ya tḡ ni o li khi,

“A she to eghuli lue elemhi imuḡle.”\*\*

<sup>55</sup> “Eghuli o, ighe imuḡle

ni u ke doḡe ya mu o le mena?

Eghuli o! Ighe ekpabḡ eye mena?”††

<sup>56</sup> Olamḡe o ri ekpabḡ na utamhi oyi eghuli e ta, ni o rḡ kualiti utse, olamḡe o rḡte ushi mhḡli ekpabḡ. <sup>57</sup> Ama awa kphḡmhi na Eshinḡgba ni o ri imuḡle na awa rḡte oḡo oyi iJesu iKirisiti Onḡmhue oyawa.

<sup>58</sup> Irarighḡ, inyoghuo a migha gbaa. A gbe akanya oyi Onḡmhue oyi e ke je odalo, abi a rḡ leḡe khi akanya ni u da gbe na Onḡmhue khi oḡa khi afue.

**Ukpaghḡ ni a mie ghi igbaa oyi eni e mie iJesu iKirisiti suḡ na iJerusalemu**

**16** Ni mhi rḡ ngme nga ingme ikpaghḡ ni a mie ni a rḡ ya kpaghie igbaa nya eyi eni e mie iJesu iKirisiti suḡ ni e la eke iJudia oḡo, ni a keke shi ebe ghi mḡe. A ke li abi mhi gueye igbaa oyi eni e mie iJesu iKirisiti suḡ ni e la eke iGalesha e li ke rieḡe.‡‡ <sup>2</sup> Uka khi uka kpa, a ke rḡte ikpaghḡ ni a gbe, rue shi asheghuo abi oḡboḡbo o mhue, ini a khi gbo ke zḡla ikpaghḡ elese ini mhi bhale. <sup>3</sup> Ini mhi bhale, mhi ya keke ebe na eḡbo ni á zḡ, mhi keke shi o khi wewe a ghie, e tsua isomhopfa eyeḡe je iJerusalemu. <sup>4</sup> Ini o ke khia khi o ti ni mhi li ye, anye ga kia.

### Omḡese ni iPolu o mḡese

<sup>5</sup> Mhi ya bhale ya me e ini mhi rḡte iMasidonia doḡe se.¶¶ <sup>6</sup> Mhi nu e ya la deḡe. Otḡe, mhi ga la aghḡ okase nya. Eḡheḡe aghḡ a ke ri ukpaghḡ kpaghie mḡe oḡo je obiobini mhi ke ya je. <sup>7</sup> Mhi aa nono ni mhi me e ḡloe memena, mhi aa nono ni mhi leḡe te aghḡ doḡe tḡe. Mhia nono ni mhi nu e shitḡ tḡe ukukuḡ ini Eshinḡgba o lama. <sup>8</sup> Mhi ya la Efesḡsi ramhi eḡe ukpe iPḡtikḡsiti,§§ <sup>9</sup> irari khi asha oniḡmhi o khueghie-a na mḡe shi ana ni mhi rḡ me asha gbe akanya Eshinḡgba. Ama khi eni e mu okhue vule shi mḡe o e bu.\*

<sup>10</sup> Ini iTimoti o bhale, a lolo mu ḡli epfese, irari ḡni o gbe akanya na Eshinḡgba nabi mḡemḡe o li khi.† <sup>11</sup> Oḡboḡhoḡhoḡo o khi ri ḡloe gbe ḡli, ama a kpaghie ḡli obo ni o rḡ doḡe ti okiali eyḡli je odalo shi opfḡmḡe, ni o doḡe bhale deba mḡe. Mhia khe ḡli, ali inyoghuo enekpḡle.

<sup>12</sup> Ingme oyi Apolosi. Eri mhi ga lolo ye ḡli ude o ko ya feḡi e, loḡli ali inyoghuo enekpḡle. Ama oḡa ghḡle ḡli ni o rḡ ye memena, ama ini o mhue oni eḡheḡe, o ya bhale.

<sup>13</sup> A ke tḡe ḡloe eke, a migha gbaa shi irudunga, a khi eḡbo ni e mhḡli aye, a khi eni e toto. <sup>14</sup> A ri inono ke gbe ikanya eye nya.

<sup>15</sup> A leḡe khi iSitefanasi ali omhue-apfe oyḡli nya, e kpe todode khi eni e miesuo shi obini eke Akhaya. E she ri eḡbewe na ugamhi oyi eḡbo ni a pfa na. Mhi lema

\*\* 15:54 Li zḡe Aza 25.8

†† 15:55 Li zḡe Osia 13.14

‡‡ 16:1 Li zḡe iRom 15.25-26

¶¶ 16:5 Li zḡe Ika 19.21

§§ 16:8 Li zḡe iLev 23.15-21; iDeut 16.9-11

\* 16:9 Li zḡe Ika 19.8-10

† 16:10 Li zḡe 1 iKori 4.17

ẹ,<sup>‡</sup> <sup>16</sup> a ke nyẹş ukhomhi na omhẹş ọyi ẹgbọ eghoghọ ali ogboşe ni e nu wẹ ẹ gbe ikanya eghoghọ.

<sup>17</sup> Egbe e ma mu mhẹ shi ibhale ọyi iSitefanasi ali iFotunatusi ali Akhaikusi irari wẹwẹ e ke to-ẹoli ẹ abi aa rọ la akaghọ. <sup>18</sup> Eri e ri egbe mu mhẹ e ti ayemhẹ oyemhẹ nga, abi e ri egbe mu ẹ. Ẹgbọ enana, e ti ni a tşẹ, e mu akanya.

<sup>19</sup> Igbaa nya eyi eni e mie iJesu iKirisiti suọ eni e la ekẹ Esha ẹẹ tşẹ ẹ. Akuila ali iPisilia ali igbaa ọyi eni e mie iJesu

iKirisiti suọ ni ẹ lona apfẹ oyewẹ, e li ẹ tşẹ ẹ otşẹ irudunga.<sup>¶</sup> <sup>20</sup> Inyoghuo nya ni e la ana ẹẹ tşẹ ẹ. A ke tşẹ egbe egbegbi otşẹ a ghẹlẹ mu egbe. <sup>21</sup> Mhẹmhẹ iPolu mhi ga ri obọ ma ebe ona. <sup>22</sup> Oni ọa da nono ingme ọyi Onomhụe ne, Ẹshinẹgba ọ ya pfa ẹzọ mu ọli. Mhi lema, Onomhụe ọ keleş bhale. <sup>23</sup> Okhale ọyi iJesu Onomhụe o ke deba ẹ.

<sup>24</sup> Inono oyemhẹ o ka nu ẹ la nya ni a khi eyi iJesu iKirisiti. Atşẹ.

---

<sup>‡</sup>16:15 Li zẹ 1 iKori 1.16

<sup>¶</sup>16:19 Li zẹ Ika 18.2

*Ebe onuzi-eva ni iPolu o keke ghi egbo*

## **IKoritia**

*Eni e miesuo*

**1** Mhemhe iPolu, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi inyoghuo awa iTimoti. Mhemhe mhi keke ebe ona ghi igbaa oyi eni e mie iJesu iKirisiti suo onayi Eshinegba ni e la eoli iKoriti ali eni a pfa na nya ni e la eke Akhaya.<sup>§</sup>

<sup>2</sup> Mhi lema Eshinegba ita awa ali iJesu iKirisiti Onomhue e ka li okhale na e, e ri opfomhe na e.

### **Eshinegba ona irudushi nya**

<sup>3</sup> Awa kueghie Eshinegba, ni o khi ita iJesu iKirisiti Onomhue oyawa, loli o khi ita ona ilelemhi, ni o khi Eshinegba na irudusho nya. <sup>4</sup> Loli o ri udu e shi awa o ini awa la osoli khi osoli, ni awa li dobe ri udu shi eni e la osoli o, ikhi irudusho onabi Eshinegba o ro shi awa o. <sup>5</sup> Itobo khi awa li nu iKirisiti me osoli ebubu eyoli, awa li ya rote obo oyi iKirisiti kemhi irudusho oyi Eshinegba ni o gbeku o. <sup>6</sup> Anye kha me osoli, ni a ro mholi irudusho ali imiepfuese lo. Okekha khi eri a ri udu shi anye o, ee a ri udu shi o, ni o re e mholi irabomudu ri egbe mie osoli onabi anye li ri egbe mie. <sup>7</sup> Irengba ni anye regbenga e, o kie migha, itobo khi anye lese khi abi a li nu anye me osoli eyi anye, igho a li nu anye mholi okemhi shi irudusho oyanye.

<sup>8</sup> Inyoghuo, anye e nono ni a lese osoli ni anye me obini Esha. Eri anye me ukpokpomhi omunu ni o ne anye abo. Ni o khia khi eri anye ke khena egbe anye

eghuli ukhomhi. <sup>\*\* 9</sup> Eri anye she ri oli shi udu khi eni eghuli o mema ke ya gbe anye ke khi. Eri a me ona ini anye khi regbenga egbe anye, se ni Eshinegba tse ni oo guise oni o ghu-a le. <sup>10</sup> Loli o rue anye okhena eghuli ukhomhi le, o ya rue awa o le. Loli awa ri udu nga khi o ya gbo rue awa o le. <sup>11</sup> A li ri iromhi ke kpaghie anye obo, ini ebubu egbo e me asha ri itobo oyanye kphemhi na Eshinegba, oni o pfo udu ri iromhi ni ebubu egbo e so a tse.

### **IPolu o mu ugbamhi eyoli pfi**

<sup>12</sup> Anye ma tono obo udu shi o, udu oyi anye ni oo gue anye ezoo o gbo pfi otsese shi o, khi, angeli oyanye elemhi agbo ona ali angeli ni anye nu e ngeli, khi ikhueghie elemhi-a ali igesikia oyi Eshinegba o ri anye e gbe akanya. Oa khi ilelingme agbo anye te riyele ona, ama okhale oyi Eshinegba a ro riyele oli. <sup>13-14</sup> Emini a dobe ya ze, ni o ya gbo lo e eso anye keke ghi e. O kha rie khia khi emini anye e ngme oa lo e eso pfo ne, anye mholi o shi udu khi o ya lo e eso pfo nya elelese, ni a ri anye ke tono obo udu, abi anye li re e ya ke tono obo udu, ogbele oyi iJesu Onomhue oyawa.

<sup>15</sup> Itobo khi mhi aa mholi akhokhomhe shi ona, mhi ro nono ni mhi kpe bhale ya bino e, ni a mholi ikhivose asha eva. <sup>16</sup> Mhi she gba li khi mhi bhale ya bino e ini mhia le iMasidonia ali ini mhia jele, ni mhi me asha mie e ikpagho ro ye eke iJudia.<sup>††</sup> <sup>17</sup> Eri a dabi khi mhia dobe ya lie khi emini mhi ya riyele na, ni mhi riyele oli? Abi khi eri mhi li abi ogbo ni o khe, "Ii." O gbolo e, "Iiye." Ini mhi ba riyele ogueme oyi ogbo? <sup>18</sup> Abi ungememhi oyi Eshinegba o migha shi igesikia, igho emini mhi gueye e oa

<sup>§</sup>1:1 Li ze Ika 18.1

<sup>\*\*</sup>1:8 Li ze 1 iKori 15.32

<sup>††</sup>1:16 Li ze Ika 19.21

li khi unu eva ni o ri utoghuo liẹ “Ii.” Ali “Iiye.”<sup>19</sup> Itobọ khi iJesu iKirisiti Omi Eshinegba ni mhemhe ali iSivanosi ali iTimoti anye ro tse abo ye e, ọa khi, “Ii.” Ali “Iiye,” egheghe oghuo. Ama Eshinegba “Ii,” o khi.<sup>20</sup> Irari khi emiemini Eshinegba o ro nga nya, iJesu iKirisiti o rewe nya khi, “Ii.” Irarigho, rote iJesu iKirisiti awa te e mie “Atse.” Ni anye ro ri ufumhi na Eshinegba.<sup>21</sup> Ama Eshinegba o ri anye ali ee migha elemhi iKirisiti. Loli o ze awa.<sup>22</sup> O she shi olee oyoli shi awa egbe. O ri Ayemhe-no-pfuase shi awa udu abi olee ni o khi iyobo shi emini Eshinegba o ya rielee na awa.<sup>23</sup> Ama mhi ze Eshinegba otsele, loli o lese udu oyemhe. Itobọ khi mhi aa nono ni mhi ri elemhi ibibi nu e ngme, loli mhi aa ro ke ye iKoriti.<sup>24</sup> Ọa khi eri anye ri ekpabo gueye e emini a ya miesuo. Anye lese khi a migha gbagbagba shi irudunga. Itobọ ni a mholi oghelẹ anye ro nu e gbe akanya.

**2** Loli o ze ni mhi roo khi, mhi aa ke gbo ya bhale deba e, ini mhi khi yese e udu-a.<sup>2</sup> Ini mhi yese e udu-a, oghuo o la akaghọ ni o ya ri egbe mu e. Se ni oni ogbo ni mhi yese udu-a.<sup>3</sup> Loli o ze ni mhi ro keke ebe ogbo ghi e, itobọ khi mhi aa nono ni mhi bhale ya me iyese-udu-a obọ eyi eni e kha remhe ghele. Irari khi mhi lese khi ini mhia ghele egheghe agho, ee a lie ke ghele.<sup>4</sup> Elemhi ukpokpomhi osoli ali amẹ evie mhi te e keke ebe ona ghi e, ọa khi eri mhi ni udu o ba yese e-a, ama ni a ro lese abi mhi nono ingme oye nya ramhi.<sup>5</sup> Ama ini ogbokhoghuo o pfi iyese udu-a, ọa khi mhemhe o mema lolo yese udu-a, ama ee nya o rote opfoghuo yese udu-a. Ama khi, mhia nono ni mhi ngme oli ze dose ana.<sup>6</sup> Osoli ni ebubu e e lama shi a na ogbo onana, e bu.<sup>7</sup> Ama a ro topfa li a gbo ri udu shi oli o, ini o khi

yese udu-a dose ode, ni o te ya pfanọ ku oli alo.<sup>8</sup> Mhi lema e, a ze ni o lese khi egbegbo a nono ingme oyoli.<sup>9</sup> Eri mhi mu e fe bino ni me ini a ri ungmehi oyemhe ya gbe akanya.<sup>10</sup> Ini a ro topfa ogbokhoghuo shi emini o rielee, mhemhe mhi li ro topfa li. Ini o khia khi mhi mhue emini mhi kha ro topfa, mhi she ro topfa. IKirisiti o khi otsele oyemhe khi mhi she ro topfa.<sup>11</sup> Egheghe agho, okphaghie ọa me ashikhoghuo regbenga dobe mu awa o ya le, itobọ khi awa aa khi eni ea lese igbamhi eyi okphaghie.

### Egbe akanya ena ishobo onogbo

<sup>12</sup> Abi mhi ro bhale iTiroasi ya gue usomhi onete oyi iKirisiti le, mhi me oli khi Eshinegba o khueghie ode-a na me shi akanya oyoli, shi oobo.<sup>13</sup> Udu oyemhe ọa sheshe, itobọ khi mhi aa me iTatosi oobo. Igho mhi tse egbo ena obọ okhila, mhi ya je iMasidonia.<sup>14</sup>

<sup>14</sup> Ama, awa kueghie Eshinegba. Loli o ze ni iKirisiti o ro ri awa la orolo ni a la mie obọ abi eni e mu o le. O ri awa ri ilese oyi iKirisiti e gbhiaku asha kpa abi ikphela.<sup>15</sup> Eshinegba o she ri awa mele ighiusomhi eyoli-a, ni awa ba ri usomhi onete oyoli gbhiaku asha kpa, abi ikphela oyi ituale ni oo pfi o lie gbhiaku, ni o lo iteva egbo eni a mie e pfuese ali eni e nono ni wewe e pfua.

<sup>16</sup> Uwehmi umbero oyi eghuli, usomhi oyawa ona o khi shi eni e ya pfua, ama upfiemhi oyi agbo o khi shi eni a mie e pfuese o. Oghuo o dobe gbe onana?

<sup>17</sup> Anye aa khi eni e ri ungmehi oyi Eshinegba nono epfue abi egbo eghuo e li. Ama ighiusomhi eyi Eshinegba ni e ri igesikia ngme ungmehi oyoli anye khi. Ekpabo oyi iKirisiti anye ro gue usomhi oyanye le. Eshinegba o khi otsele oyanye.

<sup>19</sup>1:19 Li ze Ika 18.5

<sup>14</sup>2:13 Li ze Ika 20.1

### Eni ẹẹ ga ena ishobọ onogbo

**3** Oa ya li abinẹ khi eri anye ke ẹ titi egbe anye mena? Anye ẹa li abi eni ẹ mie ebe ni a titi wẹ shi neni e tsabọ ungmehi ye ẹ, ali ni e kha gbolo te agho vu e gbo mie ẹ ebe oghoḡho olese? Anye ẹa mhọli emini anye ri ebe eghoḡho ọ rieḡe. <sup>2</sup> Ẹẹ oye ẹ a khi ebe oyanye ni a keke shi ekelemhi udu oyi anye ni egbo nya e me ẹẹ ze. <sup>3</sup> Eri o rokhase khi ebe ni iKirisiti loḡlghuo ọ keke, a khi. Itobọ khi a mie itsabọ ungmehi oyanye suo. Oa khi ogbo ọ ri atsu keke ẹ shi ebe, ama Ayemhe oyi Eshinegba ọ keke ẹ. Oa khi ukiekiemhi eche ọ keke ẹ shi ama elemhi udu oyi egbo.<sup>§§</sup>

<sup>4</sup> Onana o khi iregbenga ni anye mhọli na Eshinegba roṡe obọ oyi iKirisiti. <sup>5</sup> Oa khia khi eri anye gho guẹ ẹ gbe oni akanya ona, ama Eshinegba ọ ri iguegbe-akanya ona na anye. <sup>6</sup> Loḡi ọ ri anye khi eguegbe oyi akanya igue ungmehi oyọli le, na ishobọ onogbo, ni ọa khi oni a keke shi ebe, ama ena elemhi Ayemhe. Irari khi emini a keke shi ebe, eri o ri eghuli ẹ bhale, ama Ayemhe o ri agbo a na ogbo.\*

<sup>7</sup> Ushi oyi iMosisi ni o ri eghuli bhale, ni a keke shi ikiekiemhi eche, ufumhi ni o ge nyanyanya, ni ọọ kala, o deba bhale. Ini oni ufumhi ona ni o ze khi egbo iZireni ẹa ke dobe ẹ bino iMosisi alo ukhomhi tatata, o kala,<sup>†</sup> <sup>8</sup> Seḡ ufumhi oyi ikanya eyi Ayemhe ni o ri agbo a na ogbo o ke beḡhi ya li? <sup>9</sup> Ini ufumhi o la ugamhi ni o ri eghuli ẹ bhale, seḡ ugamhi ni o ri ipfuaḡe ẹ bhale ọa li ya mhọli ufumhi oni o fune? <sup>10</sup> Itobọ ona, awa dobe ya lie khi emini o kpẹ ligho mhọli ufumhi ni o

ge nyanyanya eḡeḡe, ọa ke mhọli ufumhi, itobọ ufumhi oyi emini o ke to-ḡoli ọli. <sup>11</sup> Ini emini oo kala, o mhọli ufumhi, seḡ ufumhi ni o la oni o migha agboagbo ọọ lie fu ne.

<sup>12</sup> Itobọ khi anye mhọli oni irudushi ona anye ro li gho mhọli igbeudu. <sup>13</sup> Anye ẹa li abi iMosisi ọ li, ni o ri ijeḡeti ku alo ini egbo iZireni e khi me abi oni ufumhi ni oo ge nyanyanya ogho, ọ li i kala li alo-a.<sup>‡</sup> <sup>14</sup> Ama eri a guese we udu, irari khi ramhi amo, eri a kie ri oni ijeḡeti ogho ku we alo, ini ẹẹ ze ebe ishobọ ona eḡeḡe. Ini ogbo ọ ro ghi iKirisiti ko tse, ọ ro ọ rue ogbo oni ijeḡeti alo-a. <sup>15</sup> Igho o kie li ogbe na amo, eri ijeḡeti o kie guese we udu ini ẹẹ ze oni Ushi oyi iMosisi. <sup>16</sup> Ama ini ogbo da mupfi bhale deba Onomhue ne, ọ rue ọli oni ijeḡeti ode-a.<sup>¶</sup> <sup>17</sup> Onomhue ni a ngme shi akana ena, loḡi khi iKirisiti, Ayemhe oyọli ọ te ẹ gbe akanya, ali khi ashini Ayemhe oyi Onomhue o da la ne, epfua o la akagho. <sup>18</sup> Alo eyawa nya ni aa ri ijeḡeti ku, o ri ufumhi oyi Onomhue ẹ ge nyanyanya abi ughegbe. Oni ufumhi ogho, obọ oyi Onomhue o te bhale, ni ọ khi oni Ayemhe. Loḡi ọ mu awa pfi ya li abi loḡi, roṡe ufumhi ni o rue ẹ nga ọ.

### Osoli ali osuemhe ni e la akanya oyi iKirisiti

**4** Irarigho, aboroḡhia khi ilelemhi oyi Eshinegba anye ro mie akanya igue ungmehi le ona egho, loḡi egbe ẹa ro pfo anye-a. <sup>2</sup> Eri anye ri ochogho she kie angeli osheli ali omama. Anye ẹa ya ngeli angeli ikpamhika wekhi eri anye ẹ mu ungmehi oyi Eshinegba ukhomhi pfi kpoke. Ochogho eri anye ri emini e

§§3:3 Li ze Okiali 24.12; iJere 31.33; Ezik 11.19; 36.26

\*3:6 Li ze iJere 31.31

†3:7 Li ze Okiali 34.29

‡3:13 Li ze Okiali 34.33

¶3:16 Li ze Okiali 34.34

khi igesikia khashẹ gboo, abi o khi shi ukpeloey oyi Eshinegba. Onana o ri egbo mie shi o khi eni a ri egbe e nga anye khi rote udu oyewe ni oo gue we ezọ. <sup>3</sup>A kha usomhi onete ni anye gue e le sheli, eri a roli sheli na eni e ya pfua. <sup>4</sup>Oqphaghie ni oo mhesẹ e shi agbo ona, o she zuse egbo ni ea miesuo udu ini e khi me akpa ali ufumhi ni o la usomhi onete oyi iKirisiti, oni loli ali Eshinegba e li abeghuo tee. <sup>5</sup>Irari khi anye aa ri egbe anye tse abo, ama iJesu iKirisiti anye ro o tse abo, khi loli o khi Onomhue, ali khi eni ee ga enaye e anye khi, irari oyi iJesu. <sup>6</sup>Ebe-no-pfuase oo, "Eshinegba o gweye akpa o rote alo ebili ge lasele." Mena oni Eshinegba o ri akpa oyoli e ge shi elemhi udu oyanye, ni ee a ro lese khi ufumhi oyelue khi, alo eyi iJesu iKirisiti a te e me oli.<sup>8</sup>

<sup>7</sup>Eri anye li abi akhe afue ni a ri oni epfue onana shi. Ona o rokhase khi ekpabo eniemhi, obọ oyi Eshinegba e te e bhale, oa khi obọ oyanye. <sup>8</sup>Isheghuo a na anye osoli, ama oa pfuse anye-a. Isheghuo anye mhọli akhokhomhe, ama anye ea la okhena. <sup>9</sup>A me anye omi olimhi ama Eshinegba oa tsua anye pfi-a. A gbe anye de eke, ama anye e ghua. <sup>10-11</sup>Ogbelẹ kpa anye ro la okhena eghuli itobọ oyi iJesu. Eri onana ni anye e me egbe o li abi irokhokho eghuli ni iJesu o ghu, egheghe agho ni o ri egboli khashẹ elemhi agbo oyanye. <sup>12</sup>Onana o guele khi akanya ni anye gbe e na iJesu, eri o ri anye la okhena eghuli ogbelẹkpa, ama agbo onogbo o ro o na e. <sup>13</sup>Ebe-no-pfuase oo, "Irari khi mhi mhọli irudunga mhi ro ngme." Oni ayemhe irudunga onana, anye li ro ngme.\*\* <sup>14</sup>Anye lese khi Eshinegba ni o rote eghuli guise iJesu Onomhue le bhale agbo o ya li rote eghuli guise anye le, o rue anye

ali ee bhale odalo oyoli. <sup>15</sup>Itobọ oye e a ro ri ele enana nya, ni ebubu egbo e lese okhale ni Eshinegba o li, ishegho ni e ke so iromhi ikphemhi ri ufumhi na Eshinegba.

### Agbo irudunga

<sup>16</sup>Itobọ onana, egbe ea tigbe ya pfo anye-a, ini anye ririe kuanọ-a pfo, ama ogbelẹ kpa ekelemhi udu oyanye o ro o khi onogbo-a shi o. <sup>17</sup>Eri ikuku osoli ni ea ya tese eyi anye, e muno anye egbe e khe ufumhi na agboagbo. Loli o ze khi osoli eyi anye e li abi emhi afue shi anye o. <sup>18</sup>Emini aa me eloe ea ya la o agboagbo, ama emini aa ya me eloe ee la o agboagbo. Loli o ze khi anye ri udu oyanye shi emini aa ya me eloe.

### Apfe oyawa na iloghie

**5** Anye lese khi ini idiegbe oyanye ona, na elemhi agbo, ni o li abi okhola, o ghua, anye mhọli idiegbe olese ni o rote obọ oyi Eshinegba bhale. Ikhi idiegbe no oa ya ghu ni o la iloghie, owa ni oa khi abo a ro mama li. <sup>2</sup>Memena eri anye la oni elemhi idiegbe na agbo ona a to ekperumhe-a, irari khi eri oo ghole anye ni a kpha oni owa na iloghie so anye. <sup>3</sup>Itobọ khi ini a roli so anye, anye ea ke ya la irumheba. <sup>4</sup>Irari khi abi anye kie li la idiegbe ona agbo ena, eri anye e to ekperumhe-a abi eni egbe e to. Oa khi eri anye ea ke nono ni anye ke la oni idiegbe oyanye ona, ama eri o ghole anye ni a ri idiegbe na iloghie ni oa ya ghu ghue egho so anye. Egheghe agho ni agbo o to idiegbe ni oo ghu lue elemhi imuole. <sup>5</sup>Eshinegba o ma anye shi agbo na agboagbo ona, loli o gbo ri oni Ayemhe shi anye egbe ni o khi iyobọ khi loli ya ri ele emini o ro nga na awa. <sup>6</sup>Irarigho, anye ro o mhọli igbedu egheghe kpa.

§4:6 Li ze Igbae 1.3

\*\*4:13 Li ze Iwolo 116.10

Anye gbo leşe khi ini anye kha da la apfe elemhi idiegbe oyanye ne, anye  a ke nu  n mhu  la. <sup>7</sup> Ama irudunga o ri anye la agb ,  a khi emini anye ri ukp loe m , o ri anye la agb . <sup>8</sup> Udu oyanye o migha gbaa shi  , khi, oo kha ti anye  loe ni anye lase idiegbe oyanye ona le, ni anye nu  n mhu  la apfe. <sup>9</sup> Irarigho, eri anye r  li shi udu oyanye khi anye mema ya ri le emini o gh le  li, okekha khi anye ke la apfe elemhi idiegbe oyanye o, okekhi anye  a la apfe elemhi idiegbe oyanye. <sup>10</sup> Irari khi awa nya, awa mema bhale ya migha odalo ukp khomhi igu zo oyi iKirisiti, ni  gbogbo   r  mie ifata ni o khi oyoli, shi emini   ri le abi   r  la idiegbe oyoli, shi oni o ti o, shi oni  a ti.††

### Akanya iri-egb  ali Eshinegba ri le

<sup>11</sup> Irarigho, aborokhia khi anye le e emini inulishi oyi  n mhu  o khi egbo, loli anye r  ro heka roli   lo egbo es . Emini anye khi o ga khueghie-a shi Eshinegba  , anye gbo sa khi o gbo ligho khueghie-a shi udu oye , ni  o gue    zo. <sup>12</sup>  a khi eri anye titi egbe anye   khas   , ama eri anye ri egheghe   na   ni a m  asha ri anye ke gha. Egheghe agho ni a m  emini a ya s  egbo eni e ri emini ri ukp loe   m    gha, ocho ni e kha r  ri emini e la udu, ke gha. <sup>13</sup> Ini anye  a ke le e emini anye   ri le, irari oyi Eshinegba lo, anye kha ke lese emini   ri le o, irari oye   lo. <sup>14</sup> Inono oyi iKirisiti o mhese   na anye, itobo khi anye m   li m  khi  gbo  tuoghuo o ghu-a na agbo nya, irarigho eri awa li ghu pfa olamhe. <sup>15</sup> Eri iKirisiti   ghu-a na  gbokpa ini eni e la agbo e khi ke la agbo na egbe we, ama ni e ke la agbo na oni   ghu-a ni a gbo guise le na we.

<sup>16</sup> Itobo igbo, rote ana je odalo, anye  a ke ri ukp loe ni egbo na agbo e r  bino egbo ke bino  gbo khoghuo. Ini o riri  khia khi anye kp  lina ri ukp loe agbo bino iKirisiti egheghe ni o do e, anye  a ke ligho. <sup>17</sup> Irarigho, ini  gbo   da she ku ma iKirisiti   ne,  gbo  n gbo ni a le e ma   ke khi, agbo onodi  o she do e, agbo onogbo   ke la. <sup>18</sup> Eshinegba   ga ri le eni emhi enana nya. Loli   ri awa ni awa kp  khi ebe  li nu egbeoli ri le, rote ob  oyi iKirisiti.   ri akanya na awa, awa r  ke ri egboese nu lu  ri le. <sup>19</sup> Eri Eshinegba   ri egbo na agbo nya nu egboli i ri le rote ob  oyi iKirisiti, ni o khia khi Eshinegba  a ri olamhe mu ota s  we. Igho   she ri usomhi ni a r  ri egbo ali Eshinegba a ri le nga awa ob . <sup>20</sup> Irarigho eni e to  loli iKirisiti awa ke ri irarigho khi, ni o r  li abine khi eri Eshinegba   rote unu oyawa a lema egbo. Anye lema   na iKirisiti, a ka nu Eshinegba r  ri le. <sup>21</sup> Eri Eshinegba   ri iKirisiti ni  a mholi olamhe mele ona olamhe itobo oyawa, egheghe agho, ni awa m  asha rote iKirisiti mholi ipfuase oyi Eshinegba.

**6** Abi eni wewe ali Eshinegba e ga a gbe akanya oghuo, anye lema  , a khi ze ni a mie okhale oyi Eshinegba shi afu . <sup>2</sup> Irari khi Eshinegba  o lie, “Abi egheghe ni mhi r  ya ri le isomhelemhi na  , o r  ramhi, mhi ri es  shi   eke, abi ogbele imiepfuese oye  o r  ramhi, mhi kpaghie   ob .” Mhi gueye   khi memena o khi egheghe isomhelemhi, amo khi ogbele imiepfuese.‡‡

<sup>3</sup> Anye  a ya pfi  zuode shi  gbokhoghuo ode, ini egbo e khi m  emini

††5:10 Li ze iRom 14.10

‡‡6:2 Li ze Aza 49.8



o a ti okhoghwo gue shi akanya oyi Eshinegba ni anye e gbe. <sup>4</sup> Ama abi ighumha eyi Eshinegba ni anye khi, eri anye ri emini anye khi khase odekhode, abi anye li ri egbe mie osoli ali umhame ali iyeseudu-a. <sup>5</sup> A gbe anye itali, a gbo mu anye shi ogba-ighumha, a la onyaghu kuale anye utse, anye gbe akanya agbeghua, anye mhue umha-ke-lese ali okiamhi.<sup>¶</sup> <sup>6</sup> Ama anye kie la elemhi ipfuase ali ilese, ali irabomudu ali isomhelemhi, rote Ayemhe-no-pfuase ali inono ni o rote udu igesikia lasese. <sup>7</sup> Anye e ngme ingmemhi igesikia, ali ekpabo oyi Eshinegba o la anye egbe e gbe akanya. Akhegbe oyanye khi igue-ngeli odalo oyi Eshinegba, abi okholi-okhue o lie mu itsua okholi mhue obita ali ogobo. <sup>8</sup> A ri ekpe na anye a gbo yeghe anye-a, a ngme onete oyanye, a gbo ngme onobe oyanye. Anye egbo igesikia, a lu anye elo-egbhue, <sup>9</sup> E li anye abi eni aa lese, ama a kie lese anye, a li anye abine khi eni e ghuloa anye khi, ama, a me oli me khi anye kie la agbo. A na anye osoli ama aa gbolo anye-a, <sup>10</sup> Anye mholi iyese-elemhi-a, ama anye kiele e ghele, anye li abi eni ea mhue, ama eri anye ri ebubu egbo khi eni e pfue. Anye li abi eni ea mholi emhi khoghwo, ama emhikpa anye mhue.

<sup>11</sup> Egbo iKoriti, anye she ri igesikia nu e ngme, anye khueghie udu oyi anye-a gbodogio deba e. <sup>12</sup> Anye ea ti egbe je ukhokho inono ni anye mholi na ee, ee tse aa ke nono anye. <sup>13</sup> Irarigho, mhi nu e ngme abi eniye eyemhe, a li mholi usamhi nabi anye sa deba e na anye. A khueghie udu oye e-a na anye gbodogio.

<sup>14</sup> Khi ze ni u nu oni o a miesuo ke ri ele emhi kugbe. Se, igesikia ali egb-

holi e li gue la asheghwo kugbe? Elo o ku akpa ali obili gbe? <sup>15</sup> Elo e ku iKirisiti ali Okphaghie? Abi elo oni o miesuo ali oni o a miesuo e mholi kugbe? <sup>16</sup> Ilamakugbe onoghwo o la Owa Oyi Eshinegba ali ikhumhi o? Irari khi Owa Oyi Eshinegba ni o la o, awa khi, ezeze abi Eshinegba o ngme oli khi, “Mhi ya la we elemhi, mhi la we iteva a kia, mhi khi Eshinegba oyewe, wewe e khi egbo eyemhe.”<sup>§§</sup>

<sup>17</sup> “Irarigho, a rote we iteva lasese, ni a khi oda shi we o, ali a khi ri obo ti emini o a pfuase, egheghe agho ni mhi ti e mama egbe.” Eshinegba Onomhue no fune nya, o ngme na.\*

<sup>18</sup> “Mhi ya khi ita e, ee a khi imimhe emose ali ikpotso.” Eshinegba Onomhue no fune nya o ngme na.†

**7** Aborokhia khi awa mholi ishobona, emole mhe, awa kpe idiegbe ali ayemhe oyawa-a, rote emini e ri ichimhi e shi ogbo egbe ali ayemhe nya. Awa ke roshaka ini awa dobe ramhi ropfuase pfo nya, itobo khi awa a na ulishi Eshinegba.

### Igbaa oyi eni e mie iJesu iKirisiti suo e ri egbe mu iPolu

<sup>2</sup> A khueghie udu oye e-a na anye. Anye ea li ogbokhoghwo onobe, wekhi eri anye yese ogbokhoghwo udu-a, ukele khi eri anye li ogbokhoghwo le. <sup>3</sup> Aa khi eri mhi ngme ona ro pfueche e-a, irari khi mhi kpe ngme oli khi ingme oye

<sup>¶</sup>6:5 Li ze Ika 16.23

<sup>§§</sup>6:16 Li ze iLev 26.12; Ezik 37.27; 1 iKori 3.16; 6.19

\*6:17 Li ze Aza 52.11

†6:18 Li ze 2 iSam 7.14; 1 Okhe 17.13; Aza 43.6; iJere 31.9

ę o la anye elemhi udu ramhi ni anye rọ ya lama nu ę ghua, okekhi ni anye rọ nu ę la agbo. <sup>4</sup>Mhi lolo regbenga ę, mhi ma rę ę gha gba. Elemhi osoli ni anye mę nya, eri iridushio ali oghęle oyanye o vọ ọ tsuakua.

<sup>5</sup>Irari khi abi mhi rọ lo iMasidonia le, idiege oyanye ona ọa mhọli iyemhe okhoghuo. Ode-khode a na anye osoli, eghuo e nu anye wola, ulishi o la anye udu.<sup>6</sup> <sup>6</sup>Ama Eshinegba na irudusho, ni ọ ri udu ę shi oni egbe e pfo-a ọ, ọ ri iTatosi ni ọ bhale ri udu ke shi anye ọ. <sup>7</sup>Ọa khi ibhale oyoli tse o ri udu shi anye ọ, ama abi a li ri udu shi oli ọ. Ọ gbo gueye anye abi o lie ghole ę ni a mę mhe, ali abi a li vie oya, ali abi ingme oyemhe ọ li mu ę egbe. Irarigho, oghęle oyemhe o rọ fu dose abi o kpe li ghue.

<sup>8</sup>Ini ebe ni mhi keke ghi ę, o ri iyese-udu-a na ę, ọa limhe egbe abine khi emini ọa ti ni mhi riele. O kie remhe chima, mhi mę khi ebe oyemhe o rę ę yese udu-a ukuku eghęhe. <sup>9</sup>Ama egbe e kiele mu mhe, ọa khi itobo khi mhi ri udu oyę yese-a, ama itobo khi iyese-udu-a oyę o rę ę mu pfi. Eri a mhọli iyese-udu-a abi Eshinegba ọ nono oli shi. Irarigho, ọa li ę onobe. <sup>10</sup>Irari khi ivie-osoli ni o ghole Eshinegba, eri o ri ogbo ọ mudu pfi, o roli ę nono ni a mie oli pfuese. Onana ọa ri ogbo ngomhi obo-a. Ama ini ogbo vie osoli abi egbo na agbo, eghuli o rọ ọ bhale. <sup>11</sup>A lese bino emini ivie-osoli ni o ghole Eshinegba ọ rọ na ę. Abi a li roshaka ni a rokhase khi aa mhue umhagueli. Elemhi e bi ę. Abo e sha ę, ni o rę ę yila. A gbolo nono ni a so ingme shi ode igesikia! A rokhase khi aa mhọli ashini a te riele oni ingme do-a, eghęhe kpa.

<sup>12</sup>Irarigho, ini mhi ririe keke ebe ogho ghi ę, ọa khi irari eni e li ingme wekhi irari eni ęa li ingme. Ama eri mhi keke

ebe ona ghi ę, ni a ba mę abi ingme oyanye o li mu ę egbe odalo oyi Eshinegba. <sup>13</sup>Enana nya e ri udu shi anye ọ.

Abi o li ri irudusho na anye, igho egbe ma mu anye abi anye rọ mę abi iTatosi ọ li ghele, itobo ayemhe oyoli o ti nge abi ę ę nya a ri egbe mu oli. <sup>14</sup>Mhi kpe rę ę tonoo obo udu khase iTatosi, ama aa ri omama mu mhe. Abi emini anye gueye ę nya e li khi igesikia, igho abi anye rę gha khase iTatosi o li ya khi igesikia. <sup>15</sup>Igho inono ni ọ mhọli na ę o li nga shi ọ, ini ọo sato abi a li suo eso na li, ali abi a ri ulishi ali iguomhise-egbe mie loli. <sup>16</sup>O ma remhe ghele gba khi eni e ze ri egbe ę nga a khi.

### Abi eni e miesuo e lie somhopfa

**8** Inyoghuo, anye ę nono ni a lese afu ni Eshinegba ọ rọ na igbaa nya eyi eni e mie iJesu iKirisiti suo ni e la eke iMasidonia. <sup>2</sup>Eri a rote osoli ni e mę mu we fe bino, ama eri e kie ri ukpokpomhi oghęle e somhopfa, abi o rie khia khi ęa mhue. <sup>3</sup>Mhi gue oli ę ye ę egbegbo khi eri e pfue elemhi somhopfa dose ashini e mhue ramhi. <sup>4</sup>E lema anye, anye kpekpe anye ze ni wewe e mhọli okemhi shi oghęle ni o la irikpaghiobo na egbo eyi Eshinegba ni e la eke iJudia. <sup>5</sup>Eri e ga riele dose abi anye sa khi e li ya riele. E kpe te odode ri egbe we na Onomhue, neni e ke ri egbe we na anye abi Eshinegba ọ nono ni e li riele. <sup>6</sup>Irarigho, anye rọ lema iTatosi, oni ọ rę ę bele oni egbegbi akanya ona, ọ kpaghie ę ni a ri eminete ni a gba eke le ramhi ukpese. <sup>7</sup>Eri a gue ę riele emhikpa dose egboese nya. A toto irudunga ne, a gue ę ngme emue ne, a gbo lese ne. A ma nono ni a rue obo-a, a gbo nono ingme oyanye ne. Zobe ni u dose ogbokpa okpokhe ilili.

<sup>7</sup>5 Li ze 2 iKori 2.13

<sup>8</sup>4 Li ze iRom 15.26

<sup>8</sup>Qa khi itoto mhi rọ mhẹse ọli na ẹ ama eri mhia mhẹse igesikia ni o la inono ni a mhọli bino, abi mhi li rọli ẹ khọkhọ ọmuegbe ni egboese e mhọli na anye. <sup>9</sup>A lẹse abi okhale oyi iJesu iKirisiti Ọnọmhuẹ ọyawa o li, khi aboriekhia khi ọni ọ pfue ọ khi, eri ọ ri egbe ọli mele ọna umhame-a shi itobo ọye ẹ, ni ọ me asha ri umhame ọyọli re ẹ pfue.

<sup>10</sup>Ude ni mhi ya ye ẹ ena, ni o rọ ti ẹ egbe lọ: O ma ti ini isomhopfa ni a te ekẹ beḷe aolukpe ni a rọli ramhi ukpese, abi a li kpẹ te odode khi eni e mhọli ọghuemhẹ somhopfa, ni e gbo somhopfa. <sup>11</sup>A zobẹ ni a pfuse oni akanya gbe pfo, ni abi o li te ekẹ mu ẹ egbe ni a rọ somhopfa, ni a lighọ somhi oni opfa abi abọ e tẹ ẹ. <sup>12</sup>Emini a mhọli ọa mu Eshinegba ẹloe. Emini o mu ẹloe khi abi a li mhọli ọghuemhẹ ni a rọte emini a mhue somhopfa, ọa khi oni aa mhue, áá bino.

<sup>13</sup>Qa khi eri mhia mie egbo eghuo itsua shi ekẹ ni mhi rọ ri itsua na egboese tsua. Ama ni a ga li abeghuo. <sup>14</sup>Aborokhia khi a mhọli gbeku ọ memena egho, o ti ni a kpaghie eni ẹa mhue obo. Ini wewe e ke li mhue gbeku ọ ẹlelese, ni ẹẹ aa ke rọ mhọli, wewe e li kpaghie ẹ obo, ishegho o guẹ ti ẹ egbe abeghuo. <sup>15</sup>Abi a li kekẹ ọli shi Ebe-nopfuase khi, “Ọni ọ ti ẹ gbili ọa ya tigbe mhọli gbeku ọ, ama ọni ọ ti ikukuwe gbili, emhi khoghuo ọa tigbe ẹ baliku.”<sup>§</sup>

### A ghie iTatosi je iKoriti

<sup>16</sup>Mhi kphemhi na Eshinegba ni ọ li ri omuegbe onabi mhi mhọli na ẹ, shi iTatosi udu. <sup>17</sup>Irari khi ọa khi eri ọ lẹse

lama shi emini anye lema li ọ riẹle tse, ama eri o she kpẹ la li udu khi lọli ẹ bhale deba ẹ. <sup>18</sup>Anye li ghie inyoghuo ọoghuo deba li ẹ bhale. Ogbọ ni a ga lolo mu ekpe ẹ na elemhi igbaa oyi eni e mie iJesu iKirisiti suo nya shi akanya itsabo usomhi onete oyi Eshinegba ọ khi. <sup>19</sup>Qa khi ogho tse, eri eni igbaa nya eyi eni e mie iJesu iKirisiti suo, e ze ọli ọ deba anye kia abi anye li tsua eni isomhopfa ikpagho ni anye rọ ya na ẹ kia. Ikhi ikpaghiobo ni e ya ri ikueghie ghi eva oyi oni Ọnọmhuẹ, ni o rokhasẹ khi anye mhọli omuegbe rọ kpaghiobo.

<sup>20</sup>Anye ẹa nono ni ogbokhoghuo ọ me emhi akhokhomhẹ okhoghuo gue shi abi anye li ri isomhopfa ikpagho okpokhe ena kia. <sup>21</sup>Emini o ze khi anye lina riẹle ọli khi, eri anye roshẹka ni anye rokhasẹ khi anye guẹ ri eni isomhopfa ikpagho ena kia. Ọa khi odalo oyi Eshinegba tse ama li shi odalo oyi egbo nya.\*\*

<sup>22</sup>Anye gbo li ghie inyoghuo ọlese ma aava ena egbe ẹ ghi ẹ. Anye she mu ọli fe itingmingme, anye me ọli me khi ọ ma nono ni lọli kpaghie obo. Eena o mema ghole ọli ọ rọ kpaghie obo, eena ni ọ she me khi eni a ri egbe ẹ nga a khi. <sup>23</sup>ITatosi onuzava oyemhẹ ali oni anye ga a gbe akanya kugbe ọ khi, ama inyoghuo awa enekpole, etoeloli igbaa nya eyi eni e mie iJesu iKirisiti suo, ni e ri ufumhi na iKirisiti. <sup>24</sup>Irarigho, a ri inono oyeẹ khasẹ eni egbo ena, ali emini o ze ni anye rọ reẹ a gha, ni igbaa eyi eni e mie iJesu iKirisiti suo e me ọli.

### Ikpaghiobo ni a rọ na egbo eyi Eshinegba

**9** Mhi aa kha ke gbo kekẹ ingme ikpaghiobo ni a nono ni a rọ na egbo eyi Eshinegba ni e la ekẹ iJudia shi ebe ghi ẹ. <sup>2</sup>Mhi lẹse khi ọo ghole ẹ ni a rọ

<sup>§</sup>8:15 Li ze Okiali 16.18

\*\*8:21 Li ze Ekpi 3.4

kpaghie obo, mhi gbo roli ree e neta omose khase egbo na obini iMasidonia, khi aoulukpe, ee ni a la Akhaya a te muegbe ni a ro ya kpaghie obo, ali khi omuegbe oye e o she li guise egbo eghuo le, ni e ro li rielee ikpaghio. <sup>3</sup> Ama eri mhi ghi inyoghuo awa ena ghi e ni a ro mu egbe shi eke, ini eta omose ni anye re e na shi isomhopfa ni a somhi, o khi li abi afue ni anye re e na eta omose, ama ni o kie khi abi anye e khi a li. <sup>4</sup> Irari khi ini onge iMasidonia okhoghuo o deba mhe bhale, ni aa ro mu egbe shi eke, omama o ya mu anye shi abi anye li ligho beshi regbenga e ree neta omose. Ee omama o ya mu ne. <sup>5</sup> Loli o ze ni mhi ro ghie eri inyoghuo awa ena ralo na mhe, ni e ya muegbe isomhopfa okpokhe oyi ukpago, ni e khi a ya ro bhale shi eke neni mhi bhale. Eghenge agho ni a rokhase khi eri o pfo e udu li oni okpokhe ni oa khi oyi ichiobo.

<sup>6</sup> A sato khi oni o chi-obo ri emhi ko khi ukuku o ya me khiese. Oni o ri emhi ko tuo, emini e bu o ya me khiese. <sup>7</sup> Ogbogbo o ri irarigho ke rona abi o pfo oli udu, ama o khi ri iwolo rona, ali o khi li abine khi oni a ri ekpabo re e rielee, irari khi Eshinegba o ma nono oni o ri oghel e rue obo-a. <sup>8</sup> Eshinegba o dobe ya ri ikhivose ni o dose oni a nono na e, ni a ro bhale ya e khi a mholi emhikpa gbeku o dose abi a nono oli shi, ni a ro dobe ke rielee eminete khi eminete na egboese eghenge kpa. <sup>9</sup> Ezeze abi a li keke oli shi Ebe-no-pfuase, ni oo, "O li okpokhe tuotoo, o somhi eni ea mhue opfa, ogbo oa ya yele igue-ngeli oyoli-a ghue agboagbo."††

<sup>10</sup> Eshinegba ni o ri ukpamhi e na ogbo ro ko, o gbo ri eminale na ogbokpa a

le. O ya gbo ri ikpamhi ni a ro o ko ghi e, o gbo rewe ze, o rewe fu ni a me khiese. Ishegho ni onete ni u rielee na egbo o mo umomhi ne, ni u pfa le.‡‡

<sup>11</sup> O ya re e pfue odekhode ni a ke li okpokhe eghenge kpa, ni ebu bu egbo e ke kphemhi na Eshinegba ini anye tsua isomhopfa eye ghi we. <sup>12</sup> Oni ugamhi ni a lina ri okpokhe oye e ona ga ena, oa khi egbo eyi Eshinegba na pfa na tse o kpaghie obo, egbo ebu bu e ri itobo ona a kphemhi na Eshinegba. <sup>13</sup> Eri akanya ni a gbe na egbo eyi Eshinegba o ri ufumhi na Eshinegba, o rewe kueghie Eshinegba. Ona o rokhase khi eni e mie usomhi onete oyi iKirisiti suo a khi, ni a ri oni usomhi gbe akanya, abi a li li okpokhe na we ali egbo elese. <sup>14</sup> Inono ni e rote ekelemhi udu mholi na e, e te e so iromhi na e, itobo ikhivose ni Eshinegba o re e khivose na we. <sup>15</sup> Awa ke kphemhi na Eshinegba shi isomhopfa oyoli ni unu oa dobe ngme pfo.

### IPolu o ri akanya aghiusomhi oyoli lo egbo eso

**10** Eri a roli shi khi eri mhia pfo ini mhi la odalo oye e nu e ngme, ama ini mhi aa nu e migha, mhi nu e e ngme ingmemhi ni e ze. Mena, mhi lema e a ri eso shi mhe eke, irari khi egbegbi iKirisiti lue o, ona ipfomhe ali ikuegbe-a o khi. <sup>2</sup> Egbo eghuo e lie khi eri mhia ngeli abi egbo na agbo ee li. Irarigho mhi ya ri uruli ni o ze nu we ngme emini mhi nu we ya ngme ini mhi bhale. A kpekpe a khi yese mhe ligho ngeli deba e. <sup>3</sup> Irari khi ini o ri rie khia khi elemhi agbo anye la, anye ea ya kholi abi egbo na agbo e lie kholi. <sup>4</sup> Irari khi itsua okholi eyanye, ea khi eni aa me alo gbugbugbu, ama obo oyi Eshinegba e te bhale. E mholi itoto ni e ro dobe

††9:9 Li ze Iwolo 112.9

‡‡9:10 Li ze Aza 55.10

ẹ guoghọ ekpabọ itoto oyi okphaghie-a. Anye ẹ guoghọ ekhako-a, <sup>5</sup>ali isamhi ighagha nya-a, ni ẹ khi ozuode, ni e ti egbewe nga a dose ilese eyi Eshinegba. Anye ẹ mu isamhi ebe nya iko, anye rewe ẹ nyese ukhomhi na iKirisiti. <sup>6</sup>Anye mu egbe ni anye ro ya na umha-sueso nya osoli ini isueso-negbe oye ẹ gba se.

<sup>7</sup>Oa khi abi emhi o li odagbe a lie bino oli? Onge ẹ okhoghuo o la o ni oo lu egboli onayi iKirisiti, o gbo sa ingme egboli bino, irari khi oyi iKirisiti anye li khi abi loli oli khi oyi iKirisiti. <sup>8</sup>Omama o ya mu mhe shi o, ini mhi rie tonon obo udu dose ode shi afu ni Onomhue o ro na mhe, mhi ro kpaghie ẹ obo, ni o a khi oni a ro yese ẹ. <sup>9</sup>Mhi aa nono ni mhi li abine khi eri mhi ri ebe ni mhi keke ẹ nyamhise ẹ alo. <sup>10</sup>Irari khi eri egbo eghuo ẹ lie khi, ebe eyi ipolu e ma kho dose, ama ini o nu awa la ana o pfo-a, ingmemhi eyoli ea ke mu ame. <sup>11</sup>A ze egbo eghoghọ lese khi emini anye keke shi ebe ini anye ea la agho, khi wewe anye gbolo ẹ rie, ini anye bhale migha.

<sup>12</sup>Anye ea gbudu ya ri egbe anye khokho eni ee titi egbe we. Irari khi eni eri e ri egbewe mhesẹ egbewe, ni e ri egbewe khokho egbewe, eyeghe e khi. <sup>13</sup>Ama anye ea ya tonon obo udu da ode, ama ashini Eshinegba o ri afu na anye ramhi anye ya tonon obo udu ramhi, ikhi akanya ni anye gbe ni o ramhi ẹ egbe. <sup>14</sup>Anye ea ya titi egbe anye dose ashini anye kha titi egbe anye ramhi, irari khi anye e mema rue usomhi onete oyi iKirisiti bhale ghi ẹ, ni a ga lese gboo. <sup>15</sup>Anye ea ya ri ikanya ni egboese e gbe ke tonon obo udu abine khi anye gbe we. Ochoghọ eri anye ri udu shi khi irudunga oye ẹ o ya ke nga shi o, ni anye gbo dobe gbe akanya ni e fune iteva oye ẹ, abi Eshinegba o mhesẹ oli ni anye. <sup>16</sup>Ishegho ni

anye dobe tsabo usomhi onete obini eke oboese ni o kpe obo na ẹ, ini anye khi tigbe ri ikanya ni a gbe oboese tonon obo udu.

<sup>17</sup>Oni oo tonon obo udu, o ke ri emini Onomhue o rie tonon obo udu. <sup>18</sup>Irari khi o a khi oni o ti egbe oli nga egbo ee mie khi o ti, ama oni Onomhue o mie, o khi oni a mie.

### IPolu ali ighiusomhi na kee eyi egbholi

**11** Mhi lema ẹ a kpeke a rosheka ri egbe mie oyeghe oyemhe ukuku o tse! <sup>2</sup>Ingme oye o ma mu mhe egbe gba abi o li mu Eshinegba egbe, itobo khi eri a li abi omueshi ni o a me omose ghue, ni mhi she ro nga na omose oghuo, ikhi iKirisiti. <sup>3</sup>Ulishi oo mu mhe ini a ya yese ẹ udu-a ali khi a ya tsua inono na tselele ni a mholi na iKirisiti pfi, ezeze abi enye o li ri ikpamhika eyoli di liwu. <sup>4</sup>Irari khi ini ogboese o bhale deba ẹ ya ri iJesu olese tse abo ye ẹ, ni mhia ro tsabo ye ẹ ghue, okekha khi ayemhe olese ni o khi oda shi oni a kpe mie, a ke mie, okekha usomhi onete olese ni o khi oda shi oni a kpe mie a ke mie, eri a mema nyanya mie oli.

<sup>5</sup>Mhi aa sa khi mhi kpọ dose ighiusomhi na kee ena aakemeghue eye ẹ ni e ghọ mu ẹ eloe egho. <sup>6</sup>Ini o ri rie khia khi ungmehi o a lolo bie shi mhe unu, mhia khi oni o a lese ebe. Anye she ri ona lo ẹ esọ gboo, odekhode.

<sup>7</sup>Eri mhi ri ona lamhe ni mhi aa ro o khi oki nga ẹ ike abi mhi ro gue usomhi onete oyi Eshinegba ye ẹ? Ni mhi ro ri egbe mhe tiemhie eke ni mhi ro re ẹ fu? <sup>8</sup>Igbaa nya eyi eni e mie iJesu iKirisiti suo elese ee fali mhe ota abi mhi ro la iteva oye ẹ gbe akanya. Mhi mie we ro zuse na ẹ. <sup>9</sup>Abi mhi ro la aye ẹ, mhi

<sup>¶¶</sup>10:17 Li ze iJere 9.24

<sup>§§</sup>11:3 Li ze Igbae 3.1-5,13

aa ri ingme ukpaghō nase ē, inyoghuo awa ni e rōte iMasidonia bhale e tsua emhikpa ni mhi i nono ghi mhe. Abi o kpē li ookhokho, ni mhi aa kpē ri itsua na e tsua ighō o kie ya li odalo.\* <sup>10</sup>Ini igēsikia oyi iKirisiti o da kie la mhe egbe ne, ogbōkhoghūo o la o ni o doḅe ya khu mhe mhi khi ke lina tonō obō udu elemhi ekē Akhaya. <sup>11</sup>Oa khi eri mhi aa nono ingme oye, ini mhi ke da liē khi mhi aa nono ni mhi ri itsua na ē tsua. Eshineḡba o leḡe khi mhi nono ingme oyeḡe.

<sup>12</sup>Mhi ya kie ke riēḡe emini mhi kie kpē riēḡe. Egheḡe agho, eni eḡe nono ni wēwe e liē khi ikanya eyēwe ali eyanye khi abeghuo e li, ni mhi rōli khi wē unu-a. <sup>13</sup>Emōse eghoghō, ighiusomhi na keḡe eyi egbhōli e khi, ni e ri ikanya ni ē gbe ē lono egbhōli, ni eḡe li egbō ikokoalo, ni e ri egbe wē shi khi ighiusomhi na keḡe eyi iKirisiti wēwe e khi. <sup>14</sup>Oa ke khi emini áá khōkhō, irari khi eri okphaghie o ri egbōli mele aḡeni oyi ákpá a li egbō ikokoalo. <sup>15</sup>Irarighō, oā khi emhi oshabō ini ighiusomhi eyōli, eḡe li ikokoalo ri egbewē mele ighiusomhi ni e migha shi ipfuasē. Ikpukhokho, e ya mē isō-ēzo oyēwe mie.

### Osoli ni iPōlu o mē na iKirisiti

<sup>16</sup>Mhi gbo ngme ōli, ogbōkhoghūo o khi sa khi oyēḡe mhi khi, ama ini u ke lighō sa, kie lighō mie mhe abi oyēḡe, ni mhi mē emhi rō ke neta omōse. <sup>17</sup>Ama oā khi emini Ōnōmhuē o kha liē mhi ngme mhia ngme memena. Eri mhi ga ngme abi oyēḡe elemhi ingme ineta omōse ona. <sup>18</sup>Aborōkhia khi egbōese e ri emini e riēḡe eḡe neta omōse egho, mhi

ya li lana lighō. <sup>19</sup>Iḡesingme doḡe oyēḡe o zē ni a rō ri oghēḡe mie eyēḡe shi iteva oyēḡe ena! <sup>20</sup>Egbō ni eḡe mu ē ighumha, ni e ri ikpamhika do ē ighiato, ni e reḡe le emhi, ni e ri ukpēloe e gbe ē e gbo pfi ima shi ē alo, wēwe áá mie. <sup>21</sup>Omama o khi, ni mhi rō liē khi eri anye pfo alo-a, ni anye a rō lina ngeli deba ē.

O kha khia khi onete o khi ni eni ighiusomhi eyi egbhōli egho e rō ke neta omōse shi emhi afuē ni eḡe riēḡe deba ē, mhi ya li nu wē la ana neta omōse. Ama a rōli shi udu khi ogbō ni oḡo neta omōse shi angeli oghoghō, khi ooyēḡe o khi.

<sup>22</sup>Ghe khe, e khe khi Iburu wēwe e khi, Iburu mhi li khi, eḡe khi iZireni wēwe e khi, iZireni mhi li khi. Imimi Aburaamu ni e khi, lōli mhi li khi. <sup>23</sup>Ighiusomhi eyi iKirisiti eḡe khi wēwe e khi? Mhi la ana ya li oyēḡe! Mhi ga ti doḡe wē e! Mhi ga gbe akanya doḡe wē. Mhi la owa ighumha itingme ni e bu ne, iti-ingmē ni a gbe mhe itali e bu doḡe eyēwe. Iti-ingmē ni eghuli o kha gbe mhe e bu ne.† <sup>24</sup>Agbhaghbamhi ishe egbō iJu e gbe mhe itali oghuo oā la egbhueva.‡ <sup>25</sup>Itese egbō iRomu e gbe mhe ikpokpo, a tonō mhe eche utoghūo. Itese oko okē oniēmhi ni mhi lo e kulue, ogbeḡeḡhuo ali eliyose nya mhi la ukhomhi okē oniēmhi, ni o tsua mhe gase, ni mhia mē abi mhi li kia.¶ <sup>26</sup>Iti ingmi-ingmē mhi ye asha, ni mhi kha ri egbe na okē oniēmhi ali ighiato gbe-a, mhi gbo la okhēna oyi egbō iJu eyemhe, ali iJeta. Mhi li la egbegbi okhēna elemhi ifui apfe, mhi la okhēna odagbe ifufu, mhi la okhēna ukhomhi okē oniēmhi, mhi gbo la okhēna oyi egbō eghuo, ni e li abi eni e mie Ōnōmhuē suo.§ <sup>27</sup>Egheḡe kpa

\*11:9 Li zē iFili 4.15-18

†11:23 Li zē Ika 16.23

‡11:24 Li zē iDeut 25.3

¶11:25 Li zē Ika 16.22; 14.19

§11:26 Li zē Ika 9.23; 14.15

mhi rọ la iroshẹka ali akanya agbeghua, mhia mę olesę leşę ęle-iyosę eni e bu, okiamhi ali okiamę o gbe mhe. Eminale eyemhe e pfo mhe isheghuo, isheghuo ulili o gbe mhe, mhi aa mę itsua so.<sup>28</sup> Ini a ri obọ ri egho shi eke, ogbelekpa us-amhi ni mhi sa shi ingme oyi igbaa nya eyi eni e mie iJesu iKirisiti suọ o rọ nase mhe.<sup>29</sup> Oghuo o famhi loşę ni ọa li pfi oloşemhe na mhe? Abi khi oghokhoghuo ọ lamhe olamhe ni ọa ri egbe lala mhe?

<sup>30</sup>Ini mhi rię neta omose, emini e ri oloşemhe oyemhe ya khasę mhi rọ ya neta omose.<sup>31</sup> Eshinegba ita Onomhue iJesu ọ leşę khi ọa khi egbhọli mhia lo. Ikhivose khi eva oyoli agboagbo<sup>32</sup> Abi mhi rọ la ęoli iDamasiqosi, eri igovunọ ni o gbe akanya deba oghie Aretasi ọ ri idogeli kpe khe mhe ode unuekpe ni a te lo oni ęoli, ni e ba gba mhe mu.<sup>33</sup> Ama eri ogbo rue mhe pfilo ugi rote okele ni o la ugbe ni a khi gasę oni ęoli bena tiemhi, ni mhi rọ mę asha na vu.\*\*

### Irokhase ni iPolu o me

**12** Mhi ya kie ke neta omose, ama, mhi leşę khi ọa mhọli eleli ni o rọ ọ bhale. Irarigho ingme imeke ali irokhase ni Onomhue ọ rọ na mhe mhi ke ya ke ngme nga memena.<sup>2</sup> Mhi leşę omose oghuo ni ọ la elemhi iKirisiti ni a rue je idane agbhagbhamhi onuzi-ese, oonokpe-igbene. Ini elemhi idiegbe ọ la o, ini ọa khi elemhi idiegbe o, mhia leşę. Ama Eshinegba ọ leşę.<sup>3</sup> Abi mhi ngme, mhię khi Eshinegba tse ọ leşę ini elemhi idiegbe ọ la, ini ọa la elemhi idiegbe.<sup>4</sup> Eri a rue ọli eke-a zai, ya nga Apfe oyi Eshinegba na iloghie. O suọ emini ęa ze ya guele, ni aa ya lama shi a gbudu ngme unu le.<sup>5</sup> Oni omose ogho mhi rọ ya neta omose. Ama mhia ya ri egbe-mhe neta omose, seę ni umha mhuę ekpabo oyemhe.<sup>6</sup> Ini mhi ri rię neta omose,

mhia ya rięle ingme oyeghe, itobo khi igesikia mhia ngme tse. Mhi ya roshęka ini mhi khi ngme da ode. Eghęghę agho ongeę okhoghuo ọa ya timhe nga dose abi a kha timhe nga ramhi, rote emini a mę khi mhi rięle ali emini a suọ khi mhi ngme.

<sup>7</sup>Eri a ri emini o li abi ugba ni o ya ke nase mhe shi mhe egbe ni o khi aghiusomhi oyi okphaghie, ini mhi khi vuse ike dose shi irokhase ebubu ni mhi me.<sup>8</sup> Itese mhi lema Eshinegba o mie mhe oni emhi anasemhe ona pfi-a.<sup>9</sup> Ama emini ọ rọ so mhe ọ khi, "Ekpabo eyemhe o she bu e, irari khi ini o loşę, loli ekpabo eyemhe e rọ mę asha ri egbe e khasę." Irarigho mhi rọ ri oghęle ri oloşemhe oyemhe ya neta omose, ni ekpabo eyi iKirisiti e mę asha remhe gbe akanya.<sup>10</sup> Ini mhi mhuę oloşemhe, ali ni a rọ tsue mhe, ali ni mhi rọ la umhamę ali ni a rọ mu okhọli vule shi mhe ọ, ali ni mhi rọ mhọli iyese-udu-a, o kha da khi itobo oyi iKirisiti, eri o ri egbe e mu mhe. Irari khi ini o loşę mhe, loli mhi rọ mhọli itoto.

### Ingme oyi egbo iKoriti o mu iPolu egbe

<sup>11</sup>Eri mhi chi oyeghe-a, ama ęę a yeşę mhe e chi ọli-a. Eę a kha ke titi mhe. Ini mhi aa ririę khi emhi khoghuo, mhia mhuę emhikhoghuo ni mhi te kpo dose eni a lui, "Ighiusomhi na keę ena aakemeghue."<sup>12</sup> Elemhi iregbemie osoli, mhi rọ la iteva oyęę gbe rięle ọlele onyaloa ali oshabo ni o rokhase khi aghiusomhi na keę oyi iKirisiti mhi khi.<sup>13</sup> Eri ikhivose ni igbaa nya eyi eni e mie iJesu iKirisiti suọ elese e mę mie o de e unu-a? Abi mhi aa li ri ingme ikpaghiobọ ukpagho nase e lo? A kpekpe, a rọ topfa mhe shi ọ.

<sup>14</sup>Utonuzese na ni mhi rọ mu egbe ni mhi rọ bhale ya bino e. Mhi aa ya

\*\*11:33 Li ze Ika 9.23-25

mhila ẹ emhi khoghuo. Ẹẹ oyeẹ mhia nono, ọa khi ukpaghọ oyeẹ. Ọa kpẹ khi eniyẹ ẹ ri emhi na eni e bia wẹ ẹ le, ama eni e bia eniyẹ e ri emhi na wẹ ẹ le. <sup>15</sup> Irarighọ, mhi rọ ya ri oghẹle ri ukpaghọ ni mhi mhọli nya ali mhẹmhe nya na ẹ, rọ kpaghie ẹ obọ. Inono onikeke a ya mhọli deba mhe ini mhi mhọli inono oniẹmhi na ẹ?

<sup>16</sup> A lama shi ọ khi mhi aa khi itsua na ẹ ni aa tsua. Ama egbo eghuo e ya lie khi ikpamhika mhi rọ ri egbhọli di ẹ mu. <sup>17</sup> Eri mhi ri egbo ni mhi ghie ghi ẹ mu ẹ ma eke? <sup>18</sup> Eri mhi lema iTatọsi o ke le, mhiẹ inyoghuo awa onokpọle ọ kphase ọli. Eri a ya lie khi eri iTatọsi ọ mu ẹ ma eke? Ọa fe lighọ. Abi khi aa lese khi usamhi oghuo mhẹmhe ali lolẹ anye mhọli shi udu ni anye rọ riẹle emini mhẹmhe ali lolẹ anye ga riẹle?

<sup>19</sup> Otse eri a dabi khi eri anye kie kpẹ roshẹka ke khe egbe anye shi eke odalo oye ẹ. Ọa khi ighọ. Ama abi iKirisiti ọ nono ni anye li ngme, anye li odalo oyi Eshinegba. Emọle, eri anye riẹle emini anye riẹle nya rọ kpaghie ẹ obọ. <sup>20</sup> Egbe limhe khi ini mhi ramhi aghọ khi mhia ya bhale ya me ẹ shi abi mhia nono ni a li, ali khi aa ya me mhe abi a nono ni mhi li. Ulishi ọọ mu mhe khi mhi ya bhale ya ẹ shi uwola ali ubogbo, ali udu ni ọọ to, ali ukphe, ali ikemhi ikui-iku, ali iyese egbe eva-a, ali ineta, ali itipfuabo-nga, ali ozughu iteva oyeẹ. <sup>21</sup> Egbe limhe khi ini mhi ke bhale, khi Eshinegba ọ ya ri omama mu mhe odalo oyeẹ. Mhi ya vie na ebubu ẹ ni ẹa kie rote agbo olamhe oyewe mupfi lasele. Ni a kie la angeli efiala, ikhi usamhi irumheba, ali olamhe ighue imumu.

**Itse-agua ali otse enekpukhokho**

**13** Utonuzese na ni mhia bhale ya bino ẹ. Abi Ebe-no-pfuase ọ ngme

ni ọọ, “Otsele eva, okekhi ese, a rọ ọ mu ma ingme, ni a rọ sọ ẹzo.”<sup>††</sup> <sup>2</sup> Mhi kpẹ tse agua ye ẹ, ẹẹ ni a kpẹ lamhe olamhe, ali egboese eni e kpole nya. Mhi kpẹ ngme ọli ibhale onuzi-eva oyemhe. Memena, mhi gbo ngme ọli abi mhi la oboese, mhi tse agua khi ini mhi gbo bhale khi mhi aa ya ze we obọ khi mhi aa na we osoli. <sup>3</sup> Onana o ya rokhasẹ ẹ khi iKirisiti mhi ngme ẹ na. Ini ọ sese ẹ ingme se, a rọ ya lese khi ọ mhọli ekpabo iteva oyeẹ. <sup>4</sup> Ini o ri riẹ khia khi ọa mhue itoto abi a rọ tali ma apfida gbe-a, ekpabo oyi Eshinegba rọ rọ a la agbo. Eri awa aa li mhue itoto abi iKirisiti. Ama a ya me ọli khi anye ya ri ekpabo oyi Eshinegba la agbo, ezeze abi iJesu ọ li, ni anye rọ ga ẹ.

<sup>5</sup> A mhese egbe ẹ bie bino ni a me ini a kie la elemhi irudunga oye ẹ. Ini a mhese egbe ẹ bino ni a rọ me khi iJesu iKirisiti ọa la agbo oyeẹ, a lese khi a she de oni imhesebino. <sup>6</sup> Mhi lese khi a ya me ọli me khi anye ẹa de oni imhesebino. <sup>7</sup> Anye lema Eshinegba, a khi riẹle do-a. Ona ọa khi ni anye rọ rokhasẹ khi anye she me emini anye ẹ nono mu mhue, ama ni o re ẹ ke riẹle emini e gbe akanya ini anye riẹ li abi eni de. <sup>8</sup> Irari khi anye ẹa ya riẹle emini o mu okhọli vule shi igesikia ọ, ama emini o ya mu igesikia mhue anye ya riẹle. <sup>9</sup> Egbe ma mu anye, ini o lose anye ni ẹẹ a rọ mhọli itoto. Ighọ anye gbo lie sọ iromhi Eshinegba ọ re ẹ ke ngeli shi egheghe, abi ọ nono ni a li ke ngeli. <sup>10</sup> Lolẹ o ze khi mhia keke ebe ona abi mhia rọ nu ẹ la oobọ ena. Ighọ lo, ini mhi khi rọli ze mu ẹ, ini mhi bhale deba ẹ. Irari khi eri mhia nono ni mhi ri afu ni Onomhue ọ rọ na mhe gbe akanya, ni mhi rọ kpaghie ẹ obọ, ni ọa khi ni mhi rọ bighi ẹ de.

<sup>11</sup> Ni mhi rọ gbe ọli ukhomhi inyoghuo-mhe, Okhila! A mu udu oye ẹ pfi, a suo olema oyemhe, a lama shi

<sup>††</sup>13:1 Li ze iDeut 17.6; 19.15



egbe ẹ ọ, a ri opfomhẹ nu egbe ke la. Eghẹghẹ agho ni Eshinegba na inono ali opfomhẹ ọ nu ẹ la.

<sup>12</sup> A ke tse egbe egbegbi otse, a ghele mu egbe. <sup>13</sup> Egbo eyi Eshinegba nya ẹ tse ẹ.

<sup>14</sup> Okhale oyi iJesu iKirisiti Onomhẹ, ali inono oyi Eshinegba, ali iregbemu on-ayi Ayemhẹ-no-pfuase, e ka nu ẹ ẹ nya la.

*Ebe ni iPolu o keke ghi egbo*

## **iGalesha**

*Eni e miesuo*

**1** Mhemhe iPolu aghiusomhi na kee ni o a khi obo oyi egbo mhi te bhale, wekhi obo oyi ogbo a te ghie mhe, ama obo oyi iJesu iKirisiti ali Eshinegba Ita ni o rote eghuli guise oli le mhi te bhale, mhemhe mhi keke ebe ona. <sup>2</sup>Mhemhe ali inyoghuo ni e miesuo nya ni e nu mhe la, anye ga tse igbaa nya eyi eni e mie iJesu iKirisiti suo ni e la eoli iGalesha nya.

<sup>3</sup>Eshinegba itawa ali iJesu iKirisiti Onomhue oyawa e ka li okhale na e, e ri opfomhe na e. <sup>4</sup>Loli o ri egboli bhale shi iluasobo shi olamhe eyawa ni o ro pfa awa shi eke agbo okholo ali agbo ingmobe ni awa la ena abi o ghole Eshinegba oyawa ni o gbo khi ita awa. <sup>5</sup>Loli a ri ufumhi ya na ya ramhi ele na agboagbo. Atse.

### **Usomhi onete olese o a ke la o**

<sup>6</sup>Abọ e sha mhe khi a she gbẹ kie oni o rote isomhelemhi oyi iKirisiti lu e, a mu egbe nyene e deba usomhi onete olese ni o khili oda, <sup>7</sup>ni o khia khi ea fe ga khi usomhi onete. O rokhase khi egbo eghuo e she pfi e lo omunu ali khi ee dua ni e mu usomhi onete oyi iKirisiti ukhomhi pfi kpoke <sup>8</sup>Ama ini otseku khi aanye, okekhi agheni ni o rote iloghie tiemhile, o ya gue usomhi olese ye e ni o khi oda shi oni anye kpe gue ye e, a ze ni a rue oli shi ogbo ni a she pfa ezọ mu je ilimhi iriere.

<sup>9</sup>Abi anye kpe ngme loli mhi gbo rieje ngme memena, khi ini ogbo o bhale ya

gue usomhi onete olese ye e ni o khi oda shi oni a miesuo, oni a pfa ezọ mu o pfua agboagbo o khi!

<sup>10</sup>Eri mhia nono ni egbo e ba mie shi mhe o abi khi Eshinegba mhia nono ni o mie shi mhe o? Abi khi egbo mhia nono ni mhi ri egbe mu? Ini o khia khi egbo mhi kiele a nono ni mhi ri egbe mu lo, mhi aa kha khi aghiusomhi oyi iKirisiti.

### **Eshinegba o lu iPolu**

<sup>11</sup>Mhia nono ni mhi gueye e inyoghuo-mhe khi usomhi onete ni mhi ro o tse abo o a khi obo oyi ogbo o te bhale. <sup>12</sup>Mhi aa rote obo oyi ogbokhoghuo mie oli, wekhi eri a sese mhe lue. Ime-alo mhi te mie oli rote obo oyi iJesu iKirisiti.

<sup>13</sup>Irari khi a she kpe suo mhe eko abi mhi ro la ugamhi oyi egbo iJu, abi mhi li lolo rosheka e mu okholi vule shi ena igbaa oyi eni e mie iJesu iKirisiti suo oyi Eshinegba o. Mhi rosheka ini mhi yese imiesuo oyewe-a.<sup>††</sup> <sup>14</sup>Mhi fu shi oni ugamhi egbo iJu dose ebubu egbo ni anye la otu oghuo, ali mhi mholi omuegbe shi ishi eyi eni e bia mhe.<sup>¶¶</sup>

<sup>15</sup>Ama abi Eshinegba ni o rote eke ze mhe kee neni inyemhe o bia mhe, ni o lu mhe rote okhale oyoli. Egbe mu oli khi <sup>16</sup>o ri omioli khashe mhe ni a bhale ya e khi mhi ri oli tsabo ifuabo egbo iJeta. Mhi aa vu ya mhila ogbokhoghuo,<sup>§§</sup> <sup>17</sup>wekhi eri mhi je eoli iJerusalemu ya me eni e khi ighiusomhi na kee, neni o ze mhe, ama eri mhi je eke Arebia ali mhi tigbe nyene egbe jele eoli iDamasikosi.

<sup>18</sup>Abi ikpe ese e ro dose se, mhi ro tigbe nga iJerusalemu ni mhemhe ali iPita anye lese egbe, mhi nu oli la og-

<sup>††</sup>1:13 Li ze Ika 8.3; 22.4-5; 26.9-11

<sup>¶¶</sup>1:14 Li ze Ika 22.3

<sup>§§</sup>1:16 Li ze Ika 9.3-6; 22.6-10; 26.13-18

bele igbeshe.\* <sup>19</sup> Mhi aa me aghiusomhi na kee olese se khi iJemhisi ni o khi in-yoghuo Onomhue.

<sup>20</sup> Mhia gueye e ukpeloe Eshinegba khi emini mhi keke e ghi e ea khi egbholi. <sup>21</sup> Elelese, mhi je eke iSiria ali eke iSil-isha. <sup>22</sup> Ogbokhoghuo o la elemhi igbaa nya eyi eni e mie iJesu iKirisiti suo na eke iJudia ni o me mhe ukpeloe ghue. <sup>23</sup> Eko ni e lese suo khi: "Oni omose ni o kpe mu okholi vule shi awa o, eri o ke tsabo oni ungmehi irudunga oni o kpe dua ni lue yese-a." <sup>24</sup> E kueghie Eshinegba itobo oyemhe.

### Ighiusomhi na ke e mie IPolu

**2** Ikpe igbene e dose, mhi nga iJerusalemu. Utona, iBanabasi o deba mhe. Mhi li gbo rue iTatosi.† <sup>2</sup> Eri mhi nga obo ni mhi ro ri imealo ni mhi me gbe akanya, ali ni mhi rokhase we usomhi onete ni mhi ro o tse abo ifuabo egbo iJeta. Ama eri mhi bena riela ona khase egbo ni e khi eni ee ralo, irari khi ulishi oo mu mhe ini ikanya ni mhi kpe gbe ghue ali ena ikpukhokho eyemhe e ya khi afue. <sup>3</sup> iTatosi ni o nu mhe kia, aa lie khi o mema shele-a, abi o tseku khi ongi iGiriki. <sup>4</sup> Eri ingme oshele onana o lasele irari khi inyoghuo eghuo ena egbholi e bena lo anye ifuabo, ni e ba me asha guano udi epfua ni iJesu iKirisiti o ro na anye, mu anye ighumha. <sup>5</sup> Ama anye ea tigbe lama na we ukuku eghenge ni a ro bhale ya e khi igesikia oyi oni usomhi onete o nu e kie la.

<sup>6</sup> Egbo eni e bino egbewe khi wewe e mu eloe, ea mu mhe eloe, irari khi Eshinegba o mhue oni o kpe mhe ne, ali khi abi ogbo li edato o roli e gue ogbo ez. Eni egbo eghogho ea mhue emini e ro ma mhe usomhi onete.‡ <sup>7</sup> Ama eri e me

khi a she ri akanya itsabo usomhi onete ghi egbo iJeta nga mhe obo, ezeze abi a li li ghie iPita ghi egbo iJu. <sup>8</sup> Irari khi abi Eshinegba o li nu iPita e gbe akanya abi aghiusomhi na kee ni a ghie ghi egbo iJu, igho o li nu mhe gbe abi aghiusomhi ni a ghie ghi egbo iJeta. <sup>9</sup> IJemhisi ali iPita ali iJoni ni a lese khi wewe e mu oni igbaa oyi eni e mie iJesu iKirisiti suo mhue, e me khi Eshinegba o ri isomhopfa na ke na mhemhe ali iBanabasi, e ro lama na anye, anye ke tsabo oni usomhi onete oghuo ye egbo iJeta. Wewe e tsabo ye egbo iJu. <sup>10</sup> Emini e ngme khi anye ke kpaghie egbo ni ea mholi obo, igho mhi li rosheka riela oli.

### IPolu o gueye iPita khi o a gue riela

<sup>11</sup> Abi iPita o ro bhale Atioki, mhi gueye oli gboo ghemhe ghe e khi o a gue kia, irari khi o lue. <sup>12</sup> Neni egbo ni iJemhisi o ghie usomhi, e bhale, iPita o kpe nu egbo iJeta a le eminale kugbe, ama abi eni egbo e ro bhale, o ti je ukhokho na iJeta egho, irari khi ulishi oyi egbo ni e lie khi ogbo o mema shele-a oo mu oli. <sup>13</sup> Egbo iJu eni e miesuo enekpole e li kuma oli o riela ikokoalo, ya ramhi khi oni ikokoalo o li ri iBanabasi kuma we o.

<sup>14</sup> Abi mhi ro me khi, ea rote ode igesikia abi oni usomhi onete o ngme, mhi la ukpeloe eni egbo lie iPita, "Ogbo iJu u khi, ama wa ngeli abi ogbo iJeta. Elo o ze ni u ke ro nono ni i ri itoto mu egbo iJeta ke riela ighuighue eyi egbo iJu?"

<sup>15</sup> "Egbo iJu a bia awa, awa aa khi egbo iJeta ena olamhe," abi a lu we. <sup>16</sup> Lese khi aa ya pfa na ogbo irari khi o ri ushi a gbe akanya, ama itobo irudunga iJesu iKirisiti. Igho awa li li ri udu nga

\*1:18 Li ze Ika 9.26-30

†2:1 Li ze Ika 11.30; 15.2

‡2:6 Li ze iDeut 10.17

iJesu iKirisiti ni a rọ pfa na awa. Oa khi itobọ irushi-gbe akanya, irari khi oğ-bòkhoghuo oa la o ni a ya pfa na irari khi o doḅe ri ushi a gbe akanya.<sup>¶17</sup> “Abi awa liẹ dua ni awa khi eni a pfa na elemhi iKirisiti, eri o rọkhasẹ khi ena olamhe awa khi. Ogho khi eri iJesu o mu e ma olamhe? Iiye o, oa khi igho!”<sup>18</sup> Mhi kha riẹle emini mhi guoghọ-a rọko, eri mhi rọkhasẹ khi oğbushia mhi khi.<sup>19</sup> Irari khi rọte ushi mhi te ghu pfa ushi, ni mhi doḅe la o na Eshinegba.<sup>20</sup> A she li ta mhe ma apfida abi a li ta iJesu ma apfida, ali khi aa ke khi mhemhe mhi ke la agbo, ama iKirisiti o ke la agbo oyemhe. Agbo ni mhi la elemhi idiegbe oyemhe memena, irudunga Omi Eshinegba mhi te la o, ni o nono ingme oyemhe, ni o ghu-a, ni o ri agbo oyoli na mhe.<sup>21</sup> Mhi aa ri obọ gbe isomhelemhi oyi Eshinegba nye, irari khi ini o kha khi itobọ iri-ushi-gbe akanya oğbo rọ pfuase lo, eghuli afue iKirisiti o ghu!”

### Irudunga tse o khi ode imiepfuese

**3** Eẹ eyeghe egbo iGalesha! Oghuo o ri ogbho na e le? Ukpeloe oye e a la ri iJesu iKirisiti khasẹ gboo khi eri a ta li ma apfida.<sup>2</sup> Mhia nono ni mhi rọte obọ oye e lese emhi oghuo. Eri a mie Ayemhe oyi Eshinegba irari khi a ri ushi gbe akanya, abi khi irari khi a mie emini a suọ suọ? <sup>3</sup> Eeyeghe a ghọ khi? A kha ri Ayemhe oyi Eshinegba gba ekele se, a tigbe e dua ni a ri ekpabọ oğbo gbe oni akanya pfo? <sup>4</sup> Eri a na lina me osoli shi afue? Ini afue a me osoli, <sup>5</sup> Ayemhe oyi

Eshinegba ni o rọ na e, ali ikanya oshabo ni o gbe iteva oye e, itobọ khi a ri Ishi eyi iMosisi gbe akanya lo abi khi irari emini a mie ingme oyi iKirisiti suọ, o ze ni o rọ riẹle ena?

<sup>6</sup> A sa ingme oyi Aburaamu ghue, “Eri o mie Eshinegba suọ ni a rọ pfa na li khi o pfuase.”<sup>§7</sup> A lese oli sho, khi egbo ni e miesuo, e khi imi Aburaamu.<sup>\*\*8</sup> Ebe-nopfuase o kpe ngme oli shi eke khi Eshinegba o ya rọte irudunga oyi egbo iJeta pfa na we, o gue oni ungmehi ye Aburaamu o o li, “A ya rọte obọ oye khivose na ishishi ena ekagbo nya.”<sup>†9</sup> Irarigho, eni e mhọli irudunga a ya khivose na abi a li khivose na Aburaamu, ikhi omose irudunga.

<sup>10</sup> Egbo nya ni e ri egbe da iri-ushi gbe akanya, a pfi unu na, irari khi a keke oli khi, “Unu a pfi na oğbo ni oa da ri emini a keke shi ebe ushi nya gbe akanya.”<sup>‡‡</sup>  
<sup>11</sup> Mena, aa me oğbòkhoghuo ni a pfa na odalo Eshinegba irari khi o ri ushi gbe akanya, itobọ khi, “Eni e pfuase, irudunga o re we ya la agbo.”<sup>¶¶12</sup> Ode irudunga o kioda shi ode ushi, ni oo, “Oni o da ri ushi gbe akanya, ushi o rọ ya la agbo.”<sup>§§13</sup> Eri iKirisiti o pfa awa shi eke elemhi ipfiunu-a oyi ushi abi o li khi oni a pfi unu na irari oyawa, irari khi a keke oli khi, “Unu a pfi na oğbòkpa ni a soli-a shi oora.”<sup>\*14</sup> Eri o pfa awa shi eke ni ikhivose eyi Aburaamu e ramhi egbo iJeta egbe, rọte iJesu iKirisiti, ni awa me ikhivose oyi ishobọ Ayemhe-nopfuase rọte irudunga.

<sup>¶2:16</sup> Li ze *Iwolo* 143.2; *iRom* 3.20,22

<sup>§3:6</sup> Li ze *Igbae* 15.6; *iRom* 4.3

<sup>\*\*3:7</sup> Li ze *iRom* 4.16

<sup>††3:8</sup> Li ze *Igbae* 12.3

<sup>‡‡3:10</sup> Li ze *iDeut* 27.26

<sup>¶¶3:11</sup> Li ze *Abak* 2.4

<sup>§§3:12</sup> Li ze *iLev* 18.5

<sup>\*3:13</sup> Li ze *iDeut* 21.23

### Oni Ushi ali oni ishobo

<sup>15</sup> Inyoghuo a zẹ mhe ri angeli eḷekpa rue irokhokho. Ezeze abi ogbokhoghuo o li dobe ya shishi o-a, wekhi eri o dobe ya ro ma ilamasho, ni Eshinegba o nu ogbo lama sho, ni o she gbola migha. Igho oni ingme onana o li. <sup>16</sup> Oni ishobo, Aburaamu ali omioli a shi oli na. Ebe-no-pfuase o li, “Ali imioli,” ni e khi ebubu egbo, ama, “Ali omie,” ni o khi ogbo oghuo, ni o khi iKirisiti.<sup>†</sup> <sup>17</sup> Emini mhi ri ona ngme khi, ushi ni a tigbe ro lasela abi ikpe egbuue uye ali uye ali igbe (430) e ro dose se, o guoghoni ishobo ni Eshinegba o shi-a, ni a yeke oni ekha-a.<sup>‡</sup> <sup>18</sup> Ini oni ugu o migha shi ushi lo, o kha ke migha nga ishobo, Ama rote isomhelemhi oyi Eshinegba o ro shi oni ishobo na Aburaamu.<sup>¶</sup>

<sup>19</sup> Elo o ze ni a ro ri ushi bhale? Eri a ri ushi bhale ni a ro rokhase khi awa lamhe. Eri a roli shi eke ramhi egheghe ni omiomi Aburaamu ni a ri ele ishobo khe o ro ya bhale. Eshinegba o ri oni ushi na igeni tiemhile na iMosisi ni o la iteva ogbo ali Eshinegba. <sup>20</sup> Awa kha da ngme ingme omigha-na ogbo ne, o rokhase khi egbo aava e mema lasela shi agho, Ama Eshinegba lolighuo o shi oni ishobo ona, Eshinegba oghuo, o khi.

### Emini ushi o migha shi

<sup>21</sup> Eri ushi o ke a zu ishobo oyi Eshinegba ode? Iye o! Irari ini eri a ri ushi bhale ni o ri agbo ke na ogbo lo, a kha ri irarigho pfa na ogbokpa ini o ri ushi gbe akanya. <sup>22</sup> Ama Ebe-no-pfuase o ngme ghoni khi ekpabo olamhe o mheshe a na agbo nya, ni a ba bhale ya e khi emini a shobo, ni a ro o na ogbo rote obo

oyi iJesu iKirisiti ni a roli na egbo ni e miesuo.

<sup>23</sup> Neni oni irudunga o bhale, eri ushi o mu awa ighumha, o pfi awa okpe ramhi ni irudunga o ro bhale. <sup>24</sup> Eri a ri ushi na awa ni o sese awa ode ramhi ni iKirisiti o ro bhale, ni a rote irudunga pfa na awa. <sup>25</sup> Memena abi egheghe irudunga o ro bhale, ushi o ke e sese awa ode.

### Imi Eshinegba

<sup>26</sup> Ee nya, imi Eshinegba a khi rote irudunga oyi iJesu iKirisiti. <sup>27</sup> Irari khi ee nya ni a batazi elemhi iKirisiti, a she ri iKirisiti so. <sup>28</sup> Ikihoda o la o na ogbo iJu ali ogbo iJeta, wekhi ikihoda o la oghumha, ali oni o kha oghumha, wekhi omose ali okpotso, irari khi ee nya, oghuo a khi shi iJesu iKirisiti o. <sup>29</sup> Ini a khi onayi iKirisiti, egheghe agho imi Aburaamu a khi, a khi eni e mholi okemhi shi oni ishobo.<sup>§</sup>

**4** Emini mhia ngme khi, ini oni oni ugu o go lu o da kie khi ukuku omone, o kihoda shi oghumha o, ama loli o kie ya mholi eni apfe nya. <sup>2</sup> Eri o kiele ya la obo oyi eni e ri eloe e khu oli, ali eni a ri eni ugu nga obo ne, ya ramhi egheghe ni itali o shi shi eke, ni o ro ya womhe eloe. <sup>3</sup> Igho o li khi shi awa egbe. Ighumha eyi iyemhe ni e mheshe na agbo nya, e mheshe e na awa neni awa mholi iwomhele elemhi ayemhe. <sup>4</sup> Ama abi oni egheghe o ro ramhi, Eshinegba o ghie omioli ni okpotso o bia, ni a bia shi egheghe ushi, <sup>5</sup> ni o ro tsumhi egbo ni ushi o mheshe e na, ni awa te eni a lu Imi Eshinegba. <sup>6</sup> Itobo khi a khi imioli, Eshinegba o ro ghie Ayemhe oyi Omioli bhale udu oyawa, Ayemhe ni o tseshe lie, “Itamhe, Itamhe.” <sup>7</sup> Itobo ona, wa a ke

<sup>†</sup>3:16 Li ze Igbae 12.7

<sup>‡</sup>3:17 Li ze Okiali 12.40

<sup>¶</sup>3:18 Li ze iRom 4.14

<sup>§</sup>3:29 Li ze iRom 4.13

khi oghumha ama omiqli, abi u ke ro khi omiqli egbo, Eshinegba o she re mie oni ishobo. \*\*

### Omuegbe ni iPolu o mhqli na egbo iGalesha

<sup>8</sup>Egheghe ni o dose ni aa ro kpe lese Eshinegba, a khi ighumha eyi emini e khi ilita ni ea khi Eshinegba. <sup>9</sup>Ama memena ni a ke ro lese Eshinegba, ali abi Eshinegba o ke ro lese e ena, elo o ze khi a nono ni a nyene egbe gbo deba iyemhe afue ni ea mhue ekpabo? Elo o ze ni a ro o nono ni e gbo mu e ighumha utonuzi-eva? <sup>10</sup>A ri eloe e shi ogbele na ke ali iki ali egheghe ali ikpe. <sup>11</sup>Ulishi o mu mhe irari khi o li mhe eloe abine khi eri mhi pfuse egheghe-a shi e egbe shi afue.

<sup>12</sup>Mhia lema e, inyoghuo a li abi mhi li, irari khi eri mhi li abi a li. Aa li mhe ingmobe. <sup>13</sup>A yelele, khi elemhi umha ze mhi la ni mhi ro tse abo usomhi onete ye e odo-ode. <sup>14</sup>Abi o tseku khia khi ughuamhi oyemhe khi eri o li abi anasemhe na e, aa ri eloe gbe mhe, aa kie mhe. Ochogho, eri a kpe abo mie mhe abine khi agheni Eshinegba mhi khi, abi a kha li mie iJesu iKirisiti. <sup>15</sup>Elo o li oghele oye? Mhi dobe ya pfi otsela khi ini o ze ya li lo khi a kha ga vuonyo ikpamhi alo eye e na mhe. <sup>16</sup>Mhi she mele obe e-a irari khi mhi gue igesikia ye e?

<sup>17</sup>Egbo e nono ni e ti e ma egbe, ama oa khia ode ni o ti o khi. Emini e nono khi ni e re e mele epfese-a shi anye o, ni a khi eni e mhqli omuegbe na we. <sup>18</sup>O ti ni ogbo o mhqli omuegbe ini o da khi eminete o mhqli oli shi, ali ni o ke mhqli oli egheghe kpa, oa khi ini mhi da lese la agho tse. <sup>19</sup>Imimhe, egbe e to mhe shi

ingme oye, abi okpotso ni oku oo to, ni a ro bhale ya e khi a me iKirisiti agbo oye. <sup>20</sup>Abi a khe khi mhi nu e la, ni mhi mu uruli oyemhe pfi, irari khi egbe e pfo mhe-a shi ingme oye e!

### Ega ali iSera

<sup>21</sup>A gueye mhe ghue, ikhi ee ni a nono ni a khi eni ushi o mhesa a na, a lese abi ushi o ngme? <sup>22</sup>Irari khi a keke oli khi Aburaamu, o bia eniye emose aava, oghuo oo khi omi okpotso oghumha, onokpole o khi omi ogbo.†† <sup>23</sup>Omoo ni oghumha o bia na li, eri a bia li rote ode na tse, ama oni egbegbi okpotso o bia, a bia li rote ode ishobo.

<sup>24</sup>Eni ingme ena nya e mhqli emini e migha shi, irari khi ikpotso aava ena, ilama na egbe eva e khi. Ilama-negbe oghuo o khi ona ukhomhi ute iSinai, o bia eniye ni e ya khili ighumha. Lolli khi Ega. <sup>25</sup>Mena, Ega o migha shi ute iSinai na eke Arabia ni o khili eoli iJerusalemu, irari khi eri o nu imiqli khili ighumha. <sup>26</sup>Ama inyo awa o khi eoli iJerusalemu ni o la odane, omi ogbo o khi. <sup>27</sup>Irari khi a keke oli, e li:

“Ke ghele, ye ye aga  
ni oa bia eniye,  
ri oghele tse se leghe,  
ye ye ni oku oa to ghue,  
irari khi okpotso ni a kie,  
o mhqli eniye ni e bu  
dose okpotso ni o mhqli odo.”‡‡

<sup>28</sup>Memena, inyoghuo-mhe, eniye ishobo a li khi ezeze abi Aziki o li khi omoo ishobo. <sup>29</sup>Abi o kpe li oni egheghe, ni omoo ni a bia elemhi idiegbe, oo li mu okhqli vule shi omoo ni a ri ekpabo Ayemhe oyi Eshinegba bia o, igho o kie li memena.¶¶ <sup>30</sup>Ama se Ebe-no-pfuase

\*\* 4:7 Li ze iRom 8.15-17

†† 4:22 Li ze Igbae 16.15; 21.2

‡‡ 4:27 Li ze Aza 54.1

¶¶ 4:29 Li ze Igbae 21.9

o ngme? Oo, “Khu okpotso oghumha ali omiqli vu, irari khi omi okpotso oghumha oa tigbe ya nu omi egbegbi okpotso kemhi ugu.”<sup>§§</sup> <sup>31</sup> Irarigho, inyoghuo, awa aa khi eniye eyi okpotso oghumha ama eniye eyi okpotso ni o khi omi ogbo.

### Irueqla ni o la obo oyi iKirisiti

**5** IKirisiti o she rue awa o le. Irarigho, a migha gbaa shi oni irueqla, a khi ke gbo ze ni a gbo ya nyene ri egbe e khi ighumha oyi ushi.

<sup>2</sup> A ghe i! Mhemhe iPolu, mhi gue e ye e khi, akanya ni iKirisiti o gbe oa ke ya mhqli elele okhoghuo na e, ini a ya shele-a. <sup>3</sup> Mhi gbo gue e ye ogbo ni o da ze ni a shele qli-a ne, o mema ya ri ushi nya gbe akanya. <sup>4</sup> Ee ni a dua ni a khi eni a pfa na rote iri-ushi gbe akanya, aa ke mhqli obo shi ikanya ni iKirisiti o gbe, a she de okhale oyqli-a. <sup>5</sup> Ama rote irudunga awa te lolo migha a khe ipfuase ni awa ri udu nga rote elemhi Ayemhe-no-pfuase. <sup>6</sup> Irari khi elemhi iJesu iKirisiti, oshela ali umha-shele-a ea mhue eleli. Emini o mema mu egbe khi irudunga ni o mhqli inono.

<sup>7</sup> A kpe gue e kia. Oghuo o mu alo nyene ni aa ke ro o deba igesikia? <sup>8</sup> Oni o lina mu e alo nyene, oa rote obo oyi iKirisiti oni o lu e bhale. <sup>9</sup> “Ogbo obe otuoghuo o dobe ya yese egbo eni e bu-a. Eri o li abi umiesobo oghuo, ni o ri oili e gbolo enekpole-a.”<sup>\*</sup> <sup>10</sup> Ama mhi regbenga e khi eyi Onomhue a khi. Onana o re mhese gboo khi emini mhi gueye e a ya riela, khi aa ya riela emini ogboese o gueye e. Ogbo ni oo nase e, o ya ri ukhomhi kpe o, onini o rie khi.

<sup>11</sup> Inyoghuo, ini ishele-a mhi kiele ro tse abo lo, abi egbo eghuo ee ngme, elo a mu okhqli vule shi mhe o ke shi? Ini o khi igho lo, ungemmi apfida oa kha ke ri elemhi ke bi. <sup>12</sup> Egbo ni e na ri ingme oshela a nase e ena, mhi kha ga lie e bie wali egbewe-a.

### Agbo na elemhi Ayemhe

<sup>13</sup> Ee oye, inyoghuo-mhe, eri a lu e ni a la elemhi epfua. Ama a khi ze ni a ri oni epfua ona ke riela emini idiegbe olamhe oye oo nono. Ochogh o ri inono ke ga egbe e. <sup>14</sup> Irari khi emini a ro ze ushi nya ukhomhi khi, “Nono onuzava oye abi u li nono egbie.”<sup>†</sup> <sup>15</sup> Ini a mu okhqli vule e shi egbe e o, ni a ro o khu egbe e, a mhue egbhe ini a khi a ya pfuse egbe e-a.

<sup>16</sup> Emini mhia ngme khi, a ke kia okiali elemhi Ayemhe, egheghe agho aa ya riela oghuemhe oyi idiegbe olamhe. <sup>17</sup> Irari khi idiegbe, obe Ayemhe o khi, ali khi emini Ayemhe o nono, eri e zu oghuemhe idiegbe olamhe ode. Wewe ava-ava obe e khi shi egbe o, loli o ze khi u waa dobe a riela emini u wa nono ni u riela.<sup>‡</sup> <sup>18</sup> Ama ini Ayemhe o re e kia, waa tigbe ya riela oghumha oyi ushi.

<sup>19</sup> Emini ikanya idiegbe olamhe ee gbe na; Itsebo, ikanya ichimhi na itsebo ali angeli efiala, <sup>20</sup> ikhumhi igaga, ali ogbho ipfipfi, ibiselemhi, umha lama a na egbe, ofuma ikpekpe, ofu imhqli, ikanya ukphe, elemhi ibibi, ikemhi egbe, <sup>21</sup> Idegbe-okonyo, idonyo dose, iye-ukue ni a la li itsebo, ali emhi eles eghogh o. Mhi tse agua ye e, abi mhi kpe li tse oli ye e, khi egbo ni e da a ngeli angeli eghogh o ne khi ea ya mhqli okemhi shi Eghiele oyi Eshinega.

§§4:30 Li ze Igbae 21.10

\*5:9 Li ze 1 iKori 5.6

†5:14 Li ze iLev 19.18

‡5:17 Li ze iRom 7.15-23

<sup>22</sup> Emini Ayemhe ọ ro ọ lasele khi; Inono, oghelẹ, opfomhe, irabomudu, isomhalemhi, onete, ize-ri-egbeda, <sup>23</sup> Ipfomhe, igue-regbekia. Ushi ọa ya mu ogbo shi ọ ini ọ rielle enana nya. <sup>24</sup> Eni e khi eyi iJesu iKirisiti e she rote idiegbe olamhe oyewe ali oghuemhe eyewe nya ma apfida. <sup>25</sup> Aborokhia khi Ayemhe ọ ri awa a kia egbo, awa ke deba ete-awe eyoli. <sup>26</sup> Awa khi ke mu egbawa eloe dose ode, yese elemhi ke bi egbe, ni o ri awa a ke kpe ofuma deba egbe.

### A ke rielle onete na egbo nya

**6** Inyoghuo-mhe, a kha bhale ya e khi a mu ogbokhoghuo shi olamhe, ee ni a la elemhi ayemhe, a kuegbe-a sheshe oli shi ode fiẹ. Ama a ke to egbe e okpe, ini a khi li de pfilo imufe. <sup>2</sup> A kpaghie egbe e itsua, ini a li igbo, a ya rielle oghuemhe oyi iKirisiti. <sup>3</sup> Ini ogbo ọ dabi khi loli mu eloe, ni a ro bhale ya e khi ọa khi emhikhoghhuo, egboli ọọ di. <sup>4</sup> Ogbogbo ọ ke mu angeli eyoli fe ni ọ bino ini e ti. Oni eghẹghe, ọ tigbe me asha a titi egboli. Ọ khi ri egboli khokho ogboese. <sup>5</sup> Ogbogbo ọ tsua itsua eyoli.

<sup>6</sup> A ke ri eminete nya somhi ogbo ni ọọ sese e emini Eshinegba ọ ngme.

<sup>7</sup> Khi di egbe e. Ogbokhoghuo ọa dobe ya ghagha Eshinegba. Emini ogbo ọ ro ko, loli ọ ya khiese. <sup>8</sup> Ini ogbo ọ deba oghuemhe oyi idiegbe olamhe oyoli ro ko ọ khiese epfua. Oni ọ ro ko ro ri egbe mu Ayemhe, ọ ya khiese agbo na agbogbo. <sup>9</sup> A khi ze ni onete iriele

o khuese awa, irari khi o kha ramhi oni eghẹghe, awa ya khiese, ini ọa da lose awa. <sup>10</sup> Irarigho, abi awa da mholi oni eghẹghe kpa, awa ke rielle onete deba ogbokpa, tee-tee, ena omhue-apfe irudunga.

### Itse-agua ni o kpukhokho

<sup>11</sup> A bino ikpamhi alo ebe eniemhi ni mhi ri obọ oyemhe keke ghi e. <sup>12</sup> Egbo ni ee rielle abamemhe, e dua ni e ri itoto ti e shi ishẹle-a, emini o ze ni e ro ọ li igbo khi, ẹa nono ni a mu okholi vule shi we ọ shi osese oyi apfida oyi iKirisiti. <sup>13</sup> Egbegbi eni e shẹle-a, ẹa ri ushi e gbe akanya, ama e nono ni a shẹle e-a, ni e ba me asha ke neta omose khi e re e she shẹle-a. <sup>14</sup> Ama mhi aa tigbe ri emhikhoghhuo ya neta omose, ini ọa li khi ingme oyi apfida oyi iJesu iKirisiti Onomhue oyawa. Itobo oni apfida ona, mhi ro ghu pfa oghuemhe agbo, oghuemhe agbo o ghu pfa agbo oyemhe. <sup>15</sup> Ishẹle-a ali umha shẹle-a ọa mholi abi o ngme, emini o mu egbe khi, ni a ro rielle ogbo bia elemhi iKirisiti. <sup>16</sup> Opfomhe ali ilelemhi e ka nu eni e deba osese onana la elemhi agbo oyewe, li shi egbo iZireni eyi Eshinegba.

<sup>17</sup> Ozukhomhi emhikpa khi, ogbokhoghuo ọ khi ke nase mhe, irari khi mhi mholi emeli oyi iJesu shi egbe oyemhe.

<sup>18</sup> Inyoghuo-mhe, okhale oyi iJesu iKirisiti Onomhue oyawa, ọ ka nu ayemhe oye e nya la. Atse.



*Ebe ni iPolu o keke ghi egbo*

## **Efisha**

*Eni e miesuo*

### **IPolu o tse eni e mie iJesu suo ne la Efesosi**

**1** Mhemhe iPolu, aghiusomhi na kee oyi iJesu iKirisiti ni Eshinegba o ze mhi khi.<sup>1</sup>

Egbo eyi Eshinegba ni e la eke Efesosi, eni e regbenga iJesu iKirisiti mhi keke ebe ona a ghi. <sup>2</sup>Mhi lema Eshinegba ita awa ali iJesu iKirisiti Onomhue, e ka mhue isomhelemhi na e, e gbo ri opofmhe na e.

### **Eshinegba o she te obo oyi iKirisiti riela eminete na awa**

<sup>3</sup>Awa kueghie Eshinegba. Loli o khi Eshinegba ali ita iJesu iKirisiti Onomhue oyi awa. Loli o ri ikhivose ni o te iloghie bhale na awa, ikhivose oni o kpaghie ayemhe oyi awa obo. Ikugbe ni o ku awa ali iKirisiti gbe o ro riela ona. <sup>4</sup>Neni Eshinegba o ma agbo, o she kpe ze awa eni e khi egbo eyoli, rote obo oyi iJesu iKirisiti, ini awa khi eni e pfuase ni ea mhue umha-guekia shi odalo oyi Eshinegba. Itobo khi oo nono ingme oyawa o ro ligho riela oli. <sup>5</sup>Neni Eshinegba o ma agbo, o she te eke gba li khi loli ya ri awa mele imi oli-a, itobo emini iJesu iKirisiti o riela, ni o de shi o abi o ghole Eshinegba. <sup>6</sup>Eri o lina riela oli ini awa kueghie oli shi okhale oniemi ni o mhue na awa, itobo emini omi oli otuoghuo kpe ni o nono ingme oyoli, o riela.

<sup>7</sup>Obo oyi iKirisiti awa te mholi ipfasheke, itobo oia eyoli ni o ku shi eke

abi o ro ghu-a na awa. Ona a te ri olamhe topfa awa. Itobo epfue oyi okhale oyi Eshinegba ni o gbeku o, o ro riela ona.<sup>8</sup> <sup>8</sup>Oni okhale ona o tutu ku awa, rote iletingme ali egbhe o te riela oli. <sup>9</sup>Eshinegba O kueghie osheli emini o gba shi eke-a khasa awa, ikhi emini o rote obo oyi iJesu iKirisiti ro tse, abi o ghole oli. <sup>10</sup>Emini Eshinegba o gba khi loli ya pfuse riela khi, ini o ramhi oni egheghe te, o ya ku emhi na agbo ali ena iloghie gbe khi oghuo, o ya ri iKirisiti le oghie wewe nya. <sup>11</sup>Itobo khi Eshinegba o ku anye ali iKirisiti gbe, anye she mie ugu obo oyi Eshinegba. Irari khi o she kpe te eke gba li khi loli ligho ya riela oli, o ro ligho riela oli. O ri emhikpa tse shi abi o ghole oli shi. <sup>12</sup>Ishegho ni anye iJu ni e khi egbo eni odode ni e kpe regbenga iKirisiti, e kueghie Eshinegba shi ufumhi oyoli. <sup>13</sup>Eri a li ku e ma iKirisiti abi a ro suo oni ungmehi igesikia, oni o khi usomhi onete oyi Eshinegba, abi o mie e pfuese. Abi a ro mie iKirisiti suo, Eshinegba o ro shi olele shi e egbe. Ayemhe-no-pfuase ni O kie kpe ro nga na awa o khi oni olele. <sup>14</sup>Itobo Ayemhe-no-pfuase ni Eshinegba o kpe ro na awa, awa ro mholi o shi udu khi Eshinegba o ya ri emini o ro nga na egbo eyoli gbo na awa. Egheghe ni Eshinegba o ro pfa awa egbo eyoli shi eke nya, awa ro mholi eni emhi ena. Ona o ya ri egbo eyoli kueghie oli shi ufumhi oyoli.

### **IPolu o lema na eni e mie iJesu suo ni e la Efesosi**

<sup>15</sup>Itobo emhi ena nya ni Eshinegba o riela, ali abi mhi te suo abi a mie iJesu iKirisiti Onomhue suo ni a gbo mholi inono shi egbo eyi Eshinegba nya o, <sup>16</sup>mhia tigbe yemhe ikphemhi-a, ni mhi ri itobo oye e kphemhi na Eshinegba,

<sup>1</sup>1:1 Li ze Ika 18.19-21; 19.1

<sup>8</sup>1:7 Li ze iKolo 1.14

ini mhi da lema na ẹ. <sup>17</sup>Eri mhia lema Eshinegba oyi iJesu iKirisiti Onomhue oyawa, oni o khi ita awa ni o mholi ufumhi oniemi, o re e mholi ayemhe ileasingme. O gbo ri egbe oli khase e ni a lolo lese oli egbegbo. <sup>18</sup>Mhi gbo lema Eshinegba o khueghie e udu-a ini a lese oni igesikia oyoli, ini a gbo lese irudushi ni a regbenga, ni Eshinegba o lu e shi. Ni a gbo me pfue oyi ugu oniemi oyoli ni eni e mie oli suo e mholi. <sup>19</sup>Mhi gbo lema li o ze ni a lese ekpabo ni e fune eyoli, ni ea mhue irokhokho, ni a ro na awa eni e miesuo. <sup>20</sup>Eni ekpabo ena o ro gbe akanya abi o ro guise iKirisiti eghuli le abi o ro ghua. Wewe o ro ri iKirisiti shito obo ita oyoli obini iloghie. <sup>\*\*</sup> <sup>21</sup>Oobo iJesu iKirisiti o la mheshe na ekpabo, ali itoto ali igeni, ghe enete ghe eni ea ti, ghe eni a me agbo ona ne, ghe ena agbo ni aa me ne. <sup>22</sup>Emhi nya Eshinegba o ro shi ufuege oyoli ni o mheshe shi. Loli o ze iJesu ozukhomhi emhi nya ni o pfomhe igbaa oyi eni e mie iJesu iKirisiti suo eyoli egbe. <sup>23</sup>Egbo ni e mie iJesu suo e khi idiegbe oyi iJesu, iJesu o khi ukhomhi. Ekpabo ali agbo oyi iJesu iKirisiti o vose agbo eyi eni e mie oli suo. Ufumhi oyoli o gase agbo ali emhikpa odekhode nya.††

### Okhale oyi Eshinegba o ro mie awa pfuese

**2** Egheghe ni o dose ni a ro kpe la agbo olamhe, a la agbo umha-suoeso, a khi egbo eni e ghu shi olamhe ni ea mholi Ayemhe oyi Eshinegba. <sup>2</sup>Egheghe agho ingeli agbo a ngeli, a ri ungemhi oyi okphaghiye oni o khi oghie ayemhe alo ebili i gbe akanya. Oni ayemhe ona o kiele la agbo oyi egbo ni ea ya suo eso na Eshinegba a gbe akanya. <sup>3</sup>Igho awa

nya awa kpe li ngeli. Awa ri oguemhe egbe, ali usamhi ebe ni udu oyi awa o gueye awa a riye emhikpa. Abi egboese na agbo ni ea ya suo eso na Eshinegba e li ya pfua, awa kha li pfua. <sup>4</sup>Ama Eshinegba o nono ingme oyi awa gba, igho ilelemhi oyoli oo gbedi. <sup>5</sup>Loli o ze ni o ro rote obo oyi iJesu iKirisiti ni o guise le ri agbo ayemhe onogbo na awa, aboriekhia khi eni umha-guekia o kesa awa khi. Okhale oyi Eshinegba a ro mie e pfuese.†† <sup>6</sup>Eri o ri agbo onogbo oyi iKirisiti na awa, o ri awa nu iKirisiti shito obini iloghie, nu o li e mheshe, itobo emini iKirisiti o riye na awa. <sup>7</sup>Rote iJesu iKirisiti Eshinegba o te ri okhale ni o mholi na awa khase, ogbenako ni egbo e me ashini okhale oyoli o fu ramhi, ni oa mholi irokhokho. <sup>8</sup>Okhale oyi Eshinegba a ro mie e pfuese abi u ro miesuo, oa khi ingeli enete ni u ngeli e mie e pfuese. Afue-afue o mie e pfuese. <sup>9</sup>Eshinegba oa ri itobo ingeli enete ni u ngeli mie e pfuese, ini ogbokhoghuo o khi vuse ike. <sup>10</sup>Eshinegba o ma awa. Ikanya enete o ma awa awa ke gbe abi awa ali iJesu iKirisiti awa ro da ke khi oghuo egho.

### Eshinegba o she te iKirisiti ku egbo iJu ali egbo iJeta gbe

<sup>11</sup>A yelele egbo enabi a khi elee, khi aa khi iJu. Egbo iJu e ma kpe ri ukpeloe gbe e, itobo khi aa shela a, ali itobo khi aa khi egbo iJu. Ama ee lu egbe we eni e khi egbegbi egbo, itobo khi a shela we-a. Oshela ni o khi akanya ni egbo e ri abo gbe idiegbe. <sup>12</sup>Yelele khi egheghe agho khi aa kpe ku ma iJesu iKirisiti o, a khi ofese shi ishioibo ni Eshinegba o ro nga na egbo iZireni. A khi eni ea mholi iregbenga ni ea mholi Eshinegba shi elemhi

\*\*1:20 Li ze Iwolo 110.1

††1:23 Li ze Iwolo 8.6; iKolo 1.18

††2:5 Li ze iKolo 2.13

agbọ. <sup>13</sup> Ama, memena, ẹẹ ni a kpẹ nu-ata shi Eshinegba o, o ri oḷia eyi iKirisiti ti ẹ mama egbe.

<sup>14</sup> IJesu iKirisiti o ri egbọ iJeta ali egbọ iJu riẹ. O rue ugbe ibiselemhi ni o kpẹ la wẹ iteva ode-a, o rẹwẹ mele egbọ eghuo-a. <sup>15</sup> Eghuli ni o ghu o rọ shishi ishi ni e la wẹ iteva-a, Ini o mẹ asha ri egbọ iJu ali egbọ iJeta khi egbọ enegbọ eghuo. Ona o rọ rẹwẹ riẹle ini e khi ke biselemhi egbe.<sup>¶</sup> <sup>16</sup> Eghuli ni o ghu-a shi oḡa apfida o rọ ku egbọ ena gbe, o gbo rẹwẹ ali Eshinegba riẹle. Agho ibiselemhi egbewẹ o pfo shi.<sup>§§</sup> <sup>17</sup> Usomhi onete oyi Eshinegba oyi opfomhẹ, iJesu o bhale ya tşẹ abọ gueyẹ egbọ iJeta ni e nuata shi Eshinegba o, ali egbọ iJu ni e timama Eshinegba.\* <sup>18</sup> Obọ oyi iJesu iKirisiti awa te mhọli Ayemhẹ oghuo ni o zẹ khi awa ga rọ doḡe a lẹ deba Eshinegba.

<sup>19</sup> Itobọ ighọ ẹẹ egbọ iJeta, aa ke khi epfese, ama a she ku ma egbọ eyi Eshinegba. Ena omhūe-apfẹ oghuo a ke ga khi. <sup>20</sup> Oni idiegbe owa a li khi. Ighiusomhi na ke ni iKirisiti o ze ali emekeguele eyi Eshinegba e khi igbaekele oyi oni owa. IJesu iKirisiti o mu oni owa mhūe. <sup>21</sup> iKirisiti o zẹ ni eche ni a rọ ma oni owa nya e rọ toma, ni oni owa o rọ mele owa oniemi a. O rọ li khi oni o pfuase na Onomhūe. <sup>22</sup> Itobọ khi a ku ma iJesu o, o rọ rẹ ẹ ma eni e mie oḷi suọ. U ya mele owa ni Ayemhẹ oyi Eshinegba o ya ke la-a.

### Eshinegba o ghi iPoḷu ghi egbọ iJeta

**3** Itobọ ona, mhẹmhẹ iPoḷu mhi rọ lema na ẹ. Mhẹmhẹ ni a ri itobọ khi mhia gbe akanya na iJesu iKirisiti mu shi owa ighumha. Akanya abi mhi liẹ

tse abọ usomhi onete oyi Eshinegba yẹ ẹ egbọ iJeta. <sup>2</sup> O limhẹ eloe khi ẹẹ egbọ iJeta, khi a she kpẹ suọ khi Eshinegba o ghie mhẹ ghi ẹ mhi bhale ya tse abọ ye ẹ. Itobọ okhale oyọli o rọ ghie mhẹ usomhi ona, ni mhi kpaghie ẹ obọ. <sup>3</sup> Oni usomhi khi, ugbamhi ni Eshinegba o gba ni o khi oyi osheli, ni o khueghie-a khase mhẹ. Mhi kpẹ khueghie ukukuọ li-a khase ẹ elemhi ebe ni mhi kpẹ keke ghi ẹ. <sup>4</sup> Ini a zẹ ebe onana, a ya mẹ emini mhi leşẹ osheli oniemi ni o khi osheli na iJesu iKirisiti, ni Eshinegba o gba. <sup>5</sup> Eshinegba o a kpẹ khueghie osheli emini o ya riẹle ni o gba shi eke khase egbọ na agbọ ena elele. Ama o she rọte elemhi Ayemhẹ-ḡo-pfuase khueghie oḷi-a khase ighiusomhi na keke ali emekeguele eyi Eshinegba. <sup>6</sup> Emini Eshinegba o gba khi, a ya rọte itsabọ usomhi onete oyi iJesu iKirisiti ri egbọ iJeta ni e miesuọ nu egbọ iZireni ni e miesuọ le ugu oghuo, abi egbọ ni e khi idiegbe oghuo. Egheghe agho ni a bhale ya ẹ khi ẹẹ ni aa khi egbọ iJu, a nu egbọ iJu mhūe obọ shi emini Eshinegba o rọte iJesu iKirisiti rọ nga na iJu.<sup>†</sup>

<sup>7</sup> Eshinegba o ri akanya ni mhi rọ o tse abọ usomhi onete oyọli na mhẹ. Itobọ okhale oyọli o rọ ri oni akanya na mhẹ. O ri ekpabọ eyọli rẹ mhẹ ẹ gbe oni akanya. <sup>8</sup> Ini Eshinegba o pfi ukpeloe bino uwali oḡbọ ni mhi kpẹ khi elele lo, o a kha zẹ mhẹ, mhi ke tse abọ usomhi onete oyọli. Ama itobọ okhale oyọli o rọ ri akanya ona na mhẹ mhi ka tse abọ usomhi onete oyi upfuemhi ni o la iKirisiti yẹ ẹ egbọ iJeta. Upfuemhi ni oḡbọ o a doḡe leşẹ udi oḷi ẹ pfo. <sup>9</sup> O gbo zẹ mhẹ mhi ka khueghie-a khase agbọ kpa abi o li ri oni osheli ni o gba nya ya tşẹ. Eshinegba ni o ma emhi nya o kpẹ rọ te igbaekele ri os-

<sup>¶</sup>2:15 Li zẹ iKolo 2.14

<sup>§§</sup>2:16 Li zẹ iKolo 1.20

\*2:17 Li zẹ Aza 57.19

<sup>†</sup>3:6 Li zẹ iKolo 1.26-27

heli ona sheli agbo nya. <sup>10</sup> Eri Eshinegba o o nono ni loli rote igbaa oyi eni e mie iJesu iKirisiti suo ri ilisingme ode ebubu eyelue khase igeni ali ekpabo na idane. <sup>11</sup> Ina Eshinegba o te eke gba li neni o ma agbo. Ro te iJesu iKirisiti Onomhue oyi awa o te roli tse. <sup>12</sup> Itobo khi awa mie iJesu suo, ali khi awa gbo ku gbe oli o, awa ro a mhuē igbedu ro a lo deba Eshinegba. <sup>13</sup> Itobo igbo, a khi ze ni egbe pfo e-a ini a suo abi mhi lie me osue shi itobo khi mhia tse abo usomhi onete oyi Eshinegba ye e. Ochogho, a ze ni osue ni mhia me o ri ufumhi oyi Eshinegba ghi e.

<sup>14</sup> Loli o ze ni mhi ro wugha odalo oyi Eshinegba ni o khi ita awa a so iromhi na e. <sup>15</sup> Ro te ayi oli unuekpe nya ni e la agbo ali iloghie e te le eva. <sup>16</sup> Eshinegba o mholi ikhivose eniemhi ni o ro o na egbo eyoli, itobo igbo mhi ro lema li, o ri Ayemhe oyoli ri udu oye e toto a, <sup>17</sup> ini iKirisiti o lo e udu shito kpe abi a mie oli suo. Mhi gbo lema Eshinegba o re e migha abi oora ni o pfi imhili lo eke egbegbo, ni a nono ingme oyi Eshinegba ali ingme egbe e, ini a khi de. <sup>18</sup> Mhi gbo lema Eshinegba o ze ni ee ali egbo eyi Eshinegba nya a dobe lese abi inono oyi Eshinegba o gba ramhi. <sup>19</sup> Eshinegba o ze ni a lese inono ni iKirisiti o nono awa, inono ni o gho fu dose ode ni o mholi ukpese, egheghe agho ni ingeli eyi ee, e li abi eyi Eshinegba.

<sup>20</sup> A kphemhi na Eshinegba ni o mholi ekpabo ro riye emhi eniemhi, eni e fu dose emini awa mhila li, ali emini awa da dobe sa. Ekpabo eyoli eni e la awa ayemhe e gbe akanya, o deba a riye eni emhi na awa. <sup>21</sup> A ze ni awa egbo eyoli ni awa ali iJesu iKirisiti e khi oghuo, e kueghie Eshinegba, ogbe na ako ali agbo agbo, ya ramhi ukpese. Atse.

### Ikugbe onayi eni e miesuo

**4** Mhemhe ni mhi ri itobo khi mhia ga Onomhue la owa ighumha, mhi lema e, a ke ngeli ingeli enete, enabi Eshinegba o o a ke ngeli egheghe ni o ro lu e. <sup>2</sup> Emini a riye nya, a ke ti egbe e tiemhi eke, a ri ofie ali ikugbe-a nu egbe ke ngeli. A ri inono ni a nono egbe ri ipfomhe-udu ke ngeli.<sup>3</sup> <sup>3</sup> A rosheka mu ikugbe ni Ayemhe-no-pfuase o ku awa gbe mhuē ali elemhi opfomhe ni o gen o awa kugbe. <sup>4</sup> Idiege oghuo awa khi, Ayemhe-no-pfuase oghuo o la awa egbe, Igbo awa gbo li ri eloe shi eke e khe iregbenga oghuo oyi imiepfuese ni Eshinegba o ro nga na awa abi o ro lu awa. <sup>5</sup> Onomhue oghuo ni o khi iKirisiti, ali irudunga oghuo, ali ibatizi oghuo, awa mholi. <sup>6</sup> Eshinegba ni o khi itawa nya, awa a ga, loli o mhesa a na awa nya, loli o ri awa a gbe akanya oyoli, loli o gbo la agbo oyawa nya.

<sup>7</sup> Ama iKirisiti o kemhi afu ododa ke a na ogbogbo ni o ro ke gbe akanya oyoli. Lolighuo o mhesa abi o li kemhi we. <sup>8</sup> Ona o ze ni ungmehi oyi Eshinegba o ro o. "Abi o ro kholi ebe oli pfuse-a nya, o nga obini o yagha ne nya, o ri ebe oli ni o mu o le la orolo, ee deba li ukhu-khokho abi eni a mu okholi. O tigbe kemhi isomhopfa enete na egbo."<sup>9</sup> <sup>9</sup> Emini a ri ungmehi oyi Eshinegba ona ngme, ni oo, "O nga obini o yagha," loli khi, eri iKirisiti o kpe tiemhie agbo ona, neni o nga idane obini o yagha. <sup>10</sup> IJesu iKirisiti oni o tiemhie agbo ona, o gbo nga obini idane iloghie ni o yagha ne nya, ini o ze emhikpa ukhomhi ni e gue ga ti. <sup>11</sup> IKirisiti o kemhi afu na ke na ogbogbo. O ze eghuo ighiusomhi na ke eyoli, o ze eghuo emekeguele eyi Eshinegba, O ze eghuo eni e kia tse abo ung-

<sup>3</sup>4:2 Li ze iKolo 3.12-13

<sup>4</sup>4:8 Li ze Iwolo 68.18

memhi oyi Eshinegba, o ze eghuo eni eri ukpeloe e khu egbo eyi Eshinegba ali eni e sese we. <sup>12</sup>Eri o lina kemhi afu na we ni e rewe ke gbe ikanya eyoli, ini eni e khi idiegbe oyoli e ke fu sho, ishegho ni idiegbe oyi iKirisiti o totoa elemhi ugamhi oyoli. <sup>13</sup>Ina a li ya ke me oli, ramhi egheghe ni awa nya awa ro kugbe e khi oghuo (abi awa mie Eshinegba suo, ni awa gbo lese omi oli), ya ramhi ni awa ro fu shi imiesuo mele eni e womhelo shi imiesuo, ramhi ni awa ro ya womhelo nya abi iKirisiti. <sup>14</sup>Egheghe agho awa aa ke ea li abi eniye, ini egbo eni e di egbo e khi dobe di awa ya mie emini ea khi egbegbingme suo. Awa aa ke ya li abi oko-okoni oniemhi ni akpekpeli oniemhi o tsua gasu ukhomhi okoni oniemhi, <sup>15</sup>ni awa ri ochogho ke ngme igesikia elemhi inono, ni awa womhelo shi emhikpa, ni awa li abi iKirisiti Onomhue, oni o li abi ukhomhi, awa li abi idiegbe oyoli. <sup>16</sup>iKirisiti o ku egbo eyoli nya gbe abi idiegbe ogbo o tono elamhi mano khi oghuo, ni uguabo ogbogbo o lie gbe akanya oyoli. Egheghe agho oni idiegbe nya o fu, o totoa, o womhelo shi o, egbo e mholi inono na egbe.<sup>§</sup>

### Awa mu ingeli eyi awa pfi

<sup>17</sup>Itobo ona, mhi lo ye e ude, itobo eva oyi Onomhue, a khi gbo ngeli abi egbo ni ea lese Eshinegba, ni usamhi ni ee sa oa mu ame. <sup>18</sup>Egbo eghogho ea ya dobe lese udi emhi eyi Eshinegba gboo. Ea mhue obo shi agbo onogbo oyi Eshinegba, itobo umha lese Eshinegba oyewe, igbe udu oyewe o tsua ghi we. <sup>19</sup>Egbe ea ke lili we ini e riele ingme ebe. E she ri egbe we na ikanya ebe eni

e ghole we de. Ingeli khi ingeli eyi itesebo ee ngeli. Ingeli eghogho e ghole we egheghe kpa e ke ngeli.

<sup>20</sup>Ama, oa khi ina a sese e a li ke ngeli abi a ro lese mie iKirisiti suo. <sup>21</sup>Mhi lese khi a she suo ingme oyoli, a gbo sese e igesikia ni o la ingme oyoli. <sup>22</sup>Emini a sese e khi, a khi ke ngeli eni ingeli ni a kpe ngeli, ni oghuemhe egbe ni ea ti egbo e re e ngeli, ni e yese e agbo-a.\*\*

<sup>23</sup>A ze ni Eshinegba o mu isamhi ali ingeli eyi e pfi ya khi enegbo. <sup>24</sup>Eshinegba o she ri ingeli enegbo enabi eyoli na e. Itobo igho a ke ngeli abi Eshinegba, elemhi ingeli enete ali ipfuase.<sup>††</sup>

<sup>25</sup>Irarigho, a khi ke gbo lo egbholi, ama a ke gue igesikia ye egbe, itobo khi eri awa li abi iguabo ododa eyi idiegbe oghuo.<sup>‡‡</sup> <sup>26</sup>Ini u me elemhi ibibi, khi lamhe, khi ze obili o bi ya e elemhi-ibibi oye shi e elemhi,<sup>¶¶</sup> <sup>27</sup>Khi ri egheghe na okphaghi ni o mu e fe. <sup>28</sup>Oni o kpe e do ughiat o khi ke gbo do, ama o ri abo eyoli ke gbe akanya ni o te me e ke le, ni o gbo te me e ke kemhi na eni ea mholi.

<sup>29</sup>A khi ke ngme ingmemhi ichimhi unu, ama a ke ngme ungmehi onete ni e ri egbe e mu ogbo ni e ri ogbo e fu shi imiesuo. Zobe ni ungmehi oyi e o gue ke de shi egheghe ni a kha ro ngme oli, ni o mholi ikpaghiobo na eni e suo li. <sup>30</sup>A khi ri egbe pfo Ayemhe-no-pfuase oyi Eshinegba-a. Itobo khi Ayemhe-no-pfuase khi olele ni Eshinegba o shi shi e egbe, ni o re lese oli shi udu gboo khi ogbele oo bhale ni o ya pfa e olamhe eye e shi eke. <sup>31</sup>Zobe ni, iyese-a, ofu, elemhi ibibi, okholi, ali iyese egbe eva, ghe imuegbe oke kpa, ali ikanya ebe nya, e lase e udu le. <sup>32</sup>A ke mholi ilelemhi na

§4:16 Li ze iKolo 2.19

\*\*4:22 Li ze iKolo 3.9

††4:24 Li ze Igbae 1.26; iKolo 3.10

‡‡4:25 Li ze iZaka 8.16

¶¶4:26 Li ze Iwolo 4.4

egbe ẹ. A rọ ke topfa egbe abi Eshinegba o ri itobọ iKirisiti rọ topfa ẹ.<sup>§§</sup>

### Angeli oyi ọni ọ miesuo

**5** Irarigho, a roshẹka ke khonya Eshinegba abi a rọ da khi imi ọli ni ọ nono egbegbo egho. <sup>2</sup>A la agbo inono, ezeze abi iKirisiti ọ nono awa ni ọ rọ ghua na awa abi iluasobo ni ẹ kphela ni e ghole Eshinegba.\*

<sup>3</sup>Abi a rọ khi egbo eni e pfuase egho, a khi riele emini ọa gbe akanya nabi itesebo, ukeli emini ọọ pfi omama. A khi khi ena-emhi-ituegbe. Emhi enana ẹa khi emini a suo khi a me iteva oye ẹ egbo eyi Eshinegba ni e khi eni e pfuase. <sup>4</sup>A khi gbo ngme ingmemhi omama ali ungmemhi oyeghe unu, we khi eri a gbudu li iweghie ali iba izeze ni e we-a. Ochogho, a ke kueghie Eshinegba. <sup>5</sup>A lese khi, ghe egbo ena itesebo, ali ona ingeli omama, ali ona emhi ituegbe, khi ẹa ya mholi okemhi shi iloghie oyi iKirisiti ali oyi Eshinegba. Eri ona emhi-ituegbe ọ li abi oni ọọ ga ikhumhi.

<sup>6</sup>A khi ze ni ogbokhoghwo ọ ri ingmemhi afue di ẹ, itobọ khi egbo eni ẹ ngeli ingeli olamhe eghogho, Eshinegba ọ ya na we ali egbo ni ẹa ya suo eso na li osue. <sup>7</sup>Irarigho, khi ku ma egbo eni ẹ ngeli ingeli olamhe eghogho ọ. <sup>8</sup>Elele a kpe la alo ebili, ama memena elemhi akpa a ke la, itobọ khi, a ku ma Onomhue ọ. Irarigho, a ke ngeli abi eni e la elemhi akpa. <sup>9</sup>Itobọ khi onete ali ipfuase, ghe igesikia e khi umomhi ni akpa o rọ lasele. <sup>10</sup>Roshẹka ni u wena emini ẹ ti Onomhue eloe, ni u ke riele we. <sup>11</sup>Khi ke nu egbo na alo ebili gbe ikanya afue na alo ebili, ni ẹa mhue eleli.

Ri ochogho ke kueghie osheli oyewe-a. <sup>12</sup>Emhi omama ọọ khi, ini a ta unu emini egbo ena alo ebili ẹ riele elemhi osheli. <sup>13</sup>Ama, ini akpa o kueghie ikanya eghogho-a gbo o, egbo e ya lese emini e khi, <sup>14</sup>itobọ khi akpa ọọ kueghie emhi nya-a, ni a ke me gbo o. Loli Ebe-nopfuase o rọ, "A gualeni ẹ lese a, a khi li abi oni ọ ghua, ni akpa oyi iKirisiti o la ẹ egbe ke ge."

<sup>15</sup>Itobọ igho lese abi u ke li ya ke ngeli. Khi ke ngeli abi oyeghe, ama ke ngeli abi olesingme. <sup>16</sup>Ini u da mholi eghogho rọ ya riele onete ne, nyanya riele ọli, itobọ khi agbo ingme-obe awa ke la.<sup>†</sup> <sup>17</sup>Itobọ igho a khi khi eyeghe, ama a ze ni a lese emini ẹ ghole Onomhue ni a ke riele. <sup>18</sup>Khi da onyo pfueche egbe-a, ochogho ze ni Ayemhenopfuase o ke vo agbo oye. <sup>19</sup>A ke to iwolo ena irudunga khashe egbe, ke to uwolo eni e te ẹ udu lase ke kueghie Onomhue. <sup>20</sup>Eghogho kpa, ke kueghie Eshinegba ita awa shi emhikpa, itobọ iJesu iKirisiti Onomhue oyi awa.<sup>‡</sup>

### Ingeli oyi emose ali ikpotso ni e la ughue

<sup>21</sup>A ri egbe tiemhie na egbe ẹ pfo nya itobọ khi u mu ekpe na iKirisiti. <sup>22</sup>Ẹẹ ikpotso ni a la ughue, a ri egbe ẹ tiemhie na ọdọ ẹ, abi u li ri egbe ẹ tiemhie na Onomhue.<sup>†</sup> <sup>23</sup>Itobọ khi omose ọ khi ukhomhi oyi okpotso oni ọ rọ shi ughue, ezeze abi iKirisiti ọ khi ukhomhi oyi igba oyi egbo eni e mie ọli suo. Eni e mie ọli suo e khi idiegbe oyoli ni ọ mie pfuese. <sup>24</sup>Itobọ igho okpotso ogbogbo ni ọ mhue ọdọ, ọ nyese ukhomhi na ọdọ li pfo, el-

§§4:32 Li ze iKolo 3.13

\*5:2 Li ze Okiali 29.18; Iwolo 40.6

†5:16 Li ze iKolo 4.5

‡5:20 Li ze iKolo 3.16-17

§5:22 Li ze iKolo 3.18; 1 iPit 3.1

emhi emhi nya, abi igba oyi eni e mie iKirisiti suo e li ri egbe we na li.

<sup>25</sup> Ee emose eni e ri ikpotso shi, a mholi inono ni o te eke elemhi udu laseli shi ighue e o, ezeze abi iKirisiti o nono igba oyi eni e mie oli suo, ni o ze khi o ghu-a na we.<sup>§</sup> <sup>26</sup> O ri itoto oyi ungmehi oyi Eshinegba ri eni e miesuo khi eni e pfaase, o ri ameh khusese we-a ni e dala. <sup>27</sup> Eri o riele ona na igba oyi eni e mie oli suo, ni o ro ri ewe somhi otse, ni e ze oli ro migha odalo oyoli, ni e khi egbo ni uchimhi ota ta ma egbe, wekhi eni e mholi ichinya, u ke lie khi emhi olese ni ota ti, ama ni e khi eni e pfaase ni ea mholi umha-guekia. <sup>28</sup> Ina, ee emose e li nono ingme oyi ughue we abi e nono ingme oyi idiegbe oyewe. Oni o nono ingme oyi ughue oli ingme egbe oli o nono. <sup>29</sup> Ini a mema bino o bie, a ya me khi ogbokhoghuo ota ya biselemhi egbe oli, ama eri o ri emhi na egbe oli e le, o ri ukpeloe e khu egbe oli, ezeze abi iKirisiti o li ri ukpeloe e khu igba oyi eni e mie oli suo oyoli. <sup>30</sup> Uguabo idiegbe oyi iKirisiti awa khi. <sup>31</sup> "Onana o ze ni omose o ro ri ita li ali inyo li e shi eke, o ya toma ughue oli o, eghenge agho wewe aava e mele ogbo oghuo a."\*\* <sup>32</sup> Ukpokpomhi osheli na ni mhi gue e le, ni o la iteva iKirisiti ali igba oyi eni e mie oli suo. <sup>33</sup> Ama, ni mhi ro gbe oli ukhomhi, omose ogbogbo o lolo nono ingme oyi ughue oli abi o li nono ingme egbe oli, yeye okpotso ni u la ughue, lolo mu ekpe ke na odo e.

### IPolu o ye eniye ali eni e bia we ude

**6** Eniye, a ri ungmehi oyi eni e bia e ke gbe akanya, itobo khi loli o ti

ni eni e mie Onomhue suo e ke riele.<sup>††</sup> <sup>2</sup> "Mu ekpe na ita e ali inye e." Ona o khi ushi oni odode ni Eshinegba o shi ni o ri ishiobo ma. <sup>3</sup> "Ini u mu ekpe na eni e bia e, agbo oye o ya ke je odalo egbegbo, u ya gbo li agbo tese agbo ona."<sup>‡‡</sup> <sup>4</sup> Ee ita eniye, a khi riele emini o ri elemhi e ke bi imie, a ri ochogho ke ri ukpeloe khu we, a ke sese we ode oni o ghole Onomhue.<sup>¶¶</sup>

### IPolu o ye ighumha ali eni e mholi we ude

<sup>5</sup> Ee ighumha, a ri ungmehi oyi oni o mholi e ni o la agbo ona ke gbe akanya. A rote ekelemhi udu ke mu ekpe na we. A ri ukpeloe oni o fu ke bino we abi a kha li ri ungmehi oyi iKirisiti gbe akanya. <sup>6</sup> A ke ri ingme oyi ewe gbe akanya eghenge kpa, ota khi ini e bino e tse a ro ri ingme oyewe ke gbe akanya ini e ba ke kueghie e. Ama a ke li abi ighumha eyi iKirisiti e li mu ekpe e na li, ikhi eni e rote ekelemhi-udu oyewe e riele emini Eshinegba oo a ke riele. <sup>7</sup> Rote elemhi udu oye ke gbe akanya abine khi Onomhue wa ga, itobo o a khi egbo tse awa ga. <sup>8</sup> Roli shi udu khi Onomhue o ya somhi ogbogbo opfa shi ikanya enete ni o gbe, shi oghumha o, shi oni o a khi oghumha.<sup>§§</sup> <sup>9</sup> Ee eni e mholi ighumha, a li gue ke ngeli deba ighumha eyi ee, A khi so we ulishi khi a ya nase we. A lese khi oni o mholi e, mholi ighumha eyi ee,

§5:25 Li ze iKolo 3.19; 1 iPit 3.7

\*\*5:31 Li ze Igbae 2.24

††6:1 Li ze iKolo 3.20

‡‡6:3 Li ze Okiali 20.12; iDeut 5.16

¶¶6:4 Li ze iKolo 3.21

§§6:8 Li ze iKolo 3.22-25

o la iloghie. Loli o khi oni o mhuē khi ona o kpe mhe dose ogho.\*

**Abi eni e miesuo e li  
nu okphaghie e kholi**

<sup>10</sup>Ni mhi ro gbe oni ungmehi oyemhe ukhomhi, a rote obo oyi Onomhuē mie itoto eniemhi. Rote ekpabo eniemhi eyoli mie itoto. <sup>11</sup>Rue itsua okhōli nya ni Eshinegba o ro ne so, ni u dobe nu (ekpabo ali ode ebubu ni okphaghie o rote e lasele shi ogbo o) khe abo pfuse a. <sup>12</sup>Itobo khi o kha khi egbo nabi awa, awa nu e kholi, ama itoto ali ekpabo ali ighie eyewe ni e mhesē agbo ona alo ebili, ali ayemhe ebe eyi okphaghie ena irarogbe ni awa a ya me. <sup>13</sup>Itobo igho ri itsua okhōli eni Eshinegba o ro ne nya so, ini u dobe kholi ele ni ekpabo ebe e mu okhōli e vule shi e o. Ini u kholi se nya, gbe lighi.

<sup>14</sup>Mu egbe ni u ro kholi okhōli el-emhi ayemhe. Eghēghe kpa, mie emini e khi igesikia suo. Eri ona o li abi ogbene ni okhōli-okhuē o ro mu oku. Ke ngeli ingeli eni e migha shi ipfuase odalo oyi Eshinegba. Ona o migha shi awulu akhuli ni a ro mu aye ini a ya kholi.† <sup>15</sup>Ke mu egbe eghēghe kpa ni u ro gue usomhi onete oyi Eshinegba oyi opfomhe le, onana o li abi ekuē ni okhōli-okhuē o o so shi awe.‡ <sup>16</sup>Ke regbenga Eshinegba, ona o ya khukhu e obo oyi ikuatse ni okphaghie o o nono ni loli kuali e, eri ona o li abi ofiasē ni okhōli-okhuē o ro mhōli obo ro ke fiase ote-osue erali kua. <sup>17</sup>Yelele khi Eshinegba o mie e pfuse. Onana o li abi arula akhuli ni

okhōli-okhuē o ro rughu e ye okhōli. Rue ungmehi oyi Eshinegba ni Ayemhe-ropfuase o ro ne mhuē obo ke kholi, eri o li abi ogbhorō ni a ro khōli okhōli.¶ <sup>18</sup>Ro te elemhi Ayemhe no pfuase ke lema eghēghe kpa. U kha lema, ke so iromhi ododa. Ke lie Eshinegba o kpaghie e obo. Abi u lie lema, ke tokpe. Ke lema na egbo eyi Eshinegba eghēghe kpa. <sup>19</sup>A gbo li ke lema na mhe ni Eshinegba o ri ungmehi shi mhe unu eghēghe kpa ini mhi ya khueghie unu a ngme, ni mhi dobe khueghie osheli ni o la usomhi onete oyi Eshinegba-a khasē egbo, ini mhi khaa ngme, ni ulishi o khi mu mhe. <sup>20</sup>Oni o to-eoli iKirisiti e tse abo usomhi onete oyi Eshinegba ona mhi khi. Ona o ze ni mhi ro la owa ighumha. Itobo igho, a ke lema na mhe ni Eshinegba o ri udu na mhe ke tse abo usomhi onete oyoli abi mhi kha li tse oli.

**Ipolu o lema Eshinegba o  
khivose na eni e miesuo**

<sup>21</sup>Inyoghuo awa ni awa nono ingme oyoli, ni o gbe akanya oyi Onomhuē te ode igesikia, iTakikosi o khi. O ya gue ingme eyemhe nya ye e, ni a ro gbo lese abi o li mhe egbe ali emini mhia riele.§ <sup>22</sup>Itobo igho mhi ro ghie oli ghi e, ni a ro lese abi anye li la o shi, ni o gbo ri udu shi e o.\*\* <sup>23</sup>Eshinegba ita awa ali iJesu iKirisiti Onomhuē, e ri opfomhe na e ni a miesuo. E ka re e nono ingme egbe e, ali ni a kie ke mie iJesu suo <sup>24</sup>Eshinegba o ka li okhale na egbo nya ni e nono ingme oyi iJesu iKirisiti Onomhuē oyi awa, ikhi inono ni o a ya pfo ghue.

\*6:9 Li ze iDeut 10.17; iKolo 3.25; 4.1

†6:14 Li ze Aza 11.5; 59.17

‡6:15 Li ze Aza 52.7

¶6:17 Li ze Aza 59.17

§6:21 Li ze Ika 20.4; 2 iTimo 4.12

\*\*6:22 Li ze iKolo 4.7-8



*Ebe ni iPolu o keke ghi egbo*

## **IFilipia**

*Eni e miesuo*

**1** Mhemhe iPolu ali iTimoti eni ee ga eyi iJesu iKirisiti anye ga khi.<sup>††</sup>

Mhemhe mhi keke ebe ona a ghi egbo ni e mie iJesu iKirisiti suo nya ni e la eke iFilipi shi eni e ri ukpeloe e khu eyi igbaa oyi eni e mie iJesu iKirisiti suo ali eni e la agho o kpaghie obo.

<sup>2</sup> Eshinegba Ita awa ali iJesu iKirisiti Onomhue e ka li okhale na e, e gbo ri opfomhe ghi e.

<sup>3</sup> Egheghe kpa ni mhi ro da sato e egbe ne, eri mhia kphemhi na Eshinegba.

<sup>4</sup> Egheghe kpa ni mhi ro da a so iromhi na e nya ne, eri oghelē oo la mhe udu ke so iromhi. <sup>5</sup> Irari ode ni a te nu mhe ri oni usomhi onete kia, rote ele nodode ya ramhi amo. <sup>6</sup> Mhi ro sho khi, Eshinegba ni o gba ikanya enete eke le shi agbo oyeē, lolu o ya nu e tsua li ramhi ele ni iJesu iKirisiti o ro ya nyene egbe bhale.

<sup>7</sup> O ti ni mhi lina ke saa ingme oyeē egheghe kpa irari khi ingme oyeē o la mhe udu. O kha ririē khi ighumha mhi la, okekhi ini mhia khe oni usomhi onete shi eke, ali ini mhia pfi otsele ro lama shi emini oni usomhi onete o riēle. Irari khi eri Eshinegba o ri oni afu ona ga na awa, ni awa ro gue oni usomhi onete le. <sup>8</sup> Eshinegba o khi otsele oyemhe khi igesikia mhia ngme ini mhiē khi inono ekelemhi udu ona iJesu iKirisiti mhi mhue na e.

<sup>9</sup> Iromhi ni mhia so na e khi, inono ni a mhue ena, o ke nga sho, rote ile-ingme ali ilese udi ingme, <sup>10</sup> ni a ro dobe ke ze emini o ti ne. Ini a pfuase, ni a khi eni ea mhue umha-guekia ya ramhi ele ni iKirisiti o ya nyene egbe bhale.

<sup>11</sup> Ni agbo oyeē o vo ingeli ipfuase ni e rote obo oyi iJesu iKirisiti bhale. Ni a ro me asha ri ufumhi ali ikueghie na Eshinegba.

### **IKirisiti a la agbo o na**

<sup>12</sup> Mena, mhia nono ni a lese khi emini mhi me khi eri o kpaghie obo ti usomhi onete je odalo. <sup>13</sup> Irarigho, ekhe-khe na agbala nya e she lese khi itobo khi mhi khi aghiusomhi oyi iKirisiti a ro mu mhe shi owa ighumha.<sup>‡‡</sup> <sup>14</sup> Ogba ighumha ni a mu mhe shi o she ri inyoghuo awa ebubu regbenga Onomhue, ni a ro bhale ya e khi e zese udu-a egheghe kpa ro gue usomhi onete oyi Eshinegba le, ni o khia khi ulishi oa mu we.

<sup>15</sup> Egbegbo lo, khi, rote ayemhe ubogbo ali ofuma, egbo eghuo e ro ri iKirisiti e tse abo, ama eghuo e rote udu igesikia roli e tse abo. <sup>16</sup> Eni e rote udu igesikia a tse abo, ayemhe inono e ro o riēle oli, irari khi e lese khi itobo igho Eshinegba o ro remhe shi akana ni mhi migha ke khe oni usomhi onete shi eke. <sup>17</sup> Elese e rote udu aro-timhenga ri iKirisiti e tsabo. Oa khi ode igesikia e te roli e tse abo. Eri o li we egbe abine khi e kha me asha to ingme shi eke na mhe abi mhi la owa ighumha ena. <sup>18</sup> Abiabi e li ri iKirisiti tsabo kpa, oa mhue abi o ngme. O ke khi ode egbholi o, o khi egbegbi ode oo, mhi mema ya ke ghele shi o.

Igho lo e, mhi mema ya ke ghele shi o. <sup>19</sup> Itobo khi mhi lese khi rote iromhi ni a so, ali ikpaghiobo ni o rote Ayemhe oyi iJesu iKirisiti bhale, a ya rue mhe elemhi owa ighumha ona lasele. <sup>20</sup> Mhi ma to eloe eke, mhi gbo mhue irudushi o khi, mhi aa ya tigbe ze ni akanya oyemhe o ba mhe ku. Ama egheghe kpa ali memena mhi ya ri igbedu ke ngme ni

<sup>††</sup>1:1 Li ze Ika 16.12

<sup>‡‡</sup>1:13 Li ze Ika 28.30

mhi ke ri ufumhi ghi iKirisiti rōte angeli oyemhē, mhi la agbō oo, okekhi ini mhi ghua. <sup>21</sup> Irari ini ē oyemhē, agbō ni mhi la, iKirisiti mhi la o na. Mhi kha ghua, eleli o khi na mhē. <sup>22</sup> Ama ini mhi kie la agbō a lē, mhi kha kie mhōli ikanya enete ni mhi kha gbe na iKirisiti. Ama onoghuo o, mhi kha zē mena? Mhi aa lēšē e! <sup>23</sup> Udu o zē mhē eva, mhi aa lēšē oni mhi ya zē o. Mhi ga nono ni mhi deba iKirisiti ni mhi lase agbō le. Ona o ga ti mhē egbe nē. <sup>24</sup> Ama itobō oyē ē, o ti ni mhi la agbō. <sup>25</sup> Mhi lama shi ona, mhi lēšē khi mhi ya la agbō. Mhi ya nu ēē nya la agbō ni a ke je odalo, ali ni a mhōli oghelē ni o la irudunga. <sup>26</sup> Ni a rō bhale ya ē khi ini mhi nyenē egbe bhale gbo nu ē la, a ya mē asha ke titi egbe irari oyemhē, rōte elemhi agbō oyēē ni o kuma iJesu iKirisiti o.

<sup>27</sup> Abibi o riē li, ke ngeli abi ungmehi oyi iKirisiti o ngme. Ni a rō bhale ya ē khi, mhi bhale ya mē ē o, okekhi eri mhi suō eko ē o, mhi kē lēšē khi a kie migha egbegbō elemhi ayemhē oghuo. A khōli okhuē usomhi onete elemhi ikudugbe abi ogbō oghuo. <sup>28</sup> A khi zē ni ulishi ebe ē o mu ē, ona o ya rē wē lēšē khi a ya mhue eleli, ama wēwē e ya pfua, irari khi Eshinegba lōli o ri imuḷe na ē. <sup>29</sup> Irari khi a she ri eghēghē na ē ni a rō ga iKirisiti, ni o a khi irari khi a lēšē ya miesuō tse, ama ni a rō li ya mē osue na li. <sup>30</sup> Memena, a li kuma mhē o shi oni okhōli. Oni a mē khi mhii khōli eghēghē ni o dōšē, ni mhi kiele ē khōli memena.<sup>f</sup>

**A ke khōnya iregbe-tiemhie  
onabi oyi iJesu**

**2** Agbō oyēē ni o kugbe iKirisiti o, o zē ni a rō toto. Inono ni o mhue na ē o ri udu shi ē o. Eē ali Ayemhē oyōli a mhue ikugbe. A gbo mhue isomhelemhi

ali ilēlemhi na egbe ē. <sup>2</sup> Irarighō, mhia nono ni a rēmhē ke ghelē shi abi a mhue isamhi eghuo, ni a riēlē inono na egbe, a gbo khili oghuo elemhi ayemhē ali udu. <sup>3</sup> A khi ri ayemhē a ba timhē nga ali ni a ba mē asha ke tono obō udu, riēlē emhikhoghuo. Ama a nyēšē ukhomhi na egbe. A bino khi oghōšē o somhi dōšē ē. <sup>4</sup> A nono onete oyi egbe ē, o a khi onete oyi yeyēghuo tse.

<sup>5</sup> Mhūē angeli nabi iJesu iKirisiti o mhue.

<sup>6</sup> Abi o riē khia khi eri iKirisiti o li abi Eshinegba.

O a tigbe sa li khi otu lōli ali Eshinegba e khi.

<sup>7</sup> Ochoghō, eri o rōte udu oyōli rue emini o mhue nya obō-a, o mele oni o o ga ogbō-a.

O mele ogbō-a, o ri ēkuē ogbō ku egbe bhale.

<sup>8</sup> O ri egbōli tiemhile, o kia okiali isueso ya ramhi ni o rō ghua, ikhi eghuli oyōli na apfida.

<sup>9</sup> Itobō ona, Eshinegba o yase oli nga obini o yagha nē nya.

O ri eva ni o fu dōšē eva nya nali, <sup>10</sup> ni a rō bhale ya ē khi

ashiashini a da la lu eva oyi iJesu ne,

ikhomhēgbhē nya e nyēšē ghe emhi nya ni e la idane

ali eni e la ekē, ali eni e la elemhi ekē, <sup>11</sup> emhi nya e ya pfi oṭšēlē

khi iJesu iKirisiti o khi Onomhūē, ni a rō ri ufumhi

na Eshinegba Ita.<sup>ss</sup>

<sup>12</sup> Itobō ighō, emōle mhē, abi a liē suesō ukpēloe oyemhē a gbo lighō ke suesō odukhokho oyemhē. A ri ulishi ali ikpheli ke gbe ikanya, ni irudunga oyēē o gba pfo. <sup>13</sup> Itobō khi eghēghē kpa Esh-

<sup>f</sup>1:30 Li zē Ika 16.19-40

<sup>ss</sup>2:11 Li zē Aza 45.23

inegba o ro la e egbe e gbe akanya ni o re e mhuẹ oghuẹmhe, ni a gbo dobe ke rieḷe emini o de shi omheṣe onete oyoli.

<sup>14</sup>A khi ri awolo we ekhako rieḷe emhikhoghuo. <sup>15</sup>Ni a khi egbo ni ea mhuẹ umhaguekia, ni e pfuase abi imi Eshinegba ni e gba pfo, elemhi agbo ni egbo ali ena ikanya ichimhi e la. A mema la we iteva ke ge abi ikpetata ni e la idane,\* <sup>16</sup>abi a lie gue ungmehi agbo ke ye we. Ini a li gho, mhi ya me asha ke re e titi egbe ele ni iKirisiti o ya nyene egbe bhale. Irari khi eri ona o ya rokhase khi iroshaka ni mhi roshi ali ikanya ni mhi gbe, ea khi afue.

<sup>17</sup>Ini a tseku ku oḷia eyemhe abi onyo shi iluasobo ali ikanya enete ni o rote irudunga oyee lasele, eri egbe e mu mhe shi o, mhi nu e ghele. <sup>18</sup>Irarigho, egbe e li ke mu e, a li nu mhe ke ghele.

### ITimoti ali Epafuroditusi

<sup>19</sup>Ini o ghole Eshinegba, mhi khokho khi mhi ya dobe kele ghie iTimoti ghi e. Ni mhi ro suo eko e, ni mhi mhuẹ oghelẹ ini o jele. <sup>20</sup>Lolighuo kpe o lese abi o li mhe egbe, ni ingme oyee o gbo mu egbe. <sup>21</sup>Egbo eni e kpole nya, eleli oyewe e na khu, ama o a khi eleli oyi iJesu iKirisiti. <sup>22</sup>Ama, ee, a lese abi iTimoti o li ri egboli khasẹ e abi o la o shi. Abi mhemhe ali lue anye li kugbe gbe akanya oyi usomhi onete oyi Eshinegba abi ita ali omo ee li. <sup>23</sup>Mhi ya kele ghie oli ghi e ini mhi da lese abi o ya li mhe egbe. <sup>24</sup>Mhi ri egbe da Onomhuẹ khi mhi ya kele bhale.

<sup>25</sup>Mhi kie gbo li khokho khi o ti ni mhi ghie inyoghuo awa ghi e, ikhi Epafuroditusi ni o she gbe akanya deba mhe, ni o she gbo nu mhe gbe akanya ode-khode. Ni o gbo khi aghiusomhi oyee ni oo kpaghie mhe obo. <sup>26</sup>Egbe ee kphakpha li ni o ro me e. Egbe e a ke sheshe oli itobo

khi a suo khi oo ghua. <sup>27</sup>Egbegbo lo, oo ghua gba, ukuku o kpoli eghuli le. Ama Eshinegba o mhuẹ ilelemhi na li. O a khi lolighuo Eshinegba o mhuẹ ilelemhi na tse, o li mhuẹ na mhe, o tsumhi mhe elemhi osue ni o to-nga osoli. <sup>28</sup>Mhemhe egbe ee kphakpha ne ni mhi ro ghie oli ghi e. Ni a gbo mhuẹ oghelẹ ini a me oli, ni osoli oyemhe o kelea. <sup>29</sup>A ri oghelẹ kpe abo mie oli abi inyoghuo na elemhi oni irudunga. A mu ekpe nofunẹ na egbo nya nabi loli. <sup>30</sup>Itobo khi o ri agbo oyoli shi okhena, ukuku o kpole suii ni o kha ro ghu-a shi akanya oyi iKirisiti, ini o me asha ri ikpaghibo na mhe ni ee aa dobe rona mhe.

### Angeli ni o migha shi ipfuase

**3** Ni mhi ro gbe oli ukhomhi, inyoghuo, a ke ghele shi abi a li kuma Onomhuẹ o. O a mhuẹ abi o ngme mhe ini mhi rieḷe emini mhi kpe keke ghi e gbo keke, loli o ya ti e egbe ne.

<sup>2</sup>A mu egbe e shi egbo egho ni e li abi ewa, ni ee gbe ikanya ebe. Ikhi eni e lie khi ogbo mema shelẹ-a neni imiepfuese oyoli o gba pfo. <sup>3</sup>Anye ena, a shelẹ egbegbi ishelẹ-a, irari khi anye te ode ayemhe e ga Eshinegba. Anye mholi oghelẹ shi elemhi agbo oyi anye khi anye kuma iJesu iKirisiti o, ni anye ea ri egbe da ikanya idiegbe. <sup>4</sup>Ama mhemhe mhii kha ri egbe da ikanya idiegbe eghoghho ne.

Ini aa nono ogbo ni o kha regbeda ikanya idiegbe eghoghho lo, mhemhe o kha khi. <sup>5</sup>Irari khi ele-nuzi-elele ni a ro bia mhe, a ro shelẹ mhe-a. Ongi iZireni a bia mhe, mhi rote unuekpe oyi iBejami lasele, egbegbi ongi Iburu. Ini ee, iri ushi oyi egbo iJu gbe akanya, iFarisi mhi khi.† <sup>6</sup>Mhi mhuẹ omuegbe ramhi ni mhi ro mu okholi vule shi igbaa oyi eni e

\*2:15 Li ze iDeut 32.5

†3:5 Li ze Ika 23.6; 26.5; iRom 11.1

mie iJesu iKirisiti suo ọ. Ini ẹẹ abi ogbọ ọ liẹ pfuase, ode irushi-gbe akanya, mhi aa mhue ashini o kpo mhe shi.<sup>‡</sup>

<sup>7</sup>Ama emhi eghogho ni mhi kha leli shi eleli, mhi rewe shi afue, itobo oyi iKirisiti. <sup>8</sup>Ọa khi egho tse, mhi lama emhikpa o limhe opfu-a, itobo ufumhi ni o la ilese ni mhi lese iJesu iKirisiti Onomhue oyemhe. Itobo oyoli mhi ro tsua emhi nya kua. Eri mhi ga bino we shi iku, ni mhi me asha mhue iKirisiti, <sup>9</sup>ali ni mhi ga toma li ọ pfo. Mhi aa ke mhue angeli no migha shi ipfuase oyemhe, angeli ipfuase onabi mhi ri itobo khi mhi ri ushi ẹ gbe akanya mholi. Ama angeli ni o migha shi ipfuase ni a rote irudunga oyi iKirisiti ro na mhe mhi ke mholi memena, angeli ipfuase ni o rote obọ oyi Eshinegba bhale, ni o rote irudunga bhale. <sup>10</sup>Emini mhia nono ni mhi lolo lese khi iKirisiti ali ekpabo ni o rote eghuli guise oli le. Ni mhi ro nu oli me osoli ni ọ me, ni mhi nu oli ghu eghuli onabi ọ ghu. <sup>11</sup>Itobo khi mhi mholi oli shi udu khi a ya li rote eghuli guise mhe le.

### Roshaka na ya ramhi ukpese elemhi irudunga

<sup>12</sup>Mhi a liẹ khi mhi she ramhi ashini mhia nono ni mhi ramhi ne, wekhi eri mhi she gba pfo. Ama eri mhi roshaka ni mhi li abi iKirisiti. Onana o ze khi iKirisiti ọ pfi obọ rue mhe. <sup>13</sup>Igesikia, inyoghuo, mhi aa bino egbemhe shi oni ọ she lo owa ne. Emhi oghuo ni mhia li, khi, ni mhi ro rue ọloe emini e je ikhokho a, ni mhi roshaka ri obọ ramhi emini e la odalo. <sup>14</sup>Irarigho, eri mhi na le talala, ni mhi ro mhue ifata, ni o khi ulumhi ni Eshinegba ọ lu mhe, rote iJesu iKirisiti je agbo ni o la iloghie.

<sup>15</sup>Awa nya ni awa mholi iwomhelo shi elemhi ayemhe, awa li mhue udu onana. Ama ini eghuo elemhi ẹ, e mhue udu oda shi ingme onana, Eshinegba ọ ya roli khase ẹ. <sup>16</sup>Abibi o ya li, awa ke je odalo shi ushi oghuo ni awa deba ramhi ana.

<sup>17</sup>A ke khonya mhe inyoghuo. A ri eso shi egbo ni ẹ deba oni ode onete ni anye ro shi eke na ẹ.<sup>¶</sup> <sup>18</sup>Mhi she kpe gueye ẹ ne, mhi gbolo ri evie shi alo a gueye ẹ memena, khi egbo eghuo e la no khia khi uwali agbo ni e la, o she re we khi obo oyi eghuli ni iKirisiti ọ ghu shi apfida. <sup>19</sup>Owa ere ẹ je, irari khi oghuemhe idiegbe oyewe ọ khi olitsa oyewe. Eri ẹ titi egbe shi emini e kha ro shi omama. Usamhi emhi agbo ona e lese ẹ sa. <sup>20</sup>Ama awa, udiokute oyawa o la iloghie, awa lolo ri alo shi eke ke khe Omiepfuese ikhi iJesu iKirisiti ni ọ rote iloghie jele. <sup>21</sup>Ọ ya ooghie idiegbe oyawa ona ni ọ ghu, ọ ri idiegbe oyi ufumhi onabi oyoli to-eloli oli. Itoto ogho ni ọ ro dobe ri emhikpa bhale omhese oyoli ọ ro ya riẹ we.

### Ungmemhi irudusho

**4** Itobo igho, inyoghuo, ingme oyee oo mu mhe egbe gba. Eloli ẹ, o she nga mhe. A ma ri egbe a mu mhe, mhi gbo re ẹ titi egbe, igho o ti ni a kha li migha agbo oyee na Onomhue.

<sup>2</sup>Mhi lema Euodia ali iSitaiki, a kpekpe a lama na egbe abi inyoghuo ni e mie Onomhue suo. <sup>3</sup>Ali yeye onuzava oyemhe, iSizigusi, kpaghie eni ikpotso ena obọ irari khi e she nu mhe me osue shi itsabo usomhi onete ona kia kia. Ghe iKilemeti ali eni anye ga gbe akanya kugbe ali elese nekpole, eni eva oyewe o la ebe ni a keke eva oyi eni e ya mholi agbo na agboagbo.

<sup>‡</sup>3:6 Li ze Ika 8.3; 22.4; 26.9-11

<sup>¶</sup>3:17 Li ze 1 iKori 4.16; 11.1

<sup>4</sup> Eshinegba o ze ni a ke mholi oghelẹ egheghe kpa irari khi a kugbe Onomhue o. Mhi gbolo e i, a ke ghele! <sup>5</sup> Ze ni ogbokpa o ke me igue riele emhi shi egheghe oye gboo. Irari khi Onomhue o kele ya bhale.

<sup>6</sup> A khi ze ni emhikhoghuo o mu e egbe dose. Ama, emhikpa, a ri udu ikphemhi ke so iromhi mhila Eshinegba emini u wa nono. <sup>7</sup> Ni opfomhe oyi Eshinegba ni o dose ilese oyi ogbo nya, o ri igbe udu ali ayemhe ni o migha na e, irari ikugbe ni a kugbe iJesu iKirisiti o.

<sup>8</sup> Ni mhi ro gbe oli ukhomhi i, inyoghuo-mhe, a ze ni isamhi eminete ni a kueghie ogbo o shi e vo e udu, li shi emini e khi egbegbo, ni e mu eloe, ni e rote ode ipfuase bhale, ni e khi eyi inono, ni a mu ekpe shi. <sup>9</sup> A ri emini a wena obo oyemhe ali eni a mie obo oyemhe, okekhi eni a me agbo oyemhe ke gbe akanya. Shi eni mhi ri unu ngme ali eni mhi riele. Eshinegba ni o ri opfomhe e na ogbo o ya nu e la.

#### **IPolu o tse obode shi isomhopfa**

<sup>10</sup> Abi ogbo ni o mie Onomhue suo, egbe ma mu mhe shi o gba, khi, abi o tseku tese, khi a kie gbo me asha ri inono ni a mhuẹ na mhe khasẹ mhe. Oa ke khia khi eri mhi ri ona lie khi aa ke kpe ri eloe e khu mhe, ama eri aa ke kpe me asha kpaghie mhe obo. <sup>11</sup> Oa khi eri mhia ngme ona irari khi o limhe egbe abine khi a pfi mhe eso-a, itobo khi abi oni mhi mhuẹ o lie khuese mhe o she ma mhe-a. <sup>12</sup> Mhi lese abi oo li egbe ini ogbo o la umhamẹ ali abi oo li ini ogbo

o la osuemhe. Mhi she wena osheli ona ni a ro bhale ya e khi oni mhi mhuẹ o bu mhe. Obiobini o khi oo, ashiashini o khi oo, mhi le khue oo, o ke khia khi okiamhi oo gbe mhe. <sup>13</sup> Mhi dobe riele emhikpa rote itoto ni iKirisiti o ro na mhe.

<sup>14</sup> A ma khale, abi a li kpaghie mhe obo abi mhi ro la omunu. <sup>15</sup> Ee egbo iFilipi, a lese khi abi mhi ro rote eke iMasidonia vu, ni mhi ro lese gba akanya itsabo usomhi onete le, eeghuo kpe a khi eni e miesuo ni e kpaghie mhe obo elemhi irona ali imemie. <sup>16</sup> Oa khi utoghuo tse, a kpaghie mhe obini eke iTesalonika abi mhi ro nono ikpaghio. <sup>§\*\*</sup>

<sup>17</sup> Oa khia khi isomhopfa mhi lese nono, ama emini a ya keke shi ekuẹ oye na iloghie mhia nono. <sup>18</sup> A she fali mhe ota gba pfo, e gbo gba nga o. A she ri itsua ghi mhe ni e vo mhe eke, abi mhi ro mie Epafuroditusi emini a rona li ghi mhe ena, eri e li abi irona ni ee kphela, ikhi iluasobo ni a mie, ni e ti Eshinegba eloe. <sup>††</sup> <sup>19</sup> Eshinegba oyemhe o ya ri emini e ghole e nya na e. Epfue ni o fune ni o la iJesu iKirisiti onayi oli o te ya riele oli.

<sup>20</sup> Ufumhi o khi oyi Eshinegba Ita awa ya ramhi ele ni agboagbo, Atse!

#### **Otse ni o kpukhokho**

<sup>21</sup> Mhia tse ogbokpa ni o khi Omi Eshinegba ni o khi oyi iJesu iKirisiti. Inyoghuo nya ni e nu mhe la ana ee tse e. <sup>22</sup> Egbo eyi Eshinegba ni e la ana nya ee tse e, ghe eni e la agbala oyi iSiza.

<sup>23</sup> Okhale oyi iJesu iKirisiti Onomhue o ka nu ayemhe oye e la. Atse.

§4:16 Li ze Ika 17.1

\*\*4:16 Li ze 2 iQori 11.9

††4:18 Li ze Okiali 29.18

*Ebe ni iPolu o keke ghi egbo*

## **IKolosha**

*Eni e miesuo*

**1** Mhemhe iPolu, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi in-yoghuo awa iTimoti.

<sup>2</sup>Mhemhe mhi keke ebe ona ghi egbo eyi Eshinegba ni e la eoli iKolose, ikhi inyoghuo awa ni e pfuase ni a ri egbe e nga elemhi iKirisiti.

Eshinegba Ita awa o ka li okhale na e, o ri opfomhe na e.

### **Iromhi ali ikphemhi**

<sup>3</sup>Egheghe kpa anye ro kphemhi na Eshinegba, Ita iJesu iKirisiti Onomhue oyawa, ini anye e so iromhi na e.

<sup>4</sup>Itobo khi anye she suo abi a migha shi irudunga oyi iJesu, ali abi a li nono ingme oyi egbo eyi Eshinegba nya. <sup>5</sup>Emini Eshinegba o ro shi eke e ke e obini iloghie, o re e mholi irudunga ali inono ona, ikhi emini a she suo elemhi ungmemhi igesikia, ikhi usomhi onete oyi iJesu iKirisiti ni a she gueye e. <sup>6</sup>Oni usomhi onete ona o she ri umomhi e lasele, o gbolo fu e shi o elemhi agbo nya, abi o kie kpe e li iteva oye rote ogbele ni a te lese igesikia ni o la ukpokpomhi okhale ni Eshinegba o li. <sup>7</sup>Obọ oyi Epafurasi a te suo oni okhale oyi Eshinegba, oni o khi otuoghuo elemhi anye, ni o o gbe akanya oyi iKirisiti te ode igesikia ni o to eloli anye.<sup>††</sup> <sup>8</sup>Loli o gbo gueye anye abi oni Ayemhe o li re e mholi inono na egbo eyi Eshinegba.

<sup>9</sup>Abi anye te lina suo eso onete oyi angeli oye, anye e tigbe yemhe iromhi

isoso-a, ni anye so o na e. Anye e so iromhi, Eshinegba o rote ilensingme ali lese elemhi Ayemhe-no-pfuase kpaghie e obo, ni a lese oghuemhe oyoli, ni a ri ele oli. <sup>10</sup>Eri anye lina so iromhi na e, ni a gue ke ngeli abi egbo eyi Onomhue ee li, ni a ri egbe ke mu oli, a ri imomhi eyi onete iriele lasele, a gbolo e lese Eshinegba gbo shi o. <sup>11</sup>Anye gbolo e lema li, o ri itoto na e, ni a ke ri ekpabo eyoli nya gbe akanya, ni a mholi ukpokpomhi iregbemie ali irabomudu ali oghel. <sup>12</sup>Ni a ke kphemhi na Eshinegba Ita, ni o li re e fu te eni e li mholi okemhi shi ugu oyi egbo eyi Eshinegba, eni e la akpa, ni o ro kpe e. <sup>13</sup>Eshinegba o she rue awa obo oyi ekpabo alo ebili eyi okphaghie lasele, o rue awa bhale iloghie oyi omi oli ni o nono. <sup>14</sup>Obọ oyoli awa te mholi ipfasheke, ni o ri olamhe topfa awa.<sup>¶¶</sup>

### **IKirisiti o fu ne nya**

<sup>15</sup>IKirisiti khi irokhokho oyi Eshinegba ni ogbo aa ya me eloe. Loli o khi oni odode emini Eshinegba o ma nya. <sup>16</sup>Irari khi obo oyoli a te ma emhikpa, ikhi emini e la ukhuli ali eke, ghe eni a me ali eni aa ya me, okekhi ikpekhomhi eghiele o, o khi ekpabo o, o khi ighie o, okekhi ena omheso o, loli o ma emhikpa, o ma we na egboli. <sup>17</sup>O kpe la o neni a ma emhi nya, loli o ze ni emhi nya e ro kugbe khi oghuo. <sup>18</sup>Loli o khi ukhomhi oyi idiegbe, ikhi igbaa oyi eni e mie iJesu iKirisiti suo. Loli o khi igbaekele, itobo khi loli Eshinegba o kpe guise le, ni o ke gbo ya ghu ghue, egheghe agho ni loughuo o ri obo nga emini e la agbo nya ke mheso shi.<sup>§§</sup> <sup>19</sup>Irari khi eri o ghole Eshinegba ni emini o khi nya o la agbo oyi Omi oli. <sup>20</sup>Ishegho ni o me asha rote obo oyi oni Omi oli nu emhikpa mhue

<sup>††</sup>1:7 Li ze iKolo 4.12; iFile 23

<sup>¶¶</sup>1:14 Li ze Efi 1.7

<sup>§§</sup>1:18 Li ze Efi 1.22-23

iro-riële, o khi emhi na agbọ ona okekhi ena idane. Oḷia eyọli ni ọ ku abi ọ rọ ghu-a shi ukhomhi apfida ọ rọ riële ona.\*

<sup>21</sup> Egheghe ni o doṣe ni aa rọ kpẹ leṣe Eshinegba, eri a nuata shi ọli ọ. A khi ebe ọli elemhi udu oyẹ, itobọ angeli obe ni a ngeli. <sup>22</sup> Ama Eshinegba ọ she rẹ ẹ nu egbọli rọ riële. Eghuli oyi iKirisiti ọ rọ rẹ ẹ khi eni e pfuase shi odalo oyọli, ni aa ke mhọli ichimhi, ni á pfue umhaguẹkia. <sup>23</sup> Ini a da kie la elemhi irudunga oyẹ, ni a rọ migha gbagbagba shi ọ, ni aa rọ zẹ ni irudushi ni a mhọli o nighise, ikhi oni a mhọli shi emini Eshinegba ọ rọ shobọ na ẹ elemhi usomhi onete oyọli. Oni usomhi onete ona ni a she rọ tse abọ khase ogbokpa elemhi agbọ ona, lọli a zẹ mhe iPọlu shi abi aghiusomhi, mhi rọli ke tse abọ.

### **Ikanya ni iPọlu ọ gbe na igbaa oyi eni e mie iJesu iKirisiti suọ**

<sup>24</sup> Memena, egbe ga a mu mhe shi osoli ni mhi me ẹ na ẹ elemhi idiegbe oyemhe. Eri mhi ri oni osoli ona pfuse ikanya eni e kpọle gbe, abi iKirisiti ọọ me osoli na idiegbe oyọli, ikhi igbaa oyi eni e mie iJesu iKirisiti suọ. <sup>25</sup> Eshinegba ọ she remhe khi oni ọọ ga oyi igbaa oyi eni e mie iJesu iKirisiti suọ oyọli, ni mhi ya tse-abọ oni usomhi oyọli nya ye ẹ. <sup>26</sup> Ona o khi osheli ni ọ kpẹ rọ sheli na egbọ rọte igbaekele ramhi egheghe ana. Ama, lọli ọ tigbe khueghie a khase egbọ eyọli ena. <sup>27</sup> Eri Eshinegba ọ riële ona ni eni egbọ eyọli e leṣe pfue oniemi ni o la oni osheli ona. Oni osheli khi, iKirisiti ni ọ la agbọ oyẹ ẹ, ni ọ rẹ ẹ mhọli irudushọ khi, a ya nu ọli mhọli okemhi shi ufumhi oyi Eshinegba.

<sup>28</sup> Lọli o zẹ ni anye rọ ri iKirisiti ẹ tse abọ khase ogbokpa. Rọte egbhali ni anye mhọli nya anye te ẹ tse agua ye ogbọ, anye gbolo ẹ seṣe we ni anye rọ rue we

bhale odalo oyi Eshinegba abi egbọ ni e mhue iwomhelo, ni e toma iKirisiti ọ. <sup>29</sup> Ni a bhale ya ẹ khi ona o zẹ ukhomhi, eri mhi ri ekpabọ eyi iKirisiti nya ni e la mhe egbe roshẹka gbe akanya.

**2** Mhia nono ni mhi gueye ẹ abi mhi li roshẹka a kpaghie ẹ ali eni e miesuo ni e la ẹli iLaodisha ali egboṣe ni ẹa me mhe ukpeloe ghue obo. <sup>2</sup> Emini o zẹ ni mhi rọ ọ riële ona khi ni a rọ ri udu shi we ọ, ali ni e kugbe elemhi inono, ini e mhọli pfue ni o gba pfo ni ileṣe o rọ ọ na ogbọ. Egheghe agho ni e leṣe osheli ni Eshinegba ọ gba, ni o khi iKirisiti. <sup>3</sup> Lọlighuo kpe ọ khi okpe ni ọọ khueghie pfue-a ni o la ileṣingme ali ileṣe eyi Eshinegba.

<sup>4</sup> Eri mhi gue ona a ye ini ogbokhoghuo ọ khi ri oseṣe egbhọli bhale ya di ẹ, abibi eni oseṣe e ririę dala esọ ramhi. <sup>5</sup> Irari khi, ini mhi aa ririę nu ẹ la agho, ayemhe oyemhe o nu ẹ la agho. Mhi nono ni mhi bhale ya me ẹ abi a gue la kuete, ni irudunga ni a mhọli shi iKirisiti ọ ọa li nighise.

<sup>6</sup> Aborokhia khi a she rue iJesu iKirisiti abi Onomhue, a nu ọli ke ngeli kugbe, <sup>7</sup> ẹ gbelighi migha, a gbo rọ ma imiesuo ni a mie iKirisiti suọ, a kie mhọli ọli shi udu khi emini a seṣe ẹ ikhi ingme eyi iKirisiti khi igesikia e khi. A kphemhi ẹ na Eshinegba egheghe kpa.

<sup>8</sup> Khi zẹ ogbokhoghuo di ẹ mu lama shi oseṣe afue ali eyi ikpamhika. Ikhi oseṣe ni e migha nga angeli ali egbhali oyi agbọ, ni ẹa rọte obo oyi iKirisiti bhale.

<sup>9</sup> Irari khi emini Eshinegba ọ khi nya e la idiegbe oyi iKirisiti. <sup>10</sup> Irari khi a kugbe iKirisiti ọ, a rọ mhọli agbọ ni o gba pfo elemhi ayemhe. Lọli ọọ kpada nya elemhi ekpabọ ali omheṣe ali afu nya na elemhi ayemhe. <sup>11</sup> Itobọ khi a kugbe iKirisiti ọ, ọ rọ rue ẹ oguemhe idiegbe udu lasele, ezeze abi a lie shele

\*1:20 Li zẹ Efi 2.16

ogbo ephi-a. <sup>12</sup> Ezeze abi a li ri iKirisiti to abi o ro ghua, ni a gbo guise oli le, igho a li pfi e lo elemhi oko gbo mu e vule, elemhi ibatizi. A guise e le bhale agbo irari khi a mholi irudunga shi ekpabo oyi Eshinegba ni o rote eghuli guise iKirisiti le. †

<sup>13</sup> Eri a kpe ghua shi elemhi ayemhe eghoghe no dose, irari khi a la agbo olamhe. Ama memena, Eshinegba o she ri iKirisiti re e gbo mholi agbo. O ri olamhe eyawa nya topfa awa. ‡ <sup>14</sup> Abi Eshinegba o ro shishi ishi ni a ze shi awa egbe-a se, ikhi eni e migha zu awa ode, o rue we awa ode-a, o ta we ma apfida abi iJesu o ro ghua. ¶ <sup>15</sup> Abi o ro mie iyemhe okphaghe ekpabo se, o re we lasele gboo yeghe-a abi o ro ghua shi apfida.

<sup>16</sup> Irarigho, khi ze ni ogbokhoghuo o gue e ezo shi emini u wa le ali oni u wa da, ukeneta ushi imu Uki Onogbo ali ogbele ne pfuase ali Ogbela iyemhe oyi iJu. § <sup>17</sup> Enana nya, irokhokho oyi emini e ya bhale ikpukhokho agbo e khi, iKirisiti o khi ozukhomhi we nya. <sup>18</sup> Khi ze ni ogbokhoghuo ni o riela iregbe-tiemhie eyi ikpamhika, ni oo ga igeni, o di e dobe eleli oye-a. Emini egbo eghogho e me e la tono ali udu oyewe ni imiesuo o roli e vuse ike shi isamhi afue.

<sup>19</sup> Ogbo ogogho o ke kugbe iKirisiti o, ni o khi Ozukhomhi oyi oni idiegbe, ikhi igbaa oyi eni e mie iJesu iKirisiti suo miesuo. Ezeze abi ukhomhi oyi ogbo o lie gueye idiegbe abi o lie kia, igho omhese oyi iKirisiti o lie mhese na egbo eyoli nya, rewe gbe akanya kugbe abi idiegbe ogbo o tono elamhi ali ikpese egbe mano, khi oghuo. Eghoghe agho

oni idiegbe nya o fu abi Eshinegba o nono oli shi. \*\*

<sup>20</sup> Aborokhia khi u she nu iKirisiti ghua, ni ushi agbo o ke ro mhese ne egho, elo o ze khi u kie ri egbe e na we, ni u ro ri ushi eyewe gbe akanya, ni ee lie, <sup>21</sup> “Khi mu ona mholi obo,” “Khi to elemhi ogbo bino,” “Khi ri obo ti onana?” <sup>22</sup> Enana nya, emini e ya mele afue-a e khi, ini a rewe riela emini a rewe ya riela se. Irari khi ishi ali omhese ni egbo e mhese lo. <sup>23</sup> Eri omhese eghogho e li abine khi ilasingme e la o, ikhi eni e ri itoto ri egbo ga ugamhi ikpamhika ali iregbe-tiemhile oyi ikpamhika, ali inaidiegbe-osoli, ama eni e riela ena ea rewe lase olamhe le.

### Angeli ni o ghole Eshinegba

**3** Aborokhia khi a she rote eghuli guise e ali iKirisiti le bhale agbo egho, ri udu oye shi emini e la obini iloghie obini iKirisiti o shito obita Eghiele oyi Eshinegba. †† <sup>2</sup> Ri udu oye shi emini e la obini iloghie, khi roli shi emini e la agbo ana, <sup>3</sup> irari khi u she ghua, elemhi iKirisiti u ke la, ni o la elemhi Eshinegba. <sup>4</sup> Egbegbi agbo oye, elemhi iKirisiti o la. O kha da feli lasele, yeye, u li ya nu oli la akagho, u li nu oli mholi okemhi shi ufumhi oyoli.

<sup>5</sup> Irarigho, ze ni ogueme oyi emhi agbo ni o kpe la agbo oye o ghua. Enabi itsebo, ali angeli ichimhi, ali isamhi ebe, ali ogueme ni ea ti, ali emhi-itoegbe ni o li khi ikhumhi igaga. <sup>6</sup> Itobo enana, elemhi e ro bi Eshinegba deba egbo ni ea ya suo esu na li. <sup>7</sup> Ee, a kpe li lina ngeli elele, abi a ro la ifuabo eyi egbo

†2:12 Li ze iRom 6.4

‡2:13 Li ze Efi 2.1-5

¶2:14 Li ze Efi 2.15

§2:16 Li ze iRom 14.1-6

\*\*2:19 Li ze Efi 4.16

††3:1 Li ze Iwolo 110.1



eghōgho. <sup>8</sup> Ama, memena a zẹ ni emhi eghōgho nya e lase ẹ egbe le. Emhi nabi elemhi-ibibi, ali ofu imhōli, ali imuegbe obe, ali iyesegebe-eva-a, ali ingmemhi id-itsēa, ali itono obō udu. <sup>9</sup> A khi ke lono egbhōli khasē egbe aborōkhia khi a she gueghie ingeli ali idiegbe onodiō shi eke egho,<sup>‡‡</sup> <sup>10</sup> ni a shi ri idiegbe enegbō ku egbe, ni Eshinegba Ima o rō ya mele onogbō-a, ni o li abi oyōli. Ini o mē asha rē ẹ mhōli ilēsē oyōli.<sup>¶¶</sup> <sup>11</sup> Itobō ona, azōlōmhē ọa ke la iteva eni e khi iJu ali ẹgbō iJeta, wẹ ẹ eni a shēlẹ-a ali eni aa shēlẹ-a, wẹ ẹ egbō eni ẹa fialo-a ali ẹgbō eni e rōte ifui ishemhi lasele, wẹ ẹ oghumha ali omi ogbō. Ama iKirisiti o khi ọni o mu egbe ne.

<sup>12</sup> Irarigho, abi a rō da khi eni Eshinegba o zẹ, ni e pfuasē ni o nono ingme oyewẹ egho, a ri ilelemhi, isomhelemhi, itiegbe-tiemhi, ali ipfōmhē ali irobo-mudu sọ abi awulu. <sup>13</sup> A ke ti eni e miesuo nabi ẹ ẹ ma egbe. Ini a lue na egbe, a rō ke topfa egbe ẹ. A rō topfa abi Onomhūe o li rō topfa ẹ.<sup>§§\*</sup> <sup>14</sup> Emi ni u gbo rō ya ma eni ingeli enete ena nya khi, inono ni o gēnō eni ingeli ena nya kugbe, elemhi ikugbe ni o gba pfo.

<sup>15</sup> Zobẹ ni opfōmhē oyi iKirisiti o mhōli omhesē shi udu oye, aborōkhia khi ẹgbō ni e kugbe elemhi idiegbe oghuo a khi egho, àá kphēmhi. <sup>16</sup> A zẹ ni ungmēmhi oyi Onomhūe o la agbō oye ẹ, abi a liẹ sesē egbe, ni a ri ilēsingme

ẹ ye egbe ude. A gbo ligho ke to iwolo ena irudunga, ni a rōte elemhi ayemhē ẹ to ke lasele. A ri ayemhē ikphēmhi ẹ to uwolo kueghie Eshinegba.<sup>†</sup> <sup>17</sup> Emhikpa ni u wa rielẹ ni u wa ngme, ri eva oyi iJesu Onomhūe rielẹ wẹ. U gbolo ri eva oyōli ẹ kphēmhi na Eshinegba Ita.

### Abi eni e miesuo e li ya ke ngeli

<sup>18</sup> Eẹ ikpotso ni a la ughue, a ri egbe ẹ na odo ẹ pfo, irari khi ina ẹ ẹ eni e miesuo e ke li.<sup>‡</sup>

<sup>19</sup> Eẹ edo, a nono ingme oyi ughue ẹ, a khi ri obō ni o toto doṣē mu we.<sup>¶</sup>

<sup>20</sup> Eniye, a ke suo eso na eni e bia ẹ odekhode, irari khi onana o ti Eshinegba eloe.<sup>§</sup>

<sup>21</sup> Ita eniye, a khi rielẹ emini e ya ri elemhi bi imi ẹ, irari khi o ya ri egbe pfo wẹ a.<sup>\*\*</sup>

<sup>22</sup> Eẹ ighumha, a ri ungmēmhi oyi ọni o mhōli ẹ ni o la agbō ona ke gbe akanya. Ọa khi ini e nu ẹ la agho tsē a rō ri ungmēmhi oyewẹ ya ke gbe akanya ini e ba somhi-elemhi ẹ. Ama ri udu oghuo ke gbe akanya irari khi u mu ekpē a na Onomhūe. <sup>23</sup> Emi emini u wa rielẹ nya ri omuegbe ni o rōte udu oye nya lasele ke rielẹ ọli, abinē khi Onomhūe u gbe akanya a na, ni ọa khi ogbō. <sup>24</sup> Lina ke ngeli abi u rō da leṣē khi u ya rōte obō oyi Onomhūe mē eleli egho. <sup>25</sup> Eshinegba o ya fali ọni o li onobe ota, ọa ya gbe ogbōkhoghuo azẹba.<sup>††‡‡</sup>

<sup>‡‡</sup>3:9 Li zẹ *Efi* 4.22

<sup>¶¶</sup>3:10 Li zẹ *Igbae* 1.26; *Efi* 4.24

<sup>§§</sup>3:13 Li zẹ *Efi* 4.32

<sup>\*</sup>3:13 Li zẹ *Efi* 4.2

<sup>†</sup>3:16 Li zẹ *Efi* 5.19-20

<sup>‡</sup>3:18 Li zẹ *Efi* 5.22; 1 *iPit* 3.1

<sup>¶</sup>3:19 Li zẹ *Efi* 5.25; 1 *iPit* 3.7

<sup>§</sup>3:20 Li zẹ *Efi* 6.1

<sup>\*\*</sup>3:21 Li zẹ *Efi* 6.4

<sup>††</sup>3:25 Li zẹ *iDeut* 10.17; *Efi* 6.9

<sup>‡‡‡</sup>3:25 Li zẹ *Efi* 6.5-8

**4** Eẹ ega, a guẹ ke riẹde deba ighumha eye ẹ abi o ti shi, a ri igesikia deba we. Sato khi yeye u li mhọli Oga shi iloghie.<sup>¶</sup>

### **Emini o gbo mhese na we**

<sup>2</sup>A lolo ke so iromhi, a to ẹloe eke, a tse Eshinegba uwegbe. <sup>3</sup>A gbo li ke so iromhi na anye, ni Eshinegba o khueghie ode-a na anye ini anye me asha gue ungmehi oyoli le. Ikhi ungmehi onayi os-heli oyi iKirisiti, ni o ze khi mhi la ogba ighumha memena. <sup>4</sup>A lema na mhe, ni mhi gue oni usomhi le gboo ni egbo e suo li. <sup>5</sup>Ri ileasingme nu egbo eni ẹa miesuo ke ngeli. Eghẹghẹ ni u mhọli nya, roli riẹde onete.<sup>§§</sup> <sup>6</sup>Ze ni ileasingme o la ungmehi ni u wa ngme, u gbolo ẹ ngme ingmehi eni ẹẹ ti eso, eghẹghẹ agho ni u lese emini u ya ke so shi ogbokpa ingme.

### **Otse ni o pukhokho**

<sup>7</sup>ITakikosi o ya gue ingme eyemhe nya ye ẹ. Egbegbi inyoghuo ni oo gbe akanya oyi Eshinegba te ode igesikia, ni mhi nono ingme oyoli o khi. Oni anye ga kugbe ẹẹ ga Onomhue o li khi. <sup>8</sup>Ni a ro lese abi anye li la o shi memena mhi ro ghie oli ẹ ghi ẹ, ali ni o gbo ri udu shi ẹ o. <sup>9</sup>Loli ali Onesimusi mhi ga ghie ẹ ghi ẹ. Inyoghuo anye oni oo gbe akanya oyi Eshinegba te ode igesikia ni anye nono ingme oyoli o li khi. Onge ẹoli oye ẹ o khi. E ya gueye ẹ emini aa me oola nya.<sup>†</sup>

<sup>10</sup>Arisitakusi ni anye ga la owa ighumha, oo tse ẹ. IMaki ni loli ali iBan-

abasi e khi inyoghuo, ẹẹ tse ẹ. Ini iMaki o bhale a kpe abo mie oli abi a li mhese oli na ẹ.<sup>‡</sup> <sup>11</sup>IJesu ni akiseva oyoli o khi iJositosi, o lie tse ẹ. Eni egbo aase ena e khi egbo iJu tse eni e nu mhe ẹ gbe akanya iri-ungmemhi oyi Eghiele oyi Eshinegba ke kia gasẹ. Eri e ga ri egbe ẹ mu mhe. <sup>12</sup>Epafulasi ni o khi onge ẹoli oye ẹ, ni o khi oni oo ga iJesu iKirisiti, o li tse ẹ. Eghẹghẹ kpa o ro o do ogbo elemhi iromhi isoso itobo oye ẹ, ni a migha gbagbagba, ni a womhele shi elemhi oguemehe oyi Eshinegba. Ali ni a gbo mhọli oli shi udu khi Eshinegba o ya riẹde emini oo khi loli ya riẹde.<sup>¶</sup> <sup>13</sup>Mhi pfi otsele na li khi o ma a gbe akanya egbegbo itobo oye ẹ, ali egbo ni e miesuo ni e la iLaodisha ali Erapolisi. <sup>14</sup>ILuku omole anye ni o khi idokita, ali iDemasi ẹẹ tse ẹ.<sup>§</sup> <sup>15</sup>A li nu mhe tse eni e miesuo ni e la iLaodisha, ali iNifa ali igbaa oyi eni e mie iJesu iKirisiti suo ni e la owa oyoli.

<sup>16</sup>Ini a ze ebe ona se, a ze ni a li ze oli ye igbaa oyi eni e mie iJesu iKirisiti suo ni o la ẹoli iLaodisha. Zobe ni a li mie egbo iLaodisha ebe ni mhi keke ghi we li ze.

<sup>17</sup>Gueye Achiposi khi mhiẹ oli o roshẹka pfuse akanya ni Onomhue o ro nga li obo gbe pfo.<sup>\*\*</sup>

<sup>18</sup>Mhemhe iPolu mhi ri ugba ma ebe ga keke otse ona ghi ẹ. A khi yele-a khi eri a so mhe igha. Okhale oyi Eshinegba o nu ẹ la.

<sup>¶</sup>4:1 Li ze Efi 6.9

<sup>§§</sup>4:5 Li ze Efi 5.16

<sup>\*</sup>4:8 Li ze Ika 20.4; 2 iTimo 4.12; Efi 6.21-22

<sup>†</sup>4:9 Li ze iFile 10-12

<sup>‡</sup>4:10 Li ze Ika 19.29; 27.2; iFile 24; Ika 12.12,25; 13.13; 15.37-39

<sup>§</sup>4:12 Li ze iKolo 1.7; iFile 23

<sup>§</sup>4:14 Li ze 2 iTimo 4.10,11; iFile 24

<sup>\*\*</sup>4:17 Li ze iFile 2

*Ebe onododẹ ni iPolu o kẹkẹ ghi ẹgbọ*

## **iṬesalonía**

*Eni e miesuo*

**1** Mhẹmhẹ iPolu ali iSalasi ali iTimoti anye ri ebe ona ghi ẹ igbaa oyi eni e mie iJesu iKirisiti suọ ni o la eke iṬesalonika, ni e khi ẹgbọ eyi Eshinẹgba Ita awa ali iJesu iKirisiti Onomhẹ.

Okhale ali opfomhẹ oyi Eshinẹgba e ka nu ẹ la.

### **Angeli ali irudunga oyi ẹgbọ iṬesalonika**

<sup>2</sup> Anye maa tṣẹ Eshinẹgba uwegbe eghẹghẹ kpa shi itobọ oyi ẹẹ nya, ighọ anye gbo liẹ teva ẹ elemhi iromhi isosọ oyi anye. <sup>3</sup> Anye ma la odalo oyi Eshinẹgba oyawa ali Ita awa sato ikanya eye ẹ ni iregbenga oye ẹ, o rẹ ẹ gbe. Abi inono ni a mhue na egbe ẹ o li rẹ ẹ toto obọ akanya, ali abi irudunga ni a mhue na iKirisiti Onomhẹ o li migha.

<sup>4</sup> Inyoghuo anye, anye leṣe khi Eshinẹgba o nono ingme oye ẹ, o she gbo zẹ ẹ ni a khi ẹgbọ eyọli. <sup>5</sup> Irari khi eri anye ri usomhi onete bhale ghi ẹ. Oa khi ungmehi unu tṣẹ anye rọ rọli bhale, ama li rọte elemhi ekpabọ ali Ayemhẹ-no-pfuase. Anye li ri igesikia oyọli lo ẹ esọ ẹgbegbọ. A leṣe abi anye li ngeli abi awa rọ ga la kugbe, irari ni o rọ ti na ẹ anye rọ lighọ ngeli. <sup>6</sup> Áá khonya anye ali Onomhẹ abi o tseku khia khi a mẹ osoli ẹgbegbọ, a ri oghẹlẹ mie oni usomhi ni o rọte Ayemhẹ-no-pfuase bhale.†† <sup>7</sup> Itobọ ighọ, eni khonya a ngeli a ke khi shi ẹgbọ ni e miesuo na eke iMasidonia ali Akhaya o. <sup>8</sup> Irari khi aa khi eri usomhi oyi Onomhẹ o leṣe rọte ẹ unu fiẹ lase ya je eke iMasidonia ali Akhaya tṣẹ, ama,

iregbenga ni a mhue na Eshinẹgba o she ramhi asha kpa. Itobọ ona, anye a ke mhue ingme olese ni anye ke ya ngme. <sup>9</sup> Ẹgbọ eghọ nya e ngme ọli abi a li ri ẹloe e khu anye abi anye rọ ku shi na ẹ. Ali abi a li tsua ikhumhi kua bhale deba Eshinẹgba, ni áá gá ẹgbegbi oni Eshinẹgba ni o la o. <sup>10</sup> A gbo gueye anye abi a li migha a kẹ Omiọli ni o rọte iloghie ya bhale, ikhi iJesu ni o rọte eghuli guise le, ni o mie awa pfuase ofu oyi Eshinẹgba ni ọọ bhale.

### **Ikanya eyi iPolu elemhi ẹoli iṬesalonika**

**2** Inyoghuo anye eni emose ali eni ikpotso, ẹẹ a leṣe khi ifeli ni anye bhale ya feli ẹ, oa khi afue. <sup>2</sup> A leṣe abi anye li mẹ osoli ni a li tsue anye obini eke iFilipi neni anye bhale deba ẹ eke iṬesalonika. Abi o tseku khia khi anye mẹ ukpokpomhi ozuode, Eshinẹgba oyawa o ri igbedu na anye ni anye kiele rue usomhi onete ni o rọte obọ oyọli bhale ghi ẹ.‡‡ <sup>3</sup> Olema ni anye lema ẹ oa khi ode ni oa gbe akanya, wẹkhi rọte usamhi ni oa ti, wẹkhi eri anye e nono ni anye di ẹ. <sup>4</sup> Ochoghọ, eri anye a ngme abi Eshinẹgba ọọ anye li ngme. Irari khi o she bino anye shi ẹgbọ ni e nga obọ ni o ri oni usomhi onete ona a te obọ. Oa khi eri anye roshẹka ni anye ba ri egbe ke mu ẹgbọ, ama Eshinẹgba anye roshẹka ri egbe a mu. Lọli o she bino isamhi udu eyi anye bie. <sup>5</sup> Ẹẹ a leṣe khi oa khi ingmehi udimhi anye rọ bhale deba ẹ, wẹkhi eri anye ri ingmehi ikokoalo ẹ gueṣe ukpokọ. Eshinẹgba o khi otselẹ oyi anye. <sup>6</sup> Oa khi eri anye ẹ dua ni ẹẹ ukeliẹ ọgbọese o kueghie anye, ukeliẹ khi eri anye nono ọli obọ oyeṣe wẹ khi obọ oyi ẹgbọese.

††1:6 Li zẹ Ika 17.5-9

‡‡2:2 Li zẹ Ika 16.19-24; 17.1-9

Abi ighiusomhi na keę eyi iKirisiti, anye te ọ ni anye kha mhila ẹ emhi obo. <sup>7</sup>Ama abi anye ro nu ẹ la, eri anye ku egbe a abi inyo ọ li ri ẹloe ẹ khu eniye eyoli. <sup>8</sup>Itobo inono ni anye mhue na ẹ, ọa khi usomhi onete oyi Eshinegba ona tse anye lese nono ni anye ro ghi ẹ. Ama li shi agbo oyi anye. Irari khi ingme oye ẹ o mu anye egbe gba. <sup>9</sup>Inyoghuo, a ga sato abi anye toto obo gbe ikanya ali omunu ni anye me. Eri anye e gbe ikanya ogbele kpa, ini anye khi nase ongee abi anye li i gue usomhi onete oyi Eshinegba ye ẹ.

<sup>10</sup>Eę ali Eshinegba a khi otsele eyi anye, khi angeli oyi anye khi eri o pfuase, o ti, ọa mhue umhagueli abi anye ro la ẹ ẹni e miesuo iteva. <sup>11</sup>Anye rięle deba ogbogbo abi ita ọ li rięle a deba omo. <sup>12</sup>Anye ye ẹ ude, anye yese ẹ, anye ri udu u shi ẹ ọ, ni a ke ngeli angeli ni o ri egbe a mu Eshinegba ni ọ lu ẹ, ni a mhue okemhi shi eghiele ali ufumhi onayi ọli.

<sup>13</sup>Emhi olese ni o gbo ri anye a kueghie Eshinegba khi, abi anye ro ri usomhi oyi Eshinegba bhale ghie ẹ, a suo a kpe abo mie ọli. Aa mie ọli abi usomhi ogbo ama eri a mie ọli abi usomhi oyi Eshinegba ni o khia khi igho o khi. Irari khi ungmehi oyi Eshinegba o la ẹ ni a miesuo egbe ẹ akanya. <sup>14</sup>Inyoghuo, eri a ga li abi igbaa nya eyi eni e mie iJesu iKirisiti suo eyi Eshinegba ni e la eke iJudia, ni e khi egbo eyi iJesu iKirisiti. Abi e li me ajilimhe obo oyi egbo iJu eyewe, igho a li li me ajilimhe obo oyi egbo eye ẹ.<sup>¶</sup> <sup>15</sup>Eni egbo ena, e gbe iJesu Onomhue ali emekeguele-a. E tigbe khu anye ya fię. E ma ri elemhi a bi Eshinegba. E khi obe ogbokpa.<sup>§§</sup> <sup>16</sup>Eri e ga rosheka ni wewe e zu anye ode ini anye khi me asha gue usomhi oyi Esh-

inegba ye egbo iJeta, ikhi ungmehi ni o ri imiesuo ọ ghi we. Ode ona e te buse olamhe ni ẹ lamhe-a. Mena, elemhi ibibi oyi Eshinegba o she tiemhile shi we ọ.

### IPolu ọ nono ni ọ gbo ya bino egbo iTeſalonika

<sup>17</sup>Inyoghuo, abi a ro vase anye ali ẹ- a ukuku eghęghę, (elemhi idiegebe ọa khi usamhi), eri eloli ẹ o nga anye. Anye dua ini anye gbo me ẹ. <sup>18</sup>Anye nono ni anye gbo deba ẹ. Mhemhe oyemhe mhi dua ni mhi bhale iti-ingmi-ingme, ama okphaghie ọ zu anye ode. <sup>19</sup>Ini a bino ọ, ẹ ẹ a ze ni anye ro mholi irudushi ali oghęle, ni a gbo ze khi anye ro tobo udu shi imuole ni anye ya mhue odalo oyi iJesu, ini ọ bhale. <sup>20</sup>Igesikia, ẹ ẹ a khi ititiegbe ali oghęle ni anye mholi.

**3** Abi anye ẹa ke ro dobe ri egbe mie, anye ke bie ro shito obini eoli Ateni.\* <sup>2</sup>Loli o ze ni anye ro ghie iTimoti inyoghuo anye ni ọ nu anye ẹ gbe akanya na Eshinegba, ikhi akanya itse-abo usomhi onete oyi iKirisiti. Anye ghie ọli ghi ẹ ni ọ zese ẹ-a, ni ọ gbo kpaghie irudunga oyeę obo, <sup>3</sup>ini ongee ọ khi nyene egbe ukhokho irari ajilimhe enana. Eę oyeę a lese khi ajilimhe eghogho e li la emini e ghole Eshinegba khi awa ya me. <sup>4</sup>Irari khi abi anye ro nu ẹ la, anye kpe gue ọli ye ẹ shi eke khi a ya mu okholi vule shi anye ọ, a lese khi igho o kie tse. <sup>5</sup>Loli o ze ni mhi ro ghie iTimoti. Itobo khi mhi a ke dobe ri egbe mie, mhi ro ghie ọli ọ bhale ya bino abi irudunga oyeę o ke lao shi. Eri udu o nase mhe khi okphaghie ọ dobe ya mu ẹ fe, o li abine khi akanya ni anye gbe nya e ya mele afue-a.

<sup>¶</sup>2:14 Li ze Ika 17.5

<sup>§§</sup>2:15 Li ze Ika 9.23,29; 13.45,50; 14.2,5,19; 17.5,13; 18.12

\*3:1 Li ze Ika 17.15

### **Emini o ri egbe   mu ni iTimoti   guele**

<sup>6</sup>Mena, iTimoti   she jele ya gue usomhi onete oyi irudunga ali inono oye  y  anye.   she gueye anye abi a lie sa usamhi onete oyi anye ali abi o li   ghole   ni a me anye, abi anye lie nono ni anye li me  .<sup>†</sup> <sup>7</sup>Itobo ona inyoghuo, irudunga oye  o she ri udu shi anye  , abi a rie mu okholi vule shi anye   ni anye la osoli. <sup>8</sup>Eri ayemhe oyanye o mholi itije-odalo abi anye ro suo abi a li kie migha shi ikugbe ni   ali Onomhue a kugbe. <sup>9</sup>Mena se  anye lie dobe kphemhi na Eshinegba shi oghel  ni a ro ghi anye? <sup>10</sup>Ni o gbe no bi anye ro ri udu oyanye nya mhila li,   ze ni anye me   eloe ni anye ri emini e kpo   irudunga le na  .

<sup>11</sup>Eshinegba oyawa ali Ita awa lolighuo ali iJesu Onomhue e ka be ode na anye ni anye ro bhale deba  . <sup>12</sup>Onomhue   ka ze ni inono ni a mhue na egbe   ali egbo kpa e ke fu shi  , ni o fu abi inono ni anye mhue na  . <sup>13</sup>Ode ona   te ya zese   udu-a, ni a khi eni e gba pfo, ni e pfuase shi odalo oyi Eshinegba oyawa ali Ita awa, ini iJesu Onomhue ali eni e khi eyoli e bhale.

### **Angeli ni o ghole Eshinegba**

**4** Ni mhi ro gbe oli ukhomhi inyoghuo, anye e sese   abi a li ya ke ngeli ni o ya ghole Eshinegba. A she ligho   ngeli. Mena anye ri eva oyi iJesu Onomhue gbo lema  , a kie lina ke ngeli. A gbo khi ma  . <sup>2</sup>Irari khi a lese osese ni anye sese   rote afu ni iJesu Onomhue   ro na anye.

<sup>3</sup>Eri Eshinegba oo nono ni a re   khi eni a khuese pfuase ni a pfi angeli itsebo shi eke, <sup>4</sup>khi omose ogbogbo   gue ri egboli ke kia   gbo gue ngeli deba ughue-oli, ode ipfuase ali ekpe. <sup>5</sup>A khi

mholi oghuemhe oyi efiala ona itsebo deba egbe, abi eni  a lese Eshinegba   li. <sup>6</sup>Emini a ngme ena khi, ogbokhoghuo   khi kia onuzava oyoli ni e ga mie iKirisiti suo okiangme.   khi li oli le irari khi oo da ne oli. Anye she kpe gue ona ye   anye roli tse agua ye   khi Onomhue   ya na egbo eghogho osue. <sup>7</sup>Eshinegba  a lu awa shi ikanya itsebo, ama eri   lu awa ni awa khi eni e pfuase. <sup>8</sup>Itobo ona, ogbo ni   da kie osese ona ne,  a khi osese oyi ogbo   kie ama oyi Eshinegba   kie ni   ri Ayemhe-no-pfuase na awa.

<sup>9</sup> a khi oni anye ya gbo keke ebe ghi  , a nono ingme oyi eni e miesuo enabi  . Irari khi Eshinegba lolighuo   she sese   abi a li ya nono ingme egbe  . <sup>10</sup>Igesikia, igbo a kie li   ngeli deba inyoghuo   ni e la eke iMasidonia. Irarigho, inyoghuo, anye lema   a gbo khi ma oni angeli.

<sup>11</sup>Roshaka la agbo ni o pfomhe. Ke mu alo shi akanya oye, u ri abo eye   gbe akanya, abi anye kie kpe gueye  . <sup>12</sup>Ini a da lina ne, o ya ri ekpe shi   egbe odalo oyi egbo ni  a miesuo. Egheghe agho wa ya ri egbe da ogbo shi emini e to  .

### **Inyenegebe bhale oyi Onomhue**

<sup>13</sup>A ghe i inyoghuo, anye   nono ni a lese igesikia ni o la ingme oyi egbo ni e ghua, ini egbe e khi pfo  -a abi egbo ni  a mhue irudushi <sup>14</sup>Irari khi ini awa miesuo khi iJesu oo ghu-a   gbo guale. Awa li miesuo khi ini Eshinegba   rue iJesu nyene   bhale,   ya li rue eni e mholi irudunga shi iJesu   ramhi ni e ro ghua, ma li egbe bhale. <sup>15</sup>Osese ni anye   sese   ena, osese oyi Onomhue lo. Awa ni awa la agbo awa aa ya ralo na eni e ghu-a, ele ni Onomhue   ya bhale. <sup>16</sup>A ya mhese leghe, uruli oyi ageni ni   kpeda nya o pfi leghe, a pfi akala oyi Eshinegba. Onomhue  

<sup>†</sup>3:6 Li ze Ika 18.5

ya rɔte iloghie tiemhile irarogbe. Egbɔ ni e ri udu nga iKirisiti ramhi ni e rɔ ghua, e kpɛ ya guale bhale agbɔ. <sup>17</sup>Awa ni awa la agbɔ oni ɛgheghe, a tigbe rue awa nga idane vui, ya ma wɛ egbe deba Onomhue irarogbe elemhi otughunu. Ighɔ awa ke liɛ nu Onomhue la agboagbo.<sup>3</sup> <sup>18</sup>Irarighɔ, a ri ingmemhi ena ke ri udu shi egbe ɛ ɔ.

### A mu egbe khɛ ibhale oyi Onomhue

**5** Inyoghuo, ɔa khi oni a ke gbolo ɛ keke ebe ghi ɛ shi ingme ɛgheghe ali oni ogbele ni a ya mɛ ingme enana nya. <sup>2</sup>Irari khi ɛɛ oyɛɛ a ga leɛ egbegbo khi ogbele iguezo oyi Onomhue eri o ya li abi oghiato ɔ liɛ bhale eliyose.<sup>4</sup> <sup>3</sup>Ini egbo e da liɛ. “Emhikpa o she pfomhe, ingme okhoghuo ɔa ke la ɔ ne.” Egeghe aghɔ opfuse o rɔ ya de rughu wɛ. Eri o ya bhale udemhija abi oku o liɛ to okpotso. Egbɔ ɛa ya pfue oni iguezo.

<sup>4</sup>Ama ɛɛ inyoghuo aa la alo ebili nabi oni ogbele o ya bhale guo shi ɔ abi oghiato. <sup>5</sup>Irari khi ɛɛ nya egbo ni e khi eyi akpa a khi. Eyi ɛɛ ɔguota a khi. Awa a khi egbo na eliyose wɛkhi egbo alo ebili. <sup>6</sup>Itobo ighɔ awa khi ke leseɛa abi egboese, a bino angeli bie ke ngeli, aa ke tokpe. <sup>7</sup>Eliyose egbo e rɔ lese, eliyose onyo o rɔ gbe egbo. <sup>8</sup>Aborokhia khi egbo ena ɛɛ ɔguota awa khi eghɔ, awa bino angeli bie ke ngeli. Awa mema ya ri irudunga ali inono so abi awulu akhuli ni okhɔli-okhue ɔ rɔ mu aye, awa ri irudushi oyi imiepfuese rughu abi arula akhuli ni okhɔli-okhue ɔ rɔ rughu.<sup>8</sup> <sup>9</sup>Irari khi Eshinegba ɔa zɛ awa shi eni a ya pfuse-a, ama eni iJesu iKirisiti Onomhue ɔ ya mie pfuese. <sup>10</sup>Eri ɔ ghu-a na awa, ni awa nu ɔli la, awa la agbo o, okekhi ini awa ghua. <sup>11</sup>Itobo ona, awa ri

udu shi egbe awa ɔ, awa a kpaghie egbe awa obo, abi a kiele ɛ li ena.

### Ungmemhi ali otse ni e kpukhokho

<sup>12</sup>A ghe ii, anye lema ɛ inyoghuo, a zɛ ni a ke mu ekpe na eni e totobo ɔ gbe akanya egbegbo ifuabo oyɛɛ, ni ɛɛ sese ɛ ode ni a te ya khi eni e miesuo. <sup>13</sup>A ga ri ekpe ali inono onofune ke na wɛ, itobo akanya ni ɛɛ gbe. A nu egbe ɛ ɛ ngeli angeli opfomhe. <sup>14</sup>Anye gbo lema ɛ inyoghuo, a ke tse agua ye egbo olemhe. Aa ye eni ulishi ɔɔ mu ude. Aa kpaghie eni ɛa mhue ekspabo obo. A mhue irabomudu ke deba ogbokpa. <sup>15</sup>A khi zɛ ni ogbo ɔ ri onobe fata onobe, ama ɛgheghe kpa a zɛ ni a roshɛka ke riɛle onete na egbe ɛ ali ogbokpa.

<sup>16</sup>Egbe e ke mu ɛ egheghe kpa. <sup>17</sup>Aa so iromhi egheghe kpa. <sup>18</sup>A ke tse uwegbe shi emiemini a mɛ kpa. Ona o khi emini Eshinegba ɔɔ nono obo oyɛɛ, abi yeyɛ ali iJesu iKirisiti a rɔ ga kugbe eghɔ.

<sup>19</sup>Khi ke pfuse erali Ayemhe-nopfuase a. <sup>20</sup>A khi ri ɛloe gbe ungmehi imekeguele. <sup>21</sup>A ke mu emhikpa fe bino, a rue onete ni o laɔ. <sup>22</sup>Ti egbe emhi obe nya le.

<sup>23</sup>Eshinegba lolighuo ni ɔ khi Eshinegba ɔna opfomhe, ɔ ka re khi oni ɔ pfuase ode khi ode. ɔ ri yeyɛ nya, ghe ayemhe ali agbo ali idiegebe eye khi eni e gba pfo ni ɛa mhɔli umha-guekia, ya ramhi egheghe ni iJesu iKirisiti oyawa ɔ rɔ ya bhale. <sup>24</sup>Lɔli ni ɔ lu ɛ, ɔ ya riɛle ɔli, irari khi oni ɔ zɛ ri egbe ɛ nga ɔ khi.

<sup>25</sup>A ke so iromhi na anye inyoghuo. <sup>26</sup>A ke tse egbo ni e miesuo egbegbi otse, a ghele ɛ mu wɛ. <sup>27</sup>Mhi ri afu ni mhi mhue obo oyi Onomhue lema ɛ, a zɛ oni ebe ona khasɛ egbo ni e miesuo nya.

<sup>3</sup>4:17 Li zɛ 1 iKori 15.51-52

<sup>4</sup>5:2 Li zɛ iMat 24.43; iLuk 12.39; 2 iPit 3.10

<sup>8</sup>5:8 Li zɛ Aza 59.17; Efi 6.13-17

<sup>28</sup> Okhale oyi iJesu iKirisiti Onomhue  
oyawa o ka nu e la.

*Ebe onuzi-eva ni iPoļu o keķe ghi egbo*

## **ITeſalonia**

*Eni e miesuo*

**1** Mhemhe iPoļu ali iSalasi ali iTimoti anye ri ebe ona ghi igbaa oyi eni e mie iJesu iKirisiti suo ni o la eke iTeſalonia, ni e khi egbo eyi Eshinegba Ita awa ali iJesu iKirisiti Onomhue.\*\*

<sup>2</sup>Mhi lema Eshinegba Ita awa ali iJesu iKirisiti Onomhue e mhue isomhelemhi na e, e ri opfomhe na e.

### **Ikphemhi ali Iromhi isoso**

<sup>3</sup>Inyoghuo, anye mema ya ke tse Eshinegba uwegbe na e egheghe kpa. O ti ni anye ke ligho, irari khi irudunga oyeē o fu sho egheghe kpa. Inono ni a mhue na egbe o fu sho. <sup>4</sup>Loli o ze ni anye ro re e la iteva igbaa nya eyi eni e mie iJesu iKirisiti suo eyi Eshinegba a neta omose. Eri anye re e neta omose itobo abi a li dobe ri obo mu udu migha irudunga oyeē elemhi okholi ali imufe nya ni a mu vule shi e o.

<sup>5</sup>Enana nya e rokhase khi ezoo oyi Eshinegba o migha shi ipfuase. Itobo igho Eshinegba o ya leli e shi eni e te o, ni e ya lo iloghie oyoli ni a me osoli e shi. <sup>6</sup>Eshinegba o ya gbe azeba, o ya ri osoli fali eni e na e osue ota. <sup>7</sup>O ya ri iyemhea na ee ni a me osue, o gbo li ri oni iyemhea na anye. O ya riele ona ini iJesu Onomhue o da feli lasele shi idane elemhi avuere, loli ali igeni eniemhi eyoli. <sup>8</sup>O ya na egbo ni ea lese Eshinegba osue, ali eni ea ri usomhi onete oyi iJesu Onomhue gbe akanya. <sup>9</sup>E ya me osue. E ghu tiemhi ilimhi ir-

ierie. A rue we odalo oyi Onomhue ali ufumhi oniemhi oyoli le.†† <sup>10</sup>Ele ni a ya me ona khi, ogbele ni Onomhue o ya bhale, ni eni e ri udu nga li e ri ikueghie ali ekpe na li. Li shi ee lo, itobo khi a she mie ungmemhi ni anye gueye e suo.

<sup>11</sup>Loli o ze ni anye roo so iromhi na e, Eshinegba o ze ni a li khi eni e ya la agbo ni oo ghole oli. Ali o ri ekpabo eyoli ri ugbamhi onete ni a mholi bhale ya tse na e, li shi onete ni irudunga oyeē o re e riele. <sup>12</sup>Itobo okhale oyi Eshinegba oyawa ali oyi iJesu iKirisiti Onomhue oyawa, a ya rue ufumhi ghi eva oyi iJesu Onomhue oyawa, o li ri ufumhi ghi e.

### **Ona okholo**

**2** Inyoghuo, ingme ibhale oyi iJesu iKirisiti Onomhue oyawa, ali abi awa li ya kuma li egbe,‡‡ <sup>2</sup>a khi ze ni usamhi oyeē o nyanya ghagha ku ni a yila. Ini ogbokhoghuo o ririe khi imeke loli me, okekhi usomhi ona ke o guele, okekhi eri oo khi ebe ni anye keke ghi loli lue rote ze oli khi ogbele oyi Onomhue o she bhale, <sup>3</sup>a khi ze ni ogbokhoghuo o te ode okhoghuo di e. Irari khi oni ogbele oa ya bhale ini aa li me ukpokpomhi imuokhue-vule shi Eshinegba o ali ini ona umhasuo-eso ni o khi ogbo obe oa li feli lase gboo, ikhi oni a mhese owa ere na. <sup>4</sup>O ya mu okholi vule shi emhikpa ni egbo e lu Eshinegba, ilita ali emhikpa ni egbo ee ga o, o ri egboli fu dose we nya. O gbo ga vu ya shito Owa oyi Eshinegba oyi Eshinegba oo lie khi loli ke khi Eshinegba.¶¶

<sup>5</sup>Aa ke sato khi mhi gue ingme ena nya ye e abi mhi ro nu e la? <sup>6</sup>Ee a lese emini o ze khi aa roli lasele khase ne, ini egheghe oyi ona okholo ona o da ramhi,

\*\*1:1 Li ze Ika 17.1

††1:9 Li ze Aza 2.10

‡‡2:1 Li ze 1 iTeſa 4.15-17

¶¶2:4 Li ze iDan 11.36; Ezik 28.2



a ya roli lasele khaſe. <sup>7</sup> Ama eni ikhi-akhiamhi ekpabo okholo ena e she beſe e gbe ikanya eyewe, ama oni o mu oli gbaga. Ama oni ona okholo o a ya feli lasele ini oni o mu oli gbaga o a li lase ode-a. <sup>8</sup> Egheghe agho a ya ri ona okholo khaſe, oni iJesu Onomhue o ya ri ungmemhi ni o rote oli unu lasele pfuse-a. Ugemhi oyoli ni onene egbe bhale o ya ga pfuse oli-a nya. <sup>88</sup> <sup>9</sup> Ona okholo ona, o ya ri ekpabo oyi Okphaghi e bhale, oo gbe onyaloa egbhue ali oshabo ododa.\* <sup>10</sup> O ri udimhi ododa ni e kholo di egbo ni ee pfua. E ya pfua irari khi ea lama mie wekhi eri e nono igesikia, ni o kha mie we pfuese. <sup>11</sup> Itobo igho, Eshinegba o ro ghie ayemhe egbholi ghi we, ni ee ro mie emini e khi egbholi suo. <sup>12</sup> A ya pfa ezọ mu ogbo ni o a da mie igesikia suo ne, ni o da mhue oghuemhe shi olamhe.

### A migha gbagbagba

<sup>13</sup> Anye mema ya ke tse Eshinegba uwegbe egheghe kpa na e, inyoghuo ni Onomhue o nono. Irari khi ee Eshinegba o kpe ze ni a ya mie pfuese. Ayemhe oyoli o ree khi eni e pfuase, ali eni e mie igesikia suo. <sup>14</sup> Rote usomhi onete oyanye, Eshinegba o te lu e shi ona. Eri o lu e ni a ro mhue okemhi shi ufumhi oyi iJesu iKirisiti Onomhue oyawa. <sup>15</sup> Irarigho, inyoghuo, a migha gbagbagba, a mu eni igesikia ni anye sese e mhue abi anye rote itsabo ali el-emhi ebe ni anye keke gue oli ye e.

<sup>16</sup> IJesu iKirisiti Onomhue oyawa lueghuo ali Eshinegba Itawa ni o nono ingme oyawa, ni o rote okhale oyoli ri udu shi awa o, ni o gbo ri irudushi ni o a ya nighise na awa, <sup>17</sup> e ka ri udu shi e o, e gbo zese e a shi ikanya ali ingmemhi enete.

### Ipolu oo, a so iromhi na wewe

**3** Ni mhi ro gbe oli ukhomhi inyoghuo, a ke so iromhi na anye. A so iromhi ni ungmemhi oyi Onomhue o nyanya ke ga asha kpa, ni egbo e gbo mie oli, ni e ri ufumhi ke ghi Eshinegba, abi a li mie oli abi o ro la e iteva. <sup>2</sup> A gbo ke so iromhi Eshinegba o rue anye obo oyi egbo ebe ali ena okholo lasele, irari khi o a khi ogbokpa o miesuo.

<sup>3</sup> Ama oni a ri egbe e nga Onomhue o khi. O ya ri itoto na e o khukhu e obo oyi ona okholo. <sup>4</sup> Anye regbenga Onomhue khi a rieſe ali khi a kiele e ke rieſe emini anye sese e. <sup>5</sup> Mhi lema, Onomhue o ka udu oyeſe lese inono ni o fune ni Eshinegba o mhue ali ni iKirisiti o ree migha egbegbo.

### Ogbogbo o ke gbe akanya

<sup>6</sup> Inyoghuo, anye ri eva oyi iJesu iKirisiti Onomhue oyawa mheshe na e, a ti kia na inyoghuo okhoghuo ni o la agbo owaza ni o a ya deba oseſe ni anye e sese e. <sup>7</sup> Ee oyeſe a lese khi o ti ni a ke li abi anye e li. Anye ea li owaza abi anye ro nu e la, <sup>8</sup> wekhi eri anye mie ogbokhoghuo emhi le ni anye a fali ota shi. Eri anye ri ochogho gbe akanya, opfo o ta anye ghe ele oguota ali ele iyose, ini anye khi ya khi itsua na ongeſe tsua. <sup>9</sup> O a khi itobo khi anye ea te eni e mhila e ikpaghiobo, anye ro ligho ngeli. Eri anye ligho, ni anye khi irokhokho ni aa ke deba. <sup>10</sup> Abi anye ro nu e la, anye gueye e khi, "Ogbo ni o a lama gbe akanya o khi le eminale."

<sup>11</sup> Eri anye ngme ona itobo khi anye suo khi egbo eghuo e la e iteva ni ea lama gbe akanya, ni ea ya li emhikhoghuo ama ikanya eyi egbo elese ee sono unu ke pfueche-a. <sup>12</sup> Anye ri eva oyi iJesu iKirisiti Onomhue mheshe na egbo

§§2:8 Li ze Aza 11.4

\*2:9 Li ze iMat 24.24

eghogho, anye gbo tse agua yewe e ke ngeli angeli ni o te ode. E ke gbe akanya ni e te me emhi ya ke le. <sup>13</sup> Ama ee in-yoghuo a khi ze ni onete iriele o susu e.

<sup>14</sup> Ini ogbokhoghuo o la o ni o ya ya ri omheſe ni a keke shi ebe ona gbe akanya, a lolo to ogbo oghogho okpe. A khi kugbe ogbo oghogho o, ni omama o mu oli. <sup>15</sup> Ama a khi ngeli deba li abi obe e, ama a ri ochogho tse agua ye oli abi inyoghuo.

### **Ingmemhi ni e kpe ukhokho**

<sup>16</sup> Onomhue lueghuo ni o khi ode opfomhe oyawa o ka ri opfomhe na e

eghege kpa ali ode khi ode. Onomhue o ka nu e la.

<sup>17</sup> Mhemhe iPolu mhi ri obo oyemhe keke ebe ona ghi e. Mhi tse e. Ina mhi lie keke eva oyemhe shi ebe ni mhi keke kpa. Ina mhi lie keke ebe.

<sup>18</sup> Okhale oyi iJesu iKirisiti oyawa o ka nu e la nya.

*Ebe onodode ni iPolu o keke ghi*

## **ITimoti**

**1** Mhemhe iPolu aghiusomhi na kee oyi iJesu iKirisiti, rote omhese oyi Eshinegba ni o mie awa pfuese ali iJesu iKirisiti ni o khi irudushi oyawa.

<sup>2</sup>Mhemhe mhi keke ebe ona ghi iTimoti, ni o khi egbegbi omimhe elemhi imiesuo, okhale ali ilelemhi ali opfomhe enayi Eshinegba e ka khi eye.<sup>†</sup>

### **Mhue egbhe shi ena osese egbholi egbe**

<sup>3</sup>Mhia nono ni u la eoli Efesosi abi mhi kie kpe gueye abi mhi ro lee iMasionia, ni u me asha gueye egbo eghuo ni e la oobo o sese osese egbholi e mu migha. <sup>4</sup>Gueye we, e tsua okhe igbaekele oyi egbo enede ali ida-echu ku-a ni o khia khi ekhako o lese roo bhale, ea ya kpaghie akanya oyi Eshinegba ni o rote irudunga bhale obo. <sup>5</sup>Emini o ze ni a ro mhesu omhese ona khi, ni a ro guise inono, ni o rote udu no pfuase bhale le, ali oni o rote udu-onete ni o gue ogbo ezo ali egbegbi irudunga bhale. <sup>6</sup>Egbo eghuo e she rote enana laselle, nyene egbe je ingmemhi afue. <sup>7</sup>Ee nono ni wewe e khi esese Ishi eyi iMosisi eyi Eshinegba, ama ea lese emini e ngme wekhi eri e lese emini e ri itoto ge ma gue gagaga.

<sup>8</sup>Awa lese khi ushi o ti ini awa gue deba li abi awa kha li. <sup>9</sup>Awa lese khi qa khi itobo egbo enete a ro shi ushi, ama itobo egbo ni ee gbe ushi-a ali ighi-atu ali eni ea mhue ulishi Eshinegba ali ena olamhe, ali egbo ni ea lese ugamhi, ni ea mu ekpe e na emhi eyi Eshinegba, ali egbo ni ee gbe itawe ali inyewe-a, ali

egbo ni ee gbe ugbeli. <sup>10</sup>A shi ushi na egbo okia ali eni nu emose nabi wewe ali ikpotso nabi wewe ee gbhe, ali egbo ni e muno egbo o de, ali egbo ni e lo egbhue ali eni ee pfi otsele egbhue, ali emhi elese ni ea de shi egbegbi osese, <sup>11</sup>ni o khi osese ni o de shi usomhi onete oni o mholi ufumhi oyi Eshinegba, ni o mholi ikhivose ni a ro nga mhe obo.

### **Ikphemhi shi ilelemhi oyi Eshinegba**

<sup>12</sup>Mhi kphemhi na iJesu iKirisiti Onomhue oyawa ni o ri itoto na mhe, ni o me khi mhi te o ni o ro ze mhe shi akanya oyoli. <sup>13</sup>Abi o tseku khia khi eghege ni o dose khi mhi pfi unu-a deba Eshinegba, ali ni mhi i jili egbo ni e miesuo, ni mhi nu we kholi, oo mholi ilelemhi na mhe irari khi umhalese ali umha miesuo o remhe li gho.<sup>\*</sup> <sup>14</sup>Onomhue oyawa o ya tutu okhale ku mhe. O ri irudunga ali inono na mhe ni e khi eyawa irari ikugbe ni awa ali iJesu iKirisiti awa kugbe.

<sup>15</sup>Egbegbi ungmehi na, ni awa kha mie shi nya, khi eri iJesu iKirisiti o bhale agbo ya tsumhi ena olamhe, ni o khia khi mhemhe mhi ga kholo ne nya. <sup>16</sup>Ama eri Eshinegba o mhue ilelemhi na mhemhe ni o kholo ne ena olamhe nya, ni a ro bhale ya e khi irabomudu oniemi ni iJesu o mhue na mhe o khi irokhokho shi egbo ni e ke ya mie oli suo o, ali eni e ya mhue agbo na agboagbo. <sup>17</sup>Ekpe ali ufumhi o khi oyi Oghie na agboagbo, ni qa ya ghu, ni aa ya me, Eshinegba ni o khi oghuo kpe, rote agboagbo ya je agboagbo! Atse.

<sup>18</sup>Ye ye iTimoti omimhe, ena e khi omhese ni mhi ro ne, ni e de shi abi a li me eke shi e egbe eghege ni o dose. Ke ri omhese ena gbe akanya, irari khi itsua-okhue e khi ne, ni u ro

<sup>†</sup>1:2 Li ze Ika 16.1

<sup>\*</sup>1:13 Li ze Ika 8.3; 9.4-5

dobę ya khōli okhōli onete, <sup>19</sup>kie mu irudunga oyę ali udu onete ni ọ gue ogbọ ẹzọ oyę mhue. Egbọ eghuo ni ẹa kẹ riẹle emini udu onete ni ọ gue ogbọ ẹzọ oyẹwẹ o gueyẹ wẹ e riẹle, eri irudunga oyẹwẹ o de guoghọ-a abi oko-okẹ oniēmhi. <sup>20</sup>Egbọ enabi eghoghọ iManiusi ali Alẹzada e khi, ni mhi wolọ abọ na ọkphaghie ni ọ sese wẹ ingme, ini e khi ke ngme ungmēmhi ipfiunu-a deba Eshinegba.

### Ugamhi igbaa oyi eni e mie iJesu iKirisiti suọ

**2** Mhi gueyẹ ẹ, a kpe te ododę sọ iromhi na ẹgbọ kpa. Abi u lię gue emini e to ẹ le, lema Eshinegba shi ilelemhi na wẹ, u kphēmhi na Eshinegba na wẹ. <sup>2</sup>U li sọ iromhi na enighie ali eni ẹẹ mhese ni awa, ni e rọ dobę ke la agbọ na tsuke ali opfomhe, elemhi ekpe oyi Eshinegba rọte igue-ngeli. <sup>3</sup>Ona oo ti, o ma ri egbe a mu Eshinegba otsumhi oyawa. <sup>4</sup>Ni ọọ nono ni ogbokpa o mhōli imiepfuese, ni ọ gbo lese igesikia. <sup>5</sup>Irari khi Eshinegba oghuo ọ laọ, ali omigha iteva ogbọ ali Eshinegba oghuo, omose ni a lu iJesu iKirisiti. <sup>6</sup>Ni ọ ri egbọli bhale shi otoeloli, ni ọ rọ mie egbọ nya pfuese. Ona o khi usomhi ni Eshinegba ọọ nono ni lōli gueyẹ ogbokpa ni o guę de shi eghęghę oyōli. <sup>7</sup>Ona o zę ni a rọ ghie mhe abi aghiusomhi na kẹ ni iKirisiti ọ zę ali oseşey oyi iJeta ni mhi rọ gue usomhi irudunga ali igesikia le. A khi egbhue mhia lo, igesikia mhia guele.<sup>f</sup>

<sup>8</sup>Ini a ye ugamhi, mhia nono ni emose e tsua abọ ekę shi iromhi isoso ni ọa mhue elemhi ibibi wẹkhi ekhakọ. <sup>9</sup>Mhi lili ẹ nono ni eni ikpotso e guę ke sọ it-

sua ni e gbe akanya, a khi khue akhue abamemhe, wẹkhi ie-itsu dolodolo shi ukhomhi, wẹkhi iri-igolu khue akhue ali ifeşe isoso wẹkhi itsua ni e lolo ghale isoso.<sup>8</sup> <sup>10</sup>Ama e ke gbe ikanya enete, ni o ye ni ikpotso ni ẹẹ khi wewe a ga Eshinegba ẹ gbe.

<sup>11</sup>Ikpoto e ke ri iregbe-tiemhile ke ku esọ-a wena. <sup>12</sup>Mhi aa zę ọkpoto ni ọ sese, wẹ khi eri ọ ya mhue omhese shi emose ukhomhi. Ọ ke tsaghie-a. <sup>13</sup>Itobọ khi Adamu a kpe ma neni a ma Ivu.<sup>\*\*</sup> <sup>14</sup>Ọa khi Adamu ọkphaghie ọ di, ama ọkpoto a di ni ọ gbe ushi oyi Eshinegba-a.<sup>††</sup> <sup>15</sup>Ama a ya tsumhi ọkpoto rọte eniye ibiabia, ini ọ kiele ẹ deba irudunga ali inono ali ipfuase, ni ọ rọ mu ekpe shi egbọli egbe.

### Eni ẹ mhese elemhi igbaa oyi eni e mie iJesu iKirisiti suọ.

**3** Oni ungmēmhi ona oo gbe akanya gba. Ini ogbọ ọọ nono ni lōli khi oni ọ ri eloe ẹ khu egbọ eyi Eshinegba, eminete lọ ni o ghole oli. <sup>2</sup>Oni ọ ri eloe a khu eni e miesuọ ọ mema ya khi ogbọ ni ọ fu dose umhagueli, ọ khi ọdọ ọkpoto oghuo, ọ mhue ikuegbe-a, ọ mu ekpe shi egbọli egbe, ọ khi oni a mu ekpe a na, ọ mema ya ke kpe abọ mie epfese lo apfe oyōli le, ọ mema ya dobę ke sese oseşey. <sup>3</sup>Ọ khi khi ọdonyo, wẹ ogbọ okhōli, ama ọ pfomhe, ọ khi khi ogbọ uwola, ọ khi nono ingme ukpaghọ dose. <sup>4</sup>Ọ mema khi oni ọ guę ri eloe ẹ khu omhue-apfe oyōli. Ọ khi oni imiqli e mu ekpe ẹ na, ẹẹ suọ esọ na li egbegbo. <sup>5</sup>Itobọ khi ini ogbọ ọa guę ri eloe ẹ khu omhue-apfe oyōli, se ọli ya dobę ri eloe khu igbaa oyi eni e mie iJesu iKirisiti suọ? <sup>6</sup>Ọ khi khi oni ọ lese miesuọ ni ode ọa nuę ne ini ititiegbe e

<sup>f</sup>2:7 Li zę 2 iTimo 1.11

§2:9 Li zę 1 iPit 3.3

\*\*2:13 Li zę Igbae 2.7,21-22

††2:14 Li zę Igbae 3.1-6

khi vọ li egbe ni ọ tigbe ya de pfilo ep-fua nabi ọkphaghie ọ de pfilo. <sup>7</sup>Ọ mema khi ọgbọ ni ọ mhọli eva onete iteva oyi ena edato, ini ọ khi yeghe-a ni ọ de ya pfilo igha ọkphaghie.<sup>‡‡</sup>

<sup>8</sup>Eni eẹ kpaghie elemhi owa ugamhi, e khi ẹgbọ ni a mu ekpe e na, e khi ẹgbọ ni a ri egbe e nga. E khi khi eni e da onyo ọ dose wekhi eni eẹ li oyamhi ukpago. <sup>9</sup>E ri udu-onete ni ọ ọ gue ọgbọ ezo mu igesikia ni a rokhasẹ ni e la irudunga mhue. <sup>10</sup>A kpe mu we fe bino, ini o khia khi e gue gbe, a tigbe ze we obọ ọ gbe akanya oni ọ ọ ga. <sup>11</sup>Ighuewe e mema ya mhue ingeli enete. E khi khi eni eẹ le ẹgbọ ita uruli kiakia, e mhọli ayemhe ni o pfohmẹ, e khi eni a ri egbe e nga shi emhikpa. <sup>12</sup>Omose ọkpaghiobo ọ mema ya khi oni ọ rue ọkpotso oghuo shi, ọ khi oni ọ gue e sese eniye eyoli ode, ọ gue ri ukpeloe a khu omhue-apfe oyoli. <sup>13</sup>Ekpaghie-obo eni e gue ga, e she roli mie ashini o mu eloe, ali e dobe ri igbedu e ngme ingme oyi irudunga oyi iJesu iKirisiti ni e mhue.

### Osheli ni o la irudunga oyawa

<sup>14</sup>Aboriekhia khi mhi ririe mhọli ọli shi udu khi mhi ya kele bhale ya bine, mhi ro kie keke eni omhesẹ ena ghi e. Eghẹghe agho ni a bhale ya e khi, <sup>15</sup>ini o khia khi mhi tese denẹ, ebe ona o ya sese e abi o ti ni ẹgbọ e li ke ngeli elemhi omhue-apfe oyi Eshinegba, ni o khi igbaa oyi eni e mie iJesu iKirisiti suo oyi Eshinegba ni ọ la agbo. Iki igbaa oyi eni e mie iJesu iKirisiti suo ni o khi oche ali irogbekẹ ni a ma igesikia nga. <sup>16</sup>Igesikia ni o la osheli oniemi ni o la irudunga oyawa o fu dose oni ogbokhoghuo ọ mhue ekhako e shi. IJesu ọ bhale agbo abi ọgbọ, Ayemhe ọ roli khase khi ọ ghole Eshinegba,

igeni e me ọli  
A roli tse abo gase  
ushishi nya,  
ẹgbọ e mie ọli suo  
elemhi agbo nya  
a rue ọli nga iloghie.

### Ena Osese ẹgbhọli

**4** Ayemhe ọ guele gboo khi, ikpukhokho agbo, ẹgbọ eghuo e ya tsua irudunga pfi-a. E deba iyemhe ni eẹ di agbo, eẹ deba osese ni ayemhe ọkphaghie e tsua lasele. <sup>2</sup>Osese eghogho, obọ oyi elo-ẹgbhue ena ikokoalo e te e bhale, eni udu-onete ni ọ gue ọgbọ ezo oyewe o she ghua dishi. <sup>3</sup>Egbọ eghogho e sese ẹgbọ e khi rue ọkpotso, eni ikpotso e khi ye ughue, e gueye we e khi ke le eminale eghuo. Ama eri Eshinegba ọ ma eminale eghogho, eni e miesuo ni e lese igesikia e ke ri ikphemhi mie we le. <sup>4</sup>Emhikpa ni Eshinegba ọ ma o ti, a khi me emini a kie, ama a ke ri ikphemhi mie emhikpa. <sup>5</sup>Irari khi ungmehi oyi Eshinegba ali iromhi isoso a ro rewe e shi eni e pfuase.

<sup>6</sup>Ini u ri oni omhesẹ ona na eni e miesuo, u ya khi oni ọ gue gbe akanya ugamhi oyi iJesu iKirisiti, ni a kuele vule rote igesikia na irudunga ali osese enete ni u wa deba. <sup>7</sup>Khi mhọli emini u ri okhe oyi ẹgbọ nede, ali okhe ikpotso egbhali e riele. Ke ngeli riele oghuemhe oyi Eshinegba. <sup>8</sup>Inisegbe-a o mhọli ukuku eminete ni o riele a na ọgbọ, ama ni a ro suo esọ na Eshinegba, eri o ti odekhode, itobo khi o mhọli ishobo na awa memena ali agbo ni o ke e bhale.

<sup>9</sup>Ungmemhi igesikia na ni o ti ni a mieshi, ni a gbo lama shi ọ. <sup>10</sup>Onana o ri anye rosheka a gbe akanya egbegbo, irari khi awa she ri irudushi oyawa shi

‡‡3:7 Li ze iTato 1.6-9

Eshinegba obo, oni o lao ni o khi Omiepfuese oyi ogbokpa, eni e miesuo kpaashi.

<sup>11</sup> Mhese, u gbo sese ena nya. <sup>12</sup> Khi ze ni ogbokhoghuo o ri eloe gbe e irari khi ozele u khi, ama rote ungmehi oye, ali agbo oye, ali inono oye, elemhi irudunga ali ipfuase oye khili irokhasa na eni e miesuo. <sup>13</sup> Ya ramhi egheghe ni mhi ro ya bhale, ri eloe shi o kie ke ze Ebe-nopfuase khasa igbaa, u kie le e tse-abo oni ungmehi, wa sese we. <sup>14</sup> Khi ri obo gbe isomhopfa ni Eshinegba o ro ne nye. Oni a ro ne abi a ro mekeguele shi e egbe ali abi eni egbhali e ro ri abo nge egbe.

<sup>15</sup> Ke ri eloe shi eni emhi ena egbgbo, u ri egbe e na we pfo ni egbo nya e ke me ije-odalalo oye. <sup>16</sup> Ri eloe shi egbe e egbe ali osese oye. Kie ke riege emhi ena, irari khi ini u wa ligho u ya tsumhi egbe e ali eni e suo e.

#### Abi ee a ke li esamhi-olimhi, ali egbhali ali ighumha

**5** Khi dese ogbhali, ri ipfome uruli nu oli ngme abine khi ite o khi. Ke riege deba ozele abine khi inyoghuo e u ngeli e deba. <sup>2</sup> U riege deba ikpotso eni egbhali abine khi inye e khi. Ke ngeli deba ozele ikpotso abi inyoghue ni ikpotso.

<sup>3</sup> Khi ri eloe gbe esamhi-olimhi ni e khi esamhi-olimhi egbgbo, ni e mholi otomhe. <sup>4</sup> Ini oni osamhi-olimhi o bia eniye, o ke khia khi o mhue imimi, eni eniye e kpe ke ri emini e wena imiesuo gbe akanya, abi e li ri eloe e khu omhue-apfe oyewe. Ini e lina, eri e feli eni e bia we ali itita we egho, irari khi onana o ma ri egbe a mu Eshinegba. <sup>5</sup> Oni o khi osamhi-olimhi igesikia ni oa ke ye ughue, ni lolighuo o la, o she regbenga Eshinegba, o so iromhi e mhila li ikpaghiobo obo, eleoguota ali ele iyose. <sup>6</sup> Ama osamhi-olimhi ni o ri egboli shi aruele agbo, o she ghu-a ini ayemhe oyoli o kie tseku lao. <sup>7</sup> Mhese enana na we ini a khi me gue shi we egbe.

<sup>8</sup> Irari khi ini ogbo oa ri ukpeloe khu ena omhue-apfe oyoli, tete imi oli ali ughue oli, o she kie oni irudunga. O kholo dose oni oa miesuo.

<sup>9</sup> Khi keke eva oyi osamhi olimhi kuma eva eyi esamhi-olimhi se ni o she dose ikpe egbhue, oni o khia khi utoghukpe o kpe lese ye ughue. <sup>10</sup> O khi oni a suo eko shi ikanya enete, okpotso ni o gue kuete imioli. Ni o mie epfese e shi owa. O gue a gbe ikanya deba eni e miesuo, ni oo kpaghie egbo ni e la omunu obo ni o ri egboli shi onete ododa iriele.

<sup>11</sup> Ama khi ri eva oyi ozele esamhi-olimhi shi ebe. Irari khi ini oguemhe idiegbe oyewe o nga we ukhomhi le dose ugamhi ni e ga iKirisiti, e vu ya ngeli. <sup>12</sup> Eri e rote agho lue, irari khi e she gbe ironga ni e kpe te eke ro nga ni iKirisiti-a. <sup>13</sup> Egbo owaza e khi ni ee kia ifui owa. Oni o kholo ne nya khi ee le egbo itsa uruli kia kia, ee sono unu ingme ni aa fe lu we shi, ee ngme ungmehi ni ea kha ngme. <sup>14</sup> Itobo igho, o ghole mhe ni ozele isamhi olimhi e ye ughue, e bia eniye, e ri eloe e khu omhue-apfe oyewe. Ini awa khi ri egheghe na ebe awa me asha yese awa eva-a. <sup>15</sup> Eni esamhi-olimhi eghuo e she lase ode oyi iKirisiti le deba okphaghie. <sup>16</sup> Ama ini okpotso okhoghuo ni o miesuo o mhue osamhi-olimhi she unekpe oyoli, o mema ya ke ri eloe khu oli, o khi rue oli ghi igbaa oyi eni e mie iJesu iKirisiti suo ke tsua, ni e dober i eloe ke khu eni e khi egbegi esamhi-olimhi ni e mholi otomhe.

<sup>17</sup> A ke fali eni egbhali ni e ri igbaa oyi eni e mie iJesu iKirisiti suo e kia ni e gue gbe akanya egbgbo ifata agbhaghamhi eva, tete eni e mema lolo toto obo itse-abo ali osese ungmehi oyi Eshinegba. <sup>18</sup> Irari khi ebe o ngme oli, u khi ge ena unu ini u roli e kpishi ikpamhi emhi. A ke fali egbakanya ifata

eyewẹ.<sup>¶</sup> <sup>19</sup>Khi roli shi egbegbi ingme ini ogboghwo a bhale ya ngme ingme shi ogbhali egbe, se ini e gbe aava okekhi aase.<sup>§§</sup> <sup>20</sup>La odalo egbo kpa ke dese eni e lamhe ni o tse agua ye enekpole.

<sup>21</sup>Mhi la ukpeloe onayi Eshinegba ali iJesu iKirisiti ali oyi igeni ni e pfuase mhese ne, u ri omhese ena gbe akanya, khi rote ode oshili we e azeba riele emhikhoghwo.

<sup>22</sup>Khi tigbe kele ri obo nga ogbo egbe roli nga akanya ugamhi oyi Onomhue, u khi ya nu oli mhue okemhi shi olamhe oyi oli. Ri egbe e shi ipfuase.

<sup>23</sup>Khi ke da amese, ama ke da ukuku onyo ni eminale e kele ke daghie-a shi e elemhi, abi o ro khia khi u ma kele e ghua egbo.

<sup>24</sup>Eri a ga egbo eghuo zu olamhe eyewe, neni a re ramhi iguezo, ama olamhe oye egboese elelese e ya lasele.

<sup>25</sup>Igho a lie me ikanya enete gboo. Shi eghuo ni aa ya me memena, ea ya sheli okhese.

**6** Eni e khi ighumha e ke ri ekpe na ega eyewe egheghekpa ini ogbokhoghwo o khi ze emuebe na eva oyi Eshinegba ali ose e oyawa. <sup>2</sup>Ighumha e khi ri eloe gbe ega eyewe ni e miesuo, ni e mholi we, irari khi inyoghwo egbe e ga khi ni ee deba iKirisiti, oni iKirisiti o nono ingme oyewe. Ochoghwo e ke ga we dose abi e kpe li a ga we, Eni ingme ena e khi eni u ya ke sese we, u gbo rewe e ye we ude.

<sup>3</sup>Ogbo ni o da sese ose e olese ne, oa lama shi egbegbi ose e oyi iJesu iKirisiti Onomhue oyawa ali ugamhi oyawa, <sup>4</sup>eri itipfuabog-nga o she vo li egbe ni oa ke lese emhikhoghwo. O mhue oghuemhe obe na ekhako ali uwola shi ingmemhi ni ee pfi ofuma ali uwola ali itsue ali ireloevioaba. <sup>5</sup>E gbolo e pfi ekhako shi

iteva egbo ni isamhi udu oyewe oa ya gbe akanya te ode, ni igesikia o she wa we-a. Eri e dabi khi ugamhi khi epfue a roli e nono.

<sup>6</sup>Egbegbo lo khi ugamhi o ri ogbo o mhue epfue egbegbo, o ri emini u mhue khuese e. <sup>7</sup>Irari khi awa a kpe tsua emhikhoghwo bhale agbo ona. Igho awa a li rote agbo ya tsua emhikhoghwo vu. <sup>8</sup>Irari onana, ini awa da mhue eminale ali itsua na so ne, o khuese awa. <sup>9</sup>Ama eni e nono ni wewe e pfue eri ee de pfilo imufe ali igha ali oghuemhe eyi oyeghe ni e kuale ogbo utse, ni o pfi ogbo pfilo epfua ali oyese. <sup>10</sup>Irari khi rote oyamhi ukpago iwali onobe nya e te e ze lasele. Egbo eghuo e she kphakpha egbe ini e mhue ikpago, ni o she rewe kia lase ode irudunga le. E she ri ebubu oya yese egbe we udu-a.

#### Agbo ni o ti ni oni o miesuo o la

<sup>11</sup>Ama yeye Omose oyi Eshinegba, ti egbe emhi enana nya le, na ke khu ipfuase, ali iriele emini o ti Eshinegba eloe, ali irudunga, ali inono, iregbemie ali angeli ipfomhe. <sup>12</sup>Ga ri itoto eye nya na unamhi oni irudunga oye, ni u mie eleli agbo na agboagbo. Itobo khi oni agbo onana Eshinegba o lu e shi abi u ro pfi otsele shi irudunga oye odalo ebubu egbo. <sup>13</sup>Odalo oyi Eshinegba ni o ri agbo na emhi nya ali odalo oyi iJesu iKirisiti, ni o pfi otsele odalo iPotiusi iPaleti, mhi la mhese ne ena,\* <sup>14</sup>u ri omhese enana gbe akanya, ri igesikia mu we mhue gbaa ya ramhi ele ni iJesu iKirisiti Onomhue oyawa o ro ya bhale. <sup>15</sup>Oni ibhale oyoli o ya tse shi egheghe ni Eshinegba o mhese oli shi te, loli o khi Oghie oghuo kpele ni a khivose na, Oghie oyi ighie nya, ali Onomhue oyi ekhemhue nya. <sup>16</sup>Lo-

<sup>¶</sup>5:18 Li ze iDeut 25.4; iMat 10.10; iLuk 10.7

<sup>§§</sup>5:19 Li ze iDeut 17.6; 19.15

\* 6:13 Li ze iJon 18.37

lighuo kpele o lẹse la o lẹ agbọagbọ. Eri o la ákpá ni ogbọkhoghuo o a gbudu a ti mama. Oni ogbọkhoghuo o a me ghue wẹkhi eri ogbọ tigbe dobe ya me oli ghue. A ri ufumhi ali ekpabọ oniemi nali. Atse.

<sup>17</sup> Mhesẹ na egbọ ni e pfue shi elemhi agbọ ona, e khi ke ti-ipfuabọ nga, a e khi ri udu shi epfue ni ẹa ze ri egbe ẹ da, ama e mhuẹ irudushi na Eshinegba ni o ri emhikpa somhi awa opfa tuo, awa ro ke li agbọ. <sup>18</sup> Mhesẹ na we e ke riele onete, e khili eni e pfue shi elemhi onete iriele, e ke somhi egbọ opfa, e ke rote

emini e mhuẹ rue obọ-a. <sup>19</sup> Ini e da li na ne, e ya ti epfue ma na egbewe abi irogbekẹ ni o migha, elemhi agbọ ni o o bhale, ni e la agbọ ni Eshinegba o nono ni e la.

<sup>20</sup> ITimoti, ri ẹloe khu emini a ro shi e obọ. Khi kuma ingmemhi ni ẹa khi eyi Eshinegba ali ekhako eyeghe ni egbọ eghuo e ri egbhọli ẹ lu ilese, <sup>21</sup> ni egbọ eghuo e deba ni o rewe lase ode irudunga oyewe le.

Okhale oyi Eshinegba o ka nu ẹẹ nya la.



*Ebe onuzi-eva ni iPolu o keke ghi*

## ITimoti

**1** Mhemhe iPolu ni mhi khi aghi-u-somhi na kee oyi iJesu iKirisiti abi o ghole Eshinegba shi. Mhemhe mhi keke ebe ona. Mhemhe ni o ghie mhi ka ri agbo ni o la iJesu iKirisiti ni Eshinegba o ro shobo na awa tse abo guele.

<sup>2</sup>ITimoti mhi keke ebe ona ghi. Okhale ali ilelemhi ali opfomhe eyi Eshinegba ali eyi iJesu iKirisiti Onomhue oyawa e ka khi eye.<sup>†</sup> <sup>3</sup>Mhi tse Eshinegba ni mhi ri udu no pfuase e ga abi eni e bia mhe e li ga. Eri mhi a tse Eshinegba uwegbe ini mhi la iromhi isoso sato e egbe, ele-iyose ali ele oguota. <sup>4</sup>Mhi aa sato evie oye, mhi aa nono ni mhi me e, egheghe agho ni oghela oyemhe o vo. <sup>5</sup>Mhi aa sato egbegbi irudunga ni u mhue. Irudunga onabi inyinye o mhue ikhi iLoisi ali ni inye iYunisi o li mhue. Mhi mie shi o khi oni irudunga o li le egbe.<sup>‡</sup> <sup>6</sup>Irari ona, mhia ye e ude u guise isomhopfa ni Eshinegba o ro ne le ke gbe akanya egbegbo, eni u mie abi mhi ro ri abo nge ukhomhi. <sup>7</sup>Irari khi Eshinegba o ri ayemhe ulishi na awa, ama ayemhe ekpabo ali inono ali igue ri egbe kia.

<sup>8</sup>Itobo ona, khi ze ni omama o mue ni u ro pfi otsele na Onomhue oyawa, wekhi omama mhe ni mhi khi oghumha itobo iKirisiti. Ama kuma mhe o shi osoli imeme shi iri usomhi onete tsabo, rote ekpabo oyi Eshinegba,<sup>9</sup> ni o tsumhi awa, o lu awa ni awa nu oli la agbo ipfuase ni o khia khi o khi irari emhikhoghuo ni awa riela, ama abi o li gba li ali irari okhale oyoli. Eri a li oni okhale ona na awa rote obo oyi iJesu iKirisiti neni

egheghe o gba eke le.<sup>10</sup> Ama mena, a she roli khase awa rote ibhale oyi Omiepfuese, iJesu iKirisiti ni o pfuere eghulila, ali ni o ri agbo bhale, ni o rote usomhi onete ri agbo ni o ya ya ghu khase gboo.

<sup>11</sup>Oni usomhi onete ona Eshinegba o ze mhe shi mhi ke guele abi aghiusomhi na kee oyi iJesu, ali oni o se se.<sup>†</sup> <sup>12</sup>Itobo ona o ze ni mhi ro me osue abi mhi li ena. Abi o tseku li, omama o mu mhe irari khi mhi lese oni mhi miesuo ali khi mhi mie shi o khi o dobe ya ri eloe khu emini mhi rongali obo shi ogbe ni elegho.

<sup>13</sup>Emini u rote unu oyemhe suo, mu we mhali ni e khi ete-awe ni u ro ya ke se se ose se ni o dala. Gbo sato ke la elemhi irudunga ali inono ni u mhue elemhi iJesu iKirisiti. <sup>14</sup>Ri eloe khu ose se onete ni a ro nga e obo, rote ikpaghioboo oyi Ayemhe-no-pfuase ni o nu awa la ini ogbo khi dobe pfi oli ukhomhi kpoke.

<sup>15</sup>U lese khi egbokpa ni e la eke Esha e she me mhe na, li shi iFigelusi ali Emogenesi.

<sup>16</sup>Eshinegba o ka mhue ilelemhi na unuekpe oyi Onesiforo, irari khi eri o ri egbe e mu mhe egheghe kpa, o na omama iweghe ni a so mhe. <sup>17</sup>Ni mhi ro ma o, abi o ro bhale iRomu, o nono mhe ya ramhi ni o ro me mhe. <sup>18</sup>Eshinegba o ka ze ni o me ilelemhi oyi Eshinegba ogbele elegho. U ga lese gboo abi o li kpaghi me obo abi mhi ro la Efesosi.

### Abi a lie khi Okholi-okhue oyi iJesu iKirisiti

**2**ITimoti omimhe, ze ni u toto shi okhale ni o rote obo oyi iJesu iKirisiti bhale. <sup>2</sup>Emini u suo khi mhi ngme ukpelo e otsele ebubu, rewe nga egbo ni a dobe ri egbe e nga obo, ni e ya dobe se se egboese. <sup>3</sup>Nu mhe ri egbe mie

<sup>†</sup>1:2 Li ze Ika 16.1

<sup>‡</sup>1:5 Li ze Ika 16.1

<sup>†</sup>1:11 Li ze 1 iTimo 2.7

osoli abi օkholi-okhue օnete oyi iJesu iKirisiti. <sup>4</sup> օgbo ni օօ gbe akanya օkholi-okhue, օa ya ku abo lo emhi agbo, irari khi օga օyoli օօ ke dua ni loli ri egbe ke mu. <sup>5</sup> Igho o li khi, ini օgbo օ kuma eni e ya na, aa ya rughu օli arula oghie khi օ lo owa, ini օa li deba ushi ni o la unamhi. <sup>6</sup> O ti ni օghiale ni օ toto obo gbe akanya, օ kpօ khi օnodode ni օ le emhi օkomhi ni օ gua. <sup>7</sup> Sa shi emini mhi ngme ena irari khi օnomhue օ ya rօ lօshօ udi emhi ena nya.

<sup>8</sup> Sato iJesu egbe ni a rօte eghuli guise le, ni օ khi unuekpօ oyi iDefidi. Onana o khi usomhi onete ni mhi rօ a tse abo, <sup>9</sup> ni o rօ mhօ a mօ osoli ramhi ni a rօ ri igha shi mhօ abo abi օgbo usueso-akhue. Ama, ungmehi oyi Eshinegba օa zօ օ sօ igha. <sup>10</sup> Irarigho, mhi rօ ri egbe mie emhikpa irari egbo ni Eshinegba օ zօ ni wօwօ e li mie imiepfuese ni o te obo oyi iJesu iKirisiti bhale, li shi ufumhi na agboagbo.

<sup>11</sup> Egbegbi ungmehi ni a ri egbe a da na.

Ini awa nu օli ghua,  
awa gbo li ya nu օli la agbo.

<sup>12</sup> Ini awa ri egbe mie,  
awa ya nu օli ke mhօshօ.

Ini awa kie օli,  
օ ya kie awa.<sup>§</sup>

<sup>13</sup> Ini awa a ya gbe akanya  
te ode igesikia,  
օna igesikia օ kiele khi.  
Irari khi օa ya kie egboli.

### Ogbakanya ni օ ghole Eshinegba

<sup>14</sup> Ke yeke egbo eyօ enana le. U gbo tse agua ye wօ ukpeloe Eshinegba, e khi wola shi ingmemhi, ni օa mhօli eleli, eri o lօshօ օ yese eni e suo օli-a. <sup>15</sup> Rosheka ni u ri egbe na Eshinegba abi, օgbakanya

ni օ mie ni omama օa ya mu, ni օ guօ օ sօshօ ungmehi igesikia. <sup>16</sup> Nuata shi ingme afuօ ni օa mhօli eleli, irari khi egbo ni օ sօ egbe ingme eghoghօ, eri օ ri egbo nuata shi Eshinegba օ. <sup>17</sup> Osօshօ oyewօ, o ya ke gօ abi ugboko. Egbo eghoghօ khi Amօneusi ali iFiletusi. <sup>18</sup> E she zobօ ode igesikia obo. E khi irօte eghuli guale o she bhale ya dօshօ, e yese irudunga oyi egbo eghuo-a. <sup>19</sup> Abi bi o tseku li, irօgbekօ ni Eshinegba օ rօ gbe eri o migha gbaa, ni a kօkօ ena rօ shi օli օlօlօ khi: “օnomhue օ lօshօ egbo ni e khi eyoli.” Ali, “օnini օ da guale khi oyi օnomhue loli khi ne, օ mema ya ti egbe օkholo iriօlօ le.”\*\*

<sup>20</sup> Ukpokpomhi owa օa lօshօ mhue itasa igolu ali eyi օlomho tse, ama o li mhօli eyi օra ali օmօ, eghuo, e khi eni e mu օloe, eghuo, e khi eni օa mu օloe. <sup>21</sup> Ini օgbo khueshօ egboli-a pfuashօ lase emhi ebe le, a ya rօli riօlօ egbegbi emhi. A rօli pfuashօ, օga օyoli օ rօli li emhi, ali khi օ ya riօlօ օli shi oni a rօ ke gbe ikanya enete.

<sup>22</sup> Mօ օghuemhօ ebe oyi ozele na, ke na khu iguօ-ngeli ali irudunga, ali inono ali opfomhօ. Kuma egbo ni e ri udu ni o pfuashօ օ lu eva oyi օnomhue օ. <sup>23</sup> Khi mhօli emini u ri ekhako oyeghօ ali umhalօshօ li, irari khi u lօshօ khi uwola օ pfi. <sup>24</sup> օni օօ ga Eshinegba օa gbudu wola. օ mema khi օni օօ riօlօ isomhalemhi deba օgbokpa, օ khi օshօshօ օnete ni օ ri abo օ mudu. <sup>25</sup> O ri օfiօ sօshօ eni օ nu օli khako. օ mhօli օli shi udu khi Eshinegba օ ya khueghie ode-a na wօ rօ mu pfi ni o ya rօwօ bhale ya lօshօ igesikia, <sup>26</sup> ali khi egbhali oyewօ o ya tiemhile, e na pfue igha ni օkphaghie օ kpօ khօ wօ. օni օ she mu wօ ighumha e ke riօlօ օghuemhօ oyoli.

§2:12 Li zօ iMat 10.33; iLuk 12.9

\*\*2:19 Li zօ iNօba 16.5

### Angeli oyi egbo ikpukhokho agbo

**3** Ke bino ọli khi egheghe omunu o ya la ọ ogbele ni e kpe ukhokho. <sup>2</sup> Egbo e ya ke nono ingme oyi egbe wewe-ghuo tse, e mhọli oghuemhe ebe na ukpago, ee tono obo udu, ee titiegbe, ee weghe egbo, ee riele umha-sueso deba eni e bia we, ea mhọli itsuwegbe wekhi itsobode, e khi egbo ni ea mu ekpe na emhi Eshinegba. <sup>3</sup> Ea mhuẹ isomhelemhi, ea mhuẹ igbekua na ogbo, e ri unu e pfueche egbo-a, ea mhọli igue-regbekia, wekhi ilelemhi, ea nono eminete. <sup>4</sup> E ri egbewe e de, ee li umumume, ee ti ipfuabo nga, e mhọli oghuemhe na agbo ilili, ocho ni e kha ro mhọli inono na Eshinegba. <sup>5</sup> E riele abine khi eri e miesuo, ama e kie ekpabo ni o la imiesuo. Khi mhọli emini u ri egbo eghogho li.

<sup>6</sup> Egbo eghogho e bena lo owa deba ikpotso ni ea mhuẹ egbhali, eni usamhi oyi olamhe eyewe enedio e nase, ali ni oghuemhe khi oghuemhe oo gua. <sup>7</sup> Eri ikpotso eghogho ee nono ni e wena, ama ea dobe e lese igesikia. <sup>8</sup> Ezeze abi iJanesi ali iJabiresi e mu okhue vule shi iMosisi o, igho eni egbo ena e li mu okhue vule shi igesikia o. Egbo ni o khia khi usamhi oyewe oa ke a gbe akanya ni e she de ode irudunga-a.†† <sup>9</sup> Ama ea ya kia nuata, itobo khi oyeghe oyewe o ya ri egbe khasẹ ogbokpa, abi o ke li eni emose aava egho egbe.

### Omhesẹ ni iPolu o ro na iTimoti

<sup>10</sup> Ama u she lese osese oyemhe nya ali abi mhi lie ngeli, U lese emini mhi la agbo shi, u lese irudunga, ali irabomudu ali inono ali iregbemie eyemhe. <sup>11</sup> U lese okhọli ni a mu vule shi mhe o, ali osoli ali emini mhi me egbe obini eoli Atioki, ali eoli iKoniomu ali eoli iLisitira. Okhọli

oniemhi a mu vule shi mhe o ni mhi ri egbe mie. Ama Onomhue o rue mhe o le nya.‡‡ <sup>12</sup> Egbegbo lo khi, ogbokpa ni o da nono ni lue la agbo ipfuase oyi iJesu IKirisiti ne, a ya mu okhọli vule shi ọli o. <sup>13</sup> Egbo okhọli ni e ri egbe we khi emini ea fute e ya ke riele onobe ke khi ma o, ee di egbo, a lili e di we. <sup>14</sup> Ama yeye oye, toto obo emini u wena ni u she mie shi, irari khi u lese obo oyi eni u te wena we, <sup>15</sup> Ali abi u te rote omofe lese Ebe-nopfuase ni e dobe ya re khili olesingme shi irudunga ni u mhọli na iJesu iKirisiti ni u khi oni a mie pfuese. <sup>16</sup> Emini a keke shi Ebe-nopfuase nya, ungmehi oyi Eshinegba lo. E ti ni a ro o sese emini e khi igesikia, ali ni a ro o tse agua ye ogbo shi iriele do-a, ali ni a ro o sheshe ogbo shi ode rote umhagueli, ali ni a ro o sese ogbo igue-ngeli. <sup>17</sup> Ni ro a bhale ya e khi a sese Omose oyi Eshinegba egbegbo ni o gue ke gbe ikanya enete ododa.

**4** Ukpeloe oyi Eshinegba ali iJesu IKirisiti, ni o ya gue egbo ni e lao ali eni e ghu-a ezo, ali oni o bhale ya mhesẹ abi Oghie, mhi la ri oni omhesẹ onana ne. <sup>2</sup> Ke tse abo oni ungmehi, ke mu egbe egheghe kpa ni u ro ke tse ọli, o khi egheghe ni o ti, o ke khi egheghe ni oa ti, ke sheshe egbo, wa dese we ali u ri udu e shi we o. U ri iregbemie ri ofie sese we. <sup>3</sup> Irari khi egheghe do bhale ni egbo ea ke ro ya ri esọ shi egbegbi ose. Ama ni e ba ke suo emini e ti we esọ, e ya ri ochogho ti esese gbili gase egbe ni e ya ke ngme emini esọ ni e riele we e nono ni wewe e ke suo. <sup>4</sup> E ya rue esọ egbegbi ungmehi le, e ri esọ shi okhe nede. <sup>5</sup> Ama yeye oye, u mema ya ku egbe-a abibi o rie li. U ri egbe mie osoli, ri abo mu udu ini u wa a me osoli. Ke gbe akanya oyi oni o ri usomhi onete

††3:8 Li ze Okiali 7.11

‡‡3:11 Li ze Ika 13.14-52; 14.1-7,8-20

a tşę abo, u ri ęloe shi ikanya eyę e gbe abi oni oọ ga oyi Eshineęba.

<sup>6</sup> Irari khi a she ku mhe abi onyo ni a ku shi iluasobo, ali oni eghęghę o she bhale ni mhi ro ya ghua. <sup>7</sup> Mhi she kholi oni okholi onete, mhi she na oni unamhi pfo, mhi mu oni irudunga mhue ya to. <sup>8</sup> Mena, a shi ri arula igue-ngeli shi na mhe, ni Onomhue ni o pfuase ni o khi oso-ęzo o ro ya na mhe ogbe na ęlegho. Oa khi mhemheghuo tşę a ya roli na, ama li shi egbo ni e nono inyenę egbe bhale oyoli.

### IPolu oọ ghie iTimoti usomhi

<sup>9</sup> Roshęka ni u keę ramhi mhe egbe. <sup>10</sup> Irari khi iDemasi o mholi inono na oni agbo ona. O she tsua mhe pfia je ęoli iTęsalonika. IKiresenisi o she je eke iGalesha, iTatosi o je ęoli iDalimatia.<sup>¶¶</sup> <sup>11</sup> ILuku luęghuo kpe o ke leşę nu mhe la akana. Rue iMaki mholi obo bhale, irari khi o mholi ikpaghiobo na mhe oni akanya.<sup>§§</sup> <sup>12</sup> Mhi ghie iTakikosi je ęoli Efesosi.\* <sup>13</sup> Ini u wa bhale rue awulu ugbakpi ni mhi ro shi obo oyi iKaripusi obini ęoli iTiroasi ali ebe eyemhe mhue obo bhale. Tete ękuę ęlamhi ni a keke emhi shi.<sup>†</sup>

<sup>14</sup> Alezada oni oọ lumhi ikhuli, oọ li mhe onobe gba. Onomhue o ya fali oli

ota shi emini o rięle.<sup>‡</sup> <sup>15</sup> Yeęę li mu egbe ę shi oli egbe, irari khi eri o lolo mu okhue vule shi usomhi ni awa ro o tşę abo o.

<sup>16</sup> Abi mhi ro kpe tode pfa egbe mhe shi eke, ogbokhoghuo oa nu mhe migha, eri wewe nya e na tsua mhe pfia. Eshineęba o khi roli mu ota so we. <sup>17</sup> Ama eri Eshineęba o migha kpeşę mhe, o ri ekpabo na mhe ni a bhale ya ę khi, rote obo oyemhe, oni ungmemhi o lolo ze guele ni egbo iJeta e suo li. Ali ni a ro tsumhi mhe obo oyi eghuli abineę khi a mie ogbo unu oyi idumhi. <sup>18</sup> Onomhue o ya pfuese mhe okholi obe ni o vule shi mhe o, ali khi o ya rue mhe bhale iloghie oyoli tşelele. Loli o mholi ufumhi ęle na agboagbo ya je agboagbo. Atşę.

### Otşę ni o kpe ukhokho

<sup>19</sup> Tşę iPisilia ali Akuila ali omhue-apfe oyi Onesiforosi na mhe.<sup>¶</sup> <sup>20</sup> Erasitosi o la ęoli iKoriti, ali mhi ze iTirofimosi obo shi ęoli iMiletusi irari khi oọ ghua.<sup>§</sup> <sup>21</sup> Roshęka ni u keę ramhi ana neni orue oọ pfi. Ebulusi oọ tşę ali iPudenisi ali iLanusali ali iKilaudia, ali eni e miesuo nya e ga tşę. <sup>22</sup> Onomhue o nu ayemhe oyę la. Okhale oyi Eshineęba o nu ę la.

<sup>¶¶</sup>4:10 Li ze iKolo 4.14; iFilę 24; 2 iKori 8.23; iGal 2.3; iTato 1.4

<sup>§§</sup>4:11 Li ze iKolo 4.14; iFilę 24; Ika 12.12,25; 13.13; 15.37-39; iKolo 4.10

\*4:12 Li ze Ika 20.4; Efi 6.21-22; iKolo 4.7-8

†4:13 Li ze Ika 20.6

‡4:14 Li ze 1 iTimo 1.20; Iwolo 62.12; iRom 2.6

¶4:19 Li ze Ika 18.2; 2 iTimo 1.16-17

§4:20 Li ze Ika 19.22; iRom 16.23; Ika 20.4; 21.29

*Ebe ni iPọlu o kẹkẹ ghi*

## **ITatọsi**

### **Otse**

**1** Mhẹmhẹ iPọlu ni a zẹ abi ọni ọọ ga oyi Eshinẹgba ali aghiusomhi na kẹkẹ oyi iJesu iKirisiti, mhi kẹkẹ ebe ona. Eri a ghie mhẹ ni mhi ya zese irudunga oyi eni Eshinẹgba o zẹ-a, ali ni mhi rẹwẹ khasẹ igesikia ni o ya sẹsẹ wẹ abi e li ya la agbọ ni o ri egbe ẹ mu Eshinẹgba. <sup>2</sup>Oni irudunga ali ilẹsẹ ona o migha nga irudushi oyi agbọ na agboagbọ, ni Eshinẹgba ni ọa ya lo egbhọli ọ ri nga na awa neni a mẹ igbaekele oyi agbọ. <sup>3</sup>Egheghe ni o ghọle Eshinẹgba, ọ la rọte ungmẹmhi oyọli ni ọ rọ nga mhẹ obọ ri usomhi oyọli khasẹ gboo. Eshinẹgba ọni ọ mie awa pfuese ọ lighọ mhẹsẹ ọli.

<sup>4</sup>Mhi kẹkẹ ebe ona ghi iTatọsi omimhẹ esheshi elemhi irudunga, ni mhẹmhẹ ali lọli anye ga la elemhi imiesuọ oghuo.

Eshinẹgba Ita iJesu iKirisiti ọni ọ mie awa pfuese ọ ka li okhale nẹ, ọ ri opfomhẹ nẹ.\*\*

### **Akanya ni iTatọsi ọ ya gbe ẹoli iKireti**

<sup>5</sup>Emini o zẹ ni mhi rọ zẹ obọ shi iKireti khi, ni u mẹ asha pfuse ikanya ni e kpọle nya gbe, ali ni u zẹ egbhali shi igbaa nya eyi eni e mie iJesu iKirisiti suọ na ukhomhi ẹoli ni e la iKireti nya. Sato abi mhi gueyẹ khi: <sup>6</sup>Oni ọ khi ọgbhali shi elemhi igbaa oyi eni e mie iJesu iKirisiti suọ ọ mema ya khi ọgbọ ni ọ gue ẹ ngeli, ini a khi mẹ asha gue ẹzọ shi ọli egbe. Ọ mema ya khi ọni ọ rue ọkpotoso oghuo shi. Imi ọli e khi eni e miesuọ ni ẹa khi eniyẹ ni e gbakaa ni ẹa ya suọ esọ. <sup>7</sup>Aborokhia khi eri a ri akanya oyi Esh-

inẹgba nga ọni ọ ralo na igbaa oyi eni e mie iJesu iKirisiti suọ nya obọ eghọ, ọọ mema khi ọgbọ ni ọ gue ẹ ngeli ini a khi gue ẹzọ shi ọli egbe. Ọ khi khi ọgbọ ni ọ ri imebie ẹ ngeli deba ẹgbọ. Ọ khi khi ọni elemhi e kẹkẹ ẹ bi. Ọ khi khi ọgbọ ni ọ da onyọ pfueche egbe-a. Ọ khi khi ọgbọ ni ọ kẹkẹ ẹ pfi obọ, wẹkhi ọgbọ ni ingme ukpaghọ o ghọ mu egbe dosẹ ode. <sup>8</sup>Ochoghọ ọ khi ọni ọ ghele ẹ mu ẹgbọ, ni ọọ nono eminente. Ọ khi ọgbọ ni ọ gue ri egbọli ẹ kia. Ọ khi ọgbọ igesikia, ali ọgbọ ni ọ pfuase. Ọ khi ọgbọ ni ọ mu ekpẹ shi egbọli egbe. <sup>9</sup>Ọ mema mu oni usomhi onete ni o mhọli iregbenga mhue jijiji, abi a li sẹsẹ ọli. Lọli ọ rọ dobe ya ri osesẹ igesikia ni ọọ sẹsẹ egboese ke ri udu shi wẹ ọ, ali ni ọ gbo ri ida-ode oyi eni e nu wẹ ẹ khakọ khasẹ, khi egbhọli ẹẹ lo.††

<sup>10</sup>Irari khi ẹgbọ iJu ebubu eghuo ni e miesuọ ni ẹ pfi ozughu, e la ọ, ni ẹẹ ngme ingmẹmhi afue ni ẹẹ di ẹgbọ. Wewẹ ẹ sẹsẹ ode egbhọli khi a mema shẹle ọgbọ neni ọ khi ọni ọ miesuọ. <sup>11</sup>Ọ ti ni a pfi wẹ okpẹ unu, itobọ khi eri e ri emini ẹ sẹsẹ yese udu oyi omhue-apfe ebubu-a. Itobọ ini e ba mẹ asha ke ti ukpaghọ ma, e rọ lighọ sẹsẹ. <sup>12</sup>Egbebi ọmekẹguele oyewẹ, ọ ke ngme ọli ghue, ọọ, “Egbọ iKireti, ẹgbọ egbhọli, ali ẹgbọ ebe ali ẹgbọ iwaza elemhi-gbidia, a khi.” <sup>13</sup>Igesikia oni ungmẹmhi ona o khi. Irarighọ, ga lolo gbe omama ku wẹ, ni irudunga oyewẹ o mẹ asha migha. <sup>14</sup>Egheghe aghọ, ẹa kẹ ke ri esọ shi okhẹ afue oyi ẹgbọ iJu ali ishi eyi ẹgbọ eni e kie igesikia. <sup>15</sup>Eri emhi nya e pfuase shi odalo oyi ẹgbọ ni e pfuase. Ama emhikhoghuo ọa ya pfuase shi ẹloe oyi ẹgbọ ni ẹa pfuase ni ẹa miesuọ, irari khi a she kesẹ wẹ udu ali isamhi-a. <sup>16</sup>E ma liẹ khi wewẹ e lesẹ Eshinẹgba, ama eri

\*\*1:4 Li zẹ 2 iKori 8.23; iGal 2.3; 2 iTimo 4.10

††1:9 Li zẹ 1 iTimo 3.2-7

angeli oyewẹ o rokhase gboo, khi ẹa lese ọli. Egbọ ni aa ti ẹ mama ali egbo umhaseso e khi, ni ẹa ti okie weẹ itoto.

### Osese ni a ya ke sese iku egbo ododa

**2** Ghe i! Yeye oye, u mema ya ke sese emini o lama shi egbegbi osese o. <sup>2</sup>Sese emose ni e she khi egbhali, e ke ri abo mu udu. E khi eni a mu ekpe na, e khi egbo ni e guẹ ri egbewe kia. E ze ni irudunga ali inono ali iregbemie oyewẹ o lolo mu eke.

<sup>3</sup>Gbo ligho sese ikpotso eni egbhali e ke ngeli abi ikpotso egbhali ni e la agbo ipfuase. E khi khi eni e ri unu ẹ yese egbo a, e khi ditse onyo idada a, ama e ke sese egbo ingeli enete. <sup>4</sup>Ishegho ni e ke sese izele ikpotso e nono ingme oyi odo we ali imi we. <sup>5</sup>E khi egbo ni e guẹ ri egbewe ẹ kia, e khi eni e pfuase. E khi shito ni ẹa mhọli oni ẹẹ gbe owa. E khi eni e mhọli isomheleghi. E ke nyese ukhomhi na odo we pfo. Ini ogbokhoghuo o khi me asha ngme ungmehi imebie deba usomhi onete oyi Eshinegba.

<sup>6</sup>Gbo li ligho gueye eni izeo e khi egbo ni e guẹ ri egbewe ẹ kia. <sup>7</sup>Ze ni emini u wa riẹle nya e khi eminete ni egbo nya e ya ke khonya. Ri igesikia ali omuegbe ke khase elemhi osese ni u wa sese. <sup>8</sup>Ke ri ingmemhi ni e gba pfo ni ogbokhoghuo o me te ya ke ze ifue ngme ungmehi oye. Ini ebe awa e khi me emini o ti okhoghuo ngme shi awa egbe, ni omama o mu we.

<sup>9</sup>Sese ighumha e ri egbewe na ega eyewe pfo nya, e ga ke riẹle emini o ri egbe ẹ ke mu we odekhode. E khi ke solọ shi we o ini e nu we ẹ wola. <sup>10</sup>E khi bena ke do we ughiatọ. E ri ochoghọ ke rokhase khi egbo enete ni ẹ gbe akanya te ode igesikia wewe e khi. Eghẹghe agho ni e ri osese ungmehi

oyi Eshinegba ni o mie awa pfuese ke ghole.

<sup>11</sup>Irari khi okhale oyi Eshinegba ni o ri imiepfuese bhale o she ri egbo khase ogbokpa. <sup>12</sup>Loli o sese awa, awa ke kie ingeli ni ẹa ghole Eshinegba ali ogueme oyi emhi agbo, ni ogbogbo o ke nu egbo ngme. Awa a ngeli angeli ni o migha shi ipfuase eghẹghe ni awa la memena. <sup>13</sup>Abi awa li ri ukpeloe shi eke ẹ kẹ ogbele ni Eshinegba ni o fune Omiepfuese iJesu iKirisiti oyawa o ro ya nyene egbe bhale. <sup>14</sup>IJesu iKirisiti ni o ri egbo bhale ro pfa awa shi eke rote obo oyi okholo nya lasele, ali ni o ro khuse egbo eyoli-a, ikhi egbo ni ikanya enete igbegbe ẹ ghole.††

<sup>15</sup>Enana e khi emini u wa ke sese. Ri afu ni mhi ro ne ke ri udu shi we o, u gbo tse agua ye we. Khi ze ni ogbokhoghuo o ri ukpeloe gbe ẹ.

### Abi eni e mieso e lie ke ngeli

**3** Ke yele eni egbo le, e ke nyese ukhomhi na enighie ali eni ẹ mhesẹ, ali e ri ungmehi oyewẹ ke gbe akanya. E mu egbe ni e ro ke gbe ikanya enete. <sup>2</sup>E khi lo egbhọli yese ogbokhoghuo evaa, e khi egbo opfome, e khi nu egbewe ke wola, ama e khi eni e ri ikuegbe-a a ngeli deba ogbokpa.

<sup>3</sup>Irari khi awa kpe li riẹle ingme oyeghe ali umha-sueso. Awa khi eni a di, ni a ri ogueme egbe, ali arule mu shi igha. Awa la angeli ubogbo ali ofuma ikpekpe. Aa biselemhi awa, awa gbolo biselemhi egbe. <sup>4</sup>Ama abi isomheleghi ali inono oyi Eshinegba Omiepfuese oyawa o ro feli lasele. <sup>5</sup>O mie awa pfuese, ni o khi itobo ingeli ni e migha shi ipfuase ni awa ngeli, ama itobo ilelemhi oyoli. O rote iriele bia ali ikhuse-pfuase oyi Ayeme-no-pfuase tsumhi awa. O ri agbo onogbo

††2:14 Li ze Iwolo 130.8; Okiali 19.5; iDeut 4.20; 7.6; 14.2; 1 iPit 2.9

na awa. <sup>6</sup>Eri Eshinegba o tutu Ayemhe-  
no-pfuase ku awa tuo itobo emini iJesu  
iKirisiti o rieler na awa. <sup>7</sup>Egheghe agho,  
awa kha khi eni o rote okhale oyoli ro  
pfuase se, awa mele imi oli a ni e mholi  
oli shi udu khi e mhue obo shi ugu agbo  
na agboagbo. <sup>8</sup>Egbegbi ungmehi ni a  
ri egbe e nga ona o khi.

Mhia nono ni u lolo gue oli ye we jijiji,  
ini eni e she kpe regbenga Eshinegba, ni  
e kuegbe-a ke gbe ikanya enete. Eni emhi  
ena e ma ti gba irari khi e ma ri eleli e  
na ogbokpa.

<sup>9</sup>Khi nu egbo khe ako shi ingme afue,  
ali itono uteto oyi echeli idada. Khi wola  
ali khi kholi shi ingme Ishi eyi iMosisi,  
itobo khi afue ali emini ea ri eleli a bhale  
e khi. <sup>10</sup>Kpe tse agua ye ogbo ozughu  
iteva, ini oa kie suo, u ti gbe me oli na,  
ini emhikhoghwo e khi ku e gbe. <sup>11</sup>Loli  
u ro ya lese khi egbo enana e she de ode

khi ode, olamhe e ke la. Angeli oyewe o  
she pfa ezọ mu we.

### Omhesẹ ni o kpukhokho

<sup>12</sup>Mhi kha da lese ghie Atemasi ghi  
e ne o ke khi iTakikosi, roshaka ni u  
bhale ya e mhe iNikapolisi irari khi  
mhi she ri oli shi udu khi oobo mhi ya  
la egheghe oruame.<sup>¶</sup> <sup>13</sup>Abibi o rie li,  
roshaka kpaghie iZenasi oni o khi iloya  
ali Apolosi obo, ini ee vu. Ri emini e  
nono nya na we.<sup>§§</sup> <sup>14</sup>Egbo eyawa e khi  
eni e wena abi a lie gbe akanya enete,  
ni e dobe ke rieler emini ee nono el-  
emhi ogbele na egbewe, ini e khi la agbo  
ighalaba.

<sup>15</sup>Egbo ni e nu mhe la ana nya e ga  
tse e. A tse eni e li miesuo ali eni e nono  
ingme oyi anye.

Okhale oyi Eshinegba o ka nu e la.

<sup>¶</sup>3:12 Li ze Ika 20.4; Efi 6.21-22; iKolo 4.7-8; 2 iTimo 4.12

<sup>§§</sup>3:13 Li ze Ika 18.24; 1 iKori 16.12

*Ebe ni iPolu o keke ghi*

## **IFilemọ**

**1** Mhemhe iPolu ni a ri itobo khi mhi a gbe akanya na iJesu iKirisiti mu shi oḡba ighumha, mhi keke ebe ona, ali iTimoti. IFilemọ omole anye ni anye ga a gbe akanya, a keke ọli ghi, <sup>2</sup>li shi igbaa oyi eni e mie iJesu iKirisiti suọ ni o la owa oye ali inyoghuo awa ni okpotso na lui Apfia ali Achiposi ni anye ga khi ekholi-okhue eyi Eshineḡba.\* <sup>3</sup>Eshineḡba Ita awa ali iJesu iKirisiti Onomhue e ka li okhale na e, e ri opfomhe na e.

### **Inono ali iregbenga ni iFilemọ o mholi**

<sup>4</sup>IFilemọ, eghẹghe kpa mhi ro kphemhi na Eshineḡba ini mhia so iromhi ne. <sup>5</sup>Irari khi mhi suọ inono ni u mholi na eḡbo eyi Eshineḡba nya ali irudunga ni u mhue shi iJesu Onomhue. <sup>6</sup>Iromhi ni mhia so khi, o ze ni ilakugbe oyawa abi eni e mholi irudunga oghuo, o ri awa lese ikhivose nya, ni awa mholi irari khi awa kugbe iKirisiti o. <sup>7</sup>Inono oye i, inyoghuo-mhe, o she ri ukpokpomhi oghelẹ ghi mhe, o gbo ri udu shi mhe o! U gbo guise udu oyi eni e miesuọ le.

### **IPolu o so iromhi na Onesimusi**

<sup>8</sup>Itobo igho, ini o rie khia khi mhi kha doḡe mhesẹ ne emini o ti ni u riẹle abi inyoghuo e elemhi iKirisiti, <sup>9</sup>mhi ya ri itobo inono lema e, abi mhemhe iPolu ni o she khi oḡbhali ni mhi gbo khi oni oḡ ga oyi iJesu iKirisiti memena. <sup>10</sup>Mhi lema e shi itobo oyi Onesimusi ni o la el-

emhi oḡba ighumha ana mele omimhe-a.† <sup>11</sup>Ni o khia khi waa ke kpe mhue emini a roli e riẹle, ama memena, o she mhue emini awa roli ya riẹle.

<sup>12</sup>Mhi ghie ọli nyene eḡbe e ghi e, roḡe ekelemhi udu inono oyemhe. <sup>13</sup>Mhi kha ze ọli obo ni o nu mhe la akana ni o to eloli e ke ri eloe khu mhe abi mhi li la oḡba oghumha ena shi usomhi onete oyi Eshineḡba. <sup>14</sup>Ama mhi aa nono ni mhi riẹle emhi okhoghuo ni u waa lama shi, ni a ro bhale ya e khi ikanya enete ni u gbe, eri u roḡe elemhi udu gbe we. Ni oḡa khi eri a tanọ e abo shi o. <sup>15</sup>A doḡe e me khi eri Onesimusi o roḡe e obo vu ukuku eghẹghe, ni o kha ke jele deba e, o nu e la agboḡbo. <sup>16</sup>Oa ke khi oghumha tse, ama o fu doḡe oghumha, inyoghuo awa elemhi iKirisiti o ke khi. Oni awa nono ingme oyoli eḡbegbo o khi, abi oḡbo ali inyoghuo, elemhi Onomhue.

<sup>17</sup>Ini o khia khi u lese mhe shi onuzava oye, gbo mie ọli abi u kha li mie mhe. <sup>18</sup>Ama ini o khia khi o lue ne, okekha khi eri o lo e ota, ku ota eyoli lo ekuẹ oyemhe. <sup>19</sup>Mhemhe iPolu mhi ri obo oyemhe e keke ebe ona. Mhi e ye khi mhi ya fali e ewe. Mhia ke khi oni o ke gbolo e yele e le khi mhemhe mhi mholi agbo oye nya. <sup>20</sup>Irarigho, inyoghuo, ri ikpaghiobo ona na mhe itobo Onomhue, abi inyoghuo ni awa ga mie iKirisiti suọ ri oghelẹ shi mhe udu. <sup>21</sup>Mhi lese gboo khi abi mhi li e keke ebe ona ghi e, khi u ya riẹle emini mhi e riẹle, mhi ga lese khi u ya riẹle doḡe abi mhi e u li riẹle.

<sup>22</sup>Gbo li riẹle elemhi owa oghuo shi eke khe mhe. Irari khi mhi lese khi a ya rue mhe obo a na e, ni o ri iromhi ni a so bhale ya tse.

<sup>23</sup>Efafurasi ni anye ga khi eni ee ga eyi iJesu iKirisiti, oḡ tse e.‡ <sup>24</sup>Igho li

\*1:2 Li ze iKolo 4.17

†1:10 Li ze iKolo 4.9

‡1:23 Li ze iKolo 1.7; 4.12



khi iMaki ali Arisitakusi ali iDemasi ali  
iLuku ni anye ga gbe akanya, ẹẹ tse ẹ.<sup>¶</sup>

<sup>25</sup> Okhale oyi iJesu iKirisiti Onomhufe  
o ka la ayemhe oyi ẹẹ nya.

---

<sup>¶</sup>1:24 Li ze Ika 12.12,25; 13.13; 15.37-39; 19.29; 27.2; iKolo 4.10,14; 2 iTimo 4.10,11

*Ebe ni a keke ghi egbo*

## Iburu

*Eni e miesuo*

### Ungmemhi oyi Eshinegba ni o rote obo oyi Omiqli bhale

**1** Agbo-ndede, ebubu egheghe ali ode ododa Eshinegba o te ri emekeguele nu ititawa ngme. <sup>2</sup> Ama omiqli ni o ze ni o le ugu emhikpa o ke ro nu awa ngme ogbele ikpukhokho ni awa la memena. Obo oyoli o gbo rote ma agbo <sup>3</sup> Loli o ri ufumhi oyi Eshinegba khase. Eri o gbo li abi Eshinegba o li tee. Loli o ri ungmehi ni o tsua ekpabo oyoli mu agbo nya mholi. Abi o ro khuese awa olamhe-a se, o shito ukiekie obita na Egchiele oyi Eshinegba ni o mholi ekpabo ni o fune nya.

### Ufumhi oyi Omi Eshinegba

<sup>4</sup> A ri oni omiqli fu dose igeni abi eva ni Eshinegba o ro na li o li fu dose oyewe.

<sup>5</sup> Ageni onoghuo Eshinegba o tigbe lie oli,

“Omimhe u khi amo mhi te khi Ite?”

Ali onoghuo o gbolo oli;

“Mhi ya khi Ita e,

yeve u khi Omimhe?”<sup>§</sup>

<sup>6</sup> Ama abi Eshinegba o ro ya ghie Omiqli oghuo kpe je elemhi agbo, oo,

“Igeni eyi Eshinegba nya e mema nyese ukhomhi ga li.”<sup>\*\*</sup>

<sup>7</sup> Abi o ro o ngme ingme oyi igeni, oo,

“O ma igeni eyoli abi akpekpeli, o ma eni ee ga eyoli abi elemhi ere.”<sup>††</sup>

<sup>8</sup> Ama abi Eshinegba o ro o ngme ingme oyi Omiqli, oo,

“Eshinegba u khi!

Omhese oye, agboagbo o ya la o.

Ipfuase ali igesia u ro ya ke mhese na egbo eye.

<sup>9</sup> Ipfuase u nono, ingmobe o a ghole e, irarigho Eshinegba u khi!

Eshinegba oye, o she re fu dose etu-e,

itobo khi o ri oili oghole to e ukhomhi.”<sup>‡‡</sup>

<sup>10</sup> O gbolo lie,

“Yeve Onomhue,

rote igbaekele,

u te ma agbo.

Abi oye u ro ma ukhuli.

<sup>11</sup> Wewe nya e ya pfua,

ama yeve u kiele e la o.

E ya taa abi itsua ni a so.

<sup>12</sup> U khili we abi ide,

e ya oghie abi a lie

oghie itsua ni a so.

Ama abi u li u kiele e li,

agbo oye o a tigbe

ya mholi ukpese.”<sup>¶¶</sup>

<sup>13</sup> Ageni onoghuo Eshinegba o tigbe lie oli,

“Shito mhe ukiekie obita omhese,

ramhi ni mhi ro ya ri ebe e

mele ukpekhomei akphawe-nga oye-a?”<sup>§§</sup>

§1:5 Li ze *Iwolo* 2.7; 2 *iSam* 7.14; 1 *Okhe* 17.13

\*\*1:6 Li ze *iDeut* 32.43

††1:7 Li ze *Iwolo* 104.4

‡‡1:9 Li ze *Iwolo* 45.6,7

¶¶1:12 Li ze *Iwolo* 102.25-27

§§1:13 Li ze *Iwolo* 110.1

<sup>14</sup> Oa khi iyemhe eni ee ga Eshinegba igeni nya e khi, ni Eshinegba oo ghie e ke ga eni e ya le ugu imiepfuese?

### Ukpokpomhi imiepfuese

**2** Irarigho a ze ni awa lolo mu igesikia ni awa suo mhue, ini a khi tsua awa ibe vu. <sup>2</sup> Irari khi ini usomhi ni igeni e bhale ya guele, o khi egbegbo, ni a ya na egbo ni ea roli gbe akanya osoli to shi; <sup>3</sup> see awa li ya pfue oni osoli ona, ini awa ri eloe gbe ukpokpomhi imiepfuese oghoghoni Onomhue lolighu o te odode gue le, ni eni e suo li, e gueye anye khi igesikia lo? <sup>4</sup> Oni usomhi ona ni Eshinegba o gbo ri olele, ali ikanya oshabo ali onyaloa ododa ze otsele shi, li shi isomhopfa eyi Ayemhe-no-pfuase ni o kemhi abi o li ghole oli shi.

### Ijesu o bhale agbo abi ogbo

<sup>5</sup> Eshinegba oa ri omhese oyi agbo ni oo bhale nga igeni obo, ikhi agbo ni awa ngme ena. <sup>6</sup> Ama, a mholi ashini a ngme oli shi elemhi Ebe-no-pfuase, ni oo.

“Elo ogbo fe khi,  
ni ingme oyoli o ro na mu  
yeye Eshinegba egbe,  
elo o khi ni u ro  
lina ri eloe e khu oli?”

<sup>7</sup> U ma li kpoke  
na igeni dena,  
u ri ufumhi  
ali ekpe rughu oli,  
u roli loghie nga  
emini u ma nya.

<sup>8</sup> U roli loghie  
emhi nya.”\*

Eshinegba o she ri emini o ma nya na li o ro ke mhese shi. Oa kese emhikhoghuo le ni oa ro shi oli omhese. Ama memena,

awa aa kie me eni emhi nya pfo ne ni o ro nali o ke mhese shi. <sup>9</sup> Ama iJesu awa a me, ni a kpe ma kpoke na igeni ukuku o dena. Oni a ri ufumhi ali ekpe rughu memena itobo eghuli ni o ghu. Igho lo, okhale oyi Eshinegba o roli ghua na egbokpa.

<sup>10</sup> Ni Eshinegba, ni o ma emhi nya ni o mu we mholi, o me asha ri oni ufumhi ona na ebubu egbo, o ro ri iJesu khi oni o gba pfo rote osoli ni o me. Irari khi iJesu o re egbo nya bhale imiepfuese.

<sup>11</sup> Ghe oni o ri egbo pfuase ali eni a ro pfuase nya, unuekpe oghuo e ke ga khi. Loli o ze khi omama oa mu iJesu ni o ro lu we inyoghuo. <sup>12</sup> Oo Eshinegba,

“Mhi ya gueye  
inyoghuo-mhe  
emini u she riele,  
Mhi ya la ilegba oyewe  
to uwolo ikueghie oye.”†

<sup>13</sup> O gbolo e,  
“Mhi ya regbenga  
Eshinegba.”

O gbolo e,  
“Ghe mheme ali eniye  
ni Eshinegba o ro na mhe.”‡

<sup>14</sup> Aborokhia khi imi Eshinegba, egbo ni e ze idiegbe ogbo ali oia e khi, loli iJesu Omioli o ro li mele ogbo ni o mholi idiegbe ali oia-a. Eri o lina ini o me asha rote eghuli ni o ghu pfuse Okphaghie-a ni o kpe mu ekpabo oyi eghuli mhue, <sup>15</sup> ni o me asha pfuese egbo ni ulishi eghuli oo mu ekekhele. <sup>16</sup> Egbegbo lo khi oa khi igeni o bhale ya kpaghie obo, ama imimi Aburaamu.† <sup>17</sup> Itobo ona a ro roli li abi inyoghuo oli nya odekhode. Ni o me asha khi Okpodalougamhi oyi Eshinegba ni o kpeda nya, ni o mholi igesikia ali ilelemhi shi el-

\*2:8 Li ze *Iwolo* 8.4-6

†2:12 Li ze *Iwolo* 22.22

‡2:13 Li ze *Aza* 8.17,18

¶2:16 Li ze *Aza* 41.8-9

emhi ugamhi oyi Eshinegba, ni o me asha shishi olamhe eyi egbo-a. <sup>18</sup> Irari khi o li me osoli abi a ro mu oli fe, o li dobe e kpaghie eni a lili e mufe obo.

### Ijesu o fu dose iMosisi

**3** Irarigho, inyoghuo-mhe ni Eshinegba o ze ni e khi egbo ni e pfuase eyoli, a sa ingme oyi iJesu ni awa lui aghiusomhi na kee, ali Oga oyi ekpodalo ugamhi nya. <sup>2</sup> Eri o ri igesikia deba Eshinegba, ni o ze oli o ke gbe akanya eyoli, ezeze abi iMosisi oni oo ga o li ri igesikia gbe akanya elemhi Owa oyi Eshinegba.<sup>§</sup> <sup>3</sup> A she me khi iJesu o mhue imueloe ni o fu dose oyi iMosisi, ezeze abi atsona o lie mholi imueloe ni o fu dose owa ni o to. <sup>4</sup> A kie kpe lese khi ogbo oo to owa kpa, Eshinegba o ma emhikpa. <sup>5</sup> IMosisi o khi ogbo igesikia elemhi Owa oyi Eshinegba abi oni oo ga. Akanya ni o gbe o khi otsele oyi igesikia oyi emini a ya ngme ogbe na ako. <sup>6</sup> Ama iKirisiti o khi Omi Eshinegba ni o mheshe e shi Owa ugamhi oyoli. Owa oyoli awa khi ini awa da kie mu igbedu ali irudushi oyawa ni awa regbenga mhue ne.

### Iyemhea ni a ro na Egbo eyi Eshinegba

<sup>7</sup> Irarigho, abi Ayemhe-no-pfuase o ngme, ni oo,  
 “A kha suo uruli oyi Eshinegba amo,  
<sup>8</sup> a khi zese udu-a,  
 abi eni e bia e e li egheghe ni e ro o riele umha-sueso deba Eshinegba.  
 Egheghe ni a ro la

odagbe ifufu mu we fe,  
<sup>9</sup> ikhi obini ita e e la mu mhe fe, mheshe mhe bino, e me emini mhi riele elemhi ikpe egbhueva  
<sup>10</sup> Loli o ze ni elemhi e ro bi mhe deba oni agbhotu ogho, ni mhi ro lie, ‘Egheghe kpa udu oyewe o ro rewe lo ebuli, ea lese ode eyemhe.’  
<sup>11</sup> Irarigho, mhi ro ri elemhi-ibibi shi-emu e lie,  
 ‘Ea ya tigbe lo iyemhea oyemhe.’”\*\*

<sup>12</sup> Inyoghuo, a mu egbe e ini onge e o khi mholi udu umha-miesuo, ni o ya lase ode oyi Eshinegba ni o la o le.  
<sup>13</sup> Ochogho a ke ye egbe e ude, itobo khi, “Amo.” Oni egheghe o kie la o, ni a ro o mu pfi, ini udimhi ni olamhe oo di ogbo o khi ri onge e zese udu-a. <sup>14</sup> Eni e kuma iKirisiti o awa khi ini awa lolo mu igbedu ni awa rote eke mholi mhue ya ramhi ukpese. <sup>15</sup> Abi Ebe-no-pfuase o ngme.  
 “Ini u suo uruli oyi Eshinegba amo, a khi zese udu-a, abi eni e bia e e li egheghe ni e ro o riele umha-sueso deba Eshinegba.”††

<sup>16</sup> Eghuo e khi eni egbo ni e suo uruli oyi Eshinegba ni e riele umha suo eso deba li? Oa khi eni iMosisi o rote eke iJipiti rue lasele? <sup>17</sup> Eghuo o biselemhi deba ikpe egbhueva? Oa khi eni e lamhe, ni e ghuloa shi odagbe ifufu? <sup>18</sup> Eghuo Eshinegba o shi emue deba khi ea ya tigbe lo iyemhea, oa khi eni ea suo eso na li?‡‡ <sup>19</sup> Irarigho, awa me khi itobo umha-miesuo oyewe ea ro dobe lo.

§3:2 Li ze iNoba 12.7

\*\*3:11 Li ze Iwolo 95.7-11

††3:15 Li ze Iwolo 95.7-8

‡‡3:18 Li ze iNoba 14.1-35

### Iyemhēa ni a shobọ na egbọ eyi Eshinēgba

**4** Aborokhia khi ishobọ ni awa rọ ya lo iyemhēa khi o kie la ọ, awa mu egbe awa ini o khi de onge ẹ obọ-a. <sup>2</sup>Awa she li suọ oni usomhi onete abi wewe e ke li suọ ọli. Ama oni usomhi ọa mu wẹ ẹloe irari khi ẹa ri irudunga mie ọli. <sup>3</sup>Awa ni awa mhuē irudunga, awa ya lo oni iyemhēa. Ama eni ẹa miesuo, Eshinēgba ọọ lie

“Elemhi ibibi

mhi rọ shi-ẹmuẹ,

khi ‘Ea ya tigbe lo

asha iyemhēa oyemhē.”

Aboriokhia rote abi ọ te ma agbọ ọ te riēlē oni iyemhēa ona shi eke.<sup>¶¶</sup>

<sup>4</sup>A ngme na shi Ebe-no-pfuasē abi ọ rọ ngme ingme ogbēlē onuzi-ishilua khi, “Eshinēgba ọ yemhē ikanya-a nya-a ẹlenizu-ishilua.”<sup>§§</sup> <sup>5</sup>A gbo ngme oni ingme onana khi. “Ea tigbe ya lo iyemhēa oyemhē.”<sup>\*</sup>

<sup>6</sup>Else e laọ ni a ya ri eghēghē na ni e rọ lo oni iyemhēa. Irari khi eni e kpē suọ oni Usomhi Onete ẹa lo oni iyemhēa ogho, itobọ khi ẹa miesuo. <sup>7</sup>Irarigho, Eshinēgba ọ rọ gbo ri ẹlēlese shi eke ni a rọ ya lo iyemhēa oyoli, ni ọ lu Amo. Ezezē abi ọ rote unu oyi iDefidi ngme ọli ẹlēlese abi a kpē li ngme ọli, ni ọọ:

“A kha suọ uruli oyoli Amo,  
a khi zese udu-a.”<sup>†</sup>

<sup>8</sup>Ini iJoshua ọọ ri iyemhēa na wẹ lo, Eshinēgba ọa kha gbo te ikpukhokho ri ogbēlē olese shi eke na wẹ.<sup>‡</sup> <sup>9</sup>Abi o li ena, Ogbēlē iyemhēa o kie la ọ, ni egbọ eyi Eshinēgba e la yemhē-a

<sup>10</sup>Itobọ khi oni ọ da lo iyemhēa oyi Eshinēgba ne, eri ọ li yemhē ikanya eyoli-a, abi Eshinēgba ọ li yemhē eyoli-a.<sup>¶</sup>

<sup>11</sup>Irarigho, awa roshẹka ini awa dobē lo oni iyemhēa ogho, ini awa khi de itobọ khi awa khonya wẹ riēlē umha-sueso.

<sup>12</sup>Irari khi eri ungmehi oyi Eshinēgba o mhọli agbọ, ọọ gbe akanya. Ọ mu dosē itakobi ozalo eva kpa, ni ọọ gbese lo ọgbọ udu, o khueghie ọli-a, ni ọọ guanọ emini e la usamhi ali ayemhē, o gbo li gbese lo ikpesē ali ikhorō na elemhi igua. O dobē ẹ khueghie ingeli ali isamhi na ekelemhi udu-a. <sup>13</sup>Emhikhoghuo ọa la emini a ma nya ni o sheli shi ọli ọ. Eri emhikpa e na khueghie-a shi ukpēloe oyi Eshinēgba, ikhi oni awa ya ri abọ khasẹ abi awa li gbe.

### Ijesu ọ khi Ọga Ọkpodalo-ugamhi Oniemhi oyawa

<sup>14</sup>Irarigho, a zē ni awa lolo mu irudunga ni awa mhọli mhuē, abi o rọ da khia khi awa mhọli Ọga oyi ekpodalo ugamhi ni ọ Funẹ ni ọ she je odalo oyi Eshinēgba. Lọli ọ khi iJesu Omi Eshinēgba. <sup>15</sup>Ọa khi Ọga oyi ekpodalo ugamhi ni ọa ya lēlemhi awa shi emini awa do-a riēlē. Ama oni a she mu fē abi awa, odēkhodē ọ khi, ama ọa tigbe lamhē. <sup>16</sup>A zē ni awa ri igbedu ti deba Eshinēgba ni ọ mhọli isomhelemhi. Agho awa te ya mie ilēlemhi ali isomhelemhi ni o ya kpaghiē awa obọ eghēghē ni awa rọ ọ nono ikpaghiobo.

**5** Ọga oyi ekpodalo ugamhi, ni a da rote elemhi egbọ zē kpa, eri a zē ọli

<sup>¶¶</sup>4:3 Li zē *Iwolo 95.11*

<sup>§§</sup>4:4 Li zē *Igbae 2.2*

<sup>\*</sup>4:5 Li zē *Iwolo 95.11*

<sup>†</sup>4:7 Li zē *Iwolo 95.7-8*

<sup>‡</sup>4:8 Li zē *iDeut 31.7; iJosh 22.4*

<sup>¶</sup>4:10 Li zē *Igbae 2.2*

ni o ke migha na wẹ ingme ugamhi eyi Eshinegba. Ni o ke riẹle irona ali iluasobo na wẹ shi olamhe eyewe. <sup>2</sup>Ofiẹ o roo deba eni ẹa leşe emini aa li, ni ẹẹ da ode, itobo khi loji o li mhọli ode ni o a te li gba pfo. <sup>3</sup>Onana o zẹ khi egboji o kpẹ luasobo a na shi olamhe eyoli, neni o luase na egbo nya shi olamhe oyewe. <sup>§</sup>  
<sup>4</sup>Ogbokhoghuo, o a ya rue oni okhale ona ni a ro lu ogbo shi Oga oyi ekpodalo ugamhi. Eshinegba lolighuo tse oo lu ogbo, o roli khi Oga oyi ekpodalo ugamhi, ezeze abi a li lu Eroni.\*\*

<sup>5</sup>Igho iKirisiti o a li mie oni okhale ro lu egboji Oga oyi ekpodalo ugamhi. Ama Eshinegba oo li, "Omimhe u khi, Amo mhi te khi Ite."††

<sup>6</sup>O gbo ngme o li shi ashese, "Okpodalo-ugamhi oyi Eshinegba u khi agboagbo, ezeze onabi iMekizedeki."‡‡

<sup>7</sup>Abi iJesu o ro la agbo, atsese ali iku-ame-ewie alo iJesu o roo so iromhi lema Eshinegba, oni o kha tsumhi o li obo eghuli. Itobo khi eri o ri egboji tiemhile, ri egboji na Eshinegba pfo, loji o ro suo iromhi eyoli.¶¶ <sup>8</sup>Abi o rie khia khi Omi Eshinegba o khi, osoli ni o me, o roli wena isueso na Eshinegba. <sup>9</sup>Abi a ro roli gba pfo se, obo oyoli eni e suo eso nali e ke rote mhọli imiepfuese na agboagbo. <sup>10</sup>Eshinegba o zẹ o li Oga oyi ekpodalo ugamhi, onabi iMekizedeki.

### Ogbo khi pfi irudunga ona shi eke

<sup>11</sup>Emhi ebubu e la o ni awa ya ngme shi eni ingme enana, ama o ma a munu ni a ro zolo we-a lo ẹ eso, itobo khi aa

mhọli oguemhe ni a ro suo. <sup>12</sup>Abi o rie khia khi a she ramhi eni ẹẹ esese egboese, ni a ro kie khi eni a sese owena eni odode eyi ingme Eshinegba egho, enyeli o ti ẹ egbe a te eminale ni o toto ne. <sup>13</sup>Onini o da kiele ẹ nye enyeli ne, eri o li abi omo ni o a lolo mhọli ilese shi oseşe igue-ngeli.¶¶ <sup>14</sup>Ama eminale ni e toto, eni e womhe eloe ẹẹ le. Ikhi eni e ri itobo eni eminale ni e toto ni ẹẹ le egheghe kpa leşe ikhioda shi emini o migha shi onete ali onobe.

**6** Irarigho, a zẹ ni awa je odalo shi oseşe ni e womheloe ni awa pfi oseşe ni a ro gba ingme eyi iKirisiti eke le. Awa khi ke gbo tiemhi eke je oseşe ena imupfi rote ikanya ebe lasele, ali oseşe ena irudunga Eshinegba, <sup>2</sup>ali oseşe ibatizi, ali irobo-nga ogbo egbe, ali irote eghuli guale oyi eni e ghua, ali oseşe oyi iguezo ni ogbo la je obini o ya la agboagbo. <sup>3</sup>O kha ghole Eshinegba awa ya je odalo elemhi owena.

<sup>4-6</sup>Egbo ni e she kpe me akpa, ni e she kpe mie isomhopfa oyi iloghie ghue, ni e kpe mie Ayemhe-no-pfuase, ni e she leşe onete ni o la ungmemhi oyi Eshinegba ali ekpabo oyi agbo ni oo bhale, ni e tigbe tsua irudunga oyewe pfia, o a ke zẹ ẹ riẹle ni a dobe nyene wẹ gbolo bhale imiesuo, aborokhia khi eri e she gbolo ta Omi Eshinegba ma apfida utonuzi-eva, ri omama mu o li gboo.

<sup>7</sup>Eri awa egbo awa li abi eke. Ini ame o rue shi eke ni emhi ekomhi e ro zẹ na oghiale, ikhivose oyi Eshinegba o khi. <sup>8</sup>Ama ini o zẹ igba ali ebuli-a, ogbo o a mhọli emini a roli ya riẹle, o ya la

§5:3 Li zẹ iLev 9.7

\*\*5:4 Li zẹ Okiali 28.1

††5:5 Li zẹ Iwolo 2.7

‡‡5:6 Li zẹ Iwolo 110.4

¶¶5:7 Li zẹ iMat 26.36-46; iMak 14.32-42; iLuk 22.39-46

§§5:13 Li zẹ iKori 3.2

okhena ipfiunu-a oyi Eshinegba ali khi a ya ri erali tose ọli-a.\*

<sup>9</sup>Emole mhe, ini anye rie lina a ngme i, anye lese khi ọa khi e e o nu ngme, anye lese gboo khi emini e ti egbegbo a riele, enabi egbo ee riele ini a mie we e pfuese. <sup>10</sup>Eshinegba ọa ya gbe ogbo azeb. Ọa ya yele ikanya ni u gbe-a ali inono ni u rokhase khi u nono ọli abi u li ri ikpaghiobo na egbo eyoli ni u kiele e kpaghie we. <sup>11</sup>Anye e nono ni ogbogbo o mu omuegbe ni o mhọli mhue ya ramhi ukpese, ni o rokhase abi irudushi oyoli o toto ramhi. <sup>12</sup>Anye ẹa nono ni a mele ewaza-a, ama ni a ke khonya eni e rote irudunga ali irobomudu mie ishobo oyi Eshinegba.

### Ekha oyi Eshinegba ọa ya fiakua

<sup>13</sup>Abi Eshinegba o ro tse ekha na Aburaamu, Eshinegba o romhi egboli aborokhia khi ogboese ọa ke gbo fu dose ọli ni o ke ya romhi. <sup>14</sup>Ọo li, “Mhi mema ya khi vose ne, mhi ya re mhọli eniye ali imi-imi ni e bu.”† <sup>15</sup>Aburaamu o ri abo mu udu, irarigho o me emini Eshinegba o ro tsekha nali mie. <sup>16</sup>Ini ogbo o tse ekha, ogboese ni o fu dose ọli oo romhi ni o mu oni ekha migha, egheghe akhokhomhe ọa ke la o, oni ekha o migha. <sup>17</sup>Eri Eshinegba o romhi isheli ro roli khase eni o tse ekha na gboo, khi emini loli ro tse ekha khi loli ya riele ọli, khi ọa ya fiakua. <sup>18</sup>Irarigho, Eshinegba o ro ri emhi eva ena shi eke; ekha ali isheli ni o romhi. Eni emhi eva ena ẹa ze mupfi irari khi Eshinegba ọa tigbe ya lo egbholi ghue. Irarigho awa ni awa she na deba li shi akhukhu, awa ya mhọli

iregbeda abi awa li mu irudushi oyoli ni o la odalo mhue. <sup>19</sup>Eri oni irudushi ona o li abi azu ni o toto ni o migha gbaa, ni ayemhe oyawa o mhue. Onana o ri awa dobe dose ode ugbakpi ni a ro pfa ode ni o lo ashini o pfuase ne nya-a.‡ <sup>20</sup>Ijesu o she ralo itobo oyawa, o mele Oga oyi ekpodalo ugamhi na agboagbo-a, onabi iMekizedeki.¶

### IMekizedeki okpodalo-ugamhi oyi Eshinegba

**7** Oni iMekizedeki ona, oghie oyi ẹoli iSalemu o khi, o gbo khi okpodalo-ugamhi onayi Eshinegba ni o Yagha ne nya. Abi Aburaamu o ro rote okhọli ni o la gbe ighie okhọli jele, iMekizedeki o ya ee ọli ode, o so iromhi khivose na Aburaamu. <sup>2</sup>Igho Aburaamu o rote it-sua ni o rote okhọli ti nya ze aze-oghuo-igbe na li. Emini a ri iMekizedeki ngme khi, “Oghie Igue-ngeli,” emini a ri oghie iSalemu ngme khi, “Oghie opfomhe.”§ <sup>3</sup>Ọa mhue ita wekhi inyo, wekhi eri o mhọli unuekpe ni o te lasese, wekhi eri a mhue ashini a keke abi a li bia li ali abi o li ghua shi. Abi Omi Eshinegba, Okpodalo-ugamhi oyi Eshinegba na agboagbo o khi.

<sup>4</sup>Waá me ashini o fu ramhi. Egbegbi Aburaamu oni o gba ushishi egbo iZireni eke le, o ze aze-oghuo-igbe epfue ni o tsua rote okhọli ni o ye na li. <sup>5</sup>Eri ushi oo Imi iLiva ni e khi ekpodalo-ugamhi eyi Eshinegba e ke mieno egbo iZireni ni e khi inyoghuo we, aze-oghuo-igbe, aboriekhia khi imi-imi Aburaamu e ga khi.\*\* <sup>6</sup>IMekizedeki ọa khi omi iLiva, ama o mie Aburaamu aze-oghuo-igbe,

\*6:8 Li ze Igbae 3.17-18

†6:14 Li ze Igbae 22.16-17

‡6:19 Li ze iLev 16.2

¶6:20 Li ze Iwolo 110.4

§7:2 Li ze Igbae 14.17-20

\*\*7:5 Li ze iNoba 18.21

sò iromhi khivòsè na li, ikhi omòsè ni ò mie ekha ni Èshinègba ò shi na li. <sup>7</sup>Akhòkhómhè òa la ò khi oḡbò òni kpeda, oḡ sò iromhi ikhivòsè na òni ò kpoḡe. <sup>8</sup>Eralo-ugamhi eyi Èshinègba ni ee mie aḡe-oghuo-igbe, egbò ni eḡ ghua e khi. Ama iMèkizèḡeḡeḡe ona ò fu doḡe wè nya itobò khi a gueyè awa khi agbòagbò ò laḡ lè. <sup>9</sup>Oḡbò doḡe è liè khi imi imi iLiva ni eḡ mie aḡe-oghuo-igbe, e she li zè òni aḡe-oghuo-igbe ona ròte obò oyi iti-iti itawè Aburaamu. <sup>10</sup>Itobò khi eḡheḡhe ni iMèkizèḡeḡeḡe ò rò mḡe Aburaamu, iLiva ò kie la elemhi oyi Aburaamu. Oḡbò a bia li ne.

### Abi iJesu ali iMèkizèḡeḡeḡe e li khò egbe

<sup>11</sup>Irari khi ini akanya eghiele ekpodalo-ugamhi eyi Èshinègba, ni Ushi oyi iMòsisi o rò migha, ni imi imi iLiva ee gbe, o doḡe ri oḡbòkhòghuo gba pfo lò, aa kha ke gbo ri òkpodalo-ugamhi oyi Èshinègba oḡese lasele, òni ò li abi iMèkizèḡeḡeḡe, ni òa khi unuèkḡe oyi iLiva wèkhi oyi Eroni. <sup>12</sup>Irari khi ini a mu eghiele ona ekpodalo-ugamhi eyi Èshinègba pfi, a mema li ya mu ushi pfi. <sup>13</sup>Ònòmhuè oyawa ni a ngme ingme oyòli ena, èḡeli oḡese ò te lasele. Oḡbòkhòghuo òa ròte oni èḡeli oyòli gbe akanya òkpodalo-ugamhi oyi Èshinègba ukhomhi atèḡe ghue. <sup>14</sup>Awa ga lèḡe gboo khi Ònòmhuè, èḡeli iJuda ò te lasele. IMòsisi òa teva oni èḡeli abi ò rò ò ngme ungmehi oyi ekpodalo-ugamhi eyi Èshinègba.

<sup>15</sup>Ibhale ni òkpodalo-ugamhi oyi Èshinègba oḡese ni ò li abi iMèkizèḡeḡeḡe ò bhale, o ròkhasè gboo khi ushi oyi Èshinègba o she mu pfi. <sup>16</sup>Oa khi itobò khi ò ròte èḡeli oyi iLiva lasele abi ushi oḡ òa ke li, lòli a rò zè òli òkpodalo-ugamhi oyi Èshinègba, ama itobò khi lòli ò mhòli ek-

pabò ni ò rò ò la agbò agbòagbò. <sup>17</sup>Itobò khi Ebe-no-pfuasè o ngme òli khi, “Òkpodalo-ugamhi oyi Èshinègba èḡe na agbòagbò u khi, ònabi iMèkizèḡeḡeḡe.”††

<sup>18</sup>Eri a ri obò gbe ushi oni èḡeḡe nye, itobò khi òa mhòli ekpabò wèkhi eri o gbe akanya. <sup>19</sup>Irari khi Ushi oyi iMòsisi òa doḡe ri emhikhòghuo gba pfo. Memena irudushi oni o ti nḡe a ke rò na awa, ni o ri awa doḡe ti bhale mama Èshinègba.

<sup>20</sup>Èshinègba ò gbo romhi ishe ma ò khi iKirisiti khi òkpodalo-ugamhi oyi Èshinègba ò ya khi agbòagbò. Oa romhi isheli abi a rò ri eḡboḡese ya le oghie ekpodalo-ugamhi eyi Èshinègba. <sup>21</sup>IJesu tsè a romhi isheli rò le eghie abi Èshinègba ò rḡ.

“Mhèmḡe Ònòmhuè mhi she shi-emuè, khi ‘Òkpodalo-ugamhi oyi Èshinègba u ya khi agbòagbò. Mhi aa ya da ò ghue.’”‡‡

<sup>22</sup>Itobò oni èmuè ni Èshinègba ò shi, iJesu ò rò khili oni iregbenga ni ò ri awa mhòli ishobò onogbò ni o tinḡe.

<sup>23</sup>Ikhiòda oḡese ni o gbo la akaghò khi, ekpodalo-ugamhi eyi Èshinègba ebubu eḡese e la ò eḡheḡhe ishobò onodiò. Eḡheḡhe aghò ini òkpodalo-ugamhi oyi Èshinègba ò ghua, oḡese ò to èlolo òli.

<sup>24</sup>Ama eri iJesu ò la ò agbò lè agbòagbò, akanya òkpodalo-ugamhi oyi Èshinègba oyòli, eri o migha agbòagbò ni òa zè è kpe na oḡboḡese. <sup>25</sup>Irarighò, ò doḡe ya tsumhi eni e ri eva oyòli bhale deba Èshinègba zeghele. Itobò khi eri ò la ò agbòagbò, oḡ lema na wè.

<sup>26</sup>IJesu ò khi òni Òkpodalo-ugamhi oyi Èshinègba ni ò kpeda, ni ò ri emini awa nono na awa. Òni ò pfuasè ò

††7:17 Li zè *Iwolo 110.4*

‡‡7:21 Li zè *Iwolo 110.4*



khi, ọa mhọli umhaguekia wẹkhi olamhẹ shi egbe. A she zọlọ li iteva ena olamhẹ lasela, a yasẹ ọli nga yagha dọsẹ idane. <sup>27</sup> Ọa li abi Ega eyi ekpodalo-ugamhi eyi Eshinegba elese ni e kpẹ luasẹ obọ oyi igbe-olamhẹ kua na egbewẹ elekhele, neni e tigbe e luasẹ na egboese. Iluasobo oghuo iKirisiti ọ lesẹ luasẹ utoghuo kpele shi olamhẹ oyi egboese abi ọ rọ ri egbọli luasobo.<sup>¶</sup> <sup>28</sup> Egbo eni mhue ashini o kie kpọ wẹ le shi, Ushi oyi iMosisi oo zẹ shi Ọga oyi ekpodalo ugamhi, ama ishobọ ni Eshinegba ọ ri isheli shi, ni o kpe ukhokho bhale khẹ Ushi oyi iMosisi, ọ rọ zẹ Omi Eshinegba, ni a she rọ khi ọni ọ gba pfo agboagbo.

### Ọga oyi ekpodalo ugamhi ona Ishobọ onogbo

**8** Ozukhomhi emini anye e ngme na. Awa mhọli Ọga oyi ekpodalo ugamhi, ni ọ shitọ ukiẹkiẹ obita omhesẹ oyi Eshinegba ni ọ mhọli ekpabọ nya na obini iloghie agboagbo,<sup>§§</sup> <sup>2</sup> ni ọ ga abi Ọga oyi ekpodalo-ugamhi eyi Eshinegba elemhi Okholo ni a ri ode ghi ni o khi egbegbi igholo ni o la iloghie, oni Ọnọmhue loghio ọ tọ, ni ọa khi abọ eyi egbo a rọ tọ li.

<sup>3</sup> Eri a zẹ eni e kpeda na ekpodalo-ugamhi eyi Eshinegba kpa ni e ri isomhopfa ali iluasobo ke luasẹ. Lọli o zẹ khi Ọni ọ kpeda na ekpodalo-ugamhi eyi Eshinegba oyawa, ọ mema mhọli emini ọ li rọ ya luasẹ. <sup>4</sup> Agbo ọ kha la lo, ọa kha fẹ khi ọkpodalo-ugamhi oyi Eshinegba, aborokhia khi ekpodalo-ugamhi eyi Eshinegba ni e deba ushi oyi egbo iJu e la agho egho. <sup>5</sup> Okholo ni a ri ide tọ ni e la ga, irokhokho ali aroro oyi emini e la iloghie e khi. Lọli o zẹ khi abi iMosisi ọ rọ ya tọ oni igholo, khi Esh-

inegba ọọ li, “Zobe ni a bhale ya e khi abi a li rẹ wẹ khase ukhomhi ute, u li ya riele wẹ tee.”<sup>\*</sup> <sup>6</sup> Ama, memena, akanya ọkpodalo-ugamhi ni a rọ na iJesu, o mu eloe dọsẹ oni a rọ na ekpodalo-ugamhi enedio, ezeze abi ishobọ ni ọ migha shi rọ gbe akanya o li mu eloe dọsẹ onodio, itobọ khi o migha nga ironga eni e ti ne.

<sup>7</sup> Ini ishobọ oni odode ọa mhọli ashini o kpọli le shi lo, ọgbo ọa kha ke mhọli emini a ri ishobọ olese e riele. <sup>8</sup> Ama Eshinegba ọ mẹ ashini egbo eyọli ẹa kie te gba pfo, lolli ọ rẹ.

“Oni ogbele ọọ bhale, ni mhi rọ ya shobọ onogbo na egbo iZireni ali egbo iJuda.

<sup>9</sup> Ọa ya li abi ishobọ ni mhi nu iti-itita wẹ shi, ogbele ni mhi mu wẹ oobo rote eke iJipiti ya fie. Ẹa ri igesikia deba oni ishobọ ni mhi nu wẹ shi, itobọ igho mhi rọ rue wẹ eloe egbe-a.

<sup>10</sup> Ọnọmhue ọọ, ogbele ni ọọ bhale, Ishobọ ni mhi ya shi na egbo eyi iZireni na, Mhi ya ri ishi eyemhẹ shi wẹ isamhi, mhi kekẹ ọli shi wẹ udu. Mhi ya khi Eshinegba oyewe, wewe e khi egbo eyemhẹ.

<sup>11</sup> Ọngewe ọa ke ke sese onuzava oyọli, wẹkhi eri ọ ya lie inyoghuo ọli, ‘Lesẹ Eshinegba.’ Itobọ khi wewe nya e ya lesẹ mhe, rote ọni ọ kpoke nya ya je ọni ọ fune nya.

<sup>¶</sup>7:27 Li zẹ iLev 9.7

<sup>§§</sup>8:1 Li zẹ Iwolo 110.1

<sup>\*</sup>8:5 Li zẹ Okiali 25.40

<sup>12</sup>Mhi ya ri olamhe topfa we, mhi aa ke gbo ya sato ipfido oyewe.”†

<sup>13</sup>Abi o ro da lu ishobo onana, “Onogbo” egho, o she ri oni odode mele onodio-a. Emini o da mele onodio-a ni o she e womhe, o kele ya kele-a.

### Ugamhi na iloghie ali eke agbo

**9** Ishobo onodode o mholi ishi ni a ro o ga ugamhi, o gbo mholi igholo ni a ri ide ghi shi eke agbo. <sup>2</sup>A to okhologo ni a ri ide ghi gashe shi elemhi oni igholo. Elemhi owa eva e la o oni okhologo. Elemhi owa ni a kpe ramhi aa lui, Asha no Pfuase. Akagho a ri emini a ri akpa ru e nga shi, ali itebu ni a ri ibuledi ni o pfuase e nga. <sup>3</sup>Elemhi owa onuzi-eva ni o kpe oobo na ode ugbakpi ni a ro pfa ode-a, a lui Ashini o Pfuase ne nya. <sup>4</sup>Agho adido igolu ni a la tose ituale afu eera ni e pfi o la. Akpati ishobo ni a ri igolu ku o li la Ashini o Pfuase ne nya. Oni akpati ona, omi utasa igolu o la o ni a ri ibuledi imana a shi. <sup>5</sup>Agho a li ri orokpo oyi Eroni ni o ze ukhuli shi, ali ipememhi eche eva ni a keke ishi shi. \*\*††

<sup>5</sup>Ikpeda na oni akpati ona, a ma emhi eva ni e li abi igeni ni e ze ipfua shi, ni e so alo ghue ufumhi oyi Eshinegba. E naghie ipfua eyewe-a guese ashini a la ri olamhe e topfa. Ama o a khi memena awa ya me eghenge ro ke tonononi emhi ena nya ramhi udi we pfo. ††

<sup>6</sup>A kha da she lina ri emhi ogbogbo nya shi ashini a roli e shi se, loli eni

ee ralo ugamhi e ro o lo elemhi owa onodode ya gbe akanya ododa eyewe ogbele kpa. ¶¶ <sup>7</sup>Ama Oga oyi ekpodalo ugamhi lolighuo tse o dode e lo elemhi Owa Ni o pfuase ne nya ni o la o. Utoghuo elemhi ukpe o lese e lo akagho. Olia eni o ro luasobo na egboli ali egboese shi olamhe ni e lamhe elemhi umhalese, oo rue e mholi obo lo akagho. §§ <sup>8</sup>Eri Ayemhe-no-pfuase o ri onana guele khi, ogbo o a khueghie ode ni o lo elemhi Owa ni o Pfuase ne nya, na ogbokhoghuo ne, ini okhologo onodode o kie migha. <sup>9</sup>Eri emhi enana e khi irokhokho na awa eghenge ana. Emini onana o ngme khi irona ali iluasobo eyi elamhako ni a luase ukpe khi ukpe khi, ea dode khuese eni e bhale ya ga Eshinegba udu-a pfuase, rewe gba pfo. <sup>10</sup>Ingme eminale, ali onyo ali ikpegbe-a enana e migha shi, ni e khi ushi na elele. Eri ushi onana o gbe akanya ramhi eghenge ni Eshinegba o ro ri ushi onogbo shi eke.

### Olia eyi iJesu

<sup>11</sup>Ama iKirisiti o she bhale abi Oga oyi ekpodalo ugamhi, ni o khi oyi eminete ni e she bhale. O she lo elemhi Okhologo ni a ri ode ghi ni o fune ogho ni o gba pfo, ni o la iloghie, ni ogbo o a ri abo to wekhi eri o la eke agbo. <sup>12</sup>Abi iKirisiti o rote elemhi oni okhologo lo oni elemhi Owa ni o Pfuase ne nya, o a rue olia eyi elamhi ali ena ya luase obo, ama olia eyi lolighuo o rue utoghuo kpele ro mie ip-

†8:12 Li ze iJere 31.31-34

‡9:2 Li ze Okiali 26.1-30; 25.31-40,23-30

¶9:3 Li ze Okiali 26.31-33

§9:4 Imana khi eminale ni Eshinegba o rote idane ruese kule abi ameh na eniye iZireni abi e ro rote iJipiti vu je eke ishobo, ni a lu iKena

\*\*9:4 Eri orokpo onayi Eroni ni a ngme ena ni o she khakha o kie ze ukhui onogbo.

††9:4 Li ze Okiali 30.1-6; 25.10-16; 16.33; iNoba 17.8-10; Okiali 25.16; iDeut 10.3-5

‡‡9:5 Li ze Okiali 25.18-22

¶¶9:6 Li ze iNoba 18.2-6

§§9:7 Li ze iLev 16.2-34

fasheke na agboagbo na awa. <sup>13</sup>Eri oia eyi elamhi ali ena, ali emue eyi ozele ena ni a tose-a, ni aa miatse ku egbo ni ea pfuase, o rewe khi eni e pfuase idiegebe.\* <sup>14</sup>Seo oia eyi iKirisiti ea ke lie li dobe khuese udu oyawa-a pfuase, rote ikanya ni ee pfi eghuli. Ikhi oni o rote ekpabo Ayemhe oyi Eshinegba ri egboli na Eshinegba abi iluasobo ni o gba pfo itobo olamhe eyawa-a, ni awa dobe ke ga Eshinegba ni o la o agboagbo. <sup>15</sup>Itobo ona iKirisiti o ro migha iteva Eshinegba ali egbo ri ishobo onogbo ona gbe eke, egheghe agho ni eni Eshinegba o lu, e li mie ugu na agboagbo ni Eshinegba o ro nga. Onana o ya ze li, itobo khi o ghu eghuli ni o ro gbe olamhe ni egbo e lamhe egheghe ishobo onodode kua. <sup>16</sup>Ini ogbo o keke shi eke abi a li ya kemhi ugu oyoli se, ni o ro ghua, a mema ya me oli me gbo khi o she ghu-a neni ogbokhoghuo o ya me emhikhoghuo le ugu. <sup>17</sup>Irari khi emhi afue oni ebe ni a keke abi a li ri ugu ya kia o ya khi, ini oni o keke oli o da kie la agbo ne. Ama ini o ghu-a se, a ro tigbe ri oli e gbe akanya. <sup>18</sup>Ona o ze khi ishobo onodode o kha ze ro gbe akanya ini oia o ma o lo. <sup>19</sup>Abi iMosisi o ro ze ishi eyi Eshinegba ye eni egbo se, o rue oia eyi ena ali elamhi, o ku ame shi o. O rue uguabo oora ni a khili oolu opfopfo shi, o roli miatse eni oia shi oni emini a keke ishi nya shi, o gbo li miatse ku egbo nya. <sup>20</sup>Oo we, "Oia eyi oni ishobo na, ni Eshinegba oo awa ro ghue."<sup>†</sup> <sup>21</sup>Igho o gbo li miatse eni oia shi oni owa ugamhi ali emhi nya ni a ro la o ri ele ugamhi.‡ <sup>22</sup>Abi o li, khi, eri ushi oo a ri oia ri emhi nya khi eni

e pfuase, ali khi ini aa li ri oia luase, irolamhe-topfa o la o.<sup>¶</sup>

<sup>23</sup>Owa Oyi Eshinegba na eke agbo ni a lina ri oia ro khi oni o pfuase, irokhokho oyi owa ugamhi na obini iloghie o khi. Ama emini e la obini iloghie, iluasobo oni o tine a mema ro ya rewe shi ipfuase. <sup>24</sup>iKirisiti o la elemhi okholo ni a ri ode ghi ni egbo e ri abo ma ni o khi irokhokho eyi egbegbewe. Ama iloghie o ri ochogho ya lo, ni o la migha odalo oyi Eshinegba na awa memena. <sup>25</sup>Wekhi eri iKirisiti o lo iloghie ya ri egboli luasobo iti-ingmingme, abi Oga oyi ekpodalo ugamhi o lie tsua oia eni ea khi eyoli e lo elemhi Owa ni o Pfuase ne nya, ukpe-khi-ukpe ya luase. <sup>26</sup>Igho o kha khi lo, eri iKirisiti o kha me osue iti-ingmingme abi a te ma agbo. Ama o kha khi igbo. Eri o bhale utoghwo tse abi oni egheghe o ro gba, ni o ro ri egboli luasobo ro rue olamhe ode-a. <sup>27</sup>Ezeze abi ogbo o lie ghu-a utoghwo tse, o kha da ghu-a se, o bhale shi iguezo. <sup>28</sup>Igho a li ri iKirisiti luasobo utoghwo kpele ni a ro shishi olamhe oyi ebubu egbo-a. O ya gbo bhale utonuzi-eva. Oa khi ni o ro gbo tsua olamhe, ama ni o ro tsumhi eni e migha a khe oli.<sup>§</sup>

### Iluasobo utoghwo kpele oyi iKirisiti

**10** Ugamhi onodi o ni a ga egheghe Ushi oyi iMosisi, aroro oyi eminete ni e bhale e khi. Ea khi wewe e khi egbegbewe we. Eni iluasobo ni a kpe luase egheghe agho ukpe kpa, ea tigbe dobe ri ipfuase ni o gba pfo na eni bhale odalo oyi Eshinegba ya ga ugamhi. <sup>2</sup>Ini eni iluasobo ee dobe ri eni egbo pfuase lo, a kha yemhe eni iluasobo a? Irari khi

\*9:13 Li ze iLev 16.15-16; iNoba 19.9,17-19

†9:20 Li ze Okiali 24.6-8

‡9:21 Li ze iLev 8.15

¶9:22 Li ze iLev 17.11

§9:28 Li ze Aza 53.12

e kha ri eni e bhale ya ga pfluase utoghuo kpele, ni udu oyewe o a ke mholi umhaguëkia. <sup>3</sup> Ama eri eni iluasobo e yelegbo olamhe eyewe le ukpe khi ukpe. <sup>4</sup> Irari khi o lia eyi ena ali elamhi e a doberue olamhe ode-a.

<sup>5</sup> Irarigho, abi iKirisiti o ro ya bhale agbo, oo Eshinegba, "Iluasobo ali isomhopfa e a ghole e.

Ama u she ri idiegbe na mhe, ni mhi ri ungmehi oye gbe akanya.

<sup>6</sup> Iluasobo eni a tose ali iluasobo igbe-olamhe kua e a tigbe ti e eloe.

<sup>7</sup> Igho mhi re, "Ghe mhe ana, Eri mhi bhale ya rieleghe mhe oye, Eshinegba."\*\*\*

<sup>8</sup> O te eke ya ngme, oo, "Iluasobo ali isomhopfa e a ghole e, wekhi iluasobo eni a tose ali iluasobo igbe-olamhe kua e ghole e, wekhi eri e ti e eloe." Ama khi a lese khi eri ushi oo a mema ligho ke rieleghe. <sup>9</sup> Igho o ke re, "Ghe mhe ana Eshinegba, eri mhi bhale ya rieleghe mhe oye." Eri o ri obo ri iluasobo eni elele shi eke, o ri iluasobo oyi iKirisiti to eloli we. <sup>10</sup> Itobo khi iJesu iKirisiti o rieleghe mhe oyi Eshinegba, loli o ze ni a ro ri iluasobo ni o ri idiegbe oyoli luase utoghuo kpele khuese awa nya olamhe-a pfluase.

<sup>11</sup> Ekehete, ekpodalo-ugamhi eyi Eshinegba nya e ro gbe ikanya ugamhi eyewe, eri e rieleghe eni iluasobo gbo rieleghe iti ingmi-ingme, ama e a tigbe doberue olamhe ode-a.†† <sup>12</sup> Ama abi iKirisiti,

oni okpodalo-ugamhi oyi Eshinegba ona, o ro luasobo utoghuo kpele oyi igbe-olamhe-kua ni o khi oyi ona agboagbokpa, ni o ro shito obita oyi Eghiele oyi Eshinegba. <sup>13</sup> Agho o ke shito migha a khe eghenge ni Eshinegba o ro ya ri ebe oli mele akphawe-nga eyoli-a.‡‡ <sup>14</sup> Irari iluasobo utoghuo kpele ni o luase o ro ri egbo eni o rote olamhe pfluase khi eni e pfluase agboagbo.

<sup>15</sup> Ayemhe-no-pfluase o gbo pfi otsele shi ona ye awa. Oni odode, oo,

<sup>16</sup> "Ishobo ona mhi ya nu we shi.

Onomhue o ngme ghokhi, oni eghenge ogho o kha ramhi, mhi ya ri ishi eyemhe shi we udu, mhi keke oli shi we ayemhe."¶¶

<sup>17</sup> O ke gbo ro ma o khi, "Mhi aa ke ya sato olamhe ali ikanya ebe eyewe."§§

<sup>18</sup> Irarigho, a kha she da ri ena topfa se, ogbo o a ke gbo mholi emini a ri iluasobo irue-olamhe ode-a ya rieleghe.

### A ze ni awa ti bhale deba Eshinegba

<sup>19</sup> Irarigho, inyoghuo-mhe, aborokhia o lia eyi iJesu e ri igbedu na awa ro lo Ashini o Pfluase ne nya egho, <sup>20</sup> ikhi ode onogbo ni o mholi agbo, ni o ri awa te ode ugbakpi ni a ro pfa ode-a a dose. <sup>21</sup> Abi o ro gbo li khia khi awa mholi okpodalo-ugamhi oyi Eshinegba oniemhi ni oo mheshe shi Owa ugamhi oyi Eshinegba na iloghie egho, <sup>22</sup> awa ri udu igesikia ali irudunga ni o migha gboo ti bhale deba Eshinegba. Awa gbo mholi udu ni a ri imiatse o lia eyi iKirisiti ro khi ipfluase ni e a ke mholi umhaguëkia, ali awa mholi idiegbe ni a ri ameh kuese-a pfluase.\* <sup>23</sup> Awa mu

\*\* 10:7 Li ze Iwolo 40.6-8

†† 10:11 Li ze Okiali 29.38

‡‡ 10:13 Li ze Iwolo 110.1

¶¶ 10:16 Li ze iJere 31.33

§§ 10:17 Li ze iJere 31.34

\* 10:22 Li ze iLev 8.30; Ezik 36.25

irudushi ni awa guele khi awa mhōli mhue gagaga, irari khi Eshinegba ni o shobo na awa, oni a ri egbe e nga o khi. <sup>24</sup> Awa ke sa abi awa li ya ke ri udu shi egbe o, ni awa ke rieḷe inono ali awa gbe ikanya enete. <sup>25</sup> Awa khi ti egbe ilona oyi egbawa je ukhokho, abi egbo eghuo ee li, ama, awa totobo ke ri udu shi egbe o, aborokhia khi u me khi Ogbeḷe oyi Onomhue o shi ti e bhale.

<sup>26</sup> Irari khi iluasobo olese oke ke gbo laq ni o ya rue olamhe ode-a, ini awa mema famhi e lamhe, ikpukhokho khi a she kpe gue oni igesikia ye awa ne. <sup>27</sup> Emini egbo eghogho e ke ya shito ke khe khi iguezo ni o ri ulishi e mu ali erali na biobio-bio, ni o ya pfuse eni ea ya suo esō na Eshinegba-a.† <sup>28</sup> Onini o da gbe Ushi oyi iMosisi-a, ni a ro da ri oli gue ezo, ni o ro da lue ne, ni a ro me otsele egbo aava okekhi aase, eri a gbe oli-a, ni o mhōli ilelemhi.‡ <sup>29</sup> Se u sa khi a kha li nase eni e ri awe wu Omi Eshinegba eke-a, ni e ri ukpeloe gbe oia ni Eshinegba o ro rieḷe ishobo, ikhi oia ni o khuese we olamhe-a pfuase, ali eni o khia khi eri e ze emuebe na Ayemhe Okhale?¶ <sup>30</sup> Irari khi awa lese oni oo, “Mhemhe mhi ya nase eni e lina ngeli, Mhi ya fali oru,” ali oni o gbolo e, “Onomhue o ya ri egbo eyoli gue ezo.”§ <sup>31</sup> Irari khi emhi okhena o khi ni ogbo o ro ya pfi obo lo ingme oyi Eshinegba ni o la o.

<sup>32</sup> A ke sato eghenge ni a ro lese mie oni akpa, ni a ro migha mu imiesuo oye e mhue, aboriekhia khi aa na e ukpokpomhi osoli shi o. <sup>33</sup> Isheghuo, eri egbo e ga la igbaa a pfi itsue manya e, a mu okhōli vule shi e o. Isheghuo, a kugbe

egbo elese ni a ligho mu okhōli vule shi o. <sup>34</sup> Elemhi eni e la ogba ighumha ee ala e. Abi a ro ri itoto mie e itsua, aa khako, a ri oghelē rue we obo-a na we, itobo khi a lese khi a mhōli itsua eni e tine ni e ya la o agboagbo.

<sup>35</sup> A khi tsua igbedu oyeḷe pfia, irari khi o ma mhōli eleli oniemi. <sup>36</sup> A mhōli iregbemie, ni a bhale ya e khi ini a dobe rieḷe oghuemhe oyi Eshinegba se, ni a mie emini o ro nga na e. <sup>37</sup> Irari khi Ebe-no-pfuase o ngme oli khi, “Ini o rie tese ukukuḷo, Oni o ya bhale o ya bhale, o ya tese.

<sup>38</sup> Ama eni Eshinegba o pfa na, irudunga e ro ya ke la agbo, ama ini ongewe o nyene egbe ukhokho, elemhi ea ya timhe deba li.”\*\* <sup>39</sup> Awa aa li abi eni ee nyene egbe ukhokho ni e ya pfua, ama eni e miesuo ni a mie pfuese awa khi.

### Irudunga

**11** Mena, irudunga khi, ini ogbo o mhōli akhokhomhe shi udu shi emini o ri udu shi eke e khe, ali ni ogbo ro mhōli oli shi udu gueguegue khi emini aa me ne khi e la agho. <sup>2</sup> Irudunga ona, o ri egbo enede le eva onete odalo oyi Eshinegba.

<sup>3</sup> Awa lese khi irudunga ona, Eshinegba o ro ri ungemmi oyoli ma emini awa me eloe nya. Ni a ro bhale ya e khi, a rote emini aa ya me eloe rieḷe emini a me eloe.†† <sup>4</sup> Irudunga, o ri Ebeli ri iluasobo ni e ti dose eyi iKen na Eshinegba. Rote irudunga oyoli, Eshinegba o ro mie obo shi o khi ogbo ni o mhōli

†10:27 Li ze Aza 26.11

‡10:28 Li ze iDeut 17.6; 19.15

¶10:29 Li ze Okiali 24.8

§10:30 Li ze iDeut 32.35,36

\*\*10:38 Li ze Abak 2.3-4

††11:3 Li ze Igbae 1.1; Iwolo 33.6,9; iJon 1.3

angeli onete o khi, abi Eshinegba o ro ngme onete irona eyoli. Irudunga ona o ri Ebeli kiele ngme, abi o ro ririę ghua.<sup>‡‡</sup>

<sup>5</sup> Irudunga a ro rue Enoki agbo vu, ini o khi me eghuli. Ogbọ ọa ke me ọli, irari khi eri Eshinegba o rue ọli nga idane. Neni a rue ọli vu, o mhọli ọtsele khi ogbọ ni o ri egbe mu Eshinegba o khi.<sup>¶¶</sup>

<sup>6</sup> Ogbokhoghuo ọa dobe ya rięle emini e ri egbe e mu Eshinegba, ini ọa mhọli irudunga. Irari khi neni ogbọ ọ ya bhale deba Eshinegba, o mema mhọli irudunga khi o la agho, khi loli o somhi eni e kuegbe-a nono ọli opfa.

<sup>7</sup> Irudunga o ri iNoa, abi o ro suo agua ni Eshinegba o tse ye ọli shi emini aa me ne, roli ri ikuegbe-a ali ulishi oyi Eshinegba, khali oko-okę onięmhi ni o pfuese apfe ọli. Irudunga oyoli o ri umha miesuo oyi eni egbo na agbo khase gboo, ni o ro mie ikhivose itobo khi irudunga oyoli o ti Eshinegba eloe.<sup>§§</sup> <sup>8</sup> Irudunga o ri Aburaamu vule abi Eshinegba o ro lu ọli o vule ke je ashini loli shobo khi loli ro ya na li le ugu. O rote eke oyoli vu, abi otseku khia khi ọa lese obini oo je.\* <sup>9</sup> Irudunga o roli ngeli eke ishobo abi opfese. Oo la ifui okholo, igho li khi Aziki ali iGiekopu, ni e ga le ugu oni ekha oghuo.<sup>†</sup> <sup>10</sup> Irari khi eri o ri eloe shi eke khe ęoli oni o mhọli irogbeke, ni Eshinegba o vi ali ni o gbo khi atsona oyoli. <sup>11</sup> Irari irudunga a ro ri Aburaamu dobe khi ita eniye abi o ro ririę ro she dose oni

eghege ni o kha la dobe bia omo ali ni iSera o ro khi aga. Irari khi o lese khi Eshinegba ni o shobo nali khi ona igesikia o khi lo.<sup>‡</sup> <sup>12</sup> Rote obọ oyi Aburaamu, ni o li abi oni oyoli o she pfo se, a te me imimi ni ęa ze leli abi ikpetata na idane ali ekhasę na ese okę onięmhi.<sup>¶</sup>

<sup>13</sup> Agbo irudunga egbo ena e kie la ramhi ni e ro ghua. E kie miesuo khi wewe e ya mie emini a ro shobo na we. Eri e lese li rote odonue pfi alo o me we odalo, o ri egbe mu we. E lama shi o khi ena ęoli oboese ali epfese wewe e khi shi elemhi eke agbo.<sup>§</sup> <sup>14</sup> Ini egbo e da lina ngme ne, eri o rokhase khi ęoli oni e ya ke lu oyewe ęę nono. <sup>15</sup> Ini eri ęoli ni e rote vu kha o la we udu lo, e kha mhọli eghege ro mu egbe pfi je obini e te vu. <sup>16</sup> Eri ęoli ni o tine o ri okiamhi i gbe we, oni o khi ona iloghie. Irarigho, ọa ri omama mu Eshinegba khi ee lu lue Eshinegba oyewe, irari khi o she mu egbe ęoli shi eke khe we. <sup>17</sup> Irudunga o ri Aburaamu ri Aziki luasobo, abi Eshinegba o ro mu ọli fe bino. Loli ni o she mie oni ekha, oo nono ni loli ri omi ọli otuoghuo kpe luasobo,<sup>\*\*</sup> <sup>18</sup> aboriekhia khi Eshinegba o gueye ọli khi, "Rote Aziki u te ya mhọli imi imi e."<sup>††</sup> <sup>19</sup> Eri Aburaamu o sa li shi udu khi Eshinegba o dobe ya rote eghuli guise ogbọ le. Eri o li abine khi eri oni Aziki o ghu-a egho, ni o ro li abine khi eri Aburaamu o rote eghuli gbo mie Aziki.

‡‡11:4 Li ze Igbae 4.3-10

¶¶11:5 Li ze Igbae 5.21-24

§§11:7 Li ze Igbae 6.13-22

\*11:8 Li ze Igbae 12.1-5

†11:9 Li ze Igbae 35.27

‡11:11 Li ze Igbae 18.11-14; 21.2

¶11:12 Li ze Igbae 15.5; 22.17; 32.12

§11:13 Li ze Igbae 23.4; 1 Okhe 29.15; Iwolo 39.12

\*\*11:17 Li ze Igbae 22.1-14

††11:18 Li ze Igbae 21.12

<sup>20</sup> Irudunga o ri Aziki ku isemhe na iGiekopu ali iSọ shi emini a ya me odalo.<sup>‡‡</sup>

<sup>21</sup> Irudunga o ri iGiekopu abi o ro ya ghu-a so iromhi na imi iJosefu ava-ava, o da abo na Eshinegba abi o li kie ri egbe da orokpo oyoli.<sup>¶¶</sup>

<sup>22</sup> Irudunga o ri iJosefu, abi o ro ya ghu-a ngme ingme abi eniye iZireni e li rote eke iJipiti ya vu shi eke. O guele shi eke abi a ya li igua eyelue.<sup>§§</sup>

<sup>23</sup> Irudunga o ri eni e bia iMosisi roli sheli ramhi iki ese abi a ro bia li se, irari khi o a khi omọ na tse, ulishi o a mu we ni e ro ri ukpeloe gbe omhesẹ oyi oghie.\*

<sup>24</sup> Irudunga o ze khi abi iMosisi o ro fu vule se, khi o a lama a ke lu lue omi omi iFero onokpotso.<sup>†</sup> <sup>25</sup> O lama khi lolu ya nu egbo eyi Eshinegba me osoli, ocho ni lue ro ya li agbo olamhe ukuku egheghe.

<sup>26</sup> O bino oli khi, omama ni ogbo o ri itobo iKirisiti ee me o mu eloe dose epfue na iJipiti nya. Itobo khi eleli ni o la odalo o ri ukpeloe shi. <sup>27</sup> Irudunga o roli rote iJipiti vu, ni o khia khi ulishi elemhi ibibi oyi oghie o a mu oli. Itobo khi o li abine khi eri oo me Eshinegba ni aa ya me eloe, lolu o a ro mu egbe pfi.

<sup>28</sup> Irudunga o roli ri Ukpe iPasova na iri-olia to ogbhele ko, ni o re, eniye iZireni e miatse oia ku shi ogbhele, ini agheni eghuli o khi gbe emodiọ eyewe-a.<sup>‡</sup>

<sup>29</sup> Irudunga o ri egbo iZireni dobe da oke oniemhi ni a lu Oke Ifulo, abine khi eni e rote eke ifufu dose. Abi egbo iJipiti e ro li mu oli fe, khonya we, oni oke o to we lue.<sup>¶¶</sup>

<sup>30</sup> Irudunga o ri ugbe ni a khi gasẹ iJeriko de ya gbe abi egbo iZireni e ro kia gasẹ oli se ogbele ishilia.<sup>§</sup> <sup>31</sup> Irudunga a ro tsumhi iRé-abu ni o khi adegbe ni o a ro nu eni ea suo eso na Eshinegba pfua. Irari khi egbo iZireni ni a ghie e ka bena tokpe oni eke bino, o mie we shi owa.\*\*

<sup>32</sup> See mhi ke gbo ya ngme ma o? Mhi kie ke zono we? Egheghe o a la o na mhe ni mhi ro ya ngme ingme oyi iGidioni, iBaraki, iSamusi, iJefita, iDefidi, iSamueni ali emekeguele eyi Eshinegba.<sup>††</sup> <sup>33</sup> Irudunga e ro mu omhesẹ eyi ighie le, e mhesẹ na egbo abi Eshinegba oo li nono oli shi. E mie emini Eshinegba o tse ekha na we. E guese inu eyi idu,<sup>‡‡</sup>

<sup>34</sup> e pfuse erali ebe-a, e na pfue eghuli ogbhorọ. O lose we, ama e toto-a, e khi idenomọ elemhi okholi, e pfuse ekholi-okhue eyi eoli oboese-a.<sup>¶¶</sup> <sup>35</sup> Irudunga, ikpotso e ro gbo mie egbo eyewe ni a rote eghuli guise le bhale agbo.<sup>§§</sup>

Egbo elese e ri egbe mie ugbemhi obe, ea lama a wolọ we we abo-a, ama e ghu-a shi ugbemhi obe, itobo khi e ri udu shi irote-eghuli-guale bhale agbo ni o tine.<sup>‡‡</sup> <sup>36</sup> Eghuo o, a rewe li egia, a gbe we itali,

<sup>‡‡</sup>11:20 Li ze *Igbae* 27.27-29,39-40

<sup>¶¶</sup>11:21 Li ze *Igbae* 47.31; 48.1-20

<sup>§§</sup>11:22 Li ze *Igbae* 50.24-25; *Okiali* 13.19

\*11:23 Li ze *Okiali* 2.2; 1.22

<sup>†</sup>11:24 Li ze *Okiali* 2.10-12

<sup>‡</sup>11:28 Li ze *Okiali* 12.21-30

<sup>¶¶</sup>11:29 Li ze *Okiali* 14.21-31

<sup>§</sup>11:30 Li ze *iJosh* 6.12-21

\*\*11:31 Li ze *iJosh* 2.1-21; 6.22-25

<sup>††</sup>11:32 Li ze *Egwezo* 6.11—8.32; 4.6—5.31; 13.2—16.31; 11.1—12.7; 1 *iSam* 16.1—1 *Ighie* 2.11; 1 *iSam* 1.1—25.1

<sup>‡‡</sup>11:33 Li ze *iDan* 6.1-27

<sup>¶¶</sup>11:34 Li ze *iDan* 3.1-30

<sup>§§</sup>11:35 Li ze 1 *Ighie* 17.17-24; 2 *Ighie* 4.25-37

a sọ eghuo igha rọ shi oḡba ighumha.\*

<sup>37</sup> A tono wẹ eche, a ri isọ kie wẹ shi asha eva, a ri oḡbhoḡo gbolo wẹ-a. E ri ekuẹ elamhi ali isumha ku egbe, e khi ena umha me, a nasẹ wẹ, a li wẹ umumume.†  
<sup>38</sup> Eḡbọ ni agbọ ẹa lu emhi eni eḡbọ ena e khi. E dudu kia kia ifui oḡagbe ifufu ali ikhomhi ite abi eni ẹa mhọli apfe, ee la elemhi irui ali ifui esẹ na elemhi eke.

<sup>39</sup> Itobọ irudunga oyi enana a rọ kueḡhiẹ wẹ, ama oḡgewẹ ọa kie mie emini Eshineḡba o shobọ. <sup>40</sup> Itobọ khi Eshineḡba o she mhese emini o tine shi eke e khe awa, eḡheḡhe aḡhọ e kha kugbe awa o, o ri awa ali wewe gba pfo.

**12** Aborokhia khi ebubu oṣsele eyi ingme agbọ irudunga e she lina le gasẹ awa ena, awa tsua emini ẹẹ zu awa ode ku-a ali olamhe ni e kele ti awa je ukhokho. Awa ze ni awa ri iregbemie ke na oni unamhi ni a roshi awa odalo.

<sup>2</sup> Awa ri eloe shi iJesu egbe ke bino ọli, oni o khi igbaekele ali oni o ri irudunga oyawa gba pfo. Oni o ri itobọ oḡhele oni a rọ shi eke e khe ọli, ri egbe mie eghuli na apfida, o ri ukpeloe gbe omama ni o la apfida ya me. Mena, o she shito obita ukpekhomhi Eghiele oyi Eshineḡba. <sup>3</sup> Pfi ukpeloe ke bino ọli ni o ri egbe mie ibiselemhi ni me obọ oyi eḡbọ olamhe, ini o khi losẹ e ni o pfanọ ku e alo.

<sup>4</sup> Inu-olamhe khe abọ oye, ọa kie re ramhi oyi eghuli ne. <sup>5</sup> Eri a she yele ungmemhi iyude ni Eshineḡba o nu e ngme-a, abi imi ọli eni emose ali eni ikpotso? Ni o le.

“Omi mhe, khi ri eloe gbe isheshe shi ode oyi Onomhue, ali a khi ze ni

egbe pfo e-a

ini o sheshe e shi ode,  
<sup>6</sup> Irari khi eni Onomhue o nono ingme oyewe oḡ sheshe shi ode, oḡbokpa ni o lama khi omioli lue khi oḡ na osoli.”‡

<sup>7</sup> Ri egbe mie ini a sheshe shi ode, eri Eshineḡba oḡ rieḡe e abi imi ọli. Mhie ii, omọ onoghuo itali ọa ya sheshe shi ode?

<sup>8</sup> Ini aa sheshe e shi ode abi a lie sheshe omọ kpa shi ode, eri o rokhasẹ khi waa khi egbegbi omioli ama omọ ni aa lese oni o bia li u khi. <sup>9</sup> Itawa ena agbọ ẹa ya sheshe awa shi ode, ni awa rọ kiele e mu ekpe na wẹ? Elo o ze ni awa aa ke rọ lili e ze ni oni o khi Itawa elemhi ayemhe o li sheshe awa ni awa mhọli egbegbi agbọ?

<sup>10</sup> Ukuku eḡheḡhe itawa ena agbọ ee sheshe awa shi ode abi o ti wẹ eloe shi, ama itobọ onete oyawa Eshineḡba o rọ sheshe awa shi ode, ini awa nu ọli mhọli okemhi shi ipfuase oyoli. <sup>11</sup> Isheshe shi ode okhoghuo ọa ya violọ egbe, ama eri oḡ to. O kha ke deḡe, o ri oni a lighọ sese ingme e ngeli angeli enete, ali o gbo mhọli opfomhe. <sup>12</sup> Irarighọ, abọ eye e ni o losẹ ali ikhomhegbhe eye e ni ee kpheli rerere, a zese wẹ-a.† <sup>13</sup> A ke kia ode ni o sheshe talala, ni a ri eni e cheḡhele awe-a ze, ocho ni e rọ ya de.‡

<sup>14</sup> A roshẹka odekhode ni a nu oḡbokpa la agbọ opfomhe, ni a gbo la agbọ ipfuase, irari khi oḡbokhoghuo ni ọa mhọli ipfuase ọa ya me Onomhue. <sup>15</sup> A roshẹka ini onḡe e o khi khi oni okhale oyi Eshineḡba ọa ramhi obọ ali a khi ze ni iyeselemhi-a o ze shi e iteva ni oḡ pfi in-

\*11:36 Li ze 1 Ighie 22.26-27; 2 Okhe 18.25-26; iJere 20.2; 37.15; 38.6

†11:37 Li ze 2 Okhe 24.21

‡12:6 Li ze iJobu 5.17; Ekpi 3.11-12

†12:12 Li ze Aza 35.3

§12:13 Li ze Ekpi 4.26



gme obe rọ pfueche egboese-a.\*\* 16 Og-bokhoghuo ọ khi khi oni ọọ ku itsebo, wee ongege okhoghuo ọ li abi iso ni ọa mhọli ayemhe oyi Eshinegba, ni ọ ri itobo eminale utoghuo kpele ri ugu odiọ oyọli de.†† 17 A lese khi elelese, abi ọ ke rọ ọ nono ni loli mie oni ikhivose, a kie ọli. Itobo khi ọa ke me asha mu udu pfi, abi ọ tseku ke ri amẹ evie nono ọli.‡‡

18 Irari khi aa bhale ute ni a dobe ri obọ ọ ti, onabi ute iSinai ni egbo iZireni e ke bhale, ni elemhi erali o la a de bio-bio, ni obili ulishi o la, ali ni okiki olitsa o la khili eke, 19 ali ni akala o la de limhilimhi, ni uruli oniemi o la a ngme, ni egbo ni e suo oni uruli e rọ lema oni ungmehi o kpesẹ agho.¶¶ 20 Itobo khi ẹa dobe ri egbe mie ushi ni a shi na we ni ọọ, “Ini o rie khia khi elamhako ọ ri egbe ti oni ute, a mema ya tono ọli eche gbe-a.”§§ 21 Eri emini a me agho o lolo ri ulishi mu ramhi ni iMosisi ọ re, “Ulishi oniemi o ga mu mhe!”\*

22 Ama, mena, a she bhale ute iZayo, ali eoli oyi Eshinegba oni ọ la ọ, iJerusalemu ona iloghie ali obini ilegba oghelẹ oyi igeni upfoleli. 23 A she bhale igbaa oyi eni e mie iJesu iKirisiti suo oyi emodiọ eyi Eshinegba, eni a keke eva oyewe shi iloghie. A she bhale deba Eshinegba ni ọ khi oso-ezo oyi egbo kpa, ali a gbo bhale deba ayemhe oyi egbo enete ni a rọ khi eni e gba pfo. 24 A she bhale deba iJesu oni ọ ri ishobo onogbo ko, a

gbo bhale deba ọlia ni a miatse ku, ni ee ngme emini e ti dose emini ọlia eyi Ebeli e ngme.†

25 A mu egbe e ini a khi kie ungmehi oyi oni ọ nu ee ngme. Ini eni egbo ẹa dobe pfue ọ, abi ẹa rọ ri ungmehi oyi oni ọ la agbo tse agua ye we gbe akanya, se u sa khi awa li ya pfue ọ, ini awa aa ri ungmehi oyi oni ọ rote idane tse agua ye awa gbe akanya.‡ 26 Eri uruli oyi Eshinegba o nighise eke agbo egheghe agho, ama mena, ọ she shobo, ọọ, “Ọa khi eke agbo tse mhi gbo ya nighise utoghuo shi ọ, ama li shi ukhui.”¶¶ 27 Eri ungmehi ni ọọ, “Utoghuo shi ọ,” o rokhasẹ gboo khi emini a ma nya, khi a ya nighise we, a rue we ode-a, ni a bhale ya e khi emini ẹa ze nighise e ke kpole.

28 Irarigho, aborokhia khi awa a mie omhese ni ọa ze nighise egbo, a ze ni awa ke kphemhi, awa ri ekpe ali ulishi ga Eshinegba abi o ti shi, 29 irari khi Eshinegba oyawa erali opfuse ọ khi.‡

### Ugamhi ni o ghole Eshinegba

**13** A kie ligho ke nono ingme oyi egbe e abi inyoghuo. 2 A ke sato mie epfese shi owa, a mu we epfese. Irari khi egbo eghuo ee ke ligho, ni e rọ mu egbo eghuo epfese, ni ẹa lese khi igeni e khi ni wewe e mu epfese.\*\* 3 A ke sato eni a mu shi owa ighumha egbe abine khi eri a nu we la agho. A ke sato egbo

\*\* 12:15 Li ze iDeut 29.18

†† 12:16 Li ze Igbae 25.29-34

‡‡ 12:17 Li ze Igbae 27.30-40

¶¶ 12:19 Li ze Okiali 19.16-22; 20.18-21; iDeut 4.11-12; 5.22-27

§§ 12:20 Li ze Okiali 19.12-13

\* 12:21 Li ze iDeut 9.19

† 12:24 Li ze Igbae 4.10

‡ 12:25 Li ze Okiali 20.22

¶ 12:26 Li ze Agai 2.6

§ 12:29 Li ze iDeut 4.24

\*\* 13:2 Li ze Igbae 18.1-8; 19.1-3

eni a na osoli egbe abinẹ khi eri a li nu we me oni osoli.

<sup>4</sup>Omose ali ughue ọli e mu ekpe shi angeli oyewe. Omose ali ughue ọli e khi li egbe le. Irari khi Eshinegba o ya gue eni e ku itsebo ali eni e kia okia ezọ.

<sup>5</sup>Zobe ni agbo oye o nuata shi oghuemhe ukpago, ze ni emini u mhọli o ke khuese e. Irari khi Eshinegba oọ lie, “Mhi aa tigbe ya ze obo, mhia ya tsue pfia ghue.”<sup>††</sup>

<sup>6</sup>Lọli o ze ni awa ro ya ri igbedu lie,

“Onomhue o khi okpaghiobo oyemhe, mhia ya tigbe na ulishi.

Elọ ogbo dobe ya li mhe?”<sup>‡‡</sup>

<sup>7</sup>A pfi eloe bino eni e ralo na e ena elele. Eni e ri irudunga gue ungemhi oyi Eshinegba ye e. A sa je abi e li ngeli ramhi ni e ro ghua, ni a ke khonya irudunga oyewe. <sup>8</sup>iJesu iKirisiti, abeghuo o khi, ode, amo, ali agboagbo.

<sup>9</sup>Khi ze ni osese egbhọli ododa e tsua e udu vu. Irari khi okhale o ri udu oyawa ze-a, o a khi ni a ri ushi eminale gbe akanya, ni o a kpaghie eni e rewe gbe akanya obo. <sup>10</sup>Ama awa mhọli atete ni ekpodalo-ugamhi eyi Eshinegba na elemhi owa ugamhi oyi egbo iJu e a mhọli afu ya rote le emhi iluasobo.<sup>¶¶</sup>

<sup>11</sup>Eri Oni o kpeda na ekpodalo-ugamhi eyi Eshinegba oyi egbo iJu o o tsua oia eyi elamhako lo elemhi Ashano-Pfuase ne nya ya ro luase obo shi olamhe irotopfa, ama eri a rue eni idiegbe eyi eni elamhako fie ifui apfe je odagbe ya tose-a.<sup>§§</sup> <sup>12</sup>Onana o ze ni iJesu o ro li ghu-a shi ikhokho apfe, ni o ro ri oia eyoli ri egbo khi eni e pfuase. <sup>13</sup>Irarigho, a ze ni awa le deba

li ikhokho apfe ni awa nu oli me omama ni o me. <sup>14</sup>Irari khi agbo oola, awa aa mhọli eoli ni o lao agboagbo, ama eoli ni o ya bhale awa ri ukpeloe shi eke e khe. <sup>15</sup>Awa ri irarigho rote iJesu ke ri iluasobo ikueghie na Eshinegba. Ini awa ligho, eri awa pfi otsele shi o khi loli o khi Onomhue. <sup>16</sup>A khi yele onete irielea, ali ni a gbo ke kpaghie egbe obo, irari khi enana khi iluasobo ni e lie ti Eshinegba eloe.

<sup>17</sup>A ke suo eso na eni e ralo na e, a ri egbe e tiemhie na omhese oyewe. Eri e ri ukpeloe shi e egbe abi eni e ya rokhasa abi e li gbe. A ke suo eso na we ni akanya ni ee gbe o ri oghelẹ na we, ini o khi khi itsua na we, irari khi u wa mhọli eleli ni u ya me o. <sup>18</sup>A ke lema na anye. Anye lese khi udu oyanye o pfuase, anye gbolo e ngeli ke mu ekpe shi egbe anye egbe odekhode. <sup>19</sup>Mhi gbo ga lolo lema e, a lolo lema Eshinegba o gbo remhe kele nyene egbe bhale deba e. <sup>20</sup>Mhi lema Eshinegba ona opfomhe, oni o ri oia oyi ishobo na agboagbo rote eghuli guise iJesu Onomhue le, ikhi Orisumha-kia oniemhi oyi isumha ogho.

<sup>21</sup>O ri eminente nya shi e egbe ni a ro ke riele oghuemhe oyoli. O gbo gbe ikanya eni e ti oli eloe shi awa egbe, rote obo oyi iJesu iKirisiti, ni o mhọli ufumhi na agboagbo. Atse.

<sup>22</sup>Inyoghuo-mhe, mhi lema e, a kuegbe-a ri eso shi oni usomhi irudusho ona, irari khi ebe ni mhi keke ghi e ena o a lolo nuata. <sup>23</sup>Mhia nono ni a lese khi a she rue iTimoti inyoghuo awa ogba ighumha lasele. Ini o kele bhale, mhi ya roli bhale ya me e.

<sup>††</sup>13:5 Li ze iDeut 31.6,8; iJosh 1.5

<sup>‡‡</sup>13:6 Li ze Iwolo 118.6

<sup>¶¶</sup>13:10 Emini onana o ngme khi, ‘Awa mhọli atete ni o khi apfida ni iJesu o la ri idiegbe oyoli luasobo. Ama egbo ni ee sa khi iluasobo ni a luase elemhi owa ugamhi oyi egbo iJu, e te ya mhọli imiepfuese, e a mhọli okemhi shi oni atete ona.’

<sup>§§</sup>13:11 Li ze iLev 16.27

<sup>24</sup> A tse eni eḡ ralo na e nya, ali eḡbo eyi Eshineḡba nya. Inyoghuo awa eni e la Itili eḡ tse e.

<sup>25</sup> Okhale oyi Eshineḡba o ka nu e nya la. Atse.

Ebe ni

## IJemhisi

O keke

**1** Mhemhe iJemhisi ni mhi khi oni o o ga oyi Eshinegba ali oyi iJesu iKirisiti Onomhue mhia keke ebe ona ghi egbo eni e miesuo, ni e la edeli igbeva eyi egbo iZireni, ni e gbhiaku elemhi eke agbo nya.\*

Mhi tse e.

### Ke ghele elemhi imufe

<sup>2</sup>Inyoghuo-mhe, leli oli shi emhi oghela ini imufe ododa e bhale debe. <sup>3</sup>Irari khi u lese khi ini a da mu irudunga oye fe bino ne, iregbemie oye o ya me asha fu-a shi o. <sup>4</sup>Zobe ni iregbemie oye o gbe akanya oyoli pfo, ni a mholi iwomhelo, ni o gba pfo, ni a khi eni ingeli enete ea baku. <sup>5</sup>Ama ini ongege o o nono egbhali, o mhila Eshinegba ni o pfo elemhi ro o na ogbokpa, ni o ya me umhaguakia oyi ogbo. O ya roli na li. <sup>6</sup>Ama ini o o mhila, o mholi irudunga ni o mhue akhokhomhe, irari khi oni mholi akhokhomhe, eri o li abi izughuse oyi oke oniemhi ni akpekpeli o pfi e kia. <sup>7</sup>Ogbo oghogho o khi sa khi loli me emhikhoghuo ya mie obo oyi Onomhue. <sup>8</sup>Ogbo ozidu eva o khi, o ya riela emini o mu ame.

### Epfue ali umhame

<sup>9</sup>Eni e mie iJesu iKirisiti suo ena umhame e ke ghele irari khi e ma ghale ukpeloe oyi Eshinegba. <sup>10</sup>Igbaa oyi eni e mie iJesu iKirisiti suo ni e pfue, e ke ghele ini agbo o ke ti we tiemhile. Irari khi eri epfue e ta a kua abi udodo. <sup>11</sup>Irari khi ini ovo o ngale khi o to, eri o tose

ebuli a, e khakha-a, idodo eyewe e de kua, isomhotse eyewe o yese a. Igho, oni o pfue o li ya ta kua, abi o li na ya nga na ya tiemhi shi akanya oyoli.†

### Imhese-bino ali imufe

<sup>12</sup>Ikhivose o khi na ogbo ni o kie migha ini o mholi imufe, irari khi ini o dobe ri egbe mie, o ya mie arula oghie oyi agbo na agboagbo, ni Eshinegba o she shobo khi loli ya ro na eni e nono ingme oyelu.

<sup>13</sup>Ini a mu ogbo ligho fe bino, o khi lie khi, "Eshinegba o mu mhe e fe." Irari khi ogbo o ri onobe ya dobe mu Eshinegba fe, wekhi eri loli o mu ogbokhoghuo e fe bino. <sup>14</sup>Ama oghuemhe eyawa ni e di awa mu, e ri awa mholi imufe. <sup>15</sup>Egheghe agho oni oghuemhe o kha me, o bia olamhe, ini olamhe o fu, khi o te, o bia eghuli.

<sup>16</sup>Inyoghuo-mhe a khi ze ni a di e. <sup>17</sup>Isomhi-opfa onete kpa ni o gba pfo, idane o te bhale, obini oyi Ita ni o ma ikpa na idane, o rote e tiemhile. Oni o ya mu pfi abi aroro ni o o je oola je oobo. <sup>18</sup>Oghuemhe oyoli o ro ri ungmehi igesikia oyoli ri awa bhale agbo, ini o me asha ri awa khi imomhi eni odode elemhi emini o ma nya.

### Isuo-ungmemhi oyi Eshinegba ali iroli-gbe akanya

<sup>19</sup>A sato ona inyoghuo-mhe, ogbokpa o kele ke suo ungmehi, ama o khi kele ke ngme unu, o khi gbo kele ke mhue elemhi ibibi. <sup>20</sup>Irari khi elemhi ibibi oyi ogbo o ri ogbo o mholi igue-ngeli oyi Eshinegba <sup>21</sup>Irarigho, a ti egbe ingeli ichimhi-a ali ingeli ingmobe ni e sha e ma-a. A ri egbe e tiemhile na Eshinegba, a ri eloe shi ungmehi oyoli, ikhi oni a ro ko e udu, ni o dobe ya mie e pfuese.

\*1:1 Li ze iMat 13.55; iMak 6.3; Ika 15.13; iGal 1.19

†1:11 Li ze Aza 40.6-7

<sup>22</sup> A khi khi eni e leşe ri esọ suọ tşe ni eę di egbe wẹ, a ri ochoghọ ke ri emini a suọ gbe akanya. <sup>23</sup> Oni ọ ri esọ suọ oni ungmemhi ni ọa riẹle emini o ngme, eri ọ li abi oni ọ le ya bino egbọli ughegbe abi lọli li. <sup>24</sup> Ọ kha bino egbọli se, ọ v u agho le, aghoaghọ ọ yele abi ọ li-a. <sup>25</sup> Ama ogbo ni ọ bino elemhi ushi ni o gba pfo ni ọọ rue ogbo ọ le, ni ọ kiele ẹ riẹle emini o ngme, ni ọa yele-a abi oni ushi o ngme, a ya khivose na li emiemini ọọ riẹle kpa.

<sup>26</sup> Ini ọngẹ ẹ ọ rue egbọli khi ọna ugamhi lọli khi, ni ọa rọ lolo mu ẹlemhi oyọli mhue kpẹ, egbọli ọọ di. Ugamhi afue ọọ ga. <sup>27</sup> Ugamhi ni o pfuase ni ọa mhọli ifue ni Eshinegba Ita awa ọọ mie lọli o khi, ni u rọ ri ukpelo kpa imi-olimhi ali esamhi-olimhi ini eę me osoli. Ali ni ogbo ọ mu egbọli ini agbo o khi ri ichimhi mu ọli.

### A khi zọlo egbe ẹ

**2** Inyoghuo-mhe, ini u mie iJesu iKirisiti Onomhue oyawa ni ọ mhọli ufumhi oniemi suọ, a khi riẹle khi ọnana ọ kpe mhe ne. <sup>2</sup> Ini a fe bhale ya ẹ khi ogbo ni ọ pfue ni ọ so ukpekhu oyi igolu ali ide eni e somhotse, ọ lo ilegba oyeye le, ali ni a rọ gbo me khi ọna umhame ọ so ijeje ide li lole. <sup>3</sup> Ini u ri ekpe na oni ọ so itsua ni e somhotse ne, ni u rọ lie ọli, “Bhale ya shito ashini o ti ne,” ni u rọ lie ọna umhame, “Migha oobọ,” okekha khi eri u wẹ ọli, “Shito ekekhe epfe awe eyemhe.” O fe ti ghọ? <sup>4</sup> Aa she riẹle azolomhe deba egbe ẹ egbo? Aa gbolo ri isamhi ebe ẹ gue egbe ẹ ezo egbo?

<sup>5</sup> A ri esọ shi mhe eke inyoghuo-mhe, ọa khi eri Eshinegba ọ she ze ena umhame ukpelo agbo, ni e mhọli epfue oyi irudunga, ali ni e mhọli okemhi shi ugu eghiele ni ọ rọ shobọ na eni e

nono ingme oyọli? <sup>6</sup> Ama u she me ena umhame bie. Ọa khi eri eni epfue e li ẹ le? Ọa khi wewe e re ẹ ye ikotu? <sup>7</sup> Ọa khi wewe ẹ ri unu ẹ yese eva onete oyi iJesu iKirisiti-a oni a kugbe ọ?

<sup>8</sup> Onete wa riẹle ini u ri ushi ni o mu egbe ne nya, ni o la Ebe-no-pfuase gbe akanya, ni ọọ, “Nono ingme oyi onuzava oye abi u li nono ingme egbe e.”<sup>†</sup> <sup>9</sup> Ama ini u riẹle azolomhe, u she lamhe, ushi o gbo pfa ezo mu ẹ khi oni ọ gbe ushi-a u khi. <sup>10</sup> Irari khi onini ọ da ri ishi nya ghue ni ọ pfi do elemhi ushi oghuo tse, ishi enekpo le nya ọ gbe-a. <sup>11</sup> Irari khi oni ọọ, “Khi kia okia.” Lọli ọ gbolo ẹ, “Khi gbe ugbeli.” Ini u wa ririje kia okia, ni u rọ da gbe ugbeli ne, ogbushia u khi.<sup>†</sup>

<sup>12</sup> A ke ngme ungmemhi, aa ngeli abi egbo eni a ri ushi inono ya gue wẹ ezo, ikhi ushi oni o ri epfua a na ogbo. <sup>13</sup> Irari khi Eshinegba ọa ya mhọli ilelemhi na ogbo ni ọa ya mhọli ilelemhi, ele ni Eshinegba ọ roli ya gue ezo. Irari khi ini u mhọli ilelemhi, eri u ya ke ghele ini a re ẹ gue ezo.

### Irudunga ali iro-gbe akanya

<sup>14</sup> Inyoghuo-mhe ini ogbo guele khi lọli mhọli irudunga, ni ọa rọ mhọli iro-gbe akanya, onete onoghuo o ya li nali? Imiesu oghoghọ ọa ya dobe tsumhi ọli?

<sup>15</sup> Ini a fe bhale ya ẹ khi inyoghuo awa oni omose okekhi okpotso ọa mhọli itsua ni a so ali eminale ni ọ ya le ogbele. <sup>16</sup> Ni ọngẹ ọ rọ gueye ọli, “Ke vu, o ya ti ne, Eshinegba ọ khi ze ni ulili ali okiamhi o ne osoli”, ni ọa rọ mhọli emhi khoghuo ni ọ riẹle na, ighe onete ni o riẹle? <sup>17</sup> Eri o li abine khi ogbo mhọli irudunga ni ọa roli gbe akanya. Irudunga lueghuo tse ni a ri akanya ma, irudunga oni o ghu-a o khi.

<sup>†</sup>2:8 Li ze iLev 19.18

<sup>†</sup>2:11 Li ze Okiali 20.13,14; iDeut 5.17,18

<sup>18</sup> Ama a doḅe ya me khi oḅo oḅo li, “U mḥoli irudunga, mḥemḥe mhi gueye ḡli khi iroḡbe-akanya mhi mḥoli.” Ri irudunga oye kḥase mḥe ni oḅa mḥoli akanya igbegbe, mḥemḥe mhi ya ri emini mhi riḗḗ rḡ ri irudunga oyemḥe kḥase e. <sup>19</sup> U miesuo khi Eshineḡba oghuo o khi, oo ti gba. Egbegbi ayemḥe eyi okphagḥie e mie ona suo, eḗ na ulishi, eḗ guo. <sup>20</sup> Yeye omose oḡyegḥe, eri u wa nono ni a gbo gue ḡli ke ye, khi irudunga ni oḅa mḥoli akanya igbegbe, khi afue o khi? <sup>21</sup> Oḅa khi emini ititawa Aburaamu o riḗḗ a rḡ rḡli liḗ khi oni o pfuase o khi, abi o rḡ ri omi ḡli Aziki luase obo ukhomhi atete?<sup>§</sup> <sup>22</sup> U me ḡli khi irudunga ali iroḡbe-akanya oyḡli e ga gbe akanya kugbe, emini o riḗḗ o ri irudunga oyḡli gba pfo. <sup>23</sup> Loḗli o ze khi emini Ebe-no-pfuase o ngme o rḡ bhale ya tse ni oḅo, “Aburaamu o mie Eshineḡba suo, a leli ḡli nali shi ipfuase”, A lu ḡli omole Eshineḡba.\*\*

<sup>24</sup> U me ḡli eḡḡo khi emhi ni oḅo o riḗḗ a rḡ liḗ khi oḅo ona ipfuase o khi, oḅa khi irudunga tse oḅo o rḡ kḥue pfuase. <sup>25</sup> Iḡḡo o gbo li egbe oyi iRé-àbu ni o khi adegbe. Emini o riḗḗ o rḡli kḥue pfuase odalo oyi Eshineḡba. Abi o li mu eḡḡo iZireni ni e bhale ya tokpe eke bino epfese. Ni o gbo kpagḥie we oḅo ni e rḡ me asha na roḗe ode oboese vu.††

<sup>26</sup> Irarigḡo, abi idiegbe ni oḅa mḥoli ayemḥe o li khi oni ghua, iḡḡo irudunga ni oḅa mḥoli akanya o li khi oni ghua.

### Ekpabo oyi eḗmhi

**3** Emole mḥe, eḗ nya a khi ya khi emhi eḗ seḡe, irari khi a leḡe khi anye ni anye khi emhi eḗ seḡe eḡḡo, a ri ezo oni o ze

ne nya na ya gue. <sup>2</sup> Awa nya awa mḥoli ashini awa te pfi do. Ama ini oḅo oḅa pfi do elemhi ungmehi oyḡli ghue, oḅo oni o gba pfo o khi, ni o doḅe e mḥese ni idiegbe oyḡli nya.

<sup>3</sup> Eri a so achi agḥekpe unu ni o ke suo eso na awa, loḗli o ze khi awa doḅe nga li e je obini o ghole awa. <sup>4</sup> Gbo li sa ingme oko oke oniḗmhi bino, ashini o gḡedi ramhi eḡḡo, ni o khia khi akpekpe oniḗmhi o kha riḗ e li, ukuku akhuli, oni oḅo gua li o rḡ mu ḡli ukhomhi e pfi je obiobini o ghole ḡli. <sup>5</sup> Iḡḡo eḗmhi o li li. Ashini o she ramhi elemhi idiegbe oyi oḅo, o ma pfi okhorobo.

Sa o ghue, abi ukuku akhuere o liḗ ma ere osha. <sup>6</sup> Eri eḗmhi o li abi erali. Emhi obe o khi ni o la elemhi idiegbe oḅo. Eri oḅo yese oḅo-a nya ode khi ode. Ilimhi irierie oni erali oḅo o te bhale eḗmhi.

<sup>7</sup> Elamhako nya e ze e mu abo, ghe ipfeli o, ghe emi e tialo akpidi eke o, ghe elamhako ena oke o, oḅo o doḅe e mu we abo. <sup>8</sup> Ama oḅo khoghuo oḅa doḅe ya mu eḗmhi abo. Eri o li abi osue enye obe ni oḅo gbe.

<sup>9</sup> Oni eḗmhi awa rḡ o kuḗḡie Ita awa Onomhue. Loḗli awa gbo rḡ o ku itse na eḡḡo ni a rḡ khokho Eshineḡba ma.‡‡ <sup>10</sup> Ikuḗḡie ali itse ikuku e roḗe unu oghuo e lasele. Oḅa kha khi iḡḡo inyoghuo-mḥe. <sup>11</sup> Ame emi e ti unu ali ame ni ea ti unu ea doḅe ya roḗe unupfie oyi oke oghuo ke chocho lasele. <sup>12</sup> Inyoghuo-mḥe, okhua-emi o fe doḅe ya mo udumhi olivu? Wekhi emi olomu iba o doḅe ya mo udumhi okhua-emi? Iḡḡo oke oni oḅo chocho ame ugbheli, oḅa doḅe ri ame emi e ti unu ya lasele.

§2:21 Li ze Igbae 22.1-14

\*\*2:23 Li ze Igbae 15.6; 2 Okhe 20.7; Aza 41.8

††2:25 Li ze iJosh 2.1-21

‡‡3:9 Li ze Igbae 1.26

### Iku ilęsingme eva

<sup>13</sup> Oghuo ọ elemhi ẹ ọ khi ọtsegbhe ni ọ mhọli ilęse? Oni ogbọ ọ ri angeli onete oyọli rọli khase, ikhi onete ni ọ ri iregbe-tiemhile ni o rọte ilęsingme bhale riele. <sup>14</sup> Ama ini u mhọli ayemhe ubogbo ali emhi-itoegbe shi udu oye, khi vuse ipfua shi ọ, ni u rọli kie oni igesikia. <sup>15</sup> Ilęsingme oghogho ọa khi iloghie o te bhale, ama onayi agbo ona o khi, ni ọa rọte Ayemhe-no-pfuase bhale, elemhi ayemhe oyi okphaghie o te lasele. <sup>16</sup> Ashini ubogbo ali emhi ituegbe o da la ne, ozughu ali emhi ebe ododa, e ma la akaghọ. <sup>17</sup> Ama egbhe ali ilęse ni o te idane bhale, eri o kpe te eke pfuase, o nono opfomhe. Eri ọọ kuegbe-a, o ri egbe ọli ẹ tiemhile na ogbokpa pfo, o mhọli elemhi-iamhe, o ri umomhi angeli onete ẹ khase. Ọa ya gbe azeba, o mhọli igesikia. <sup>18</sup> Eni ẹ nono opfomhe ni e ri ayemhe opfomhe ri onete ko, ikhiese oyi ipfuase ẹẹ me.

### A ri egbe ẹ na Eshinegba pfo

**4** Elo ọọ pfi okhọli ali uwola a na ẹ? Ọa khi itobo oghuemhe, ni e la ẹ udu nu ẹ a khọli o ze ni a rọ nu egbe ẹ khọli? <sup>2</sup> Emhi ọọ ghole ẹ, ama aa mhọli ọli. A gbe ugbeli, a mhọli eloe-iamhe ama a dobe mhọli emini ẹẹ ghole ẹ. A kha wola, a khọli. Aa ya mhọli emini a nono, irari khi aa mhila Eshinegba. <sup>3</sup> A kha mhila, aa ya me mie, irari khi usamhi obe a rọ shi udu ke mhila, ini a ba me asha ri emini a mhila rọ li agbo shi egbe. <sup>4</sup> Eẹ ni a khi egbo ni e li abi okpotso ni ọọ kia okia, eri aa lese khi ini emhi agbo o ghole ẹ dose, khi obe Eshinegba a khi? Onini ọ da ze agbo ona omole ne, obe Eshinegba ọ khi. <sup>5</sup> Eri u dabi khi afue Ebe-no-pfuase o ngme ọli khi, eri

ayemhe ni Eshinegba ọ rọ shi awa egbe ọọ kpe ofuma egbegbo, ni o khia khi eri ọọ nono ni awa khi oyi Eshinegba pfo nya. <sup>6</sup> Ama eri Eshinegba ọ khi ma okhale na awa. Onana o ze ni Ebe-no-pfuase o rọ lie, “Eri Eshinegba ọ mu okhọli ẹ vule shi oni ọ ti egbe ọli ẹ nga ọ. Ọọ somhi elemhi oni ọ ti egbo ọli ẹ tiemhile.”<sup>¶</sup>

<sup>7</sup> Ri egbe ẹ tiemhile na Eshinegba pfo nya. Tse se ku okphaghie ọ ti kia ne, khi ọ ya na ne. <sup>8</sup> Ti bhale deba Eshinegba, khi ọ ya ti bhale debe. A kpe abo eye ẹ-a, ẹẹ ena olamhe, a ri udu oye ẹ shi eni e pfuase, ẹẹ ezidu-eva. <sup>9</sup> Vi ẹ osoli, vie oya, mu egia oye mele evie-a, u gbo mu oghelẹ oye pfi bhale iyese udu-a. <sup>10</sup> Ti egbe ẹ tiemhile odalo oyi Onomhue, khi ọ ya ti ẹ nga.

<sup>11</sup> A khi ke yese egbe eva inyoghuo-mhe. Ini u da yese onuzava oye ni a ga mie iKirisiti suo eva-a ne, ni u rọ da gue ọli ẹzo, ushi wa ze ifue, ni u wa gue ẹzo. Ini u gue ushi ẹzo, wa ke khi oni ọ ri ushi ẹ gbe akanya! Ama oni ọ gue ọli ẹzo u ke khi. <sup>12</sup> Eshinegba lolighuo tse ọ khi oni ọ rue ushi na agbo ni ọọ gue ogbọ ẹzo egbe-a. Lolighuo tse ọ dobe a tsumhi, ni ọ dobe a gbe-a. Oghuo u sa khi u khi ni u wa gue ogbose ẹzo?

### Awa khi ke tonu obọ udu

<sup>13</sup> A suo mhe, yeye ni u we, “Amo okekhi akọ awa ya ye ẹoli ona okekhi ogho, awa ya la oobọ elemhi ukpe oghuo, awa la oobọ gbe akanya ona ali ogho, awa gbe ukpagho tima.” <sup>14</sup> Waa lese emini ogbe na akọ o ngme ne, wekhi emini a ya me akọ. Se u lese abi agbo oye o ya li? Eri u li abi otughunu ele uzogbe ni ọọ lasele ukuku eghẹghe, o gbo kala-

<sup>¶</sup>4:6 Li ze Ekpi 3.34

a.<sup>§§</sup> <sup>15</sup>Eri u kha ri ochoghọ liẹ, “Ini o ghọle Ọnọmhue, awa ya la agbọ, awa li ona ali oghọ.” <sup>16</sup>Mena eri u wa tono obọ udu, waa ti ipfuabọ nga. Itonobọ-udu eghoghọ nya ẹa gbe akanya.

<sup>17</sup>Irarighọ, ọnini ọ da leṣe onete ni ọ kha riẹle ni ọa rọ da riẹle ọli ne, olamhe o khi na li.

### A tṣe agua ye eni e pfue, ni ẹẹ nase eni ẹa pfue.

**5** Ghe ii, ẹẹ eni a pfue, a viẹ, a viẹ oya irari osoli ni ọọ bhale na ẹ. <sup>2</sup>Epfue eye ẹ, e she ke a, ali khi esele e she re ẹ ide le. <sup>3</sup>Igolu ali elomho eye ẹ, e she mu oghuoghuo-a. Oghuoghuo ni e mu, e ya pfi ọṣele mu ẹ, a ya na ẹ osoli to ọ irari khi u ti ikpaghọ ma leghe na egbe ẹ ya ramhi memena. <sup>\*</sup> <sup>4</sup>Waa fali ẹgbọ eni e gbe ikanya ishemhi oye ne ifata ne. Ẹẹ viẹ, ẹẹ wọlọ. Eviẹ oyi eni e nu ẹ khiṣe itsua ishemhi, o she ramhi esọ eyi Eshinẹgba ni ọ funẹ nya ni ọ mhue ekhọli-okhue na iloghie. <sup>†</sup> <sup>5</sup>Eri u la agbọ ẹ li agbọ nyafunyafu, u li agbọ ọ tsua kua. Wa le ọkpo, ali ọfọlọ, u gbẹdi-a looghọ abi ẹlamhi ni a mu ya gbe-a. <sup>6</sup>U she pfa ẹzọ ugbeli mu ẹgbọ eni ẹa mhue abi e li, u gbolo we-a. Wewe na, ẹa doṣe liẹ khi wewe a lama shi ẹ ọ.

### Irabomudu elemhi osoli

<sup>7</sup>Irarighọ, inyoghuo, ri abọ mudu ramhi ibhale oyi Ọnọmhue. Bino ghue abi oghiale ọ liẹ migha khe ẹghẹghẹ ni ishemhi e la bie. Abi ọ li ri abọ mudu ni otsukpe o de, ni oruame o rọ le. <sup>8</sup>Yeye li lighọ ri abọ mu udu abi oghiale. Lolo

ri ukpeloe shi eke, u migha gbagbagba irari khi ibhale oyi Ọnọmhue o ti bhale.

<sup>9</sup>A khi ke me umha-guẹli oyegbe inyoghuo-mhe, ini a khi gue ẹ ẹzo. Osozezo ọ ga ti mama awa memena.

<sup>10</sup>Inyoghuo-mhe, a ke khonya emekeguele ni ẹẹ ngme na Ọnọmhue. Eri e ri abọ mudu ini o riẹ khi e ya me osoli. <sup>11</sup>A she ke leṣe khi eni a khivoṣe na, anye ẹ lu ẹgbọ eni e ri egbe ẹ mie. A she kpe suọ eko iJobu abi ọọ ri egbe mie tṣe. A me emini Eshinẹgba ọ riẹle na li ikpukhokho. Ọnọmhue, ona ilelemhi ọ khi. <sup>‡</sup>

<sup>12</sup>Inyoghuo-mhe, oni o mu egbe ne nya khi, khi romhi iloghie ali eke agbọ ali emhese. Ze ni, “Ti oye o khi ii, u ze ni iiye oye, o khi iiye.” Ini a khi me asha pfa ẹzo mu ẹ. <sup>†</sup>

### Iromhi ni a ri irudunga so

<sup>13</sup>Ini ongee ọ la elemhi omunu, ọ lema Eshinẹgba. Ini ongee ọọ ghele, ọ to uwolo ikueghie. <sup>14</sup>Ini ongee ọọ ghua, ọ ka lu egbhali ni e la igbaa oyi eni e mie iJesu iKirisiti suọ, ni e so iromhi na li, e ri eva oyi Ọnọmhue ri oili to ọli egbe. <sup>§</sup> <sup>15</sup>Ẹghẹghẹ aghọ, ni iromhi ni e ri irudunga so, ni o ri ọli ze. Ni Ọnọmhue ọ rote ughuamhi mu ọli vule. Ini ọ lamhe olamhe, Ọnọmhue ọ ya rọ topfa li. <sup>16</sup>Irarighọ, a zono olamhe eye ye egbe ẹ, a lema na egbe, ni a re ẹ ze. Eri iromhi oyi ọgbọ ni ọ la ipfuase o migha a gbe akanya egbegbo.

<sup>17</sup>Ọgbọ onabi awa, Elaja ọ khi. Eri ọ te ekelemhi udu lema egbegbo. Ọọ ame o khi ruẹ, ame o mu oni eke elemhi

§§4:14 Li ze Ekpi 27.1

\*5:3 Li ze iMat 6.19

†5:4 Li ze iDeut 24.14-15

‡5:11 Li ze iJobu 1.21-22; 2.10; Iwolo 103.8

§5:12 Li ze iMat 5.34-37

§5:14 Li ze iMak 6.13



ikpe esẹ ali ukhukhui.\*\* <sup>18</sup>Ọ gbo lema,  
 ọọ amẹ o ruẹ, amẹ o ruẹ, eke o ri emhi  
 ekomhi zẹ lasele.††

<sup>19</sup>Ini ọngẹ ẹ ọ pfi egbegbi ode oyi  
 Eshinegba shi eke, no ọgboese ọ ro mu

ọli nyene bhale ukhokho, <sup>20</sup>sato ọ khi,  
 ọnini ọ mu ọna olamhe rote ode egbholi  
 oyoli pfi, ọ ya tsumhi ayemhe oyoli obo  
 eghuli, ọ guese olamhe ebubu na li.‡‡

---

\*\*5:17 Li zẹ 1 Ighie 17.1; 18.1

††5:18 Li zẹ 1 Ighie 18.42-45

‡‡5:20 Li zẹ Ekpi 10.12; 1 iPit 4.8

*Ebe onodode ni*

## **IPita**

### *O keke*

**1** Mhemhe iPita aghiusomhi na kee oyi iJesu iKirisiti mhi keke ebe ona ghi e egbo ni Eshinegba o ze, ni a khi epfese shi elemhi eke agbo, ni a miatse ku asha khi asha eke iPontusi, ali iGalesha ali iKapadosha ali Esha, ali iBitinia. <sup>2</sup>Eri Eshinegba ita o ze e abi o li ghole oli shi, o rote ikanya eyi Ayemhe-no-pfuase khuese-a pfuase ni a ke suo eso na iJesu iKirisiti ali ni o ri o lia eyi iKirisiti re e khi egbo oda shi ugamhi oyoli.

Opfomhe ali okhale ni e gbeku o, e ka nu e la.

### **A kuęghie Eshinegba shi Irudushi ni o mhuę agbo**

<sup>3</sup>Awa kuęghie Eshinegba, ita iJesu iKirisiti Onomhue. Itobo ilelemhi oniemhi ni o mholi na awa o ro rote eghuli guise iJesu iKirisiti le. Onana o ri agbo onogbo ali irudushi ni o mhuę agbo na awa. <sup>4</sup>Loli o li ri awa ri eloe shi eke e khe ugu ni Eshinegba o ro shi agho o khe egbo eyoli. Iloghie o re we shi ne, ni o khi asha ni ea la ke-a, ni ea la pfueche, wekhi eri e ya taa. <sup>5</sup>Eye e eni ugu ena e khi, ikhi ee ni a mholi iregbenga, ni Eshinegba o ri ekpabo eyoli khukhu shi e khe imiepfuese, ikhi imiepfuese ni a ya rokhase ikpukhokho agbo. <sup>6</sup>A ze ni onana o ri egbe ke mu e ini o tseku khia khi a ya mholi iyeseudu-a ukuku eghenge irari imhese bino ebubu ni a ya me. <sup>7</sup>Eri a ri ena mu e fe bino ni a me ini egbegbo irudunga oye e o khi. Igotu ni o li opfu-a, erali a ro o mhese oli bino ni a me ini egbegbo o khi. Igho a ya li mhese irudunga oye e

ni o mu eloe dose igolu bino, ni a me asha mie ekpe ali ikuęghie ali ufumhi ele ni iJesu o ya nyene egbe bhale. <sup>8</sup>A nono ingme oyoli, a gbo mie oli suo, aboriekhia khi aa me oli eloe ghue. A mholi oghela oniemhi ni unu oa dobe e ngme. <sup>9</sup>Itobo khi u mholi imiepfuese elemhi ayemhe oye, o ze khi a miesuo, a regbenga li.

<sup>10</sup>Eri emequele ngme ingme okhale ni oo bhale deba e, e kuegbe-a guano bie abi Eshinegba o li ya mie egbo eyoli pfuese, onana o ze ni e ro ngme angme-shi-ekpe oyi oni imiepfuese ona. <sup>11</sup>Ayemhe oyi iKirisiti ni o la emequele udu o gueye we abi iJesu o li ya me osoli, neni o ya me ufumhi oniemhi, eghenge ni e ro ngme ungememhi ameguele. E rosheka guano ni e lese oghuo o ya khi oni iKirisiti ali abi eni ingme e ga li ya de nyaa. <sup>12</sup>Eshinegba o rokhase eni emequele khi oa khi itobo eleli oye we a ro ri emhi ena khase we ama irari oye e. Memena, eni emequele e she gue eni ingme ena nya ye e, abi ekpabo Ayemhe-no-pfuase ni o rote iloghie bhale o li gue we ye we. Eri igeni e lili nono ni we we e li me eni ingme ena.

### **A ke la angeli ipfuase**

<sup>13</sup>Irarigho, a bino angeli bie ke ngeli ni a mu egbe shi ugamhi oyi Eshinegba, a ke te eloe eke, a ri udu oye e shi isomhelemhi ni a ya me ogbele ni a ya ri iKirisiti khase. <sup>14</sup>Abi eniye ni ee suo eso na Eshinegba ni o la iloghie, a khi nyene egbe ukhokho je angeli ni u kpe ngeli neni a lese ungememhi oyi Eshinegba. <sup>15</sup>Lese khi Eshinegba ni o lu e, o ma pfuase ni a li gho mholi ingeli ni e pfuase shi emiemini a ri ele nya. <sup>16</sup>Ebeno-pfuase oo, "Ze ni u khi oni o pfuase, itobo khi mhemhe mhi pfuase."<sup>¶¶</sup>

<sup>¶¶</sup>1:16 Li ze iLev 11.44,45; iLev 19.2; iLev 20.7

<sup>17</sup>Ini o khia khi Ita wa lu Eshinegba ini u wa sọ iromhi, ikhi ita ni ọa ya gbe azẹba ini ọọ gue ẹzọ, ri ekpe ali ulishi ke ga li aborokhia khi opfese eke agbo u khi egho. <sup>18</sup>Irari khi a lese khi ọa khi emhi nabi igolu ali elomho ni ẹẹ li opfu-a a ro pfa ẹ shi eke, lase elemhi imu ali angeli afue le, ni eni e bia ẹ e roshi eke na ẹ. <sup>19</sup>Olia ni e ghalẹ eyi iJesu iKirisiti, ni o khi omi osumha ni ọa mhue ichimhi, a ro luse obọ na awa. <sup>20</sup>Eshinegba o ze oli neni a ma agbo, o gbo ri oli lasele khase egbo ikpukhokho agbo ni awa la ena, irari oye ẹ. <sup>21</sup>Obọ oyi iJesu a te mie Eshinegba suo ni o te eghuli guise oni iJesu le, ni o gbo ri ufumhi oniemi na li, irarigho a mhọli irudunga ali irudushi na Eshinegba.

<sup>22</sup>Aborokhia khi a she ri udu eye ẹ khi eni e pfuase egho, abi a ri ungmehi igesikia a gbe akanya, ni a ro mhọli inono na egbe ẹ abi a ga miesuo, a kie ligho ke nono ingme egbe ẹ. <sup>23</sup>Irari khi ungmehi oyi Eshinegba ni o mhue agbo na agboagbo a ro ri ele ẹ bia, ọa khi emini ẹẹ pfua a ro ri ele bia. <sup>24</sup>Ebe-no-pfuase o ngme ghọ khi,

“Eri egbo nya  
e li abi ebuli.  
Eri isomotse oyewe  
o li abi udodo.

Ini ebuli o khakha-a,  
udodo e de o kua.

<sup>25</sup>Ama eri ungmehi  
oyi Eshinegba o lao agboagbo.”§§  
Ona o khi usomhi onete ni a tse abo ye ẹ.

### Eche ni o mhọli agbo ali ushishi no pfuase

**2**A she ri ele ẹ bia, irarigho, khi kono onobe shi elemhi deba ogbo, khi ke lo egbhọli, khi ke ngeli ingeli abamemhe, khi ke do ogbokhoghuo okonyo ali khi ke ngme ungmehi yese ogbo-a. <sup>2</sup>Ochogho, ze ni angeli oye ẹ e li abi oyi emofe. Okiamhi egbegbi amẹ iyeli eyi ayemhe ni o khi ungmehi oyi Eshinegba, o ke gbe ẹ. Eni a kha da, o re fu shi imiepfuese, <sup>3</sup>mena ni a she mu Onomhue fe bino ni a me oli me khi ọọ ti.\*

<sup>4</sup>Abi a li bhale deba Onomhue ni o khi eche no mhue agbo, ni egbo e kie, ama Eshinegba o ze oli, o mu oli eloe. <sup>5</sup>Igho, ẹẹ abi eche ni e mhue agbo, a ro to owa ayemhe, ni a khi ekpodalo-ugamhi eyi Eshinegba ni e pfuase, ni a ke luasobo ena ayemhe eni e ghole Eshinegba, rote obọ oyi iJesu iKirisiti. <sup>6</sup>Irari khi Ebe-no-pfuase ọọ,

“A bino khi mhi ri  
eche gbe eke shi iZayo,  
echeli ebe ni o mu owa mhue,  
ni mhi ze ni o mu eloe.  
Oni o da ri egbe da li ne,  
ọa ya me omama.”†

<sup>7</sup>Irari khi eche ona oni o mu eloe o khi na ẹẹ ni a mie oli suo. Ama eni ẹa mie oli suo, o khi,

“Eche ni itsona e kie,  
ni o tigbe mele oni  
o mu eloe ne nya-a.”‡

<sup>8</sup>“Onana o kie gbo khi  
eche ni ebubu egbo  
e ya kholo awe shi  
ukpokpomhi eche  
ni o ya pfi we gbe.”

§§1:25 Li ze Aza 40.6-9

\*2:3 Li ze Iwolo 34.8

†2:6 Li ze Aza 28.16

‡2:7 Li ze Iwolo 118.22

Itobọ khi ẹa ri ungmehi oyi Eshinegba gbe akanya e rọ de. Abi o kha li wẹ o li egho.<sup>¶</sup>

<sup>9</sup> Ama eni Eshinegba ọ zẹ a khi, ni a khi ekhemhẹ ni ẹẹ ga Eshinegba, ushishi na ipfuase, ẹgbọ enayi Eshinegba, ni a rọ me asha ri ikueghie na oni ọ rọte alo ebili lu ẹ lasele bhale ákpá ni o somhotse oyọli.<sup>§</sup> <sup>10</sup> Eghẹghẹ ni o dọse aa kpe khi ẹgbọ eyi Eshinegba, ama memena, ẹgbọ eyi Eshinegba a ke khi, aa kpe mhọli ilelemhi na ẹ, ama memena Eshinegba ọ she mhọli ilelemhi na e.<sup>\*\*</sup>

### Ighumha eyi Eshinegba

<sup>11</sup> Emọle mhe, mhi lema e, ẹẹ abi epfese ni a la elemhi agbọ ona, a lase oghuemhe ni e khi eyi olamhe le, ni e mu okhọli ẹ vule shi isamhi eye ẹ ọ. <sup>12</sup> A kie ke ngeli ingeli enete elemhi ifuabo oyi ẹgbọ ni ẹa miesuo. Ini e tseku ẹ zẹ ẹ unu, e kie ke me ingeli enete ni a ngeli, ni e ke kuẹghie Eshinegba, ogbele ni ọ ya bhale deba awa.

### Iregbe-tiemhie na Iregbie ali Ega eyawa

<sup>13</sup> A ri itobọ Onomhẹ ke ri egbe ẹ tiemhie na eni ẹẹ mhesẹ nya ni a mu vule shi iteva ẹgbọ. Okekhi oghie ni ọ fune,<sup>14</sup> okekhi igovunọ ni oni oghie ọọ ghie ọ ke nase eni e pfido, ali e ke kuẹghie eni e riele onete. <sup>15</sup> Irari khi eri Eshinegba ọọ nono ni a pfi ẹgbọ okholo okpe unu, rọte angeli enete ni a ya ke ngeli. <sup>16</sup> A ke ngeli abi ẹgbọ ni ẹa mhọli ọzuode, ama a khi zudigba umha mhọli ọzuode oyeẹ ke ngeli ingeli ebe. A ke ngeli abi eni ẹẹ ga

Eshinegba. <sup>17</sup> A ke ri ekpe na ogbokpa. A nono ingme oyi ẹgbọ ni a ga rọ khi ena irudunga. A ke na ulishi oyi Eshinegba. A gbo mu ekpe ẹ na oghie.

<sup>18</sup> Eẹ ni a khi eni ẹẹ ga, a ri egbe ẹ tiemhi ekpe na eni e khi ega eye ẹ. Ọa khi ega ni eri opfomhe ngeli deba ẹ tse ama li shi eni ẹ ngeli angeli ni o ze deba e. <sup>19</sup> Eshinegba ọ ya khivose ne ini u ri egbe mie osoli anasemhe ni u wa kha me, itobọ khi u lese oghuemhe oyi Eshinegba. <sup>20</sup> Eleli onoghuo o la ọ ini ogbọ ọ me osoli shi umha-sueso ni ọ riele? Ama ini u wa me osoli shi onete ni u riele, ni u rọ ri egbe mie ọli, Eshinegba ọ ya khi vose ne shi ọ. <sup>21</sup> Irari onana Eshinegba ọ rọ lu e, abi iJesu ọ rọ me osoli na ẹ rọ ri angeli irokhokho shi ekpe na ẹ ni a ke deba. A rọsheka ke deba oni angeli. <sup>22</sup> Ọa lamhe olamhe okhoghuo, wekhi eri a me khi ọ ngme ungmehi egbhọli.<sup>††</sup> <sup>23</sup> Abi ẹgbọ e rọ tseku u tsue ọli, ọa tsue we shi ọ. Abi ọ rọ tseku me osoli ọa tsekha we. Ama eri ọ ri egbọli mhọli Eshinegba obọ, oni ọ guẹ so ẹzo shi ode igesikia.<sup>‡‡</sup> <sup>24</sup> IKirisiti lolighuo ọ tsua olamhe eyawa shi egbe je apfida, ini awa khi ghu eghuli olamhe, ama ni awa la agbọ igue-ngeli elemhi ipfuase. Utse ni a kuale ọli o ri awa ze.<sup>¶¶</sup> <sup>25</sup> Eri a kpe la agbọ abi osumha ni ọ waa, ama a she mu pfi deba Oni Orisumha-kia ni ọ khi oni ọ khekhe ayemhe ọ ye.<sup>§§</sup>

### Angeli oyi ikpotso ni e la ughẹ ali ọdọ wẹ

**3** Eẹ ni a khi ikpotso, a nyese ukhomhi na edo e, ishegho a khi me ongewe ni

<sup>¶</sup>2:8 Li zẹ Aza 8.14-15

<sup>§</sup>2:9 Li zẹ Okiali 19.5-6; Aza 43.20,21; iDeut 4.20; 7.6; 14.2; iTato 2.14; Aza 9.2

<sup>\*\*</sup>2:10 Li zẹ Osia 2.23

<sup>††</sup>2:22 Li zẹ Aza 53.9

<sup>‡‡</sup>2:23 Li zẹ Aza 53.7

<sup>¶¶</sup>2:24 Li zẹ Aza 53.5

<sup>§§</sup>2:25 Li zẹ Aza 53.6

o a mie ungmehi oyi Eshinegba suo, ni eni edo e ri itobo ekpe ni a mholi a na we ali angeli eyi e mu udu pfi, ini aa ke tseku ngme ungmehi unu lasela, \* 2 ini ee me angeli ipfuase ali angeli ekpe ni a ngeli. 3 Khi ze ni isomhotse oye o rote akhue idiegbe ri egbe khase, ni a la do itsu shi ukhomhi dolodolo, ali ena igolu isoso ali igbanjo itsua ni e somhotse.† 4 Ochogho, ze ni isomotse oye o khi ona ekelehi udu. Isomhotse ni o a ya taa, ni o khi ona ikuegbea ali ayemhe no pfomhe, ni o ghole Eshinegba ne nya. 5 Ina ikpotso eni elele ni e ri egbe da Eshinegba, e li ri egbe we shi isomotse, irari khi e nyese ukhomhi na edo we. 6 Abi iSera o li mu ekpe na odoli Aburaamu ramhi ni o ro lu oli, onomhuemhe. Imi oni iSera a khi, ini a da ngeli ingeli enete ne, ni aa ro da ze ni ulishi o mu e.‡

7 Igho, ee edo, a gue ke ngeli deba ihue e. A ri iwomhelo nu we ke ngeli. A lese khi ea mhu ekpabo abi ee. A gbo lese khi eni e nu e mholi okemhi shi isomhopfa oyi isomhelehi oyi Eshinegba ni o mholi agbo onogbo e li khi. A gue ri elo ke khu we, ini emhikhoghuo o khi zu iromhi oye ede.¶

### Ime-osoli shi onete iriele

8 Ozukhomhi ungmehi oyemhe khi, ee nya a mholi udu oghuo, a mholi ilelehi na egbe, a nono ingme egbe abi inyoghuo, a vie osoli ke na egbe, a ke ri egbe e tiemhile. 9 Khi ri onobe fata onobe. Ini ogbo o tsue e, khi tsue oli shi o, ochogho so iromhi onete na li. Itobo khi eri Eshinegba o lue ni u khi ogbo oyoli, ni u le ikhivose ugu. 10 Irari khi,

oni o da a nono ni loli me agbo li ali ni loli mholi ebubu ogbele enete, o khi ke ri elemhi oyoli ngme ingmemhi ebe, ali ingmemhi egbholi.

11 O mema ya me ingmobe na, oo riele onete. Oo mema ya ke nono opfomhe, o na khu oli.

12 Irari khi eri ukpeloe oyi Onomhue o la egbo eni e gue ngeli egbe, eso eyoli e khueghie-a shi iromhi ni e so, ama elemhi e ma bi Onomhue deba egbo okholo.§

13 Oghuo o ya ri emhi obe li e, ini onete iriele o mema ghole e? 14 Ama ini u tseku me osoli shi onete iriele, ikhivose o khi ne. "Khi na ulishi ogbokhoghuo."

15 Ama a rote eke elemhi udu oye ee rue iJesu abi Onomhue oye e. A ke mu egbe shi eke egheghekpa, ini ogbokhoghuo o ya mhila e emini irudushi oye e o migha nga, ni a gue oli ye we. Ama a ri ipfomhe-udu ali ekpe ke so we o.\*\* 16 Zobe ni udu oye o pfuase ishegho ni eni e ngme onobe shi angeli onete oye abi oni o deba iKirisiti, e me omama ingmemhi ipfueche ogbo-a eyewe. 17 Ini o ghole Eshinegba ni u ro me osoli shi itobo khi u riele onete, o ti dose khi u me osoli shi okholo ni u riele. 18 Irari khi iKirisiti o ghu-a shi olamhe oyi ogbokpa uto-ghuo kpe, ikhi loli ni o pfuase, o me

\*3:1 Li ze Efi 5.22; iKolo 3.18

†3:3 Li ze 1 iTimo 2.9

‡3:6 Li ze Igbae 18.12

¶3:7 Li ze Efi 5.25; iKolo 3.19

§3:12 Li ze Iwolo 34.12-16

\*\*3:15 Li ze iMat 5.10; Aza 8.12-13

osoli na ena umhapfuase, ni o ro rue awa bhale ghi Eshinegba. A gbe oli-a alo gbugbugbu, ama o la agbo elemhi ayemhe, a ri Ayemhe guise oli le bhale agbo. <sup>19</sup>Elemhi ayemhe ni o la, o ro vu ya tse abo usomhi onete oyi Eshinegba ye iyemhe ni e la owa ighumha. <sup>20</sup>Iyemhe ena e khi eni ea suo eso, abi Eshinegba o ro ri abo mu udu, ni iNoa o ro khali oko-oké oniemi se. Egbo etuolale kpele a pfuese elemhi oni ame.†† <sup>21</sup>Oni ame o migha shi ibatizi, ona o mie e pfuese memena. Oa khi ilese khue ichimhi idiegbe-a, ama, imholi udu ni o pfuase deba Eshinegba ni o tsumhi e rote irote eghuli guale oyi iJesu iKirisiti. <sup>22</sup>IJesu iKirisiti o she je iloghie, o shito epfe obo obita oyi Eshinegba, o mhesese e na igeni ali afu ali ekpabo ni e la idane.

#### Angeli ni o mu pfi

**4** Abi o ro khia khi iKirisiti o she me osoli idiegbe, a li mu egbe ni a li ya mholi angeli oghogho, irari khi oni o da ligho me osoli idiegbe ne, oa ke gbo mholi emini o ri olamhe e riefe. <sup>2</sup>Rote memena je odalo elemhi agbo oye, khi gbo ze ni oghuemhe idiegbe oye o mhesese ne, ochogho, ze ni u ke ngeli abi Eshinegba o li nono oli shi. <sup>3</sup>A she kpe pfuse ukpokpomhi eghoghe-a je ukhokho ro o riefe emini eni ea miesuo e riefe. A la agbo itsebo ilili, idokonyo, idonyo yesegbe-a, ali idobie, ali ikia-ye-ukue ke da onyo, ali ilitsa igaga. <sup>4</sup>Ama memena, abo e sha we khi aa ke nu we a riefe ikhiakhiamhi emini e e riefe, e ri itobo igho o tsue e. <sup>5</sup>Ama khi e mema ya gueye Eshinegba abi e li gbe, oni o ya gue egbo ezo, shi eni e lao ali eni e ghua. <sup>6</sup>Onana o ze ni a ro tse abo usomhi onete ye egbo ni e ghua, ni a ro gue we ezo abi a li ya gue

egbo na agbo ezo, ama eri e la elemhi ayemhe abi Eshinegba o la o.

#### Guere ukpeloe ke khu isomhopfa eyi Eshinegba

<sup>7</sup>Eghoghe ni agbo o ro ya pfo o she ti ramhi ana. Irarigho, a bino angeli bie ke ngeli ni a dofe toto obo iromhi isoso. <sup>8</sup>Oni o mema mu egbe ne nya khi, a nono ingme egbe e egbegbo, itobo khi eri inono oo khukhu olamhe ebubu.‡‡ <sup>9</sup>A ke mu egbe e epfese, ni awolo oa la. <sup>10</sup>Ogbo o ro ri isomhopfa ni o mhue ke kpaghie onuzava oyoli obo, o ri igesia ke ri eloe khu okhale oyi Eshinegba odekhode. <sup>11</sup>Ini ogbokhoghuo o mholi ungmehi ya ngme, o ke ngme ungmehi oyi Eshinegba. Onini o ya kpaghie ogbo obo, o ri itoto ni Eshinegba o ro na li riefe oli. Ni a ro bhale ya e khi a rote obo oyi iJesu iKirisiti ri ikuoghie na Eshinegba odekhode. Loli o mholi ufumhi ali ekpabo rote agbo agbo ya je agbo agbo. Atse.

#### Ime-osoli irari khi u miesuo

<sup>12</sup>Emole me abo e khi sha e shi omufe ni o toto ni a me, abine khi emini aa kpe me ghue a me. <sup>13</sup>A ri ochogho ke ghele khi a li nu iKirisiti me osoli ni o me. Eghoghe agho ni a mholi oghelé oniemi, ini a ri ufumhi oyoli khase. <sup>14</sup>Ini a ri itobo eva oyi iKirisiti e e tsue e, ikhivose o khi ne, irari khi Ayemhe oyi ufumhi ali oyi Eshinegba o nu e la. <sup>15</sup>Ini u me osoli, khi ze ni a bhale ya e khi itobo khi u gbe ugbeli ali itobo khi u do ighiato, wekhi angeli ikpamhika ali itashingme u ro me osoli. <sup>16</sup>Ama ini u wa me osoli abi oni o miesuo, khi ze ni omama o mu e, ama ke kuoghie Eshinegba irari khi u wa yemhe eva oyoli. <sup>17</sup>Irari khi eghoghe o she ramhi ni

††3:20 Li ze Igbae 6.1—7.24

‡‡4:8 Li ze Ekpi 10.12

iguezo o ro ya rote Owa oyi Eshinegba ya gbaekele. Ini o te awa egbe gbaekele, se o ke beshi ya li eni ea mie usomhi onete oyi Eshinegba suo egbe? <sup>18</sup> Abi Ebe-nopfuase o ngme o li khi, “Ini o ya munu ni a ro tsumhi ogbo ni o guē ē ngeli, se o ke bie ya li egbo okholo ni ea mhōli Eshinegba egbe?”<sup>¶</sup>

<sup>19</sup> Irarigho, eni ee me osoli, abi o li ghole Eshinegba shi, e ri egbe we mhōli Eshinegba ni o ma we ni o ze ri egbe e nga obo. E kie ke gbe ikanya enete.

### Ude ni a ye Egbhali ali ozele

**5** Mhi lolo ye e ude, ee ni a khi egbhali abi mhemhe mhi li khi ogbhali, ni mhi ri eloe me osoli ni iJesu o me, ni mhi gbo li ya mhōli okemhi shi ufumhi oyoli ini o nyene egbe bhale. <sup>2</sup> A ri eloe ke khu isumha eyi Eshinegba ni a ro nga e obo. O ga pfo e udu ke ri eloe khu we. Oa khi irari eleli ni u ya me o tse, ama abi ogbo ni o mhōli oghuemhe ugamhi oyi Eshinegba.<sup>§§</sup> <sup>3</sup> Khi ri itoto mhesē na egbo ni Eshinegba o ro nge obo, ochogho angeli o ye o khi irokhocho ni egbo ke deba. <sup>4</sup> Ini iJesu iKirisiti ni o khi Orelloe-khu isumha onofune o bhale, o ya ri arula oghie ni oa tigbe ya taa ne.

<sup>5</sup> Ee ezele, a li ligho nyese ukhomhi ke na egbhali. Ogbokpa o ke ti egbe oli tiemhi ekē, aa ga egbe e. Irari khi Ebe-nopfuase o ngme ghō khi. “Eshinegba o ma biselemhi

ogbo ni o ti egboli a nga, ama o khi e vose na eni e ti egbewe e tiemhile.”\*

<sup>6</sup> Irarigho, a ri egbe e tiemhile na ekpabo oyi Eshinegba ni e fune, ni o ti e nga idane ini o ramhi oni eghēghē. <sup>7</sup> A ze otoemhe eye e obo na Eshinegba, itobo khi o ya rue e o le.

<sup>8</sup> A bino angeli bie ke ngeli, aa tokpe, itobo khi obe e ni o khi okphaghie, o kia gasē abi odumhi ni o o khoshe, eri o nono oni o ya mu nyanō le. <sup>9</sup> Khi ze oli lo e le! Gbe lighi irudunga oye, itobo khi u lese khi eni e miesuo nabi yeye ni e la elemhi agbo ashakhasha e lili e me osoli enabi enana. <sup>10</sup> Ini u me osoli ukuku eghēghē se, Eshinegba na okhale nya, ni o rote iKirisiti lu e shi ufumhi oyoli na agboagbo, o ya riēle e ti dose abi o kpe li e egbe. O re toto, o mu e mhōli re gbelighi. <sup>11</sup> Ekpabo o khi oyoli agboagbo. Atse.

### Otse ni o kpukhokho

<sup>12</sup> ISalasi ni mhi ro shi inyoghuo ni o mhōli igesikia o nu mhe keke ebe ona. Eri mhi keke ebe ona ni oa nuē ghi e, ro ri udu shi e o ali ni a ro lese khi emiemini a rie me khi egbegbi okhale oyi Eshinegba na. A mu oli mhue gagaga.<sup>‡</sup>

<sup>13</sup> Egbo eni e miesuo ni a ze abi ee na eke iBabilo, ee tse e, li shi iMaki ni o limhe egbe abi omimhe.<sup>¶</sup> <sup>14</sup> A ke tse egbe e a ri inono ghele mu egbe. Opfomhe o ka nu ee nya ni a la elemhi iKirisiti la.

<sup>¶</sup>4:18 Li ze Ekpi 11.31

<sup>§§</sup>5:2 Li ze iJon 21.15-17

<sup>\*</sup>5:5 Li ze Ekpi 3.34

<sup>†</sup>5:6 Li ze iMat 23.12; iLuk 14.11; 18.14

<sup>‡</sup>5:12 Li ze Ika 15.22,40

<sup>¶</sup>5:13 Li ze Ika 12.12,25; 13.13; 15.37-39; iKolo 4.10; iFile 24

*Ebe onuzi-eva ni*

## **IPita**

*O kẹkẹ*

**1** Mhẹmhẹ iSamọ iPita ni mhi khi oghumha ali aghiusomhi na kẹkẹ oyi iJesu iKirisiti, mhi kẹkẹ ebe ona ghi eni e mhọli irudunga nabi oyi anye ni o mu ẹloe, ni a rọte angeli onete oyi Eshinegba ali iJesu iKirisiti Ọmiefuase rọ na wẹ.

<sup>2</sup>Okhale ali opfomhẹ o ka khi oyeẹ rọte ilẹsẹ ni a lẹsẹ Eshinegba ali iJesu Ọnọmhue oyawa.

### **Ulumhi ali uzẹmhi oyi Eshinegba**

<sup>3</sup>Itoto oyi Eshinegba o she ri emhikpa ni o ri awa ya ke la agbọ irudunga na awa, irari khi awa lẹsẹ ọni ọ ri ufumhi ali onete oyọli ti awa mama egbe. <sup>4</sup>Eni ekpabọ eniemhi ena ọ rọ rue isomhopfa ni e mu ẹloe ni ọ shobọ na awa. Ini a bhale ya ẹ khi irari eni isomhopfa ena awa mẹ asha na pfue epfua ni o la oghuemhẹ emhi agbọ, ni awa mhọli okemhi shi agbọ oyi Eshinegba.

<sup>5</sup>Irarighọ, rọsheka ri ingeli enete ma irudunga oye, gbo ri ilẹsẹ ma ingeli enete. <sup>6</sup>Ri iguẹ-regbekia she egbe ma ilẹsẹ, ri iregbemie ma iguẹ-regbekia shi egbe, ri angeli irudunga ma iregbemie, <sup>7</sup>ri isomhelemhi-inyoḡhuo ma angeli irudunga, ri inono ma isomhelemhi inyoḡhuo. <sup>8</sup>Irari khi ini u mhọli eni ingeli enana egbegbọ, e ya rẹ ke zaza, wa gbe akanya elemhi ilẹsẹ ni u lẹsẹ Ọnọmhue iJesu iKirisiti. <sup>9</sup>Ama ọni ọa da mhọli eni ingeli ena ne, ọa ya mẹ ekẹ nuata, eri ọ zẹ alo, ọ she yele-a khi Eshinegba ọ she kpẹ khuẹsẹ luẹ olamhẹ enedio-a pfuase.

<sup>10</sup>Irarighọ, inyoḡhuo-mhẹ, rọsheka ni uzẹmhi ali ulumhi oye o migha egbegbọ.

Ini u wa lighọ, waa ya tigbe dọ owẹ ekẹ-a wẹkhi eri u ya de. <sup>11</sup>Egheghe aghọ Eshinegba ọ ya khueghie ode Omhese oyi Ọnọmhue-a nẹ lo. Ikhi Ọnọmhue na agboagbo Ọmiefuase iJesu iKirisiti oyawa.

### **A ri esọ shi emini Ebe-no-pfuase o ngme**

<sup>12</sup>Mhi ya ke yele ẹ le eni ingme ena nya egheghe kpa. Ini a ririẹ kpẹ lẹsẹ wẹ, ni a migha gba elemhi igesikia ni a mhọli ena. <sup>13</sup>Mhi lẹsẹ khi o ti ni mhi yele ẹ eni ingme ena nya le, ini mhi da kie la agbọ. <sup>14</sup>IJesu iKirisiti Ọnọmhue oyawa ọ she rọ li khase mhẹ khi ogbeleye eyemhẹ ẹa ke bu, khi mhi kẹkẹ ya ghua. <sup>15</sup>Mhi ya rọsheka ri ingme ena nya shi ẹ odalo ni a ke sato ọ, ini mhi sọ ukhokho gbe.

### **Eni e ri ukpẹloe mẹ ufumhi oyi iKirisiti**

<sup>16</sup>Ọa khi okhẹ egbhọli anye regbengague ingme inyenegbe bhale oniemhi oyi iJesu Ọnọmhue ye ẹ. Alo eyanye anye rọ mẹ ufumhi oyọli. <sup>17</sup>Anye la aghọ ni Eshinegba ita ọ rọ ri ufumhi ali ekpẹ na li, ni uruli oyi Eshinegba ọ rọ rọte otughunu ni o gẹ nyanyanya ngme, ni ọọ, “Omimhẹ ni mhi nono ingme oyọli na, ọ ma ghọle mhẹ.” <sup>18</sup>Eri anye suọ khi oni ungmehi o rọte idane ngme tiemhile, abi anye rọ nu ọli la ukhomhi ute no pfuase.<sup>8</sup>

<sup>19</sup>Ighọ anye li mhọli iregbenga shi usomhi ni emekeguele e guele, khi egbegbọ lọ. O ma a ti ẹ egbe ini a ri esọ shi oni ungmehi, itobọ khi eri o li abi ákpá ni o la alo ebili ẹ gẹ nyagha, ramhi ni ogbe o rọ maghiẹ alo-a, ni imekẹ oyi ukpetata na obili-atso o rọ gẹ shi udu o ye. <sup>20</sup>Ozukhomhi oni ungmehi khi, a lẹsẹ khi ungmehi amẹguele okhọghuo ọa rọte ilẹsẹ oyi ọmekẹguele okhọghuo

<sup>8</sup>1:18 Li zẹ iMat 17.1-5; iMak 9.2-7; iLuk 9.28-35



bhale. <sup>21</sup> Irari khi ungmemhi ameguele okhoghuo ọa ri imelemhi oyi ogbo bhale ghue, ama Ayemhe-no-pfuase o la egbo egbe gbe akanya rewe gue usomhi oyi Eshinegba le.

### Ena Osese egbholi ali epfua oyewe

**2** Abi emekuele eyi egbholi e ke li la iteva eyi egbo iZireni, igho esese egbholi e ya li la e iteva. E ya tsua osese egbholi ni oo yese egbo-a lasela ke sese egbo, e ga kie Onomhue ni o de we, e ya ri epfua ni o kele ghi egbewe. <sup>2</sup> Igho ebubu e e li ya deba ode omama eyi itsebo eyewe, e ri omama shishi oni ode igesikia oyi iKirisiti-a. <sup>3</sup> E ya ri emhi ituegbe rue okhe egbholi lasela gueye e, ni e ro me asha di e mie ikpagho. Eshinegba o she so we ezọ se agboagbo, epfua oyewe o migha khe we ode.

<sup>4</sup> Irari khi ini Eshinegba ọa keshe igeni le abi e ro lamhe deba Eshinegba, ama o ku we lo ilimhi iriere, o ri iweghe ge we abo pfino kulo alo ebili migha khe ogbele iso-ezo. <sup>5</sup> Ini Eshinegba ọa pfuese agbo onodio, ama o ri ochikpho oniemhi pfuse oni agbo olamhe-a, se ni iNoa ni oo tse abo igue ngeli ali apfoli oshilua. <sup>\*\*</sup> <sup>6</sup> Ini Eshinegba o pfa ezọ mu iSodomu ali iGomora, khi o ri er-ali tose we ni e de emue-a, ni o rewe riele irokhokho abi o ya li egbo ni ea mholi Eshinegba egbe, <sup>††</sup> <sup>7</sup> ni o ro pfuese iLoti, omose ni o gue ngeli, ni egbo ena umhasuo-eso e ri ingeli ebe nase ayemhe. <sup>‡‡</sup> <sup>8</sup> Eri oni omose ona ipfuase onana o vie oya elemhi ayemhe oyoli egheghe kpa shi ingeli okhoro ni oo me ali ni oo gbolo suo. <sup>9</sup> Ini o khi igho, Onomhue o lese abi o lie tsumhi egbo oyoli elemhi imhesebino, ali o gbo li lese

abi o li ya pfi egbo okhoro lo anasemhe ramhi ogbele iso ezọ. <sup>10</sup> Tete egbo ni e deba oghuemhe idiegbe oyewe ni e ri ukpeloe gbe omheshe oyi Eshinegba.

E mholi igbedu obe ali ititiegbe. Ulishi ọa ya mu we ni e ro ri unu ghi igeni ro yese we-a. <sup>11</sup> Ama abotseku khia khi eni igeni ena e mholi ekpabo dose eni esese egbholi ena, ea ya yese we-a khase Onomhue. <sup>12</sup> Eri eni egbo ena ee pfi unu-a shi emini ea lese udi oli. Eri e li abi elamhako ni ea mholi egbhali ni a bia, ni a mu e gbolo le tse. Igho e li ya pfua abi elamhako. <sup>13</sup> Opfuse a ro ya fali we ota shi ode opfuse ni weweghuo e be na egbewe. Idobie ele uguota gboo, ee bino khi o khi agbo ilili, ni o ya khuese idiegbe oyewe. Egbo ebe e khi itobo khi ini e nu e le eminale inono kugbe egbo, eri e kiele e ngeli angeli efiala. <sup>14</sup> Alo efiala eyi okia, e ze shi ukhomhi, ikpotso ni e ya yemhe shi we o, e kia bino alo. Okiamhi olamhe ni oo gbe we ọa tigbe e mholi ukpese. Egbo ni udu oyewe ọa sheshe ee di kulo igha olamhe. E she wena emhi ituegbe shi udu. Elemhi itse eyi Eshinegba e la kia. <sup>15</sup> E she da egbegbo ode lase, e waso ode oyewe-a. E she deba ode oyi iBelamu omi iBeo vu ni o mholi ukpoko shi ukpagho ni o ya mie shi onobe ilili. <sup>16</sup> Ni akphere o dese shi angeli olamhe. Akphere ni o khia khi ọa kpe mholi ungmemhi ogbo shi unu, ni o ri uruli ogbo nu iBelamu ngme shi angeli ujili. <sup>¶¶</sup>

<sup>17</sup> Eri egbo ena e li abi oko ni o khakha-a, ali uza ni o bi abi amo ni akpepeli o pfiolo irarogbe kua. Eshinegba o she riele ilimhi iriere shi eke e khe we ni e la me osoli. <sup>18</sup> Eri ee ngme ingmemhi itono obo udu, ali ingmemhi ni e violo, ro re

\*\*2:5 Li ze Igbae 6.1—7.24

††2:6 Li ze Igbae 19.24

‡‡2:7 Li ze Igbae 19.1-16

¶¶2:16 Li ze iNoba 22.4-35

egbo sato oghuemhe idiegbe oyewe, ni e ba di we nyene egbe je olamhe. Ikhi egbo ni e lese rote ifuabo eyi egbo ni e la agbo egbholi pfue. <sup>19</sup>E shobo epfua na we, ama wewe ni e shi oni obo onana, e khi ighumha angeli epfua. Irari khi oghumha ogbo o khi shi emini o da mhesa na ayemhe oyoli. <sup>20</sup>Irari khi, ini egbo e she da rote oyese ni o la agbo pfue ne itobo khi e lese iJesu iKirisiti Onomhue, ni e ro gbo ri egbewe na emhi agbo geno ne, ikpukhokho oyewe o ke kholo dose igbaekele oyewe. <sup>21</sup>O khatine ini ea bie kpe lese ode ipfuase oyi Eshinegba lo, khi e lese oli se, e tigbe sokhokho gbe ode ipfuase oyi Eshinegba ni a ro na we. <sup>22</sup>Emini o li we o rokhase khi ekpita ona khi igesikia lo, ni oo, “Awá o mu egbe nyene gbo ya le ekpa ni o kpa shi eke. Agulu ni a kpe khuase-a se, o gbo mu egbe nyene je igbolo ya pfue.”<sup>§§</sup>

### Onomhue o nyene egbe e bhale

**3** Emolemhe, ebe onuzi-eva ni mhi keke e ghi e na, eri mhi ri ebe eva ena ya guise e le ali ni a ro mholi isamhi eni e te ode. <sup>2</sup>A sato ingmemhi ni emekeguele ni e pfuase e ngme ni o she tese, ali omhesa ni Onomhue Omiepfuese oyawa o mhesa rote obo ighiusomhi na ke eyawa.

<sup>3</sup>Onodode, a lese khi ogbele ni e kpukhokho, egbo ni e ri ungmehi oyi Eshinegba a li egia e ya lasele. Ee li egia ee ri ele oghuemhe idiegbe oyewe. <sup>4</sup>E ya

ke lie, “Igha ibhale ni o shobo khi loli ya bhale mena? Abi ititawa e te ghuloo, emhikpa e kiele e je odalo abi e li rote igbaekele agbo la o.” <sup>5</sup>Eri e famhi roli shi ie-eso-a, khi rote ungmehi oyi Eshinegba a te ma idane, ni a ro gbo rote ame ri ame ma eke agbo. <sup>†</sup> <sup>6</sup>Ama, eni ame ena a gbo ro ri ochikpho pfuse egbo na agbo onodio-a. <sup>‡</sup> <sup>7</sup>Ama agbo ali idane ni e kie la o ogbe-namo, Eghiele oyi Eshinegba a ro rewe migha rewe e khe opfue oyi erali. Eri a ze we obo o khe ogbele iguezo ni a ro ya pfuse egbo okholo-a.

<sup>8</sup>Emolemhe, a khi yelemhi oghuo-a khi, eri ogbeleghuo o li abi ogbele agbele, ogbele agbele o li abi ogbeleghuo ukpeloe oyi Eshinegba. <sup>§</sup> <sup>9</sup>Oa khi eri Eshinegba o ti egbe e je ukhokho shi emini o ro shobo, abi egbo eghuo e lie sa khi ini emhi oo ti eke eri o wu eke-a egho. Eri o mema mholi irabomudu na e, itobo khi oa nono ni ogbokhoghuo o pfua, ama ni ogbokpa o te agbo olamhe mu nyene.

<sup>10</sup>Ama eri ogbele oyi Onomhue o ya bhale abi ibhale oyi oghiat. Oni ogbele, eri idane o ya ri okeke oniemhi kele-a udemhija. Erali oniemhi o daghie emini e la idane nya kua. Eke ali emhikpa ni e la o kala-a. <sup>\*\*</sup>

<sup>11</sup>Aborokhia khi a ya lina pfuse emhi nya ena, uwali egbo enabise a kha ke fe khi? A kha ke la agbo ipfuase ali agbo Eshinegba, <sup>12</sup>abi a li ri eloe shi eke e khe ogbele oyi Eshinegba, ni awa ke ri ele emini o ya roli bhale pia, ali ogbele ni a ya ri erali pfuse idane-a erali oniemhi o daghie emini e la idane-a nyaa. <sup>13</sup>Ama

§§2:22 Li ze Ekpi 26.11

\*3:3 Li ze iJu 18

†3:5 Li ze Igbae 1.6-9

‡3:6 Li ze Igbae 7.11

†3:8 Emini a ri onana ngme khi Eshinegba oa deba eghenge gbe akanya.

§3:8 Li ze Iwolo 90.4

\*\*3:10 Li ze iMat 24.43; iLuk 12.39; 1 iTesa 5.2; Iro 16.15

emini Eshinegba ọ rọ shobọ, awa migha a khe, ikhi iloghie ali eke agbo onogbo, ni o khi apfe igue-ngeli.<sup>††</sup>

<sup>14</sup> Irarigho, eẹ emole mhe, abi a li ri eloe shi eke e khe oni ogbele ena, a ze ni a bhale ya e e shi ingeli ni ea mholi ichimhi ali umhaguekia, ali a la opfomhe. <sup>15</sup> Ri oli shi udu khi irabomudu ni Onomhue ọ mholi na awa, khi, ni ọ ba ri eghẹghẹ na awa mholi imiepfuese lo, ezeze abi inyoghuo awa iPolu ọ kpe li keke oli shi ebe ghi e abi Eshinegba ọ li ri oni ileasingme na li. <sup>16</sup> Ina ọ kie lie keke oli shi ebe, ini ọ da a ngme eni ingmemhi

ena ne. Ebe ni ọ keke e tsua ingme eghuo ni e lolo e munu irọlo-ogbo-eso, ni egbo ni ea mholi ilese ali igesikia e kholo e mano, abi e lie khi ma ingmemhi elese ni e la Ebe-no-pfuase ni o ya ri epfua ghi we.

<sup>17</sup> Irarigho, emolemhe, abi a ke ro lese onana egho, a mu egbe e ini a khi ya deba ode egbholi oyi egbo ena umhasuoso, ini a khi rote iguemigha oye e de. <sup>18</sup> Ama mena awa ke fu shi okhale ali ilese ni awa lese Onomhue Omiepfuese oyawa ikhi iJesu iKirisiti. Loli a ri Ufumhi a na agboagbo. Atse!

---

<sup>††</sup>3:13 Li ze Aza 65.17; 66.22; Iro 21.1

*Ebe onodode ni*

## IJoni

*O keke*

### Ungmemhi ni o mhõli agbõ

**1** Anye keke ungmehi oyi õni õ ri agbõ õ na õgbõ ghi e, õni õ rote igbaekele la õ. Anye she suõ õli, anye ri alo eyi anye me õli, anye bino õli, anye gbo ri abõ eyi anye ti õli.††<sup>2</sup> Abi õni õ ri agbõ õ na õgbõ õna õ rõ feli lasele, anye me õli, anye gbo li pfi õtsele shi õni agbõ na agbõagbõ õna. Lõli õ nu Ita la, ni a rokhasẽ anye.¶¶<sup>3</sup> Emini anye me ni anye suõ, anye gbo liẽ gueye e, isheghõ ni awa kugbe nu Ita ali Omi õli iJesu iKirisiti la. <sup>4</sup>Eri anye keke õna ni oghẽle oyawa õ gba pfo.

### Okiali elemhi ákpá

<sup>5</sup>Onana khi usomhi ni anye rote obo oyi Omi õli suõ, ni anye gue e ye e khi, Eshinegba khi ákpá, obili okhõghuo õa fe la li egbe kpa. <sup>6</sup>Awa kha guele khi awa nu õli la kugbe ni awa rõ kie la elemhi alo ebili e kia, egbhõli awa lo, awa aa la agbõ igesikia. <sup>7</sup>Ama ini awa la elemhi ákpá a kia, abi lõli õli la elemhi ákpá, õna o rokhasẽ khi awa nu õli la kugbe, isheghõ õlia eyi iJesu Omi õli, e khuẽse awa olamhe-a pfuase. <sup>8</sup>Ini awa guele khi awa aa mhõli olamhe, egbawa awa a di, awa aa mhõli igesikia. <sup>9</sup>Ama ini awa zõõõ olamhe eyawa ye Eshinegba ni õ ri igesikia riẽle emhikpa; õni õõ riẽle emini o te ode õ khi, õ ya ri olamhe eyawa topfa awa, õ khuẽse awa umha-pfuase egbe-a nya. <sup>10</sup>Ini awa e khi awa aa lamhe, eri awa ri Eshinegba

mele õlo-egbhõli-a. Ungmemhi oyõli õa la agbõ oyawa.

### IKirisiti, õkpaghiobõ oyawa

**2** Eniye eyemhe, ee mhi keke ebe ona ghi, ini a khi lamhe. Ama, ini a bhale ya e khi õgbõkhõghuo õ lamhe, awa mhõli õni õ nu Ita a ngme khe awa shi eke. Lõli khi iJesu iKirisiti õni õ pfuase. <sup>2</sup>Lõli õ khi iluasobo ni a rõ shishi olamhe eyawa-a, õa khi eyawa tse ama olamhe eyi egbõ kpa.

<sup>3</sup>Ini awa ri omhesẽ eyõli e gbe akanya, lõli awa rõ ya lese gboõ khi awa lese õli. <sup>4</sup>Eni liẽ khi wewe e lese õli ni ea ri omhesẽ eyõli e gbe akanya, elo-egbhue e khi, ea mhõli igesikia. <sup>5</sup>Ama õnini õ da ri ungmehi oyõli da gbe akanya ne, inono oyi Eshinegba o gba shi õli egbe. Ina awa li ya lese khi awa ali Eshinegba khi õghuo awa khi. <sup>6</sup>Eni e da liẽ khi wewe e kugbe Eshinegba õ ne, e mema ya ke ngeli abi iJesu iKirisiti õ liẽ ngeli.

### Ushi onogbõ

<sup>7</sup>Emõle mhe, õa khi omhesẽ olese mhi keke e ghi e, ama onodiõ lõ, ikhi õni a rote igbaekele rõ na e. Oni omhesẽ onodiõ õna o khi õni usomhi ni a she kpẽ suõ.¶¶<sup>8</sup> Aboriẽkhi ighõ, omhesẽ onogbõ mhi keke e ghi e, irari khi a me igesikia oyi õni omhesẽ õna iJesu egbe, a gbo me õli agbõ oyẽ. Itobõ khi obili o she e kalaa, õni ákpá oyi igesikia o she e ge. <sup>9</sup>Õnini õ da liẽ khi lõli la elemhi ákpá ni õõ biselemhi inyõghuo õli ne, elemhi alo obili õ kie la. <sup>10</sup>Õnini õ da nono ingme oyi inyõghuo õli ne, elemhi ákpá õ la, emhikhõghuo õa la li egbe ni o rõli ya khi owe. <sup>11</sup>Ama õnini õ da biselemhi inyõghuo õli ne, alo obili õ la, alo obili õ

††1:1 Li zẽ iJõn 1.1

¶¶1:2 Li zẽ iJõn 1.14

¶¶2:7 Li zẽ iJõn 13.34

la kia gasë. Oa lëshë obini oq je, irari khi obili o she zuse oli alo.

<sup>12</sup>Mhi këkë ebe ona ghi e eniyë, itobò khi a she ri olamhë topfa e itobò eva oyi iKirisiti.

<sup>13</sup>Mhi këkë ebe ona ghi e, eë ita, itobò khi a she lëshë oli, oni o røte igbaekële la o.

Mhi këkë ebe ona ghi e ozele, itobò khi a she mu

Oni o khi Oqbo-øbe o le.

Mhi këkë ebe ghi e eniyë,

itobò khi a she lëshë oni Ita.

<sup>14</sup>Mhi këkë ebe ghi e, eë ita,

itobò khi a she lëshë oli,

oni o røte igbaekële la o.

Mhi këkë ebe ona ghi e ezele,

itobò khi a mhòli ekpabò,

ali khi ungmehi

oyi Eshinëgba o la

elemhi oye e,

ali khi a she mu

Oni o khi Oqbo-øbe o le.

### Agbò ona o khi ghòle e dōsë

<sup>15</sup>Agbò ona o khi ghòle e dōsë, wëkhi emhikhoghhuo ni e la o. Ini oqboqkhoghhuo o mhòli oghuëmhë na agbò, inono oyi Ita o la agbò oyoli. <sup>16</sup>Irari emhikpa ni e la elemhi agbò, ni e khi, oghuëmhë olamhë idiegbe, emini ukpëloe o vië shi, ali itipfuabò-nga shi emini o mhòli ali ni o dōbë e riëlë. Okhoghhuo ena nya e a røte obò oyi Ita bhale, ama agbò ona e te bhale. <sup>17</sup>Oni agbò ona ali emini e la o ni eë ghòle egbò e she e dōsë, ama eni e riëlë oghuëmhë oyi Eshinëgba e ya la o agbòagbò.

### Eni eë khòli iKirisiti

<sup>18</sup>Eniyë, ukpëse agbò o she ti bhale! A she gueyë e khi oni o khòli Omiepfuese o ya bhale, memena eni eë khòli Omiepfuese ebubu e she bhale agbò. Onana

awa rø ya lëshë khi ukpëse agbò o she ti bhale. <sup>19</sup>Eni egbò ena e a mema kie kpë khi eyawa, loli o zë khi e røte awa iteva vu. Ini e kie kpë khi eyawa lo, e kha migha. Ama eri uvumhi oyewë o rokhasë khi e a ku ma awa o.

<sup>20</sup>Ama Omiepfuese, Oni o pfuasë o she zë e, irarighò a she lëshë igesikia. <sup>21</sup>Oa khi itobò khi aa lëshë igesikia mhi rø këkë ebe ona ghi e, ama itobò khi a lëshë igesikia, a gbo lëshë khi egbhòli o a røte igesikia a lasële.

<sup>22</sup>Mena, oghuo o khi olo-egbhue? Oni oq khi iJesu o a khi oni Omiepfuese, loli o khi Obe vule shi Omiepfuese o, loli o kie Ita ali Omò. <sup>23</sup>Aa më oqboqkhoghhuo ni o kie Omò ni o mhòli Ita. Oni o da mie-obò shi Omò o, o li mhòli Ita.

<sup>24</sup>Zobë ni emini u røte ekë suò o kie lë egbe. Ini o lighò kie lë egbe, u ya li kie nu oni Omò ali Ita la kugbe. <sup>25</sup>Emini o shobò na wa na, ikhi agbò na agbòagbò.

<sup>26</sup>Ingme eyi egbò eni e nono ni wewë e yeshë e da odë mhi këkë e ghi e. <sup>27</sup>Ama eë oye e, ekpabò Ayemhë nò pfuasë ni a mie, o kie la e egbe, irarighò, aa ke khi eni a seshë. Ama eri Ayemhë oyoli oq seshë e emhikpa, ikhi emini e khi igesikia ni e a khi egbhòli. A ri oseshë oyi Ayemhë ke gbe akanya, a kie nu oli la kugbe.

### Imi Eshinëgba

<sup>28</sup>Mena, eniyë, a kie kugbe oli o. Isheghò ini o feli lasële, awa mhòli igbedu ni omama o a mu awa odalo oyoli, ini o nyenë egbe bhale.

<sup>29</sup>Ini u lëshë khi iKirisiti khi oni o migha shi ipfuasë o khi, lëshë khi oni o riëlë emini e te odë Omi Eshinëgba o khi.

**3** A bino abi inono ni Ita awa o nono awa o li fu ramhi, ni a rø bhale ya e khi àa lu awa imi Eshinëgba! Ni o khia khi ighò awa khi! Emini o zë khi egbò na agbò e a lëshë awa khi, e a lëshë

Eshinegba. \* <sup>2</sup> Emole mhe, imi Eshinegba awa khi, ama, awa aa lese ne, abi awa ya li, ama awa lese khi ini iKirisiti o lasele, awa ya li abi loli, irari khi awa ya me oli abi o li tee. <sup>3</sup> Ogboƙpa ni o da mholi irudushi ona ne, oo mholi oni oghumhe ni o ro khi oni o pfuase abi iKirisiti o li pfuase.

<sup>4</sup> Onini o da lamhe ne, eri o gbe ushi oyi Eshinegba-a, irari khi olamhe, igbushi oyi Eshinegba-a o khi. <sup>5</sup> Ama u lese khi eri iKirisiti o bhale ni o ya rue olamhe eyawa vu, ali khi olamhe o la li egbe. <sup>†</sup> <sup>6</sup> Irarigho, ogboƙpa ni o nu oli la kugbe, o ya lamhe ke le. Onini o kie da la olamhe ne, o a fe me oli ghue wekhi eri o lese oli.

<sup>7</sup> Eniye, a khi ze ni ogboƙhoghuo o di e ya de ode-a. Oni o da rielle emini o te ode ne, o pfuase, ezeze abi iKirisiti o li pfuase. <sup>8</sup> Onini o da rielle emhi olamhe ne, oyi Okphaghie o khi. Irari khi te-ekẹ vu, okphaghie o te e lamhe. Emini o ze ni Omi Eshinegba o ro feli bhale khi, ni o ro me asha pfueche ikanya eyi okphaghie-a. <sup>9</sup> Ogboƙpa ni o da khi Omi Eshinegba o ya lamhe, irari khi ukpamhi oyi Eshinegba o la li egbe, e a ya lamhe irari khi Eshinegba o khi Ita we. <sup>10</sup> Onana o ri ikhioda shi iteva imi Eshinegba ali imi Okphaghie. Enieni e a da rielle emini o te ode ne ali ni e a mholi inono na egboese ne, e a khi imi Eshinegba.

### A nono ingme oyi egbe e

<sup>11</sup> Onana o khi usomhi ni a rote eke suo. Ikhi, awa nono ingme oyi egbe awa. <sup>‡</sup> <sup>12</sup> Khi li abi iKeni ni o khi oyi Ona Okholo, ni o gbe Ebeli inyoghuo oli-a. Elo o ze ni iKeni o ro gbe oli-a? Irari khi

emini oni iKeni oo rielle, e a gbe akanya, ama emini inyoghuo oli oo rielle e khi eni e pfuase. <sup>¶</sup> <sup>13</sup> Irarigho, o khi sha e abo, inyoghuo-mhe eni emose ali eni ikpotso, ini egbo na agbo e a ti elemhi e. <sup>14</sup> Awa lese khi awa she te eghuli laselle je agbo, itobo khi awa nono ingme oyi inyoghuo awa. Onini o a da mholi inono ne, elemhi eghuli o kie la. <sup>§</sup> <sup>15</sup> Onini o da biselemhi inyoghuo oli ne, ogbo-ugbeli o khi. U lese khi ogbo-ugbeli o a mholi agbo oyi Eshinegba shi agbo oyoli.

<sup>16</sup> Ina awa lie lese emini inono o khi. Eri iJesu iKirisiti o ri agbo oyoli bhale, ni e pfuse-a, shi itobo oyawa. Awa kha li rue agbo oyawa li shi eke na inyoghuo awa. <sup>17</sup> Ini ogbo o mholi epfue, ni o ro me khi inyoghuo oli o mholi emini o to oli, ni o a ro mholi ilelemhi na li, see o li dobe ya lie khi loli mholi inono oyi Eshinegba? <sup>18</sup> Eniye, a khi ze ni awa ri ungmehi ali elemhi ke rielle inono, ama awa ri irielle ali igesikia ke ri inono khase. <sup>19</sup> Ini awa nono ingme oyi egboese, awa lese khi igesikia awa la kia, awa mholi udu opfomhe odalo oyi Eshinegba. <sup>20</sup> Abi eni e miesuo, ini udu oyawa o pfa ezo mu awa, awa lese khi Eshinegba o fu dose udu oyawa, ali khi o lese emhikpa. <sup>21</sup> Irarigho, emole mhe, ini udu oyawa o a da pfa ezo mu awa ne, loli awa ro mholi igbedu odalo oyi Eshinegba. <sup>22</sup> Emiemini awa da mhila kpa, awa te obo oyoli ya mie oli, itobo khi awa ri ishi eyoli e gbe akanya ali khi awa a rielle emini e ghole oli. <sup>23</sup> Emini o mhesa na awa khi, awa mie Omi oli iJesu iKirisiti suo, ali awa nono ingme oyi egbe, ezeze abi iKirisiti o li mhesa na

\*3:1 Li ze iJoni 1.12

†3:5 Li ze iJoni 1.29

‡3:11 Li ze iJoni 13.34

¶3:12 Li ze Igbae 4.8

§3:14 Li ze iJoni 5.24

awa. \*\* 24 Eni e ri omhese oyi Eshinegba a gbe akanya, eri wewe ali Eshinegba e ga kugbe, Eshinegba o li kugbe we o. Itobo Ayemhe ni Eshinegba o ro na awa, awa ro lese khi awa kugbe Eshinegba o.

### Ke mu Iyemhe fe bino

**4** Emole mhe, a khi mie shi iyemhe nya o, ama mu we fe bino ni a me ini obo oyi Eshinegba e te bhale. Irari khi emekeguele eyi egbholi ebubu e she fie lasese shi agbo ona. <sup>2</sup>Ina a li ya lese ini Ayemhe oyi Eshinegba lo: Ayemhe nya ni o da lama khi iJesu iKirisiti o she bhale abi ogbo ne, oyi Eshinegba lo. <sup>3</sup>Ama ayemhe nya ni o da mie-obo shi iJesu o ne, o ro te obo oyi Eshinegba bhale. Onana o khi ayemhe oyi oni o kholi Omiepfuese, ni a su o khi o o bhale, o she ga la elemhi agbo memena. <sup>4</sup>Ama enayi Eshinegba a khi, imi mhe, a she gbo mu emekeguele eyi egbholi o le, irari khi Ayemhe ni o la e egbe o fu dose oyi oni o la elemhi agbo. <sup>5</sup>Elemhi agbo eni emekeguele eyi egbholi egbo e ro te lasese, ingmemhi agbo ee ngme, irarigho egbo agbo e ro mie shi emini ee ngme. <sup>6</sup>Ama enayi Eshinegba awa khi. Onini o da lese Eshinegba, loli o ri eso o shi emini anye e ngme. Oni o da khi oyi Eshinegba ne, o ya ri eso shi emini anye e ngme. Ina awa lie lese ikhoda ni o la Ayemhe igesikia ali ayemhe egbholi.

### Eshinegba inono o khi

<sup>7</sup>Emole mhe, a ze ni awa nono ingme egbe, irari khi obo oyi Eshinegba inono o te bhale. Oni o da mholi inono, Eshinegba o khi itali ali khi o lese Eshinegba. <sup>8</sup>Ogbo ni o da mholi inono ne, o la lese Eshinegba, irari khi Eshinegba khi inono. <sup>9</sup>Eri Eshinegba o ri Omi oli otughuo kpe ni o ghie bhale

agbo ro ri inono ni o mholi na awa khase, ini awa a ro te obo oyoli mholi agbo. <sup>10</sup>Onana o khi egbegbi inono, o a khia khi eri awa nono ingme oyi Eshinegba, ama eri o nono ingme oyawa, loli o ze ni o ro ghie Omi oli bhale ni o ro luase obo ro shishi olamhe eyawa. <sup>11</sup>Emole mhe, ini o khia khi ina Eshinegba o li nono awa, awa li nono ingme egbe awa. <sup>12</sup>Ogbokhoghuo o me Eshinegba ghue, ama ini awa nono ingme egbe awa, Eshinegba o la agbo oyawa, ali khi, inono oyoli o o gbe akanya ni o nono ni loli gbe agbo oyawa. ††

<sup>13</sup>Awa ga lese khi Eshinegba o la agbo oyawa, irari khi o she ri Ayemhe oyoli na awa. <sup>14</sup>Ali khi awa me, awa gbo pfi otsele khi Ita o ghie Omi oli ni o ro khi Omiepfuese oyi agbo. <sup>15</sup>Ini ogbokhoghuo o mie shi o khi Omi Eshinegba iJesu o khi, Eshinegba o la agbo oyoli, loli o li la elemhi Eshinegba <sup>16</sup>Ishegho, awa lese, awa gbo mie shi inono ni Eshinegba o mholi na awa.

Inono Eshinegba o khi, eni e la agbo inono e nu Eshinegba la kugbe, Eshinegba o li nu we la kugbe. <sup>17</sup>Ina inono oyoli o lie gbe akanya ni o nono ni loli gbe agbo oyawa, ni awa ro mholi igbedu ogbele iguezo, irari khi eri awa li abi loli ekagbo ona. <sup>18</sup>Ulishi o la inono. Ama eri inono ni o gba pfo, o o khu ulishi fie, irari khi eri egbo ee na ulishi Eshinegba itobo khi o ya na we osoli. Oni o o na ulishi o a gba pfo elemhi inono.

<sup>19</sup>Eri awa mholi inono, itobo khi loli o kpe nono ingme oyawa. <sup>20</sup>Ini ogbokhoghuo o o lie, "Mhi nono ingme oyi Eshinegba," ama o kiele e biselemhi inyoghuo oli, oloegbhue o khi. Irari khi ogbo ni o da nono ingme oyi inyoghuo oli ni o o me eloe, o a do be ya nono ingme oyi Eshinegba ni o a me eloe ghue.

\*\*3:23 Li ze iJon 13.34; 15.12,17

††4:12 Li ze iJon 1.18

<sup>21</sup> Omhese ni iKirisiti o ro na awa na: Eni e nono ingme oyi Eshinegba nya, e mema li nono ingme oyi inyoghuo we.

### Imuole ni awa mu agbo o le

**5** Onini o da mie shi o ne khi iJesu o khi oni iKirisiti Omiepfuese, Omi Eshinegba o khi, Onini o da nono ingme oyi Ita ne, o li nono ingme oyi omi oli. <sup>2</sup> Abi awa lie lese khi awa nono ingme oyi imi Eshinegba khi, ini awa nono ingme oyi Eshinegba, ni awa gbo ro ri omhese oyoli gbe akanya. <sup>3</sup> Ini awa nono ingme oyi Eshinegba egbegbo, awa mema ya ri omhese oyoli gbe akanya. Ama omhese eyoli ea ya mu unu irogbe-akanya.<sup>‡‡</sup> <sup>4</sup> Itobo khi ogbokpa ni Eshinegba o bia, loli o dobe ya mu agbo o le, irudunga oyawa o khi oni imuole. <sup>5</sup> Oghuo o dobe mu agbo oo le? Se ni ogbo ni o miesuo khi, iJesu khi Omi Eshinegba.

<sup>6</sup> Ona khi iJesu iKirisiti ni o bhale, rote iri-ame-batazi, ali rote oia ikushieke abi o ro ghua. Oa khi rote ame tse, ama li shi oia ni o ku shi eke abi o ro ghua. Ayemhe o pfi otsele shi o, irari khi oni Ayemhe oyi igesikia lo. <sup>7</sup> Irari khi otsele ese e la o. <sup>8</sup> Ayemhe, ame, ali oia. Eni otsele ese ena unu oghuo ee ngme. <sup>9</sup> Otsele oyi agbo awa mie e suo, ama otsele oyi Eshinegba o toto ne. O she pfi otsele shi ingme oyi Omi oli <sup>10</sup> Irarigho, ogbokpa ni o mie Omi Eshinegba suo nya, o mholi otsele onana shi udu oyoli. Ama oni oa mie Eshinegba suo, eri o roli shi olo-egbholi, itobo khi oa mie shi emini Eshinegba o ngme shi ingme oyi Omi oli. <sup>11</sup> Oni otsele o khi Eshinegba o she ri agbo na agboagbo na awa. Oni agbo ona o la obo oyi Omi oli.<sup>¶¶</sup> <sup>12</sup> Irarigho,

oni o da kugbe Omi Eshinegba o ne, loli o mholi oni agbo oyi Eshinegba ona. Oni oa da kugbe Omi Eshinegba o ne, oa mholi agbo oyi Eshinegba.

<sup>13</sup> Mhi she keke emhikpa shi elemhi ebe ona ghi e, ni a mie iJesu Omi Eshinegba suo, ni a ro mholi oli shi udu khi a mholi agbo oyi Eshinegba. <sup>14</sup> Igbeudu ni awa a mholi ini awa la odalo oyi Eshinegba a so iromhi khi, awa lese khi egheghe kpa ni awa ro mhila li emhikhoghuo abi o ghole oli shi, eri oo suo awa o. <sup>15</sup> Irarigho, abi awa ro da lese khi oo suo awa ini awa da mhila emhi ne, awa lese khi awa she mholi emini awa mhila li.

<sup>16</sup> Ini ogbokhoghuo o me khi inyoghuo oli oo lamhe olamhe ni oa ri eghuli gbe ogbo, o lema na li, khi Eshinegba ya ri agbo nali. Eni olamhe oyewe e khi olamhe ni ea ri eghuli gbe ogbo mhia ngme. Olamhe o la o ni o ri eghuli e gbe ogbo. Oa khi olamhe eghoghoh mhi e lema shi. <sup>17</sup> Umha-gueli kpa, olamhe o khi. Ama olamhe o la o ni oa ya ri eghuli gbe ogbo. <sup>18</sup> Awa lese khi oni Eshinegba o bia, oa ya lamhe olamhe, irari khi eri Omi Eshinegba o khukhu oli, ini Okphaghie o khi dobe li oli onobe. <sup>19</sup> Awa lese khi imi Eshinegba awa khi, ali khi Okphaghie o mhese e na egbo nya ni ea lese Eshinegba. <sup>20</sup> Awa gbo lese khi Omi Eshinegba o she bhale elemhi agbo, ali khi o she ri ilese ni awa ro lese oni egbegbi Eshinegba. Ali khi awa kugbe oni Eshinegba ni o khi igesikia o, igho awa gbo li kugbe iJesu iKirisiti ni o khi Omi oli o. Lolighuo kpe o khi egbegbi Eshinegba, ali oni agbo na agboagbo. <sup>21</sup> Eniye eyemhe, a mu egbe e. A khi mholi emini e ku e ali litsa gbe.

<sup>‡‡</sup>5:3 Li ze iJon 14.15

<sup>¶¶</sup>5:11 Li ze iJon 3.36



*Ebe onuzi-eva ni*

## IJoni

### O keke

**1** Mhemhe ogbhali na igbaa oyi eni e mie iJesu iKirisiti suo mhia keke ebe ona ghi e.

Yeye okpotso ni Eshinegba o ze ali imi e, ni mhi nono ingme oyewe mhi keke oli ghi. Oa khi mhemheghuo tse mhi nono ingme oyee, li shi eni e lese igesikia. <sup>2</sup>Eri anye nono ingme oyee, itobo igesikia ni o la anye egbe, ni o kie ya la anye egbe agboagbo. <sup>3</sup>Mhi lema Eshinegba Ita ali iJesu iKirisiti Omioli e ri okhale ali ilelemhi ali opfomhe na awa elemhi igesikia ali inono.

<sup>4</sup>Egbe ma mu mhe gba abi mhi ro suo ingme oyi imi e eghuo, ni e la angeli ode oyi Eshinegba, ni ee rielee emini e ghole Ita. <sup>5</sup>Irarigho, nokpotso, onana oa khi omheso onogbo ni mhia yele e le, ama oni awa rote eke lese lo. Eri mhi awa nono ingme egbe awa. <sup>6</sup>Inono ni mhia ngme khi awa mema ya ke ri omheso oyi Eshinegba gbe akanya. Oni omheso abi ee nya a she li suo li rote eke vu khi, ee nya a mema la angeli inono.

<sup>7</sup>Ebubu egbo ni e di egbo e she lasela shi asha kpa elemhi agbo, ni ee lie khi iJesu iKirisiti oa li abi ogbo li bhale agbo. Egbo enana nya, egbo elo-egbhue e khi, e gbo khi eni ee kholi Omiepfuese.

<sup>8</sup>Irarigho, a mu egbe e ini emini awa gbe akanya a shi o khi de awa obo-a, ama ni awa khi eni a somhopfa gba pfo.

<sup>9</sup>Mhi gueye e khi onini oa da mu emini iKirisiti o sese mhue, ni o da o, oa mholi Eshinegba. Ama onini o da mu emini iKirisiti o sese mhue ne, o mholi Eshinegba Ita ali Omioli. <sup>10</sup>Irarigho, ini ogbokhoghuo o bhale debe ni o ro tsua osese olese ni oa khi onana bhale, khi ze oli lo owa oye le, khi ga fe mholi ikpaghiobo shi oli oni osese. <sup>11</sup>Onini o da mholi ikpaghiobo shi oni ogbo oghogho osese ne, eri o kugbe oli o, ni e ga rielee oni okholo.

### Ungmemhi ni o kpukhokho

<sup>12</sup>Mhi ga mholi emhi ebubu ni mhi kha keke ghi e, ama mhi aa nono ni mhi keke we shi ebe. Eri mhi ya ri ochogho bhale ya bino e, ishegho ni awa me egbe imi-alo nu egbe ngme. Ni oghela oyawa o vo. <sup>13</sup>Imi inyoghue ni okpotso ni Eshinegba o ze, ee tse.

§§1:5 Li ze iJon 13.34; 15.12,17

*Ebe onuzi-esẹ ni*

## IJoni

### O keke

**1** Mhemhe ni mhi khi ogbhali.\*  
Mhia keke ebe ona ghi omole mhe iGayusi ni mhi nono ingme oyoli egbegbo.

<sup>2</sup>Omole mhe, mhi so iromhi ne, Eshinegba o ka re ze, ali emhikpa e ke je odalo ne onete abi ayemhe oye o lie je odalo shi o. <sup>3</sup>Egbe ma mu mhe gba abi eni anye ga miesuo eghuo e ro bhale ya bino anye, ni e ro guele khi u ma mu igesikia mhue ali khi u kiele e ngeli angeli igesikia. <sup>4</sup>Emhese ea la o ni o remhe e ghele, abine khi ini mhi suo khi imi mhe e la angeli igesikia.

<sup>5</sup>Omole mhe, u ga ri igesikia riela emhi ebubu ro kpaghie inyoghuo awa ni awa ga miesuo obo, abi e ririe khi epefe. <sup>6</sup>Eni egbo e she gue ingme inono oye ye igbaa oyi eni e mie iJesu iKirisiti suo ni o la akana. Kpekpe kpaghie we obo ni e dobe ri oni okiali ke je odalo abi o li ghole Eshinegba. <sup>7</sup>Itobo oni Eva ona, e ro vu oni okiali ona, ni o khia khi ea lama mie eni ea mie Eshinegba suo ikpaghiobo. <sup>8</sup>Irarigho, awa egbo eyi iKirisiti, awa khi eni e mema ya kpaghie eni egbo eghoghoho obo, ni awa kugbe we o gbe oni akanya, shi igesikia.

<sup>9</sup>Mhi keke ebe ghi igbaa oyi eni e mie iJesu iKirisiti suo ni o la eoli oye, ama iDiofisi ni o kie keke ligho nono ni loli ralo na eni igbaa oyi eni e mie iJesu iKirisiti suo, oa lama ri emini mhi gueye oli gbe akanya. <sup>10</sup>Irarigho, mhi kha bhale, mhi ya guele emini o riela le gboo. Abi o lie gue anye ezo, ni o lie kiemo eghohi ma anye. Ogho oa ga bu oli, ama oa gbo lama mie apfowa ni awa ga miesuo. Eri o ga khu egbo ni e nono ni wewe e mie we shi owa ya fie igbaa oyi eni e mie iJesu iKirisiti suo.

<sup>11</sup>Omole mhe khi ke khonya angeli obe, ama khonya eminete. Oni o da riela eminete ne, Omi Eshinegba o khi. Onini o da riela onobe, oa lese Eshinegba.

<sup>12</sup>Ogbokpa oo ngme onete oyi iDemetiriusi. Egbegbi angeli igesikia oyoli o gbo pfi otsele na li. Anye gbo ri otsele oyanye ma o. A lese khi otsele oyanye khi igesikia o khi.

### Otse ni o kpukhokho

<sup>13</sup>Emhi ebubu e la o ni mhi kha keke ghi e, ama mhi aa nono ni mhi keke we shi ebe. <sup>14</sup>Mhi sa khi mhi ya keke bhale ya me, ni awa me egbe imialo nu egbe ngme. <sup>15</sup>Opfomhe o ka nu e la. Emole e ni e la oola, ee tse e. Kpekpe tse emole anye nya ni e la oobo, otuoghughuo.

\*1:1 Li ze Ika 19.29; iRom 16.23; 1 iKori 1.14

*Ebe ni*

## **iJudu**

*Ọ keke*

**1** Mhemhe iJudu ni mhia ga iJesu iKirisiti, ni mhi gbo khi inyoghuo iJemhisi mhi keke ebe ona.<sup>†</sup>

Eni Eshinegba Ita o ze, ni o nono ingme oyewe, ni a ri akhukhu oyi iJesu iKirisiti khukhu, mhi keke oli ghi.

<sup>2</sup> Ilemhi ali opfomhe ali inono ni e gbeku o, e ka khi oyee.

### **Epfa oyi egbo esese egbholi**

<sup>3</sup> Emole mhe ni awa ga a ga Eshinegba, o mema ghole mhe ni mhi keke ingme imiepfuese ni awa mholi shi ebe ghi e, ni mhi ro me khi o mu egbe ne ni mhi ri ebe ya ri udu shi e o, ni a dobe gbelighi shi oni irudunga ni Eshinegba o ro nga egbo eyoli obo agboagbo kpa. <sup>4</sup> Oni irudunga o she la okhena, irari khi egbo ni ea ya na ulishi Eshinegba e she kuma awa o ni awa aa lese. Eni e mu ilelemhi oyi Eshinegba nyene, khi eri o ri egheghe na we e ro ke li itsebo. E kie iJesu iKirisiti ni o khi Oga ali Onomhue oyawa. O she tese ni Ebe-no-pfuase o ro kpe te eke ngme oli khi eni e ya pfua ele iguezo e khi.

<sup>5</sup> Irari khi ini a ririe kpe kie lese ena nya, mhi kie gbolo e yele e le khi Onomhue o rue egbo eyoli rote eke iJipiti lasele, ama, elelese, o pfuse eni ea lama miesuo ni e la we iteva-a.<sup>‡</sup> <sup>6</sup> A sato khi igeni ni ea mu omhese ni a ro na we mhue, ni e lase ashini a re we shi-a. Eri o rewe shi obili, o ri iweghe na agboagbo ge we, o rewe e khe iguezo ona ogbele ni

o fune ni a la ya pfuse we a. <sup>7</sup> A sato khi igbo egbo iSodumu ali iGomora ali eni e la eoli ni e mama we e li i ngeli, ni e ro ku abo lo itsebo ali ighue ebe imumu. Eri a na we osoli na agboagbo, ro re we riele irokhokho, ro tse agua ye egbo kpa.<sup>¶</sup>

<sup>8</sup> Igho eni egbo ena, e li la elena ni o rewe lamhe ri ichimhi mu egbe we, e ri ukpeloe gbe omhese oyi Eshinegba, e tigbe gbo me igeni na idane bie. <sup>9</sup> Egbebi ageni ni o fune nya ni a lu iMakieni o fa gbudu ri ungemmi imebie pfueche Okphaghie-a, abi e ro khe olimhi oyi iMosisi, ama eri o lese lie, "Onomhue o kie e."<sup>§</sup> <sup>10</sup> Ama eri eni egbo ena e kie pfi itsue e manya egbo shi emini ea ririe lese udi oli. Eri e li abi elamhako ni ea ya sa. Angeli obe oyewe o ze ni e ro pfua. <sup>11</sup> Epfa e ya pfua! Ode oyi iKeni e rote, eri itobo ukpagho ri egbewe ni ode ni o gbe akanya de abi oni iBelamu o riele. E nga engo, abi iKora o li nga engo, ni o ro li pfua. <sup>\*\*</sup> <sup>12</sup> Egbo ukhimhi elemhi e khi ini e nu e la ukue ni a la le eminale inono. E ri umha a na omama ali ulishi, e ro nu e a le eminale. Egbewe tse, e so eminale e shi idi. Eri e li abi uza ni akpepeli o tsua kia. Eri e li abi era okase ni ea ya mo idumhi, ni a vu a pfia, e khakha. <sup>13</sup> Eri angeli oyewe o ri egbe a kase abi ofulu oke onimhi ni akpepeli o tsughuse. Eri e li abi ikpetata ni e kele-a, ni Eshinegba o ri obili ni o limhi shi eke e khe agboagbo.

<sup>14</sup> Agbhotu ishilua, Enoki o khi ini a rote Adamu leli oli, ayemhe o ro ngme ingme angme-shi-ekpe oyi egbo ena, ni o la lie, "Ghe khi Onomhue o g bhale, loli ali igeni agbele agbele eni e pfuase eyoli, <sup>15</sup> ni o ro bhale ya gue ogbokpa ezo, ni

<sup>†</sup>1:1 Li ze iMat 13.55; iMak 6.3

<sup>‡</sup>1:5 Li ze Okiali 12.51; iNoba 14.29-30

<sup>¶</sup>1:7 Li ze Igbae 19.1-24

<sup>§</sup>1:9 Li ze iDan 10.13,21; 12.1; Iro 12.7; iDeut 34.6; iZaka 3.2

<sup>\*\*</sup>1:11 Li ze Igbae 4.3-8; iNoba 22.1-35; 16.1-35

o rọ pfa ẹzọ mu ẹgbọ ebe nya shi ingeli ebe ni e ri ode obe ngeli, ali ingmemhi ebe ni e toto ni ẹgbọ ebe e ngme deba li.”<sup>16</sup> Ẹgbọ awọlọ ali eni ẹẹ mẹ umhaguẹli oyi ogbọ e khi, oghuẹmhe obe oyi egbewẹ ẹ deba, e ri unu ẹ nyanọ ifẹlẹ shi osomhi rọ ti egbewẹ nga. E ri ikhomhi akọ ẹ titi ẹgbọ, ini o ba mẹ asha ti wẹ egbe.

### Itse-agua ali Ude

<sup>17</sup> Ama emole mhe, a sato emini ighiusomhi na keẹ eyi iKirisiti Onomhue e ngme shi eke. <sup>18</sup> Ee gueye ẹ khi, “Ogbẹlẹ ikpukhokho, ẹgbọ ni e ri ẹgbọ ẹ li egia, ni e ya ke deba oghuẹmhe ebe eyewẹ e ya la o.”<sup>††</sup> <sup>19</sup> Eni ẹgbọ ena ẹẹ pfi okemhi shi ẹ iteva. Isamhi agbọ, ni udu oyewẹ o gueye wẹ, ẹẹ deba. Eẹ mhọli Ayemhe oyi Eshinegba.

<sup>20</sup> Ama ẹẹ emole mhe, a ke sese egbe ẹ ode irudunga ni o pfuase. A ke lema

elemhi Ayemhe-ṅo-pfuase<sup>21</sup> A la elemhi inono oyi Eshinegba abi a li migha a khe ilelemhi oyi iJesu iKirisiti Onomhue oyawa ni o re ẹ bhale agbọ na agboagbọ.

<sup>22</sup> Le elemhi eni e mhuẹ akhokhomhe shi irudunga oyewẹ. <sup>23</sup> Tsumhi ẹgbọ ni ẹẹ nono ni wewẹ e mie iwali osese egbhọli suo abine khi u wa ti ogbọ erali lasese, lelemhi egbọese ni e nono ikpaghiobo. Ama mu egbe ẹ ini e khi yese li de pfilo olamhe eyewẹ.<sup>‡‡</sup>

### Iromhi ikuẹghie

<sup>24–25</sup> Awa ri ikuẹghie na Eshinegba Otsumhi oyawa itobo iJesu iKirisiti Onomhue oyi awa! Lọli o dobe ya mu ẹ mhọli ini u khi de, ni o re pfuase, re ẹ ghele odalo oyọli ni o mhọli ufumhi. Eshinegba, lolighuo o fute ni a ri ufumhi, ekpe, ekpabo ali omhese ẹ na, neni a mẹ igbaekẹle agbọ, ghe memena, ali agboagbọ. Atse.

<sup>††</sup>1:18 Li ze 2 iPit 3.3

<sup>‡‡</sup>1:23 Abi a li keke ona shi elemhi iGiriki khi. ‘Khi mhọli emini u ri itsua ni idiegbe olamhe e ri ichimhi a mu li.’

## Irokhase

Ni iJoni o keke

### Ikhueghie ungmehi-a

**1** Ebe ona a keke imekeguele oyi iJesu iKirisiti shi ni Eshinegba o ro nali ni e khi emini a ya me ni ode oa ke nue, ni o rote obo oyi ageni rokhase iJoni oni oo ga oyoli. <sup>2</sup>IJoni o pfi otsele shi emhi nya ni o me ni o khi ungmehi oyi Eshinegba ali otsele oyi iJesu iKirisiti. <sup>3</sup>Ikhivose o khi na ogbo ni o ya ze ingmemhi eyi imeguele ena, ikhivose o li ya khi na ogbo ni o suo we, ali oni o ri emini a keke shi o gbe akanya, irari khi oni egheghe ni a ro ya me eni emhi enana nya o she ti bhale. <sup>4</sup>IJoni o ri otse ghi igbaa nya eyi eni e mie iJesu iKirisiti suo ishilua ni e la eke Esha.

Okhale ali opomhe o ka khi oyee rote obo oyoli, Oni o khi loli, ni o kie kpe khi loli, ni o kie gbo ya bhale. Iyemhe ishilua ni e migha odalo ukpekhomhi oyoli e li e tse e.<sup>¶</sup> <sup>5</sup>Li shi iJesu iKirisiti ni o khi otsele ona igesikia, oni o te odode mu eghuli o le, ni o mhesa na ighie na agbo, o li ri otse ghi e.<sup>§§</sup>

Loli ni o nono ingme oyawa, ni o ri o lia eyoli rue awa olamhe eyawa le, <sup>6</sup>o she ri awa khi ighie ali ekpodalo-ugamhi eyi Eshinegba ni e ke ga Eshinegba oyoli ali itali. Ufumhi ali ekpabo e khi eyoli agboagbo ya je agboagbo! Atse.\*

<sup>7</sup>A ghe i, o ya la elemhi otughunu ke bhale,

ukpeloe nya e ya me oli,  
ghe egbo ni e sono li iwere.  
Egbo nya na eke agbo  
e ya vie oya irari oyoli.  
Igho o ya li! Atse.<sup>†</sup>

<sup>8</sup>“Mhemhe mhi khi Aafa ali Omega.”  
Eshinegba Onomhue Nofune nya o ngme  
gho, Oni o khi loli, ni o kie kpe khi loli,  
ali ni o ya bhale.<sup>‡</sup>

### Oni o li abi Omi ogbo

<sup>9</sup>Mhemhe iJoni ni mhi khi inyoghuo e ni awa ga me osoli, ni awa ga mholi obo shi omhesa ali ni awa kuegbe-a regbemie itobo iJesu. Abi mhi ro la eke ni i la iteva oke oniemhi ni a lu iPatimosi irari ungmehi oyi Eshinegba ali otsele oyi iJesu. <sup>10</sup>Ayemhe o tiemhile shi mhe o ogbele oyi Onomhue, mhi suo uruli na leghe nabi akala ukhokho oyemhe. <sup>11</sup>Oni uruli oo, “Keke emini u me shi ebe, ni u rue oli ghi igbaa nya eyi eni e mie iJesu iKirisiti suo ishilua eni e la eoli Efesosi, ali iSimirina ali iPagamu ali iTiatira ali iSadisi ali iFiladefia ali iLaodisha.” <sup>12</sup>Mhi mu egbe nyene ni mhi me uruli ni o nu mhe e ngme. Abi mhi ro nyene egbe, mhi me ikhuli igolu ishilua ni a ri ikpa ru e nga. <sup>13</sup>Ifui eni ikhuli ni a ri akpa ru e nga, mhi me ogbo, “Ni o li abi Omi Ogbo.”<sup>¶</sup> O so itsua na dogo ni e ramhi oli imekene awe, ni o ri ugbhogbho igolu mu aye. <sup>14</sup>Ukhomhi ali itsu eyoli ee pfuase abi afuolu, ee pfuase pepere abi otughunu opfopfo, ikpamhi alo eyoli e li abi elemhi erali. <sup>15</sup>Awe eyoli e ge nyagha abi akhuli ide. Uruli oyoli oo de limhilimhi abi ikhoshe oyi utumhi oke nofunu ni o rote ikhomhi

<sup>¶</sup>1:4 Li ze Okiali 3.14; Iro 4.5

<sup>§§</sup>1:5 Li ze Aza 55.4; Iwolo 89.27

\*1:6 Li ze Okiali 19.6; Iro 5.10

<sup>†</sup>1:7 Li ze iDan 7.13; iMat 24.30; iMak 13.26; iLuk 21.27; 1 iTesa 4.17; iZaka 12.10; iJon 19.34,37

<sup>‡</sup>1:8 Li ze iRom 1.17; Iro 22.13; Okiali 3.14

<sup>¶</sup>1:13 Li ze iDan 7.13

eche tu e tiemhile.<sup>§\*\*</sup> <sup>16</sup>Obita oyoli o mu ikpetata ishilia mhuē, itakobi ozalo eva o rote unu oyoli lasele. Alo eyoli e ga nyanyanya abi ovo o khueghie unu-a. <sup>17</sup>Abi mhi ro me oli, mhi de yeshi oli awe abi oni o she ghu-a. Ama o ri obita oyoli nga mhe egbe, oo mhe, “Khi na ulishi, mhemhe mhi khi Onodode ni mhi khi oni o kpe ukhokho.”<sup>††</sup> <sup>18</sup>Mhemhe mhi khi Oni o la agbo, Mhi kpe ghua, ghe khe khi mhi la agbo agboagbo. Mhi mu okpe eghuli ali ilimhi mhuē obo.

<sup>19</sup>“Irarigho, keke emini u me, emini aa me mena, ali emini a ya me ini oo denē. <sup>20</sup>Osheli oyi ikpetata ishilia ni u me mhe obita ali ikhuli igolu ishilia ni a ri ikpa ru e nga na. Eni ikpetata ishilia wewe e khi eni igeni ena igbaa oyi eni e mie iJesu iKirisiti suo ishilia, eni ikhuli ikpa ishilia e khi igbaa nya eyi eni e mie iJesu iKirisiti suo ishilia.

### Ebe ni a keke ghi igba eni e miesuo ena eoli Efesosi

**2** “Keke enana ghi ageni na igbaa oyi eni e mie iJesu iKirisiti suo ni o la eoli Efesosi: Enana e khi ingmemhi eyi oni o mu ikpetata ishilia mhuē obita, ni oo kia ifuabo eyi ikhuli igolu ni a ri ikpa ru e nga. <sup>2</sup>Mhi lese onete ni aa rieleshi ali itotobo gbe akanya oye ali iregbemie oye e. Mhi lese khi aa ya so egbo okholo shi iteva oye e, ali khi a she mu egbo ni e lu egbewe ighiusomhi na kepe fe bino, a me khi egbholi ee lo. <sup>3</sup>A she mhuē iregbemie, a ri egbe mie omunu irari eva oyemhe, aa ti egbe je ukhokho. <sup>4</sup>Ama mhi mholi ona ya gue shi e egbe,

khi a she kie inono ni a te eke mhuē. <sup>5</sup>A sato ashini a ti nga ramhi elemhi ayemhe ni a te de. A mu pfi, ni a rieleshi emini a kpe te eke e rieleshi gbo ke rieleshi. Ini aa mu pfi, mhi ya bhale deba e ya wolokhuli ni a ri ikpa ru e nga eye e ashini e la le. <sup>6</sup>Ama a mhuē onete ona ni a rieleshi. Eri angeli eyi egbo iNikolaita e kpashe e, ni o khia khi e lili e kpashe mhe. <sup>7</sup>Oni o ze eso, o ro suo abi Ayemhe o gue e ye igbaa oyi eni e mie iJesu iKirisiti suo nya.<sup>‡‡</sup> Oni o da mu o le ne, mhi ya lama na li ni o le ukpamhi ora oyi agbo ni o la Apfe oyi Eshinegba ni o la iloghie.

### Ebe ni a keke ghi igba eni e miesuo ena eoli iSimirina

<sup>8</sup>“Keke enana ghi ageni na igbaa oyi eni e mie iJesu iKirisiti suo na eoli iSimirina.”<sup>¶¶</sup>

“Enana e khi ingmemhi eyi oni o ralo ni o gbo kpe ukhokho, ni o ghu-a ni o gbo bhale agbo. <sup>9</sup>Mhi lese osoli ali umhamē oye, ama a mholi epfue. Mhi lese ungmemhi opfueche ni egbo ni e lu egbewe iJu ni ea khi, e ro o pfueche e-a, no khia khi egbo owa ugamhi oyi okphaghie e khi. <sup>10</sup>A khi na ulishi osoli ni oo bhale na e. A ghe i, okphaghie o ya pfi eghuo lo oga ighumha ni a mu e fe bino, a ya nase e ogbele igbe. A mu irudunga oye mhuē ramhi eghuli, eghēghē agho, mhi ya ri arula oghie agbo na e. <sup>11</sup>Oni o ze eso, o ro suo abi Ayemhe o gue e ye igbaa oyi eni e mie iJesu iKirisiti suo nya. Oni o da mu o le ne, eghuli ni uzeva oya ya ramhi oli egbe.”<sup>§§</sup>

§1:15 Li ze Ezik 1.24; 43.2

\*\*1:15 Li ze iDan 7.9; 10.6

††1:17 Li ze Aza 44.6; 48.12; Iro 2.8; 22.13

‡‡2:7 Li ze Igbae 2.9; Iro 22.2; Ezik 28.13; 31.8

¶¶2:8 Li ze Aza 44.6; 48.12; Iro 1.17; 22.13

§§2:11 Li ze Iro 20.14; 21.8

**Ebe ni a keke ghi igba eni e  
miesuo ena eoli iPagamu**

<sup>12</sup>“Keke ona ghi ageni na igbaa oyi eni e mie iJesu iKirisiti suo na iPagamu.

“Enana e khi ingmemhi eyi oni o mholi itakobi ozalo-eva ni o lolo e mu. <sup>13</sup>Mhi lese ashini a la, ikhi ashini okphaghie o ri ukpekhomhi oyoli shi. Ama a kie mu eva oyemhe mhue. Aa kie irudunga ni a mholi na mhe. Gbo li shi egheghe oyi Atipasi, ni o khi otsele oyemhe ni o migha shi igesikia, ni a gbe-a shi ifu apfe oye ashini okphaghie o ngeli. <sup>14</sup>Ama mhi mhue ikuku ingme shi e egbe. A mholi egbo eghuo iteva oye ni e mu ose oye iBelamu mhue. Loli o sese oghe iBalaki o di egbo iZireni lo olamhe. Eri o gueye we e le eminale ni a ro luase obo na ikhumhi ali e ke ku itsebo.\* <sup>15</sup>Igho a gbo mhue egbo ni e mu ose oye iNikolaita mhue. <sup>16</sup>Irarigho, a mupfi. Ini o a khi igho, mhi ya kele bhale ya ri itakobi ni o la mhe unu nu we kholi. <sup>17</sup>Oni o ze eso o ro suo abi Ayemhe o gueye igbaa oyi eni e mie iJesu iKirisiti suo nya. Onini o da mu o le, mhi ya ri ibuledi eghuo ni a ro sheli na li le. Mhi gbo li ya ri eche opfopfo na li ni a keke eva onogbo shi, ni ogbo okhoghuo o a lese, se ni ogbo ni o mie oni echeli.†

**Ebe ni a keke ghi igba eni  
e miesuo ena eoli iTiatira**

<sup>18</sup>“Keke ona ghi ageni na igbaa oyi eni e mie iJesu iKirisiti suo na eoli iTiatira: Enana e khi ingmemhi eyi Omi Eshinegba ni o mhue ikpamhi alo ni e ge

abi elemhi erali, ni awe eyoli e li abi ide. <sup>19</sup>Mhi lese ikanya eye e, abi a li mholi inono ali irudunga ali abi a li ga egbe e ali iregbemie ni a mholi. A gbolo e riela memena dose abi a te eke li. <sup>20</sup>Ama mhi mhue ingme onana ni mhi ya gue shi e egbe. A mie oni okpotso iJezebe ogbo lama, oni o lu egboli omekeguele. Rote ose oye oye o te di eni e ga eyemhe ya lo itsebo, ni e gbolo a le eminale ni a ro luase ikhumhi.‡ <sup>21</sup>Mhi she ri egheghe na li ni o ro mupfi lase itsebo eyoli le, ama o a ghole oli. <sup>22</sup>A ghe i, mhi ya ri ughuamhi pfi oli gbe she ukpho osoli, mhi ya pfi egbo ni e nu oli kia okia lo osoli, se ni e mupfi lase ode okholo oyoli le. <sup>23</sup>Mhi ya ri eghuli gbe imioli, egheghe agho eni igbaa nya eyi eni e mie iJesu iKirisiti suo e ya lese khi mhemhe khi oni o bino udu ali isamhi eyi ogbo. Mhi ya fali e ota abi ogbogbo o li gbe.¶

<sup>24</sup>“Ama ee ni e kpole shi eoli iTiatira ni ea lama mu ose eyi iJezebe mhue, ni aa lama wena owena eyi okphaghie ni ee lu osheli ni e limhi, mhi aa ya khi omhese olese nga e ike. <sup>25</sup>A lese mu emini a mholi mhue obo egbegbo ya ramhi ni mhi ro ya bhale. <sup>26</sup>Oni o mu o le, ni o ri oguemhe oyemhe gbe ya ramhi ukpese, mhi ya ri ishishi nali ke mhese shi. <sup>27</sup>‘O ya ri akhuli mhue obo ke mhese na we, o ya guoghwo we-a abi a lie ma ekhe.‡ <sup>28</sup>O ya mholi afu onabi mhi rote obo oyi Itamhe mie. Mhi gbo ri ukpetata anukpesumegie na eluzogbe na li.

<sup>29</sup>“Oni o ze eso, o ro suo abi Ayemhe o gueye eni igbaa nya oyi eni e mie iJesu iKirisiti suo.

\*2:14 Li ze iNoba 22.5,7; 31.16; iDeut 23.4; iNoba 25.1-3

†2:17 Li ze Okiali 16.14-15; 16.33-34; iJon 6.48-50; Aza 62.2; 65.15

‡2:20 Li ze 1 Ighie 16.31; 2 Ighie 9.22,30

¶2:23 Li ze Iwolo 7.9; iJere 17.10; Iwolo 62.12

§2:27 Li ze Iwolo 2.8-9

**Ebe ni a keke ghi igba eni  
e miesuo ena eoli iSadisi**

**3** “Keke ona ghi ageni na igbaa oyi eni e mie iJesu iKirisiti suo na eoli iSadisi.

“Enana e khi ingmemhi eyi oni o mu iyemhe ishilua eyi Eshinegba ali ikpetata ishilua mhue. Mhi lese ikanya eye. A mholi eva onete abi ezeze khi a la agbo, ama eri a ghua. <sup>2</sup>A guale ni a zese emini o kpo e le-a ni e nono ni e ghua. Irari khi mhi me ikanya eye khi ea gba pfo odalo oyi Eshinegba oyemhe. <sup>3</sup>A ri itobo igho sato emini a she mie ni a suo, a ri oli gbe akanya, a mupfi. Ama ini aa da guale, mhi ya bhale abi oghiat, aa ya lese eghenge ni mhi ro ya bhale na e. <sup>4</sup>Abi o kie li ena, a kie mhue egbo eghuo eoli iSadisi ni ea ri ichimhi mu itsua eyewe. E ya so itsua epfopfo nu mhe kia, irari khi e te o. <sup>5</sup>Oni o mu o le, igho o li ya so itsua epfopfo. Mhi aa ya shishi eva oyoli ebe ni a keke eva oyi eni e ya mholi agbo na agboagbo shi-a. Ama mhi ya ngme ingme oyoli le khasa itamhe ali igeni eyoli. <sup>6</sup>Oni o ze eso, o ro suo emini Ayemhe o gueye eni igbaa oyi eni e mie iJesu iKirisiti suo nya.

**Ebe ni a keke ghi igba eni e  
miesuo ena eoli iFiladefia**

<sup>7</sup>“Keke ona ghi ageni na igbaa oyi eni e mie iJesu iKirisiti suo na eoli iFiladefia. Ena e khi ingmemhi eyi oni o pfuase, ni o khi igesikia, ni o mholi okpe oyi iDefidi. Oni o kha khueghie-a, ogbo oa la o ni o dobe ya khukhu, oni o kha khukhu, ogbo oa dobe khueghie-a. <sup>8</sup>Mhi lese

ikanya eye e. A ghe i, mhi she khueghie ode-a shi eke na e, ni ogbo oa dobe ya khukhu. Mhi lese khi ukuku itoto a mholi, abotseku khi igho, a kie ri ungmemhi oyemhe e gbe akanya, aa tigbe kie eva oyemhe. <sup>9</sup>A ghe i, mhi ya ri eni e la owa ugamhi oyi okphaghie ni e lu egbewe iJu ni o kha khi egholi e lo, bhale ya nyese ukhomhi shi e ufuete ni e lese khi mhi nono ingme oyemhe. <sup>10</sup>Irari khi a ri omhese oyemhe gbe akanya ni o gueye e a ri irabomudu ri egbe mie, mhi ya rue e imufe le, ni oo bhale eke agbo nya. Imufe ni o ya mu egbo na agbo nya fe bino. <sup>11</sup>Mhi ya kele bhale. Mu emini u mholi mhue toto, ini ogbokhoghuo o khi mie e arula oghie oye. <sup>12</sup>Oni o da mu o le ne, mhi ya roli khi oche elemhi Owa ugamhi oyi Eshinegba oyemhe. Oa ya tigbe rote agho vu. Mhi ya keke eva oyi Eshinegba oyemhe shi oli egbe, li shi eva oyi eoli oyi Eshinegba oyemhe ni o khi iJerusalemu onogbo, ni o rote Eghiele oyi Eshinegba oyemhe e tiemhile ali eva onogbo oyemhe. <sup>13</sup>Oni o ze eso, o suo emini Ayemhe o gue e ye eni igbaa oyi eni e mie iJesu iKirisiti suo nya.

**Ebe ni a keke ghi igba eni e  
miesuo ena eoli iLaodisha**

<sup>14</sup>“Keke ona li ghi ageni na igbaa oyi eni e mie iJesu iKirisiti suo na eoli iLaodisha. Enana e khi ingmemhi eyi Atse, ni o khi otsele oni o ze ri egbe e nga, ni o khi igesikia, oni o mhese e na emini Eshinegba o ma nya. <sup>15</sup>Mhi lese ikanya eye e khi, aa mhue utomhi wekhi eri a pfo. O kha ti ini a khi oghuo o lo. <sup>16</sup>Irarigho, itobo khi a rimhe, ni aa

\*\*3:3 Li ze iMat 24.43-44; iLuk 12.39-40; Iro 16.15

††3:5 Li ze Okiali 32.32-33; Iwolo 69.28; Iro 20.12; iMat 10.32; iLuk 12.8

‡‡3:7 Li ze Aza 22.22; iJobu 12.14

¶¶3:9 Li ze Aza 49.23; 60.14; 43.4

§§3:12 Li ze Iro 21.2; Aza 62.2; 65.15

\*3:14 Li ze Ekpi 8.22



ro to wexhi eri a pfo, mhi ya rote unu oyemhe to e pfa. <sup>17</sup> Irari khi a lie, 'Mhi pfue, mhi she ti epfue ma, mhi aa ke mhue emini o to mhe.' Ama aa lese khi egbo eyemhe a khi, eni a vie osoli e na, ena umhame, ni e khi ezalo ali ebanoa. <sup>18</sup> Irarigho, mhia ye e ude ni a nu mhe de elomho ni a ri erali nye-a ini a mele eni e pfue-a, ni a mholi itsua epfopfo ni aa so, ni a ro khukhu irumheba omama eye e. Ni mhi ri ogugu na e vi shi alo ni a ke me eke. <sup>19</sup> Egbo ni mhi nono ingme oyewe, mhi ya dese, mhi gbo sheshe we shi ode, irarigho a mhue omuegbe ni a mu nyene. <sup>†</sup> <sup>20</sup> A ghe i! Mhi migha ode mhia kpheli obo o, ini ogbokhoghuo o suo uruli oyemhe ni o ro khueghie-a na mhe, mhi ya lo le, mhi nu oli le, o nu mhe le. <sup>21</sup> Oni o mu o le, mhi ya lama na li ni o nu mhe shito ukpekhomhi oghie oyemhe, ezeze abi mhemhe mhi li mu o le ni mhi nu Itamhe shito ukpekhomhi oghie oyoli. <sup>22</sup> Oni o ze eso, o ro suo emini Ayemhe o gueye eni igbaa nya eyi eni e mie iJesu iKirisiti suo."

### Ugamhi na iloghie

**4** Abi mhi ro me ena dose se, mhi ke gbo me imeke olese. Mhi me khi ode o khueghie-a shi iloghie, mhi suo khi uruli ni o kpe nu me mhe ngme abi akala. Oo mhe, "Bhale odane ana, khi mhi ya re khasa emini a ya me ini ena e dose se." <sup>2</sup> Utoghuo kpe mhi la elemhi Ayemhe, mhi me odalo oyemhe khi ukpekhomhi o migha iloghie, khi ogbo o shito nga o. <sup>3</sup> Oni o shito o, o li abi echu ni oo ge ni a lu ijasipa ali ikaneliani. Ogaji ni o li abi echu ughegbe ni a lu emeradi o vi gasa oni ukpekhomhi. <sup>‡</sup> <sup>4</sup> Ipekhomhi uye ali

ene elese e la gasa oni ukpekhomhi. Egbhali uye ogbo ali aane e shito eni ikpekhomhi. E so itsua epfopfo, e rughu irula oghie igolu shi ukhomhi. <sup>5</sup> Rote oni ukpekhomhi oghie, inyamhisalo ame ali ingmolo oyi akphala e te o o lasele. Rote oni ukpekhomhi oghie ikpa ishilua e lala ni e khi Ayemhe ishilua eyi Eshinegba. <sup>†</sup> <sup>6</sup> Ali khi oni ukpekhomhi khi emini o li abi oke ighegbe oniemi o la odalo oli ni o pfuase ni a te e me eke gboo.

Elamhako aane ni e mhue ayemhe ni e ze alo gasa egbe odalo ali ukhokho, e le gasa oni ukpekhomhi oghie roli shi iteva. <sup>7</sup> Emini o mhue ayemhe onodode o li abi idu, onuzava o li abi ena, onuzasa o ze alo abi ogbo, onuzi-aane o li abi akpa odegbe ni oo fiala. <sup>8</sup> <sup>8</sup> Eni elamhako aane ena e mholi ipfua esesa esesa, e mholi ikpamhi alo gasa idiegebe, li ghe elemhi ipfua eyewe, Ele uguota ali ele iyose ea tigbe e yemhe-a, eri e lese lie, "Ipfuase, ipfuase, ipfuase khi Eshinegba Onomhwe Nofune nya, Oni o khi loli, ni o kie kpe khi loli, ali ni o ya bhale." <sup>\*\*</sup>

<sup>9</sup> Ini eni elamhako aane egho e da ri ufumhi ali ekpe ali ikphemhi na oni o shito oni ukpekhomhi oghie ne, ni o lao a le ele na agboagbo, <sup>10</sup> eni egbhali uye ogbo ali aane egho, e de ya yeshi na oni o shito oni ukpekhomhi, e ri kphemhi na oni lao a le ele na agboagbo. E gueghie irula eghiele eyewe shi eke odalo oni ukpekhomhi oghie, ee lie.

<sup>11</sup> "U teo Onomhwe ali Eshinegba oyanye, Ni o mie ufumhi

<sup>†</sup>3:19 Li ze Ekpi 3.12; Iburu 12.6

<sup>‡</sup>4:3 Li ze Ezik 1.26-28; 10.1

<sup>†</sup>4:5 Li ze Okiali 19.16; Iro 8.5; 11.19; 16.18; Ezik 1.13; Iro 1.4; iZaka 4.2

<sup>§</sup>4:7 Li ze Ezik 1.22,5-10; 10.14

<sup>\*\*</sup>4:8 Li ze Ezik 1.18; 10.12; Aza 6.2-3

ali ekpe ali ekpabo,  
 Irari khi yeye u ma emhikpa.  
 Oghuemhe oye u ro ma we,  
 loli e gbo ro lao abi a li ma we.”

### Ebe ali Omi Osumha

**5** Mhi ke gbo me oni o shito oni ukpekhomhi oghie khi o mu ebe ni a keke emhi shi odalo oli ali ukhokho oli mhue obita. A ri erueli rote asha ishilua to oli ma.<sup>††</sup> <sup>2</sup>Mhi me ageni ni o fune ni o tseş ngme leghe o li, “Oghuo o ya dobe maghie eni erueli oni ebe-a?”<sup>3</sup> Ama ogbokhoghuo oa la iloghie, wekhi eke agbo, wekhi ikpoke na agbo, ni o dobe khueghie oni ebe-a, ukeneta khi eri o dobe ya bino elemhi oni ebe. <sup>4</sup>Mhi vie egbegbo irari khi aa me ogbo ni o teo ni o ya khueghie oni ebe-a wekhi ni o bino elemhi oli. <sup>5</sup>Otuoghuo eni egbhali egbo o o mhe, “Khi ke vie! Ghe khe, Odumhi na unuekpe oyi iJuda, Omiomi iDefidi o she mu o le. O dobe ya khueghie oni ebe-a ali erueli ishilua eyoli.”<sup>‡‡</sup>

<sup>6</sup>Igho mhi me khi Omi Osumha khi o migha odalo oyi oni ukpekhomhi oghie ni elamhako aane egbo, ali eni egbhali e gase. O li abine khi a she kpe gbe oli-a. O ze ekphali ishilua ali ikpamhi alo ishilua ni e khi Ayemhe ishilua eyi Eshinegba ni o she ghie je eke agbo nya.<sup>¶¶</sup> <sup>7</sup>Oni omi osumha o le ya rue oni ebe obita oyi oni o shito oni ukpekhomhi oghie. <sup>8</sup>Abi o ro rue oni ebe se, eni elamhako aane egbo ali egbhali uye ogbo ali aane, e de yeshi odalo oyi oni Omi osumha. Wewe nya ogbogbo o mu efa mholi obo ali itasa igolu ni ituale afu era ni a tose e vo,

ni e khi iromhi ni eni Eshinegba o she pfa na e so.<sup>§§</sup> <sup>9</sup>E to uwolo onogbo, e lie, “U te oni o rue oni ebe, u gbo te oni o ya maghie erueli ni a ro ma o-a, Irari khi a gbe-a, U ri o lia eye de egbo na Eshinegba, egbo ni e rote agbo nya bhale rote unuekpe nya ali emue ododa ali egbo ododa nya.\*<sup>10</sup> U rwe mele ighie ali ekpodalo-ugamhi ni e ga Eshinegba oyawa-a. E ya la agbo ke mhesa.”<sup>†</sup>

<sup>11</sup>Mhi bino mhi suo iruli eyi igeni ebubu ni e ramhi igbele ali idududu. E le gase oni ukpekhomhi oghie ali elamhako egbo ali eni egbhali.<sup>‡</sup> <sup>12</sup>E ri ukpokpomhi uruli i to uwolo, e lie, “Oni o teo Omi osumha ni a gbe-a o khi, ni o mie ekpabo ali epfue ali ileşingme ali itoto, ali ekpe ali ufumhi ali ikuęghie!”

<sup>13</sup>Mhi tigbe suo khi emhikpa ni a ma na iloghie ali eke agbo ali ikpoke na agbo ali ena oke oniemhi ali emini e lao elemhi oli nya khi e to uwolo, e lie, “Oni o shito oni ukpekhomhi ali Omi osumha, Ikuęghie ali ekpe ali ufumhi ali ekpabo, e khi eyeş, rote agboagbo ya je agboagbo!”<sup>14</sup> Eni elamhako aane egbo e li, “Atse,” eni egbhali egbo, e de yeshi, e ga li.

<sup>††</sup>5:1 Li ze Ezik 2.9-10; Aza 29.11

<sup>‡‡</sup>5:5 Li ze Igbae 49.9; Aza 11.1,10

<sup>¶¶</sup>5:6 Li ze Aza 53.7; iZaka 4.10

<sup>§§</sup>5:8 Li ze Iwolo 141.2

<sup>\*</sup>5:9 Li ze Iwolo 33.3; 98.1; Aza 42.10

<sup>†</sup>5:10 Li ze Okiali 19.6; Iro 1.6

<sup>‡</sup>5:11 Li ze iDan 7.10

### Eni erueli

**6** Mhi tokpe bino abi oni Omi Osumha o ro maghie erueli onodode elemhi eni erueli ishilua-a. Mhi suo khi oghuo eni elamhako egho o ngme abi uruli akphala, oo li, “Bhale!” <sup>2</sup>Mhi bino, ghe achi opfopfo odalo oyemhe khe! Omose ni o nga li o mu usheli mhue, a ri arula oghie na li, o nga oni achi ya fie abi okholi-okhue ni o kholi mu o le ni o gbo vu ya kholi mu o le.<sup>4</sup>

<sup>3</sup>Abi oni Omi Osumha o ro maghie erueli onuzi-eva-a, mhi suo khi elamhako onuzava o ngme, oo li, “Bhale!” <sup>4</sup>Mhi me khi achi olese ni oo yile nyogho o fie lasele. A ri afu na oni o nga li ni o ro rue opfomhe eke agbo-a, ni o ro ri egbo ke gbolo egbe we-a. A ri ogbhoroni oniemhi na li.<sup>8</sup>

<sup>5</sup>Abi oni Omi Osumha o ro maghie erueli onuzi-ese-a, mhi suo khi elamhako onuzi-aase o ngme, oo li, “Bhale!” Mhi bino, ghe achi obishi odalo oyemhe khe! Oni o nga li o mu emini a ro o mhesu ukhomhi oyi emhi.<sup>\*\*</sup>

<sup>6</sup>Mhi suo khi emini o li abi uruli o la elemhi ifuabo oyi eni elamhako aane egho ngme, oo lie, “Ifata ogbeleghuo a ri ago oghuo oyi ado e de, idiakpala ese oyi oakpa, o li migha shi ifata ogbeleghuo. Khi yese oili olivu-a ali onyo!”

<sup>7</sup>Abi oni Omi Osumha o ro maghie erueli onuzi-ene-a, mhi suo khi uruli oyi elamhako onuzi-aane oo li, “Bhale!” <sup>8</sup>Igho mhi me achi ni o li abi oni o

ya ghu-a. Oni o nga li a lui Eghuli, ali eghiele ilimhi oo deba li udidi, a ri afu na we ni e ro ri ogbhoroni ali okiamhi ali ighuamhi ali elamhako okhena gbolo egbo iku akemhishi asha ene egbo na eke agbo-a.<sup>††</sup>

<sup>9</sup>Abi oni Omi Osumha o ro maghie erueli onuzi-ise-a, mhi me iyemhe eyi egbo na gbolo-a irari ungmehi oyi Eshinegba ali otsela ni e mu mhue ufui oni atete. <sup>10</sup>Ee vie leghe, e lie, “Onomhue ni o khi ona ipfuase ali igesikia, egheghe onoghuo u ro ya gue egbo na agbo ezo, ni u ro ya ye okhue oia eyi anye obo oyewe na anye?” <sup>11</sup>Egheghe agho, a ri itsua epfopfo na we. A gueye we e migha ne ukuku o, ramhi egheghe ni eni ee ga nabi wewe etuangme ni a nono ni a li gbolo-a e ro ya gba. Ezeze abi a li gbolo wewe-a.

<sup>12</sup>Mhi bino abi o li khueghie erueli onuzi-esesa-a. Ukpokpomhi eke o kulue. Ovo o bishi-a abi ode abuma ni a ri iriria elamhi do. Uki nya o yile-a abi oia.<sup>‡‡</sup>

<sup>13</sup>Ikpetata na idane e deno kule eke abi ikpamhi okhua-eni ni ea yile ne e lie de kule ini akpepeli ni o ze o jighise we.

<sup>14</sup>Irarogbe o khili ode-a abi a lie khili ighela eke-a. Ite nya ali eke ni e la iteva oke, a rue we ashini e la le.<sup>¶¶§§</sup>

<sup>15</sup>Egheghe agho, ighie na eke agbo ali ekhemhue ali idenomokholi ali eni e mholi epfue ali eni e mholi ekpabo ali ogbokpa ali ighumha ali eni ea khi ighumha, e na ya sheli ifui irui ali eche na ite.<sup>\*</sup> <sup>16</sup>Ee vie lu ite ali eche oniemhi, e lie we, “A de mu anye ni a ri anye

<sup>¶</sup>6:2 Li ze iZaka 1.8; 6.3,6

<sup>§</sup>6:4 Li ze iZaka 1.8; 6.2

<sup>\*\*</sup>6:5 Li ze iZaka 6.2,6

<sup>††</sup>6:8 Li ze Ezik 14.21

<sup>‡‡</sup>6:12 Li ze Iro 11.13; 16.18; Aza 13.10; iJoq 2.10,31; 3.15; iMat 24.29; iMak 13.24-25; iLuk 21.25

<sup>¶¶</sup>6:14 Li ze Iro 16.20

<sup>§§</sup>6:14 Li ze Aza 34.4

<sup>\*</sup>6:15 Li ze Aza 2.19,21

sheli ɛloe oyi ɔni ɔ shito ɔni ukpekhomhi oghie ali ofu oyi ɔni Omi Osumha!<sup>†</sup>  
<sup>17</sup> Irari khi ogbele ofu oniemi oyi Eshinegba o she ramhi ni o ro ya tiemhile shi we ɔ, oghuo ɔ dobe ya migha?”<sup>‡</sup>

**Egbo agbele egbhueshilua ali ene (144,000) ni a shi otele**

**7** Ona o dose se, mhi ke gbo me khi igeni aane e migha iguabo enenene na eke agbo. E mu akpepeli enenene na iguabo eke agbo gba ini akpepeli o khi ke li eke agbo, we ukhomhi oke oniemi we era.<sup>†</sup> <sup>2</sup> Igho mhi ke me ageni olese khi ɔ rote obini ovo o te ɛ ngale lasale, ɔ tsua akhuli ni a ro ɔ shi emhi otele oyi Eshinegba ni ɔ la agbo. O ri uruli na leghe lu eni igeni aane egho ni a ri ekpabo na ni e ro yese eke ali oke oniemi-a. <sup>3</sup> Oo we, “A khi yese eke-a we oke oniemi we era, se khi awa shi otele shi eni ee ga eyi Eshinegba alukpo se.”<sup>§</sup> <sup>4</sup> Igho mhi suo khi eni a rote elemhi edeli eyi iZireni nya shi otele, e ya khi egbo agbele egbhueshilua ali ene (144,000).

<sup>5</sup> A rote unekpe oyi iJuda, shi otele shi egbo agbele igbeva egbe (12,000).  
 A rote unekpe oyi iRubeni, shi otele shi egbo agbele igbeva egbe (12,000).  
 A rote unekpe oyi iGadi, shi otele shi egbo agbele igbeva egbe (12,000).

<sup>6</sup> A rote unekpe oyi iAsha, shi otele shi egbo agbele igbeva egbe (12,000).  
 A rote unekpe oyi iNafutali, shi otele shi egbo agbele igbeva egbe (12,000).

A rote unekpe oyi iManase, shi otele shi egbo agbele igbeva egbe (12,000).  
<sup>7</sup> A rote unekpe oyi iSamo, shi otele shi egbo agbele igbeva egbe (12,000).  
 A rote unekpe oyi iLiva, shi otele shi egbo agbele igbeva egbe (12,000).  
 A rote unekpe oyi iSaka, shi otele shi egbo agbele igbeva egbe (12,000).  
<sup>8</sup> A rote unekpe oyi iZebulo, shi otele shi egbo agbele igbeva egbe (12,000).  
 A rote unekpe oyi iJosefu, shi otele shi egbo agbele igbeva egbe (12,000).  
 A rote unekpe oyi iBejami, shi otele shi egbo agbele igbeva egbe (12,000).

<sup>9</sup> Ona o dose se, mhi bino, ghe ebubu egbo ni ogbokhoghuo ɔa dobe ya leli khe! Ishishi khi ishishi ali unekpe nya ali egbo ali emue ododa e te bhale. Igho e migha odalo oyi ɔni ukpekhomhi oghie, e migha odalo oyi ɔni Omi Osumha, e sono itsua epfopfo, e muno eyamhi mholi abo. <sup>10</sup> E tse se leghe, e lie. “Eshinegba ɔni ɔ shito ɔni ukpekhomhi oghie, O mholi ekpabo ni ɔ ro mie egbo eyoli pfuese, igbo li khi ɔni Omi Osumha.”

<sup>11</sup> Igeni nya e migha gashe ɔni ukpekhomhi oghie, ali eni egbhali ali elamhako aane e de ta alo mu eke odalo ɔni ukpekhomhi oghie e ga Eshinegba. <sup>12</sup> E lie, “Atse!  
 Ikuoghi ali ufumhi,

<sup>†</sup>6:16 Li ze *Osia 10.8; iLuk 23.30*

<sup>‡</sup>6:17 Li ze *iOpe 2.11; iMala 3.2*

<sup>†</sup>7:1 Li ze *iJere 49.36; iDan 7.2; iZaka 6.5*

<sup>§</sup>7:3 Li ze *Ezik 9.4,6*

ali egbhe ali  
 ikpهمhi ali ekpe,  
 ali ekpabo ali itoto,  
 e khi eyi Eshinegba oyawa,  
 ele na agboagbo.  
 Atse!”

<sup>13</sup> Igho ogbhali oghuo elemhi we o nu mhe ngme o mhe, “Eghuo egho e khi ni e sono itsua epfopfo? U lese obini e te bhale?”

<sup>14</sup> Mhie oli, “Oga, yeye u ya lese.”\*\*

Oo mhe, “Ena e khi eni e pfee oni ukpokpomhi ajilimhe, e she pfee itsua eyewe-a, e ri oia eyi oni Omi Osumha rewe pfaase. <sup>15</sup> Irarigho, “E ro migha odalo ukpekhomhi oghie oyi Eshinegba.

Ni e la  
 elemhi Owa oyi Eshinegba oyoli  
 ke ga li ele oguota ali eliyose.

Oni o shito oni  
 ukpekhomhi oghie oyoli,  
 o ya ri okholo oyoli  
 khukhu we.

<sup>16</sup> Okiamhi oga ke  
 gbo ya gbe we ghue,  
 wekhi okiam o ke ya gbe we ghue.  
 A ya khukhu we ovo erere,  
 oga ke tose we ghue.††

<sup>17</sup> Irari khi oni Omi Osumha  
 ni o migha odalo oni  
 ukpekhomhi oghie,  
 o ya ri eloe ke khu we.  
 O rewe je okeme  
 ni o ri agbo a na ogbo.  
 Eshinegba o ya shishi we amevie alo-  
 a.”‡‡

### Erueli onuzi-ishilua

**8** Abi oni Omi Osumha o ro maghie eru e onuzi-ishilua-a, iloghie o kekake elemhi iminiti uye ali igbe.

<sup>2</sup> Igho mhi me igeni oshilua ni ee migha odalo oyi Eshinegba, khi a ri ikala ishilua na we.

<sup>3</sup> Ageni olese o bhale ya migha atete. O tsua ilolo oyi elomho. A ri afu ituale ne e bu na li ni o ya tose, gbo li shi iromhi ni eni Eshinegba o she pfa na e so. O la oni atete elomho ni o la oni eghiele tose we.¶¶ <sup>4</sup> Ewoi eyi oni ituale afu era ni aa tose ali iromhi eyi eni Eshinegba o she pfa na, e rote obo oyi oni ageni nga idane deba Eshinegba. <sup>5</sup> Igho oni ageni o rue oni ilolo, o we erali ni e la ukhomhi oni atete vo o. O pfi oli tiemhi eke agbo, igho ikphala e de, ali ingmolo, ali inyamhise alo ame, ali eke ikulue.§§

### Eni ikala

<sup>6</sup> Mena, igeni oshilua ni e mholi ikala ishilua e mu egbe ni e ro pfi we.

<sup>7</sup> Ageni onodode o pfi akala oyoli, eche ame ali erali e kuma oia wushe kugbe, e de ku shi ekekhe. Ukiekie opfoghua akemhishi ese oyi eke agbo, o to-a. Asheghuo akemhi shi ese oyi era nya e toa, ebuli nya e toa.\*

<sup>8</sup> Ageni onuzi ava o pfi akala oyoli, emini o li abi ute o lala, a pfi oli lo okeme oniemhi. Ukiekie oghuo ini a kemhi oni okeme oniemhi shi asha ese o mele oia-a <sup>9</sup> asheghuo akemhi shi ese elamhako ni e la o ghulua, asheghuo akemhishi ese oko-okeme oniemhi ni e la oni okeme e tseke-a.

\*\*7:14 Li ze iDan 12.1; iMat 24.21; iMak 13.19

††7:16 Li ze Aza 49.10

‡‡7:17 Li ze Iwolo 23.1; Ezik 34.23; Iwolo 23.2; Aza 49.10; 25.8

¶¶8:3 Li ze Emo 9.1; Okiali 30.1,3

§§8:5 Li ze iLev 16.12; Ezik 10.2; Okiali 19.16; Iro 11.19; 16.18

\*8:7 Li ze Okiali 9.23-25; Ezik 38.22

<sup>10</sup> Aḡeni ɔnuzase ɔ pfi akala oyɔli, ukpokpomhi ukpɛtata ni o lala abi ug-bili, o rɔte idane pfa, o de ya shi asheghuo akemhi okɛ nya shi asha-esɛ ali inu wɛ ni okɛ e te ɛ chɔchɔ.† <sup>11</sup> Eva oyi ɔni ukpɛtata a lu Oyala. Asheghuo akemhi-shi esɛ amɛ eyi okɛ nya ni o de pfilo eghɔ e yala, ebubu eghɔ e ghuloa irari khi eni amɛ okɛ e yala.‡

<sup>12</sup> Aḡeni ɔnuzi-aane o pfi akala oyɔli, a gbe emhi shi asheghuo akhi ovo-a shi asha esɛ, ali akhi uki-a shi asha esɛ, ali akhi ikpɛtata-a shi asha esɛ. Eni asha es-esesɛ ena e bishi-a. A khi ogbe-a shi asha esɛ, o bi obili-a, ighɔ a li li khi ɛliyosɛ-a shi asha esɛ, ɔkpá ɔa ge.¶

<sup>13</sup> Abi mhi li bino eghɔ, mhi suɔ khi ɔkpá ɔdegbe ni ɔ la irarogbe fiala, ɔ vie, ɔ lie, “Epfua, Epfua! Epfua o khi na eni e la ekɛ agbɔ itobɔ ikala ni igeni aasɛ enekpɔle e ya pfi.”

**9** Aḡeni ɔnuzi-oshe ɔ pfi akala oyɔli. Mhi mɛ ukpɛtata ni o rɔte idane de tiemhile ekɛkhe. A ri okpɛ oyi odɛ oyi ilimhi na ningolo na li. <sup>2</sup> Abi ɔ rɔ khueghie odɛ oyi oni ilimhi na ningolo-a, ewɔli e rɔte ɔ lasela abi ewɔli ni e rɔte avuerɛ lasela. Ovo ali irarogbe e bishi-a irari eni ewɔli ni e rɔte oni ilimhi na ningolo lasela.‡ <sup>3</sup> Initso e rɔte eni ewɔli vɛ ɛ kule ekɛ agbɔ, a ri afu na wɛ ni e rɔ mhue ekpabɔ nabi eyi izage.\*\* <sup>4</sup> A gueye wɛ e khi ri unu ti ebuli ali emhi ɛkomhi okhoghuo wɛkhi ɔɔra na ekɛ agbɔ, ama e ke nase

egbɔ ni ɛa mhɔli ɔlɛlɛ oyi Eshinegba shi alukpo oyewɛ.†† <sup>5</sup> Aa lie wɛ e gbolo eni eghɔ ena-a, ama ni e rɔ nase wɛ iki ishe. Utomhi ni e to wɛ, eri e li abi utomhi oyi okpi ini ɔ ta ɔgbɔ. <sup>6</sup> Eghɛghɛ ni a ngme ena, eghɔ e ya ke nono eghuli ama ɛa ya mɛ, o ya ghɔle wɛ ni e ghua-a ama eghuli o ya mɛ wɛ na.\*\*

<sup>7</sup> Eni initso e li abi ichi ni a mu egbe shi okhɔli. E rughu emini o li abi arula oghie igolu shi ukhomhi, alo eyewɛ e li abi alo eghɔ.¶¶ <sup>8</sup> Itsu eyewɛ e li abi itsu eyi ikpotso, akɔ eyewɛ e li abi akɔ idumhi.‡‡ <sup>9</sup> E zɛ ipfiapia shi egbe abi awulu akhuli ni okhɔli-okhue ɔ rɔ a mu aye. Okeke ni ipfua eyewɛ e kpe, e li abi okeke oyi ichi ikhuli ni e lo bu ni e na lɛ okhue.\* <sup>10</sup> E zɛ ighia ali ɛka, ee ta abi ikpi, e mhɔli ekpabɔ shi eni ighia ni e rɔ na eghɔ osoli iki ishe. <sup>11</sup> E mhɔli oghie oyewɛ ni ɔ khi aḡeni oyi ilimhi na ningolo. Abi a lu eva oyɔli o khi Abadoni a lu ɔli ɛlemhi Iburu. Ama Apolioni a lu ɔli ɛlemhi iGiriki. (Oni ɔ Yese-a a ri ona ngme.)

<sup>12</sup> Epfua onododɛ ɔ she dosɛ, ama epfua eva elese ɛa bhale ne.

### Akala onuzi-esesa

<sup>13</sup> Aḡeni ɔnuzi-osasa ɔ pfi akala oyɔli, mhi suɔ khi uruli o rɔte igo ene oyi atɛtɛ igolu ni o kpɔ ekɛ le ni o la odalo oyi Eshinegba ngme lasela.† <sup>14</sup> ɔ gueye ɔni aḡeni ɔnuzi-osasa ɔghɔ ɔɔ li, “Taghie

†8:10 Li zɛ Aza 14.12

‡8:11 Li zɛ iJere 9.15

¶8:12 Li zɛ Aza 13.10; Ezik 32.7; iJɔɛ 2.10,31; 3.15

§9:2 Li zɛ Igbae 19.28

\*\*9:3 Li zɛ Okiali 10.12-15

††9:4 Li zɛ Ezik 9.4

‡‡9:6 Li zɛ iJobu 3.21; iJere 8.3

¶¶9:7 Li zɛ iJɔɛ 2.4

§§9:8 Li zɛ iJɔɛ 1.6

\*9:9 Li zɛ iJɔɛ 2.5

†9:13 Li zɛ Okiali 30.1-3

igeni aane ni a ge shi epfe oke oniemihi na lu iYufiretisi-a.”<sup>15</sup> Igho a li rue eni igeni aane egbo obo-a, ni a she ge shi agho, ro khe oni egheghe ona, ali ogbele ali uki ona, ali ukpe ona, ni e ya gbolo egbo igbekhi ese na eke agbo onaa. <sup>16</sup> Ekholi-okhue etuangme ni a ro shi eke e khe okholi e bu ramhi udududu asha egbhuegbe, 200,000,000. Mhi suo etuangme ni a lu we.

<sup>17</sup> Abi eni ichi ali eni e nga we e li na, abi mhi me we elemhi imealo oyemhe. Iwulu ikhuli ni ekholi-okhue e ro o mu aye eyewe, ee yile nyogho abi erali, e li abi egholi ibulu na koli, o mholi oyile abi ofu. Ikhomhi eyi eni ichi e li abi ikhomhi idumhi, erali, ewoli ali ofulu e rote we unu lasese. <sup>18</sup> Igbekhi asha ese egbo nya, eni erali ali ewoli ali ofulu ni e rote we unu lasese e gbolo-a. <sup>19</sup> Ekpabo eyi eni ichi e la we unu ali ighia. Irari khi eri ighia eyewe e li abi enye, e ze ikhomhi ni e ro kuale egbo utse.

<sup>20</sup> Egbo ni e kpole shi agbo ni oni opfuse o gbolo-a, ea kie mu pfi lasese ikanya abo eyewe le. Ea lasese ekphaghie igaga le, li shi ugamhi eyi ikhumhi ni a ri igolu ali elomho ali ide ali era khali. Ikhumhi ni ea ya me eke wekhi eri e suo eso, wekhi eri e dobe e kia.<sup>21</sup> Wekhi eri e lama mu pfi lasese ugbeli le, ali imhese imumu ali itsebo ilili ali ighiatodo.

### Oni ageni ali ebe nikeke

**10** Igho mhi me ageni nofuno olese, khi o rote idane e tiemhile, o ri otughunu khukhu egbe, ogaji o vi gase oli ukhomhi, alo eyoli e li abi ovo, awe eyoli e li abi ochere erali. <sup>2</sup> O mholi ukuku ebe mholi obo ni o khueghie-a shi eke. O gbose owe obita oyoli shi elemhi oke oniemihi, o ri owe ogobo nga eke. <sup>3</sup> O ri

ukpokpomhi uruli pfi lasese leghe abi odumhi oo khoshe. Abi o ro pfi, uruli ikphala ishilua e ngme. <sup>4</sup> Abi eni ikphala ishilua e ro ngme se, mhi nono ni mhi keke shi ebe, ama mhi suo khi uruli o rote idane lie, “Ri emini eni ikphala ishilua egbo e ngme sheli, khi keke we shi eke.”

<sup>5</sup> Igho oni ageni ni mhi me ni o migha oke oniemihi ali ekeke egbo, o yase obita oyoli nga ukhui. <sup>6</sup> O ri eva oyi Eshinegba ni o la o le ele na agboagbo romhi ishe. Oni o ma ukhui ali emhikpa ni e la o, ali eke ali emhikpa ni e la o ali oke oniemihi ali emhikpa ni e la o. Oo, “Emhi enana ea ke ya tese ni e ro bhale ya tse. <sup>7</sup> Ama khi ogbele ni ageni onuzi-oshilua o da ya pfi akala oyoli, Eshinegba o ya khueghie osheli oyoli-a ni o gba abi o li gue oli ye eni e ga ni e khi emekeguele eyoli.”<sup>4</sup>

<sup>8</sup> Igho uruli ni mhi rote iloghie suo egbo o gbo nu mhe ngme, oo mhe, “Le ya mie ageni ni o migha oke oniemihi ali ekeke ighele ebe ni o khueghie-a, ni o la li obo.”

<sup>9</sup> Igho mhi le deba oni ageni mhi o ri oni ebe nikeke ogho na mhe. Oo mhe, “Mo oli le. O ya yese e elemhi-a, ama o ya violo e unu abi iwo.” <sup>10</sup> Mhi mie oni ageni oni ebe nikeke obo, mhi roli le. O violo mhe unu abi iwo, ama abi mhi ro roli le se, oo yala mhe elemhi.<sup>8</sup> <sup>11</sup> Igho a gueye mhe, “U mema ya mekeguele shi ebubu unekpe, ali egbo ali emue ododa ali ighie egbe.”

### Eni otsele aava

**11** Igho a ri ufulo ni o li abi ukpokpo ni a ro o mhese emhi na mhe, a gueye mhe, “Le ya mhese Owa Ugamhi oyi Eshinegba ali atete ali eni e ga

<sup>3</sup>9:20 Li ze Iwolo 115.4-7; 135.15-17; iDan 5.23

<sup>4</sup>10:7 Li ze Okiali 20.11; iDeut 32.40; iDan 12.7; Emo 3.7

<sup>8</sup>10:10 Li ze Ezik 2.8—3.3

ugamhi akagho.\*\* 2 Khi mhese atukpapfe oniemhi oyoli, khi mhese oli irari khi a she roli na iJeta. Wewe e ya lighi oni eoli no pfuase eke-a elemhi iki egbhueva ali eva (42.)†† 3 Mhi ya ri afu na otsele aava eyemhe. E ya meke guele elemhi ogbele agbele ali egbhuegbesa (1,260.) E so ide ibuma.” 4 Otsele aava ena e khi eera olivu eva ali emhi eva ni a ri akpa ru e nga ni e migha odalo oyi Onomhue ni o mhue eke agbo.‡‡ 5 Ini ogbokhoghuo o o dua ni loli kwale we utse, erali e rote we unu fie ya tose eni ebe we-a. Ina ebe we ni e nono ni e kwale we utse e mema li ya ghua. 6 E mholi afu ni e ro pfi okpe ukhui ini ame o khi rue egheghe ni e ro da me guele ne. E gbo mholi afu ni e ro mu ame okpe mele olia-a. E gbo ku ighuamhi khi ighuamhi she eke abi o li ghole we shi.¶¶

7 Ini e da pfi o otsele se ne, inyagbemhi ni o ya rote ilimhi na ningolo lasele o ya tsua mu we, o mu we o le, o gbolo we-a.§§ 8 Ilimhi eyewe e ya de yeshi ifui eoli ni o fune ashini a la gbe Onomhue oyewe-a shi apfida. Irokhokho iSodumu ali iJipiti eoli ona o khi.\* 9 Ogbele ese ali ukhukui, egbo na agbo nya ali edeli ali emue ali ushishi e ya ke nise uruli bino ilimhi eyewe, ea lama rewe to. 10 Egbo na eke agbo e ya ke ghele shi eghuli ni e ghu, ee bola, e de isomhopfa a ghi egbewe, irari khi emekeguele aava egho, e she nase egbo ni e la eke agbo khue.

11 Ama abi ele ese ali ukhukhui e ro dose, Ayemhe oyi Eshinegba ni mholi

agbo o lo we egbe, e vule migha. Ulishi oniemhi o lo egbo ni e me we egbe.†

12 Igho e suo uruli na leghe o rote idane ngme. O o we, “Ngale odane oola.” Igho e li nga idane elemhi otughunu. Ebe we e lese fe kee.‡

13 Oni egheghe a me ukpokpomhi inighise eke ni o ku eke asheghuo akemhishi igbe oyi oni eoli lue. Egbo agbele oshilua, 7,000, e ghulua, ulishi o mu egbo ni e kpole, e kueghie Eshinegba ni o la iloghie.

14 Opfuse onuzi-eva o she dose, opfuse onuzi-ese o kele ya bhale.

### Akala onuzi-ishilua

15 Igho ageni onuzi-oshilua o pfi akala oyoli, igbo ikpokpo iruli e la idane ngme. Ee lie,

“Eghiele agbo o she mele eghiele oyi Onomhue oyawa-a, ali onayi iKirisiti oyoli-a.

O ya mhese ke le agboagbo.”¶¶

16 Egbhali uye ali aane ni e shito ukpekhomhi oyewe odalo Eshinegba, e de ya ta alo mu eke ga Eshinegba. 17 Ee lie,

“Anye ri ikphemhi ne, Eshinegba Onomhue Nofune nya, Oni o khi loli, oni o kpe khi loli, irari khi u she rue ekpabo oniemhi eye, u she e mhese.

18 Abi elemhi e ro bi ishishi, yeye u li mholi ofu.‡

\*\* 11:1 Li ze Ezik 40.3; iZaka 2.1-2

†† 11:2 Li ze iLuk 21.24

‡‡ 11:4 Li ze iZaka 4.3,11-14

¶¶ 11:6 Li ze 1 Ighie 17.1; Okiali 7.17-19; 1 iSam 4.8

§§ 11:7 Li ze iDan 7.7,21; Iro 13.5-7; 17.8

\* 11:8 Li ze Aza 1.9-10

† 11:11 Li ze Ezik 37.10

‡ 11:12 Li ze 2 Ighie 2.11

¶ 11:15 Li ze Okiali 15.18; iDan 2.44; 7.14,27

§ 11:18 Li ze Iwolo 2.5; 110.5; 115.13



Egheghe o she ramhi  
ni u ro ya gue eni eghua ezo,  
ni u ro ya ri eleli na eni ega eye  
ni e khi emekeguele,  
ali eni Eshinegba o she pfa na  
ni e ri ekpe na eva oye,  
ghe egbo ni ea mu eloe  
ali ekhemhue,  
abi u li pfuse eni e pfuse ekpe agbo-a.”

<sup>19</sup>Igho a li khueghie Owa ugamhi  
oyi Eshinegba na iloghie-a, a me Ak-  
pati Ishobo agho. Igho inyamhisalo ali  
ukpimhi ali ingmolo ali ikphala, ekpe e  
de kulu, echere rote idane deno kule.\*\*

### Oni Okpotso ali Oligio oniemhi

**12** Ukpokpomhi irokhase onyaloa o  
feli shi idane: Okpotso o ya lao  
ni itsua ni o so e khi ovo, uki o kpoke  
awe eyoli, arula oghie oyi ikpetata ig-  
beva o rughu oli ukhomhi. <sup>2</sup>Oo me. O  
tseşe leghe elemhi otomhe abi o ro ya  
bia. <sup>3</sup>Igho emhi olese o gbo feli shi  
idane, ukpokpomhi Oligio oniemhi oy-  
ile ni o ze ikhomhi ishilua ali ekphali  
igbe, ali o rughu irula oghie ishilua shi  
ukhomhi.†† <sup>4</sup>O ri ughia oyoli fuomhi  
asheghuo akemhishi ese ikpetata ni e la  
ukhuli pfino kule ekpe agbo. Oni Oligio  
oniemhi o migha oni okpotso ni oku o  
to egho odalo, ni o ba me asha gbe oli  
oni omoo ogho le, ini a lese bia li lasela.‡‡  
<sup>5</sup>Oni okpotso o bia omose ni o ya ri ot-  
suodu akhuli mheshe na egbo ni e la ekpe  
agbo nya. Ama a ba oni omoo ekpe rue ya  
nga idane ghi Eshinegba ali ukpekhomhi  
eghieye oyoli.¶¶ <sup>6</sup>Oni okpotso, o na je  
odagbe ifufu asha ni Eshinegba o riepe

shi ekpe kpe oli ni a la ya dua li egbe og-  
bele agbele ali egbhuegbese (1,260.)

<sup>7</sup>Igho okholi o lasela shi obini iloghie,  
iMakieni ali igeni eyoli, e nu oni in-  
yagbemhi i kholi. Oni Oligio oniemhi ali  
igeni eyoli e mie we abo oni okholi.§§

<sup>8</sup>Ama oa mhue ekpabo te iMakieni ali  
igeni eyoli oni okholi. Ashini a kpe ro  
na we obini iloghie o de we obo-a. <sup>9</sup>A  
pfi oni ukpokpomhi oni Oligio oniemhi  
oghoo tiemhile ekpe agbo, oni enye onede  
oghoo ni a lu Etse ali Okphaghie, oni o  
di agbo nya ya da ode, a pfi oli tiemhile  
ekpe agbo, a li pfi igeni eyoli li tiemhile.\*

<sup>10</sup>Igho mhi suo ukpokpomhi uruli obini  
iloghie khi oo li,

“Mena, imiepfuese

ali ekpabo ali

Eghiele oyi Eshinegba oyawa  
e she bhale!

IKirisiti oyoli ni o ze  
o she ri afu oyoli khase.

Irari khi Okphaghie,

ni o gue ezo o shi

inyoghua awa egbe,

odalo oyi Eshinegba

ghe ele oghua ghe ele-iyose,

a she pfi oli tiemhile.†

<sup>11</sup>E gbe oli mu oli le,

itobo oia eyi oni Omi Osumha

ali ingmemhi otsele oyewe.

Ea ligho nono ingme agbo oyewe,

ni o rewe ya ke

ti je ukhokho na eghuli.

<sup>12</sup>Irarigho, a ke ghele,

ee iloghie ali egbo

ni e la elemhi oli.

Ama epfua o khi na

\*\* 11:19 Li ze Iro 8.5; 16.18,21

†† 12:3 Li ze iDan 7.7

‡‡ 12:4 Li ze iDan 8.10

¶¶ 12:5 Li ze Aza 66.7; iwolo 2.9

§§ 12:7 Li ze iDan 10.13,21; 12.1; iJu 9

\* 12:9 Li ze Igbae 3.1; iLuk 10.18

† 12:10 Li ze iJobu 1.9-11; iZaka 3.1

ẹ eke ali oke oniemi,  
irari khi Okphaghie  
o she ri ofu tiemhie deba e!  
Ofu o she vo li elemhi,  
irari khi o lese khi  
ukuku eghẹghẹ o ke mhọli.”

<sup>13</sup> Abi oni Oligio oniemi o ro me khi a she pfi lue tiemhile eke, o khu oni okpotso ni o bia oni omo omo. <sup>14</sup> Ama a ri ipfua eva eyi akpa odegbe oniemi na li, ni o ro fiala je odagbe ifufu. Ikhi obini a riele shi eke khe oli ni a la ya ri eloe khu oli, eghẹghẹ ali igheghe ali ukhukhui eghẹghẹ ni o khi ikpe ese ali ukhukhui, ini oni inyagbemhi o khi ri emhi li o. <sup>15</sup> Oni Oligio oniemi o rote unu ku ame lasele abi oke ni oo tu, ro khu oni okpotso ni o ba ri ochikpho fuomhi oli ya gbe. <sup>16</sup> Ama eke o kpaghie oni okpotso obo irari khi eke o nya unu-a ri oni oke da ni oni Oligio oniemi o rote unu kpa ku le. <sup>17</sup> Igho oni inyagbemhi o pfaa deba oni okpotso, o ya mu okhọli vule shi imi oli enekpole o, ikhi eni e ri Omhese eyi Eshinegba gbe akanya, ni e ri igesikia mu otsele oyi iJesu. <sup>18</sup> Igho oni Oligio oniemi o migha egele oke oniemi.

### Oni Inyagbemhi ni o rote oke oniemi lasele

**13** Mhi me inyagbemhi khi o rote elemhi oke oniemi ngale. O ze ekphe igbe ali ikhomhi ishilua, o rughu irula oghie igbe shi eni ekphali. Ukhomhi ogbogbo a keke eva ni o khi ungmehi ipfiunu-a shi. <sup>¶ 2</sup> Oni inyagbe-

mhi ni mhi me, o li abi ekpe, awe eyoli e li abi eyi akpogene, unu oyoli o li abi unu odumhi. Oni oligio oniemi o ri afu na oni inyagbemhi ni o ro mhọli ekpabo ro ke mhese abi oghie. <sup>§ 3</sup> A kuale oni inyagbemhi ukpokpomhi utse ni o ge ugboke oniemi. Ama oni ugboke ogho o bie. O ri abo sha agbo nya, e ve deba li. <sup>4</sup> Egbọ ee ga oni Oligio oniemi irari khi o she ri afu na oni elamhako, egbo e li ga oni elamhako, e lie, “Oghuo o li abi oni inyagbemhi!” “Oghuo o dobe ya nu oni inyagbemhi khọli?”

<sup>5</sup> A ri unu na oni elamhako ni o ro ngme ingmemhi emuebe ali ipfiunu-a. A ri eghẹghẹ na li ni o ro ri afu oyoli gbe akanya iki egbhueva ali eva. <sup>6</sup> O khueghie unu-a, o ngme ipfiunu-a deba Eshinegba, ro pfueche eva oyi Eshinegba ali ashini oo la ali egbo ni e nu oli la iloghie-a. <sup>\*\* 7</sup> A ri afu na li ni o nu eni Eshinegba o she pfa na khọli, ali ni o mu we o le. A ri afu na li ni o mhese shi edeli nya, egbo ali emue ododa ali ishishi. <sup>††</sup> <sup>8</sup> Egbọ ni e la eke agbo nya e ya ke ga oni inyagbemhi. Eni ea ga oni inyagbemhi ona, e khi eni a keke eva oyewe shi ebe ni a keke eva oyi eni e ya mhọli agbo na agboagbo shi, neni a ma agbo. Oni ebe agbo ona o khi ebe agbo oyi Omi Osunha ni a ro luase obo. <sup>‡‡</sup>

<sup>9</sup> Oni o mhọli eso, o ro suo!

<sup>10</sup> Eni okhọli o ya mu, o mema ya mu we. Eni a ya gbolo-a, a mema ri itakobi ya gbolo we-a.

<sup>§12:14</sup> Li ze iDan 7.25; 12.7

<sup>¶13:1</sup> Li ze iDan 7.3; Iro 17.3,7-12

<sup>§13:2</sup> Li ze iDan 7.4-6

<sup>\*\*13:6</sup> Li ze iDan 7.8,25; 11.36

<sup>††13:7</sup> Li ze iDan 7.21

<sup>‡‡13:8</sup> Li ze Iwolo 69.28



oƚa pƚuase oyoli ona okia na ishishi nya da.”†

<sup>9</sup>Ageni onuzi-aase o deba we, o ri ukpokpomhi uruli lie, “Ini ogbokhohguo o ga oni inyagbemhi ali ikhumhi oyoli, ni o ro mie olele oyoli shi alukpo, okekhi obo, <sup>10</sup>oni ogbo ogho, o ya rote onyo elemhi ibibi oyi Eshinegba li da, ikhi onyo ni aa pfose-a ni a she ku vo uko elemhi ibibi oyoli. A ya ri ofulu ni oo lala biobiobio tose oli-a ukpeloe oyi igeni eni e pƚuase ali ukpeloe oyi oni Omi Osumha.‡ <sup>11</sup>Ewoli oyi anasemhe eyewe ee nga idane agboagbo. Eni e ga oni inyagbemhi ali inyagbemhi ni a khali, ali onini o da mie olele oyi eva eyoli ne, ea mhue iyemhea shi eleoguota, shi eliyose.”¶ <sup>12</sup>Eri onana o gueye eni Eshinegba o pfa na e ri irabomudu ri egbe mie, ikhi eni e ri omhese eyi Eshinegba a gbe akanya, ni e ri igesikia a deba iJesu.

<sup>13</sup>Igho mhi suo khi uruli o rote idane lie, “Keke onana: Ikhivose o khi na eni e ghu-a shi elemhi Onomhue rote memena vu.”

“Ikhivose o khi na we egbegbo!” “Igho Ayemhe o ngme, khi e ya yemhe inyamaegbe agbo-a, irari khi eminete ni e riele, e ya deba we!”

### Ikhiese oyi eke agbo

<sup>14</sup>Igho mhi bino, mhi me otughunu opfopfo odalo oyemhe. Oni o shito o, “O li abi Omi Ogbo.” O rughu arula igolu oyi oghie shi ukhomhi, o ri agaga ni oo mu mholi obo.‡ <sup>15</sup>Ageni olese o rote Owa oyi Eshinegba lasale ri ukpokpomhi uruli lu oni o shito nga ukhomhi otughunu egho leghe, oo li,

“Rue agaga oye ni u ke khiese, irari khi eghenge ikhiese o she ramhi, irari khi agbo o she bie ni a khiese.”\*\* <sup>16</sup>Igho oni o shito otughunu egho, o ri agaga oyoli khiese agbo.

<sup>17</sup>Ageni olese o rote Owa oyi Eshinegba na iloghie fie lasale, loli o li mholi agaga ni oo mu. <sup>18</sup>Igho ageni olese o rote atete fie lasale, ikhi ageni ni o mholi omhese shi erali. O ri uruli oniemi lu oni o mholi agaga ni oo mu egho leghe, oo li, “Rue agaga oni oo mu oye, ni u ro khiese ipfonu eke agbo-a, irari khi ipfonu e she yile!” <sup>19</sup>Igho oni ageni o pfi agaga oyoli gase eke agbo, o khiese ipfonu nya, o ku we lo ashini a te e mino onyo. Amino onyo ona, elemhi ibibi oyi Eshinegba o migha shi. <sup>20</sup>Igho a la ashini a la amino onyo ni o la olase oni eoli ri awe gue we. Olia e rote oni amino onyo tu lasale. Utumhi oyi oni olia o ga nuta ramhi imali egbhuegbe, e limhi abi ete-awe ishe.††

### Igeni oshilua ni e tsua anasemhe ishilua

**15** Igho, mhi me irokhase oniemi ni o mu eloe olese ukhomhi idane, ikhi igeni oshilua ni e mholi anasemhe ishilua ni e khi eni e kpukhokho, irari khi wewe Eshinegba o ro ya gbe ofu oyoli ukhomhi. <sup>2</sup>Mhi me emini o li abi oke ighegbe oniemi ni erali e solo shi, o migha epfe oke oniemi. Egb o ni e mu oni inyagbemhi ali oni ikhumhi oyoli ali inoba oyi eva oyoli o le, e mu efa ni Eshinegba o ro na we mhue abo. <sup>3</sup>E to uwolo oyi iMosisi oni oo ga oyi Eshinegba ali uwolo oyi oni Omi Osumha, e lie,

†14:8 Li ze Aza 21.9; iJere 51.8; Iro 18.2

‡14:10 Li ze Aza 51.17; Igbae 19.24; Ezik 38.22

¶14:11 Li ze Aza 34.10

§14:14 Li ze iDan 7.13

\*\*14:15 Li ze iJep 3.13

††14:20 Li ze Aza 63.3; iLame 1.15; Iro 19.15

“Ufumhi ali oshabo  
e khi ikanya eye,  
Eshinegba Onomhue Nofune nya.  
Ipfuase ali igesikia  
ode eye e khi,  
oghie ni o mholi ishishi nya!<sup>‡‡</sup>  
<sup>4</sup>Oghuo oya ya na  
ulishi oye Onomhue,  
ni oya ya ri ufumhi  
bhale ghi eva oye?  
Irari khi yeyeghuo kpele  
u khi oni o pfuase.  
Ishishi nya e ya bhale  
ya kueghie e, irari khi  
ikanya ipfuase eye  
e she ri egbe khase.”<sup>¶¶</sup>

<sup>5</sup>Onana o dose se, mhi bino, mhi me  
Owa oyi Eshinegba na iloghie, ni o khi  
Igholo oyi otsele khi o khueghie-a.<sup>§§</sup>  
<sup>6</sup>Rote oni owa ugamhi, eni igeni os-  
hilua ni e mholi anasemhe ishilua e te  
lasele. E sono itsua ni e pfuase ni ee ge  
nyanyanya, e ri ogbene igolu mu aye.  
<sup>7</sup>Igho otuoghuo eni elamhako aane ni  
e mholi ayemhe egho, e ri italabi igolu  
ishilua ni ofu oyi Eshinegba e la, na eni  
igeni oshilua. Ikhi Eshinegba, ni o la o le  
agboagbo. <sup>8</sup>Oni owa ugamhi o vo ewoli  
oyi ufumhi ali ekpabo oyi Eshinegba.  
Ogbo okhoghuo oya la o ni o dobe lo oni  
owa ugamhi ya ramhi ni eni anasemhe  
ishilua e ro gba pfo.\*

### Italabi ishilua ofu eyi Eshinegba

**16** Igho mhi suo khi uruli na leghe  
o rote oni Owa ugamhi oyi Esh-  
inegba gueye eni igeni oshilua, “A ka ku  
eni italabi ishilua eyi ofu oyi Eshinegba  
shi eke agbo.” <sup>2</sup>Ageni onodode o vu ya

ku atalabi oyoli shi eke agbo. Iwali ig-  
boko ebe ni e lolo e to, e ge egbo ni e  
mholi olele oyi oni inyagbemhi, ni e ga  
oni inyagbemhi ni a khali.<sup>†</sup>

<sup>3</sup>Ageni onuzava o ya ku atalabi oyoli  
lo oke oniemhi, oni oke oniemhi o mele  
olia eyi egbo ni e ghua-a. Emhikpa ni  
e mholi ayemhe ni e la elemhi oni oke  
oniemhi e ghulua.

<sup>4</sup>Ageni onuzi-aase, o ku atalabi oyoli  
lo oke ali ichochochome, e mele olia-a.<sup>‡</sup>

<sup>5</sup>Mhi suo khi ageni ni a ri ameg nga obo  
khi o o li,

“Ogueso-ezo ni o pfuase  
u khi, irari khi  
u gue so ingme ena,

Yeye u khi Eshinegba No pfuase,  
Yeye u la o memena,  
ni u kpe la o, ni u gbo ya la o,  
itobogbo khi igesikia u ro o so ezo eye.

<sup>6</sup>Irari khi egbo e she gbolo  
eni a pfa na-a  
ali emekeguele,  
u she ri olia na we da,  
abi o ti shi!”

<sup>7</sup>Mhi suo khi atete o tsele, oo,

“Gueguegue,  
Eshinegba Onomhue Nofune nya,  
iguzo eye, eyi igesikia  
ali eni e te ode e khi!”

<sup>8</sup>Ageni onuzi-aane o ku atalabi oyoli  
ku ovo, a ri ekpabo na ovo o ri erali  
ke tose egbo-a. <sup>9</sup>Egbo e daghie-a irari  
utomhi oyi erali, e ze emuebe na eva oyi  
Eshinegba ni o mholi ekpabo ro mhesa  
na anasemhe enana, ama ea lama mupfi  
ni e ri ufumhi na eva oyoli.

<sup>10</sup>Ageni onuzi-oshe o ku atalabi oyoli  
kushi ukpekhomhi oghie oyi oni in-

<sup>‡‡</sup>15:3 Li ze Okiali 15.1

<sup>¶¶</sup>15:4 Li ze iJere 10.7; Iwolo 86.9

<sup>§§</sup>15:5 Li ze Okiali 38.21

\*15:8 Li ze Okiali 40.34; 1 Ighie 8.10-11; 2 Okhe 5.13-14; Aza 6.4

<sup>†</sup>16:2 Li ze Okiali 9.10

<sup>‡</sup>16:4 Li ze Okiali 7.17-21; Iwolo 78.44

yagbemhi, eghiele oyoli o la obili. Egbọ e ngomhi elemhi unu, shi oya.<sup>¶ 11</sup> E ku itse na Eshinegba na iloghie irari utomhi ali igboko eyewe, ama ẹa lama mupfi lase ode okholo oyewe le.

<sup>12</sup> Ageni onuzi-osasa o ku atalabi oyoli lo oke iYufiretisi ni o fu, o khakha ame-a ni ighie na obini ovo o te e ngale e me asha rote dose.<sup>§ 13</sup> Igho mhi me khi ikhi-akhiamhi iyemhe aase ni e li abi ikele e rote unu oyi oni oligio oniemi ali unu oyi inyagbemhi ali unu oyi omekeguele oyi egbholi, lasele.<sup>14</sup> Wewe e khi iyemhe okphaghi ni ee gbe ikanya oshabo, ni e fie deba ighie ni e la eke agbo nya, ni e ya ti we gbili shi okholi ogbele oyi Eshinegba No fune nya.

<sup>15</sup> “A ghe i, mhi ya bhale abi oghiato! Ikhivose o khi na ogbo ni o ya guale, ni o ya ri ẹloe khu ide eyoli ini o khi bano-a ni a me oli irumheba!”<sup>\*\*\*</sup>

<sup>16</sup> Igho eni iyemhe okphaghi e ti we gbili ashini a ri elemhi Iburu e lui Amagedo.<sup>††</sup>

<sup>17</sup> Ageni onuzi-oshilua o ku atalabi oyoli nga idane, igho uruli na leghe o rote Owa ugamhi oyi Eshinegba rote ukpekhomhi eghiele ngme lasele, oo li, “A she riẹle oli!”<sup>18</sup> Igho, inyamhisalo ame, ali ukpimhi ali ingmolo oyi ikphala ali inighise eke ee bhale. Inighise nabi ogbo-a kpe me ghue abi a te ma ogbo shi eke agbo. Oni inighise o ga khi

oniemi!<sup>‡‡ 19</sup> Oni ẹoli oniemi o kemhi asha ese, ẹoli oyi eni ishishi nya e de kua. Eshinegba o sato ẹoli iBabilo no fu egbe. O mhesẹ uko ni onyo ofu oyoli o vo nali.<sup>¶¶ 20</sup> Eke ni e la iteva elemhi oke nya e kelea, aa ke me ite ekhoghuo.<sup>§§ 21</sup> Eche ame na idane eniemi e rote idane de mu egbo. Ee ngmano ku Eshinegba irari eni opfuse oyi eni eche ame, irari khi oni opfuse o kholo gba.\*

### Adegbe nofunẹ

**17** Igho ageni oghuo ni o mholi italabi ishilua o bhale, oo mhe, “Bhale khi mhi ya ri abi a li ya nase oni adegbe onofunẹ khase, ikhi ẹoli oniemi ni o la epfe oke ni e bu.<sup>† 2</sup> Loli ighie na eke agbo e nu kia okia, onyo okia eyoli e gbe egbo ni e la eke agbo.”<sup>‡</sup>

<sup>3</sup> Igho oni agenii o rue mhe je odagbe ifufu elemhi Ayemhe. Igho mhi me okpotso ni o shito nga inyagbemhi oyile, ni o le iwali eva ipfiunu-a, o ze ikhomhi ishilua ali ekphali igbe.<sup>¶ 4</sup> Oni okpotso o sono itsua eyile, a ga mema ri igolu ali ifefe ali ema ro khuese oli-a. O mu uko igolu mholi obo ni o vo emhi ighuighue ali ikanya ichimhi eyi itesebo eyoli.<sup>§ 5</sup> Emhi osheli na keke shi oli alukpo khi.

Osheli.

IBabilo Oniemi.

Inyo idegbe nya.

<sup>¶</sup>16:10 Li ze Okiali 10.21

<sup>§</sup>16:12 Li ze Aza 11.15

<sup>\*\*</sup>16:15 Li ze iMat 24.43-44; iLuk 12.39-40; Iro 3.3

<sup>††</sup>16:16 Li ze 2 Ighie 23.29; iZaka 12.11

<sup>‡‡</sup>16:18 Li ze Iro 8.5; 11.13,19

<sup>¶¶</sup>16:19 Li ze Aza 51.17

<sup>§§</sup>16:20 Li ze Iro 6.14

<sup>\*</sup>16:21 Li ze Okiali 9.23; Iro 11.19

<sup>†</sup>17:1 Li ze iJere 51.13

<sup>‡</sup>17:2 Li ze Aza 23.17; iJere 51.7

<sup>¶</sup>17:3 Li ze Iro 13.1

<sup>§</sup>17:4 Li ze iJere 51.7

Ali inyo itsebo nya. <sup>6</sup>Mhi me khi oni okpotso, o da oia eyi egbo ni a pfa na, oia eyi eni a gbe-a irari khi e mie iJesu suo.

Abi mhi ro me oli, mhi yila.

<sup>7</sup>Igho oni ajeni oo me, “Elo o ze ni u ro yila? Mhi ya gueye osheli oyi oni okpotso ali oyi oni inyagbemhi ni oo nga, ni o ze ikhomhi ishilua ali ekphali igbe. <sup>8</sup>Oni inyagbemhi ni u me ni o kpe khi, mena ni oa ke khi loli, o ya rote ilimhi na ningolo ngale ya je epfua oyoli. Abo e ya sha egbo ni e la agbo ni aa keke eva oyewe shi ebe ni a keke eva oyi eni e ya mholi agbo na agboagbo shi, rote igbaekele agbo, ini e me oni inyagbemhi irari khi, o kpe khi, mena oa ke khi, ni oa ya bhale.\*”

<sup>9</sup>“Onana o khi emini ogbo te e sa usamhi ilisingme. Eni ikhomhi ishilua egbo, e khi ikhomhi ite ishilua ni oni okpotso oo shito. <sup>10</sup>Ighie oshilua e li gbo khi. Etuoshe o, e she ghua, oghuo oo kiele e mhese, oni o kpole oa bhale ne. Ini o da bhale, o mema ya lao ukuku egheghe. <sup>11</sup>Oni inyagbemhi ni o kpe lao ni oa ke lao egbo, o khi oghie onuziolale, abeghuo loli ali oshilua enekpole e li, o ya li je epfua oyoli.

<sup>12</sup>“Eni ekphali igbe ni u me egbo, e khi ighie ogbe ni aa ri eghiele na ne, ama a ya ri afu na we elemhi iwakati oghuo tse ni e ro mhese abi ighie, li shi oni inyagbemhi.†† <sup>13</sup>Enana emhi oghuo e khi, e ya ri ekpabo ali afu oyewe na oni inyagbemhi. <sup>14</sup>E ya nu oni Omi Osumha kholi. Oni Omi Osumha o ya gbe we oni okholi, irari khi Onomhue oyi enemhue o khi, ali Oghie ni o mholi ighie o khi. Irari khi e nu oli la, wewe o lu ni o ze, ali ni e khi eni e ri igesikia deba li.”

<sup>15</sup>Igho oni ajeni oo me, “Eni oke eniemhi ni u me, ni oni adegbe o shito, egbo ali ebubu egbo ali ishishi ali emue ododa e la agho. <sup>16</sup>Oni inyagbemhi ali ekphali igbe ni u me egbo e ya biselemhi oni adegbe. E pfuse oli-a, e bano oli-a, e nyanoli elamhi egbe ro le, e ri erali tose oli-a. <sup>17</sup>Irari khi Eshinegba o roli shi we udu e ri ele emini o gba, loli e ro lama kugbe ri ekpabo eyewe na oni inyagbemhi ni o mhese, ya ramhi ni ungemhi oyi Eshinegba o ro bhale ya tse. <sup>18</sup>Oni okpotso ni u me loli o khi oni eoli oniemhi ni oo mhese na ighie na agbo.”

### Udemhi oyi iBabilo

**18** Onana o dose se, mhi me ajeni olese khi o rote iloghie e tiemhile. O mholi afu nofunu, ugemhi oyoli o ri eke agbo o ge nyanyanya. <sup>2</sup>O ri uruli oniemhi tse se leghe, o li.

“Eoli iBabilo Oniemhi,

o she de.

O she mele ugbebo oyi iyemhe eyi okphaghie-a, ali ashini iyemhe okphaghie e la lese, ashini ipfeli ali elamhako ni aa pfuase ni aa ghue, e la.‡‡

<sup>3</sup>Irari khi ishishi nya, e she kpokpo onyo, ni o ri ujili e kpha, ikhi onyo okia oyoli. Ighie na eke agbo e she kia okia deba li. Eduoki na eke agbo, e she rote iliagbo-tsuakua oyoli mhue epfue.”¶¶

\*\*17:8 Li ze iDan 7.7; Iro 11.7; Iwolo 69.28

††17:12 Li ze iDan 7.24

‡‡18:2 Li ze Aza 13.21; 21.9; iJere 50.39; 51.8; Iro 14.8

¶¶18:3 Li ze Aza 23.17; iJere 51.7

<sup>4</sup>Igho mhi suo uruli olese ni o rote idane lie,

“Egbo eyemhe, a na li egbe kua, ini a khi mhue okemhi shi olamhe eyoli, ini a khi mhue okemhi shi osoli anasemhe oyoli.”<sup>§§</sup>

<sup>5</sup>Irari khi olamhe eyoli e she tigbili yagha ramhi idane, Eshinegba o she sato umha-gueli eyoli.\*

<sup>6</sup>A li oli, abi o li e, a fali oli ota asha eva shi ikanya ni o gbe.

Onyo ni o toto ni o ro na e da, a so oghogho nali da asha eva.†

<sup>7</sup>A ri osoli ali oyala nali ni o gue to ufumhi ali epfue ni o rona egboli.

Irari khi eri Oni Okpotso o la ekelembi tonon obo udu lie, ‘Mhemhe mhi khi oni olele!

Mhi aa tigbe ya khi osamhi-olimhi, mhi aa tigbe ya me oya egbe ghue.’

<sup>8</sup>Irarigho, ogbeleghuo anasemhe oyoli o ro ya sha rughu oli, shi eghuli ali evie ali okiamhi.

A ya ri erali tose oli-a.

Irari khi Eshinegba Onomhue ni o ya gue oli ezoo, onofune nya o khi.”<sup>‡</sup>

<sup>9</sup>“Ini ighie na agbo ni e kia okia deba li, ni e nu oli li agbo tsua kua, e ya vie, e

vie evie oya na li, ini e me ewoli erali ni ee tose oli-a. <sup>10</sup>E ya tapfia migha ke vie irari ulishi osoli ni a na li, ee lie,

“Eekhue o Eekhue o yeye eoli nofunee, iBabilo eoli no mhue ekpabo! Elemhi iwakati oghuo tsee epfua oye o she bhale!”<sup>¶</sup>

<sup>11</sup>“Eduoki na agbo e ya vie oli e vie oya irari khi ogbokhoghuo oa ke nu we ya de itsua.<sup>§</sup> <sup>12</sup>Itsua igolu ali elomho, imieche ni e somhotse ni e ghale, ifefe ali ema, ide epfopo na kpishi, ali eni e yile, ghe ena wono, ali ilolo eni eyile ali itsua ododa ni a ri orora ni e pfiie khali, ali itsua ododa ni a ri ekphali eni khali, ali eera ni e ghale, ide ali ikhuli ali eche imabo. <sup>13</sup>Ali alagho na lu ikinamoni ali oshamhi ali ituale afu eera ali ituale ni a ku e shi olimhi egbe, ali atike ni oo pfiie ni o ghale ali onyo ali oili ali ifulawa ali ikpamhi emhi ni a lu ado, ena ali isumha ali ichi ali amoku ni ichi ee tsua, li shi egbo ni e khi ighumha.”<sup>\*\*</sup>

<sup>14</sup>“Eni eduoki e ya lie oli, ‘Imomhi ni u ri ukpeloe shi eke e khe, o she me na. Epfue ali osuemhe eye nya e she kele-a, ni a ke dobe gbolo me ya mie.’ <sup>15</sup>Eduoki ni e ri emhi enana de ni e me elele epfue rote obo oyi oni okpotso, e ya migha tapfia, ulishi osoli ni o me oo mu we. E ya vie e vie oya,<sup>††</sup> <sup>16</sup>e vie nyogho, ee lie, “Eekhue-o! Eekhue-o, eoli Onofune, ni a ri iwulu ichie eneyile, ni a ri igolu ali eche ni e ghale ali ifefe

§§18:4 Li ze Aza 48.20; iJere 50.8; 51.6,45

\*18:5 Li ze Igbae 18.20-21; iJere 51.9

†18:6 Li ze Iwolo 137.8; iJere 50.29

‡18:8 Li ze Aza 47.7-9

¶18:10 Li ze Ezik 26.16-17

§18:11 Li ze Ezik 27.31,36

\*\*18:13 Li ze Ezik 27.12,13,22

††18:15 Li ze Ezik 27.31,36



khue akhue!

<sup>17</sup> Aboriekhi igho,  
elemhi iwakati oghuo tse,  
eni epfue eniemhi egho  
e li opfu-a.<sup>‡‡</sup>

“Eni e khi ega oko-okę oniemhi nya ali  
eni ę lo oko-okę oniemhi ya asha ali eni  
ę gua li ali eni e rote okę oniemhi ę mie  
ifata, e ya tapfia migha. <sup>18</sup> Ini e me ewoli  
eyi utomhi oyoli, e ya lie, ‘Eoli okhoghuo  
o la o ni o li abi oni eoli oniemhi?’<sup>¶¶</sup> <sup>19</sup> E  
yalo ifufu ku ukhomhi, e ri evie ali oya  
vie leghe, ee lie,<sup>§§</sup>

“Eekhue-o! Eekhue-o,  
yeye eoli oniemhi,  
ni eni e mholi  
oko-okę oniemhi nya,  
e te mholi epfue eyewe  
rote osuemhe oyi oni eoli!  
Elemhi iwakati oghuo tse  
a ro pfuse oli-a.\*

<sup>20</sup> A ri itobo li  
ke ghele, iloghie,  
A ke ghele,  
e e ni a pfa na  
ali ighiusomhi na ke e ali emekeguele!  
Irari khi Eshinegba  
o she gue oli ezo  
shi abi o li nase e.”<sup>††</sup>

<sup>21</sup> Igho ageni nofune o rue udumhi  
eche ni o li abi eche iko pfilo oni okę  
oniemhi, o o li,  
“Ekpabo na guo  
a ro ya guogh o  
eoli iBabilo oniemhi-a,  
aa ke gbo ya

me ę eloe ghue.<sup>‡</sup>

<sup>22</sup> Ogb o ke gbo ya suo  
uruli efa  
wekhi oyi emini aa kpheli  
wekhi oyi ofele,  
wekhi oyi akala  
elemhi yeye oni eoli ona ghue.  
Ogb o ke ya me  
ogbakanya okhoghuo  
elemhi ę ghue.

Ogb o ke ya suo  
okeke emini a mhele iko,  
elemhi ę ghue.<sup>¶¶</sup>

<sup>23</sup> Erali akpa o ke gbo ya ge  
elemhi ę ghue,  
wekhi eri a ya gbo suo  
uruli eni ę zu ode  
elemhi ę ghue.  
Eduoki eye e khi  
egbo eni e fune na eke agbo,  
u ri ogb o ye  
di ishishi nya wase-a.<sup>§</sup>  
<sup>24</sup> Elemhi oni eoli a me  
olia eyi emekeguele  
ali eyi eni a pfa na,  
ali eni a gboloa shi eke agbo nya.”<sup>\*\*</sup>

### Okuekhoogo!

**19** Onana o dose se, mhi suo uruli ni  
o li abi okeke oniemhi oyi ebubu  
egbo obini iloghie khi oo tse se, oo lie,  
“Okuekhoogo,  
Imiepfuese ali ufumhi  
ali ekpabo khi  
eyi Eshinegba oyawa.  
<sup>2</sup> Irari khi iguezo oyoli

<sup>‡‡</sup>18:17 Li ze Aza 23.14; Ezik 27.26-30

<sup>¶¶</sup>18:18 Li ze Ezik 27.32

<sup>§§</sup>18:19 Li ze Ezik 27.30-34

\*18:19 Li ze Ezik 27.30-34

†18:20 Li ze iDeut 32.43; iJere 51.48

‡18:21 Li ze iJere 51.63-64; Ezik 26.21

¶18:22 Li ze Ezik 26.13; Aza 24.8

§18:23 Li ze iJere 7.34; 25.10

\*\*18:24 Li ze iJere 51.49

eyi igesikia ali  
eni e sheshe e khi.  
O she pfa ezo mu  
adegebe onofune,  
oni o she ri okia eyoli  
yese eke agbo-a.  
Eshinegba o she ye okholi  
to olia eyi eni ege ga eyoli.”††

<sup>3</sup>Igho e gbo tseşe, e lie,  
“Okuekhoogo!  
Ewoli eyoli e she e nga  
idane agboagbo.”‡‡

<sup>4</sup>Igho egbhali uye ali aane ali  
elamhako aane, e de yeshi, e ga  
Eshinegba ni o shito oni ukpekhomhi  
oghie, e lie,  
“Atse! Okuekhoogo!”

<sup>5</sup>Uruli o rote oni ukpekhomhi oghie  
ngme o o lie,  
“A kueghie  
Eshinegba oyawa,  
ee ni ee ga eyoli nya,  
ee ni a na ulishi oyoli,  
ghe egbo ni e fu  
ali eni e she!”¶¶

<sup>6</sup>Igho mhi suo uruli ni o li abi uruli  
oniemhi oyi ebubu egbo ni o li abi in-  
gmolo oyi oko ni o o tu, ni o gbo li abi  
ingmolo oyi akphala. Ee lie,  
“Okuekhoogo!

Irari khi Eshinegba  
Onomhuo oyawa Nofune nya,  
loli o le oghie!§§

<sup>7</sup>Awa ke ghele,  
egbe ke mu awa,  
awa ri ufumhi nali!  
Irari khi izu-ode oyi  
oni Omi Osumha

o she ramhi,  
omueshi o she mu egbe shi eke.

<sup>8</sup>Ode opfopfo  
ni o dala ni o pfuase,  
a ro nali so.”

(Oni Ode opfopfo, igue ngeli oyi eni a  
pfa na o migha shi.)

<sup>9</sup>Oni ageni o o mhe, “Keke khi.  
‘Ikhivose o khi na egbo ni a lu shi oni  
ukue aruele oyi izu-ode oyi oni Omi  
Osumha.” O gbolo e mhe, “Ingmemhi  
enana, egbegbi ingmemhi eyi Eshinegba  
e khi.”\*

<sup>10</sup>Igho mhi de ya wugha li awe ni mhi  
ga li. Ama o o mhe, “Khi li gho! Oni o o ga  
nabi yeye ali onabi inyoghuo e enekpole  
mhi khi ni e mu otsele oyi iJesu mhue.  
Ga Eshinegba! Irari khi otsele oyi iJesu  
o khi ayemhe imekeguele.”

### Oni o nga achi opfopfo

<sup>11</sup>Igho mhi me khi iloghie o khueghie-  
a mhi me achi opfopfo. Oni o nga li a  
lu oze-regbenga ali oni o khi igesikia.  
Ode ni o a mhue azeba o te e so ezo,  
ni o te e kholi.† <sup>12</sup>Ikpamhi alo eyoli e  
li abi elemhi ere. O rughu irula oghie  
ni e bu. O mholi eva ni a keke shi oli  
egbe ni ogbo olese o a lese, se ni loli ghuo  
kpele.‡ <sup>13</sup>O so awulu ni a so olia. Eva ni  
a lu oli khi, “Ungmemhi oyi Eshinegba.”  
<sup>14</sup>Ekholi-okhue ni e la iloghie e deba li  
kia, e sono itsua epfopfo ni e dala ni e  
pfuase, e nga ichi epfopfo. <sup>15</sup>Itakobi ni  
o o mu o rote unu oyoli lasele, ni o ro ya  
kholi eni ishishi. Otsuodu akhuli o ro ya  
ke mhese na eni ishishi. O ya rote ashini  
a te e mino-onyo mino onyo lasele, Ikhi

††19:2 Li ze iDeut 32.43; 2 Ighie 9.7

‡‡19:3 Li ze Aza 34.10

¶¶19:5 Li ze Iwolo 115.13

§§19:6 Li ze Ezik 1.24; Iwolo 93.1; 97.1; 99.1

\*19:9 Li ze iMat 22.2-3

†19:11 Li ze Ezik 1.1; Iwolo 96.13; Aza 11.4

‡19:12 Li ze iDan 10.6

onyo no khi ofu oniemihi oyi Eshinegba Nofune nya.<sup>†</sup> <sup>16</sup> A keke eva, “Oghie Ni o Mholi Ighie, Ali Onomhue Ni o Mholi Ekhemhue,” shi awulu na dogo oyoli ali ukhiowe oyoli. <sup>17</sup> Igho mhi me agheni khi o migha ovo, ni o vie lasele leghe lui ipfeli ni e la irarogbe e fiala, “A bhale a ka legba shi aruele ogbomhi oniemihi oyi Eshinegba. <sup>18</sup> Eghегhe agho ni a le elamhi idiegbe oyi ighie ali ega ekholi-okhue ni e ri ekholi-okhue e ye okhue, ali elamhi idiegbe eyi egbo nefune, shi elamhi ichi ali eni e nga we, ali elamhi idiegbe egbo nya, shi ighumha ali eni ea khi ighumha ghe egbo enikeke ali egbo eniemihi.”<sup>§</sup>

<sup>19</sup> Igho mhi me oni inyagbemhi ali ighie na eke agbo ali ekholi-okhue eyoli khi e lona kugbe, ni e ro nu oni o nga oni achi ali ekholi-okhue eyoli kholi. <sup>20</sup> Ama a mu oni inyagbemhi ma omekeguele oyi egbholi oyoli, oni o ri eva oyoli gbe irokhase onyaloa. Eni irokhase ena o ro di egbo ni e mie eni olee eyi oni inyagbemhi shi egbe, ni e ga irokhokho oyoli ni a khali. Oni inyagbemhi ali oni omekeguele oyi egbholi, a mu we pfilo uyele erali ni ofulu o la to kua yala.\*\*

<sup>21</sup> Eni e kpole, a ri itakobi oni o rote unu oyi oni o nga oni achi gbolo we-a. Eni ipfeli nya e ri elamhi idiegbe eyewe le.

### Ikpe Agbele

**20** Igho mhi me khi agheni o rote idane e tiemhile o mu okpe ilimhi na ningolo mholi obo, o tsua ukpokpomhi uweghe. <sup>2</sup> O gamhi oni oligio oniemihi rue, ikhi enye onede ogbo ni o khi etse ali Okphaghie, o ge oli ikpe

agbele oghuo.<sup>††</sup> <sup>3</sup> O pfi oli lo oni ilimhi na ningolo, o pfi okpe o. O pfi oni ilimhi na ningolo unu ma, ini o khi ke gbo me asha di ishishi egbo, ya ramhi ni eni ikpe agbele e ro ya gba. Ini ona o dose se, a mema ya rue oli obo-a ukuku eghегhe.

<sup>4</sup> Igho mhi me ikpekhomhi ighie. Eni e shito o, e khi eni a ri afu na ni e ri egbo gue ezo. Igho mhi gbo li me iyemhe eyi egbo ni a kholo ikhomhi o, irari otsele ni e pfi na iJesu ali ungmehi oyi Eshinegba. Eni egbo ena ea ga oni inyagbemhi wekhi irokhokho eyoli, wekhi eri e mie olele oyoli shi atete ukhomhi, wekhi obo. E ya te eghuli guale, e ya nu iKirisiti mhese ikpe agbele.<sup>‡‡</sup> <sup>5</sup> Egbo ni e kpole ni e ghuloa ea ke rote eghuli guale, ramhi ni ikpe agbele egbo e ro gba. Onana o khi irote eghuli guale onodode. <sup>6</sup> Ikhivose ali ipfuase e khi eyi eni e mholi obo shi iguale onodode onana. Eghuli onuzi-eva o mholi ekpabo shi egbo eghogho egbe, ama e ya khi ekpodalo-ugamhi eyi Eshinegba ali eyi iKirisiti. E ya nu oli mhese ikpe agbele.

<sup>7</sup> Ini eni ikpe agbele e gba se, a ya taghie Okphaghie owa ighumha oyoli-a. <sup>8</sup> O ya fie lasele ya di egbo ni e la ishishi nya na eke agbo, ikhi egbo ni a lu iGogi ali iMagogi, ni o ro ti we gbili shi okholi. Eri e bu abi ekhashe ni e la egele oke oniemihi.<sup>¶¶</sup> <sup>9</sup> Igho e to ogholi ya gbe eke agbo khia, e pfi gase apfe eyi egbo eyi Eshinegba, eoli ni o nono egbegbo. Ama erali e rote idane tiemhile ya tose we-a. <sup>10</sup> Oni etse ni o di we, a mu oli pfilo erali ilimhi irierie ni ofulu o la to kua yala. Ikhi ashini a pfi oni inyagbemhi ali

<sup>†</sup>19:15 Li ze Iwolo 2.9; Aza 63.3; iJoe 3.13; Iro 14.20

<sup>§</sup>19:18 Li ze Ezik 39.17-20

<sup>\*\*</sup>19:20 Li ze Iro 13.1-18

<sup>††</sup>20:2 Li ze Igbae 3.1

<sup>‡‡</sup>20:4 Li ze iDan 7.9,22

<sup>¶¶</sup>20:8 Li ze Ezik 7.2; 38.2,9,15

omekeguele oyi egbhōli lo. A ya la agho na we osoli agboagbo, no gbe no bi.

### A ri eni e ghu-a gue ezo

<sup>11</sup>Igho mhi me ukpokpomhi ukpekhomhi oghie opfopfo ali oni o shito o. Abi o shito egho, eke ali ukhui e kele-a, ea ke me ashikhoghuo la. <sup>12</sup>Igho mhi me egbo ni e ghulua, ghe eniemhi, ali enikeke, e migha odalo oni ukpekhomhi oghie. Igho a khueghie ebe ni e bu-a. A gbo khueghie ebe olese-a ni o khi ebe ni a keke eva oyi eni e ya mhōli agbo na agboagbo shi. A gue eni e ghu-a ezo abi ikanya ni e gbe e li, abi a li keke we shi eni ebe.<sup>§§</sup> <sup>13</sup>Oke o kpa egbo ni e ghulua shi o ku lasele. Eghuli, ali ilimhi, e khueghie unu-a kpa egbo ni e la elemhi we ku lasele. A gue ogboagbo nya ezo abi o li gbe. <sup>14</sup>Igho a pfi Eghuli, ali ilimhi lo uyele erali. Erali ilimhi irierie onana o khi eghuli onuzi-eva. <sup>15</sup>Onini eva oyoli o da la oni ebe ni a keke eva oyi eni e ya mhōli agbo na agboagbo shi ne, eri a ya pfi oli pfilo oni erali ilimhi irierie.

### IJerusalemu Onogbo

**21** Igho mhi li me iloghie onogbo ali eke agbo onogbo. Iloghie onodode ali eke agbo onodode e she kala-a, igho li khi oke oniemhi.\* <sup>2</sup>Mhi me oni eoli ni o pfuase ikhi oni iJerusalemu onogbo khi o rote idane e tiemhile rote obo oyi Eshinegba, abi omueshi ni a khuse somhotse e ghi odo li.† <sup>3</sup>Igho mhi suo ukpokpomhi uruli khi o rote oni

eghiele e lie, “A ghe khe! Eshinegba o ri apfe oyoli tiemhile deba egbo, eri o ke ya nu egbo ngeli kugbe, eni egbo e ya khi egbo eyoli, Eshinegba o ya nu we la kugbe.‡ <sup>4</sup>O ya shishi we amevie alo-a, eghuli o ke ya lao, wekhi eri a ke ke vie wekhi asha o ke ya ke to ogbo, irari khi emini edio e she dose.”¶

<sup>5</sup>Oni o shito oni ukpekhomhi oghie o o li, “Ghe khe, Mhi ri emhikpa a mele enegbo-a!” Igho oo, “Keke emhi enana shi eke irari khi ingmemhi ni a ri egbe e da ni e khi igesikia e khi.”

<sup>6</sup>Oo mhe, “A she li oli. Mhemhe mhi Aafa ali Omega, mhemhe mhi khi igbaekele ni mhi khi ozukhomhi. Oni okiam e o o gbe, mhi ya rote oke ni o o chocho ame, ni o ri agbo a na ogbo na li da afue.‡ <sup>7</sup>Oni o da mu o le ne, o ya mhōli ikhivose ona, ni, Mhemhe mhi ya khi Eshinegba oyoli, loli o khi omimhe.\*\*

<sup>8</sup>Ama egbo ni e khi enulishi ali eni ea ya lama miesuo, ena angeli ichimhi ali egbugbeli, ali ena itsebo eni e mu imhese ogbo ali eni ega ikhumhi, ali e lo egbhōli nya, okiemhi oyewe o ya khi erali ilimhi irierie ni ofulu la to kua yala. Onana khi eghuli onuzi-eva.”

<sup>9</sup>Ageni oghuo eni oshilua ni o mhōli italabi ishilua ni e vo anasemhe ishilua ni e kpe ukhokho, o bhale ya lie mhe, “Bhale, mhi ya ri oni omueshi onogbo khashe, ni o khi ughue oni Omi Os-umha.” <sup>10</sup>Elemhi oni ayemhe, oni ageni o tsua mhe nga ukhomhi ute oniemhi ni o yagha, o remhe khashe oni Eoli-Nopfuase ikhi iJerusalemu, khi o rote idane

§§20:12 Li ze iDan 7.9-10

\*21:1 Li ze Aza 65.17; 66.22; 2 iPit 3.13

†21:2 Li ze Aza 52.1; 61.10; Iro 3.12

‡21:3 Li ze Ezik 37.27; iLev 26.11,12

¶21:4 Li ze Aza 25.8; 35.10; 65.19

§21:6 Li ze Aza 55.1

\*\*21:7 Li ze 2 iSam 7.14; Iwolo 89.26-27

te obọ oyi Eshinegba a tiemhile.<sup>††</sup> <sup>11</sup> O ri ufumhi oyi Eshinegba ge nyanyanya. Ugemhi oyoli o li abi echele ni o somhi otse ni a lu iJasipa ni o li abi ughegbe. <sup>12</sup> O mhọli ukpokpomhi ugbe ni o yagha ni o mhọli ode inuekpe igbeva. Eni ode inuekpe, igeni ogbava e la o. Eni ode inuekpe igbeva ena a keke eva eyi edeli igbeva eyi iZireni shi o. <sup>13</sup> Ode inuekpe esese e la obọ-ugbe enenene oyi oni ugbe. Eşe e la ukiekie obini ovo o te e ngale oyoli, esę e la ukiekie obita, esę e la ukiekie ogobo, esę e la ukiekie obini ovo o te e lo eko.<sup>‡‡</sup> <sup>14</sup> Oni ugbe ni o gasę oni eoli o mhọli eche irogbekę igbeva. Eni eche irogbekę ena, a keke eva eyi ighi-somhi na keę ogbava eyi oni Omi Osumha shi o.

<sup>15</sup> Oni o nu mhe e ngme, o mhọli ukpokpo ni a roę mhesę emhi ni o khi igolu ni o ro ya mhesę oni eoli ali eni ode inuekpe ali igbe eyoli.<sup>¶¶</sup> <sup>16</sup> Oni eoli o ze abo igbe ene, ni iyagha ali inuata ali uemhi eyoli e li abizize. O mhesę oni eoli, o ya khi ikuku emhi ea la imali agbele ali egbhueshe ashi ishe (1,500), unuemhi ali uemhi eyi eni abo igbe ali iyagha eyoli e khi abizize. <sup>17</sup> Oni azeni o li mhesę ugbe oyoli, e ya khi ete-awę egbhuegbe. Abi awa lie mhesę eke. <sup>18</sup> Ugbe oyoli, eche ijasipa a ro ma li, oni eoli o khi egbegbi igolu ni a te e me eke abi ughegbe. <sup>19</sup> Irogbekę oyi igbe ni a ma gasę oni eoli e ya khi eche ni e ghale ododa. Onodode o khi ijasipa, onuzi-eva o khi isafaya, onuzi-esę o khi ikalise-doni, onuzi-ene o khi emeradi, <sup>20</sup> onuzi-

ishe o khi isadonizi, onuzi-esesa o khi ikaneliani, onuzi-ishilua o khi ikirisolati, onuzi-elele o khi iberili, onuzi-itili o khi itopazi, onuzi-igbe o khi ikirisopirazi, onuzi-igbaghuo o khi ijasiti, onuzi-igbeva o khi ametisiti. <sup>21</sup> Eni ode inuekpe igbeva e ya khi ifefe. Ode unuekpe ogbogbo a ri ufefe oyoli riele oli. Ode agbala ni o la oni eoli, egbegbi igolu ni a te e me eke abi ughegbe a ro ku oli.<sup>§§</sup>

<sup>22</sup> Mhi aa me Owa ugamhi okhoghuo oni eoli, irari khi Eshinegba Onomhwe Nofunę nya ali Oni Omi Osumha wewe e khi Owa Ugamhi ni e la agho. <sup>23</sup> Oni eoli oa ke mhọli emini o ri ugemhi oyi ovo wekhi oyi uki ya li. Irari khi ugemhi oyi Eshinegba loli o khi akpa ni o la agho, oni Omi Osumha o khi akpa ni o la agho. <sup>\*</sup> <sup>24</sup> Egbọ na agbo nya e ya ri oni akpa ke kia, ighie ni e la agbo e ya tsua efue eyewe bhale agho. <sup>†</sup> <sup>25</sup> Ogbọ oa ya tigbe khukhu ode inuekpe ni e lo oni eoli le ghue, itobo khi ogbo oa ya me eliyose agho. <sup>26</sup> A ya tsua efue ali ufumhi eyi ishishi lo oni eoli le. <sup>‡</sup> <sup>27</sup> Ama, emini e ri ichimhi e mu oa ya tigbe lo agho le, wekhi ogbo ni oo gbe ikanya omama ali ni o riele emhi egbhue, se khi ogbo ni eva oyewe o la ebe ni a keke eva oyi eni e ya mhọli agbo na agboagbo shi oyi oni Omi Osumha.<sup>¶</sup>

### Oke Ame Agbo

**22** Igho o ri oke ame ni o ri agbo o na ogbo khasę mhe, oke ni o pfuase abi ughegbe, ni o rote ukpekhomhi Eghiele oyi Eshinegba ali oyi Omi Os-

<sup>††</sup>21:10 Li ze Ezik 40.2

<sup>‡‡</sup>21:13 Li ze Ezik 48.30-35

<sup>¶¶</sup>21:15 Li ze Ezik 40.3

<sup>§§</sup>21:21 Li ze Aza 54.11-12

<sup>\*</sup>21:23 Li ze Aza 60.19-20

<sup>†</sup>21:24 Li ze Aza 60.3

<sup>‡</sup>21:26 Li ze Aza 60.11

<sup>¶</sup>21:27 Li ze Aza 52.1; Ezik 44.9

umha tu u lasele.<sup>§</sup> <sup>2</sup>Oni oḱe o roṭe iteva oyi oni oḱe agbala ni o la oni ẹoli. Uki-iekie eve-eva oyi oni oḱe, oṛa ni o ri agbo o na oḱbo e migha, ni o mo idumhi igbeva oḱoda, ni oṛ mo idumhi uki kpa. Ebe oyi oni oṛa a ro ri ishishi ẹẹ ze.\*\*  
<sup>3</sup>Emhikhoghuo ni Eshinegba o pfi unu na oḱa ke ya la agho. Ama ukpekhomhi oghie oyi Eshinegba ali oyi Omi Osumha oyoli e ya la agho, eni ẹẹ ga eyoli e ya ke ga.<sup>††</sup> <sup>4</sup>E ya me alo eyoli, ali eva oyoli o la we alukpo. <sup>5</sup>Eliyose oḱa ke ya lao. Eḱa mholi emini e ri ugemhi oyi akpa ali ugemhi oyi ovṛo ya li, irari khi Eshinegba Onomhue lolighuo o ya khi akpa oyewe, e ya ke mhese abi ighie agboagbo.<sup>‡‡</sup> <sup>6</sup>Oni aḱeni oṛo mhe, “Eni ingmemhi enana, eni a ri egbe e da e khi, e gbo khi igesikia. Eshinegba Onomhue ni o ri ayemhe oyoli na emekeguele, loli o ghie aḱeni oyoli o ka roḱhasẹ eni ẹẹ ga eyoli, emini a ya me ni oḱa ke ya tese.”

### Ijesu o ya bhale

<sup>7</sup>“A ghe ii, mhi keḱe ya bhale! Ikhivose o khi na oḱbo ni o ri ingmemhi imeguele ni e la ebe onana gbe akanya.”

<sup>8</sup>Mhemhe iṀoni mhi suo, ni mhi gbo me emhi enana. Abi mhi ro suo, ni mhi ro gbo me na, mhi de ya wugha oni aḱeni ni o ri eni emhi enana khasẹ mhe awe ni mhi ga li. <sup>9</sup>Ama o gueye mhe, “Khi li igho, oni oṛ ga nabi yeye ali onabi inyoghuo e emekeguele, ali eni e ri ingme

ni a keḱe shi ebe onana gbe akanya mhi li khi. Ga Eshinegba!”

<sup>10</sup>Oṛo mhe, “Khi khukhu ingmemhi imeguele ni e la ebe ona, irari khi oni eghẹghẹ o she ti ramhi. <sup>11</sup>Oni oṛ riḱe onobe, o ke riḱe tsee, oni oṛ gbe ikanya ichimhi, o ke gbe tsee, oni oṛ gue a ngeli, o gue ke ngeli tsee, oni oṛ pfuase, o pfuase ke le tsee.”<sup>¶¶</sup> <sup>12</sup>“A ghe ii, mhi keḱe ya bhale, mhi tsua ifata eyemhe, mhi ya fali oḱboḱbo ota abi o li gbe.<sup>§§</sup> <sup>13</sup>Mhemhe mhi khi Aafa ali Omega, Mhemhe mhi khi oni Odode ali Okpukhokho, ni mhi khi Igbaekele ali Ukpese.\*

<sup>14</sup>“Ikhivose o khi na eḱbo ni e pfe iwulu eyewe-a pfuase, ni e mhue obo shi oṛa ni o ri agbo a na oḱbo, ali ini e ba me asha roṭe oḱe unuekpe ni o lo oni ẹoli, le lole.<sup>†</sup> <sup>15</sup>Ewa e la oolase oni ẹoli, ali eni e mu imhese oḱbo ali eni e li itsebo ali eḱbo ugbeli ali eni e ga ikhumhi ali eni e da nono ingme eḱbholi, ni e di eḱbo.

<sup>16</sup>“Mhemhe iJesu mhi she ghie aḱeni oyemhe o ri otsele ona ghi e eni igbaa nya eyi eni e mie iJesu iKirisiti suo. Mhemhe mhi khi Umhili ali Omiomi iDefidi, Mhemhe mhi khi Ukpeta ni o ge eluzogbe.”<sup>‡‡</sup>

<sup>17</sup>Oni Ayemhe ali omueshi onogbo oṛo li, “Bhale!” Oni o suo ona o li lie, “Bhale!” Oni okiamẹ oṛo gbe o bhale, ali onini o ghole o bhale ka da amẹ ni o ri agbo a na oḱbo, afue afue.<sup>¶</sup>

§22:1 Li ze Ezik 47.1; iZaka 14.8

\*\*22:2 Li ze Igbae 2.9; Ezik 47.12

††22:3 Li ze iZaka 14.11

‡‡22:5 Li ze Aza 60.19; iDan 7.18

¶¶22:11 Li ze iDan 12.10

§§22:12 Li ze Aza 40.10; 62.11; Iwolo 28.4; iJere 17.10

\*22:13 Li ze Iro 1.8,17; 2.8; Aza 44.6; 48.12

†22:14 Li ze Igbae 2.9; 3.22

‡22:16 Li ze Aza 11.1,10

¶22:17 Li ze Aza 55.1

<sup>18</sup>Mhi tse agua ye ogbo ni o suọ imeguele ni e la ebe ona. Ini ogbokhoghuo o khi ma o, Eshinegba o ya khi anasemhe ni a keke shi ebe ona ma li agbo. <sup>19</sup>Ini ogbokhoghuo o rote ingmemhi imeguele ni a keke shi ebe onana rue pfi-a, Eshinegba o ya mie oli okemhi ni o mholi shi oora ni o ri agbo a na

ogbo, ali ashini a khi na li shi eoli ni o pfuase, ni a ngme ingme oyoli shi oni ebe onana.<sup>§</sup>

<sup>20</sup>Oni o pfi otselẹ shi ebe onana, oo, “Igesikia lo, mhi kele ya bhale.”

Atse. IJesu Onomhuẹ bhale.

<sup>21</sup>Okhale oyi iJesu Onomhuẹ o ka nu eni miesuo nya la, Atse.

---

§22:19 Li ze iDeut 4.2; 12.32